


四庫全書存目叢書編纂委員會編

齊魯書社




四庫全書存目叢書

集部
第八四冊

責任編輯：孫言誠 賀 偉

ISBN 7-5333-0615-5



9 787533 306151 >

3821/06

四庫全書存目叢書·集部八四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092毫米 16開本 46.5印張

1997年7月第1版 1997年7月第1次印刷

印數1-100

ISBN 7-5333-0615-5

Z·60 集部定價：127800圓

集部第八四冊目次

集部・別集類

飛鴻亭集二十卷(二)

〔明〕吳鵬撰
北京圖書館藏明萬曆吳惟貞刻本

..... 一

葉海峰文集二卷

〔明〕葉良佩撰
首都圖書館藏清光緒二十七年刻本

..... 一四六

重鐫兩崖集八卷

〔明〕朱廷立撰
湖北省圖書館藏明朱之楫等刻本(卷五配鈔本)

..... 一九一

鳳林先生文集四卷

〔明〕王從善撰
北京圖書館藏明嘉靖四十五年衛東楚刻本

..... 二六三

中川遺稿三十三卷

〔明〕王教撰
北京大學圖書館藏明嘉靖三十九年清白堂刻本

..... 四二五

飛鴻亭集二十卷(二)

〔明〕吳鵬撰

北京圖書館藏明萬曆吳惟貞刻本

附《四庫全書總目·飛鴻亭集

二十卷》提要

飛鴻亭集卷之十三

秀水吳鵬萬里父 著

長孫惟貞校梓

書

張玉泉

僕也嘗於奏疏及海防書中知王泉功業之駿茂有潑仰馬頃會又聞緒論毅然計所樹立當有與銅柱爭峙者茲幸借重於我下邑行見海波不揚東南無警豈惟林泉老朽賴以安席寔宗社之慶也

飛鴻亭集卷之十三

朱篴菴

東湖在日不甚留意家政故其絲錯無紀似此賴公如天之庇今印子漸底於成然印子稱事體未習練小女亦幼未開於壺則其竊心恒念之痛之渠散逸之業難於歛拾驕悍之僕難於控制懷憾者難平其心覬覦者難滿其慾將來未知其究竟何如所恃者明公在位譬之皎日麗空而陰邪匿伏陸氏得以安全如故不然久已困矣願明公留

意作一區處使善其後印子所居之宅東湖特起
造為婚配計也成親似宜仍居此宅况東所與眾
共處恐未穩當不敢盡言惟公諒之

李業齋

遠別不見顏色山川睽阻又弗克數問起居惟有
悵仰所幸時聞政譽於縉紳喜以自慰知聲寔日
隆赤城之眠不復能久板使轍也平生慕天台為
靈仙之所窟宅馳神運思與孫興公同未得永托
翔遊為歎倘明公肯以尺幅繪一圖賜及則丹丘
福庭移置於我草堂間矣寧不為快

曹桐峰

頃者台從經敕郡秉燭一談真進我十年矣越宿
出謁知仙舟迅發不能追今值養白兄便特布鄙
悵兼謝先辱

徐存齋

先是令家僮問候起居計當徹聽近日小兒緝書
還具述老丈倍膺萬福蓋華夏方倚賴以為安公
之精誠孚契天固有顯相而潛佑者百祿是荷非

東陽集卷之十三

二

三

偶然也兒輩數蒙接引教之又從而振翼之覆載
悵懷之德何以為報弱息今歸之陸氏伏老丈終
始成全恩施罔極但聞印壻血氣未定而童心未
克中間或有導之以縱逸至不可禁遏是不用矛
刃而殺人者也借老丈鼎重訓戒引置莊嚴之間
豈惟萬樹公賴之將來使陸氏世世繩蟄不替誠
大惠也第五犬子得壻於萬樹公當時議成杯酒
之間不幸萬樹公先棄我去某亦侵尋老病子女
且幼更遲十年不知光景仍似今否以此某欲請
陸小姑過寒宅待長養成親風心懷之而不敢先
發頃聞老丈緒論實先得鄙心之所同然伏念幾
務叢集而精神運思猶及於此公之憂先天下是
亦足徵其槩矣尚願老丈主張轉為達之簞菴親
家如肯允從乃敢敬致求請况拙婦以送女北上
今携息而南省十年外人之議論數千里往返跋
涉之艱虞一旦獲萬全之益非老丈其誰能成之
其也又將誰是望

潘笠江

東陽集卷之十三

三

往承教愛奉違弗克數問起居然時時於犬子家
音中具聞萬福頃知台駕南還未遑走使為賀四
時之序在笠江固無入而不自得但使 朝廷之
上去一老成人言者亦近於不恕矣昨會令嗣曾
備談殊增慨也生抵家無他事惟與耕夫釣徒日
翱翔於烟雲湖水之間頗有忘機之樂叅玄問道
雖切素心恨無仙骨未遇真傳今僅不失為故吾
耳私念公之功行既滿超凡入聖誠非鄙人所能
追跼賜指授點化俗胎使從控鸞騶鶴之役不
亦幸乎

飛鴻亭集 卷之十三

四

三

陸山泉

八月二十九日小价回知賢壻大婚禮竣有父道
焉任職居官有臣道焉萬樹公生前屬望之切今
有成人之責以慰萬樹公者有子道焉則壻之一
身所關係者不淺其所以修身勵行慎始謹終者
亦不可不力如比之匪人昵于凡近安於小成恐
非所以上慰萬樹公者適見存齋訓戒之詞真對
病之良藥不可不深思而服佩者宜刻扁懸之中

堂庶幾為觸目警心之助先儒言非苟知之實允
蹈之竊為壻重致囑也不然則相知之望俱在矣
如萬樹公何哉令妹議同家累南來寔感存齋簾
菴推念推愛之至然母子不相離所以善後之策
不得不圖惟於先時遺疾足報知汝舅往謀於存
齋簾菴不知作何議也托孤寄命予嘗以是自心
許其敢負相知哉

倪若谷

奉違二年餘每切想念而音塵稍寒蓋山林跼伏
飛鴻亭集 卷之十三
五
之人形響不得不潛而數數白書大都之上恐不
相信者反致疑涼薄是以幾欲修問伸紙濡墨復
止近聞若谷若謂我不想念者對人即誚讓語言
及之若谷可謂不相信者吾老矣學仙無成忽忽
待盡相知者宜相起而乃更相尤耶一笑一笑印
舛姻事既成求媒者本屬男宅以是僕不敢先事
啟齒又私念東湖平昔處若谷之厚必不以存殁
異視今果賴若谷周旋豈惟東湖地下知感僕亦
仰德矣

馮午山

素給舍至奉辱手書高情藹然如承警效兼審起
居元吉令郎聰敏日進公詩情酒興方徜徉於湖
山溪月之間誠為樂事但念蒼生懸望當寧懷賢
恐不能安臥雲樓上也生家居僅不失故吾所苦
老病侵尋牙齒搖動而為修情廢雖寤寐崙師形
響隱絕驂鸞控乳竟成虛語公於衡岳咫尺當有
密遇者不識肯踐初約携我共躋彼岬否

王夢鶴

飛鴻亭集卷之十二

木

方

僕迂疎性成才不達用前此承乏銓部賴諸名賢
左右獲免於罪戾而夢鶴之愛我彌我於儔衆中
更至且深能無感乎別後久切懷企以道里之不
易亦能時問動定頃潭門來稂蒙遠翰情文藹然
僕老矣近者病亦侵尋所冀材傑益崇令德以答
清世若夫機局之順逆利鈍則宜付之義與命也

鍾西臯

生跼伏草莽嘗聞壽星照臨東海上必公足以當
之近頗習為修性養命之道以希蹤遐軌不識肯

容半席否若夫桑榆之會則此心作凝冰矣

董潯陽

緝兒還備聞居起之詳推愛之至且承承貺西杞
為老人瘡病扶衰之助覽邸報知令孫蒙蔭志修
竣事意者在近日計必膺封賚隆典均足為門下
賀也聞醜虜侵及近郊自庚戌來再至矣聖上
憂危可知今天心厭亂虜已宵遁然將來隱慮不
免更煩經畫耳

陳見吾

飛鴻亭集卷之十三

七

方

伏惟明公泣浙無幾仁敏廉毅之聲竟達四境民
方賴以為安而鄙人雅荷悒悒之庇亦獲守衰拙
於草野今明公擢且行矣雖當道者念八閩多事
假材傑以鎮之然浙人攀戀之情何以為慰閩俗
故尚畚近罹寇變民當益憊初政似以收拾民心
為本民心得又何他政之難圖明公素有見於此
者因風及之

張松陵

令德芳譽流傳縉紳間譬之夜光琳碧照耀區宇

孰不知所企嚮况僕雅辱垂愛者耶然不能數數
候起居誠以山林跼伏之跡固宜潛且遠也即承
翰教憐憫厚情溢于言表顧僕何以當之

符重吾

執事政教傳諸口碑僕耳得之兒輩還獲觀瞻德
容聆清誨對僕欽頌再三即如僕去沛已久山林
跼伏無足為時軒輊而執事者獨為沛民繫思惓
惓留神於祠宇今又勞遣三老訪僕于二千里外
驚水竄寔之濱此其意豈泛泛與時隨波上下者
飛鴻亭集卷之十三
乎僕於是益知執事懷古道加于人倍蓰而政與
教之施當有四達不悖者能不敬服乎

張東沙

奉違台範既久弗克以時候訊動履然每得諸聞
聽知玉體安吉順情墳籍述作成一家言將藏之
名山而遺後世古人所謂三立者公蓋兼焉豈尋
常所能企及萬一但今四郊多事主上側席老
成恐東山不能遂高臥耳蒼生休戚安危所繫聊
以公之行止卜之生年齒衰暮取達於魚鳥花月

之外中情一無所營雖故吾尚存而精神意氣不
如前多矣要之似非永年駐世者公玄學深邃幸
有以教我

李西野

使至得聞動定不啻侍几杖而承謦欬未音慰浼
良劇私念某家居近日寡所交游緣物態蒼黃久
要難恃又民頑俗薄觸目可憎只得尋魚鳥花月
自適以吾一鄉觀之恐別郡省多類是足以知我
公今日之所值矣請順受付之浮雲流水何如

飛鴻亭集卷之十三

馮午山

先是袁給舍使旋僭具啓候門下然三年為別數
千里瞻邇之懷殊非筆舌能盡以僕之私心如是
知午山之情同之也今器讀書日益公夢蘭之慶
今當有徵便煩示及容修賀也僕家居謝客了無
他營日與魚鳥花月為伴覺得野况閒逸身心稍
安且比來民風士習與夫吏治交情皆沿習為滿
薄惟潛隱溪壑庶幾可避機穽非高明不能動此
意也公嘗欲觀錢塘西湖之勝而僕亦願窺太和

名山恐均當作夢遊耳地隔心馳奈何

白仰菴

睽遠殊切瞻邇以疎懶故青塵稍寒故聞動履多
福日自暢適於圖書山水之間彼氛埃馳騁逐波
而飲水者較所得孰多也非達智不足以語此僕
杜門寡交往且吏習民風舉從清薄是以潛隱深
密恐離機穽人云仰菴家居亦不得免焉俗之偷
可嘆也惟逆來順受為當

吳石溪

龍溪事集卷之十三

十

三六十一

奉違多歷年所音塵踈曠而粹然之容擴然之度
猶能彷彿想見也明公守純抱一充養既深御風
騎氣真逍遙於無為之野念僕淺陋寡聞徒願學
焉而未至何由侍左右請教至言發我聾聵也

臧龍泉

今之後政者多矣大率自行胸臆以要美名為國
為民之意姑舍弗論不亦負於天乎執事素有見
於此者惟虛心實政庶幾夙夜以永終譽何所往
而不遇也此意真翁家音中自能言不敢多贅耳

翁康健與僕每同杯酒之歡亦足為執事慰也

馮午山

衰病侵尋日杜門以花草為侶停雲是念緹對酒
要不若往時適暢也

徐沙村

石硯爐瓶三事奉返記室家藏清器恐勿可輕以
畀人而僕之不肖素未嘗奪人所愛前辱來意不
欲峻却置之書榻玩適旬餘亦已見高情矣此風
心不敢負也

龍溪事集卷之十三

十一

三六十二

陸山泉

予家居無他事早晚唯念賢婦夫妻二人不置未
知賢壻能體余心不貽遠憂否凡百謹慎當思患
過防勿任一時心性以致後悔尤宜親近正人使
所聞者正言所見者正事庶不失為正路上君子
在我與萬樹公皆有餘光不可不慎也外聞不過
各項器物似當驗封入內如仍舊委之外人久不
免化為烏有先生矣匪人導人為無益之事者寔
當遠絕舍此皆末節也

倪若谷

仰聞玄學日粹恍然神仙中人此平生薦志之效
僕從事於斯雖久今老病侵尋耳目齒髮漸已衰
頽恐終於命基無益但金丹玉藥於虛無中煉而
成之騰鉛例製潔白見寶真上乘法也

項少瓶

別來不及數問動定然於尊使處聞客邸甚安暢
而適際不如意者常八九須平心守分以俟應階
漸進自然循至絕頂若欲一蹴便到未免傾跌是

龜鴻亭集卷之十三

十三

虞此老朽所既試者敢為少瓶告客中落莫內助
得人誠是樂事身非金石寧無銷鑠挺解之患乎
洞房清宮曰寒熱之媒皓齒娥眉曰伐性之斧少
瓶之身宜思長養之難無自甘毒藥而戲猛獸之
爪牙也在予本不欲以此告然知而不言是忘愛
也日後當有思吾言處勿訝

吳自湖

生家居以來衰病侵尋于天上故人書疏幾絕雖
此心不忘而山林跼伏固宜深潛形響知明公必

不以我為簡者比年四郊多故經濟時艱非仗豪
傑之才不能辦每見邸報知明公戡定禍亂之勲
光昭寰宇及觀平寇之詩又詞場所獨擅蓋文武
吉甫宜其憲萬邦而匡王國於韓范又奚多讓耶
指計內召在即倘仙鵲經赦郡當伏謁水滸以傾
夙懷

白仰菴

比聞道况清嘉寄興圖書山水間真脫荆塵表超
然不羣者企羨高軌日馳此心陳司徒廟羽士二

龜鴻亭集卷之十三

十三

人來訪且言棟宇荒頽欲加修飾須仗有郡符乃
便經營僕謂司徒忠義未泯祀典所不廢有而舉
之為政之善經也明公固郡人何不與郡大夫一
言耶僕往年兩經毘陵卜之司徒頗著靈驗茲敢
僭及

錢懷蘇

別來仰企無已每得縉紳口碑知明公德政之詳
東土士民罔弗欣戴私念吾黨群賢更他省者各
著聲譽而懷蘇玄度高風又超然萬物之表誠為

吾黨立赤幟矣

徐存齋

某也腐拙餘生沐浴玄澤既久銘心鑠骨委未嘗
忘徒以地隔殊邇不敢數修竿牘之敬於門下
每一興思自謂當以疎闊獲罪頃得潯陽及家書
極知垂仁之厚體天元氣主張國是非私值也犬
子紹遭際 聖明偶叨一第本出微章然何嘗有

一毫遠道妄干之心豈意忌者積恨懷怨至今未
泯此不難刎頸剖腸以自見然言三至雖慈母投
飛鴻事集卷之十三

飛鴻事集

卷之十三

市

五

杆走矣非仗洞察情態如兒輩之孤立樂何不墮
坑塹也某老矣平生受 聖恩無以圖報亦欲使
兒輩得竭狗馬之力以荅萬一而所遇若此逆知
積恨懷怨之未泯終為人所魚肉何不幸之甚也
嗟乎命也柰何近日世家子弟多不利於進取第
五小兒質頗敏今使之廢舉子業懲羹吹虀不涸
不然然 聖明在上豈肯錮人於治世以是欲罷
未能公亦信其然否敢附告左右博一哂外新茶
二封奉上沼沚之毛固知門下所不棄也

聞佗泉

奉違多歷年所音塵寒曠而跂望之私日切於衷
舊歲小兒還自鄞述明公耳目聰明步履矯健真
神仙中人聽之不勝欣仰念明公厚德未究於用
天固薦其壽耶抑平生遇異人指授或得其書也
錢江一水之隔弗能趨門墻下請教思戀柰何

高南宇

生行能無以踰人而好德服善之心則敢於自信
往時每與明公會退而號於人曰吾黨有黃舛度
飛鴻事集卷之十三

飛鴻事集

卷之十三

十五

原

者雖為執鞭固忻慕焉然不獲數領清教心切抱
歎既而得佳章寄自金陵不但文采巨麗炫然心
目而評許太過若謂不肖尚可與言者在古人所
謂知已能忘感乎二三年來懶癖成性不克修竿
牘之敬於門下一謝知已之愛頃者小子紹還猥
蒙翰貺恕不肖簡略之愆而又加之情焉益以徵
明公之德之善過人萬萬矣

張林溪

往時以部中公務每獲見於林溪林溪語及海內

故交未嘗不泫然淚下此其存諸中肯與世俗之
善蒼黃飄覆者同耶以是心竊敬愛別來五年於
茲日有懷戀緣匪影山林弗克具東修問頃蒙華
札先施益服林溪之厚矣

陸山泉

嘗會士大夫多言山泉頗有騎射之好此雖職分
當事者然溺意於此有危墮之憂有激射之虞傷
面目殘形軀搖心肺其害於人決矣擊毬細事也
昔者韓昌黎諫張建封書言甚懇至試取而玩之
飛鴻亭集卷之十三

何古林

達遠光儀將三十年仰企星鳳炳然在目徒以懶
拙不克脩竿牘之敬於門下然每遇南來人士未
嘗不問訊居起得足音為慶也茲便特布鄙悰意
有所不能言言有所不能盡馳神柰何

李三洲

自貴陽奉違以來音塵寒曠馳戀惟有此心舊歲

覽廣東鄉書知賢嗣裒然薦首雄才碩學理自宜
然而天之報施善類使明公未盡之用授之於賢
嗣其不爽如是茲值小兒紹行令躬謁門墻面布
區區小兒以愚劣當地方寄推通家之愛時賜教
言尤浚致望也

吳太恒

錢江遠隔每瞻海雲依依在目未嘗不歎慕玄範
真聽德音數與礪峰會頗嘆今之從政者大率勉
強於外且末者而根本心術處多略焉如明公者
飛鴻亭集卷之十三

史育陽

其屏跡山林四五年來未嘗不仰企玄範每欲詣
玉女潭一遊庶幾咫尺門墻獲展良覲然天未假
便欲數會縉紳先生及方外士既聞言論風旨稍
為幸耳不知明公亦信其然否茲因舍甥女病甚
甥即白仰菴之室人也百計治之不效適聞岫嶠
山人來視云得真紅鉛少許則活矣念非門下無

此顙使星馳告求倘蒙檢藥籠中少賜全濟是使
仰菴無妻而有妻也計門下功行滿積又出于三
千外矣感當何如

龐惺菴

恭惟明公蒞臨我浙臺綱峻整有以植風聲于天
下豈惟兩浙之人賴之衰朽餘生聽聞材傑在位
施為自別如此與被帡幪之渾曷勝慶幸腴貺及
二三子均沾渥恩明公之仁之厚極崇且深矣當
川岳入春願祈節鉞早臨救城此寔地方之幸生
飛鴻亭集卷之十三
獲望德輝又大慶也

劉羽泉

某也伏處丘園飢食渴飲獲枕席之安者繫誰之
賜寔賴明公撫綏于上事順人情遂斯民欲壽欲
富欲安欲逸之心而不盡其力是以和氣流行而
某也與被帡幪之渾誠知感矣知慕矣近日民窮
盜發不但江南為然今兵聚財匱散則無所於歸
銷之寔難明公誠有見於是矣立保甲置排柵嚴
緝捕庶幾禁於未發在昔王陽明曾行之江西有

成績望臺下酌采施行奉命敢竭其愚

陳靜齋

歲前猥辱雅况入春仰想德與時亨福隨川至良
足為慶也踰伏草野不敢走謝且賀惟有馳情茲
值兩邑屬候謁臺下生念救城之盜起自倉卒上
恃明威郡中加意而邑屬尤切慎畏是以盜即訪
獲雖為首者遠遁但賊跡敗露計當就縛矣此寔
地方之幸豈惟小子賴之邇來年不順成生意荒
落市井遊手無賴成羣徹桑土而綢繆牖戶惟明
公留神焉
飛鴻亭集卷之十三
九

潘印川

客歲兒輩還具言蒙愛之深且敷心腹腎腸以相
與交情親誼久而愈敬此非盛德之至何以有此
比聞節鉞蒞河渠神禹平成之績於明公是賴將
永永遺休於萬世河渠遷變每經數年一有之蓋
水性無常惟淤沙之積有高下則水隨其勢而趨
之或南或北靡有定所生嘗歷茲土見南旺運河
高於栗河殆尋丈若使置城戴村二壩崩決則南

旺運河涸矣又黃陵岡之壩衝決則張秋之患復作此皆明公所宜留神者目風及之昔者齊桓管仲不棄老馬之智乃敢布其愚知明公不責其妄也

朱鎮山

生僻居泉壑病懶相并於故交書疏殊覺曠絕然時時散步湖濱曙雲春樹未嘗不馳神左右也惟明公礪石具瞻縉紳領袖而乃暫勞節鉞出涖東徐蓋當寧以神禹之任處之平成奏績端在今日

飛鴻集卷之十三

手

三

矣凡起大事動大衆惟得人心為本往時治河者以嚴失之似非悅以使民之道聞明公經画周詳斯民心服趨役惟謹又何事之弗濟也

吳望湖

自辛酉長溝奉遠中間書問往復無幾日月云邁竟負初心感今追古能無耿耿于中者客歲知榮召之報執憲以臨制中外立懦廉頑若謂非明公不可者此治道澄清之幾生也與在臭味相同能弗欣慶比來外邊吏頗尚操切之政咸能燁然致

聲稱而民無隱患元氣所傷實多調化樞而挽回元氣不能不仰企於門下恃疇昔雅愛乃敢及之明公以為何如也玄養想益完粹得無以幾務妨功否然自昔神指逍遙人間世者何嘗絕於應務知明公必不以塵氣為苦也

楊虞崖

頃者張武生至奉辱手書寥寥中豈但聞足音然是喜且公耳目聰明手足矯捷齒落更生而髮復黑此胡考之休寔明徵也仁者壽公信仁者也

飛鴻集卷之十三

廿

三

平生未盡厥用而今獨隆其壽視諸子若孫繩繩焉驚傳玉立列在左右天之報施善類真為不爽矣生老病侵尋塊然獨處與花木琴書為侶意興落莫恨無雙翼飛墮虞崖之傍傾倒風昔相與抵掌一笑也

張周田

別久此心殊戀戀於左右知周田之懷固同也鱗翼寡便音塵寥絕徒以物情荊棘蒼白翻覆自嘆且如周田入部彼此何曾纖芥庸私於其間天地

鬼神可質者而卒不免於多口他又何言所幸公
論未泯聞榮轉之報騏驎一日千里由此其始願
益崇令德為邦家光僕雖老優游林壑猶能沾被
芝蘭餘馥也倘天假之便借明公治我兩浙劇談
夙昔欣忭當何如

鄭少峰

仙舟經禾郡獲瞻道範兼聽聞緒言逆知明公涖
邑政教當為百城表既而縉紳大夫士自閩至者
咸稱譽少峰之賢有養者自別如此能無深慰于
東者乎比來地方多事而俗尚以操切苛刻為能
古之所謂賢良恐不在是今日收拾民心以崇寔
政明公素達于此矣惟善圖以永終譽

郝陽川

別來辱翰及知起居頗詳近又聞初政之善獲乎
上下不勝欣慰但郡寇竊發震于其鄰無乃勞戒
心乎勿恃其不來恃吾有以待之恐當深為牖戶
計也世俗吏治多崇操切苛刻以為能而視民如
傷事賢友仁之意泯然弗之思誠可以為勵願陽

鹿鳴亭集卷之十三

三

川慎察以永終譽相知者致祝于斯知陽川不以
為妄也

吳太恒

自春徂夏久稽問候動履傾企無量然得之士人
口碑碩德善政聲冠兩浙生也與在同志之未竊
被芝蘭餘馥能無大慰於心者乎私慙迂拙犬馬
之年日增而力疲意怠學殖益落且愧且懼不但
歲時興感而已以是每遇賤辰之期於親友稱賀
一切謝絕願辱遠使腆貺賁加及之益切佩荷

鹿鳴亭集卷之十三

三

潘印川

聞河工就緒此宗社之福太平之基也明公舉置
翕然為人心所歸曷勝慶服自古今舉大事動大
眾未有人心不得而強成者故人心悅則天意得
寧無鬼神呵護於其間望明公留神焉新河開矣
而舊河尤不可棄蓋舊河兩隄岬堅實較之上疏
易決者似可恃以永久其施工貴相機宜漸次圖
之精衛猶思填海而況於今乎不肖年來衰惰日
益不能時時候起居而仰止之私則馳神殊切矣

故鄉無他事可告左右惟民風澆漓元氣消索實
隱憂也唯智者惜之難與俗人道

胡栢泉

古之君子好德之誠得其人於百世之上亦願為
之執鞭而不辭如明公者以古道淋諸身施諸天
下僕不佞竊慕下風久矣頃聞台從淮南都曾具
尺牘令小兒繼奉左右道嚮往之私不意持書行
從大江為風雨阻至之日則明公奉太宰之召先
驅已四日矣鄙意未將雖以為歎然竊幸今將有
飛鴻事集卷之十三 苗

潘印川

治河之役想今就緒舟航出入漕輓無滯上慰
主上南顧之憂下以為萬民利即禹功何讓焉是
足以為門下賀矣嘗聞之良工心苦無乃門下為
獨勞乎然均勞之議後古今不廢終身受用根抵
在此况遊刃之餘何所不達惟門下慎之邦家之

慶也

郝陽川

使來辱翰幣遠遺為賤辰賀念陽川當地方事苦
心未暇而乃勞神及之佳政宜于民人足為百城
表至臨大事不肯苟順上官以去就決行否傳聞
所全活甚衆其食報不在其身則在其子孫識者
知陽川之後必昌也大凡處事折獄毋執成心即
如近日吾所目覩者乃有信一頑惡之言即欲置
人死地雖千萬訟其冤而不悟訟冤者日多而執
飛鴻事集卷之十三 五

龐惺菴

明公之涖兩浙祛弊剔蠹抑惡扶良四境之內翕
然著澄清之治頃聞榮命主張斯文一道德同風
俗挽回元氣以興起士類中外誠於明公是望凡
在相知罔不欣慶而僕之頌願則又深矣蓋僕年

來林泉下衣被憊懣厚渾獲安於耕鑿無塵外憂
皆明公賜也

呂水山

即辱教高情懇懇知感矣承諭省白先生意欲以
前稿改訂登石自念一時塞委之作不足以盡槩
羽泉德政且序與記體裁似有不同垂之金石以
圖不朽恐不宜草草如必欲見委願將羽泉德政
舉措之大者備錄示及稍遲旬餘當另為撰述不
敢違也偶腹疾不盡言

劉羽泉

伏念明公蒞我兩浙動遠機宜信所謂霹靂手也
近者橫招人言不容乃見君子於明公何損乎况
主上仁指正臣子效忠之日雖玉體微恙不妨調
攝未可亟言求去也兩關所需贈文匆率應委疎
淺不能發揚明公美盛譬之画工描寫天地粗見
彷彿而豈能盡之負愧負愧

呂水山

生近來痰火疾發盡日閉戶求睡尚不能去風疴

而乃當文事之勞亦苦矣承督催之迫草草塞奏
惟俯教如不堪用留之覆甞詆也陳中軍求文儀
幣不敢當附使完返幸道及

倪若谷

令嗣至奉辱手書甚慰既而北來者皆能言起居
之詳益知耳目聰明步履矯健非積養有素其何
能致之生居家無他事兩年間精神衰憊落髮
白已知去日無多惟杜門靜坐待盡此外如詩酒
交游之債一切負却若公聞而知之固宜笑且憫
也

項少溪

頃承來翰兼惠新刻林泉岑寂中得此為之心開
目明仰聞道履康勝德譽日溢於遐邇誠士林標
準非直為鄉黨姻戚光也望湖卓行巍然而歸志
頗切僕念班列中行古道可少若人耶在執事宜
為世道援止斯文之幸也

吳望湖

頃辱遠教知明公之志竊竊焉馳神東山泰岳之

間走嘗與庠師釣石言採石求珠各適其性要之
非他人所能預測也吾儕固得逸居之樂而敢強
人以必仕乎哉以是不敢為留行之言然大君子
顧念宗國挽回元氣一分即天下受一分之益今
日元氣索矣獨忍忘情不一引手耶以是願明公
便未可決然去也

谷滄洲

往奉清教佩懷迄今幸天假之緣星鳳照臨我浙
斯民罔不欣戴而况蒙愛如某者乎徒以大馬餘

飛鴻亭集卷之十三

三

三

生溪潛奧伏久不敢占詞塵瀆於左右即承賜翰
下及蕙惠新曆情文藹然某老病侵尋惟日與漁
夫野叟談耕釣事雖用志玄微而聖師難遇恐終
墮枯槁仰惟高明天成風稟功行崇極行當馭風
騎氣超入龍沙某也何以追跂時賜德音扶引不
逮不勝忻懇

呂南渠

某夙蒙天地陶鈞仰斯文之弗墜久托林泉栖遁
幸吾生之行休初度適逢華緘遠錫拜鶴杯金幣

之賜禮重百朋對清風明月之辰懼生萬舞其為
感激曷罄名言敬錄來使附致謝悰

徐存齋

恭惟命世元臣垂孤初度五百年而生豪傑八千
歲以為春秋海嶽鍾靈門庭萃祉某夙承陶鑄尤
切惟愉瞻南極之一星敢效岡陵之頌仰東山之
雙履竟遠几杖之從惟有馳神祇溪蕢喜謹遣小
孫叩首臺前愧菲禮莫將乎燕賀幸貞符永協于
籌添

飛鴻亭集卷之十三

三

三

康礪峰

某自公返旆於閩草堂頓覺寂無顏色每汎舟湖
天當風晨月夕未嘗不想望玄度抱恨蕙葭也適
承華翰不以菲劣為無似賜之雄文奉讀三四心
目豁然如倚珠玉之旁光采照徹何幸獲此當示
之子若孫珍傳永永無數也

錢少山

別來與諸相知語次未嘗不及於少山惟聞理事
治民名譽藉藉為慶竊見今之為政者無寔心為

國大率養聲望觀旦暮遷轉以去一切為因循苟且之圖間有號為賢者又務苛細為察察之明弗論事理是非曲直祇庇奸猾而抑大戶使人惴惴焉無可恃以為安識者之所甚憂也况吾郡近來風俗日趨於下小加大少陵長賤欺貴古所謂六逆今種種類是在竹家音或能及之上人不惟不能禁而反導之將來濫觴未知何所底止特以告左右願取鑒於斯也

王鳳洲

飛鴻亭集卷之十三

三

伏惟明公天下士也不肖目擊而心存者既久自屏居林壑雖馳神左右而咫尺相望無由自見頃幸徵福於天仰藉德星照臨兩浙祇以隱顯殊分未敢趨侍光塵願承使翰榮施賁及閭里謹此謝復

劉見津

某屏居林泉於外事多弗預聞迺不知台從至止敝郡失於趨拜猥承垂顧又以他出弗克躬候於門及晚歸詢之仙槎既已遄發欲追見弗果私念

十餘年遠隔之情宵中種種欲聽清教者皆未之遂將擬秋涼乘便風携舟峴山下一侍玄度而尊使持翰儀且臨草堂上矣何執事之仁之厚如是也况借重湖城我嘉興被明公餘潤又何幸如之

許南台

伏承使翰臨門多儀是享自不踈庸久藉庇於棠陰之下愧未伸瓊報而更沐垂情何以堪處蒙詢及政要生輦輦陳人不足以辱清問舉明公所素蓄養者因時而出之何所不達而况於權務哉然聞之往昔守闕者以通商惠民不傳滯苛屑為賢今明公舉措已得於此又何言以裨海岳萬分之一乎

劉崇耀

西水獲侍德宇聽聆緒音吾郡人亦皆欣欣喜色相告以為復覩麟鳳此無他仁聲善政深入人心是以民不能忘如是也榮鎮楚藩久稽裁候自願衰朽陳人宜韜潛形響乃不敢以姓名通左右此月四日尊使經禾城猥蒙手書遠及伏念士大夫

相與道不同而謀不相為至有比屋不相往來者而明公不遺故舊如此生家居閉戶謝客教子讀書外無他事但敕郡民俗近趨刁詐殊甚裡空成囂善良多不能安枕雖僕每欲避地未能閏月中海潮颶發海鹽塘舊址三千七百丈有奇而今不崩圯者僅百餘丈焉耳若使八月秋半颶風又大作則沿海人從魚鱉逝矣此患之顯然者生徒有精衛心而力不副附告門下知同此憂也

張印江

飛鴻亭集卷之十三

三

三

春初獲瞻玄宇深慰積懷遠後之便翼久稽裁問動履曷任馳心然寔德善政敷布郡中而聲譽旁溢口碑載道固知賢者作用自別而相知者藉以為慶寔多矣聞尊從以地方事入省推此益見留神視今之漠然於百姓者何相遠也今歲水災特甚由潞河抵南服無一郡邑可免墊溺者此或氣數使之殆非一身一家所感召將來民窮盜作恐青徐兗冀之間未能安堵如之何哉經濟時艱素所望于才哲惟明公熟慮以應時需

柴永相

今之交者以數致書問寒燠為相厚而僕之與執事可謂厚矣相去百里而遙乃不能時以竿牘相通所貴有道者索我於形骸之外可也

王立齋

計蘇門與敕郡壤地相比乃不能時候動履雖音塵若跡而瞻邇之懷日在左右古人言心親則千里晤對而况隔三四日程聲歆得聞者乎以是知立齋之懷與鄙人同也虎丘探覽想念久之且溪

飛鴻亭集卷之十三

三

三

山主人藉公以為重奉教愈動買舟携履之興所恨衰憊懶出門戶而家事左牽右掣什有八九不如意者以是未敢定期安得促席說平生也

蒙近野

九月二十九日尊使至辱翰貺寵加恍對顏色逃名蓬棘屏跡丘園世務糾紛章脫形骸之累舊知疎曠弗遑竿牘之修誦蕙葭白露之詩切時兩停雲之嘆猥承勤誼特枉誨章伏念明公飛走士林正冠臺憲振漕綱以足國賦秉臬政而靖海夷凌

厲風霜快觀秋天之雕鶚操持冰蘖爭誇清廟之棟樑與望攸歸聲價素重豈期衰朽復荷眷存門可張羅予久安於達俗禮過下榻公獨懷以好音銘入肺肝報慙瓊玖所願義行仁育撫世長民近者悅而遠者來耕讓畔而行讓路運籌帷幄不戰而自屈人兵補袞闕廷有猷而入告我后

胡清衢

遠久追惟往昔相知意未嘗不在左右然不聞榮授何地為何官也即承遠使書幣之及乃始知泣

飛鴻亭集

卷之十三

三

三

任雲間夫以執事素所蓄積不克高舉霄漢而竟抑居下僚似若稍屈然充吾所養而措之政事以惠濟黎元獲上安下即是實學更不宜以卑棲為相負也垂念懇懇敢進其愚

黃虹江

音塵曠絕者十年餘以僕之懷君知君之不忘我此懷同也比來起居何似令郎輩有幾人可期相繼以出者乎嘗覽韶郡志古人如蕭如鄧者其子孫咸接武而起著聲南服虹江抱利器不能盡試

知君之後必昌也今所當勉力為善而已矣此僕以之自勗者敢為虹江告焉

飛鴻亭集

卷之十三

三

三

飛鴻亭集卷之十四

秀水吳鵬萬里父 著

長孫惟貞校梓

書

陳騶山

不肖行李出南昌猥辱教如使人立長松下清風披拂不覺襟襟開滌別後有懷弗能已已因念海內豪傑如騶山者內充而外粹其仁思義色見者不待聆警歎之末而已信為有道人物願不肖飛鴻亭集卷之十四

林鐵齋

僕行李過萬安猥辱教禮意兼至別來三四日情悰輒作惡因念海內故人如鐵齋如淡泉如東崖學山者蓋無幾以平昔相遇之難方其相值而又相別之速有懷能不耿耿也雖然東崖學山德業既就淡泉以文章名家志行超詣如白鶴之在

雲中非燕雀之網可羅而致鐵齋亦見諸行事斐然成章矣不肖獨碌碌歲年聰明不加道德日負曷勝愧嘆所冀知己互為夾持庶學殖可崇大耳連日天雨舟行山水之間不得一推蓬睇眄兀坐咄咄客况可知矣鐵齋亦念及否耶

蔣雙橋

自桐江別來客歲獲望見履舄於都下時車從臨發不肖病暑弗及郊送良自抱歉因念海內故人蹤跡相違未審會晤在何日何地豈意天作之便得周旋左右也不肖於閏月望抵衢是月朔及賴六日及南安皆辱手翰知大君子之仁且厚一至此也入春兩雪載奎行色殊滯今八日過庾嶺矣擬二十一日到任恐異日遡流而上或不暇復如南雄乃敢先試南雄帶卷即入省矣

李古冲

某不佞昔者居京師得聞下執事之操行言論于知友者極多又久以不獲侍顏色為恨茲幸天假之緣得周旋左右不啻依長松下當有清風披拂矣

雖虞東崖鄭淡泉亟為不肖喜不肖自視又何如也

周陸田

不肖會陸田于崧臺極承欵教自梧還聞陸田且西上先戒舟人候見旌旆而不肖方晝寢隸弗以告遂爾相睽覺來甚恨既得佳章廼知高情亦有同者愈令人作惡者數日矣不肖完肇慶試事十三日如新興途中且晴且雨頃刻間涼燠頓變思欲望七星巘坐斗光洞下開滌情襟殊未可得又飛鴻亭集卷之十四
三

一恨也

張靜峯

往歲與執事遇於清源知執事為有道者雖執鞭所忻慕焉既而萍蓬南北不得再與執事遇相與上下其議論心殊戀戀古人有以神交者吾于執事果然耶否耶庶海濱僻壤不宜處執事然此地非賢者不足以立極吾竊為廉士民幸耳遷學事俟麓泉報而後復麓泉竟不報數日前僕又東致寅齋公寅齋必有以復我矣

林雙峰

入廣以科場事累髀肉盡銷近日稍暇又將舉歲考亦甚勞也不肖才志荒劣強勉供職無所樹立嶺南士習甚澆薄不能挽而之厚深愧自靡廩祿且風氣亦惡終不能鬱鬱居此倘明年不蒙嚴棄肯降調我一職固所願也此但可與門下言耳相見過家甚便朝卿秋信何如朝佐醫藥更入紗大抵先有惻隱之心存於中凡病者至心誠求之若天之生物各遂其性而培之則藥之用自有得手飛鴻亭集卷之十四
四

應心之妙吾嘗見今之瑣瑣計利懸價待售及病者愈而矜功索謝者衆也朝佐其勉于此乎舍弟學業未進氣習不馴無以為門戶光非我先人初意所屬望者如何 湖後事竟何如不知殯已舉否南國屬之誰氏身世平沉良可哀痛人生不藥抑何求哉

朱懷玉

別來思企如渴路遠久莫問寒溫既而得汪守拙書知懷玉小考失利僕嘗以尊名問之芹山芹山

亦崇道義者豈意懷玉有此也近想得白而鬱鬱
自苦佛家掃除煩惱乃第一禪功吾儒之安命同
之懷玉素留心茲義幸勿自苦令鄙讀書須養其
良心為要飲食衣服宜從儉約他日有成亦能把
起做好人不然習與性成雖父兄日提耳而誨之
無益也懷玉以為何如廣南風氣與中土不類亟
欲拂衣東下無使田園荒蕪為北山之誚且日與
親厚者叙陳說平生時時教其子婿甥姪以光門
戶此素志也

飛鴻集卷之十四

五

鄭淡泉

前而致書門下伏計已入覽廣途遠僻不得數數
嗣音惟有懷企見邸報知淡泉已起用今尚未聞
推補豈亦待求而後可耶良為司銓者恨也僕性
疎拙學術亦淺備員嶺表殊愧無所樹立且風氣
士習頗惡薄而事多廢弛從政者大率因循延日
月茲欲修舉則有生事之嫌姑息則取曠官之罪
抑何所適從哉明春苟得免于棄黜當請乞歸田
里為養心養德之計不能鬱鬱居此也

鮑三峯

別來稷辱教翰浣慰良劇海濱遐壤不克時時遣
人奉候道履瞻邇與日俱深近閱邸報復知榮轉
某年間再承天寵可以占眷遇之隆撫任有階矣
良為吾黨有人賀幸執事無忘食芹耳前月高承
差至以造冊事取各郡賦銀此固出公舉然一時
廣士大夫多不能察物議蜂涌僕二人雖力排而
暫明恐不若忘言之為妙也夫以執事之令聞休
揚必不為微言塵點倘有假知識壞乃事幸密察
而防之恃愛敢布腹心不敢獨啓亦以予二人所
聞同也

飛鴻集卷之十四

六

徐浴泉

舊歲入廣值試事方殷不得時時通問冬初張秋
月歸便曾具書浼轉致門下及令姪先生秋月誤
弗持去既三日檢書案得之追寄亦弗及是可恨
也比來想動止倍膺萬福又聞令姪高薦良為門
戶慶如令嗣者具美質又日過庭聞至教何慮無
成要在功夫不倦焉耳不肖備乏嶺表碌碌無善

狀且性拙誠自覺不入時樣不知稅駕竟如何可
為門下道餘不敢聞也

鄒文甫

別來忽忽數年仰企甚渴三辱教札意誼勤懇不
忘通家故交此君子之厚也不肖薄劣視學嶺表
徒竊廩祿一無所建明弗意尊翰許予之過不知
謬聽何人而信其實然也良以為愧然亦不敢不
自力以貽鄉里羞惟執事教之

應晉菴

飛鴻亭集卷之十四

七

別後數年音塵踈曠癸巳夏四月赴貴州便道至
京口扶病抵家臥床褥兩月少間始知晉菴過西
水以不得一顧我為恨既病愈六月會何常濱乃
聞晉菴亦嘗養病三塔數日則晉菴之恨猶夫我
也自是遭母喪無情慘修問而申復除嶺南楚粵
之隔又不得時時寄聲平生以意氣相許如晉菴
者海內能幾人雖迹甚寒而心仰實切余七峰與
其每會未嘗不道及同志者聲應氣求料不以青
塵踈曠為罪也鄭淡泉近日涵養益熟既有薦章

不聞補授一職可嘆晉菴政譽藉甚當不久淹不
知何時何地得遂合并敘夙昔也

汪東麓

僕不佞得交于下執事庶幾見古人風味別來忽
忽踰歲年道遠不得瞻望餘光嘗值鴻順附數字
通左右固中心好之之誠也以執事耆德負天下
重望知召命在即萬勿以漁磯動悔簿書顛倒
豪傑類如是恒念時宜俯仰抑而為之輒復慨然
耳此難與俗人言者

飛鴻亭集卷之十四

八

盧後屏

僕不佞自丙申之秋居京師嘗見奏疏知下執事
不吐剛不茹柔卓哉弘毅君子雖為執鞭亦忻慕
焉今得借重于下邑宣昭道化衣被吾民幸也何
如僕越在嶺表久稽奉問惟有此心未知坐高松
下承清風披拂豁煩襟耳

成井居

久缺通名姓于將命者惟有馳戀頃者淮徐告災
乃以僕之不肖者奉命來賑念主上銳意南顧

恐一物不得其所是以兼程前赴正月三十日入
徐然倉無米麥銀在西淮空手難濟所恃者明公
開府上游若使益銀早發以三萬兩數貯淮二萬
解徐刻期來至則張口待哺之民所全活多矣

沈少湖

客歲蒙惠試錄新書值冗不遑具啓奉謝比因淮
徐民被水患當路者建議賑卹某也奉命而南經
安德正將走使臺下議所以見諸行事者乃辱先
施無任知感貴治如滕沂鄒鄒等處與淮徐鄰界
飛鴻亭集卷之十四
民饑恐生亂聲聞至京師所宜亟賑者但錢糧未
知所從出幸臺下破常格給發以安人心而遏寇
虐豈惟不肖賴之仍望榮戟暫臨兗府鄒滕之間
一視則遠近驩然人心益定矣

沈少湖

先是客途匆遽奉狀欠恭恒自抱歉今聞節鎮如
兗風聲所先益慰來蘇之望滕嶧沂鄒之間不亟
意圖之恐禍機叢在旦夕撲滅殊難願公促守巡
一位駐滕而史兵備往來於鄒嶧采礦一節專屬

之曹同知亦足以集事矣地方有此寔當路者所
深憂僕行時屢屢為言故僭為之計非敢越尸祝
而代庖也某於正月三十日入徐庫無銀倉無粟
束手兀坐僅取數百陳糧補塞漏穴因念滕嶧之
急取淨麥二百五十石差官車運赴滕以繫滕人
之心前東兗分巡道發銀貯滕尚存千五百兩願
分六七百兩解嶧刻期均發則姦宄悅且懾矣幸
亟圖之

徐少湖

某以庸劣誤蒙任使不敢不竭心力以取贖職之
誅乃魚程入徐境河流浩蕩已成水國徒興桑海
之感其軍民窮困極矣聞天恩之至懽若更生乃
悟茲舉關係安危甚大今雖輯寧而日後之慮似
未可料跡中所具希賜周旋地方之幸也兵備員
缺乞就近早為推補尤有望焉

何沅溪

行時辱教言不但感激于宴餞之光而已兼程入
徐無官無銀無米無以慰民之望今小加賑卹又

以甘言啗之民始定矣所恨錢糧不敷將來更可慮也執事奚以振我乎

馮一川

客歲承惠試錄新書感荷無任頃緣淮徐水患民蕩析離居其也奉命南賑念貴治沂滕之間與徐土壤聯接被患尤迫今米價騰涌恐不逞者去而為亂固隱憂也但倉庫錢糧有無未知希門下體念堪支堪借者即賜解發以救目前又不足則當為奏請給其詳具該司公移中惟門下諒之

飛鴻亭集卷之十四

十一

沈少湖

昨遽使返命臺下偕啓奉復計微覽矣沂嶧郯滕費縣五處尤為困急望查在庫者量為不給以安人心不足錢糧再作區處此係燃眉之時如滕縣臨城等地方饑民之狀所不忍見恐不宜緩濟也

馮一川

初辱先施又蒙手翰勤懇鄙劣何以克堪沂滕郯費嶧等處民窮迫甚矣昨經滕邑見有人相食者所不忍言不肖雖經理淮徐而廷論謂滕嶧為急

務今民所望於目前只升斗之粟即活矣固不在

多也不肖數行談道姑以見在倉庫者每人散給或五升一斗亦可以全其命而繫其心後如不足另作區處今談道尚優游未見區處餽之決西江之水以救輟鱗其能及乎待其禍機既發而後圖之所損多矣豈惟不肖不能復朝命亦地方之憂也顧明公亟為催督若得守巡往來於滕嶧之間如前量為賑卹使百姓曉然知天子不忘於東土以固其愛戴媚茲之情事當焚溺時敢布腹心腎腸伏惟明公垂照

飛鴻亭集卷之十四

十一

趙方厓

沂滕之事望濟于明公者甚切僕非敢越尸祝而代庖以責有相關中間隱憂亦甚切不得不瑣瑣相瀆固明公之甚亮者頃得報深以為慰地方之幸也初擬以徐州倉麥薄為之助慮途次有垂涎者且察徐人私心微不平乃爾中止今徐土水道尚未大通南米少至查得倉麥尚有存者明公為滕民欲釋當平價以待石止銀六錢若差官與的

當人來一二千可應命也其餘銀發之沂郊甚喜
徐州兵備事不敢以煩明公知選除在即又恐事
體有相牽制者幸諒

王在菴

入淮三四日百務未就條理倉糧絕無不得已今
晨往取之鳳陽廬州揚州三郡坐以一萬九千之
數就令解折色以便給散其來日恐亦遲遲鄙心
寔不忘于徐人然仰賴在公經略于上又鄙心之
所安者聞鄧鴻麥已放盡李副郎初辦一萬五千
之數公或取添又以夏書銀兼發如不足於州庫
再借銀千數用之以俟扣補何如趙僉憲易羅之
議甚佳不肖昨行文如擬大略同公之見希賜之
周旋兩利而俱全策之上者也

楊蒙泉

四月望後抵電白自郵筒中附致小啓尋計塵清
覽矣使至奉辱染翰之及當此隆赫沃我以萬壑
涼風恍若坐長松下也聞安南事且定良慰半翁
臨省不知何時移鎮肇慶不肖還欲一見歸途取

自新興抑新會乎便中萬望示教瓊士渡海待試
者幾三千人高雷不與焉連日為校閱所病其得
士也甚寡勞苦而功不高奈何

毛東塘

其六月七日以試事巡歷惠潮今十五日還省未
由參侍深切馳仰伏惟鈞候起居萬福神人交相
乃知天之薦厚大臣者如此此蒼生之幸不獨為
門下私喜也謹差官代問動履其不肖竊有私悃
雅恃門下推愛輒敢吐露惟垂聽焉其蒲柳之質
衰不待年頃者從事嶺表海陸奔涉觸犯霧露染
成虛火眩暈之疾今形貌寢食雖不異常時而真
元耗散日甚若不蚤圖調治將來漸難支撐舊歲
欲假給由事還浙就便醫藥誤蒙軍門保留不以
為愚不勝任過被獎借敢不竭其駑力勉供使令
今試事已竣再申前請恐軍門以保留之故不蒙
允行則某之疾何時可愈固仁人之所隱也望門
下賜以周旋使某蚤得稅駕養病鄉園以待明春
罷留之報伏乞鑒察

賈實齋

聚首無幾僕遂有廣右之役別來有懷耿耿跋涉
署塗數千里倘嘗勞苦每憶吾執事振衣高岡飄
飄若神仙中人非塵鞅可得羈係真有見也倘東
山之游不我鄙外當操几杖以從希示明信早圖
稅駕耳

沈少泉

半年家居獲聞警歎之未使人鄙各自消每覺虛
往寔還增益未至別來孤索心茅漸塞矣且廣右

飛鴻亭集卷之十四

十五

地瘠盜繁民愚不知紀法少繩以嚴則怨寬則玩
以不肖之才當之真越雌而求其伏也其何能濟
吾執事素愛我者不知何以為教可免於過相去
故鄉七千里京師蓋萬里故人升沉消息悉墮渺
茫以執事之才之望竟不聞有舉近例相推轂者
豈豚扼腕長嘆然得優游林泉養親訓子光裕前
後自是盛美視彼碌碌者成就恐有弗逮于吾執
事奚憾哉

吳南岑令子

天胡不吊奪我良友興言追昔曷勝痛悼辱以行
狀相委伏念林家雅德必中郎之雄藻足以發之
如僕淺材豈敢執筆然業已心許子期雖逝影響
未遠忍能忘言也哉秋初入廣右奔走無頃暇近
始脫稿馳奉左右尊翁瑩地何所葬在何時不得
執紼為恨耳

郁古村

古村自京還相聚無多日僕又西上龍淵不首豈
勝悵悵新秋抵任伏底無恙然跋涉暑塗七千里

飛鴻亭集卷之十四

十六

辛苦艱難倘嘗之矣廣右山水之奇甲天下政務
甚簡頗可坐竊廩祿省城風氣亦佳自省以外則
多瘴癘且溪蠻洞獠觸目有之當事者一切為羈
縻保全之計不敢分外別有作為以僕之愚不肖
更慮其難信奔鋒之不能化越雌之不能伏也未
知何日可以脫乎古村愛予知予者不知又何以
啟予也故鄉音塵寒曠諸相知者起居咸弗聞日
切想念便中希見報

高見竹

僕於執事有通家之雅入仕以來未緣邂逅每見相識稱執事之德者不衰私竊以為得與賢者友善期以終始足矣幸天假之合弱弟獲締姻于門下薦蘿松柏之情永結百世非大願耶弱弟質雖可進不昏作勞情力自盡或不能免而僕又奔走東西南北無暇教督吾親家有骨肉之愛日有規月有戒可也僕不於親家是望又誰告耶

項龍淵

頃還故鄉應爾倥偬與門下聚首者無幾即會晤

飛鴻亭集

卷之十四

上

三

又以冗間之不得盡數心腹腎腸坐是別來益耿耿潯壻雖進寸步尚有童心裁成磨礪非門下之教何所嚴憚又何所矜式葛藟之庇不肖竊有望焉幸推尊先公之愛及之不肖亦微福於門下多矣自入嶺右伏底無恙微俸預支亦數完數獨計盜賊滿路七千里孑然一介不能全璧以歸又息壤在彼其敢寒盟特遣返命以家中所有者先奉上倘得了前件甚善不然覓有的當者過浙續補數不敢遲也

屠漸山

瀕行應酬匆匆弗克數候跋跡暑塗七千里經五旬始入廣遠僻絕無鱗翼附致音塵每念漸山之仁之賢造物乃為此拘拘焉者報施頗與適有解軍者從浙至本雙溪里人能言起居知遂勿藥大慰客抱又以信天於善人萬佑固昭赫也但久服涼劑伐腸蕩胃恐損元和萬宜節齋情事恬澹靜虛反剝而復所謂直養無害塞天地在是矣僕徒竊窺籙亦無所作為且此地形勝有餘風土頗惡

飛鴻亭集

卷之十四

上

三

回首高歌不知在幾時耳

沈苞仙

僕行時匆匆不得數面且以執事所遺不偶心頗覺寬之而當路者執先入之見憤憤不可告語又以僕之愚不肖適為世俗所棄外益願結舌而不敢出一語言相瀆使執事之聞不彰而誣亦未白此朋友之過在予又惡能辭然入舟與郡公別亦嘗為執事道及不知此復何如也倘事勢不可姑且忍之俟時至後圖珠玉肯使久晦河礫間哉

曾華山

奉違數載瞻遊極深頃入廣取道臨川弗克會執事於鍾陵比及靈川公署則見佳章孫庭高義烟烟屋梁夜月恍照紫芝眉宇眷焉懷思倚韻有作雖不工亦敢呈覽聊見此情

項少瓶

頃歸見汝志頗知向上偶得入學微有進步甚喜然亦因此甚懼何也恐以小成自足不知求益又出街衢數與不善人交往蘭芝與薰藉同器久則

飛鴻亭集卷之十四

九

化之又無父兄早暮箴規中間忌汝之成樂汝之不肖者舟中之人皆是誰不憊憊遂汝之過是汝為人善不善之幾皆在此寧無懼乎所望勉加策勵舊染之習悉宜滌去親有德絕損友崇澹泊戒奢侈庶幾他日有成立以報汝父生汝之德汝父望汝之心吾家亦有顏色不然是汝之自棄負我多矣

李一山

是月朔五山還復得手教知一山歸意懇切此亦

人情不容已之私不肖素甘肥遯者豈肯勸人以仕違初志哉但念一山年力尚強地方事多倚賴而大巡深服一山之賢欲留以為重恐即未能挂冠去也此念便當擺脫毋鬱鬱久留胷中為累諺云無愁而戚愁當至之何自苦為

楊蒙泉

八月廿二日小介來奉辱翰教隔千里如承警款且雅意勤懇波及未賤賜之脚力遠途無滯何蒙公之仁之厚如是也久不見邸報即見尚未聞榮

飛鴻亭集卷之十四

十

命四方多事如公者豈嶺南能久繫耶某菲劣瀝寄藩政所喜者地僻務簡區區樗散之材終其天年而不中道夭固所願矣又安敢懷鴻鵠遠志此僅可為蒙泉道也東望羅浮白雲諸峰君子在焉益溪瞻戀

李一山

久不奉瞻威範昨車從入省僕輩又先入梧弗克為七星主人傾倒平昔歸甚悵快使至乃辱寶刀佳惠紅光紫氣屋廬赫然當操以周防清六合無

泥滓也

丁南溪

僕久聞尊名重之以九山之雅固所傾嚮第未得一面為恨每於文移中見高議知執事即遲發百折不迴真英偉特達士也手帖云云恐過矣前事僕不知始末大抵當以無心待之况五山誠長者又何疑於羊斟子哉

翁東崖

頃承翰教備聞戎事肯綮章就帖席上令 聖朝飛鴻亭集卷之十四

無南顧之慮下令百姓享安平之休有以見二三執事者忠勤之大而天意之眷着我國家者甚厚也僕匏繫歲時無所樹立翱翔蓬藿間或形於言則鳴咽噪又奚達於音徽昨者承長溪諸作可見矣詎意塵瀆清覽祇增慙慙然亦私幸取正於有道又遠僻未由縮地即晤對為恨耳

章樓菴

庚子冬舟過蘭江張承教惠當是時歸心頗急不得望見履舄於門辛丑五月二十五日遡流復經

德里值雨水大至兩渙涯渚之間浩無彼岸問途移時又不得登謁展積仰之懷伏念明公養神葆光道隆德至為海內所宗式而况雅受知于門下者睽闊既久能不依依也某竊祿顧石復將一年淺才當事真猶越雌之不能伏且堅歛無竅又安用之雖違心強效不知秋寔何如耳

唐龍石

其不肖雅受知於門下教引惓惓不以液櫛櫛散之木見棄雖明公大人取人於牝牡驪黃之外顧飛鴻亭集卷之十四

不肖非其人也然亦不敢不力以負明公大人之知自去歲奉違六月抵任曾違尊意于半翁所需海粉想已轉致側聞動履萬福老夫人優游榮養壽考無疆樂莫大焉但 主上眷念未已天下蒼生延頸待濟尚須強出用慰上下之望

鄭淡泉

去秋辱手教知垂念惓惓且感且愧乃知不能虛已以遊世其所自得者尚淺也彼造物於人不啻父母東西南北惟令所適又何能逃於天地之間

僕敢聞命矣故鄉消息杳然近不知歲事如何但
待時和年豐而在上者多賢使物各遂其生為幸
耳聞先人應得諸命賴淡泉周旋今瓶山已帶至
此幽明百世之感也前者嘗求考語及諸薦稿中
所云想近日易得望乞示下蓋平生履歷瑕瑜盡
在此可以自鏡勉也

張龍湖

舍弟到得手書隔數千里如面語且時時出諸作
覽之珠玉盈抱規舊作又長一標格予也當為避

飛鴻集

卷之十四

七

地矣予質窮鈍雅好文事始以風塵奔走今又簿
書碌碌無暇潛心僅窺門徑而未涉津涯每讀古
人書史見其妙不可及未嘗不面慚汗出但年衰
犬馬追恨少壯不可復得亦甘心於白首若時人
矣足下年富力強充而上之何所不達其要在屏
絕外事昔有不問生產作業者然後立功名於天
下何也輕重殊勢彼誠察其機也三弟有志于學
觀感之益誠不可無居之無倦行之以忠乃是寔
切學問不然亦偽也暫也幸教之

屠方齋

車從寓閩嘗三致問起居榮任滇南則道途遠左
無由通咫尺之書徒自抱歎竊念高才碩望當秉
樞要繼尊先公芳躅無疑奚為頓被沮抑至此也
吾郡陶敬齋錢東圩及孫公皆枉其才不能盡用
今其子蹇蹇然相繼而起足以泄發不平之志如
方齋者安知不發于令嗣親丈也此可以自慰也
常靜之既抵思恩昨以華翰見投謹領尊諭但其
地惡民瘠風氣與中州大異雖平素甘勞苦者恐
不堪其愛而况貴公子乎以是逆知靜之不能鬱
鬱久居此也且以不肖苟祿年餘日切長林之念
圖之未得正以為恨而靜之之懷又可知矣

屠漸山

四月廿四日家僮至奉辱手書兼審動定知玉體
日就康安為慰然聞精神未固筋骨墮麻大抵病
根積之久是以發之大而去之遲也所冀寬心自
攝因其無可奈何而強自安之不宜區區于藥石
刺灸之為務自損冲和正氣貽後悔耳袁胥臺傳

飛鴻集

卷之十四

七

尊命欲需蛇酒近始得之或恐不真正不可服又問人云是物大勢不宜服僕皆未解然承命不敢虛謹附上左右并張總兵小東奉覽庶見渠意先又遣人至梧州購乾者尚未還續當馳致也別來逾年室遠人遐不得縮地一聚首即又不能拂袖東下遂我初服胥臺飄然有高舉凌雲之志具疏乞休未知朝廷允否若其意則決矣僕輩誠所勿及也

卜雲峰

飛鴻亭集卷之十四

五

奉違函丈蓋七年矣每瞻雲樹依依然如承步趨之後去歲小价自北還知榮選有期無任欣慶即舍弟至又聞部假許暫回梓里候缺行取較之在京久候勞費省半而章服在躬亦足慰疇昔矣更不識科場例許應試否安知不收功晚成也令郎學問出人德器明爽吾師積善之報信為有徵尚期益努力增吾黨光寵某也留滯瘴癘之鄉上之不能取尊官厚祿次之不能隨時沉浮賣名聲於天下但覺豐草長林之為吉且安而不能急引去

徒自愧耳高明又何以為教也

楊東橋

丙申自都下奉違七更寒暑懷企徒切仰惟碩才雅望久處本兵今西北多事訂謨弘略行將盡發所蘊昔者劉忠宣公之業端有繼於東橋矣如僕者方奔走期會栖栖簿書又何足齒

王筆峰

寅齋使至又辱翰教兼示近作出入經傳鞭撻揚馬是何文采之巨麗而深贖要妙至斯耶三讀令人心悸氣動追踪未能退檢囊篋舊業將盡毀棄掃去蕪穢以就高明然簿書叢委之中病日益多

飛鴻亭集卷之十四

六

六

髮種種且白此等界域天固限之可勝恨也昨承洲翁詩冊寔鄙陋但少村頗盡心力而為之所碍僅此廣西所以為廣西人之畏之大率以此西人之不如東人于是益章又以徵所來之遠匪直斯今也念有筆峯在撐住西南天半壁矣又奚嫌焉洲翁別倡已告諸君子盡和容續上胥臺抱病未出序文眾謂當屬之門下大手筆庶於大勲闡述

足傳萬世與江漢齊聲若不肖蓋敗北之將又何
敢復語文事也

余七峰

閩廣壤地相接聲聞數通自榮轉東藩而僕且移
嶺右相去數千里雖明月屋梁時見顏色鱗鴻則
日墮渺茫矣令嗣學業日崇天相有道固如此曾
見抵報推陞計此時當已大拜然窺執事意興似
謂久於途非我志者夫今民窮財殫邊警日聞志
士仁人所願周旋而不忍去者執事其可言去哉

飛鴻集卷之十四

章

隨有季梁則楚不敢侵漢東執事固其人也願努
力以副知己之望如僕者多病性亦疎迂過於自
信不能隨時俯仰樗散不材久甘委棄又奚責黃
雕鏤之望然亦未見嶺絕猶得苟祿歲月當路者
之相寬亦云至矣嗟乎又奚言哉所幸幸此心不爽
他日可對知己貫金石耳小兒稍知揖讓舊年又
得一子今有四矣想所欲知敢附告淡泉久無音
問笠江曾上任否徘徊西蜀數年始得此不亦遲
乎但公論僅存猶可賀也弩藥已辦此中夏長枝

用以守伏皆宜勿使此方為人所得遠資強敵乃
可僕近督冊務為升合頃訟所困學殖益落矣

高石東

舊歲道經永陽匆率過郡不意德里在焉失於問
候及抵桂木會白都閫始知之負罪含愧不能自
已頃欲涖南城遣一介之使達鄙意于左右又以
他務中止願蒙翰貺先我榮施仰聞令嗣入京執
事得優游林泉詩酒逍遙杜陵所謂過海收風帆
真是樂事吾輩未知稅駕自何所以執事况之直

飛鴻集卷之十四

六

深疎慙耳

聶漳濱

舊歲入廣取道東鄉過豐城不及候拜門下有懷
耿耿頃陳子學至復承遠教情懇藹然審知動履
多福詩酒逸興不減風昔因念今人當事不如意
時便鬱鬱竟老其襟抱不廣視門下相去何遠也
陳子始入桂林飄然東下自為者重則其見外者
輕以是援之而不止冥冥飛鴻弋者何慕焉如僕
者尚復覩顏就列不能遽割塵緣弗逮陳子多矣

輒有小詩奉贈意見於詞惟門下取而觀之知僕之不忘長林豐草也

陸池山

頃陳子學至得聞動履安吉養深望隆何由即扣門牆飽聽玄論瞻護朦朧也陳子拂衣東歸其高風遠不可及人常言西江多奇士此亦可見

成井居

昨淮守張子告辭將詣見明臺僭附小啓致念私渠又以郡務未果行即日差官至撰承翰教僕入

飛鴻亭集卷之十四

荒

三

淮四五日因倉無糧庫無銀元坐殊無聊賴而徐州及山東望之尤急俟淮上事體稍定擬鼓柁上掩邳之間鳳陽之行或在竣事後從陸自徐而南也

又

即辱遠使先我榮施執事惓惓注念之情藹然耳僕誤承此人衆而倉庫俱空難以副小民之望如之何河道大疏浚服經略今之議者亦苦于錢糧之不足要之僅了目前支東而又傾於西此其可

憂也且各處民均告疲心易搖動又有不可言者徒切耿耿因附及之

吳自湖

僕至止淮陰則聞廣陵之間復成畏壘之俗而主張政教者有執事在焉仰服

史鼎山

久欽風問頃承役淮徐經鄒滕之野又與聞君子之政雲馳騁動炳耀耳目第道里左僻會晤未能東土災傷民窮徹骨非素特於明臺變且作矣今

飛鴻亭集卷之十四

三

三

復知經略多方賑卹有賴豈惟不肖藉以塞責寔地方之慶也但秋末期將來之慮更切惟明臺熟計之

連白石

生寓淮陰旬餘領教益良多昨得公桃源書頗以為慰節鎮所臨當河伯效靈平成底績矣即日舟過清江兵部差指揮凌劍賁至工部咨文不意復以河道事相屬蓋在公未具題之先也今已有成說又豈淺劣所能復贊一詞但不知部中作何議

煩公以前疏稿見示庶便回奏也

王在菴

少湖公使至猥承手教益以服公同體之義一視之仁矣易粟以銀事誠兩便惟公裁之徐人告賑衆多今淮銀雖已解去又有陪糧之議而豐沛碭山似當給發以塞彼望則前銀所在無幾且淮人私心不平謂徐人所得欽定之數幾半而當事者亦云然蓋未深知徐災之尤重也僕已移文宿州查得水附徐三四鄉應賑者於徐銀內量發該州舉行亦足以杜垂涎之口矣其餘人未賑者今給麥或二斗銀或一錢何如不然恐人衆而不能徧亦惟公裁之

沈少湖

二月二十九日於淮陰辱公使至兼奉教墨知蔡戟南臨雲行雨施所濟多矣初擬移粟於滕徐人私心既不平而垂涎于途者且衆恐開禍端是以未果行今趙僉憲議以銀相易昨書致在菴預備一二千石以候來取又經移文趙僉憲平價石可

六錢擬之滕嶧亦輕過半矣惟公裁之僕初至徐曾具疏言徐事中間及於山東大略與公之見相似今錄其槩奉覽未知戶部作何議俟得旨馳報也淮上倉庫亦空欽定米麥曾無一石頗費區處生即未得如濟後增懸耳然時時領教益猶愈面晤也

又

日者聞鎮臨濟上生以淮陰事未竣不克走候門牆惟有馳戀焉耳頃返於徐途中奉檄文知主上捐德州糧三萬石徧賑充濟地方此真曠蕩之恩也但各屬災有重輕不知作何均派且般運在何時差何官誠鄙人所願聞者便擬東趨緣河道之議未決所恃有明公在諒不必鄙人自至也

莊禮齋

與執事別次日走視三里新河口乃知此壩不易開閘座就應建置者初議者云云亦太率易矣過清河連日風霾異甚徒懷隱憂紙劄既辦請足下即移舟而北庶可專意東土也

徐少湖

二月初齋本北上曾具啓以賑事奉聞值公入簾不敢投下頃奉旨令其勘議河道大約與曹連二巡撫之見相同今之議者祇云海口而不及上流恐非標本之論昨讀會錄河道一策經略周盡不出關廷而利病灼見于四方其也愚又奚能復贊一詞然鄙人私計今具小疏中開上流支河少泄入徐之派責成於河道及河南撫臣亦是矣似不須添差總督其不敢議某河某河者恐當再擇便利者為之耳惟裁而教之

飛鴻亭集

卷之十四

三

嚴介溪

三月十九日某以賑事自淮上返清江值張承差從京師辱飛翰百凡蒙賜曲全充濟地方又得倉糧三萬石為濟此寔生民之幸也河道勘議大略曾連二巡撫之意相同疏導上源以殺水勢似誠急務今治河者於下流固已盡力而河南支河宜量開一道庶幾少泄入徐之派或以鳳陽皇陵藉口蓋河南人安於故常且得淤地之利不欲興

此大役何沅溪亦知其然公試問焉渠自能言也淮徐之民困斃已極今日譬如仆者復起迄底小康若秋水不溢河道安流固無他慮否則明年之憂尚在某謹以賑濟未盡之銀行所屬糴穀以俟後舉安民弭盜不得不然敢布聞左右幸裁而教之

歐南野

三月初九日齋本者至自京師猥承遠教其諸事體多賴周全寔生民之幸也河流勘議語具小疏中曾連二公當其事固已極力修治然今之論者皆重末流而不求濬上源非計也以故僕語及之但責成於河南撫臣足矣

飛鴻亭集

卷之十四

三

陸東湖

竇奏者遠自京師荷蒙手教賑事稍有次第擬在四月初造冊告完河道勘議語具小疏中今所重者在上流而議者多略之恐非萬全之計然此事專屬之河南撫按亦足以辨似不須添差總督蓋山東徐淮并處民窮徹膚若聞再興大役恐人情

騷動姑俟秋水視其利害然後圖之未晚自鄙人私慮如此非敢避事為說客左語也

歐約卷

初出都門猥蒙光餞緣兼程南馳比至徐又諸應酬紛雜久未遑修謝為歉河道事謹遵勘議語具疏中今當事二公固已殫力修治而上流之計若專屬之河南巡撫俟有定說圖之未晚前云添遣重臣巡地方荒困之餘小民聞再舉大役人心騷動姑緩焉視秋水盛衰決行止可也惟下執事裁之

龍溪亭集卷之十四

三五

三

馮石渚

三月十九日奉辱手教仰荷周旋之德今徐人舉在水中與魚鱉並處恐且暮生變生徒以甘言鼓舞維繫其心安輯幾兩月矣前疏乞留軍糧一萬二千餘石不知貴衙門作何議徵允甚急懸領以望來文竟墮渺茫如之何煩轉致意礪翁倘即見諸施行百凡地方事所全者多矣

萬治齋

某也初出都門猥承明公例餞時值觀事方嚴弗克面辭比入淮徐百務瑣雜未遑修謝負歉殊深私念鄙劣謬膺嘔拂奉命而南恐付託不效以辱知己今勉強供事稍有次第但錢糧有限而窮困之民殆百萬以一杯水而熄與薪之火勢不能及惟宣布至上鴻恩使人曉然知朝廷不忘於斯民以繫其心而安定焉是則可為也若使二麥成熟水漸消落今秋不至氾濫於徐沛間固地方之幸否則明年之慮尚切未知究竟何如耳

龍溪亭集卷之十四

三

三

飛鴻亭集卷之十五

秀水吳鵬萬里父 著

長孫惟貞校刻

書

唐荆川

生無似嘗謂康濟斯世湏古方舛者派而難其人
執事一出經略事機局面為之改觀節見地方奏功
踈令人心快如執事非所謂文武具備者乎即方
舛又何多也仰服昨榮轉未遑修賀適承遠翰先

飛鴻亭集卷之十五

施特此謝復

張蒙溪

節得來教服公經略之詳又自東老所見公另摺
其分布精到知此寇不足平矣但今財匱兵殘而
郡縣守土之臣多不足恃且丑官多缺員欲調取
旁省者則遠且緩不及於事又人各異懷恐難倚
賴不若于六月新進士選補庶幾有定志有專責
可觀厥成也公以為何如南瞻雲樹心緒萬縷言
不能盡

周觀所

連日聞南寇日熾想念為勞適蘧使遠來猥蒙自
教值此兵旅旁午俯念及之感何可言謹附候起
居并以為謝寇狡猾殊甚今兵少財殫何以為禦
恐當圖所以守之為萬全不可攻之策然後俟釁
而戰上之上也此明公壯猷所素定因偶言及願
慎防其微以貽江南安枕之慶至幸勿遽不盡惟
炤察萬千

張北川

飛鴻亭集卷之十五

台從寓蜀時蒙佳箋遠惠每因煩熱輒假清風披
拂開襟當之感切中懷近又辱貺賀情文並至私
念庸菲誤承素知而來翰牖啓深慰積望其為感
又何如也使旋率爾謝復南中之寇未靖今仗明
公左右其間當使江濟無警臥金陵十數郡赤子
於枕席之上能無慶乎

趙甬江

奉辱來教知節鉞既涖維揚先聲播騰寇隨宵遁
為慰多矣即今四路調集之兵已至否傳聞浙地

稍安而松江之寇將去此足為公賀者但內地人多挾夷以亂經略緩輯在有司不得身任其責所願梅林山峰二老同心督理相濟如左右手善之善也

胡梅林

春來值多事不遑數問德履無任懷歎東南伏明公經略山海之寇蕩平有期吾氓所以遂安枕者緊誰之賜明公之功德誠偉矣而前日好事者弗之思陰置短長之說以簧鼓耳目非賴聖明剛飛鴻亭集卷之十五
三
斷以息羣舌又不知濫觴何如也頃承來教謹具題矣

吳望湖

昨念同州君厄窮之甚量移彰德二守以便歸計時鄣東野為郡捍賢父母官遂以同州應之亦不欲使同州就投散地耳正將遣人走報未遑而尊使適至敢附以聞外論謹識之心今之無實而盜名者豈止斯人其取人者亦多徇名而失實焉出無所為猶可言也然又兼有所為而為失涇渭而

混淆澠不可言也如是安望士習之不變而收治功乎可嘆可嘆非望湖將誰告也倭寇日熾僕無家矣奈之何練兵為南北防今日第一義留神萬萬南旺湖地遂未得耕墾僕心頗恨之今角江亦深悉其顛末若得彼民具一疏請庶可斷以必行也

阮山峯

節聞桐鄉被圍傳報者多風聞失實深為公危然茲小邑弗遂陷者非恃有公又誰能脫虎口也今寇亂未平所仗三四諸君子同心共濟為宗廟社稷之大計其餘瑣屑望略而棄之庶圖萬全兵法言同舟而遇風波雖甚讎可使相救如左右手誠願以一體相視勿容路壑相間也辱道義之知敢以此言進昔賢上殿相爭而下殿不失和氣惟明公諒之惠教遠及軍事苟午尚煩注念昨小兒書中亦云然敬知感矣

胡梅林

頃而奉教翰兼詢知道履萬福為慰江南寇亂昨

恃明公才猷康濟曷克底定今聞諸寇舉有羅拜之議果爾廼千載一時之會未為不善但恐彼機心包藏不可不防其突犯此中諸大夫之私憂過計也敢告左右角江復至南中在明公素相知又與山峰明崖諸公同心協謀共圖時艱當使諸寇竄伏惟喜吾民帖席有期矣來諭道路傳言多過蓋有之矣然流言止于智者必不為之惑也處置二兵倘第子子以例拘力不能挽之而出如何餘懷另陳

飛鴻亭集卷之十五

五

范育吾

賈醫生客歲南還曾附候道履蓋景仰仁賢自難忘言耳頃者猥承翰惠益見高情入春想膺多福倭寇近作何狀山陝河南地變異常而天又示之彗四郊將無安枕之期此識者之深憂知育吾固耿耿也希百倍珍護以濟時艱相知者之望不淺也

阮山峰

節辱來教兼聞仙居之寇靡有孑遺臨鯨鯢而掃

氛侵明公之功誠偉矣然非仗義而作之氣以身為士卒先未必能致是朝紳聞報甚快乃信大賢作用自別如此寒家無別事倘有冒姓名瀆左右者希懲之以法拜賜抑又侈矣

與李克齋

頃者使至奉辱翰教深知為城築留神鳳泗此僕夙心欲小有更徙而未能者公今及之真裁成之妙用也但人各有心而道苟之謀難定于一恐終作畫餅祇垂一番議論為後世笑耳前所惠地圖記憶黃河曲折殊非故步自後有進呈者須命老画工繪之

飛鴻亭集卷之十五

六

李克齋

聞熊興抵任未遑修賀使至廼承惠教先施感慰江北本是重鎮又值時勢之難必藉豪傑之材經其間庶幾有濟明公素抱雄略以之批郤導窾固知遊刃有餘地矣寧弗為地方幸為吾道幸哉徐宿豐沛之間土風樸茂人多強毅誠以意氣感動便終始傾嚮真有手足捍衛之情昔年僕嘗用兵

于宿賑饑于沛今其民尚依依相戀足以徵人心
易予敢告執事即有緩急固可使也近見為有司
者慮不及此而更魚肉之其亦難與共事矣倉卒
不盡餘悰

胡梅林

頃辱遠教又自江方溪處得覽疏揭誠所謂直而
壯律而減者而公之苦心豈一人手足所能揜生
也屬在編氓之末其敢昧公心哉在衆論亦同之
今 聖明洞鑒有此處分願公益弘前烈勿以人
言為芥蒂也

胡梅林

頃者大跡至 主上以公任事之誠假節制重權
至信至專其相遇之隆真若魚水誠足為門下慶
也不肖無所樹立循資躋級僅進寸步廼辱注念
率爾謝復不盡

羅西泉

僕無似生平與西泉未嘗接殷勤之歡然聞西泉
忠義激烈有古名將風則固心契而神交之久矣

東南被倭警以來間閭百戰遠邇人士稱頌西泉
功德何限而僕者又浙產蒙庇良多恨未能超越
以報西泉豈敢蔽賢也使者至承翰教云云特此
布復伏冀為生民加護以收銅柱之績以延宗社
之休

李業齋

榮行多惕恒以為歉即承翰惠遠及足感注存履
任以來聞政譽藉甚可以為相知者慰矣但比年
倭寇未靖而聞之南寔惟盜藪願業齋留意百凡
惟先事之防可也

趙尋齋

頃自潯陽所奉辱惠教且知明公惓惓垂念之情
比聞東南寇盜稍息斯民復有更生之慶此明公
經略既效為相知慰者多矣諸凡愛助之誠或者
潯陽能道也大同右衛之圖既解入餉幾及萬石
寔諸君子宣力所致 主上得捷音殊甚悅詩稱
殲戮于襄海外有截而今南國庶定王心不因之
戴寧也乎

趙甬江

遠承使翰來及知東南寇亂掃平子美言即署妻
子愁何在湯卷詩書喜欲狂生蓋私心有之而宗
社之慶又有大於此者不獨鄙人之慶也昔者禹
以司空往征三苗而公今亦然宅樊亮工端有待
矣屈指奏凱獻馘當不渝時便須遄拜以慰
聖明注眷

張蒙谿

海寇既平上慰主心下貽百姓枕席之慶緊誰
之賜哉惟額手遙拜南天舉觴為壽比來防守之
議不知又作何處分鄙意早暮望公北來以遂請
益之私且南北勞逸相均亦理勢宜然者公誠以
為何如

李克齋

節見奏捷疏豐烈偉績振耀耳目詩人侈言文武
吉甫為憲萬邦今公其人也仰甚金陵重地借公
名碩以鎮之旦暮望公之入以副請益風志令郎
春元自能言也選事冗草率布私并將賀歌殊愧

不腆

胡梅林

明公以身任天下之事駿功茂烈昭揭南紀用忠
義以結主知眷倚隆深宜有如今日也比因多冗
弗遑脩賀使至廼辱先施草草布復趙子南上諸
懷渠或能言不盡

楊虞坡

西土弗靖主上眷念老臣煩台從一出而于襄
之績隨奏明公固方矧儔也頃辱手教深慰仰懷
尊諭用人二節敬奉以周旋近日槐川疏亦言山
西多缺正官僕查該省官久已選補所未補者惟
夏縣定襄徐溝以無人可當大邑故暫止耳不知
前所選者何為尚未任也煩一查之

許默齋

明公以豐烈碩德上結聖知方叔之威猗猗郭令
公之二十四考中書縉紳均仰重焉某也以懶冗
相并未遑馳賀為歉頃辱手教益感注存特此謝
後近聞醜虜悔禍而宵遁固宗社之慶寔明公經

略之明效也

閩水東

久缺候問動履然聞邊徼聚米如山兵民均懷更生之慶繫誰之功哉此不但宗社生靈得所倚屬而執事之造福當子子孫孫無斁者矣使來辱翰教更慰積仰勿率布復指計還朝有期佇賀光寵不既

朱龍岡

往年承乏淮上經通德里門知明公鄉行奇卓又

飛鴻亭集卷之十五

十一

於縉紳間聞明公之政心竊慕焉昨者榮遷蓋緣朝廷需材之急邊徼重鎮非伏明公猷略曷克綏輯此衆論所歸僕奚敢貪天功也

王印岩

比來以冗弗克數候起居為歉承翰示知倭寇方犯潮海之間未免有勞經略此嶺南大患但較浙中為力稍易而廣右之兵足以為援又軍門號令威名素著生以是知賊不足平也尊諭敬奉周旋矣

王崇溪

久不奉教言悵快殊切前者借重漕臺蓋出衆論謂國家急務南北要地非明公之威望不足以鎮之詎意公甫至而羣寇猝犯也聞經略勞甚愛莫能助寔煩我心今幸前寇掃蕩而撫寄屬之克齋公且優游于澄心草堂之上鄙人亦嘗寄傲其中不知公因風念及否頃辱來翰先施良感注意使旋草復

蔡可泉

飛鴻亭集卷之十五

主

漕運關係國家根本第一重務比來又加之海寇竊發非大雅宏達之材不能弘濟昨廷論屬之思菴與明公上意尤賢明公首用之且徵簡眷矣代後希早蒞淮以慰衆望蓋修廢舉隆事勢有不容緩者耳某也誤承銓乏正懼弗勝而何敢當賀勿率謝復

與周章山

比聞南寇日熾念章山縷縷淮浦無城郭溝防以為固心切憂之使至審知經理之詳先聲所被亦

是以懾激矣若使賊偶犯近地又當量強弱多寡而為之備不宜草草應之以取劔也重辱來翰匆率布復

張午山

役來知吾丈已復任為慰始賡憑者聞為武崗人不意其遲遲如是廣右兵興今解嚴否指揮經略當勞神情然克成底綏之績貽一方二十年枕席之安固盛舉也須風景如舊惟羸豕蹢躅令人意興不快而不肖匏繫日久旦暮亦思東歸未知稅駕何時耳雲樹依依龍門難即不能不勤于夢想便間希賜教

陳五山

使至辱高情雅愛不我遐遺感荷無量抵豫章以來芳譽派溢中外翕然真能為吾黨立赤幟矣近日西江有公在淡泉開府西淮甬江承特命為江南宣察使印嶸且有滇南之推洛湖得從浮峰之後大拜亦為不逮壬午一科孰不謂極盛也某碌碌如昔但值工役繁興之時庫財空竭而南倭北

虜相繼入境禍數未盈誠為可慮何以圖之願留意固他日事也江西節諫擬派銀兩念并謝之舊已不敢及并舉以聞

屠直齋

奉違德範歷幾年所雖嘗忝明公之廬或瞻雲樹而低徊思跂然以慵疎之迹失候訊於將命者念吾榜中豪傑卓然獨立於風塵之表有如明公指不多屈某也不肖每兢兢夙夜無忝哲人豈敢自外遠于門墻下乎以是知明公能垂鑒諒而不肖慵疎之罪亦可諉矣使來猥蒙惠教極感注存匆率謝復

王洛湖

近辱手翰佳筴之及時值煩暑忽來清風奉揚之餘恍然坐我于萬壑長松之下敢知感矣使旋謹此謝復并候起居刻同榜錄益徵厚誼但其應任子嗣尚各有未備者方與後屏淡泉共加考訂完日重入梓也敢附告

錢景山

昔者誤役金陵時時獲領清教退未嘗不企慕焉
所謂觀容色而使人之意消執事正其人也以是
每對淡泉輒語及執事近聞所遺淡泉書竊念朋
友道喪久矣今於執事復見規益之義益深嘆服
風順謹謝

吳相江

相江養深而氣粹初意欲借重我浙會未便廼以
閩暨屬詎知道直不容反以累相江雖然於相江
奚病焉不容見君子直道固未泯也希自愛重以
飛鴻亭集不奉之十五
需後祿是望頃使至承翰及篇長意切僕心領高
懷矣願隨時例一出慎勿優游遁思也勿率布私
不盡

王遵巖

往昔誤膺八閩之役獲從明公遊別來幾歷年所
每遇泉中大夫士詢問動履之詳稍以為慰然不
能為明公推轂則深以自愧焉者茲值莊春元行
特此附候頃聆可泉語知明公心事有弗快凡
非久當自定惟明公靜以待之冗不餘及

范東明

執事者才名德望朝論具服近不免於多口不容
然後見君子於執事奚病焉頃蒙翰蕪悉素懷顧
少安之以俟論定莫邪干將之器終當得虎兕而
刺之未便委棄道左也尺蠖之屈正以求伸惟有
道者熟籌之

吳警菴

久缺候問道履然時時詢之貴鄉人知起居安暢
為慰頃辱遠翰如承面談真可謂千里晤對矣風
飛鴻亭集不奉之十五
順布致鄙私以冗不多及然長林豐草旦暮入懷
未知何日訪警菴於齊南魯北之間也

沈少泉

別來屢辱教翰知動履多福又抵家獲稱觴于尊
太公堂下椿萱玉樹相為輝映何樂如之此天所
以厚執事者也深羨如不肖奉職無狀奔走踣躄
亦欲苟免罪愆恐未能無咎無譽而人情物態難
處更甚殊覺高臥北窓者俯仰為無愧此僅可為
故人道耳入途萬望珍攝臨風懷想增劇如何如

何會亭村角江石山均致懇懇

賈實齋

久缺問候動履傾嚮殊深鍾麗江來奉辱手書既而緝子又備言公之賜教推愛有加此公引掖後輩之盛心然僕豈弗知感風順特此布謝并致仰私海寇甫平雲泉花鳥之樂想不減夙昔入秋近蟋蟀有賦願言無荒也勿率諸相知不及書乞叱名千萬

范鏡川

飛鴻亭集卷之十五

主

三

禁遷未遑修賀頃辱為賤辰使翰遠及自分踈劣得此不勝感歎率爾布謝聞少瓶多病而今瘠弱未更事願執事念之共期輔助成立寔子女終身大計生近日曾以一二瑣細窺見強宗之意將有視少瓶為杭上肉者亦可慨也恃至親敢言及之希照亮

王一山

緝來備言兄之垂教至深兼獲尊翰知道履安吉為慰隨緣山居雖甚樂然公之前件畢竟未完他

日完後脫去塵縛庶無罣礙假五指而驅象廼大神力也尊翰云云僕初謂今之仕者凡值郡邑鄉宦多虞未免行事難于展布亦以罣礙故僕之心則不敢存有我儘布公道並不惑於人言此僕之心也公以為何如

俞章南

生也無似然聞海內賢豪長者則無論識與未識固欣欣嚮慕願執鞭焉迺若執事之賢聲名藉藉耳聞既熟近又於淮浦獲瞻令儀麤鳳祥麟光風霽月至今識之中心未敢忘也使至荷蒙存念感慰勿率附謝

郁文芳

僉上人計用常及俞姪者相繼至得手書知文履倍吉深慰馳渴且近作亦清麗駿有古意使竿頭更進數步不當為大家也耶然竊有未盡者夫詩言志故因言可以知人昔者孟東野韓琦王金陵諸公微時皆以片言隻字之間揆其終身無毫髮與今足下志在用世又為聖朝作養人物年且

妙遇未遇有時焉何乃立言造意多落莫沉鬱若將發不平之鳴而弗見有奇曠特拔之趣恐足下未達所謂時者竊為足下弗取也幸足下思之僕株守如昨老母多病兒女子亦然旦暮欲乞一歸不可得而我先君子墳塋委諸草莽無一盡心力者主之此心其何能安前者足下書懇懇以及時行志相期僕匪人也抑何足係輕重哉足下之言及此恐足下亦不知僕也呵呵潘師就職竟左可恨同學諸相知各起居若何令尊甫處須致鄙悃

飛鴻事集

卷之十五

九

三

照

郁文芳

場題平正吾郡得意者必多矣蘇文奉返古人作文一字一句皆有意義須自家體認方見吾嘗讀韓文其長短縱橫如散金碎玉盡可寶玩博而約之求諸心而已孟軻言以意逆志是為得之此萬

世讀書之法不但于詩然也吾告足下屢屢足下亦然吾言否乎寫字須端整楷肅不宜草草易忽潛滋驕慢之失昔人謂某寫字甚敬非是要字好只此是學故曰君子無所苟而已矣顏魯公平生剛義忠直其形于書端勁恣態動有法度偶得墨本以奉足下宜佐冊葉置書席左右朝暮餘暇取覽且以儀刑其人不但資字學也足下妙年正宜勉進吾薄德寡學以足下請益懇懇不容亡言而吾又樂成人之美有不能不言者敢以告足下幸

飛鴻事集

卷之十五

十

三

發夜是圖毋多讓

林四山

僕從竊一官碌碌年歲於民俗無所裨益且事多掣肘日切纏綿之想又以五年仕途未免棲遲不能斷此藤葛為恨耳家人至承遠翰兼審知注念於豚子不腴肉骨之感子南亦有志於學皆龍湖造就成全之力也然聞子南致投好之感吾弱息甚不能安彼讒將何為者廼聞亂是非令人蒼黃反覆如是可嘆也龍湖宜以大義諭子南子道夫

道務須兩盡乃可僕歸期未卜何日明歲繼兒願以門下為依歸想不辭拒紹兒僕欲携至任恐負志山是以不敢強扳留也倘附學于門下亦請勿辭萬萬人還促有言難希希鑒此心

陸山泉

吾壻墮陷坑塹者數年於茲今仗 聖天子之神明賢宰輔之維持調燮公道昭白幸得脫離法網遭際寬恩厚澤如此能不感荷當思朝夕仰天祝壽為報可也昨會存齋五臺議吾壻便當南還為飛鴻亭集卷之十五 廿一
終身計不可逗遛客邸蓋嫉忌者眾而諳練未深萬一復蹈禍機雖有智者不能為謀也此肝膽至言請勿以為迂遠而闕于情實況吾女獨不念母豈忍忽然不歸靈几乎且事復有切已者須及時早駕以慰遠望途中略有資斧令去人薄為支持

白松陽

僕與執事交既舊今又重以婚姻之雅執事久係微纒而置業棘僕也能無念乎然今在位者多賢直道終為未泯知執事必當脫幽谷而觀天日矣

風順草率布問餘懷不既

陸山泉

日月不淹又改歲矣山泉之事竟不聞了期令人數千里外夢想徒勞豈勝慨歎入春陽德方亨況數窮理極必見天日意者當脫苦海南還可卜矣茲特差使探問吾女近來安否兩兒子日就長成否宜回報為慰

項少瓶

衣錦南還正為吾壻喜而尊堂夫人之訃至不能不為吾壻憂所幸緝舅能管顧汝子女稍為慰耳家事甫畢當思北來百凡宜慎宜厚今做官不比尋常時好任放情志也至囑至囑冗次言不多及外香帛并奠儀希為陳之尊堂靈几前見我遠敬
項怡瓶

舊歲節聞賢甥客邊消息及覽家音知既授官又協時好丈夫得路行志深為助喜自今願加意于修身行已之間循資漸進將有超逸塵駕之望況令尊敝轍不可復蹈為終身之恨也旅邸無聊讀

律之餘將書史一覽以資談口庶不為俗品人物
令尊亦知客費之難許相接濟而尊堂懷遠憂年
前微疾幾兩月始愈吾甥宜知者并及之

郁文芳

客歲於萬壽山別來遠思長想精誠恒發于宵寤
度知己之懷亦有同者入廣遇多事音問不數為
歎比想起居何如計北上在歲暮途次風氣日寒
唯順序日攝以慰鄙念春信定得意亦惟蚤報我
可也余質實之資踈狂之性居官無以踰人即潑
飛鴻亭集卷之十五
三
懼弗稱但不欺不貪庶幾子孫可免不肖為
乞丐耳此惟知者能諒敢道及

九臯弟

余年及知非尤悔日積兼之先君子諱養既久風
木之嗟時時難忘即今初度正切憂懼子弟迤遠
使為壽益增感念耳來詩亦佳只此見九臯意良
厚奚必烹羊庖羹然後云慶耶余終日應酬無頃
暇未知何日返駕與九臯會于西湖之上也人來
述九臯養靜恬淡有林泉終老之志又不干預時

事俯仰他人面目可謂高潔無愧金玉矣余心甚
喜近聞姪姪入學吳門接手余心又甚喜當為九
臯賀也

徐存齋

入春歷夏又半矣仰企之私與日俱積乃不遑操
扁舟一候几舄每自抱歎使至承手書念及犬馬
之齒賜以佳章捧誦間不啻明珠入懷懸之草堂
燁然生色自是便當朝夕瞻覽一字一醉且示我
子若孫萬萬寶藏無數也

飛鴻亭集卷之十五

徐少湖

服承風問甚久不得以時脩詢為歎近者予三人
偶會郡城郊舍頃間有數生相率來告曰劉稅等
應陪貢者今歲正貢林懋賢寔三兄同年父也孝
友信義鄉評素孚往年伊讓潘經應貢稅等獨不
能讓義如林懋賢乎願為先容于宗主予三人相
謂曰相彼投兔衆或逐之而況於功名之際乎今
諸生尚義似此可謂絕無僅有者少湖身教之功
端不可誣而永郡士風之厚亦足徵矣竊為少湖

賀成此義事以勸來學於斯文豈小補云

徐少湖

舟中領教一刻進我十年書矣慰浣良劇今之名
善學者多不免務枝葉而失本根少湖獨於實踐
上着力惓惓以敦本尚質為訓此孔門正脉而今
之士所忽焉者少湖擴而新之吾道之幸

毛春野

車後按廣如某不肖者猥以鄉曲之故承枉教勤
懇其敢忘德別後聞駐節曲江極欲追送乘其便

飛鴻亭集卷之十五

五

言卷二

并考南韶諸士值石泉半洲二公將蒞三水某方
有送迎之役遂與前盟仰懷仁思義色能不戀戀
也自仲冬望後偶患腫毒臥病至今領命脩纂經
史雖已就緒未得親校閱欲俟明春印刷恐遲遲
獲戾草率先印數部馳上徐再致也隔越數千里
有言不能盡萬希垂鑒并冀為道自攝以慰悵悵

溫三山

郡政于公久為勞勩然郡人蒙雨露帡幪之庇則
既多矣方今南北多事如公者豈能久淹下僚計

日當膺殊擢蓋公論也小兒緝至具述高情謹此
布復

亢水陽

使至猥承遠翰詢知中州人文丕變功化宏駿益
以無數之心施之風行宜爾也鱗返草率謝復

張內山

京師承教慶別來未嘗不傾想仁風近辱遠翰不
我遐棄又見楚錄甲他省文章宗匠所在宜與人
殊其為欣慰當何如也

飛鴻亭集卷之十五

共

言

王吉陽

想行色旦暮即發縱不肖右江之遣未定亦不能
追餞河干矣馳念如何外書三封寄苧村西淙道
林者執事至貴陽諸公倘有榮轉亦望覓便寄去
尤感

蔣道林

丙申之秋會執事于京邸聞浩蕩奇言牖發蒙昧
良覺有入處既又離索知見日孤即今猶故吾也
日月不居老冉冉而將至奈何奈何僕徘徊嶺表

數年頃得轉官家居與錢海石遇云不肖出京時
執事有佳製教我不知付之何所及今竟不得無
任抱恨便中希檢舊稿錄示使不肖終身以為規
且傳之子姓永世寶焉為惠渥矣

楊蒙泉

遠別既久仰慕亦切頃至廣右有事於蒼梧值軍
門移鎮五羊始擬就見五羊且得與諸公再談風
契又恐軍門以越境見嫌且水陸相追緩不能及
遂爾中止雖一聚首之期若有既合而復沮者况
龍鴻亭集卷之五
其他乎

宋廬山

玉山一會劇談至夜分數年未領之教未畢之情
傾倒殆盡底裏別來想念益切近入梧廼聞車從
已涖五羊先閱邸報知當路者不欲以海外相勞
信大拜在即且見始之塞為終之通也百凡種種
非面陳不可又不知聚首自何所臨書曷勝悵惘

林退齋

疇昔之夜猥承枉顧不及扳留請教為歉頃至梧

聞車從已涖五羊仰思標準既立人文聿新美化
攸彰舊瑕賴以滌洗此豈東人之幸寔不肖之幸
不肖始以給由離任接憑前期皆得作實在數其
柴薪等例應支補通各省皆然乞命吏查給且聞
退齋視事堂上不敢不以告也

劉弦齋

舊冬吏歸五羊曾具啓奉謝計久塵覽頃抵任廣
右以事入梧值半洲東巡欲越境見且得與故人
遇相與握手為驩寔為至願會謂行既遠雖疾走
飛鴻亭集卷之五
不可及計追及亦必在雷陽始克見不得已中止
乃不暇會吾弦齋唯有馳想焉耳

趙南涯

僕不肖待教於南涯且久知南涯豁達空洞長者
也既而執事入賀僕為試事東巡比執事將還而
僕又以轉官去雖契分相投不得與南涯訂久約
踐蓬門故事豈勝企戀以鄙懷如是知南涯之念
我未已也鴻便致問聞欲監功海上不知車從近
駐何地相見未即統乞順時保蓄

雍見川

疇昔之夜騶從俯過敝廬不及扳留少叙別後抱
歎日深又不暇覓便致哀曲雖恃鮑子之知然跡
涉簡略固不能為情也頃抵任廣右如梧鴻順布
懷藍田玉樹應有佳期請示以慰遠念

周崦山

不肖私念同年之賢如崦山者蓋少同年又同官
相知如吾崦山者絕少則吾於崦山能無戀戀於
懷者乎別來聞榮轉良慰然海上多事雖指頤間
飛鴻亭集卷之十五 其
足以辦集不免經營彊理勞神苦心此僕所以愈
有懷也僕近抵廣右多病頗動冥鴻遐想恐聽者
不能察或謂擇地擇官而仕觸蹈危機今且因循
踰時再圖耳此僅可為知己道也

何古林

不肖竊祿嶺表殆四年承教愛最深比行華以珠
玉執事之為惠渥矣別來惟有感激頃上任以事
如梧風便聊致仰私勿遽裁舟諸相知者不能各
具啓俟後續布幸會間叱及或有問不肖起居者

請告之曰吳子猶故吾其進修也真越人之射不
失跬步者也果若斯言益見古林為知我者邇來
不吝墨教以慰惓惓

李三洲

舊冬辱翰教以廣右山水之奇甲天下即促駕西
上縱覽果然然以三洲賢主遜我先行則固失始
望矣頃入梧鴻便附問動履聞浩志欲返初服何
勇甚如是以僕之多病且菲才尚不免隨緣一出
此正不及吾三洲處也惶愧

飛鴻亭集卷之十五

三

韓魯淙

不肖昔居京邸猥辱教別來懷仰無任惓惓緣
今年二月入廣科場事殷奔走十郡更無頃暇獲
修咫尺之書一問道履為歉茲值廷佐年兄便奉
布鄙私區區治狀無一足聞所冀高明厚為天下
自主

胡在軒

某不佞鄉隱久矣方幸視大君子為之依歸執事
以榮擢遂行而不肖以公務碌碌在外中間會首

不過三四次寒溫者一二言止矣不知古於有道之士其相處我視何如也聞戒行在即特遣人候送試事方冗據几草草

許默齋

先此辱手書之惠深感高情然使者不索報章徑去乃不得達鄙私於左右悵悵悵悵即又承翰示兵備一節初虞坡致公之命屬之溫張二君今已無及俟後圖之值魏廷秀行草草附復廷秀欲瞻門下視還朝之期當有好音復我也

飛鴻亭集

卷之十五

三十一

姚碧畦

仰惟德星照臨我浙某也與在編氓之末瞻企寔深自念投老屏迹不敢以尺素馳瀆將命者客歲猥承須曆使長林寒谷之下頓爾生春無任感荷昨小兒緝入省令叩首階除一致傾佩之私緣懶病不遑顯啓已自抱歉即又辱使翰遠臨益切感竦

孫東舉

某不肖頃瞻光儀知執事有道君子也又聞新政

動中機宜其餘波所被及我旁邑極切仰企即過皂林兩弗克晉拜既屢後人追至武林寵予稠疊慰教懇懇何執事垂情之仁如是也

諸亭村

數年不瞻道範馳企甚切始車從涖閩嘗兩致啟值入賀不及奉投比轉貴陽則鴻鱗益杳矣追念京塵中古寺夜談促膝傾倒一時同會今各星浮雲遠能不慨然也仰聞心養冲粹道妙自然行將振翰白日躡躐空同如不肖朽材凡骨頗存冥想不識茅村携我同升否也故鄉無別事潭府平安羣從恂恂良慰遠懷唯人情物態稍異曩時再十年恐益澆漓雖賢者莫如之何矣此有識者所深憂敢附及之

盛少和

人言少和負奇術拒人太峻頃獲遇於蘇門再瞻玄度及聽聆緒談知少和儼然不污能自拔於流俗者也龍岡云秋涼有過訪意私念吾鄉水國也羅湖尚在可遊果爾當與范大夫爭高矣

飛鴻亭集

卷之五

三十一

鄔東泉

嘉興郡當衝要政務煩冗自倭變後民俗日趨於
漓薄前此郡守四五人相繼弗克終譽以去是以
凡吏茲土者恐恐然欲求保全身名以免於讐關
固常情也近郡守徐必進青年茂質蒞任以來勤
心庶政虛已愛人百姓相安古所謂豈弟君子民
之父母誠無愧焉頃因痰疾偶發遽興逸志懷歸
數澤民心皇皇恐一旦離於怙恃者之側攀戀無
由郡諸鄉士夫之心猶民之心也不肖之心與諸
飛鴻亭集卷之十五

陳豹谷

往寓廣時時見月山間知動履北上過三水失候
為歉即聞榮擢以豹谷之才之德不宜外出然東
南民力頗竭非賢者莫能濟也當路意固有在惟
冀自愛以慰遠望

李衷溪

顏色瞻邈何如去秋薄劣以疾得差歸後會徐子
升年丈知執事道體廸康為慰適承翰貺發函伸
紙益增愧感邇聞尊甫年伯榮旋有期定省之權
尤生人大願某家尊正月亦應貢赴部白雲翹首
惟有此心人生聚會無定迹功名使人固如是耶
執事騶從倘臨敕邑千萬相聞當走候郊滸子升
年丈大人子貞年丈大人并致懇懇抑不知子貞
北上曾治裝否

飛鴻亭集卷之十五

陳際曜

奉別將及瓜期無任仰想然不敢數候問起居恐
瀆清嚴也頃承遠教知明公為下郡圖萬世之安
但民窮財殫人情又多樂便常而徇小利未識能
成明公之意否潯陽出示尊翰見際曜惓惓為地
方計造福於吾浙人者深矣感甚感甚即日潯小
兒繼家報聞明公為不肖樹坊以表宅里此惟施
之賢者乃善願僕何足以當之特敢附謝容走使
顯布不一

施石橋

別來數年無時不懷吾石橋者道遠音塵莫能亟
致然自滇南來者皆得詳聞起居用以為慰見邸
報知補官貴陽信公論之尚在而足下苦心厲行
為不負矣僕碌碌故吾無足為賢者道但以不材
終其天年如莊生所云固至願也便間幸不吝教
尤感雅情不淺聚首未知何日臨風惘然

顧武祥

違去左右千里仰斗之情恒切夢寐中緣無便弗

飛鴻亭集

卷之十五

十五

三

克書致俗狀頃蒙張惟靜南旋奉得華札不以其
愚不肖遠勞記憶情辭諄諄發函伸紙之情若昔
在旅邸面承教者欣荷無量伏聞德學日益大為
時望所屬同年光寵宜何如僕居鄉碌碌不足齒
及且公事未竣奔走道路不暇息轍進修之志日
負於初奈何奈何

應仁卿

五月十八日往永嘉督王旣演整事往回雙溪某
以暑熱潭府去驛路遠弗克登堂稱壽承尊甫及

賢昆仲出城俯會時行李匆率竟不能盡言抱歉
奉獲手書知宦邸清吉德業進修日異而月不同
多為士望所重僕不肖荒陋殊甚柰何

蔣雙橋

別來踰時遠途往復咨諏有懷勞瘁何如得手教
極慰馳企但念榮轉江右使不肖不得朝夕請事
左右為恨耳科場事誼誤出自外至於執事奚歎
僉謂湏一來且還故鄉乘其便幸勿惜解纜也

潘竺江

飛鴻亭集

卷之十五

三

三

杉青別來久踈候問懸企如渴不肖以多病之軀
自仲春入嶺南即以試事奔走水陸及今碌碌無
頃暇雖蒙素如愛竺江如五谿者咸不克通咫尺之
書其情悰可知矣使來頓辱手翰慰浣良劇值告
旋遽草率布忱又聞南征消息既緩豈惟社稷生
民之慶吾輩亦藉是以安矣何幸何幸

陳泰宗

謬承過愛獲信宿郡城中侍飲請教執事先生好
客之懷高出鄭莊上某非緇衣賢者何以當之增

媿增感擾後登舟即已解纜弗及再拜辭謝企戀
惟有此心謹留尺楮道勤懇秋熱益熾伏望自愛
以膺柱石茂用

田豫陽

車從昔過三水嘗一通問繼此音塵稍寒其為傾
仰極切私念不肖承乏嶺表即又為廣右之行皆
從賢執事者後步亦步趨亦趨雖強效蓬心追躡
前跡然雲霄高軌邈不可企徒深洋嘆耳便中不
吝惠教竊有望於君子

東漢書卷之十五

李

李古冲

途中累辱教諭則固目擊而道存矣感慰感慰聞
榮行在望日左右僕了清遠事當褰裳躡足追送
於五羊之游因念執事吉夢豈其徵乎所諭謹領
嘗謂士大夫別於齊民者正在此而又重以執事
命敢不諾而從諸使旋謹布復僕即日下三水聞
命許以貴衙借處何幸得從君子之後丐芝蘭餘
馥耶

虞東崖

久遠玄度極切想念頃至東江如梧聞王體弗安
不及走使問候然德厚功崇天必顯相固知不藥
自愈者所冀游神澹漠弗悅怒干乎其心則血脉
平定諸疾不作亦節養之要也適會少村知取關
之意恐非君相所欲聞且以執事之望豈容枝隱
不若寢格需後命何如

黃小川

奉違懷仰盛德殊甚適以使事抵吾省進見有期
未致書問荷蒙先辱愧感不勝匆匆弗克走謝承
東漢書卷之十五

三

來諭於理亦無害但傾蓋之始恐不能以心膽相
照未免取按劍相盼之疑是以欲言而未敢也望
執事亮之盛价同行甚謹約無忝伯玉之使足
以驗吾文之身教矣

飛鴻亭集卷之十六

秀水吳鵬萬里父 著

長孫惟貞校刻

書

徐鳳竹

客歲台從經禾城獲瞻玄度兼聽德音深慰積仰
繼聞鎮臨江右興廢舉隆難惡扶良得之邱報慶
置入官之田大為人心所痛快自縉紳下及行術
之士皆能頌德政之詳舉動遠機宜而風采足畏

飛鴻亭集卷之十六

二

三

愛在古人有不得專美于前者賢者作用自別如
此遠久幾欲修尺牘于門下一致傾向之私然山
林跼伏所宜深潛形跡迺不敢以姓名通惟有馳
心而已願承遠使書詞懇懇情文隆洽何以克堪
覽觀訓諭講義感應諸篇教以身先不殺之仁及
于物類而責成庄主猶為除惡務本之意燕會之
間雖小民家無十金者亦以修戚相尚吾鄉近為
特甚心竊惡之迺不知大江以西近亦改乎其舊
得明公條約當徧告吾鄉人也鄉約保甲陽明公

行之委于地方有益若使奉行者秉真實心要之
以久民俗當別是一桃源矣吾鄉近亦立保甲講
鄉約迺黨正副非有齒有德有家之人而革罷里
老胥吏營任其事往往挾制細民圖利私斷鄉曲
非行法之不善迺奉法者察之未至也然江右民
習稍朴或免于此矣

萬兩銘

遠別年久嚮往高明殊切夢寐然不能一致竿牘
問起居自顧愧處閒窳分宜匿影掃跡而豈敢以

飛鴻亭集卷之十六

三

四

姓名讀門下其音塵雖若踈曠而鄙心固不忘也
頃蒙使翰加臨深感存注明公不遺之德在古人
何多焉捧讀大疏經理白舡一節曲折詳明東南
民力其有瘳乎白糧重船乃富豪商販素狡猾者
能為之在他郡不可知我嘉興士大夫家寔未之
有也今改造令輕淺與軍船聯幫以行費省而事
集無不可者承下問及之集思廣益此明公作相
之盛業也不肖衰暮於時務漫不省識又何以塞
明命也哉然仰而思之舊糧長胥駕淺船便矣計

回期當在冬月其破壞必須刻期修理未及堅完而新糧又督催入舟此尚有船在者猶可言也假如百分之一不能全辟以還在有司無羨餘之銀舊糧長勢不能支新糧長力難重困非若軍運有減存之船者可以撥補必另行新造又恐非彌月不可成而院司督促起程之檄星迫而火馳當是時作何處廼善惟明公裁之貽我東南千百年之福幸甚

康礪峯

飛鴻亭集 卷之十六

三

三

奉違玄範既久徒以道里遐隔不得因時問訊起居瞻望春樹暮雲惟有馳戀焉爾比來聞大厦完好遂居慶笑語之安倍膺馭穀壽考之慶深足為慰生冉冉歲時雖故吾不失而精神日減舊冬一病三閱月始能出門戶應賓客要之恐非百歲人矣外拙稿入尊覽知明公不忘于并州也

徐鳳橋

寒家寓禾城雖久自先曾祖以上世居龍山之南今丘隴在焉則僕與鳳橋固同鄉人也以是聞令

名甚熟然不及一瞻德宇惟有馳神頃者沛邑父老訪我於山中因其告旋私念不肖昔以賑貸涖沛愧無洪澤及於民而斯民淳厚至今不相忘歲時或不憚于遠訪况今明公為令茲邑深仁隆愛被於民者既久民之戴之當不在安陽彭澤之後矣風便附此諒不以未同為嫌

區西蓮

昔者道從經禾城弗克款洽傾倒積抱為歉汪雅堂近還自永嘉亟稱明公德政之詳且言垂情於

飛鴻亭集 卷之十六

四

三

衰朽托之寄聲藉為慰多矣永嘉山水郡其民質而好文生初仕時嘗一至其境迄今每夢遊于江心鴈蕩之間未忘也以明公素所蓄積者出緒餘及民了政事暇則探幽玩奇一適意於山水固吏隱至樂勿以枳棘為嫌也即日使翰賁及草堂恍然如挹馨歆之末高誼不遺附謝

陳我渡

明公秉憲敕地浙東西民衣被德教遠邇向風比撫鎮蘇臺大河潤澤及我隣壤罔不驩呼告語想

望風采其以山林遠跡不敢通契闊於左右而仰
跂之私則猶未嘗一日忘者竊念明公雄才雅望
卓爾弗羣何復不理於口雖然心之無瑕公論必
久而後白也天定勝人願明公順以俟之三讀揭
帖心跡洞然覽者得無有失言之悔乎冥冥飛鴻
翱翔于廖廓之上百凡任其喧啾此後付之忘言
可也

蕭允隅

斧節照臨我浙義行仁育濯痼煦寒兩浙之人舉

飛鴻亭集

卷之六

五

卷之六

安于枕席者緊誰之賜哉以是知賢者所作為固
越尋常萬萬矣生衰老殘年株守林壑荷蒙推念
舊愛寵渥有加感激之深非言所能盡然明公行
矣不敢致一幣以瀆清肅之庭知明公勿謂我簡
也生本海寧縣人先祖封尚書公以上皆塋于海
寧其地去嘉興百里而遙人不能盡知也因此受
侵不為少矣建坊一事敢告明公不敢以一瓦一
石煩諸有司其工費出自明公前後所錫予今特
假重臺下作標準生之子若孫當世世感念無斁

也

屠竹壩

別來幾歷年所遠弗克嗣音然每聞公與鄉賢大
夫為詩酒之會九老餘風猶見今日即承使翰加
臨知近遊西湖上便當馳小舟追隨几筵穿花藉
草不愧來往風流之詠固夙心也所恨衰年去冬
一病至今雖獲安全元神未復又痔發苦于涉遠
相望咫尺無緣奉一笑之適傾倒平生瞻邇積懷
負歉當何如頓首西向屋梁明月庶見德儀念高
飛鴻亭集

卷之六

六

卷之六

懷同之也

陳五山

春來奉辱教言兼得小園佳對置之中堂恍然日
見眉宇又不但聞足音是喜而已前日傳言者謂
台後有過江湯遊之舉何意此信尚墮渺茫豈將
駕矣復有尼之者耶不知秋末及明春之初可遂
約否

鄒東泉

恭承枉誨竊念某者拜君子之下風已沾廣厦萬

間之庇荷仁人之大德不忘平生一臂之交佩意
實勤拊躬曷稱明公涖郡以來生也心竊嚮往不
敢具尺牘奉聞于左右恐涉未同之嫌非簡也生
原藉海寧縣自上世以及祖考墳塋俱在園花里
有田百畝所以供祭祀者因生在嘉興地隔一程
而里遙科索不滿其欲累肆欺陵假如田及千畝
糧及百石者尚免自行兌運生田數僅止此糧不
及十石而陷以自運心殊不平欲具詞白於臺下
又恐觸司事者之怒特此稟聞倘蒙裁酌事可施

飛鴻亭集 卷之六

七

行當別陳於左右

張嵒嵒

某不佞側聞明公雅望於未相識之前及見玄度
端凝益信為廟堂鉅器羽翮之美非腹背之毛也
以是中心敬愛遂為相知恐在明公亦不知其所
以然者詎意某放歸後而明公且以讒出當時公
論殊為不平而鄙人亦深有恨于任事者然今讒
者安在哉天將降大任于人遏抑之正所以為玉
成之地明公數歷中外辛苦備嘗涉履多而天下

之根本機要宵中尤為熟悉由此任重致遠何所
不達天固成之不可謂無意也恭聞節鉞鎮臨蘇
臺遠近欣欣嚮風敕郡與蘇壤地相接沾被明公
河海之潤某也幾欲修咫尺之書一伸情愫願念
山林跼伏之踪不敢冒瀆于將命者迺蒙先我榮
施書詞勤懇語及舊故感媿殊深使旋附此謝復
天下日漸多事經綸匡濟誠有望于賢者惟明公
自珍

郭麓池

飛鴻亭集 卷之六

八

猥蒙裁荅倘領教言以明公之苦節好脩實心善
政播在人耳而猶不理于口乃知世路荆棘譬諸
浮雲過目變化蒼白在翻覆手間誠可畏也某初
仕時見吾浙憲使錢桐谿公亦為言者所排擠改
官廣右尋公論復明而陟大司空以功名著固前
日之桐谿也於明公又奚愧焉聞二月朔後戒行
某以病弗克走圖一面傾倒積衷天下事不如意
者常八九隨所處而安之以俟天之定此古大聖
賢遇變而亨之道也幸賜俯擇

傅少巖

頃者兩辱教翰甚慰漕議大疏如牛欄山等項語切而意盡今獲稍寬誠軍士之幸也中間詳悉方山能道之不敢多及猥承雅惠并木炭之賜值此隆寒夜分推爐獨坐頗覺陽春無乏而至惜少羊羔佳釀一發吟興也

鄭印溪

自明公入滇以來吾郡人仰企之心不啻口出伏念明公操剛直不撓之節以照拂郡人使善者有

飛鴻亭集卷之六

九

所恃以無恐而惡者屏迹懾息罔敢犯有司之庭雖明公之譽日起而忌者日益睥睨其旁有識者已占知其難免于今世矣已而果然不勝悵惘然忌者率亦自不免焉天之報施真弗爽也出處之際誠不足芥蒂迺吾郡人所嘗言因述以告三代直道尚未泯耶以為高明慰也

吳自湖

某竊伏海濱每聞明公晉秩日崇聲望日重賢者逢時行志以康濟斯民流澤區宇盛德大業為縉

紳具瞻凡在相知曷勝忻慶仰間承使至惠我華札裁函伸紙情文藹然三讀此非垂愛之深相信之篤孰能吐露肝膽畢見底裡如是數千里外如親領謦欬之末者慰藉多矣追念明公蓄養醅醑動合古道譬之梗楠杞梓之材當為廊廟所需火齊木難之寶人必識而珍之豈至委棄道側生不佞未敢自謂有知人之鑑然意氣之孚固有得于牝牡之外者非僕之能知明公而明公之所以視我者誠先之矣世路荊榛古今所同畏生昔居銓部題覆一事只知有朝廷而不敢私于故舊彼懷憾不忘凡可以中傷啓禍者無所不至二三小子竟被罷官而後快其心今其人入鬼錄使其死而有神必將悔于操刃之誤矣害人者適所以自壞其心自我其福明公雅度不與人校超越尋常萬矣若鄙人起居年來漸衰憊所章膝前諸子咸無他故添孫十人曾孫一人今十歲知章句矣此明公所欲聞敢附告

王圖南

別來幾歷年所自顧跼伏林丘鴻鱗寡便雖仰止
為勞而音塵殊曠恒自歉然頃者小兒緝至自京
師具言蒙愛有加又承手書佳幣及於不肖非明
公篤於道義桑梓情深者誰能念之感激感激茲
因風順附致謝忱伏祈為清時珍重維持國是以
培元氣而植生民幸甚幸甚生屏居杜門精神日
耗寢食之外一無所營頃得犬子還侍左右暮齒
相倚寔門下成全之力感荷口筆難既惟有此心
并告左右知不敢忘德也

飛鴻亭集

卷之十六

十一

吳望湖

六月初小兒緝至家相問勞餘即言蒙明公垂愛
接引之恩勤懇懇非篤於道義誰能留情似此
感激感激僕杜門屏居寢食之外無一事與人交
涉亦無一事留滯宵臆以是自怡暮齒近得兒緝
還發晚扶持左右真寐家中一大慶也賴明公極
力成之兼辱翰幣書扇之惠不勝欣感茲因賀壽
使便謹布仰謝之忱僕齡年慕道老且無成翱翔
蓬蒿之間恐終害于斤斧明公何以教之風便幸

以平生所獨得者盡發其秘僕雖老猶勉力以進
也至切至切新刻玄鑑養生家說括之無遺譬之
珠貝滿盤而貫穿脉絡處欠下手功訣不知明公
以為何如相見無由惟深馳企并祈為天下蒼生
自玉

潘水簾

前時台從經西水根承寵顧侍領清教移刻極慰
平生歆慕之私某跼伏猷畝中側聞榮轉首部計
當入佐聖明以弼成雅熙之極治此其機也老

飛鴻亭集

卷之十六

三

成柄用宗社之大慶豈直為鄉黨交遊之光而已
幸甚幸甚某年來衰病侵循未嘗以竿牘投諸顯
貴在相知又有不能默者茲緣小壻張夢傳就試
便特此附候起居幸希順序厚為天下國家自愛
以副情禱是望試期近矣小壻借左府庶事監生
雅志向上如蒙門下垂情引進獲與觀場之列感
荷更切

王疎菴

舊歲杭郡周三府還自京師荷蒙華絨簪幣之惠

先是小孫惟貞又備述明公推愛惓惓今之世不遺故人用情之厚如明公者指計能有幾哉明公碩材雅望為中外所傾嚮固將秉化樞以流澤區宇寔鄙人所深幸昔年同事部中蓋目識而心期之矣生衰殘局延餘齒無復故吾况為子女所累老牛尤切于舐犢之愛以是情悰殊惡難為知己道也

王金泉

伏惟斧鑕涖止敕藩分宜爭先奔走恭候起居以

飛鴻亭集卷之十六

三

快一睹願以衰年餘喘屏跡林泉方懼潛隱之未深而敢以姓名通將命者乎竊惟明公雅循古道其慷慨任事輔世濟時之心蓄積有素今自入境以來舉錯合機宜而風采震懾於兩浙迺知賢者行事自別如此心服心服敕郡民庶不瞻巡院光儀殆十餘年民俗澆漓漸失敦龐之舊所望明公發賜鎮臨則春陽所煦秋霜所肅之下挽民俗而歸之醇古豈惟予小子賴之固地方之慶國家之庥也嘉湖兵巡道某者養親家居八年而後出清

脩篤行不立異不隨塵不吐詞不茹柔有古人風節吾郡民甚安之其學問緯章亦闕邃精麗殆中美而不事暴於外者惟明公藻鑑如日月之照有真知焉固不俟贅語然予小子知其賢而不以告是蔽賢也非致吾知之良也明公試垂梓焉要亦致其所知非獨地方之慶也

徐鳳竹

台駕始經敕郡獲瞻光範而猷聆德音極慰傾嚮之素既入省則聞案牘鼎應日繁且試事方殷不敢以尺書漫投門下近得崇儉條議讀之切中時弊知門下為簡易尚質之治欲挽浮靡之習而復之古良法美意宜在我輩倡始遵行是以當門下涖境又不敢致書為賀伏計門下能鑒此衷也即日駕東行值暮不遑躬候水滸猥承賜及新錄郡中多士繼起仰賴大賢君子過化存神之妙且誦法於門下亦久又不但聞風俄頃間者海堤之患關係地方匪細門下乃獨留情懇懇如是悅以使

民民忘其勞豈惟民哉至誠感神今知海若自當

飛鴻亭集卷之十六

三

效靈亟收不日之成功矣人言取石之難僕念搬運亦不易但使收取者挈長補短益寡裒多稍寬節限則運者樂于趨事不以難自阻矣鄙見如是惟門下裁之

吳自湖

某平生無善狀而好德之誠乘于心口不能言如明公素所蓄養巍然拔萃尤鄙人所歆慕願為執鞭者當開府西廣時猥承翰惠而犬子紹深荷培植迺為忌者屋烏之恨致其坎壈終身雖命數宜

飛鴻亭集

卷之十六

主

三

然而上負厚意久不報且不克通尺牘道情懷能無歉乎然每聞明公家居以來動履安吉盛德格皇天篤生令嗣天之顯佑善人不爽如是凡在相知語間孰不抵掌相賀也幸甚幸甚比年運道水患異常生民之困社稷之憂也江湖廊廟殊切隱懷頗謂得實心行事如明公者數輩經略中原何患乎底績之難既而覽朝報則明公之出有成命矣此非直為明公慶為朝廷得人慶為世道之慶也地平天成偉然功烈于是乎在某無似當為明

公頌焉是月六日使臨敕廬奉辱華楫情文懇懇恍坐我於春風中聽聆警歎之末慰浣良劇使返附致謝忱

吳自湖

恭惟明公開府淮揚賢者乘時有為康濟艱難貽社稷長久之福凡有識者罔弗欣忭而况素承臭味相知者其為忻忭又何如也頃蒙翰貺加遺匆率奉復殊不盡悽悽企念之私亟欲走使布忱緣病暑又爾濡滯抱歉抱歉生草野跼伏間嘗竊思

飛鴻亭集

卷之十六

主

三

今之淮揚節經水患民貧地瘠非二十年前舊矣明公負碩德雅望出而經略其間朝家蓋以成平之績望之近獲邸報覽大跡何其舉措合人心而風采之足畏敬如是也即古之名公著聲烈於當世而銘鼎彝以傳不朽其道不出此汲服汲服抑生聞河之為患殆有神焉非人力可致生嘗從事於斯親目二三奇驗在明公粹養有素其精誠感孚當有默相厥成者又以知河之不足為患也幸甚幸甚謹遣小价將賀敬焉希俯鑒入秋尚熱并

祈順序珍護以綏茂祿以慰情禱

張筆峰

往者台駕寓金陵猥蒙垂念屆行弗克走一使奉
餞於大江之漣恭惟歲籥更新榮問嘉咍正君子
道亨之日仰希順序崇護以荅清時士大夫咳言
明公向精堪輿家言僕曾有意于此而未涉其通
天地人曰儒明公所以宰物燮調者其在斯乎生
跼伏田野固當掃迹削影於人世以是不敢徧修
竿牘之敬所望相知俯垂鑒諒

龜鴻事集卷之十六

七

沈劔南

伏自明公轉江右獲一再接顏色聆德音豈直鄙
人藉以為慰下至士民舉欣欣然喜幸復覩明公
威儀則在相知者喜幸又深矣惟明公之治未嘗
疾呼急步而四境肅然識者每謂政事所張弛宜
為士範古人云不言而飲人以和正容色而使人
之意消者明公有焉如之何使人弗能思也頃別
猥蒙翰貺遠加牖啟懇切非在明公道義之交孰
能以肝鬲之語相及夫要名藉勢今俗通弊名者

實之實無實而名高者君子以為弗祥于譽則違
道矣譽可干乎况藉勢尤市井商賈之所鄙士大
夫而為之可恥愈甚嘗見據勢者當其盛時門外
轍跡塞巷勢稍落雖相厚者過門不入或瞰亡飛
投一刺矣投之刺尚其厚者又有反眼若不相識
落井下之石矣此等夷狄禽獸所不屑為縱使其
得志僥倖顯赫奚足貴哉夫夜光之璧明月之珠
以暗投人鮮弗按劍相盼者孰知至寶在璞必不
終委於道塗而囊錐之處自宜脫穎以出故道苟
同可使肝膽吳越趨向不合則比屋不相往來君
子修諸已以俟之人不求同俗而求同理鄙人敢
以為明公告誠愛明公之素能求於同理也遐想
案牘勞神簿書山積請勿存厭倦心即此實政皆
造生民之福委吏乘田大聖人固勉圖之今安知
無巨眼者出而求同于理辨涇渭之流取其良于
牝牡驪黃之外也願明公徐以俟之

劉節齋

即日入秋蒸熱尤甚方閉門謝客偃仰樓遲辱使

適至惠以佳瓜即剖食之齒牙間真覺水晶寒矣
多感多感撫臺交承觸暑一拜其事雖勞未病巡
院未代而薦疏先上前無此體意者新時局面不
拘陳跡也敕郡張別駕當官潔已奉公任勞任怨
蜚聲藉藉在人耳恐巡公弗諒借譽於左右今薦
疏既行固無及矣側聞當塗者督過於大夫果若
人言亦過矣嗟乎負嵎之虎人莫敢撓即使馮婦
攘臂能逐為衆人祛此大患胡得深罪而為士者
乃以為笑其笑也尚可若加詆謫因欲中傷肆言
飛鴻亭集卷之十六

十九

三

虎之不須逐則過矣過矣要在上人虛心懸鑑下
自不敢以輕重曲直相欺且下人之言未必公其
心未必無所利而為之在上者詎可信以為著蔡
耶是非顛倒縱能掩於目前公論久當自定孰謂
天網果疎漏也因來教及之不識公以鄙言為是
否邱報差差者送來一覽即持去亦無異聞惟採
辦金珠寶物頗多恐為大農計不然則母復所需
也奈何

沈劍南

不肖樗櫟朽餘桑弧初度敢圖明公記錄遠使
翰加以腆儀况值政務叢集之時而恩意不替于
凡鄙何明公之仁之厚如是也

趙西虹

昔西虹泣吾郡時不肖辱俯愛甚厚奉違又越辰
期仰德甚切因念東魯之民何幸而吾郡不得飽
西虹之惠則甚病也近來道履何如東土民重厚
質實古稱易治如我西虹之才之德可以而理矣
不肖近禪中瑣瑣俗狀無足為高明道也茲值杜
飛鴻亭集卷之十六

三

園公翔便致鄙私并謝前日翰貺之辱臨楮不任
悵悵

陳定庵

炎暑猶熾恐勞起居不敢數候門下仰聞新政有
風行草偃之勢民多欣欣相告曰良父母也不肖
輩居草萊獲借蘭馥沐餘照不既幸乎昨偶會一
行客聞云崇德近有土壩原曲防初意迺絕流以
遏賓旅隣國疲於應接有怨言又商農舟楫亦稱
不便夫愚者可樂成而難慮始喜安常而憚改作

彼習見昔無今有率爾云云執事何不即撤而延
用此以賈怨也外聞執事聽斷之公門禁之嚴吏
弊之革追徵之不濫及於無辜皆晚近創見者子
云居之無倦行之以忠敢為執事頌焉讀書錄并
入

由賜川

恭承天之嘉惠於我敕邑借重明公數年每聞聽
斷畢照物情雖事竣以去者久之能識其人語其
故聰明仁恕開心見誠蓋近世所少見也敬服敬

飛鴻亭集卷之十六

廿

服

蔡松崖

僕著籍嘉興蓋三世矣而曾祖以上皆本園花里
人其墳墓尚存則僕固執事之編氓也向以未同
為嫌失通姓名于左右恒自抱歉頃念先大人墓
孤寄遠土自海寇生亂僕又官歷四方雖寒族三
四人近死于寇力不能守視廼被近墳橫民所伐
松楸侵越田界誠不共之讐也竊謂松崖有父母
斯民之寄不一鳴之于前而越聞于上是所未敢

偶值鄉人歸便特附申鄙私倘蒙推仁命一使持
片紙下示鄉民則彼自然歛畏不敢傷毀及薪木
矣其為存殁之感又當何如勿率不多及容另修
謝

陳海洲

別來未遑脩問道履惟時時聞政譽旁達遐邇為
慰近日使至猥承翰儀之賜兼示念及先祖荒隴
將欲樹之風聲此必不敢當然而在存殁則知感
矣惟是荒隴僻在海隅乏人管顧比來新置田畝

飛鴻亭集卷之十六

廿

為強暴欺侵若得假借威靈召寒宗一二故老詳
詢始末俯賜裁斷以貽百世之業則吳氏子子孫
孫當百世感激無盡也鴻順謹此布私并謝先辱
無任懇祈

關斐川

蘇與嘉壤地相接生嘗於書肆中得明公之文讀
之兼聞雅望耳相傳者熟矣心竊嚮慕徒以山林
潛伏之蹤不敢齒姓名于人世頃黃涯公過謂湫
隘之廬在省城者欲榮以顏匾乃致煩于下執事

自慙朽劣何以克堪復念明公行仁政四方之人固顧受一廛而為之氓知明公不以尺籍拒耳敬謝

吳望湖

久仰幸會於京邸值多事不獲從容請教而執事且出矣快甚快甚昨者量移殊未盡推轂之意雖然有待也顧少安以俟譜系一卷見擲足感注存但遠不得其詳又敕郡同姓者二三家各藏舊譜流傳者廣也容再考另報便中不惜示教至望冗飛鴻亭集卷之十六

王沂陽

奉辱教翰疊疊長言無非為邦家計慮即古人先憂之志也顧予衰殘待盡之齒以時和年豐安於枕席為幸然比來所值事不如意什常八九以是終日閉門謝客兀坐北窓下遊情于曠蕩無為之野一切兒女子事付之不聞自謂可以終老然天旱傷禾民偽滋起近報海寇入浙境雖未知嚮往而不虞之備在我所當自力者恐無所恃剝膚之

懼交戰甯中此惟明公可與言也占驗書載在文獻通考者備矣而宋天文志乃京房管輅之傳所考訂似簡而明不知明公以為何如今月火在星四度九月入巳金在軫六度十二日入辰具臺曆中僕以推命得之敢告左右志文未暇秉筆伏希寬假限期尤章蒙來翰獎許過分僕老矣何能為杜少陵詩云青眼高歌望吾子又云致君堯舜付公等敢舉以祝

徐存齋

飛鴻亭集卷之十六
門下德盛慶餘克昌厥後令孫名掇京闈天上觀文章之光焰書傳梓里雲間快奎壁之照臨凡在親知曷勝助喜

唐一菴

遠久曷勝馳念自顧三四年來衰病日侵于人事多以懶廢至如同鄉同年又志意相同如翁者亦不能操一舟詣見門墻下傾倒積懷則鄙悰可知矣每詢潯陽獲聞起居聊以藉慰頃使至猥承手書兼惠良藥此公大造之仁不獨自養而使朽劣

若某者亦將引之于仁壽之域其用情至矣厚矣
能忘感乎俟藥盡當求秘方計春和專造木鐘臺
請教也

徐存齋

人自雲間來者每道老翁精神矯健正以為快頃
使至猥承翰教迺知玉體偶亦適和旋即平復固
天默相之也某衰老殘年病與時積親友過訪輒
以老人常有微疾為宜豈所謂唯其病病是以不
病者乎因是又以自快敢告老翁同一為快也蒙
飛鴻亭集卷之十六
尊約初二二邊適有祖塋之行回期在初七八便
當操一葉小艇東上謹此布復有懷種種統俟面
啓

潘印川

頃辱枉教勿率奉違曷勝仰企大江以西民瘠訟
繁近來俗習較二十年前已為一變聞公至日凡
前所不便及所願欲而不得者咸罷行之韓子所
謂令修于庭戶之間而人自得于湖山千里之外
者若符契焉賢者所作為與人自別如此仰甚仰

甚

茅鹿門

客歲獲瞻德宇良慰積懷祇以俗瑣牽縈弗暇
屈聽聆清教為歉入春仰想大君子道隨時恭
福咸宜人定勝天彼蟬噪蛙聒盡當屏絕無餘
近于王一山兄處覽尊翰知為果然謹此遣价
候

應晉庵

日者使返力疾率爾布復殊不盡所欲言念生
飛鴻亭集卷之十六
知愛辱教最深如公者有幾隔越多歲音塵寒曠
又不能與公一面傾倒胸中萬斛不平之懷而海
內故人落落如晨星徒切慨嘆知翁之念同之也
道從憇止淨寺謹願人奉候動履不知何日西旋
杭與嘉壤地弗遠後會未期公肯鼓柁東下相與
對榻劇談亦至願也聞公善飯章甚章甚生自春
月及今僅食粥耳氣血衰憊惟存皮骨豈天欲使
我為仙輕身跨鶴將涉蓬萊遊玄圃之便耶一笑
一笑

張東沙

錢江限隔久不能航一葦相從几舄傾倒平生甚切瞻注然聞公卜築東山之上馭風騎氣曠然于無為之野心殊慕焉既獲覽公記遊新刻不覺神馳左右恍涉高深藉是為慰多矣即承使至惠我手書語及同榜落第豈勝感慨詩有之曰今我不樂日月其除况荆蓁叢生智士當為明保計細推理孰若江湖相忘之為得也公素達于此矣言不能盡亦有不敢盡者惟公自知之使旋湯及諸縷縷不盡

飛鴻集卷之六

芝

三十四

尹洞山

李東泉至奉辱手書知動履之詳慰浣良劇地遠不能以時問候此心固惓惓于左右也蒙尊使枉臨賜以華緘佳製何文采之巨麗而辭義整嚴如是乎薄劣無似少刻正欲藉鉅卿名公以圖不朽今公不我鄙棄而惠之好音私念昔者公孫氏之舞劍未足為奇也有少陵之作則千載而下炳焉不磨其不佞今竊慶有所附矣使告旋匆率布復

并謝

王疎菴

不肖昔年待罪銓部以世宗之英明臨之在上而二三任事者又各自引其臂臆左牽右掣日恐落坑塹蹈禍機然非恃疎菴與我同心弦常相濟則其觸冒履危不知凡幾今痛定思痛夢寐中未嘗不汗洽背也因書及于舊話此老人常態然所以不忘於疎菴者情固有在矣

徐存齋

飛鴻集卷之六

芝

三十四

某自揣陳人每揆初度欲為踰垣之避而不果猥蒙高情特厚賜之佳章愈出愈奇信陽春之難為和也即日呂生至獲聞所未聞見所未見良以為慰事不如意常八九請付是非於浮雲流水之間客有可人無二三且自逍遙于三泖六峰之上

項少溪

往歲辱遠教生久病弗克作報章然每會令兄墨林倘詢問起居為慰遠鎮寧輯虜寇大挫此朝廷萬年有道之慶而本兵任將出奇之功自不可掩

因知我明公之苦心憂勞多萬萬倍矣兵法謂無恃其不未恃吾有以待之不可不為今日計也吾郡近無他事所恨士習民風舉非其舊即如三考吏雖冠帶稍榮而家無立錫檐石之需者往往而是或與人少競刁頑便以勢豪訟之任事者曾不之察則其等而上此者受侮又何如也姑蘇昔年打行之風恐吾郡不久復矣人又從而陰主懲慝成之識者不敢一啓口此隱憂也知明公不能忘情因及之

飛鴻亭集卷之六

九

潘印川

生舊冬偶感寒疾為醫所誤迄今未得脫體杜門戶謝賓友日與藥爐為伴以是于門下弗克一候起居然若溪往來者能語其詳又時時覽邸報知所陳請無非地方大計賢者作為與衆自別如此是月初伏承使翰遠加渥荷眷存且翰末勤懇生衰老瞽矇何以奉復明問但靜中每見近時吏治操切過嚴而更張往往及於米鹽瑣細毫忽之末上官馳一檄下之庶司庶司督察日甚民反稱病

弗堪雖庶司亦或云然而庶司亦多自行其胃臆不知律例為何物樂故常而憚改作俗之敝也久矣人自江右至者領門下之德不倦蓋人人有得于湖山千里之外高風遐譽與滕閣並隆豈直鄉黨姻戚增光寵哉餘俟榮台過梓里面致賀愧不悉

濟法舟

近聞法體安勝為慰又勞時時焚誦祝我安寧壽考此菩薩普濟度厄心也幸甚幸甚願我久稽塵鞅束縛于苦海之中本來面目已失其舊未知何日脫離獲登彼岸倘承指示遂我初懷功德真不可思議也

李中溪

僕往校士滇南獲登龍門承欵洽並駕飽山海之觀辱公謂予曰與公坐談久矣視公臬端氣似屏而不息者此壽徵也僕異斯言銘之心今犬馬之齒幾八十每憶公之言于是乎驗惜當時匆遽還省不遑請益為恨耳近令壻帶雲淮海寧茲邑乃

僕桑梓之鄉則僕固編氓列也因通聲聞知公起居能脫略塵務逍遙於無為之野翹首西南昆明金碧之間飄飄然有神仙焉當時曾不請益又增餘恨也非妄非妄帶雲初政上下翕然稱賢詎意以家事奪去吾邑人福分淺薄奈何

丁南溪

遠久曷勝仰渴自愧踈庸隨塵碌碌雖有游淡冲漠之懷然局于事而未之能學翹視高人徒增戀耳明公積養溪且充不知相見時何以牖我也懸

飛鴻亭集 卷之六

三

飛鴻亭集 卷之六

三

屠文厚

生未嘗練達於世故荷蒙不拒接引以同舟此生之大願執事之盛情也但家父適為歲貢事昨往杭謁宗主大約初四五邊繞得柁家而生之行囊尚有不足弗克如期解纜尾寶艘之末以行是可恨也故以此東復登瀛之路請執事先之十二日生續當奔會如或不相值到京師亦將有同袍之托矣

李中溪

奉違三紀餘追念往時獲侍春風言笑明公謂我息深以踵可進于至人之道今歲且七十五矣潦倒無成日就衰落每會九山公未嘗不談及後自悔恨也九山治敝郡有善政以是當路賢之茲擢迺飄然南山恬澹明哲非人所能及邇厥後來得于明公之教多矣鴻順附致候私企望點蒼玉局神丘之膝邈不可攀而明公徘徊其下逍遙曠逸其樂何如請益之忱惟有馳想

馮貞珉

使來奉辱華棧及覽陰陽二宅書不啻獲秦寶焉喜慰可知明年當令南上蓋初意也但伊所蓄未肯傾倒困廩意者秘而不露無迺以僕無受益之地抑百數之未盡耶一笑冗次草率謝復餘俟另裁

萬崙谷

往日獲師墨妙知雲駕有北來之期既而音塵墮之渺茫祇切瞻邇東南寇盜充斥豈數劫宜然轉

旋大造以貽生民帖席之安助成 皇朝熙皞之
治在師一指顧中鞭雷掣電蕩掃妖氛特易耳
萬望留神是幸某碌碌如昔惟大道迢迢未得窺
見藩籬終日俗狀羈縻不知何時稅駕逐雲鴻而
躡霞嶠也懸念懸念茲特遣人問候東園長逝得
無欠東道主人否便希示及某私心亦有所懇且
火龍馳信尊教不棄今請扣明年收成之旨願不
吝千萬路遠此情莫罄恒日焚香致吾誠耳老師
亦諒之否

卷之十六

三

蔡半洲

頃者瓊海波平珠崖烽炮恭聞蔡戟還鎮蒼梧收
有征無戰之功垂整勞永逸之業昔周宣中興方
封召帑出師江漢平淮夷人至今傳詠其事今軍
門底定南服鼎彝竹帛炳然有光求之古人又何
讓焉某緣簿領羈縻遠踰時風夜有懷不遑寧
處謹差官先陳竦仰之私便當躬叅門下請益教
令

龔毅所

某仰賴二天之庇幸藉一枝之安僭辱賀儀倍深
感愧爰居爰處敢托賦於斯干飲之食之願酬恩
於匏酌

查奇峰

伏以合二姓之好緣自天成締百年之交誼由世
講盟言是奉寵錫何煩恭惟親家衣冠望族科第
名門綉蘭蒞以揚芬擅圭璋而繼美才優七步學
綜百家霄漢翔雲人識河東之三鳳池塘咏草衆
誇謝氏之五言如某者迂踈無似仰企有年隨尊

卷之十六

三

先公之後喜侍同朝蒙鮑子之知榮多倚玉惟
令郎聞詩聞禮早承家教於過庭而弱孫女無非
無儀克守間規于采藻十年乃字許聽車牽之間
關五世其昌預卜螽斯之繁茂枉賜過豐於筐篚
報德愧乏於瓊琚所具微芹敬附旋翼餘奩嗣上
罔既敷宣

潘印川

伏以日當始旦履泰道於三陽天定厥祥聯嘉姻
於二姓乘龍有慶倚玉多榮恭惟親家標凝霽月

器重南金學優乎正大光明具瞻山斗德懋乎恭
良儉讓衆識鳳麟秉臺憲則海宇通清鎮河渠則
天地永賴其久欽令聞誼幸托於絲蘿猥辱告期
禮獨勤於柯斧維令郎克岐克嶷早承家學之傳
而弱孫息匪圭匪璋未開姆誡之旨仰蒙鴈幣洵
協龜疇賢者之裔必昌預卜知五之世八之世太
上之次務報所愧乏九其儀十其儀敬將碧芹遙
附青翼外有奩具容顯使另陳

黃瑞泉

飛鴻亭集卷之十六

三

三

恭承尊慈不棄許以令孫愛貺室僕之曾孫某者
伏以締二姓之嘉姻作由天合啓百世之昌祚緣
匪人為龜筮叶從絲蘿有托仰惟親家纓綵華胄
科第名家志節重月旦之評勲業為士林之冠某
竊欽高誼忝在素知念弱曾孫佩鴈駕質未請題
品鳳皇而我母太夫人則是高門之祖姑世有葭
莩之契令孫愛詠雪蘭姿早知恭勤蘋蘩而令郎
大翰學展矣汝南之牀度義敦金石之盟荷橋梓
宿諾之俯從瞻門牆至大之非偶依仁是幸徵福

良多所有先人菲儀奉將納采之敬

顧玄山

伏以瑞啓三星大禮肇慶於梅實歡聯二姓嘉祥
永卜於鸞鳴緣匪人為合由天作恭惟親家相門
元冑符省名卿藹仁義以流芳擅珪璋而繼美世
濟簪纓之盛茂應三槐恩延奕葉之光香森五桂
士仰為縉紳之翹楚人稱是王謝之門牆某叨起
一經謬叅八座雖秉志不忘於檀輻而好德思附
於松蘿茲者恭承德音俯從昏請念小兒某才非
宗諤雲程偶遂於芳年維令愛德配姬姜姆訓素
閑于內則忻葭玉之相倚慶蘋蓂之有資飛翮龍
門正協乘龍之願齊眉鳳史願符占鳳之禎爰因
青翼之傳敬效碧芹之獻菲儀不腆別幅是陳

飛鴻亭集卷之十六

三

三

飛鴻亭集卷之十七

秀水吳鵬萬里父 著

長孫惟貞校刻

書

屠石屋

使來蒙惠懷之好音無任感慰自分薄劣偶承銓
乏以蚤力而負千鈞之重惟敗轅覆轍是懼石屋
何以教我使不為鄉黨親戚交遊辱也南中之寇
日熾金陵要地每夢寐齒及不覺驚咤况躬親其
間者能無慮乎所恃羣公協謀天心厭亂殲此醜
猾無遺種於我邑使新木室廬風景依舊則東南
所全者大而鄙人之私願亦足矣石屋豈同是心
也哉

吳望湖

開府未幾而遠近人心翕然歸之詎謂斯民直道
不如古也章甚幸甚所冀為民為國崇護使平生
素所蘊蓄一一見諸行事不負天地生我之意寔
有祝于公也生無能頃者謬承銓寄力小任重惴

惴如臨淵谷公何以牖我手謹此謝復遲數日
容顯人候賀也

林成齋

遠懷任城泉樓之勝東泉之幽執事者久事事其
間曠邁奇逸當有獨得之趣予也碌碌氛埃能無
追念往跡使來辱惠翰乃知執事亦有不怠乎前
人者甚感頃承銓乏方懼不勝而又敢因以受賀
也手敬此謝復

王東臺

往日京邸觀執事於綢泉中翹然秀出又時時聽
聞嘉話於鄙心牖發良多以是心竊慕焉奉遠既
久未遑一通問廼煩使翰遠及自分庸劣方以負
乘為憂其何敢當賀惟是微惠於執事賜之德音
俾有所持循以免于尤悔則愛我者至矣希為道
崇攝以逌懋祿幸甚

趙角江

使至辱教翰且惓惓於獎恬退慎名節此銓量人
材第一義生也愚嘗受教于君子矣敢不奉以周

旋也哉見報知南寇日熾財殫兵弱將何以支今
所恃者有明公與梅林山峰在功收萬全可期也
城中奸細宜嚴為之備此明公所深識不俟贅言
顧左右慎之

潘竺齋

往日京邸獲聞緒言愧塵氛碌碌朝夕焚如徒切
飲冰無補于脩性不知明公何以教我小兒偶叨
一第猥蒙齒及多感使旋布復外諭謹奉周旋不
敢失墜也

飛鴻亭集

卷之十七

三

王敬所

春首會晤儔衆中不克從容劇談為恨江右雅稱
文獻之邦今學政得賢如執事者以往風教感孚
當有翕然不變者予也與被餘蘊亦多矣今之士
大抵多務枝葉而棄本根雖獲致用亦非德性所
發其涸立見顧敬所隨事示教有以植之若聚徒
黨立門戶則不顧敬所為此也

陸平泉

僕鄉與公壤地相接而平泉素履著之通德里門

者見聞甚真以是心誠慕之無由邂逅為歎昨者
司成之缺以公論之同舉之於上命下縉紳翕然
稱之又足以徵公積中孚外之實矣久冗未遑脩
賀廼辱使翰榮施知感

周觀所

頃辱遠翰感荷不勝入春陽德方亨而君子之道
日長正足為下執事慶僕也與被餘休亦多幸矣
覽薦荆川疏尤見尚賢崇德之意此鼓舞人材風
斯世之大機也然勸駕之責則在有司不知荆川

飛鴻亭集

卷之十七

四

三

行色近日作何處耳往年宿州遇師寇有生員張
仲明者倡衆隨僕城守頗見意義遠聞渠考降青
衣不知可令衣巾或冠帶終身否今四郊多故倘
略其筆硯之工而激勵其氣以為他日地方倡義
者之勸

葛雙石

別來凡幾年所雖時時想念而音問曠疎古人言
心親則千里晤對道異則比屋不相往來僕於執
事心與道親乎異乎以是則知僕之想念者深矣

頃奉華城及佳惠情文之並至而慰諭之懇切知執事之懷固同之感甚執事雄材大略今四郊多壘正有賴于康濟是囑

顏衡崖

令親董憲副至再辱書貺光儀藹然在心目慶喜曷勝以執事之材賢亦中浮語譬之良玉委棄道隅僕心識之未嘗不抱璞而泣雖有推轂之念例須公自來不然無緣以為之始也山中靜養所得當益多麻衣道術想更進一竿頭不識異日相見飛鴻亭集卷之十七

可稱神目否

高北坪

章江一別逾數年所仰企若渴不能時時候問起居則以萍梗靡常鱗翼寡便伏計仁明固相諒已足下久淹遠徼殊不厭衆心而賢譽蜚騰朝議推服今者南北多事整頓綱維必有賴于材傑如明公者非貴竹所能板繫也

盧星野

以星野之賢且材而遼陽之役不免焉雖于公論

未厭然得徧覽邇徼阨塞為他日作用根本其王成不可謂非天也僕庸劣平生足跡幾半宇內近自私計頗有一二得力處知星野不以漠為遠也滇境雖去京國萬餘里而昆明之勝韶麗冲和不異內地人情物態尚存古風僕心嘗懷之星野携輕騎一往遊歷明春願借重於我邦今抵家不可濡滯也

王南岷

頃承翰教多感留神僕東海鄙人也不知其利害相懸如是謹聞命矣吳望湖恬澹無營天下士也或者乃以淺窺之人情嶮巇如此所恃道義之知察其微耳

飛鴻亭集卷之十七

六

吳堯山

昨賁試錄者還已具啓謝頃自潯陽所復承教言榮貺又見丁生訊知起居之詳為慰為感勿率布此鄙情具潯陽東中茲不贅及指計平生道義之知如堯山者無幾瓜期及代希過駕以副仰私幸甚賢否兩覽之見品藻之精即此亦是微明哲矣

并復

胡北泉

曩時執事雲臥山中舉識者以未之出為恨今承
啟命攬轡一出慨然有澄清區宇之心此本其碩
抱弘猷素所蓄積者發之誠足以慰羣望而撫主
憂矣特在知愛能無快乎使來辱教惠甚感特此
布謝

郭麓池

往日道從寓京邸弗遑數會別來殊以為歎頃辱

飛鴻亭集

卷之十七

七

三

遠翰意誼惓惓何執事用情之仁之厚如是也感
甚感甚臺諫者朝廷之耳目嘗聞教於君子立朝
以正直忠厚為本麓池所養既深今以時出之遊
刃有餘地矣僕也又何言以裨益高明哉承垂問
敢附及

蔡鶴田

奉違浹旬時切想企舊月二十六日入臨安次日
試羣士今返通海已三日矣計侍教當在望前近
不知浙湖消息何如耳逆鑑事曾與草池極論渠

亦知用力之難而成功之不易為目前圖要得西

鎮差官賣旌牌至彼取印徐旦等取官視探事機

庶幾得其要領因此緩彼自固之謀而周旋我防

秋之策誠計之上者倘彼悔禍回首聽命又奚不

可處之有但見月山云關草池有因而授其子之

說此意似當佐末着今便云云恐不可也不知草

池揭帖作何開稟而今明公又作何處分也戴臨

安鄭守松地方儘留意每見必以兵戎不足為慮

蓋知賊之狡狡勇銳戰卒三萬怯弱者且半似難

飛鴻亭集

卷之十七

八

三

與爭鋒必欲舉動非數萬不可亦一說也武文閱
兵僕至之日聞先遂去草池且達于容翁故不敢
贅云即日試諸生據案不盡布

李梅臺

以公之雅量於人何所不容兩日議論殊少渾厚
和平之氣同官猶兄弟公為之長雖小弟有不及
宜以情恕如是而橫逆之來又不能免君子始諉
曰何難焉固未嘗屑屑較計于片言間公素達此
而猶未能擺脫何耶特愛敢告萬冀俯納不然人

將謂公不能色荒一同僚終為盛德之累吾不願
公有此也

石玉溪

先此聞車從撫夷東下今就底輯無費詞遺失之
勞足以知吾丈舉動適機宜而風采可畏愛矣比
想道履倍膺戩穀即當內召固非貴竹能久借
者僕株守遠土碌碌如常然亦強效蓬心終不敢
怠泄以負同志所冀時有以振我可也似山介直
君子其持法猶夫舊日不知益峻之說自何所得

飛鴻亭集

卷之十七

九

三

之意者滇土邇來事多掣肘難繩以紀法中間稍
欲整頓缺善者遂以蜚語搖之耳吾丈有所聞即
以是規之朋僚之義良厚似山亦知感矣姜馬龍
來見天涯萬里外聞鄉人足音已喜動顏色而况
重以玉溪之命也哉朱雙橋及都勻守林鳴鸞曾
否到任雙橋為同年林守舊任敝郡其廉且材人
至今頌之望照拂使為善者益勸何如

倪若谷

春初得遠翰慰諭惓惓相去萬餘里有如面談者

可謂室遠人邇矣且示諸作文采巨麗鏗然金石
有遺韻令人讀之心開目明但春風好歸來之句
足知故人心期之素要歸歸不得此不肖之所以
自限也如故人何哉聞若谷復官聖恩浩蕩何
以報之努力不肖株守天涯不敢自越於官箴又
仗教今亦無咎無譽昨兩叨陪客不知何時一作
正賓也故鄉去歲旱甚即今米價騰貴假使再失
秋望民異以堪不能不切漆室之嘆

章陽華

飛鴻亭集

卷之十七

十

三

使來蒙惠教兼覽大疏誠經國之遠猷智者見未
然明公以之但恐當事者或不欲亟為興革未免
托之徒言耳昔賢仰屋竊嘆大半付之無可奈何
然亦不懲咽而廢食念之念之

周觀所

天欲文星久照南國轉遷稍遲頃移棘寺而道從
以憂去雖然亦足以慰尊先人於幽矣使返特申
吊私不以賀從所重也

盛初陽

年來客邸獲展良覲甚慰積懷聞既履任益喜近日使至奉辱手書知有懸車之志始欲寢閣弗行念初陽峴望甚切急流中思遁又明哲之高致僕願為之而未能者敢以之沮初陽也哉疏再上得旨深為初陽慶也使旋特此布復海北天南晤對無期我懷如何

游可齋

京師數會獲領教言殊慰鄙人夙仰滇南遠服願得鉅人長者以鎮之僉謂非明公不可命甫下衆心翕然頌德固知賢者有以致之矣昔賢有云不遇盤根錯節無以別利器此大丈夫銅柱麟臺之會也念念

吳望湖

遠奉辱來教又覽觀太疏情辭懇切公之實心為民與國知見者孰不動心第近日正罷常封未上然方老以缺用為憂恐雖上未必能遂初意如何如何時值多事願慎加愛護蓋此身所關者大勿過為鬱抑自苦也

周愛齋

使來承教翰引疾之疏尤為剴切不敢不成執事之高致幸奉旨允鴻飛冥冥弋者何慕焉徒令塵網中人翹首仰企也匆率布復以明公雅望中外所歸恐不可久淹雲壑慎勿優游遁思也至囑至囑

陳希齋

使至奉辱翰儀先施無任感切謹此謝復開府以來慶雲甘雨固將潤漑楚鄉特為斯民賀并祈為飛鴻書集卷之十七

杜慎齋

江南劇邑時值多事借德星以照臨斯土寔惟宗社生民之圖蓋非材賢固難濟也既煩行李在淺中者宜以為愁得惠翰廼知慨然任之無疑太阿出匣不擇蛟兕僕益以服執事之鴻猷曠度矣幸甚幸甚使返布謝不盡餘

邵甘棠

往歲左江之會議者謂友朋師弟之情之厚如甘

崇蓋僅見者也信然信然別久雖無便翼附問動止而戴芝玉樹依依在心目寔未少間吾甘棠雅愛豈亦有同者乎值潘樸溪行草率布下私樸溪固有道君子時就正焉其為益不少敢以告同志

陳騶山

奉別蓋九年矣仰企高軌於心終不忘昔者為嶺南之役自潮陽返旆知吾丈行既久弗克遣使走候既而黃生城來見語及吾丈深有替過之意不肖平生雖無可齒之行惟于世俗寒燠之態自謂飛鴻亭集卷之七

江白石

僕昔者為交南之役上下麗江獲與白石相周旋過承雅愛別來鱗翼無便未遑聞問其神情固依依蘆山雲樹間也頃閱邸報知膺大拜雖涉稍遲尚見公論未泯且不肖侍教有日良慰積懷謹遣役走候車從萬期速駕以副填人之望南中風氣

較西粵似善塗路雖遠亦坦夷不足畏也

熊宰原

某東海鄙人自筮仕以來乘二十五年雖未嘗一通名姓於將命者竊伏下風稔聞宣翼遠猷巖然凝定古所稱社稷臣者誠足當之念無由瞻企門墻下為恨歲在乙巳某適視學滇南而翁時秉持銓軸誤蒙齒錄為江右臬長之推自分駑鈍不堪時宜幸被伯樂一顧之仁能不延頸思奮將馳足千里以答知己也頃轉官南閩道出洪都經通德飛鴻亭集卷之七

吳克山

榮行值冗甚不遑細談夙昔深用闕然即辱遠翰知節鉞蒞泗上新美之政雷動風馳地方當翕然丕變矣使旋附候起居今江南未靖選將練兵諸軍興先事調度皆勢所不容已者敢告左右留神是祈

馮一川

昔者偶瞻星鳳之瑞令人每念不忘近出清源走使問候亦詩人蕙葭素沍之意乃屏雲翰遠及于淮潁似此雅愛感當何如

馮貞所

即勞使至惠我良藥置之坐隅光溢鼎金莞然而喜久之惟明公專精養神既得其内生也於其外者亦偶聞其似焉旦暮願明公之入請教萬一也咨文前此原差人就領去何為未徹左右今另具

飛鴻亭集卷之十七

五

二

上外諭謹識之矣

張敬山

是月六日猥蒙惠翰何執事用情之厚如是所示酒麴妙方謹藏行笥他日得歸老林壑如法造之對明月清風左手持蟹螯右手執杯引滿痛酌傲睨八極未嘗不想念我敬山也使旋布謝餘容顯人嗣啓

孫斗城

頃煩使至奉辱手簡知明公為此子保愛周旋之

盛心矣人才難得一瑕而棄千金之璧仁者所不忍況今地方多故必跼蹐之士迺克弘濟若拘拘于繩墨之細其所就者亦隘矣以是鄙心欲成全其美非有他為知明公愛惜人才此心此志同也尊諭所示段生者不知何人何事生追憶未曾及此抑言之而遂忘也願于便中嗣示

趙方泉

往遊金陵時獲從執事者後瞻依矩矱真所謂不言而飲人以和觀容色而使人之意消者退未嘗不躍然喜也別來逾歲鄙吝殆復萌矣即承翰教如挹芝宇于私衷又增快焉所冀明公共率初心為吾黨樹立赤幟基也謹候下風沐蘭馥而借余光也多矣

潘水簾

久失候問動履鄙心日馳於鍾山雲水之間仰惟明公以道德仁義為時宗師今四方士聚處京邸咸欣欣然興樂趨之志可以見人所同而鄙人好德之衷其為嚮往又何如也使返敬謝風順希不

客嗣教誠有望于相知者

楊後江

別來歷幾年所每當明月在梁清風入戶未嘗不思念故人恍承言論焉者然弗克數問候則以冗懶交并之由寔非忘情也近董丞至猥蒙翰教慰浣良劇特此謝復一二

虞東崖

是月三日安憲僉至初九日役人又至西辱賜教不勝欣慰伏讀疏稿可以知學羣公記序可以徵

飛鴻亭集

卷之十七

七

三

政古之大臣務乎其大而厥駿偉光明之業蓋如此彼瑣瑣于條章科貫之間者抑末矣歲歉聞經略賑卹殫盡心力大江以西民庶更生執事惠也活萬人子孫當有興者某以是知高門將日盛也浙中旱又甚十室九空而寒家食指之多開口待哺昨遣家僮持俸還浙亦為此慮曾具疏達門下想經覽矣不肖時下多不可意事三峯固能言之

林竹洲

昔者天假之仁獲借冠于鄙郡君侯以父母斯民

為心推雨露而覆冒之今君侯行且五年矣而士民頌德不能已已此非聲言矣貌所能致要之君侯廉靜明肅始終一軌是以強者畏而弱者愛其波澤所被豈獨不肖知感哉頃李月山入滇蒙惠書幣高誼藹然仰思都勻僻郡不足以辱君子然君侯以治吾鄉者治之使民夷丕變別作一桃源某固知當路之意在彼不在此也月山价返草率布謝其碌碌無補竊糜廩餼其為故吾猶在嶺南時惶愧

飛鴻亭集

卷之十七

八

三

沈石洲

生也無似每瞻淮水之陽文星炳現已知有所謂石洲者既而遊歷其間又得式賢者之門牆而沾被其餘馥曷勝慶幸所恨未獲面承教旨即辱來翰榮施良慰宿抱計南國不能久淹道從召命伊邇奉候有期將領傾圉倒廩之益其喜忭又當何如

楊虞齋

孝泉之未究其用固將留之以厚其所養不可謂

非天也來諭敬如教矣聞公入關來凡所舉動悉當人心如置諸兵憲於要隘直據地險以伐敵謀所謂先聲有奪人之心醜虜聞之自當為之退遁方召之業指日可期健羨健羨

徐蒙泉

久缺風問未由邂逅每翹首金碧玄度固依然心目也滇中舊學皆聞人而僕也庸劣獲廁其間能無競爭頃來榮轉良為賢者慶使返未敢將賀恐并此書浮沉耳

飛鴻草集卷之十七

十九

鮑鏡石

生之交也竄無由與鏡石會然于縉紳間雅聞賢名又重以桑梓之故平生宦遊離滇始十年又有并州之思以是於明公未嘗不指計及之也來諭徐圖之數既極敢忘推轂耶

殷石亭

遠辱使翰懷之好音感荷感荷生也愚拙譬之堅歎無礙將安用之昨煩扣汪子正以風波中求收帆安流之計迺更得長駕遠馭之占意者汪子諱

而不告而姑慰以善詞若使其言果驗此不肖一則以喜一則以懼者惟石亭可以斯言告難語他人也

吳自湖

以執事雅量宏才任重遠到僕往時於豫章固知之深矣既而淮上又灼見其行事之詳是以心誠愛服清源之轉稍鼎積勞然以鹽車困騏驎僕所不忍也迺有今處命下時衆議咸歸之願即抵任以慰東土士子之望東南外寇未殲暇中于武經

飛鴻草集卷之十七

二十

翁見吾

彭城當天下之衝民貧瘠甚加之頻年官者刻虐非仗明公以鎮拊其間恐亂無日矣今人心翕然頌明公之德孰謂非三代之民乎久以冗未遑通問即承枉翰先施風順附謝并言人心懷向之由見賢者作用自殊也

唐會溪

明公以無妄而出公論殊為不平早暮圖所以還
明公之舊者方有端緒而遭喪之報適至悵恨久
之雖然遲之前而發之後者當益茂此理數乘除
之大機也顧節哀順攝以迓遐福

李元山

每聞芳問歎歷邊徼蓋有年所位弗鼎功于人心
多未之慊乃近日道體遠和輒自求去此明公自
為則善矣其如蒼生何昨者量移以成明公之志
慎勿優游思適也今四郊多故經濟時艱正有賴
飛鴻亭集卷之十七
於材傑况為國之忠素所蓄積稍俟勿藥即抵東
省以慰眾望

沈十洲

往辱翰惠頃又懷之好音自分踈庸獲此於有道
何以報之惟謹識之心耳聞德履安勝無任欣慰
主上寤寐文學侍從之臣南維轍跡恐未能久繫
顧瞻周道便當按轡疾驅矣

林平泉

京邸會晤別久時時有懷不及便翼一訊動止即

承惠翰感慰殊深貴邑當萬山中號難治往者廬
尹居此上下頗相得惟執事因其轍而圖之再加
綏輯裁之以義而煦之以陽春則執事之所乎格
固有近悅遠來者矣使旋謝復希稍安之慎勿鄙
外其民而生厭心偶值小兒疾勿遽不多備五山
翁處容為顓東達也

馮次江

客歲滇人至自京師得手教高情慘慘追念往昔
聯舟並騎者半年餘比反江左之路殆數千里中

飛鴻亭集卷之十七

三

間驩宴相投出肺腸以告語直忘形迹海內故人
能幾也以次江念予足知予懷矣江太平已榮轉
吾次江尚留滯周南何耶意當路者謂西粵荒徼
欲以雨露久覆冒之也幸安意需之不肖固陋如
前徒以強顏夙夜未蒙譴謫其于政教碌碌無所
樹立下伏鹽車固其分爾所恃同心有以振我望
望

張鄭西

往遊八閩獲從明公後早暮受教益為多別來十

有餘年雖音塵稍寒而神情寔馳于左右時時會
元峰訊知起居則固藉以為慰者客歲蒙手翰發
函啓讀恍對芝宇其也碌碌竟歲僅存故吾仰想
高明優游雲石以平素所未盡之用將于述作中
發之計今積當充棟矣希勿吝嗣教尤幸聞海上
息警桑梓之鄉稍安深為林居者之慶又知明公
暢達特甚也

馮穉山

奉違日久曷勝馳仰近有路海狂者自楚至將過
飛鴻亭集卷之十七
若溪邂逅間問及起居渠言穉山既得麒麟佳兒
今內人又復有就館者聞之喜笑動我顏色此平
生積德孝友之餘慶豈但為穉山喜而午翁亦將
含笑睽目於泉下固相知者之深幸也

鄧黃崖

奉違玄範仰企殊深恭惟正位卿階熙帝之載自
昔禹之相舜孔子之事定公皆嘗任是官明公固
吾夫子之鄉人也今所作為誠有追踪前烈者縉
紳大夫會晤間又多頌明公之盛美因思老成當

國宜為朝廷得人賀為吾道大行賀并為天下蒼
生賀

潘印川

僕每自念踈庸無所裨益于明世長林豐草想戀
殊深祇以葛藤未斷依違俗網但銓綜之地久非
其據如之何不招忌也前辱印川教固深識之矣
誤叨主知不但免于罪譴而更加恩焉此皆仗相
知者之庇敢又當賀耶先此使返以冗不遑盡言
今復布私悃天泉處竟不能為之圖誠有歉焉奈
飛鴻亭集卷之十七
何奈何然數會令岳施翁論及恐亦有以取之矣
馮叅議臯謨心事平慈吾郡後輩中白眉也幸培
植之

郝箕南

僕也辱交于喬梓間良厚而寅翁又推湖老之愛
意頡頏愧此其入感至深者二月舉行舊典不敢
不秉公亦以負上命第好事者多橫加浮議以塵
點賢哲蓋俗惡使然所幸直道未泯故僕得以存
公論于什一也不知執事以為然否使旋遽敬謝

先辱不盡

楊虞崖

節承遠教及用所屬官數員敬奉以周旋內翟濟者守景州最有聲上下稱善渠蓋東野公之表兄所成者有素矣顧明公賜之翦拂出冀北之羣當有向伯樂而越澗長鳴者惟明公留意焉渠越任以交代例談查盤錢糧始行恐不能如期而至亦願明公寬之

路北村

飛鴻事集

卷之十七

革

三十三

昔者道經汶陽獲登龍門瞻見履舄為幸又慶有令郎羽儀天衢足慰高懷廼今以行人之牛災及於邑雖公未能忘情所賴主上明聖不久當自雪也

吳古泉

久遠未遑脩候頃使至辱垂問多慰滇南雖在萬里外然山川秀麗風氣頗佳而人心亦有太樸未琢之意今仗明公振揚其間固知民俗更益改觀矣

林竹洲

十月家僮還匆率具啓計當登徹昨承使至拜領鈞翰曲荷存記感慰不可具言嶺表固大藩僕以疎庸倘乏於斯隨時汨沒譬之方舟而涉洪濤濟渡必艱惟牢柁勤楫兢兢飄檣不敢不勉耳章執事不遺遠教為愛秋月至潮科場事殷童生無暇送學令弟婿輩願援例已行府查勘今鄭子又告入學未及一試難以即行稍遲未晚也人還草率復謝不盡

飛鴻事集

卷之十七

共

三十三

蔣駐泉

昨經江驛聞執事有意外之患無任驚悼急趨拜圖所以慰執事者未緣一會登舟亦甚怏怏人生修短有命知其無可奈何而安之者聖也執事固不能割愛于手足亦宜為民自玉勿過苦有傷可也舟次草草奉慰不備

張愚山

頃承翰惠兼為鄙號作歌奉讀三四心開目明真若流風回雪婉轉高妙足下吞曹劉而奴僕屈宋

者予何幸獲此于門下也役人告旋值不肖初入
省應接碌碌容具小卷請禺山為我揮灑將携歸
為行李光重且欲使希世之珍流徧海內不終秘
耳惟高明鑒之

吳會泉

翰至辱存注感荷今四郊多事財殫民窮而有司
之為難益甚且下獨抱逸思舍彼取此無一毫快
快失志之憂可以為賢矣河間之禮樂未泯董子
之道義斯存我 明曹月川之矩矱千古生色亦
飛鴻亭集卷之十七
無曰此官為冗散也

李中溪

節辱手教知靈鷲石刻已就緒蒼山之豚因中溪
以重而不肖拙墨又假蒼山以傳幸慰一入省應
接碌碌而筆凍所需鸞鶴洞天四大字俟日稍暖
寫奉惟公棹之別來仰渴此心日馳于山雲海樹
間想公之懷同之也新刻附入尊覽膏藥并上試
之蓋屢驗矣

王印巖

承遠教多感注存今之任事者寔難矣好事者
不察又寡識別一局段橫加短長其間此不獨
在南中然也公來翰云云無廼有所激乎四方多
故 主上急於任賢聞尊體安善正不必為雲壑
之思也

孫東臯

明公雄材雅望為時所欽獎往者江南聲績尤為
羣吏冠廼偶以人言不容噫不容廼見君子於明
公奚病焉近者開府來議所以有此處分無非為
飛鴻亭集卷之十七
地方擇人計生與有桑梓之慶不敢不殫心周旋
也所願順時崇愛以惠綏兩浙編氓幸甚

王中白

別來忽幾年所每于鄉大夫士得聞居起為詳第
無緣邂逅劇談夙昔是恨耳令叔至猥承遠翰悵
悵不遺益切感激如僕者雖故吾尚存而毛髮漸
種種頗動豐草長林之想未知何時稅駕飛翮石
梁鴈蕩為逍遙遊也中白玄學淵遠願有以牖我

張萊溪

僕於士林中已知仰執事為翹楚既遊豫章聞鄉行端慎又久且詳以是心恒識之前歷東廣誤冒俗忌此不待智者亦知為誣也古人相信至派言而不奪僕于執事肯隨浮沉也乎

李克齋

雖豫章以來忽忽五載雖音塵稍寒而瞻邇之懷則與日俱積想明公之念不肖同之也頃兩賢郎至奉辱惠教兼詢起居面目如見不勝喜慰今四郊多故主上圖惟舊臣如明公者當出以康濟

飛鴻亭集卷之十七

九

二百九

天下豈能久遂高遠願言珍護以需後命勿自金玉執退心也令郎清廟之器偶爾暫蹶他時一日千里不卜可徵值南行草率布私若不肖俗狀令郎固能言

侯掖川

往年淮揚邂逅已見掖川之風神不凡既又飽聞南臺聲譽益切嚮慕頃者借重禾城蓋連年軍事旁午民俗日就殘敗必養定而志堅者適足以鎮之指計中外士孰有踰掖川者命下而士夫多願

得人可以徵直道未泯矣今政聲日起四民推戴而生也寔有榮光能無慶乎賤辰何敢勞賀猥辱推及紹兒均蒙存念敬此布謝萬千令兄業已與選其所涖地必當不甚相遠或家音中能道其詳也

王杏里

奉違凡幾年所仰企殊深又嘗自西江還禾城見城堞崇峻乃知為明公所增築當是時固未虞倭寇之侵擾也而今吾郡城巋然獨存如靈光者非

飛鴻亭集卷之十七

手

百七

明公之賜耶以是益深仰服知明公見事于未形遺惠于將來如此此非直一人之私感也每念資望隆碩尚羈藩服以事幾未相值所稽誠不敢推轂也使返布復

劉帶川

近覽明公議戰守兵食疏暢達事機幹旋體要比來自負善言兵者之所未及真經國之大猷救世之良務也使明公以歲時暇豫盡力圖維又奚患於寇竊之不靖風聞八閩海夷出入支東搏西無

暇豫圖惟之漸則亦奈之何哉雖然非明公之威名素著恐聞未能安堵如今日也使旋布復昨小兒繼至京言明公將入閩重勞左顧草堂生色感謝當何如

譚十山

始者遽使告旋偕附小啟奉復計微覽已久即值南寧守馬子便敬候起居惟明公資望深碩為當宁所簡注知轍跡非南服可久繫也馬守乃生門下士雅有志向初在浙以倭寇突入郡治註誤改飛鴻亭集卷之十七
官誠出不意即如今日寇以五十橫行南畿竟不能拔其一毛以去如馬守何哉望明公賜之翦拂亦裁成叅贊之一端也

陳芹山

別後仰企殊切所幸時聞起居為慰耳昨漕規數議鑿鑿可守今俱見之施行衆多服公之經略矣周生表便匆率附私江南倭寇未靖鄰境之憂也即有緩急周生可屬以事公宜留之庶不為南中所網羅也請裁之

王方湖

使來奉辱翰教并禦寇之略賢者作用自別如此今之議者迺知一而不識其九橫為異說其亦難與權衡人矣昨具覆云云人情多以為快聞寇大作非明公其誰任之又私念閩人每安恬于無事不思燕雀棟焚將安逃乎計今恐亦當同心為身家謀不宜仍立異論赤幟也朝議盡為明公扶植願彈志畢力以無貽宗社憂自有知明公者勿率布復

史燕峰

夙聞風義企仰殊深既往役南臺時海寇甚熾明公獨捐貲聚兵以禦鄉邑無恐即使諸郡有大夫士如明公者各為之倡梯比鱗集則彼寇能薄我乎生以是益知明公翩翩慷慨固天下士也而邂逅無由抱歉可知頃者令嗣錦衣君左顧奉辱華翰曷勝喜慰錦衣君溫然如玉璇源方潤詎弗信乎明公未究之用良有所屬足為賀也使告旋值冗耶此布謝

趙甬江

別來每念公冒暑督兵而南身心勞甚愛莫能助
既而會北來者聞旌節所指風威奮振即奉手教
知近淮揚賊且望風宵遁其事機所值信有不戰
而屈人兵者幸甚酌緩急節兵力之疏僉謂處分
之周今南中之兵漸集願明公推同舟一體之義
出江南十數郡水火之氓豈止銅柱標識其事業
當與乾坤不朽者此公素所蓄積與古人誠無讓
也慎重慎重嘉興城垣薄而峻今議增厚于力可
龜鴻亭集卷之十七
王

王思質

差官至重辱惠教感荷高情固深矣李兵憲偶疾
跡將上值停封未敢兼念其久勞疆圉績效著聞
尚未究厥用而投之閒散又近日節報虜漸東馳
恐更代之間緩不及事姑少遲候有藩缺為之轉

移其代者願公就近擇賢能二三人示知以便急
用此公之事也責也幸慨賜之

王端蒙

某寓金陵多蒙教庇追行時又承珠王之賜光寵
信凡鱗左未遑數候起居然每念懸車高蹈名節
兩完未嘗不欣慕思願執鞭也非妄非妄令嗣入
京燕聞萬福攸介戢轂孔綏為慰令嗣還勿率附
啓雖其天衢暫蹶諒仁人之後遭際有時知公勿
訝也

胡象岡

居京師時承顏色使人鄙吝潛消古所謂不言而
飲人以和履景行而思跂者也奉違方切仰戀使
至重辱手教慰感良劇惟明公望碩養深今幸借
重河防推素所蓄積以利濟天下萬世永賴之績
在是某也瞻邇下風曷勝幸甚東平守林子沛令
張子雅有才志即有緩急可屬以事敢附告左右
惟明公擇之

飛鴻亭集卷之十八

秀水吳鵬萬里父 著

長孫惟貞校梓

墓誌

戶科左給事中一癸湯公配太孺人何氏合
墓誌銘

嘉靖十七年六月十日湯公一癸者年五十有一
考終權厝於祖塋之側配何太孺人卒於嘉靖丙
寅之十一月五日又四年為隆慶己巳某月某日

飛鴻亭集卷之十八

一

墓誌

冢子通政君日新將啓公厝與太孺人合塋而大
封之禮也通政君懼先人之懿美弗傳迺前期持
所自為狀哀經謁某請銘掩諸幽曰孤不幸天降
之罰蚤失所怙當是時方為諸生困於資情禮未
伸自竊祿以來奉太孺人將優游以百歲而又奄
忽棄養終天之恨尚忍言哉今塋有期惟是數潛
德而昭耿光者非大人先生銘無以示不朽則又
拜且泣以請某雅與通政君交且以姻故銘奚敢
辭按狀公諱某字廷言別號一癸湯姓固子姓之

飛鴻亭集卷之十八

二

墓誌

商 國初諱敏者以人材徵濟河而溺浮數里挾
片木以出天殆啓之得不死乃以疾不就徵隱居
嘉興之麒麟鄉後析麒麟隸秀水世為秀水人敏
生榮榮生得一得一澄號永明澄二子孟宗本
前配莫出仲宗遠繼金出號友桂湯氏自敏而下
並蓄德弗仕宗遠少孤前母兄不以弟視百計凌
轢同母女兄湯長姑者在室念嫠母弱弟羸羸在
疚誓終身不字以扶翼安全使湯氏之裔幾絕而
復續其業墮而復起者長姑力也人至今稱湯長
姑焉友桂配陳氏生公岐嶷敏慧弱冠業舉子罹
病廢學及壯辟府從事循蹈規矐恂恂儒生也當
事者雅重焉已又嘆曰是齷齪自卑者惡之以究
吾志哉遂棄去日以詩書課通政君泮勵進修通
政君試有司輒冠多士譽譽日振公喜曰功名事
付吾子矣迺稍稍自適居常洒掃一室焚火默坐
興至提琴一再鼓時與客奕哦古人詩且榜諸榻
曰靜消心上火閑養性中天視其志飄然物外此
豈徒守鉛槧較羸縮於鰈銖尋尺者耶天性友愛

有女第三人友桂翁議所歸公跪而請曰兒子然
且病願留長妹協事大人左右乃館姚氏熙為甥
愛若兄弟推己產與均無難色未幾長妹卒撫其
遺孤如己子艱危轉徙所在與俱熙尋以貢就選
京師又時時稱貸給道路費可以為難矣平生重
然諾無他肺腸聞人急難赴之如恐後或捐產應
之人有犯不之校終身未嘗以惡聲加人以故咸
慕其德樂與之游家居戶屢常滿謂之達人非與
通政君凡值省試公必隨之丁酉試勿利公泣數

飛鴻亭集

卷之十八

三

三

行下曰人生朝露吾其能幾何待耶不踰年竟平
識者謂公能前知云配何孺人為同里著姓福建
提舉司提舉孟原之孫隱君晚翠之女柔婉慈惠
慎言笑精女紅歸一葵執婦道甚事舅若姑及長
姑倘極孝敬大小事必關白無敢專決亦無敢私
蓄藏處卑幼以恩睦姻族以禮雖一葵處約而黨
囂然樂有餘者孺人助之也通政君初從師學脫
簪珥以資供億撫姚氏甥衣食寒煥無違時及成
立乃己人頌其賢後通政君起家登庚戌進士令

亦宜以賢能召入厯戶科左給事中蒙 恩贈公
如子官母何封孺人迺孺人感愴如未貴時每歲
序對通政君輒泣蓋傷公之不逮祿也則又念家
世隱約今存歿與被寵渥侈矣何以圖報稱乃諄
諄以語通政君奉命惟謹當其時居諫垣西北虜
警日至海夷復倡亂於東南 先皇帝精核政治
百僚惴惴通政祗承官序凡所建白悉當 上意
尋轉南京通政司右叅議改北太僕少卿又自太
僕轉膳黃右通政數歷中外十數年卓有樹立太
飛鴻亭集

卷之十八

四

三

孺人每就養宦邸成之有素矣癸亥歲通政君自
陳乞歸詔許之孺人聞之喜曰汝以諸生致位金
紫不為不遇吾未亡人也今老矣獲返桑梓從汝
父於地下為幸復何恨耶其知止足如是歸未幾
而疾作再踰年卒距生弘治己酉十二月十九日
享年七十有五公生于弘治戊申五月九日長太
孺人一歲而卒之日乃先太孺人二十有九年至
是合葬同歸訖謂非天作之也子男一即通政君
日新娶倪氏繼張氏並封孺人男三長之伊園子

生娶劉氏之葉聘吳氏予孫女之和聘卜氏孫女
三長適黃鰥園子生次適孫成泰丁卯舉人次幼
未字曾孫男一夢龍其祖塋在秀水象賢鄉桃花
里舊墓負亥向已今附左向丁而負亥從先兆示
不背也嗚呼一蔡公個儻有大志中道殞謝而卒
發之於通政君孺人與享榮養優游壽考獲視其
子若孫之有成以下報一蔡無屬續憾非為善積
慶之徵乎語云基厚棟隆豈虛也乃為之銘曰

麒麟之鄉桃花之里土沃溪環發祥萃祉吁嗟

飛鴻亭集

卷之十八

五

三百五

一蔡現行奇志克承厥先克昌厥嗣繁太孺人
展也女士歸相于湯完節終始 帝錫寵封燁
燁金紫玉峙蘭芬施于孫子雙璧同歸是曰連
理銘章在茲垂之無涖

沈半閒暨配賀宜人合葬墓誌銘

嘉靖丁未冬十月三十日封南京兵部郎中半閒
沈公卒於正寢八越月而其配賀宜人亦卒寔戊
申之七月八日也其子興化知府鑒卜以己酉四
月十日合葬于德化鄉之新阡先期以狀授使者

飛鴻亭集

卷之十八

木

三百五

走豫章問銘於吳子某且曰孤也不德天降戾于
先人相繼殞逝今葬有日竊欲以終事屬之子不
敢違哭泣之位跣以請惟子其銘焉勿辭予自束
髮時即與興化雅相友善適又以姻故其忍弗銘
按狀公諱嵩字汝南別號半閒其先維揚人也四
世祖禮避元兵亂渡江而東家於嘉興之西河上
遂為嘉興人禮生孚忠孚忠生昱昱生玫咸有潛
德玫號石屏生五子公其季也石屏少磊落負奇
氣居積致饒平生好施予重然諾家聲益起人以
西河沈氏名之初或導石屏克弟子員者曰玫少
也孤終鮮兄弟繁有母在嬰目疾其敢離左右圖
外慕耶遂弗就敬養靡不至壽九十以終其行誼
足徵矣公天性純懿孝友無間當石屏公存時伯
兄東園仲東隱長鄉稅經理門戶弟春園鞠於外
氏其尚幼公佐石屏綜家政周旋上下無毫髮私
東園每以疾就醫百里外隨行調護旦夕罔懈及
以誣繫郡獄公求暴於當路者徹夜行或懼以途
有虎公曰吾兄窮蹙之鰥跂望升斗之水以活忍

安行耶竟夜行不避亦無恙撫幼弟與妹甚厚察其為母氏鍾愛推所有與之自受獨薄弟早世撫育其遺孤若已子凡可以庇覆諸姪者扶植羽翼盡心力而止此其與第五倫之起亦異矣公恬淡自怡不孽孽於貨利與人處介而能容虛心任物人多德之預宴會油油然與客引觴盡歡終節以禮不亂外若坦易中負直諒之節卓不可移人以是非相撻激必造直焉賴一言以解或匪人不可交者徐遠之無幾微見於詞色晚更和粹不以已

飛鴻亭集

卷之十八

七

三百四

與人角短長宏德闊度蓋其性然也好讀諸家小說見善可為法惡為可鑒及感應陰陽事必舉以示子姪且曰天道不僭可畏也已又曰吾自幼以至老聞一善言恒識諸心不忘時效而行焉以是獲免於大咎由此觀之公所蘊積豈淺淺者賀宜人亦舊族其曾祖直齋公以仲子鸞贅懷氏生宜人溫澍敏慧好講女訓知大義尤閒女紅外祖鐵松公甚愛之懷以富厚甲里中資用稱巨萬宜人育于懷獨厭渾飾綺靡澹然雅素以故外氏益奇

之為擇相攸宜乃歸半閒公事上接下各當其則石屏好賓客宜人躬親烹飪滌濯之事期于脩潔雅得石屏公惟心姑姓頗嚴毅宜人先意承志則又得姑惟心稱吾賢婦云和于姊如御戚獲有恩義恤其饑寒疾病必問視市藥與之曰彼亦人子也可忽然乎鑒始為推官迎養宜人於興化邸時以寬恤敬慎為訓聞罪寃抑則喜形於色又為粥以食囚曰恐有瘐死非其罪者吾將以全其生也其仁德緒見類若此興化人至今稱焉相半閒

飛鴻亭集

卷之十八

八

三百四

以勤儉雖寒暑織紉不輟春秋享祀惟謹中遭回祿之變計日衰耗宜人與半閒拮据攻苦矻矻歲年業日以振好浮屠法禮佛誦經晨昏茹素或言佛氏不足據曰嘻吾御庖厨見烹宰多矣心甚悽惻欲假此自節非儉福也嗟乎公席父兄之庇承前啓後積德累行優游以終身無內憂外憂故自號曰半閒宜人預有助焉可弗謂婉德矣乎初半閒少時遇術者曰此非碌碌奄沒者當壽至髦期榮被金紫後以子貴始封南京工部主事乙巳

冬以廟慶覃恩加封奉政大夫南京兵部郎中宜人始封安人加封今號制詞褒公以性理樸茂乎於鄉評又曰謙恭坦易人咸以長者稱之則所以承藉乎天者夫豈偶然乎哉公生於成化戊子二月五日距卒享年八十宜人生于成化辛卯閏九月十二日距卒享年七十有八宜人當疾革遺命其孤曰吾見汝輩有成立與汝父偕老同室吾無憾矣嗟乎吾郡風俗漸侈士膺一命即出入儀從張甚公既貴嘗徒行恂恂如布衣有萬石君之風

飛鴻亭集

卷之六

九

宜人亦以儉約範諸家與公父文伯之母之節無異今興化君貞明廉惠以德業自砥礪歷任有聲可謂不愧所生矣而其餘子若孫皆蘭茁玉峙昌熾未艾則公與宜人信無憾矣哉子三長鏊七品散官娶張氏皆先卒次鏊登韓應龍榜進士今任興化府知府娶吳氏累封宜人次鏊邑庠生為東園公後娶包氏女三長遠高位虞城縣縣丞次遠夏曉次遠商霖海寧衛指揮僉事孫男四茂元府庠生娶陶氏繼倪氏鏊出茂完娶諸氏茂宗聘項

氏即吾之甥女也皆鏊出茂先聘薛氏孫女一許聘太學生吳夢麒皆鏊出曾孫一聘錢氏孫女尚幼銘曰

農畝其實由力而田圓流涓涓維淵之璇公及宜人維德罔愆後食其福孰曰匪然玄室肇營石表在前雙碑完歸於千萬年

董西原朱孺人合葬墓志銘

公姓董諱成字玉女別號西原母居秀水思賢里高祖遜菴曾祖味蔗祖梅軒咸有潛德梅軒善生

飛鴻亭集

卷之六

十一

三

產產豐以嘉善地善往著籍為嘉善人父樂漁母陳氏公其仲子也少岐嶷好讀書能明大義往往見諸行事補邑庠弟子員有聲樂漁翁病益公蚤暮侍左右奉湯藥寢興不離曰丈夫處世貴行其意事進取而忘親非孝也我何以進取為遂棄舉子業願自竭盡以承其親生事死塋身獨任焉而弗以煩長兄可謂孝友也已正德庚午民大饑公賑之粟賴以全活者甚衆詔授七品官階以冠服榮其鄉君子於是服公之仁彼有專利以自封殖

織書璣尾保厥貲用抑何為者也公敏達多遠慮
善會計嘗為仲子築屋室經度不亟而功集人服
其才尤以誠信為鄉人所宗人曰西原信人信人
公自謂亦曰吾信人此其平生所過人者配朱孺
人孺人之生與公同里里稱望族祖翠巖父文祥
孺人七歲而文祥卒與母氏凌居日夜號泣不絕
宗黨憐之君子謂凌有母教孺人有士行樂漁翁
慕其賢乃為公聘比歸婦道修甚事上使下各當
其情公之家日以大孺人助之也公嘗生子而夭

飛鴻亭集

卷之十八

十一

三

與孺人以嗣為憂置側室汪氏孺人字之猶女弟
也其子女無嫡庶猶己子女也嗚呼王化熄而內
則之教微孺人風軌有足懷者如此觀孺人而西
原家政可知矣吾聞孺人仲父邵武郊埭忍菴先
生少許可獨視偉公嘗曰玉女吾家南容也樂漁
翁又嘗曰自吾得孺人為之婦也而家之內事不
失時嗚呼若西原夫婦可不謂並德矣乎西原生
成化七年辛卯正月八日卒嘉靖乙未五月十四
日年六十五孺人生成化十年甲午三月二十九

日先西原卒為正德壬申十月十二日越二年甲
戌三月九日葬孺人於思賢里大霜圩之兆孺人
卒蓋二十有三年矣公元配即孺人繼沈氏先卒
繼陸氏子二長梁國學生朱出娶吳氏卒繼沈氏
次樂陸出娶顧氏女五長達王用次達沈萃次達
陸卿唐平章公二十七世孫某出次達姚煦次達
顧雲汪出孫子四長輝次煌次煊次聘計氏女
二長許聘陸臺兵部郎中秀卿之弟餘尚幼長子
梁將以西原卒之年十月某日啓孺人兆合葬焉

飛鴻亭集

卷之十八

十一

三

禮也先期梁自為狀衰經來謁吳子拜且泣請銘
曰維吾母之卒也梁年甫十二無知識先公適以
註誤繫叢棘梁不能愈母疾其葬也時有禁塋弗
克以禮而志因缺焉迨今有遺恨今先公又繼以
歿非子銘其何以示於今與後也乃不辭而銘諸
幽曰

在昔聞人貴行其意懿懿西原允孝克義匪世
之邈天爵斯嗜匪名之要民瘼斯瘁載我其冠
丘園攸貴亦有萊妻德音允嗣我聞西原善信

者類雙璧完歸百千世瑞子孫繩繩貽穀伊始
何以徵之視此銘志

戴雙湖墓誌銘

雙湖先生卒既四年為嘉靖丁酉十月十八日始
克葬先是公疾篤將屬續強目視其曰吾嘗以從
弟綬之子妻子子知我深而翁歿我為之銘我歿
子其忍弗銘文後簡從信無撫浮行以彰予之不
德其哭再拜而諾之嗚呼公今亡矣敢撰次所見
聞者為之誌公姓戴氏諱經字孟常居嘉興雙湖

飛鴻亭集

卷之十八

十三

三

上自號雙湖人稱之亦曰雙湖雙湖云其先河南
人宋南渡時居嘉興高祖遜仲以儒隱里中我
高皇帝嘗召講大誥悅之曾祖子期子期生宗好
詩画自逸會永樂間詔求絕藝士詣京師邑以宗
應遂隸籍大興宗生祐號簡菴登成化丙戌羅倫
榜進士除南京山西道御史有風節獲封父母如
其官歷福建按察司僉事階朝列大夫以終配陶
氏封孺人寔生公公幼穎異端重無童心從張夔
州西郭君學受毛詩卒業於翰林歐陽先生其善

飛鴻亭集

卷之十八

十四

三

得風雅之自學者宗之時周東李文祥者天下稱
俊士公從簡菴宦遊獲與交並以意氣相許既為
嘉興郡學生名即冠諸生三原王端毅公以上卿
出撫江東至聞公名召試之嘆曰奇才奇才舉成
化丙午浙江鄉試次年試禮部不第入太學大司
成鄭公紀校其文愈重之公命數奇屢會試不第
然性恬澹枯槁將退而潛用林谷以待老會簡菴
春秋高命之仕公不得已膺選福建延平府推官
執法平反無冤民尤溪宿豪為姦利以逋租者訟
之鎮守逮禁連百人案驗甚急公盡釋之無所問
時逆瑾權傾天下惡黨所至為橫恣監司莫能禽
制官吏患之公縛而置之法黨夜逸去其強姦蠹
氣無回避多類此居郡一年以父憂去職服闋又
不欲仕郡守陳石峰琳強之乃肯起改除江西九
江府推官至九江風節愈勵抑強扶弱宣恩廣澤
民獄無冤如延平焉賊濠蓄叛志官江右者多隱
禍出不測公例解錢穀至藩當謁濠人以錢穀無
羨餘為公危及見濠濠賢而禮之人始服公取信

有素矣瑞昌興國二仇家關據山澤之險累勸弗能平公以禮法諭之率悅服民溪德公至有尸祝之者正德十二年九江水御史中丞檄公檢覈條上救荒便宜事甚切時務御史中丞偉其議行之百姓復還就作水不為災嘗董修忠臣廟採木至武昌值中貴擅價高估公斥其非價始平民商兩利焉聲譽籍甚民歌之有一輪月之謠尋陞山東泰安州知州公不欲之泰安郡守貳徐白泉盈孟無涯洋促其行乃之泰安泰安為東嶽巨鎮舊有玉女祠在岱巔士大夫奔走徼福祠下無虛日供億之費公稍為之節量士大夫固有心銜之者矣有尼自京師來致香山某侯某副之氣焰極張侯要公見尼必拜公笑曰吾丈夫肯為此尼屈卒不拜且語侯曰足下貴男子夤緣若此如義何侯慙恨竟不能中傷時毅皇帝南巡將幸泰山御史諭公索金民間公曰吾寧以死濟之弗忍虐吾民他州縣咸索金公竟不索金御史怒復委官至泰山備行幄將金泥棟梁費鉅萬公力拒以為不

可委者怒譖之御史御史愈怒公計設儲侍悉以泰山祠錢出之守臣不得行已私成怒公由是諷御史疏於朝請更公任公曰吾今始得志矣遂拂衣歸百姓追呼擁道不得行曰天乎君侯奈何去吾也君侯治泰安旱禱輒雨飛蝗蔽齊魯不入境吾民賴蘇息者某年今去民將有僵仆者矣天乎奈何使我君侯去也衆皆哭公亦哭裝回道左者久之乃去公歸雙湖上謝迹官府幅巾布袍蕭然物外迨十五餘年於書無不讀暇華茹實援本窮源咸涉其津涯為文但以胸中所得者順其自然成章滾滾千餘言下筆立就若河決東注而莫之禦皆春容迅發渾雄俊逸令人讀之意豁如也尤喜為詩意興所到輒吟咏終日不休然不務難深間澁刻削剽竊以為奇嘗曰君子貴自養道充而言自工此公自得之妙也其門下士多有樹立若巡撫查彪齋尤其顯者云所著有環翠論集雙湖詩文集潯陽餘稿泰山偶錄雙湖小稿及公移凡若干卷藏於家他咸未脫藁公性簡靜三仕歷十

年未嘗携家室修身潔已砥節奉公始終毫髮不可遷奪偉乎大丈夫也好獎譽後進人有善惟恐其弗揚有不善若將浼焉以故善者勸而不善者忌蓋質直好義斃而後已要之性所生非矯以至者居陶孺人及簡菴喪以禮事庶母張如母庶弟緯弱而好學愛之猶同母焉能急人之急排難解紛其心如拯溺救焚故舊貧來歸者館穀衣食生養死殯無難色兄弟無居者居之姻有負債不能償者代之償古人弗過也襟度尤夷曠接人無貴

飛鴻亭集

卷之十八

七

七

賤高下一以禮人固願見之大夫士日有登公門者雖一肉卮酒相對無不傾倒笑談留連極歡然相與語皆泐身心翼世教闢國家者我嘉靖皇上初繼大統議尊獻皇禮公曰豈有為天子而不得隆稱所生者作禮議或謂公曰盍上馬曰吾老矣諸臣工應有達禮者吾又何庸焉嗚呼使公當時退修之志未決則議必上上必為天子所予豈更落莫如斯也耶公不喜植門戶自異於陰陽術數禍福之說一不能惑達理守正君子以澹

臺滅明陳太丘方之行具九江府誌及郡守蕭若愚傳中公生于天順辛巳三月二十九日卒於嘉靖甲午五月二十三日壽七十有四卒之日猶能作蓋棺銘別親友詩左右進湯藥曰吾待盡固却不飲端坐而逝葬有期鄉士大夫咸倡義郡守平川鄭公督學芹山陳公中丞半洲蔡公崇祀鄉賢祠可謂不死矣元配倪氏先卒次陶氏有賢行公無內助憂子一延嗣側出贅而天無嗣今弟組之子延貴嗣女二長陶出適嵎峨知縣張淮次側出

飛鴻亭集

卷之十八

七

七

聘吾弟鶯育女一適王佑葬在嘉興縣大彭鄉簡菴塋之左於戲吾先君履菴公與公交厚垂五十年因聯姻焉不幸吾先君先歿孤也以父師事公而公又繼以歿矣長老云亡孤將安仰哉悲不能文謹按公外孫張生榛所為狀而銘之且從簡與信云銘曰

荷嗟雙湖聞道於早學邃德崇握荃懷寶十年三仕風清日杲擢章吐詞春華秋藻角巾飄飄閑門却掃古之哲人今之遺老雖則無兒匪天

之道郡史弗磨訖曰枯槁墓門有松谿水浩浩
我銘在茲百世攸攷

錢泮泉墓誌銘

隆慶庚午七月二十有一日中憲大夫永州府知
府錢公泮泉卒於家以壬申年十月六日葬於開
濟鄉之新原其弟嵩奉胡宜人之命以姪春元與
映所為狀謁予請銘余惟嘉靖壬午浙江當鄉試
是時鄭端簡公名在第一公始年二十二與同邑
劉石屋賀子敬葉大聲者並薦於鄉予弗類獲從
囊滿事集卷之十八

卷之十八

九

三

公之沒以是交誼尤親詎意石屋子敬大聲相繼
淪沒往年又哭端簡之喪猶謂有公在可領終教
今公亦逝矣人世百年不能無感焉者尚忍為之
銘然義不可辭按狀公姓錢諱芹字懋文別號泮
泉世居嘉興之海鹽其上世蔓衍不可考國初
有諱貴四者以賦役戍貴陽其仲子裕幼弗行乃
生公之祖達業儒立門戶達四子以仲子琦貴贈
南京刑部郎中琦公之父也弘治乙丑進士累陞
臨江府知府配王氏封恭人六子長夢次即公次

蔡嵩菴蔡嵩嘉靖乙未進士禮部儀制員外郎蔡
葵菴俱太學生蔡縣學生臨江公宦達以廉勤長
厚著聲譽諸子守家法切劘學問自相為師友公
幼即有鉅人儀度讀書超悟試有司輒居高第繼
膺鄉薦累上試春官弗第益自奮勵師事林方齋
窮晝夜講讀弗懈登戊戌進士觀其部政丁內艱
服除授刑部主事陞員外郎郎中歷刑部凡六年
再考廉勤如一日每訊獄得情未嘗色喜人服其
明恕大司寇石塘公少許可以公為賢使典章奏
囊滿事集卷之十八

卷之十八

十

三

既而奉 上命錄囚畿甸平反寔多翕然名動縉
紳尋陞廣東肇慶府知府未任遭臨江公之喪既
畢喪改除湖廣永州府知府當楚之南境宗室所
封域其地接五嶺三湘與百粵隣民猺雜居稱難
治公至之日殫竭心力均徭役清屯糧簡徵需平
訟獄一州六邑積習之弊洗剔殆盡民不知擾學
校廢弛以禮教先之諸生執經問難者各充其願
一時及門如呂君藿伍君典皆其所造士也時旱
禱雨隨應民獲有年其立心以愛民為主本脫略

細故人有過未嘗輒加笞辱或謂公寬者公曰牧民猶牧羊也去其敗羣者耳子欲我為鈞鉅為鷲擊以示神明乎故其政外若汶汶而中之察察者固在也溪以徇虛名為恥每求自盡厥心撫臺屠竹塹巡按胡梅林巡鹽周觀所無弗稱善加獎薦諸朝士亦何貴于求名哉然公所以抑滯迄五年不遷固不求名之驗也歲丙辰大覲御史言公短於才宜治簡公對部院極謂御史言不公聞者錯愕不能容竟報罷時公聞長子養晦訃無意人世

飛鴻亭集

卷之十八

廿一

三

拂衣遂歸知者多惜公之賢而遂止於斯也天性坦夷無城府不疑人欺或肆詬侮巽詞受之無宿憾馭下人有恩禮與交游相語終日雖菜羹蔬食其情灑然也弟姪好學勤生者愛而成之戒其不恪者使入於善能趁人之急不以利害櫻心自奉甚約敝衣破履不忍終棄而橋梁道路之傾圯淖淖者則捐貲修砌未嘗有一毫顧吝初舉進士其族弟海石君為給事中以星變直言被謫諸貴人惜之謂少自韜晦即通顯可立致公曰丈夫寧玉

碎違計其他貴人以為刺已銜之曰是子倔強似其弟當是時識者稱其兄弟俱為難矣及隆慶改元求天下直言公應詔上書首言正始貽哲之道法祖崇學之規防海治倭之策因言海上進黃魚取辦于海鹽平湖二縣漁戶破產不能支驛路騷擾公私並困及魚進則餒且敗弗堪獻宗廟且海洋多警奸宄得因緣為奸願罷進民永永便

上曰可罷進如今議始公欲上書或謂之危曰身隱矣安用文之公曰朝廷求天下以言而芹也有

飛鴻亭集

卷之十八

廿一

言

所知以言晦死且不瞑書竟上推是心豈沉沉隨波上下者乎然竟泥于用而弗克盡行其志可哀也已公素無疾以子養晦學成而天日切無嗣之憂又堪興家言舊所居宅東去里許構室與宜人居當得子公信其然而不知竟以此終也卒之前一日猶能延醫議方藥明且索紙筆書家事且曰以姪日升之次子世堦繼養晦後為吾承重孫遂卒嗚呼痛哉公生於弘治辛酉三月二十八日距卒之日享年七十配胡氏封宜人子一即養晦娶

朱氏先公十六年卒女七長適倪元夫太學生次
同年劉石屋之子灼江西右布政使次崔樞徐可
觀俱太學生密淵縣學生俱宜人出其遠朱象性
胡某者側室某氏某氏出公充養醇粹悃悃無華
所至以廉勤長厚稱無忝於臨江公者天厚其德
而嗇其遇果命也夫然以科第榮名與父子兄弟
紛綸繼起其所樹立亦足暴諸天下後世矣銘曰
四黃既駕載蹶其馳佩服芳華委以菴苑福謙
與善理道之宜吁嗟泮泉而止于斯秩二千石

飛鴻亭集卷之十八

墓

三十一

年則古稀耳弗酬德用遠厥時亦有令子亟又
奪之彼蒼茫茫何報何施我聞自昔植德有基
以嗣以續孰非燕貽新原蒼蔚玄宅若坻考德
論世永徵銘詞

郁見槐墓誌銘

隆慶六年二月十七日封文林郎績溪縣知縣見
槐郁公以疾卒于正寢冢子刑部君蘭卜萬曆元
年某月某日奉柩葬永樂鄉化龍橋南之祖塋與
顧孺人合遵治命也先期刑部君以右通政使湯

君日新狀謁予拜且泣請為墓銘曰蘭也遊先生
之門且久不棄締有姻好先母孺人之葬也辱賜
之銘今先君葬竊願以銘請又泣予不類與見槐
公交五十年餘今刑部君之在苦次讀禮銜哀皇
皇然朝夕若有求而弗得者予心甚嘉而悲之其
忍弗銘按狀公諱玫字元佩別號見槐姓郁氏世
為嘉興人七世祖正二公當滕國時徙居永樂鄉
之商陳村厯國朝宣德間析永樂鄉隸秀水遂
為秀水人正二生寧一寧一生華一華四子其季

飛鴻亭集卷之十八

墓

三十二

曰文政文政讓先業與昆弟而築別室以居里中
名其居曰東西郁焉生子宣號栢軒素長厚人以
佛子稱其卒也大司成程公表其墓栢軒三子季
曰昂者號槐隱生五子長瑾配吳氏出次瑜次績
溪公次璘次琨皆繼室湯氏出郁氏之族日益繁
衍然槐隱以積德好善重於鄉嘉靖初舉高年行
誼例受章服世業農家無厚藏而個儻曠逸不屑
屑治生事恒以詩書之教啓厥後人及卒少保趙
公誌而葬之人多稱槐隱公有德云績溪生而敏

慧稍長從塾師受業顧湖隱見而器之曰是必能
立身亢宗者願以弱息托焉請于槐隱翁許之乃
館甥於顧氏生刑部君顧居廬市以積著與時遂
公棄所學而學焉偕顧孺人經營拮据家益饒裕
猶恨不淄志于儒術每訓刑部君以學曰自吾先
世以來積德累善為子孫燕翼計天之玉汝于成
將在今乎子其勉之迺亟求賢師友從之遊躬督
其業刑部君益奮勵年十四為郡庠生二十三而
中浙江鄉試式十上春官不第公曰賢弗賢人也

飛鴻事集

卷之十八

五

三十四

遇弗遇命也人願樹立何如耳命也何无汝其出
而效於時庶幾叨一命以慰我老於是需次天曹
授績溪縣知縣既又戒曰令者民之師帥有君臣
父子之道焉汝勿戕厥民怠若事以貽我憂又曰
古人以清白吏著之載籍汝志效古者其以清白
自砥礪使人謂我為廉吏之父庶幾為我榮蘭奉
教惟謹治邑未三年多善政賢聲大起膺旌薦者
十數值肇建儲官推恩内外公獲封如子官顧
贈孺人蓋異數也命下公年且八十耳目聰明章

服偉燁飄飄若神仙然遠近聚觀以為教子之效
隆慶三年秋刑部君以賢能徵繼陞南京刑部山
西司主事或曰始以賢能徵即弗為臺省官為北
部署且弗可而竟南乎刑部君曰吾淄近吾親早
暮聞起居志願足矣因過家省視見公形神衰欲
留養公不許曰受朝廷恩不當圖報何至作兒
女態依依膝下耶不淄已就道公教戒如為令時
在任甫二載聞公疾即日請告馳歸面公執手相
涕泣慰藉久之疾少閒左右侍湯藥奉言笑者三

飛鴻事集

卷之十八

五

三十四

閱月而公逝矣凡舍歛周慎致其誠信無違禮向
使刑部君不南陟而北或蘭在臺省越數千里即
歸而父目且瞑矣於侍湯藥奉言笑能無歎乎訖
謂畚於前者非福其後也公天性孝友事養槐隱
及湯碩人服食必致精潔歲時延姻戚稱觴以為
歡槐隱殯迎碩人於郡城敬養無間言喪葬獨任
其事不以煩諸兄弟有緩急趨而赴之給其所不
逮事伯兄半橋公友恭特至人不知其為異母出
也仲氏不能自存讓以宅而割腴田畀之代輸之

稅僦屋以居於氏捐貲使逐什一之利既又傾仆而復益之貲至再三無厭心弟春湖家少公令顧孺人育之日夕卧起與已子同壯而為之婚後為置便利產使無後憂撫諸後子女俾有家室聯姻族調孤嫠雖費財殫力未嘗幾微見於顏色故人貧者鬻其子贖而還之貸以金使服賈金又盡廢待之如初外氏獲戾於上官繫獄需千金甚迫公為輸之金乃釋平生好施能急人之難類如此居家祀先燕賓禮儀豐腆而自奉頗約無重帛兼味

飛鴻亭集

卷之十八

七

三

素蓄也晚年為少子經理家事過勞刑部君請緩圖弗從詎意堂構落成婚嫁甫畢居無幾何而疾大作矣將屬續無遺言惟執少子手視刑部君若以慈為托者刑部君必不負父命第乃可負兄乎公入地宜長笑無憾也公生於弘治戊申五月十有八日距卒之日享年八十有五配顧孺人先公三十年卒其葬也予銘之孺人賢行具載於誌及屠太史墓表中公平生無內憂孺人之助也繼向氏封孺人子男二長蘭即刑部君娶章氏處士岑女封孺人顧出次蕙娶邵氏邑庠生應詔女向出女四長適高汝志經歷科子顧出次適高夢熊同知策子向出次適項良格千戶鏗孫次適劉士慶通判用章子俱側出孫男二大同國子生特立好修有志未就頃以暴疾終娶項氏錄事元淇女繼陸氏尚書公杰女大立聘沈氏都事葉孫女孫女一適子子布政司叅議吳紹贈安人早卒俱刑部君出曾孫男五留慶聘子孫女天嘉慶聘黃憲副子太學生洪業女餘慶聘寶典寶子太學生文照

飛鴻亭集

卷之十八

七

三

女次逢慶重慶曾孫女一尚幼俱大同出嗟乎郁氏以世德名其鄉先是槐陰公取宋三槐事以示志見槐之誠孝雖羊曇繫思其志固與槐隱同也今刑部君仕躋顯融以才名發聞於世能卓然自樹不依時俯仰諸孫子露頭角視之良不凡天之報施有在乃為之銘銘曰

易系貞亨家崇善慶事匪遑然在天者定猗歟見槐醇德懿行孝友恭勤植綠乎性不競於名不驕於盛有執有循克戒克敬以享永年踰八望九奕奕繩繩以開厥後如彼力田終善且有槐陰在庭載榮以茂綸勅寵封栽培彌厚發祥揚芬余曰非偶龍橋之南玄宅如早鬼神相馬呵禁護守公歸于斯百世弗朽

鄉進士陶鼎壺墓誌銘

隆慶元年十二月十八日鄉進士鼎壺陶君卒卜四年十二月二十七日葬於吳江裏參圩之新阡子彥冲等以吏部考功郎中袁尊尼狀來請銘嗟乎陶君少以經學從予遊相知厚歲久非余詭銘

然又曷忍為之銘也君名銳字思抑素高元亮之

風節故號鼎壺以見志世為汴人宋有將仕君者從南渡居秀水之金橋後徙王江涇則自菊隱公始菊隱六傳而及君之高祖父榮榮生簡齋煒煒生後岡遠後岡娶於史叅議臣之女寔生君焉君幼奇慧凝然如老成人十七歲入泮庠篤學好修立名行溫然雅循人士譽之久而入太學凡三試南畿領壬子鄉薦名行益彰四方交遊之士日廣咸謂后岡有子矣初簡齋贅於吳江之吳武庫氏

武庫以貲甲邑中武庫平簡齋與其配亦卒吳族姓獷弱后岡覲奪其貲當是時后岡筑塾在疾吳族盡撤其堂構并田穀以去及后岡為學官弟子員進國學辛苦拮据積二十年而家事益饒與吳族等人謂命數自在定其誰能奪之君亦嘗曰吳族何厭之有使當時武庫之貲不散將及我是懷璧而賈害也噫可謂哲矣后岡性嚴毅惟自動作業早暮督君以學雖甚鍾愛不少假借史碩人每從容為解君輒止之曰勿以是拂父意也后岡每

色喜語人曰元吾宗者在是子手既就試南宮弗利歸事后岡及史碩人恭勤孝養鄉黨無間言未幾后岡卒蒞喪哀毀凡所以送終者殫竭情禮同母姊二人貧后岡遺命稍益其費君請於史碩人更多與之側出妹一人則私以贈之良厚不使碩人知也母舅史君構禍繫獄幾殆君力為白諸有司明其誣出之其篤於人倫多類此君廣願豐下器貌超然出塵表有曠達風平生工字學能綜覽載籍綱要屬文清麗不循襲常格語得古彛器及

飛鴻亭集

卷之十

三

三

法書名繪列諸几席焚香淪茗相對意甚適也性不欲關家事客至傾蓋如故時時偕所知携画舫遨遊山水間一觴一咏情忘興逸浮白呼盧為歡外若瀟灑易親而內行淳密至風節所在則侃侃持論不與時沉沒其嗜義若飴與人交有終始好施予重然諾能趁人之急受所托必委曲以濟既而若忘絕口不伐其德當會試期且迫矣值其師陸君同途師病甚君停舟日視醫藥必愈乃行推是心肯為燥濕輕重以窮達明晦易操者哉即古

人又何多讓也君生於正德己卯二月十六日距卒之日享年僅四十有九元配陳氏子男四彥冲秀水縣學生娶周氏彥瀛嘉興府學生娶陸氏並陳出敏而文彥洲側室郤氏出彥淮沈氏出俱未聘女三長適皇甫乘陳出次許聘吳某側室馬氏出又次顧氏出未許聘嗟乎予與陶氏世相交好往年后岡卒予哭之銘其葬今又為斯墟銘十餘年間而兩哭其父若子古之君子所以重感于人世也乃序而銘之銘曰

飛鴻亭集

卷之十

三

三

於惟陶君懷醇握節奕奕德音蘭於玉潔昆吾始耀鎡鏑摧缺騏驎疾馳修途遽蹶謂天嗇之生此良哲天或厚之而弗耆暨仁未必壽齊志以歿茫茫我思理道莫遠亦既有子克昭休烈貞珉勒詞永賁幽穴

弋陽令祝染溪墓志銘

染溪先生子同年友也諱繼倫字師聖祝氏祝之先汴人也宋南遷後居海寧之袁花里為浙著姓曾大父鑑大父沔父鰲弘治甲子貢士知江西

崇仁縣事妣徐氏先生幼穎慧習小戴禮有老成人態度及長稱儒行事父孝至友諸弟有唐城階誼焉嘉靖壬午與余同領鄉薦既而余舉進士先生屢不第廼尹江西之弋陽縣余今廉訪江西屢求先後守令而較論之知先生為古循吏而先生則已發作古人矣喟然嘆曰吾嘗謂君子患不能自立耳知所以立而世無知己者鮮矣孰意奉職如先生而不過知己若是哉弋陽為東南孔道稍前却于時則疲民命以媚炎室都不自愛節氣先

飛鴻亭集

卷之十八

三

生惟百姓凋瘵之憂酬應以禮勿徇所求諸無名征役芟除殆盡鯨惻德之豪奸屏氣不敢肆其慈惠有如此者朽得氏為宋義士鉛山張氏婦之貞操皆宜崇重以風頽俗先生刻傳謝氏之文而脩其祀事錄節婦之行而旌之雖懦夫不肖婦皆知興起至於明一本之義以釋鄧氏兄弟久爭自是民不習偷行其敦厚有如此者是是非非不少假借致拂上官意向密寇大聚亂官民惴惴以變告先生談笑撫之輒為良民當路者欲腹削民脂以

望囊橐可辱以賤勿脂膏以承色喜其剛毅有如此者斯皆令所難也夫進賢退不肖予廉訪責也惜不及見先生之賢而進之而徒為之一傷止焉耳先生或亦悼無知己矣乎雖然君子當致力者正於人所不知也故孔子謂子貢曰莫我知也夫非自嘆而有所不足於人也蓋欲使子貢知所致力焉耳故又曰不怨天不尤人下學而上達知我者其天乎夫不我知而無所怨尤此之謂謹獨下學上達而得知于天此之謂有天德有天德則王

飛鴻亭集

卷之十八

三

道易易天下可平矣而況於一邑乎是故古之語王道者在乎不顯維德百辟其刑之夫曰不顯則上天之載無聲無臭焉爾矣故曰王者之民皞皞如也又曰民日遷善而不知為之者余不及見先生為令于茲相與講論此義以究竟大業遽爾早世傷如之何娶賈氏子男世康世廉世慶世廉鄉進士餘補教官弟子皆亢宗器也女適海鹽朱籍孫男某某生弘治甲寅七月二十七日卒嘉靖丙午八月二十五日得年僅五十有三卒之又明年

奉空於某原余不得執紼永訣為之銘以見知己
云銘曰

孝父逐日道則遠爾蝸牛升高粘壁而止天命
有定人欲無已君子知幾修身以俟道不可辱
白不可繼彼人伊何翕翕訾訾貴于丘園畏途
勿累中壽而逝此心不死銘以顯幽曰予知子

封郎中筠屏孫公配安人李氏合葬墓誌銘

嘉靖四十五年二月十九日筠屏孫公以壽終於
家子詒自京師來奔服喪如禮期年母李安人亦

飛鴻事集卷之十八

三

三

遘疾卒卜以隆慶元年十二月二十二日合葬於
白苧鄉之新塋詒乃持所自為狀踵其之門拜且
泣曰詒不孝賴先人餘祐通藉於朝先人以老不
欲就養都下既以權務使荆楚事後復命亟圖
所以歸養者值先皇帝肇興陵工不果歸不幸
先人奄忽背棄抱恨痛心籲天無及今塋有期願
先生早之銘為先人先示我子孫無斂余念己丑
之春工部君秩滿公以例封工部主事如子官
母李氏封安人當制勅南下鄉黨宗戚舉觴稱

飛鴻事集卷之十八

三

三

賀夫婦朱顏鶴髮冠帔輝煌照耀閭里詎意賀者
未幾而繼以吊也悲夫工部君與余季子紹同舉
進士予之甥包有魚又工部君壻也既親且厚銘
奚敢諱按狀公諱能字世用別號筠屏其先世居
秀水象賢鄉高祖諱洪正者當國初時以尚義
個儻為鄉邑推重嘗董役於南畿十餘年始還見
舊業荒蕪遂徙居嘉興之勸善里服賈自給里中
稱為長者洪正生孟琪孟琪生明明生江即公之
父也配沈氏公生而父早世母亦相繼淪歿茹荼
攻苦幹蠱先緒觸寒暑霜露不休家用稍裕人有
緩急周之恐後貸者與之即貸且負輟置不問至
今嚴溪之人服其義平生樂成人美見善欣然愛
之不善輒然愠于色若將浼焉及其改則又勸好
或肆之侮若不聞而受之侮者終慙謝以去隣有
忤于俗者仇家誣嗾陷以重辟公曰冤莫甚焉毅然曰之上官兼得其情釋其罪其類直多類是此
豈與俗詡詡相浮沉者哉素不作佛老事每拍心

曰不欺此一點足矣悖理徼福吾不為也惟憐憫以教子為務李安人者相筠屏公拮据綜理當工部少時課督尤嚴雞鳴促之起夜則篝燈使頌讀無間又恐孱弱不任勞也藥餌果饌之供以時出入必問其所與嬉遊博奕絕之一無所狎有古九

飛鴻集

卷十八

墓

三

弗入公府郡大夫每招鄉飲不赴當春和景明時時倚杖徐步閒適興盡而返賓客至延欸終日安人躬潔酒食俾客盡歡以為常使公無內政憂安人助之也可謂賢也已公生於成化己亥十二月五日享年八十有八安人生於成化甲辰六月十九日享年八十有四子三長季早亡仲即詔嘉靖己未進士歷陞工部屯田清吏司郎中娶鍾氏贈安人繼俞氏封安人女一適楊鵬孫男二長材文太學生娶沈氏次憲文娶范氏孫女九曾孫男六

曾孫女五嫁娶皆望族嗚呼盛矣夫天道無親常與善人故書言餘慶詩咏瓜瓞謂蓄之深而派者長也公秉心不欺慷慨持大義脫人於厄與安人同德偕老教其子用開厥先卒成其志而享其養即詩書所稱何加焉彼有積不善者乘人之危入井而又下之石鰥鰥巧詆非不快意而不免終身疲荼顛踣困頓以死至與草木同腐子孫無聞者亦眾矣然則積善與積不善其所得孰多乎哉是以徵天道矣是故昭為善之效以勸來者不宜無

飛鴻集

卷十八

墓

銘銘曰

善積慶餘惟仁者壽匪天之私因材以厚吁嗟筠屏德音孔茂植義扶顛臨利弗苟眾競其趨我拙以守人徇其華我若無有秉心塞淵內省靡疚貽穀發祥克昌厥後其昌維何王瑜蘭秀如彼梗楠通資鴻構婉婉安人德惟公偶是曰令妻是曰賢母雙璧同歸其固其久勒銘貞石億世弗朽

飛鴻亭集卷之十九

秀水吳鵬萬里父 著

長孫惟貞校梓

墓誌

金雨洲墓誌銘

嘉靖丙寅二月二十有八日雨洲先生遘疾卒於正寢以隆慶元年某月某日葬於其鄉先塋之次子鰲偕其外樞先期持貳守范菁山翁狀授其請銘某與雨洲公同舉於鄉乃今四十有六年矣公

飛鴻亭集卷之十九

一

二

其子雅相善予時解銓部政屏居鵲湖煙雨臺南公時時過我劇談古今事成敗引杯酒浮白嘯歌為懽且將修社約招郡中耆逸為會以敦行義為鄉里倡詎意公先我以逝無幾何而菁山公又物故矣感念疇昔銘矣忍辭按狀公諱榜別號雨洲文華其字也 國初有華一者占籍秀水伍福里世為秀水人華一生晉明晉明生惠安惠安生倫稱一間居士皆弗仕一間生粟號友月娶聞人氏而生雨洲友月為郡庠弟子員食廩餼未及貢而

死雨洲年甫十八弟樞尚穉貧無以飲強勉塋事哀毀踰禮終喪肄業秀水庠公資稟敏俊好讀歐陽三蘇氏書為文詞每越常調時人不以舉業許也及後張太守寒畦學毛氏詩寒畦奇其才郡守徐公白泉每較士又奇其才錄其文拔置優等聲稱大著嘉靖壬午領浙江鄉薦明年上春官弗第卒業南雍大司成甘泉先生器重焉遣就陽明先生學賦詩贈之行既見陽明得聞良知之說遨遊二先生之門身體力踐詣極根抵不為巍冠詭服

飛鴻亭集卷之十九

二

三

迂辭濶論以自標異徵虛名世亦弗知其為二先生之門人也乙酉更就北雅時小宜公為大司成試之又奇其才揭其文於堂以式多士名益起京師翟公石門為相延致西塾訓其子丙戌首相羅峰又延而禮之俾其舍人兒就講者三年時相門顯赫公視若浮雲巖然自立公私一無所與羅峰特加敬信世又弗知為相公之西賓也嗟乎世之學者何限彼有納交權顯憑假聲威鼓唇舌中傷善類已則乞哀昏夜覲躋崇秩揚揚於白晝廣眾

中自負得意介然若無求於人者此宜市井牙儈
所不為視公宜多愧矣已丑丁母憂喪葬如禮公
以累試春官弗第乙未待選天曹授寧都知縣寧
都顛之劇邑也健訟難治公刺裁無留事平易近
民不為苛刻暴削之政小大之獄必以情懸鍾園
禁俾不平者擊而訊之貧者餉疾者藥人無有瘦
死者時天旱甚公曰不雨民將無稼且疫大作猛
虎白晝噬人於郊民並苦之公曰吾責也徒跣微
服徧禱境內諸山川鬼神雨隨降如注四野霑足
飛鴻亭集卷之十九 三

兼并猶寧都也公一切繩之以法巨室稱不便者
訾誹叢起又若寧都然公曰是不可以己乎吾雖
貧家有負郭田百畝撫松蒔菊足以為暮齒為升
斗粟降志辱身非夫也遂浩然東歸民攀車引轍
援弗能止其後十年有梁某者尹連城取公所議
田役法行之邑長老復稱便樹金梁德政碑於縣
西曰金者不忘公也夫公之法不能行於在位時
而梁尹獨收效於十年之後遇不遇固有命哉然
民可與樂成而難圖始槩可見矣公天性友愛宵
次夷坦洞達無城府與人交有始終能趨人之急
平生耻言人過人故樂從公遊其歿也尤哀之配
胡孺人有婦行公生於弘治甲寅九月十六日距
卒之日享年七十有三子一鰲邑庠生娶李氏女
一遠海監生朱監生子築鰲未子女贅庠生吳久思
嗚呼以公之素蘊與夫世之赫然貴富取佳名者
寧獨歎乎哉然平生僅為郎官才蓄非用福不酬
德豈蒼蒼者報施或爽耶抑將以其餘遺公之後
也是宜銘銘曰

車堅馬良孰歟其馳長裾佩玉不利步趨用雖
弗竟懿軌在茲吾鄉之彥仕林之師高墳我我
流水漪漪百世有耀視此銘詞

卜母賀太宜人墓誌銘

隆慶三年丙辰九月十六日故 誥贈奉直大夫
刑部山西清吏司員外郎卜長醉翁諱宗洛之配
封宜人賀氏卒於正寢是年十一月十五日啓長
醉翁之墓合窆焉又明年辛未其仲子大有持所
自述行略偕弟大觀衰經謁予請銘曰先宜人葬
飛鴻亭集 卷之十九 五

迫於期未暇謀誌事某年六十髮種種白殆老矣
寧復敢緩圖願為之銘俾我先宜人藉以不朽予
聞而悲焉念與卜氏世有姻好其忍弗銘廼按狀
序之太宜人先世東郡寧陽人滕國時有諱伯顏
者從事義旗拜輕車都尉以平寇功晉上柱國爵
襄靖侯鎮撫江南安置嘉興路遂家焉嘉興之有
賀蓋自伯顏始為郡著姓伯顏生五舍五舍生仲
達仲達生禎禎生晟晟生麟麟號月谿太宜人月
谿次女也幼端靜敏慧形神不羣既失恃佐月谿

理家政內外井井月谿心奇之曰是不可以偶凡
子當是時長醉翁初室太保周恭肅公之妹也逾
年而卒長醉父南隱翁與月谿交雅知月谿女賢
為長醉以繼室請廼歸焉太宜人敬共朝夕執婦
道甚謹事南隱與姑李孺人以孝聞豐潔家祀烹
飪滌濯歲時終始無怠容南隱公器度揮霍好交
縉紳名士太宜人主中饋禮賓客至脫簪珥治具
無常常南隱意者李孺人家值衰落南隱之母弟
及姊妹及長醉之女弟多食貧窘於財太宜人每
饋致糜餼衣帛遇疾病喪嫁無弗奉以周旋諸族
人咸德之然未嘗一使南隱與孺人知也及南隱
棄養襄事盡哀姑病保護抑癢進湯藥必手親之
數月衣不解帶時長醉翁啓行受業南太學至途
心動亟還獲送李孺人之終若神預告之者均可
謂孝也已卜氏高祖存耕公以富饒甲里中至曾
祖桂庭而下困於役業產日匱太宜人相長醉翁
以勤儉經畫拮据晚寢早作家復稍稍振起慈仁
好施能周人之急見寒者授之衣飢者與之食貧

不能朝夕者繼之粟死無歸者畀以棺多不可計數吳江漕隄水決十餘里行者病焉募工修築倘土石竹木至再三不厭道路稱德者萬口俟警報急官民日夜城守不輟太宜人具餅餌相勞問且捐百金為兵餉助郡大夫劉唐燾賢之松陽兵數十百死于戰為置隙地塚而瘞焉性儉素本之天授器用服食不事華靡米鹽絲枲之細必身親其勞每訓子孫女若婦一以綜飭幹蠱為尚嘗曰婦人內夫家欲其賢助聞政即刺繡珍麗姣好聰指

飛鴻亭集

卷之十九

七

三

甚寒暑篝燈淪茗悉心供億諸子稍息或過差必呼立庭下責詈不少假借俟引罪省改始為霽顏以是諸子各感奮樹立取科第陟顯為太宜人榮初以子貴封孺人既而廟典禮成覃恩加今封而長醉翁得列為大夫云時時以古人德業期諸子嘗曰清慎勤匪特仕類當然雖家居固宜率循而弗墜者聞王陽明諭俗訓蒙客坐私祝命揭之屋壁曰不猶愈于山水障乎又曰自吾歸汝家每見以糧役累今吾子貴獲免於負擔足矣獨弗念里中役乎乃置義田百畝贍里費歲以為常里中稱便噫婦德母儀視古公父文伯之母洵何多讓以聖善化一家而享祺福於無窮者非偶然也太宜人生於天順丁未十二月十一日距卒之日壽八十有三子四人長大同嘉靖戊戌進士歷陞福建按察司副使娶周氏恭肅公弟同之女皆先卒次即大有嘉靖丁未進士歷陞南京禮部精膳司郎中尋甸府知府娶懷氏庠生銳女次大觀蜀府典寶正娶史氏典膳永紀女次大順嘉靖癸丑

飛鴻亭集

卷之十九

八

三

進士歷陞吏部稽勲司郎中才行未究其用卒于官娶楊氏繼娶茶陵州判顧君瑞女女二長連錢應麟先卒次連張南雄子千之湖廣都司斷事孫男十五人孫女十人曾孫男十三人女十五人玄孫一人其嫁與娶與聘皆仕族嗚呼苗裔之盛福壽之隆太宜人以一身而所有若此可以為難矣是宜白川毅齋淡泉群公歆慕而修頌之者於禮宜銘銘曰

山以玉輝璇源圓折積盛後昌天道斯微惟太

飛鴻集卷之十九

九

三

宜人女士之傑率履無愆母儀婦節鳳鳴在岡蘭蒨叢茁肇慶發祥螽斯瓜瓞詠云匪壽躋于耄耄帝錫之封載膺光烈惟太宜人徽音招揭高墳我我長醉同穴千百斯年永裕來哲

鄭母顧安人墓誌銘

隆慶三年十月十又六日鄭母顧安人嬰疾不起其子履準等卜其年某月某日舉葬事禮也先期準偕弟洵持其長兄尚寶君狀謁予請銘諸墓予惟尚寶嘗以敢諫忤今上負直聲於天下當不

為親諱言固信而是徵予與尚寶君之父端簡公為同年而予第四子紳壻於端簡之門以通家故安人之賢得於耳目者甚熟銘奚敢諱乃按狀而序之安人姓顧氏顧自野王後世以文行顯名兩浙間稱蕃族父諱政母張氏務本力穡蘊和發祥安人生而天性穎慧少不喜飾父母慎厥所歸當是時端簡元配劉夫人卒繼劉夫人亦未抱子知安人賢曰是宜子者為端簡禮之側室已而果得子即準與洵也比長同尚寶君學安人督率嚴甚或語不經義必呵責改而後已師友為之感動端簡初以文選郎觸怒時相謫貶和州安人隨之行綜理內政井井不失繩墨及端簡公歷位六卿功名遂身退與安人優游林泉下者數年安人以朴素自持肉食錦衣一切謝去曰吾以教子孫儉也吾子紳家無厚藏安人每謂其女曰汝不聞孟光脫簪珥手壻非終寤者第安之又曰婦以順承為義必孝且敬無貽舅姑憂又曰處妯娌以禮御戚獲以恩無瑣屑以貽夫子之辱其為母道蓋如此

飛鴻集卷之十九

十

三

人謂紳得內助而不知成之者良有自矣先是繼
劉夫人亦殞逝安人與沈安人偕事端簡公同心
協力事必以身下之弗敢專昔者端簡與予同朝
時嘗語予曰二女同居無睽無革吾家同居復同
志無睽革之虞不可謂非福也予感嘆以為難及
觀尚寶君母子兄弟姊妹間孝愛誠切若不知為
殊出者此豈聲音笑貌為之又世之所甚難也於
是見端簡之刑于有素而安人之教深矣隆慶二
年冬端簡喪畢安人令準需選天曹明年六月

飛鴻亭集

卷之十九

十一

三

旨授都察院照磨準擬南改便養尚寶止之未幾
而安人之訃至準慟哭幾絕窮日夜奔喪亟還可
謂孝也已安人質任自然不留喜愠在室得女道
及為婦則順為母則慈比卒遺命以布衣飲禁佛
事勿受吊奠非達于禮者能之手生於正德辛巳
某月某日距卒之日享年四十有九葬在勾城山
端簡公之墓側子男二長履準識趣真朗練達世
故有父祖風以端簡公蔭授今官娶沈太守岳陽
女次履洵太學生敏而文娶徐通府西山孫女女

一人嫁鴻臚署丞吳紳即吾子孫男二人孫女二
人嗟乎先王之治必本之家以達於天下非直吏
事益亦有婦教焉後世治不希古以女善非世教
所先自江沱膠木之詩亡而采風之官多失其職
故其事亦泯沒無傳於後而先王之教之意浸微
然則安人之賢可使弗傳也哉乃著其大者刻之
墓石銘曰

婉婉安人是曰女士率履蹈和介茲繁祉聯華
均芳有孫有子爰植棟基益厚厥址勾城之山

飛鴻亭集

卷之十九

十三

三

泉派瀾瀾玄宅罩如百世以祀

郁母顧孺人墓誌銘

嘉靖癸卯歲冬仲月某奉 上命往督滇南學政
取道省先大夫墓門人郁子蘭居母顧孺人之喪
及期矣往弔焉則郁子居堊室不稅經帶苦寢由
枕蔬茹皇皇如也其形容較摧毀心獨哀之既旬
餘郁子以其同年陳君瀚所為狀謁余拜且哭曰
吾母葬有日非先生誥銘又哭余惟郁子自齡年
從余游事吾母黃宜人猶母也當是時孺人與吾

母通家聲日相聞予以是知孺人賢甚邇來二十有七年矣不幸吾母先棄世三釜之養弗逮今孺人又物故感念今昔涕不覺淫淫承睫嗟乎非余銘又誰屬也按狀孺人諱壽顧姓家秀水咸中里父彥禎任俠好氣里中子弟尊憚之謂曰顧翁顧翁配傅氏孺人六歲而傳卒鞠於祖母王有士行最鍾愛將笄為擇配得見槐郁君玖見槐者槐隱翁季子也顧翁喜白之王曰槐隱翁素長者與其媼湯並以積德尚義稱于鄉黨今視其子樸而良

飛鴻亭集

卷之十九

七

三

語云基厚棟植源深澤溥是必能亢其宗者也蓋妻之於是槐隱為見槐君委禽焉館甥于顧氏生子蘭初顧翁不事家孺人佐見槐經營拮据噓寒沃熱舉羸於詘未幾顧翁多內育二男雅不屬意於孺人廼偕見槐卜室異居積二十年而家業日饒傳早世痛之即終身屏謝綺華不御顧翁老且病預為治終具極美備王祖母卒遷祖柩合葬之無違禮撫庶弟尤以恩義方其卜室以居也槐隱翁媼寓故里尚無恙亟請迎致晨昏之敬不得命

省問餽獻無敢愆期歲時生誕必製新美服上壽惟謹如是十年而槐隱翁卒迎姑湯養之又如是者十有二年而湯卒事生送死誠信無悔其姑舅嘗曰吾兒暨媳婦孝且賢人亦曰孝且賢嗚呼可謂難也已孺人內政井井自田桑耕織及醢醬雞豚澣濯補綴雖瑣細靡不留意尤聞於自奉蘭嘗跪而進曰大人龜敏起家百年如駒馳隙庶幾優游以娛老何深自苦為孺人嘆曰而忘締造之艱乎人情勞則思愼逸則忘善亦冀朝夕崇修前業

飛鴻亭集

卷之十九

七

三

求安非我志也其勤儉蓋天性云見槐宵次澗略無城府好施予兄弟始居約數奉遺伯兄以采績以先世田廬讓仲兄而代其徭稅之輸弟春湖君少教畜之與子蘭共臥起服食長俸之有妻成家撫字諸從子女婚嫁各得其所見槐固厚孺人寔贊之無慙容亦無德色雖一子內教之尤嚴嘗曰子之不肖毋救之也日察其步趨語笑嬉遊之迹少肆輒語見槐君憊之罔縱始七歲即遣從予習舉子業久之予尋仕京師蘭補郡庠弟子員凡所

往來士必覘其賢而後令之交有古孟母風蘭學
日益試輒優等嘉靖十三年以詩中浙江鄉試式
歸謁孺人孺人弗甚喜及三罷春官亦弗甚愠戚
每語蘭曰遇命也淹速時也干將湛盧之器即未
得虎豹犀象而刺之詎謂非寶乎汝其勉旃以俟
慎無怠蘭受命務學不輟駸駸顯融有日所以成
之者遠矣見槐復好客孺人時時躬為治酒食不
厭時或激直折人過從容解以溫言下逮減獲有
小愆曲為掩護助困乏無不得其歡心故卒之
飛鴻事集卷之十九
日無少長跡戚戚哭之哀先是郡伴有私貸於見
槐者不果遂溪街之百計欲中以罪無間及廉頗
翁嘗逋官需千金喜曰得之矣即併繫見槐日箠
械使償千金蘭抗論觸郡倖怒持之益急君子曰
為孺人者不亦難乎償金則廢產病夫弗償金則
抗上忍父如之何其可也雖然金償禍乃免孺人
竟與蘭計償千金父與夫始釋又孰知坐是憂憤
遽疾淹淹累歲以死為民父母行政何以使人至
斯極也嗚呼可鑒矣歲壬寅秋孺人疾漸劇又以

女歸積勞冬會從子葵卿君娶婦強之往戒舟將
發時風氣極寒蘭與父苦諫沮弗聽請助以錢穀
又弗聽怒曰若奚為抗我姊姪之子猶子也吾弗
往彼將誰賴焉遂往經理其家事疾頓作不能言
人馳白見槐與蘭挾臂來則目閉口啓痰壅喉吻
間聲隆隆若雷汗冷溢如雨下藥無及矣遂卒時
十二月十九日距生之日為弘治辛亥十月初六
享年五十有二子男一即蘭娶章氏女一達高汝
志孫男二長大同次大立女一俱幼蘭請於見槐
飛鴻事集卷之十九
君將以其年月日奉孺人柩塋於某鄉之新塋予
嘗慨女史彤管之教微而婦道母儀徽美足傳者
益寡有如孺人之懿行雖詩書所稱述曷尚焉况
余辱交於郁氏父子間尤善銘何敢辭銘曰
嗟嗟孺人柔惠潤塞克儉克勤有孝有德以恤
厥宗如鸞如翼寒曰我衣餒曰我食卑卑尊尊
式昭壹則天薦所生禎我 王國鳳鳴鏘鏘鳳
摧其翮采掩華收仁豐壽畲有子寔材梗楠圭
璧遵養時行日之未晏以及良人允厚其植緝

熙純遐通躋壽域吁嗟孺人歿又奚盡撫膺新
原有溪湜湜銘章在斯千姝罔極

沈母陳氏墓誌銘

故西湖沈東園公之配姓陳氏諱某進士徽州府
推官良兄之女嘉興雙溪里人在室以孝友恭慧
為父母鍾愛選所宜乃歸沈東園氏諱奎者沈族
大且饒曾祖諱景忠祖諱彥明父諱致有隱德母
入門事舅姑以敬順稱執女紅相東園以勤儉立
名行家政之成與有力焉平居寡言笑溫惠淵塞

飛鴻亭集卷之十九

七

七

遇婢奴以恩有不憚未嘗見聲氣終其身內外無
間言母鮮兄弟弟某貧弗能自立曰吾弗育陳祀
湮矣乃謀諸東園育之其親睦類如此東園遘瘳
疾恒籲天請以身代竟弗起歲時設主奠哭必盡
哀請自絕以從鄰里賢之生男一曰年有個儻才
樂就大夫士交每招致賓客母躬治器饌弗以為
繁有陶母風年事臬例受仕服配張氏俱先母卒
無嗣母會族泣曰吾奚恃以終老且宗祀奈何計
所立匪賢惟吾愛諸子行屬序者咸壯林氏季子

鑒童而良宜以沒我仲父東隱公亦曰計所立惟

吾嫂攸愛協倫序足紹吾兄沒宜莫如鑒者舉族

唯唯母頷之曰正吾兒年疾革時囑也遂率廟見

既立撫訓備至底於成補郡庠弟子員配包氏仕

族女鑒亦克自奮勵善承厥志以是母無後憂孫

女一年出適生員錢葵臨江守之季子母病痰噎

鑒日事醫藥將屬纊呼鑒曰順養吾喪而睦於俗

吾見汝有成矣吾死復何憾遂卒卒為嘉靖庚寅

三月二十七日距其生天順丁丑三月二十二日

飛鴻亭集卷之十九

六

七

壽七十有四嗣子鑒卜是年十二月二十六日葬
於郡城東里許與東園公合兆禮也廼持鄉進士
曾君麟湖狀介吾姻包君北樓需銘嗚呼自樛木
螽斯之化泯而婦德微非性然也教失之也沈母
勤儉孝敬出于天性考其行有古賢婦風烈要之
東園公之政之行於家其女教所從來者亦有漸
矣吾嘗聞母賢麟湖狀與聞合乃不辭而銘諸墓
誌銘曰

古有女則禮無外聞維此令淑為沈氏嬪主賢

亢宗以幹夫盛君子是嘉母而能釜鑒也孔材
維母誨之君子是嘉母而能師猗歟沈母寔維
女士徵此銘章詎曰無子

沈東園墓表

東園公者古所謂篤行君子也始余耳其名寔歎
慕焉既獲從公遊接杯酒慙慙之間相與披心腹
忘形迹垂三十年餘公不我外也嘉靖甲寅公年
七十有六以壽終唐一菴先生誌其葬矣又十有
八年而公之冢孫參議君屬予表墓上之石以昭

飛鴻亭集

卷之十九

十九

先德示來裔予惟言以傳信言之不文傳弗逮也
今之履高位名能文言足以傳者無限而願屬之
衰劣如予者何哉辭不能久之則又固以請念予
昔從公遊雅辱公知與公之子若孫又相交好附
名世德之末竊幸有餘榮焉廼敢擬公之操行而
著其大者世嘗言古今人不相及在昔吾夫子時
已嘆善人君子之不得見而思有恒況其今乎以
余觀於公信萬行君子非今之人也公幼負奇氣
卓爾不羣為大父竹隱翁所鍾愛比長持門戶典

稅於鄉出納稱平有司盡賢之所尚仁孝慈惠內
外死喪婚嫁衣食之不能自給者身任其事久而
相忘未嘗以德自伐性激直見人過面折不能容
改則相好如初人有是非曲直相競者得公片辭
立解嘗戒子若孫或與交游者言曰人之所以異
於人者此心也必此心光明正大對天地質鬼神
庶幾無愧無怍可樹立人世不然即使才名爵位
之顯赫不足觀也已夫公未嘗學問而所見乃默
契于盡心知命之旨蓋天性所植得於良知乃今
之讀書談道者多矯飾言貌以欺世獵聲利窺其
隱有淺丈夫所不屑為者與公相去當萬萬也公
理家應務本諸此心運之不爽尺寸報國之忠憂
世之志振人之窮趨人之急成人之美抑人之邪
有舉世所難為而為之甚力者既以子刑科給事
中石山君貴封如其官益韜斂避名勢絕跡郡邑
之門歲時鄉飲辭賓席不赴儀度莊重廣穎修眉
每出行過村市人目之飄飄若神仙然晚益好遊
日涉東園觀溪山竹樹之勝與知己觴咏博塞為

飛鴻亭集

卷之十九

十九

娛時或放舟西湖菱潭間徜徉雲水熙澹泊而遊
混茫有超然自得之趣即其風軌古所謂蹈於大
方者其公之謂乎使公生當成周時其間師黨正
之職未廢固將舉而列之官未必待子之能仕而
後責吾夫子且快於善人君子之可見未必思及
有恒者矣由是觀之孰謂古今人不相及也哉公
姓沈氏諱復字時暘別號東園其先自宋南渡時
徙會稽又更三徙從秀水之長溪家焉故今為秀
水人配賀氏封孺人先公七年卒子男二長石山
君謚進士歷陞湖廣布政司叅議先公卒配盛氏
繼盛氏贈封皆孺人次諫殤女三長適太學生吳
堂次適陳諫次適巡檢楊茂春孫男二長啓原已
未進士歷陞四川布政司叅議文學志行為士望
所歸其顯融未艾次啓南太學生女孫二曾孫一
鳴呼諺有之曰植陰德者必有陽報修隱行者必
有昭名天道無親常與善人若公者謂善人非耶
天之報施所以昌厥後而貽令名於不朽固有在
矣為東園公墓表以視後之人使考焉其世次卒

東陽亭集

卷之十九

廿

墓表

葬行事終始則誌述既詳故略之

廣東按察使詹公墓表

余每觀古史敘述萬行之士其成名立方足以勵
世敦薄者未嘗不慨焉想見其人挹其風軌也况
與之相後未遠如詹公惟文者能弗欣慕乎哉按
狀公諱紹顥惟文其字玉山人也世有顯德少孤
母葉夙嬰疾病公延致諸名醫問湯藥晨夕省視
衣不解帶坐臥不帖席者數年遂歿岐黃諸書精
於醫常輸賦至京有同行者病甚在死法中授以
良藥病已人以銀鐲報之三餽三弗受遠近以疾
來告者戶履常滿乃築室居之病愈旋去即難愈
按脈授方令之歸曰無徒費也性好施予病者至
未嘗一問名姓亦無責望心嗟乎今之人於人無
毫毛之益而責報如丘山其報者厭矣而施者未
倦視公何逕庭也公恂恂薦厚冑中無畛域尤好
儒生學其禮節極詳謹有介然難犯者在以故人
愛而敬之自弱冠二兄相繼以歿公撫恤諸姪應
門戶倘嘗艱難其族子省府掾挾有兄弟訟公事

東陽亭集

卷之十九

廿

墓表

白掾當麗法公力請貸郡大夫曰此非爾仇耶請
何為者公曰掾姪也吾不忍以吾故傷先人之心
郡大夫義而釋之未幾掾妻病不可起公曰非予
莫能起也乃遺之藥掾妻竟不死夫婦德之父事
公終其身林吉同公家素饒無嗣法當公繼公讓
弟山同公之子繼之又割居地拓其基山同公業
益恢擴族婦孺居者時時遣人持肉帛慰藉良厚
無俯仰憂當是時公之仁聞益著矣孫志溫年四
十餘子弗育公曰豈惟無子之憂惟宗祧之替墜

飛鴻亭集

卷之十九

墓

三

是懼乃往祈於祖先之墓精誠昭格其孫婦李焚
偉衣冠者自言吾爾太祖三十五公也今將以丈
夫子畀汝已而果產子軼登辛未進士授行人以
直諫死先是李君初者為邑之聞人謂其子通判
亮曰詹君惟文周旋中規矩汝宜則之其以弟之
子妻其家孫志溫是為軼母公之賢固有以取之
矣平生推誠待物即有怨者亦不以詞色加人族
子詹紋嘗以地售公需重價予之閱歲又持以售
又予之如是者三人曰公不疑人欺至是乎公曰

奚而不知也彼貧故以之吾故哀而容之此與王
彥方行義何異推其心不為怨廢不為利動所謂
長者非耶公生于洪武乙亥十月二十八日成化
甲午六月初八日卒享年八十先配姜氏繼周氏
子三伯誠姜出伯齡伯壽周出女四人孫男某某
某瀚伯壽出以進士累陞廣東按察使嘉靖十八
年蒙 恩追贈公如其官按察君政行蔚為人宗
縉紳先生素所倚重予嘗謂其賢有所自及讀公
狀益知其積者盛而發之甚速故表諸墓以示其
後且使知予仰止之懷不獨在古之人也

飛鴻亭集

卷之十九

墓

三

題董中山重遷墓

中山先生海寧人操行介饒有道士也司教領表
卒於官子三同者扶櫬歸葬石龍山之隙地隣豪
家豪家亟欲奪之侵損蓋百計當是時無有力者
為之援不得求成于臬司下之邑邑勘弗能明乃
若右豪家者三同志抑不白籲天長號出亡在外
者七年拮据痛苦乃遷葬鳳還嶺而中山之魄始
安識者過嶺見其葬多哀之曰且止且止似為其

抱餘憾也迄今三載尚未封三同作重遷記書之
座右一菴先生讀之哀其志為招魄詞吊中山公
而使予題其墓余生與董氏為同邑耳目所覩記
甚詳今聞嶺人之語曰且止言今得所止也其嶺
曰鳳還遷者去而復歸之義茲墓之重遷也得所
歸矣數有前定有如是發祥肇祉天固然以相之
三同復何憾耶遂題其石曰且止墓云

處士吳公墓誌銘

嘉靖丙戌予治泉山東獲往來齊魯之間訪所謂

飛鴻亭集

卷之十九

墓

三

隱君子者得處士吳公焉公嘗遣其子嶽暨姪嵐
從余遊幾三年得聞公履歷行寔為詳欲為公作
傳予方以憂去未暇越辛卯夏始釋服北上道南
旺又會公于堂見公顏色渥如也知為壽徵無疑
比嶽舉進士觀兵部政與予為同官則聞公病矣
嶽亟圖歸養弗得俄而公訃且至矣嗚呼公遽止
斯哉嶽衰經謁予辭歸以誌銘請既而寓書鄆武
選君弼君弼又嗣以請嗚呼予知公其忍弗銘公
諱禹字大器吳姓世為充之汶上人高祖士賢曾

祖克讓祖從善咸服農父貴有隱德貴配陳氏生

子三長聰次有智次即公也公幼端重比長不樂

仕益力農弘祖父之業家日以饒性好施與見貧

有弗能衣食者衣食之婚有弗能嫁且娶喪有弗

能葬者周之貸有弗能償者還其券人以是愈賢

公里有訟者不之官而之公之居得一言即釋或

以事謀于公公慨然任之弗避勞事已亦弗以勞

自伐先是治泉者若彭衙王公棟塘陳公皆慎許

可獨雅重公時時召與語鄉人榮之比予有事河

飛鴻亭集

卷之十九

墓

三

道公進議沿革甚悉曰某渠可浚某塘可築而隄
其門可闢用此則南旺世無水旱憂其言鑿鑿中
的與予有契焉者今夫食焉而急厥事問其職守
則漫焉弗知視公豈不深愧矣夫平生雖不事儒
術然好觀史書見古人得失處輒以語嶽嶽之能
自樹立教固有漸矣公狀貌魁梧美鬚髯素以剛
正自許遇人則甚樂易胃中無芥寸私人故愛而
敬之每出皆指曰吳翁吳翁云時病且亟遺命其
子嶽與岫曰吾視汝弟有成矣汝力而農汝弟力

而官吾死夫復何憾言已卒卒之日為嘉靖十一年四月二十九日距其生天順七年癸未十月十八日享壽七十配姜氏子男三人曰嶺曰岫曰嶽嶽舉戊子鄉試舉壬辰進士有老成名孫男六潤潛澤濟澗涵孫女四其子將以是年十一月初十日葬于南旺東七里舊原嗚呼公以農起家而積德累仁餘慶施諸其子孫者方繩繩未艾也公可謂無恨矣于是為之志而銘諸墓銘曰

蜀山之麓汶水之陽迺發其祥為德之臧於惟

龍鴻事集

卷之十九

墓

三

處士懷珍欽光載篤厥慶子孫以昌春華秋實若彼樹芳虎變驚舉邦家之章我銘諸石百世永藏於惟處士德壽昌

廣東叅政良齋丘公行狀

公諱民範字汝中姓丘氏別號良齋世為貴溪人貴溪之丘為邑之著姓代有顯者公之曾大父諱麒仕至處州守大父諱佩父諱巨皆不仕而皆有行誼聞鄉里父以公貴贈大中大夫山東布政司左叅政母畢氏封大淑人公蚤孤聰敏好學務卓

然自立以光顯其門族甫弱冠遊鄉校文藝燁然為時輩所法程識者知其非凡器也嘉靖壬午領鄉薦癸未上春官取進士俱膺前列命試吏部政能謹飭不苟為冢宰白巖喬公所重未幾擢南京兵部職方司主事南甯事惟職方為至賾而職方之亭又叢萃于主政公至區理中節小大咸集司馬浚川王公其譽之暨署考得上判轉員外郎即中擢知邵武府下車之初即示以規訓俾民不敢犯或以事至郡者既為之辯曲直矣而復喻之以

龍鴻事集

卷之十九

墓

三

禮義皆退而心服無後詞焉屬邑令有蕭某者怙勢肆虐貪穢著聞人不敢發其姦其民有曾某者善傾短長唆使為訟因以獵利公廉得其情皆按以法去蕭而斃曾貪訐之風為之大息郡民抵掌稱快當道者知蕭有所挾欲以輕典調之公庭辯至再不得已抗聲曰朝廷之建官凡以安民而已不可復遺民害也當道政容不悅公亦漠然不顧越三年奏績擢山東布政司左叅政按部之日踈煩挾滯政令有不便者悉為更置時有均賦之

議臺臣檄公董其事公執法極貞不利于官族且性素剛介未嘗輕下人又其言訐直無顧忌以為人皆如已不校也由是人多憚之嘉靖戊戌乃移公廣東仍其官涖任甫三月方勵志有為而溘然邁疾旬日而逝得非命也夫公生於弘治戊申十一月二十二日終於嘉靖己亥七月二十二日享年五十有二配張氏封涪人子本長側室陳氏出女一適邑庠生畢守望公為人雖謙厚然遇事不可未嘗苟從而孝友之行尤根于天性在留曹時

兼鴻事集

卷之十九

九

三

魏國徐公以勲貴歷庶僚避道公出則與之抗魏國甚嚙之有語公者曰盍往謝焉否且及禍公曰吾本兵之屬也於彼無制奚謝之有縱得禍吾當請于朝私謁吾不敢也魏國無如之何人益壯公之行太涪人嘗罹危疾醫療百方不能愈君乃私自刲股肉和藥以薦疾平而太涪人亦不知歲久見其災瘡之帛血跡淋然駭而問之張涪人以實告太涪人曰孝哉兒也不爾吾何以至今日公乃索其帛而焚之不欲以聞於人平生居官廉慎

不妄取予及其卒也惟敕衣數襲棺殮之資皆官為之備此可以見其素履矣余與君為同年雖未深知公而得其梗槩如此故為狀以俟大人君子誌銘勒石以昭不朽云

誥封涪人陳氏行狀

涪人姓陳氏諱一卿通議大夫工部右侍郎父山張公之配也其先為直隸寧國府之宣城人世官錦衣父某錦衣左所百戶母夏氏封安人涪人賦性慧敏德容莊重幼聞姆教通內訓大義尤精女

兼鴻事集

卷之十九

三

三

紅父母鍾愛之曰吾女湏名士乃字先是通議公元配隨涪人早世繼室久難其人後公領順天已卯鄉薦今致仕武義尹陳君平衡為同年涪人平衡之妹因聞其賢遂通媒倘禮乃得請于涪人父母而于歸焉時舅贈通議大夫太常寺卿復菴翁暨姑李涪人俱先捐館涪人以弗得躬事為憾身任閭政綜理家務巨細隆殺悉有規緒奉先恪恭歲時享祀品物豐潔每日晨昏必焚香叩拜曰吾後人所藉皆上世遺澤敢弗敬乎通議公康辰下

第憐憐以力學俟時勸勉仍劑量家計均其出入
日用毛瑣不以煩累因獲專志學業及公登癸未
進士第授職刑曹累官三品祿俸之入泚人必舉
手加額曰君恩至渾渥君子當殫忠圖報母虐縻
速請以累後人屢拜 恩命初封安人晉封宜人
再晉泚人比值加上 兩宮徽號隨諸命婦詣後
宮行慶賀禮預中宮親蠶者三預隨中宮太廟陪
祀者再兩荷 皇恩金幣之賜蓋命婦陪奉廟祭
前此未有實曠典也禮成歸泚人自慶曰廟制輝

飛鴻亭集

卷之十九

三子

三子

煌禮樂明備女婦預此榮幸極矣與通議公平居
相對禮敬如賓公有弗憚于懷或見於色必和容
婉辭曲為慰釋膏曰順理則事易處安命則日易
度胡戚戚自苦皆賢明之言也通議公頃為解顏
其規戒之益類多若此又通議公中歲尚未有子
曰繼續事重可少緩耶為置媵妾既而有子則引
之自育保愛備至時在襁褓未嘗輕置人手稍長
就傳尤加訓飭通議公應官郎吏以至司空出入
禁闥一意公事無內顧憂即今名位顯盛士望攸

歸嗣是大展碩藴以濟時澤物樹績垂休皆內助
力也公弟同居日用服食兩舉婚禮一切資費悉
自經理俾遂所願諸姪婦女婚嫁之需半出泚人
處給宗戚往來禮意無缺調貧恤匱雖脫替珥不
少吝惜處妯娌和睦如同胞以至娣如僮僕肅雖
兼盡故內外六嫗之人咸德之遭父母喪哀毀踰
則處武義兄弟恩義周洽勤儉之德始終一致剪
製烹飪必親為之自奉省約服欽賜女訓領會要
旨故懿行徽音視二南所詠諸侯大夫之夫人足
以嗣遺躅而範流俗云泚人夙患痼疾經春必發
今歲復作藥罔奏功遂不起寔嘉靖壬子三月二
十八日距其生弘治辛酉六月十有八日年僅五
十有二子一汝正受廕為太學生女一許聘李都
指揮長子其卜以今年四月二十一日葬於阜城
門外赤水村祖塋之側

飛鴻亭集

卷之十九

三子

三子

飛鴻亭集卷之二十

秀水吳鵬萬里父 著

長孫惟貞校梓

祭文

祭張莊僖

人亦有言天降時雨山川出雲風之積也不厚則其負大翼也無力故天生人才為國家用其毓德炳靈必使之冲粹淵深靜專動直以珣皇猷以扶世極要非狹量淺中者之所能識也予與公為同

飛鴻亭集 卷之二十

鄉又同官江左之域矣比予綜銓部政公膺簡

命撫臺晉陟某也不類蓋嘗即公之行事而窺公之宵臆其言循循其容抑抑不吐不茹匪絀匪棘下民仰其帡幪之恩而仕林纓綬之儔盡獲資其矜式若公者誠所謂杞梓楩楠明堂柱石清廟奇器藹龍光於鼎鉞者也余伏處林泉耕漁混迹公總臺綱赤霄振翮曾不我遺而音塵繾綣情每加於往昔聯以婚姻數以肝膈予也投老之年方幸親知有公而驚湖之上卞山之陽美月吟風時可

追隨乎几舄詎知二豎偶嬰曾未幾何而公之訃至遂稱易簀矣嗚呼哀哉 皇恩軫悼優之贈卹謚易其名榮昭竹帛况玉樹叢蘭繩繩奕奕此誠厚積之所基而天之佑啓固有獨隆于無數者公之幽懷亦庶幾其少釋矣玄扃有期義切匍匐敬奠一觴公其來格

祭宋虛山

嗚呼虛山竟止斯耶始余與公同官嶺表殆四年相得甚懽也既而庚子冬十月予轉官廣右取道

飛鴻亭集 卷之二十

還浙時公以入賀事竣返于閩相與遇于常山旅次陳杯酒握手道情素至漏下四鼓乃別別又三載聞公晉雲南按察副使予亦承乏茲土獲從執鞭者之沒自謂天涯萬餘里外相知如虛山可倚也庸詎知會晤無幾何而公遂死耶初公病召醫者視之咸曰疾漸愈矣問之將命者又曰愈矣愈矣余獨見公氣體日羸弱面墨色目無神息有降而無入心竊駭之及取公生年月日時觀之則今月所值星度皆凶徵予曰虛山之疾殆不起乎嘗

試與知者謀後具咸又曰不害寧知公無驗于人
言而遂遊于冥府耶嗚呼仁者必壽公性疎豁樂
有仁者風而壽不假豈大鈞造物有定命真不可
移也所可慟者公在堂有垂白老母而貽其哭子
之悲公之目能瞑耶能瞑耶嗚呼丹旌載啓幽明
永隔臨風薄奠傷如之何

祭郁見槐

惟公秉心塞淵柔惠且直不忤不求匪疚匪棘德
音莫違順帝之則所謂伊人百夫之特克定厥家

飛鴻亭集 卷之二十

三

稼穡惟寶爰居爰處有相之道零露漙漙在彼豐
草自天申之使君壽考保艾爾後曷維其已世德
作求建爾元子在公明明惟君子使象服是宜既
受帝祉風雨如晦此日而微不慙遺一老逢此百
罹烝也無戒載湯載飢視天夢夢曾莫惠我師惟
予小子昏姻孔云式相好矣笙磬同音公歸不復
其在于今傷如之何祗攬我心印盛于豆或剥或
亨必恭教止既戒既平無曰不顯有聞無聲神之
聽之綏我思成

祭鄭淡泉

星昴發祥元醇融結天佑我 明萬生才指為龍
為光嗣徽前烈松勁蘭芳金精玉潔惟公文學強
記博聞備穿直貫綜括典墳腹為經筵道亞河汾
高視今古超然不羣惟公政事允文允武秋肅春
和迅霆甘雨經濟洪猷奠茲淮土唐之晉公今之
吉甫惟公懿德沉機淵邃不有畛域何偏何陂所
悲人窮所憂時事皇皇之懷鬱焉未試功德與言
古稱不朽孔門四科賢不多有公兼其長天植者

飛鴻亭集 卷之二十

四

厚胡厚其生而嗇其壽嗚呼哀哉某也不肖附驥
騰驤公殊愛我不責其狂出嘗聯轡寢不異牀締
以婚媾要以不忘庚申之歲公還林壑我於辛酉
亦解塵縛梓里相依暮年攸托遽意沉湮公先冥
漠嗚呼哀哉易名有謚實錄有史渥種璇源施于
孫子梁木奚摧是曰不死敬奠一觴公其監止

祭施局軒

嗚呼玉蘊潤石珠藏媚淵故基厚者棟隆而德盛
者澤延事匪遠至理有固然我聞封君累仁積義

濟乏扶顛畜德未施有開自先乃萬令子乘時奮
勵羽儀聯翩其所樹立方駸駸乎未艾而握荃懷
實介焉如石之貞堅孰不曰子之能仕父教之忠
也觀令子之操履而益以驗公之賢嗚呼壽逾八
泰是為永年 封章赫奕鄉稱大賓優游乎林泉
者又何異于登仙天弗慙遺靈返車遭豈委形造
物為日星為雲龍而精爽之未磨者將與化而周
旋抑厭世之垢氣而慕橘中之為樂將一局千載
矯乎與玄鶴而遐騫嗚呼公歸無憾矣吾儕所慟
飛鴻亭集卷之二十

祭戚南湖

嗚呼藍田所產寔惟璠璣水之潢汙朝滿夕除物
有固然人亦是似惟父之良徵諸其子我聞封君
秉淳履素秩秩德音懿懿風度令子既顯封錫攸
宜貴于丘園燁其有輝天胡弗吊奄奪之速俾厥
令子徒傷蒺藜某等夙聞高執嚮往匪今陳詞薦
酒靈其來歆

祭嚴紹齋

大鈞播物栽培傾覆聖亦有言惟仁者壽信人事
之宜然徵天道而非謬何善人之或罹其殃而不
仁者玉成之孔厚豈鬼神聚散之無常抑死生禍
福理數之難究嗚呼哀哉惟公器識之深沉年姿
之英茂秉德蹈醇握奇蘊秀致身青冥海邦出守
敷大惠而扇以仁風士樂其教而民安其阜其處
心也正大光明表裏空洞泯形迹於哇寶其接人
也撝謙中節溫然樂易未嘗以聲焰寒燠為先後
飛鴻亭集卷之二十

以酬公靈有知鑒我俎豆

祭張黃村

天之生物因材而厚人亦有言惟仁斯壽猗嗟我公不冠世胄匿耀含和德音孔茂衆附於炎公忍其詢衆競於奢公嗇其有京府湖藩再厯官守拓落難容如賈弗售覺彼時非委心順受飄然東歸紫桑是就盤桓松菊談詩飲酒與時黨諧在物難偶獨立離人心寔何疚所惜友朋道喪已久事我田園樂我瓦缶猗嗟我公胡不黃耇日日虞淵馴

飛鴻亭集

卷之十

七

三

車傳驟天何忍斯奪我良友禍善福淫茲理莫究公有子孫肯堂肯構藍玉凝奇槐庭孕秀秩秩繩繩慶餘裕後公雖云亡燕貽不朽其與公世交情親姻媾涕泗無從匍匐救公靈有知陟降左右鑒我束芻飲此醇醑

祭河神

欽差某謹告於金龍四大王之神柳將軍之神全茲嘉靖三十二年七月二十七日某赴淮陽鎮道經徐房見河水安流悉復故道衛國安民為漕運

之利寔賴神休薄陳羊一豕一酒菓報謝惟神鑒之再使淮口安平無有後害亦惟神祐之保之不敢忘大惠

祭土神工神

某年某月某日吏部尚書某謹以剝鬣柔毛酒果之儀昭告於司土之神司工之神曰某頃奉詔歸田室家繁衆至無屋以居乃不敢深擇乎時日方向之利耶構數椽庶幾爰處伏祈明神鑒祐保無後艱

飛鴻亭集

卷之十

八

三

禱雨文

某官謹具禮於雨師之神唯神惠民厥澤惟潤今自春徂夏雨弗時降來牟不足以受明賜而苗黍亦萎哀我人斯何所濟食且井汲涸竭溝澮澆遠近嗷嗷以旱告者踵相接也此神布德顯功之時胡不遂一雨而蒸暑烈日降割於民者滋甚意者某之精誠未孚耶德惠未施耶善政弗修耶或康于官私于家而弗彈厥心於國耶抑匹夫匹婦有含怨未釋者足以干陰陽而戾和氣耶有一於

斯某之責也民則無辜曷為病之故與神期三日而雨俾獲有年以為民休使某有罪愆而神怒弗怠則災止某躬無移虐百姓亦可以昭神之靈也已惟神念之

祭柳安遠 借僚佐

天授之才祇承世祿秉武資文皇皇穆穆德心克廣無忝先服縉紳仰謙抑之光軍旅戴帡幪之福寶夷革心蛟竊竄伏海波不揚銅柱矗矗天子是嘉隆恩屢沐遽爾殞年脩途軌促謂天有知何

飛鴻亭集 卷之二十

九

三

仁者未壽棟撓大屋而竟奪之速謂天無知然蘭茆拊實施于孫子驗瓜瓞之綿續而信公侯之後始之必復嗚呼生榮死哀公其瞑目矣某等雅叨知愛敢效匍匐敬奠一觴陳詞工祝庶幾來格英風颭颭

祭金雨洲

易稱同心其利斷金諺云行合趣同千里相送予於我公寔有焉其始也同書同文則人稱二志其既也同薦同舉則人稱二難自壬午既冬同舟

濟邇近京師聯袂同仕四十年間音問相接無胥厥初情踰骨肉予與我公蓋不啻為同年契爾也頃予歸田方將與我公皓首同樂而公亦忻忻執手告予曰汝今完癖采榮可謂全人矣高山流水之間明花啼鳥之下得無同予乎哉公之言猶在耳而胡據爾奄逝重遠人顧誰奪之也紀公年七十有三逝在宣尼獲麟之後不可不謂之上壽且公平生容忍自順以植天和今乃不旬而云已果金陵之神異也將駕仙槎覓李順受書于廣

飛鴻亭集 卷之二十

十

三

梁山以謂宣尼于東海宮乎古人有言曰為人正直者死當為神而公之正不附時直不矯俗平易恬澹信義無忝于鬼神而謂公為全人可也昔黃覺受錢于洞賓亦以七十三歲而終而公之逝也適與之符則我公非神亦仙也我公其真神耶神其有靈昭格堂廡薄注壺漿用伸虔只死非沉珠聞者皆苦雨淚春山洲空秋宇白雲遙遙仙輅何所哀哉

祭陸介庵

惟大鈞之播物恒因材以爲厚然氣化之弗齊亦
糾紛而雜糅故人有享福之隆而或蓄諸壽畀之
壽矣而或弗昌其後固非福之全而天之所培亦
未足爲茂也懿懿我公德音孔懋鳴鶴九臯蜚聲
藝圃振鐸於閩才賢入彀克開來嗣珠明蘭秀際
乘風雲龍荀桂實貽厥孫謀徵彼堂構嗚呼百年
而終是曰遐壽五世錚錚是曰有後肆封錫之駢
繁收歲功於耕耨此居今之難及而古先萬石庶
幾其復觀者也其等令子同官匍匐救念惟棟
梁風雲忽覆載拜陳詞以妥以佑公其有知鑒此
醇酌

祭吳堯山

穆穆 憲祖顯有令德惟人斯作惟皇之極始遇
泰交龍田虎革利用賓王罔匪俊逸兄際其時亦
有萬聲鴻漸于磐鷺振于庭素心直道偉貌修能
乃達六節翩翩結旌乃肅百僚秩秩朱繩出憲于
藩荐歷佐長風裁是持周咨弗爽繫乘殷綱寧踈
漢網人亦有言靡音不賞碩位未躋屏榮從好陶

賦歸來齊歌高蹈春煦秋陰水涯山嶠飾巾待期
保此清妙嗟兄于我連茹同升歡偕魚藻寵洽鹿
茸庶幾携手皓首爲程何如四紀落落晨星豈不
懷兄亦有蘭書聞兄啓處我心則愉忽承哀訃忍
且謂誣今其已矣存歿殊途嗚呼王貢情違國罕
交絕慙遺莫逮餘微未竭潦酌谿毛敬陳天末燕
樹江雲心懷思越兄盍鑒茲其來欣說

祭柳松崖

倚與安遠昂祥爰發翊聖佐時續戎先哲盟守河
山光隆門閥畢萬之貽宣孟之烈義問雲馳英姿
鑒徹翠竹碧梧鸞停鳳揭禮樂詩書率循罔缺肅
彼干城流芬百粵丹徵獻琛朱崖肆伐戮其鯨鯢
潰茲蟻結能通柔退以及窮髮芳猷不顯海外有
截筆敏膚功帝心載悅乃晉保傅恩禮殊絕趕趕
虎臣皇皇漢節猗與安遠顯庸方晰昊天不弔梁
木斯折蘭吐其芳摧之霜雪如彼錦綸忽焉毀裂
智覽仁終一簣前轍嗚呼哀哉余撫高藩公爲同
列周旋惠好日以繼月握手之期俄成永訣感昔

悲今為我心愀玉樹在庭音徽未歇生榮死哀九
原奚缺既載清酤豆登是設靈其來歆願此明察

祭熊太夫人

大江宣靈方祇克靜降祉發祥肇惟善聖締紹承
風蘋藜表敬穆穆徽音蘭芬淵映萬生良嗣翊實
我明論思清瑣藩服樹聲爰登中鉤繼陟上卿
刑于百辟執銓以平自昔文忠珪璋挺曜何以成
之韓國斯肖亦有齊賢母德彌劭恩問薦加載勤
清詔基崇岳峙命世興賢於惟夫人啓後光前至
飛鴻亭集卷之十

卷之十

三

蘊輝山珠藏媚川龍章三貴以嘉永年人亦有言
通莊九折四牡方馳逸輪中輟鋒瑣華收陰儀竟
缺惠問鐔洋仰瞻遺烈惟尚書公為國名臣母也
壽只詎曰千春絮酒既載蕙肴具陳吁嗟夫人鑒
此精裡

祭范太夫人

江漢發祥星蘭毓質率禮蹈和嗣徽迪吉爰相夫
子翼龍以飛錦衣緹騎歟立譽蜚迺生冢胤亢宗
濟美忠結主知正持國是式承聖眷倚任特

珠食祿視伯以公兼孤孝哉太保劬勞是念額帝
陳情希光寵定帝曰俞哉爾惟蓋臣國有卹典誕
及爾親諭命自天褒揚懿德遣官于南肇造塋域
維靈遠養四十餘年顯膺異數寵賁無前凡在縉
紳歆羨莫既矧我姻戚曷勝慶慰綿綿福地鬱鬱
佳城遙陳一奠用表微誠於惟渥恩寔闕風教君
仁臣忠母賢子孝四美兼具自昔所稀勸垂千載
榮豈一時

祭楊太夫人

飛鴻亭集卷之十

五

三百三

嗚呼哀哉夫禮有內則婦無外聞惟母之賢風開
女訓蘭郁蕙芬金章玉韻爰歸竹庄德行斤斤率
履無違以相夫子進潔蘋蘩退綜圖史締紹同風
益斯絕美慈斷素髮義彰九膽苟善之依白髮何
憾苟學之勤曰凡可敬伯子騫騰收功鉉璽兩令
劇邑繼遷職方母偕泣止容與翱翔寵命自天封
錫有光寒彼掛聊而熾而昌惟仁者壽右崇錫類
云胡安人中壽委世梧棲竟塵冥靈如寄鐔毀萱
摧殲此令懿肆惟秋孟復魄首丘素旌啓路涼風

送舟稽山漸漸越水悠悠安人歸止以供以休其
等不屬通家交深年雅涕泗無從長懷曷易饋奠
陳辭瓊芳敬把穆穆安人願予觥筯

祭陸太夫人

式穀維人錫慶自天爰肇于家母儀是先匪躬伊
止貽後斯賢瞻彼人世孰享其全於維夫人湘湖
鯨秀璇閨凝休鵲巢繼構乃薦蘋蘩乃飭俎豆七
誠孔明四德允茂嶷嶷元輔始事先皇夫人相之
丹悃是將運際龍飛乃扈我王夫人毗之徽猷孔

飛鴻亭集

卷之二十

五

三

揚猗與哲嗣長曰東湖出入禁衛丕翊皇圖保傳
顯庸以奠寰區臣教之夫人之謨暨乃仲嗣獻
藝南宮乃振修翮天衢奮神棟萼輝輝葵心躬躬
伊誰致之夫人之功維帝知人曰邦之特維子克
孝曰母之德是庸褒錫丕昭臣則恩隆一品以耀
方國既顯既揚慶典時升北堂迎祉萱州培榮宜
百斯年維德是徵孰謂遘疾溘歸玄冥飄風夜發
總帷畫幽鶯鳥啣恤烟樹翳憂哲嗣皇皇涕泗如
源數寔為之人也何尤維德難備閭苑既貞維貴

難致異數既膺維富難享百祿既崇維壽難得古
希既登矧乃哲嗣忠孝永矢誕有諸孫鳳毛麟趾
遺烈煌煌餘慶淋漓孰云逝矣而促其祉帝亦用
悼寔嘉厥賢寵命孔赫祀典維駢佳城鬱鬱丹旌
翩翩生既榮矣歿亦靡擅其等雅交哲嗣共為帝
臣疊疊翼翼相將維啟爰庀生芻積愍是申臨風
增歎冀妥明神

祭張孺人

於惟孺人懿範孔昭徽音式嗣鍾山降神萬生令

飛鴻亭集

卷之二十

五

三

器迺登甲科迺拜侍御蓋嘗賦西都華南伐以及
東宮之議文名已震盪乎四方寶楮亦旌揚於五
位矣既迺持節南巡時奸伊避遠嶺士雲屯遲公
監試公辟萬幾矢心先事荒荻是芟修蘭是藝鳳
翥麟遊邦家之貴然此何異而非孺人遺慶之所
致哉奈何西山之景莫留而北堂之萱告瘁蘭棘
南除訃音隨至凡厥屬僚罔弗揮淚爰采芳菲遙
答慈庇

祭顏宜人

唯靈稟秀坤柔女中之特克相夫君明昭臺則我
聞之昔矣恭惠慈和人亦有之若貴而能勤富而
能儉自始逮終泚慎幽貞靡有違忒則太宜人
之德不可得而及也啓後貽穀人亦有之若萬生賢
哲蜚英甲第領袖縉紳振藻詞園馳聲翰墨其繼
武而起者又將繩繩蟄蟄凌青雲而矯六翮則太
宜人之成就燕翼者不可得而及也福壽康寧人
亦有之若年踰八袞鳳誥薦臻霞帔珠纓光生
氏族則太宜人之受祿于天有維日不足時萬而

飛鴻亭集

卷之二十

七

三

時億者又非人之所能及也夫何天弗憖遺長逝
奄忽辟毀珠沉蘭衰婺匿嗚呼某與令子情切交
親義均匍匐仰徽音之洋洋邇容儀而弗獲寧無
為我心惻者乎然靈車夙駕即此玄宅從夫君于
九原引百世而無斁古所謂不朽者在焉於太宜
人可以不無戚戚矣臨風再拜潔虔鼎彝冀以樹榮
靈其來格

祭閔老夫人

嗚呼藍田莘王方諸麗湖事匪適至理有固然猶

嗟夫人出自望族體素含貞溫恭仁淑乃及于行
作配君子克開厥先貽穀攸始允迪前徽勤儉孝
敬有紀有常壺內之政發祥膺祉萬生寸指為國
之楨展也時傑渥窪龍種接武天衢梗楠杞梓明
堂所需子之能成夫人之教如彼有年力穡之效
古稱賢母曰惟敬姜猗嗟夫人洵美有光爰以子
貴誕承封寵既壽而康百祿是總慶盈弗衍居富
弗有敷惠累仁以基永久奕奕德門碩茂繁滋福
之所自繫誰致之我聞夫人率履休暢胡遘閔艱

飛鴻亭集

卷之二十

七

三

遂捐榮養嗚呼哀哉某也托交賢嗣締以昏姻情
之所繫憂戚惟均即安有期靈輶結駟往不可援
衷懷曷寄嗚呼鳳翥鸞駕雲仍比跡彤管芳猷耀
於簡冊夫人所貽匪今斯今陳詞薦俎未止來歆
蔡歐陽夫人

嗚呼太夫人之終稽諸福履之盛可謂無憾矣與
元老同德比義翊成社稷之勲若子若孫文武
官聯衍瓜綿螽蟄無疆之慶享自暨徂髦之壽膺
朝廷極品之封優卹特異之典由始及終福履全

備蓋自古今以來鮮有其倫嗚呼太夫人之終可
無憾矣然其敬順賢淑貞惠靜嘉老不忘勤貴而
崇儉天下之頌令妻壽母者罔弗歸之太夫人焉
今溘爾長逝我主上因而傷悼之切元老未能
免內顧之懷世之為婦為母失所瞻嚮不能不仰
懿風而薦悼是則共以為恨者某誼辱通家視蒙
猶子聯姻殊幸報德無從訃音初傳且疑且信既
得其實尤切涕順茲遇靈輒南發道經浙溪敬陳
薄奠薦此微衷靈其鑒之來歆來格

飛鴻集卷之十

九

祭湯夫人

坤道安貞載物罔極女有士行曰惟柔克倚與夫
人淑慎淵塞作嬪君子以引以翼禮謹蘋蘩動操
組織令聞芳猷昭宣閨闈柔貞性成邦媛之特是
宜永年時萬時億天胡奪之大命斯革委世收華
星沉月晏孰司陶鈞展我心惻嗚呼哀哉夫人幼
子聘我弱息誰無姑嫜而未生識終天之懷匪石
可泐嗚呼哀哉人生有涯限茲壽域亦既顯榮誕
膺封錫有子有孫繩繩藝藝猗與人庶慰幽臆

清酤在尊慈有在席鑒之臨之靈其儼赫

祭謝老夫人

嗟嗟夫人淑慎淵塞爰及于歸宣昭懿則締絡風
徽蘋蘩禮歸婦道母儀無備無忒崧嶽叢祥延慶
以德乃薦其生甥我王國今之良臣古之司直
為龍為光賁于閭閻人亦有言基厚棟植天胡弗
弔遽聞疾革月朧星沉華收景晏匣有封紼風摧
其翼令子承訃號天罔極戴星而奔孔疚孔棘某
等仕同僚案誼切匍匐遙酌一觴為我心惻

飛鴻集卷之十

三

祭晁太夫人

禮有內則女無外聞爰徵其德言觀其胤奕奕晁
母含貞履順敬始繫德孝幾洎濱克有令子邦之
譽俊母亦勤止春蚕秋織於古有之歎主猶續令
子得之在公罔逸母亦廉止剪華就質於古有之
果練是惜令子得之動履不忒母亦方止惠爾嚶
鳴於古有之湛交良朋令子得之左歆右寧母亦
勞止授爾蔽楹於古有之崔訓明經令子得之孔
思周情矯哉令子脩名益昌惠問斯存微音載揚

家有餘慶國有寵章天胡弗弔人之云亡哀哀令
子曷其悼惶我薦溪毛縮此枿漿靈其鑒而有來
央央嗚呼燕雲暖兮白日闌江水落兮秋風寒蹇
淹留兮 帝里眷舊字兮盤桓

雜著

朱樂吾傳

朱封君鑑字邦鏞別號樂吾其先出唐古田令璣
之系更數十世至曾大父汝則汝則生希哲希哲
生泉石翁世望世望者封君父也代有潛德封君
飛鴻亭集 卷之二十

卷之二十

廿一

三

幼淳敏嶷然有成人志嘗遊戲外祖家獲金釧知
為外祖姑遺物也歸之外祖姑喜曰兒乃能如是
兒必不凡比長取予多類此好讀史能談前代治
亂艱難成敗之迹頗得其要領聽者起敬多就而
正之篤義好施樂與正人伍見不善若將浼焉尤
厭塵市之樸遯猥瑣足跡罕至不嗜酒獨寄興于
奕時時與客逍遙於溪松海月之下意度澹如也
當是時泉石翁總家政封君無幹憂又豈得嗣
以故能專志教督云嘗曰讀書當量資質無苦難

即易入焉躡等違性多授讀無益也又曰大人者
不失其赤子之心者也人須預養於赤子時而後
可為大人此致精循序平生所自得者而以成其
子厥有本矣封君年五十二卒後八年為正德辛
巳始克塋又明年嘉靖癸未季子砥齋君舉進士
又八年君為太僕寺丞值 聖天子祀四郊禮
成章恩海內受 勅贈封君如其官階承德郎配
黃氏封太安人宋樞密使鏞裔孫貴五公之次女
砥齋嘗為予言太安人賢有女德事大母張孝養

飛鴻亭集

卷之二十

廿一

三

極至封君優游怡曠全其天性者安人預有助也
子男四長文源次道明庠生次即道瀾以太僕丞
為廣東憲臣賢聲籍甚次道周女一孫男五曾孫
三其昏因皆仕族今少保誌之詳矣論曰予與砥
齋為同年又同臬事甚相愛也見其溫明恭恕服
其為人信其養之粹而充也乃今讀封君狀知所
以成之者遠矣玉蘊石潤珠藏淵媚不詆我觀封
君所稱述獨諄切于預養赤子之心固灼見本原
非徒為口耳末習者不以自用而詒之子孫其大

且盛也豈有量耶豈有量耶

長大解

有國於海之西者曰龍伯有國於海之東者曰涇人二國相去蓋日所出沒者也涇人間茲海而西數月倏然遇龍伯焉是如植木體如峙山企足望之不見其顛攘譬仍之不及其脛於是龍伯睥然顧曰汝何為者乎涇人進而對曰我東海之大人也龍伯曰吾首抵乎不周吾足跨乎西海摩頂放踵曾不滿楹措之眉睫不為有無吞之胸臆曾不

飛鴻亭集

卷之二十

三

三

常芥而何以為大耶涇人驟然覺爾曰請與汝度長絜大可乎龍伯曰吾指揮則千里辟易叱咤則四海震盪立乎廊廟國威乃強坐乎邊陲敵膽驚喪涇人曰爾大止是乎爾獨未覩於大者乎今夫天仰而望之穹穹窿窿罔知其終旁而矚之泯泯汶汶莫見其盡盡天所覆不知凡乎幾海以有此海盡海之大不識凡乎幾國以有爾國盡爾國之衆未審凡乎幾人以有爾身較爾身之處乎兩間猶之蟻蠓翔於四野誇我以長幾其餘者奚知大

化鴻濛旁流轉載沕穆而凝蛻蟪而代倏然而生訛歎訛泰泰山毫芒九州一芥鯁運於海蟻休於垤龍徂乎方蝸潛於殼各適其適孰乎其為餘也孰乎其曰不足且吾不得已而寓於形形不得已而寓於世假可以啓其聞假目以轉其視假足以達其行假心以起其思盈尺而足何羨於餘爾亦未覩大之害乎半畝之廬吾居而餘而爾無以容其軀丈尺之練吾衣而羨而爾無以蓋其肝升合之粟吾飽而食而爾無以滿其腹且若爾形足乎

飛鴻亭集

卷之二十

四

三

鎮國爾威敵乎屯億猶一丘之土樹數丈之木被之以文繡繪之以眉目趨相其旁咸震且肅而果謂誰與身橫九畝戮於會稽腰大十圍昆陽殞餒眉見於軼赫孫是獲爾抑知之否乎爾備其長吾亦有長龍伯曰子獨何長哉涇人曰長吾異於爾吾之長也攝之毫微不見其圭放之宇宙不見其大時乎可進時乎可退時乎可弛時乎可張以理天文星宿為光以平地理海波不揚為齊相國為韓司徒為晉主簿為魏中書爾亦知之否乎爾處

海西吾居海東各形其形色其色各美其美而俾爾入我國乎必驚以為魑魅魍魎羣吠不祥而爾徒以自張無長惡短無短惡長爾處爾國孰知其長我居我國孰量其短自我視爾則爾為長自我視爾則爾為短自爾視我則我為短自我視我則我為長而全其天孰知其然吾明語汝人寓于形猶水之寓於水條融而解何有於冰形寓於世猶月之寓於水歛墮而晦何有於水故壽如聃彭聖如羲黃雄如秦項智如陳張同歸乎黃壤當是時也爾試較之孰促孰延孰媿孰妍至人乎乘天地之輿駕陰陽之駒息無何之鄉遊無極之疆僊僊乎超無有而上征吾竊慕之方將駕鴻濛超六合凌天不老視世之萬有如蜚蟻蚊蚋瞥然過目而爾乃以誇我乎龍伯窅然若遺其身沮然若忘其矜且曰言之誠是也予頷北面而師子

記放光石

蜀衲臥雲憇天寧齋堂供養十方僧求大功德容偉儀秀人咸仰止今年余月廿九日同諸友過禮

飛鴻亭集卷之二十

草

飛鴻亭集卷之二十

其

之卧雲出一石類瑪瑙而色稍白擬水精不甚澄澈長數寸許遂閉室掩牖引鐫中日光以石映之即便發光射地上戲以素簑承之五采炳煒其色非世所有若天未晴朗光靈亦不燭也問石所從云自峨眉山巔去地百二十餘里上無雨露不生艸木渾淆精元凝滯成質是以得日之華則精神外著又云清涼山最高頂亦僅有之殆未之見近世白學先生詣佛道場求而得之乃自珍秘展之四方其來也遠靡不欽玩耽視於戲物不自異待人而異也攷之傳記皆不載述瞻聞之士並未據徵而玄聖仙靈之奧居無關世典有缺奇篇願我罕觀恐執布芻而疑廢義矣故詳其形類按其所產以俟博物君子用法已之未寤也頓首拜觀聊為紀異

建祠呈

呈為乞立專祠以表殊勲事竊惟捐軀殞命者臣子之忠旌節報功者國家之典照得先任廣東按察司僉事毛吉於天順年間為因各處派賊聚

嘯山海本官率領官軍提兵征勦者數年前後身
經數十餘戰斬獲首計數萬餘級自廣州肇慶高
雷廉潮等府地方悉賴保障 上嘉其功陞副使
成化元年適新會流賊會廣西賊反標劫郡邑至
惠州河源等處郡縣告變甚急公追戰于雲岫山
峒下以援兵不至力屈而死事聞 憲廟悼嘆贈
按察使遣官 諭祭錄其子為國子監生後追謚
忠襄蓋隆興也先是巡按廣東監察御史葛萱奏
准立祠當時有司值軍旅之餘事恐更張志求簡
便乃設毛公神位附于都御史楊公遺愛祠春秋
合祀似非 朝廷崇重死難之典如蒙准呈乞為
轉申另擇空地一區特建祠宇以妥毛公之神俾
孤忠大節久益昭著上可以奉宣 聖朝表章之
恩下可以作興後哲景行之念為此具呈

別言

史言積厚者流澤廣積薄者流澤狹自吾父奉政
公而上凡五世修行累仁位不酬德而始發於吾
君子謂吾宗當碩大無疑然吾亦拙宦荏苒歲時

飛鴻亭集

卷之二十

七

示

無所樹立其穎然以出將有待于後之人也今年
吾弟鳴泉自浙訪予於桂嶺旬日東還執手告別
請予一言以為教默子曰弟之來也固嘗汎錢塘
涉彭蠡窺瀟湘之水浩浩瀾瀾濫觴而不已者乎
曰然又嘗望會稽禹穴撰匡廬五老峰涉祝融之
巔南企九疑歷五嶺履萬仞之岡也乎曰然又嘗
訪南州高士吊劉集賢兄弟之廬或周茂枏之故
居徘徊感慨而不去矣乎曰然默子曰如是則子
之學進矣穎然以出將不在子耶夫觀水之濶而
深可以廣吾學履山之崇而峻可以植吾德考賢
人君子之迹可以正吾志而又勤聖人之道終日
乾乾夕惕若厲以求之如是而不大過人者鮮矣
吾因以驗先大夫積盛而流澤未艾也吾弟歸又
以是教諸子姪當如川之方至無若山之止於麓
則吾宗之興尚謂有後不然吾惟覆墜之是懼而
又奚望焉

讀脫韓亭紀聞

先是桐江缺令當道賢郡推王公檄兼理邑事未

飛鴻亭集

卷之二十

七

示

數月士服其風民誦其惠比歸郡相與脫公鞞歲之享以寄厥思以遺不朽夫斯民也三代之所以直而行也其懷公也固宜若公之誠以存心廉以律已平易以待物嚴正以抑邪寬恤以子民勵精以從政雖古循吏或不過者治桐之政其緒焉耳矣惡足以盡公哉夫嚴陵於吾為同鄉吾舉進士於公之子為同年聞公之賢甚詳時奉使至桐江邂逅公得民口碑為不誣則是序亦當與甘棠同詠者因民之心書之以存公之賢

鹿鴻事集

卷之二十

書

百歲堂

書百歲堂卷後

百歲堂者學山曾祖父松隱翁踰百歲因以名焉堂以百歲名昭積慶以祈厥後也肆皇父怡蘭翁七十有四年父州庭翁六十有九年今太夫人年八十且二矣身其康強壽未知所止也詩云永言配命自求多福周之世享遐壽有世德也夫學山為太夫人令子以進士知玉山便歸省時值太夫人初度同年稱知己者賀之詩期以胡考默泉子曰吾聞仁者必壽太夫人事上孝以敬教子公以

愛仁也仁德之純也學山子治玉山仁將及物太夫人有成焉耳矣夫仁以及物天地之心也心與天地相似是造物者且不之忌悠久無疆由學山而後以克紹世世之休又未知其幾也諸大夫可以頌矣書之

書新齋冊後

予嘗讀二泉公涿州分司記知新齋之政既而經錫山得其為人焉其立身居官忠孝大節彰彰著明足以為世儀表余意其必有聖賢之志緝熙之

鹿鴻事集

卷之二十

辛

百歲堂

學者能之非徒以材為也恒願執鞭而新齋不可作矣比者獲見其子企新得承其議論殆恂恂有道者後以新冊視予益知新齋之詳予聞企新之主簿藍城能稱乎位其志其學又綽有先大夫風父子並入仕籍以賢指聞此殆非性然也亦其漸磨積累使之也夫君子創業垂統為可繼也新齋以是遺之企新以是繼之其不朽者將在于是君子謂新齋有沒嗚呼新齋不可見矣得見其子斯可矣後之欲知陸氏世德之盛其尚考于斯哉

書東樂樓卷後

孟軻言君子有三樂而王天下不與存焉奚有於
岑樓夫君子所性仁義禮智根於心故其樂或以
物寓不滯於外而獨得於中汝川翁以東樂名其
樓且以為號曰吾無樂于樓不違其心也夫樓之
虛而容象仁森而立象義嚴而正軒而翔象禮爽
而通明象智是故樂不在樓而在心其施於四體
不知手之舞之足之蹈之樂之至也翁之樂根於
心取象於物者乎不然則崇樓傑閣指以為迷樂
飛鴻亭集卷之二十

書耕隱翁卷後

嘗讀易至九五嘉遯貞吉曰古之人苟可取以正
厥志者則亦為之不必於迹之同也是故于釣于
卜于山林于田于市無乎不利湘洲翁負隱德不
樂仕以耕隱自號好是稼穡艱難以圖其適日示
其子姓兄弟曰士之仕與學猶吾耕也耕惟勤有
秋仕與學惟勤乃有獲逸則罔功稽其言殆有道

者孔子謂隱居以求其志翁之志其尚矣乎故曰
不事王侯志可則也夫隱斯遯矣物不可以終遯
故易受之以大壯觀翁之子姓兄弟仕者以賢節
著聞其繼而起者繩繩未艾也詩曰維其有之是
以似之翁之謂乎

跋中山狼傳

嘗見涉江淮而遇風波者方履危險望救于長年
如左右手比其既濟醺酒割羊與客盡觴為懽而
長年不預焉亦足以彰寡恩之深矣中山狼似之

飛鴻亭集卷之二十

傳載武功志或曰對山子所撰及觀游文小史則
葉松澗藿之筆也雖其以文為戲君子病焉然於
人情物態蒼黃翻覆獨無警乎哉王虛子乃以東
鄙無保身之智為恨夫君子初心惟知盡其在我
者奚暇為後圖且其終遇丈人以免又安知非天
之厚之也是故君子求諸已而薄責于人所應德
之報弗報不計也雖然世之出險難者幸鑒焉無
學中山狼為長年所笑

跋泰山偶錄

吾聞太上立德其次立功又次立言此之謂不朽
公貞白之節終始不渝歷官延平九江泰安郡所
著有賢聲或發而為文章理純氣充滾滾千言若
不經意公之德之功之言皆可以不朽者斯錄也
獲存於偶筆其湯興之作遺者尚多觀者舉一知
其餘矣

跋毛翁詩後

毛翁者生百有四年矣強步善飯予甚異之問其
所以致壽則曰吾繼子及婦繼孫及孫之婦皆能

龜鴻亭集卷之二十

三

子

善養吾身曲體吾志是以免于累而內無憂優
游以致此耳予惟孔子嘆魯道之衰以少不事長
也魯稱好禮之國其俗猶然况世既益衰而毛之
子若孫過能若是豈非孝栗于性而義切于心足
為薄俗之勸乎予故識之以惇俗云

跋南征錄

蔡中丞南征時吾郡包君蒙泉為是詩以贈大意
慷慨為上策令中丞宣布威惠遠人歸順恐後必
自蒙泉發之矣觀詩六月以吉甫受命歸之張仲

孝友於此益信然非吉甫又何以能賢張仲也時
承鶴田持示識於後復之

跋餘慶錄

湯之於禽獸嘗解網焉世稱其仁宜其奄有九有
歷茲永世今之人顯顯然以操切鷹擊為能羅織
入人於罪惟恐弗力其心未必公罪未必當天之
報施姑弗論其殘忍則甚矣何有於一牛萬曆六
年某月某日郡主黃公毅所頒及餘慶錄公為行
君子也覽而有感書此

龜鴻亭集卷之二十

三

子

跋藏春賦卷

昔者荀獻子於溫之宴以高厚之詩不類而徵其
志賦者詩之流也志於是乎徵焉要之緯麗理達
善言者也藏春子諸賦祖騷宗漢庶幾所謂升堂
入室者君子曰能舉類矣讀者宜得其志云

跋書卓

書凡二余弱冠時所有者嘉靖癸未後人竊凡以
去來之弗得追今四十年餘每意二几化為燹下
爐矣隆慶元年七月既望余偶遶市見有鬻几者

識是舊物贖而歸之命匠氏脩新重新楚弓雖失
浦珠復還甚奇事也廼置几讀書所招墨卿管城
子黃庭丈人與吳子為忘形交期日與晤對用怡
暮年匪以新故實惟舊之求余後人甚勿棄

蔡梅峰小像贊

德性冲夷風神朗秀羽漸雲遠聲馳藝園如彼黃
鐘誰矜益缺成宗崔嵬小茲培塿我維圖之古人
則有安宅之派西山之偶

題枯蒼却金館壁

飛鴻亭集卷之二十

五

五

却金於既至不若誠消於未至之先固也然以伯
起之介猶有暮夜及門雖故交不能出肺腑相諒
矧其次乎是故至而却與攫諸白市者亦異矣時
過館景仰却金者碑志竟磨滅無可考見或曰始
為某立有志為文者而踣之嗚呼苟有其寶石可
裂名不可滅否則亭碑載路何為者也因書歸以
自警并揭之壁俟新茲館者

峽道銘

峽江自開闢迄今以險名蓋兩崖壁立無孔道

大水時至舟輒泥不敢上下猺獠豺虎窺隙
突人甚苦之吾浙吳南岑公備兵清遠急茲先
務隨山刊木道為大通民喜出危就安頌德不
厭秀水吳某見而銘之

相彼峽江界山為門天險是設經帶南藩洪濤絕
巘冠據獸躡舟航下上恐愆憲拔維峽之狙自古
在昔維公念之以啓以闢邇流平平如履安宅昭
茲禹功百世其緜

銘門

飛鴻亭集卷之二十

五

五

其闢也乾其闔也坤業以健脩德以順悖汝出汝
入成性存存

銘几

有四友以切摩羣書以顧諟隱而臥孟軻之却客
坐而思周公之見理樂在其中矣

銘厨

六經子史深藏若虛吾腹不如請蚤夜以孜孜

銘筆

執而書之心正以壹庶幾無失

銘墨

知其白守其黑萬世可述爾卿之德

跋便產須知

便產須知凡二卷頃後陳介泉先生借閱今吳郡
間有之昔李師聖得產論部稽中附益以方行於
世是豈其遺耶廣俗信巫少醫藥此方多經驗其
為證易詳法易用也乃屬鄭子尚刻之郡齋苟家
寶是帙尋文求治可倘急卒回天枉固不必遠求
諸醫也嗚呼介泉不惟自秘育物之仁博矣

飛鴻亭集卷之二

三

跋飛鴻亭集

不肖孫惟貞既狀譜我

祖家宰公僅僅梗槩矣洎於奏疏外檢
括應鼎啟劄篇章凡若干首請於外
氏承泉所藏若干首輯為二十卷嘗
踞而讀之見我

祖冲襟雅抱直道公心遠略雄材精忠

飛鴻亭集跋

十一

卓見每又溢於言外其大者國計時
艱民瘼材品捍患弭災邊防帑餼
皆社稷生靈之要務決亦洽僚案範
士倫端友朋敵戚屬不則慰寥寂
訪隱淪叩玄修參上乘並守義安
命樂天萬道之操致其所交往並
一代偉人千古豪傑即斤人不然

亦並臨事代置躬辦目前將調御
之推挽之使遠於康莊非有他也大
都與狀譜相表裏而尤有狀譜之
所未及詳者嗚呼我

祖弘勲大德泯又如幾而隻字片緜

昭々天日

達人君子倘垂采焉庶幾含咲九

飛鴻亭集跋

壬

京古今旦莫矣初我

祖歸田時構飛鴻亭以娛老因以

飛鴻名編

萬曆甲午歲九月十三日不肖孫

惟貞百拜識

飛鴻亭集二十卷

兩淮鹽政
孫進本

明吳鵬撰鵬字萬里秀水人嘉靖癸未進士官至
吏部尚書飛鴻亭者鵬謝事娛老之所因以名集
千頃堂書目作十二卷此本實二十卷蓋黃虞稷
誤倒其文也鵬常使安南故集中有征南行諸篇
其詩文多應酬之作未能精汰後有其孫維貞跋
稱於奏疏外檢得若干首又云先有狀譜之作今
是集俱不載豈尚有缺佚耶

葉海峰文集二卷

〔明〕葉良佩撰

首都圖書館藏清光緒二十七年刻本

附《四庫全書總目·葉海峰文

一卷》提要

葉海峰文集序

鼎在史館讀中秘書於院署瀛洲亭得海峰先生文二冊。其書中纂修四庫全書浙江巡撫所承進者爲四明范氏天一閣舊鈔本辛卯奉諱里居江洋葉小魯茂才來問業詢之則先生族孫也錄副以歸謀諸其族又得先生遺書有周易發蒙集解讀書記天文便覽韻語類編等稿本皆殘缺過半而周易義彙則已佚矣既而橫湖陳湘臣訪得先生遺文數卷小魯並錄藏之合諸同人以先生學行上請於朝入祀鄉賢乃哀其遺文次第刊刻謁余爲序按先生由進士爲縣令薄刑輕賦憚伏權璫累遷南京刑部郎曹事皆倚以辦卒以耿直見忌去官歸後思以著述名世初修太平縣志至今稱之其自述生平謂始謂文詞之學累句成章善文者咸納交焉繼爲經濟之學校度古今思議經權久乃知古人爲學必有道德以爲之本於是盡棄其舊而爲身心之學蓋先生得陽明甘泉二公之緒論學凡三變而益進於道此後生小子所當效法者也若小魯與其族人抱遺守缺歷久而觀厥成亦豈不爲賢子孫乎余故欣喜而敘之以爲鄉人助光緒二十七年正月黃巖後學楊最

海峰文集序

族祖海峰公目名進士宰江西新城貴溪疊署蕭政擢南京兵部郎中有風節爲愚者所中幼罷歸惟目著述爲事其事蹟具省府縣志及江西通志名宦傳其著述見於焦氏國史經籍志明史藝文志者有周易義叢十六卷見於朱氏經義攷浙江通志者又有讀書記洪範圖解燕射古禮太元經集解皇極經世集解見於通志府志者又有周禮易傳春秋測義太平縣志天文便覽地理粹言綠野青編海峰堂彙見於康熙太平縣志者又有易緯易占經緯見於嘉慶太平志者又有韻語類編事類彙求華國集等顧當日已刊行者惟周易義叢太平志海峰堂

前彙三種餘俱藏於家今詢諸族人殘缺尠存什不一二卽已刊播諸種亦無復傳本兵燹疊經遺書零爲之大息者久之既而家小魯茂才秀藻從給諫楊先生晨得遺文一卷爲四明范氏天一閣原鈔本卽四庫存目所列者段錄一通卽是本第一卷是也復從散見諸處者采輯爲第二卷余與小魯謀諸從兄堯臣輝椿家弟子佩寶璣集貲刻之然公所著海峰堂彙本有前後二編前彙凡十八卷見於千頃堂書目浙江通志又周易義叢四庫據浙撫采進亦系刊本若嘉靖大平志有天一閣藏本韵語類編國華集等今皆有寫本擬與諸君搜訪續錄次第授梓目揚祖德目惠後人此則余區區之志也然而余

更有感者吾葉氏聚族於鏡川數十世矣先世自良齋公淵源於黃正翁得朱子三傳之學章軒公執贄葉拙訥門聞饒陽性理之贅餘則若耕雨古趣繼章中川諸公師友於應鄱陽謝寶慶謝文肅經實庵諸先生行誼文章後先彪炳至海峰公而益集其成近百餘年來繼起無人聲價闕宗雖詩書之澤庠序之列不絕於時目視先世則渺不可及矣海峰公鏡川記曰相土者謂茲川當產異人不在其身必在後之人吾願吾諸弟子第誦先人之清芬發山川之奇氣爭自砥厲相期不朽故序公之遺文不覺悠然而思翹然而望也光緒辛丑季秋裔孫紹遠

葉海峰文卷一

太平葉良佩撰

閑獨賦

商孫

聖友詔
子佩寶璣
少魯秀藻

閑諒貞之獨立兮，陷眾險以乘危。簪離披以隕穫兮，循本初而自思。始余之未有知兮，專六籍以爲師。朝帶經於倪園兮，夕發憤乎董帷。物何幽之不鏡兮，理何微而不窺。既釋褐以從政兮，隸亂絲其難治。索慮謀於古訓兮，判與彼而異宜。心無歸之茫芒兮，疑簡策之我欺。步徙倚而遙思兮，寐展轉而反側。惟困極其必通兮，神恍惚若有得。日道有玄機兮，而靡定式。乘時制用兮，妙存悟識。親賢爾輔兮，稽古自益。任重惟毅兮，篤信靡惑。惕

葉海峰文

靈魂以驚悟兮，奉神貺以周旋。抽詩書之秘訣兮，萃仁友以討論。遺驅北之羸跡兮，遡九河兮崑崙。披義塗於棘榛兮，排私闥以爲禮門。攀木蘭繼余佩兮，履芳洲之芷蓀。冠切雲之寶鼎兮，明月懸乎帶。擊眾譏嫉之弗回兮，猶汲汲乎嚙昔之言。夫惟被服之魁崔兮，眾果憂然而忌之。加以險詖之僞名兮，乃集羣怨而噬之。眾口垂涎之澆濫兮，張怒目而睚眦。眦怵鬱邑余煩冤兮，雖百喙莫之能解。豈不憑情以陳詞兮，荃詆余之善誑。競服面而背憎兮，反撫余言以肆謫。聯增弋之在上兮，覆深淵而在下。仰側身以發機兮，俯置足之靡所。念余初志之好修兮，今何以佗僚而遺殃。將惟語言以階亂兮，無亦擇交之不詳。世舉好朋

而惡異兮，余獨蹈其所怪。揚吾日月以孤行兮，豈不招尤於騰昧。仗貞信於幽明兮，全形軀之已多。及年歲之未晏兮，修初服其謂何。襲余芳兮，鍊余彩。坐若忘兮，行若待。中以爲廬兮，和以爲馬。馳騫於順適之途兮，休息乎廣莫之塋。眾之不可勝兮，險不恬乎再試。訟吾過以成章兮，書爾紳以自識。

誓志賦

皇天覆冒下土兮，北斗平分乎四時。何清濁之雜揉兮，育方類之萬殊。鶴長而息短兮，薰與蕕其異器。眾黨人之橫騖兮，余獨好修以沒世。念有生之必盡兮，數上惟芳美之可長。余采玉英於元圃兮，復分沆瀣於紫皇。芰茄集以爲衣兮，奎壁雜以爲佩。叶

葉海峰文

棄炫目之瑤象兮，駕橫空之騏驎。眾駭余謂獨異兮，吾方桀驁而不顧。揚雲旗御造父兮，懷吾既得此皇路。朝余至於豐鎬兮，夕息乎孔氏之官廬。百王而觀禮樂兮，躡七十二子之遺踪。導靈修位中五兮，歛時福錫厥兆。庶余雖服在自僚兮，茲必售乎此志。慶蛟龍之得雲雨兮，喜黃鵠之識圓方。揭耀靈以照夜兮，吾欲與之齊光。忽余夢登天而垂翼兮，得占初九之明夷。果遇黨人之讒嫉兮，詆余疵垢而棄之。余紉璣佩以薦御兮，精瑣靡輸之尚食。願置繩墨於周行兮，眾罔用余爲樂式。倉庚余閔而致辭兮，吾猶懼其捷。幡幸鸞臺之余顧兮，儻遐舉而難攀。晨登離余涉江兮，過胥門而太息。悲伍子之逢殃兮，念于行之無食。有

鳥來自南兮哀鳴恤目汝好修而窮誠兮斯言之所以爲拙余固知兩鳥之
忱兮惜余志其不竟竟周容以得意兮亦非余之所樂終崇崇之運屬今時
渠渠繁錦衣與玉食兮徒取樂於斯須舞更矯以拂雲兮歌聲
殷而繞梁終泡亡以電滅兮又何羨乎宋子與齊姜退山棲亦
余所善兮吾將致虛以觀其復寓形骸于鴻宇兮如彼過旅之
假宿啖蔬水實余腹兮鼓鳴琴于邱中揚厥憑以布芳華兮抑
孰知余之從容時游息於舞雩兮授要道於吾之徒吾與金石
將比壽兮尙奚取乎且夕之圖乘元雲余劉翔兮擊靈均以朝
帝傳吾能於二三子兮引蘭茝於世世

弔古賦

集海錄文

登高丘以騁望兮澹萬里之長空山奔湧若競赴兮雲曷曷兮
相從播眾流而羅絡之兮眇草樹之迴縈曼流視乎原楚之古
蹟兮歷選幽憤而弔之泉垌何楚均之簪簪兮遭世既濁而弗
庸騷騷困以伏櫪兮騰跋躐使橫空放孟姬之佳冶兮嬖母姣
而從容吾蹈彭咸之抗迹兮將及申生而結盟爾誠以進肝
兮被鴆君之僞名死且虞國之多難兮夫何命促而志貞去華
館之儼儼兮襲夜臺之冥冥諒舍死誠獨難兮詒嬖子以典刑
白日出之悠悠兮睹厥扶蘇之貢寬監蒙將以榮邊兮值孽弟
而邁患寢絲綸之夕詔馳鳩毒於晨煙外攘胡之多績內循省
而靡督作忠吳以見殺元霧鬱其漫天覽增城於陽朔錄女德

於班姬傷椒門之賢處驅鸞鳳而翔鳴鸞弋機而在上兮聽和
鳴之昌詞軫芳衷之不忍登美潔清之可儀久矣友道之淪喪
吾獨有感於魏齊當秦怒之方張惕平原其見繫輪哀惻於虞
君捐重位以赴急高仁陵之慕義輕千里而負笈何託命於斯
須乃佯璽而罔答相投兔之見矜嚔爾嗟其何及吁嗟世之多
故兮屯余衷以礪柯望介子於懸山兮窺伍胥兮江潛息侯要
余以陳詞兮莫叔舍誠而未吐岳魂僊蹇於杭湖彌魄摧殘於
鸚鵡東見田橫於海島兮北悼明妃於胡虜循西戎閱厥非子
兮南尋項籍於垓下兮已矣哉人生斯世兮視彼過隙之白駒
胡五常之好合紛萬變其難推荷楊園之君子綜百代之民彝

集海錄文

抒幽憤而作賦聊以配乎侏詩

才論上

天下非難治之爲患而患治之者之非其才非無才之爲患而
患用才者之不能作之容之也今夫天下事多故矣一不得治
之人則不治由侍從至百執事凡幾人由一方至一州凡幾
人此皆用才者之責也苟以天下爲已任則將多方求蓄之且
不暇而顧不能作之容之亦過矣既不能作之容之則其知之
必不明用之必不公養之必不裕而凡在位官師之才皆將銷
沮退藏率變而爲未嘗有才然後已此不可不深爲之慮也且
今之取才非復古者鄉舉里選之制要不過據其程試一日之

文以爲取舍而已所取非所用未必皆治才也及其屬之銓曹而試之政在外以爲郡司州長縣令在內以爲部寺之屬試之有成而考其殿最於是能與否犁然別白矣然而御史之所舉薦部寺之長之所器譽率取其與已合意者而敦實不務聲名者一無與焉是曰知之不明由茲選而升用者例待以顯要之職由外而內補則以爲給舍爲御史否且爲部寺之屬由內而外補則以爲監司爲郡守積資深者或超遷遂至九卿夫職既顯要則銓曹之長必以關白幸輔而其所任用猶夫御史部寺之長必取其與已合意者而恬退不事奔競者一無與焉是曰用之不公及其既居顯要之職則其是非利害愈益大而清議功名之心夫人皆有之也願清議則不善於忌諱立功名則不便於趨承矧夫跡弛之才多不閑於曲廉細謹之間持是道以求免乎今之世難矣哉爲天下者苟能棄寸短以求尺長則國家之建位俊功皆若人也而顧假借無實之名義一槩斥而去之用自快其不善忌諱趨承之私是曰養之不裕夫跡弛之才既以曲廉細謹去則是在任使者必皆巧宦之徒已矣必皆詭世持祿無所可否之徒已矣卽國家何所賴焉此皆任天下者之過也古之以天下爲度者治天下如治一家然酌量其一家之人有宜於耕者宜於織者宜於應持門戶酬待賓客者隨方任使一不以已之喜怒爲進退焉是故人無棄才而家無廢事

推是道也以爲天下而天下有不治者乎詩曰豈弟君子遐不作人秦誓曰其心休休焉其如有容焉後之任天下者苟不此之務而徒譏之曰天下未嘗有才焉亦已過矣夫

才論下

夫國家之所爲尙恬退而惡奔競者何哉所尙焉者非尙其好退也尙其不爭也所惡焉者非惡其競功也惡其不讓也孔子曰以禮讓爲國乎何有是故子路之言不遜則哂之意深遠矣且唐虞當運會之正中其德業至明盛也然考其禪受命官之際無他云爲也第曰舜讓乎德禹讓于皋陶九官之間濟濟相讓而已若是者何也舜之心以爲當堯之世苟有能安天下者

則受堯之禪可也吾亦與受其賜矣其事功不必出於己也禹與九官之讓其意猶是也作書者取以爲典毋亦大其以道義爲天下之公而不汲汲然以功利爲己私分焉爾故以是虛心謂之天下之大中以是虛物謂之天下之至和夫是以唐虞之際人主和德於上羣臣和衷於朝百姓和合於下協氣薰蒸而天地之和應之矣記所稱天降膏露地出醴泉鳳皇麒麟皆在郊服者用斯道也及夫後世則不然大臣有所建白必欲其功之已出也小臣有所陳力必欲其績之尙乎人也甚至媚嫉人之技聖以媒孽其短圖爲己利凡皆奔競者之爲也夫既以是爲心則將無所不至矣人有戚其同胞之兄弟者此無父之漸

也鄭伯特以說忌父事爭政之故至與王師戰于緡葛且夫國家有才爲社稷計而奔競之爲害一至于此明主在上可不深察其幾而豫防其漸邪姑取近古之事譬之韓琦富弼是宋臣之表表者然而彼此進退之間二公稍不能無榛梗於其心他若陳平之對錢穀似乎病人蕭望之之薄丙相似乎揚曰凡此之類皆不可不深察而豫防之也先之以德讓示之以好惡而天下翕然從之矣夫以堯之明哲豈不知崇伯鯀之不可用然四岳及在朝咸舉任以爲可則姑試之已而績用弗成澤水之害益甚堯亦自咎謂天傲子而已一罪夫舉者此人主之德讓也乃若四凶之包藏禍心不毅然速誅而必俟其罪

業海澤文

七

狀暴於天下然後以天下之公法之其德讓則然也異日周公之告成王有曰無怨無惡率由羣匹又曰庶獄庶慎文王罔敢知此教之以帝王之德讓也故使成王能以周公之心爲心是亦堯舜而已矣使子路能達爲國以禮之旨則可以進爲禹皋陶之徒也夫何不相及之有詩曰不顯維德百辟其刑之此之謂也

說勸贈嚴潭王公

王者之政莫大於勸善夫勸善者聖人之微權也是故其始也以勸有德其終也以勸天下今天下之人一也有聖人者作然後簡之升之以服命旌而別之孰以爲民乎斯籍諸鄉而褐博之也孰以爲士爲大夫乎斯爵諸朝而所芾之也孰以爲公

侯爲天子之卿乎斯屏諸廟而衮冕之也凡視其德之厚薄以高下隆殺之而其人遂異然異矣是故禍博焉而民斯儻然然促矣玆芾焉而士而大夫斯踴躍然舒矣濟濟然肅矣衮冕焉而公侯而天子之卿斯皇皇然美且盛矣要皆聖人勸之功也且吾聞之勸之道恒生於觀聖人勸之以服命將以爲天下觀也如使聚斯人而同行於里閭之間當有民而不觀於大夫士者與哉嘗有大夫士而不觀於公侯者卿者與哉夫觀也者以其容服之異於己也觀斯勸矣將必訖訖焉曰求其所爲似之者而化且由之矣故言乎始之勸也則儉而約言乎終之所爲勸也則博而神用絕慮於未萌而起教於微眇其斯以爲王者之政乎郡少伯嚴潭王公涇衣冠望族也其始明易禮二經

業海澤文

八

年十六以禮經魁南畿連登進士除行人擢戶部郎中以詩文鳴用忌者出知濟甯轉吾郡及至則刺刺然無留事乃以其服研管經史百家復出其緒餘傳海諸生古所謂仕而優則學者公者盡其人矣侍御對川王公奉命來巡吾浙稔公之賢遂旌勸公而邑侯晉君明卿來請文爲贈予曰此王政之大也夫公之德亦猶玆玉璫然質文章著若無俟於勸者然而旌公儻一人而舉浙水東西十有一州凡厥官僚其有不觀慕而化者與哉故事凡郡守貳之旌者潘臬缺則請于朝而選補之潘臬之旌者九卿缺則又請而選補之而皆錫以當受之

服繼始自今公再旌再錫服命於凡在廷以及天下之官僚其有不觀慕而化者乎是則勸之功也驅一世之人使爭於爲善故曰勸也者聖人之微權也古今之政莫大焉佩也不佞敢書此爲公贈并誌諸郡伯陽山公以爲何如也

賓東說

客有以吾叔父賓東先生名齋之義問於予者予應之曰此君子敬事天之道也於書有之曰寅賓出日古之人蓋嘗有賓之者夫夫之政莫大乎日東者又日之首政也人之賓之也予不觀諸天下之人手策而士藝而農攻而工居販而商賈其爲業不同而皆乘出日以作也作而不得其道曰愚愚者曠日而無

賓東說

功得其道矣而或誕謾不忠曰僞僞者暴日而滅德自反而忠矣而或暫作暫輟迄無所成名曰懦懦者愒日而失時夫是二者皆始於弗能賓其日則然矣是故君子弗敢以弗賓也然則賓之道奈何曰於詩有之曰昊天曰明及爾出王昊天曰旦及爾游衍此其賓之之道也乎今天下之耳目一也而有智有愚者人離之也天下之心思一也而有誠有僞者人格之也天下之氣體一也而有強有懦者人耗餒之也君子者知其然也是故定之以天則勝矣吾與天出故天下莫與我爭智吾與天入故天下莫與我爭仁吾與天游故天下莫與我爭勇此堯舜敬事天之法而禹湯文武周公孔子之徒世守之先生取以

名齋齋之時義大矣哉於是客以其語告諸先生先生曰知言哉盡俾書之以神明吾齋會吾族諸兄以先生六十壽來請予女子曰夫敬者德之聚而壽之積也爾者賓東之說備矣遂書之以應命或者先生之壽之名齋其皆以是彰乎

漁對

鳴岐子領貢書將上京師行過天馬山之陽巨澤之陂而適遇海峯子維時日亭午且見海峯子荷衣臺笠從漁者游謳滄浪之歌鳴岐子弗之察也乃招而問之曰澤中人澤中人子識海峯子乎何所於居海峯子還首仰而視之曰此非鳴岐子乎何其聲之似之也乃趨就衡路與揖鳴岐子恍然自失相與握手

漁對

道舊故如平生歎海峯子已復瞻視久之曰向者吾所見之吾子也非今者吾所見之吾子也吾視子邈然若有遠行之色子行將何之鳴岐子告之故且日子何以贈我海峯子曰吾從漁者遊甚樂且重有所感日子奚感曰余感漁者所獲有蚤晚而其所賴有大小也始余弁於時以歸靡所謀食而從漁者漁于河採針爲釣綴縞爲餌垂竿擊絲乍取倏獲負留言歸鮑萍鮓鮎一斤百頭子意弗樂也日子則鋤矣然未足以及吾家漁者曰斯武陽之釣也有小船而無家子欲大之則盡修而之具以來予退而修具鈎鉞鐵鉏鉏剝糜豕又列置棹荷扈薄以爲確南去之南海巨澤之陂需且三月而得大鮐二魴鯉百餘蓋合

廉飽肥鮮者踰半歲而還願度室積市廛之錢尙數十緡予喜沾沾爾曰及吾家矣然未足以厚吾之生漁者曰斯詹公之釣也昔者淮南八公之徒嘗爲之無已則有任公之釣以五十指爲一餌子欲大之則盍修而之具以來余退而修具靡所於得謳吟澤中而幸邂逅吾子願以爲贈鳴岐子未達也而以其言告諸同會之友彭子翁子高子愈曰漁者之對旨謂何遂相與束幣遣使申問於海峯子而曰嘻予漁者徒也曷知其他使者曰敢固以請曰鳴岐子子故文會友也而與余同舉於鄉不幸予最先得斯武陽之釣之類也乃今鳴岐子操黃虞夏后氏之所授受者以爲釣聚姬文公尼上素王之所修定者以爲餌需

葉海峯文

十一

且久矣而去之六合之上游且將踰明堂之盤石以爲磯此其爲釣奚啻詹任之流之可比故曰其所獲者晚則其所賴者大於是三子者以其言告諸同序之英而曰屬者郁郢子相馬之說與茲同旨可錄之世將有由茲說而得鳴岐子者矣

貞淑三祠記

子之免官而歸也道暎過清風嶺有女郎祠入而憩焉願視石碣則台人也爲之憮然已而入食貞舟由靈江而下泊三山巖見楓櫟皆大十圍下有石壇香火間諸土人曰故賀氏二孝女祠也子語之以清風嶺事旣而憮然作感嘆聲其人曰不靈惟是往歲以伐木過馬篠潭有石藤石稜二夫人祠以貞烈死亦

有壇無屋而靈輿特甚衆方議爲賀女重建祠字願公併三祠記之吾能刺諸石予於是歎詫不已曰何吾鄉之多貞淑者是也還家爲坐客道其事客曰盍記諸子曰諾乃搜攷故實作貞淑三祠記石藤石稜二夫人者仙居杜氏二女也家故鬻湯餅一日父母繼亡二女方笄厄人挑之二女不勝憤遂相與殺厄人而亡命入山抵馬篠潭屠焉採薇拾芝菌爲食會溪流暴漲俱溺死唐天寶初縣令鍾離介夢二神女來告曰馬篠潭寒甚幸乞我數椽舍道人蹤跡得其事有一老父指示死所則見二枯骸如雪里藤石上道隘莫之能取乃斧其藤流血斷其石石又流血及聚其骨關節鈎連令嗟異不已遂卽其地立祠以骸

葉海峯文

十二

骨塑二神像稱石藤石稜二夫人云賀氏二孝女臨海三山人一乳而生大曰英如小曰華如父漁溺于水二女年十九與弟瑄號泣江上求父屍不得一夕俱投江死後三日潮上果抱其父屍出抵故居嚴下鄉人哀而異之請於官爲立祠後唐長興二年八月一日也宋宣和間滕司戶唐禦寇江上二女復見神佐佑之滕表奏于朝請賜諡額會北虜事急弗果行清風嶺舊名青楓嶺以王貞婦改今名貞婦天台人宋德祐間元兵入寇舅姑與夫俱被執以死至將見其美欲納之貞婦號慟欲自殺防之急不得聞師還擊至嶺防者少憊貞婦竊賊嶺下臨絕澗卽嚙指血題詩崖石上南望慟哭自投崖下死後其血漬入石

中值天陰雨飄墳起如始書時元至治中詔立屋祀之賜額曰貞婦祠葉子明然顧謂客曰予之免官而歸也有由然哉相彼五女子者特閭閻一婉孌弱質耳不藉勢於王公而能廟食於其土及茲異世無介紹以行於公卿而能使其聲名一日達於朝署之上有是哉精誠之能自立也顧予有官職於耶署乃不能靖其以守之至爲人所讒構迄于免其官以歸其有愧於若流多矣噫即微客與土人之言予亦將記之蓋於予心有所創焉而欲取之以自警云

鏡川記

天地間扶輿清淑之氣不能不鍾而爲名山秀川峙若有性流

集海峯文

十三

若有情願造物者恒秘而不輕以授人實諸荒涼岑寂之濱莫以爲異山川之靈停蓄既久又必鍾而爲碩人奇士或以功業或以文章或以道德隨其所建立以著名於天下而其山川亦遂以有聞於世噫又何其神也吾疑有物焉以主之而殆未易致詰也鏡川在唐嶺白塔之南方巖之東海峯山之北厥地四平而中窪靡迤且三十餘里當四山之間衆水趨之如歸釜腹卽溢則東北行以歸於海是吾邑之漚流也舊名致江相土者以其盤繞四周不缺不窳厥形於鏡爲特肖故更名鏡川或曰是川也明淨瑩澈鑑毫髮靡遁情故名之以其光吾葉氏立族於茲十有三世矣叔父鏡川先生蓋晚出而秀者也昔讀書工

爲近體詩嘗遊謝文肅公之門公呼爲鏡川子先生因築樓以面川暇則與賓客酌酒賦詩於其間古衣高帽于于如也予嘗從先生夜舟泛月扣舷歌窮宛之章風動水漣綺縠數里先生舉酒屬予而言曰茲川之勝吾邑未他有也子能爲我記之乎欲未卒而授簡焉予復酌而進曰佩也聞之地與人恒相因以爲勝者也顧人能顯地地不能以顯人昔嚴嶺以子陵顯鑑湖以王逸少顯江心孤嶼以謝靈運顯大者濂溪以周顯伊洛以程顯武夷九曲以紫陽夫子顯先生試以若瀨若湖若溪視諸天下之水如雲夢孟諸彭蠡其淺深大小何如哉然而天下之所景慕而稱頌者乃在此而不在彼其故可知已今先生之才足爲世用顧乃支離其德灑然若於寂寞之濱有子曰筮試力鵬池窺天而欲翬矣一旦亦場焉垂翅惟先生是從苟非有所深得或不至是也先生試自度他日果能相與搜冥抉闕以盡發茲川之勝使其遠有聞於世乎吾嘗疑山川之有神久矣矧輔上者謂茲川當產異人先生勉乎哉不在其身將在其後之人愚姑受簡爲先生記諸置諸樓中將以俟茲川之有聞也凡爾請後人其勉乎哉

贈陸田二子序

予少而居鄉見世以文詞舉進士心竊慕之則學爲文詞之學景字以爲句比句以成章凡一鄉之善於屬文者盡求而納交

焉如是者亦有年始得名薦書升國學既與中州之士人遊又聞古有經濟之士則慕之益甚於是棄其舊而學爲經濟之學校度古今思議經權凡一國之達於世務者盡求而納交焉如是者又有年然後從仕服官政以順逆無窮之變乘喜怒不平之心眩瞶撞攘往往失其故守又知古之所謂經濟必有道德以爲之本於是復棄其舊而學爲身心之學求其友於天下蓋於同官得二人焉曰嘉善陸子秀卿錢塘田子叔禾而二子皆天下士也居歲餘相繼以考績別去予祖送之郊二子曰何以別我予辭謝而應之曰吾何以爲子別哉吾從子講明六經將求以印正此心焉爾願心學之際猶有相語而未盡合者是可

葉海澤文

十五

無一言乎今夫有物於此吾之心好之而子不好也子能通明其理而吾或未之能通明也是不可謂真心也也有所蔽也非天所以與我之本體也天之所以與我者無所好無所不通無所好而有好所好者懿德也無所不通而有不通所不通者無善其爲聖賢也吾之身未嘗閱歷乎天下吾之心未嘗出離於吾之身然而天地之大也古今之遠也一感觸而靡不通果誰爲乎是則所謂真心也所不學而知者也是心也人皆有之而曰有所蔽者何也蓋吾之一身皆物也其所交於天下又皆物也彼以桔來此以逐往好其所好雖有存焉者寡矣誠使心之於物若水月之於形影來則照往則休千百不同隨其形狀而吾

之本體不與焉則二者之物誰能蔽之無所蔽則明明則無所不通可坐致矣故曰所過者化則所存者神夫苟由是也卽所謂經濟文詞之學皆可以無學而能矣二子曰子之論心則幾矣而曰天下之事可無學而能吾未之前聞也子曰水之性漸患其無原爾木之性升患其無本爾而顧其流其標是憂哉今吾與子獄事是司則既明於獄矣一日移之而官禮樂授時之職於凡禮儀之有隆殺律呂之有生變與夫厯象占候之有規制子能一一備知乎哉易曰天下同歸而殊塗一致而百慮又曰直方大不習无不利吾患其大者未立爾若夫有司掌故之典籍可從容稽考以從事也田子之師爲甘泉公公之執友爲

葉海澤文

十六

陽明公二公皆振古豪傑而當代之儒宗也陽明公不可作矣論其世已爾子茲行也必見甘泉公心得之傳幸勿秘而以私淑予正唯小子尙友之志也嗟乎心學之不講也久矣予何人斯而敢與於此哉重違二子姑書以爲別

送胥君致政南歸序

予友鄒靖之氏爲子道胥允溪之賢曰允溪於延平爲屬邑吾嘗有事延平廉其屬得胥允溪胥之去允溪也民益思之至今以手加額曰吾父母云子聞而歎曰茲古循良之遺也問以語湖陳子陳子曰是硯岡曾君耶嘗倅吾湖僅兩月輒棄官南歸湖之民戴白之老匍伏塞馬首留弗可自湖守以及烏程

七縣之大夫交謁更諫終弗可則皆嘆曰其固養之有定力者也予以鄒官知君及聞此益用數數于心乃嘉靖八年春天下百司長咸以述職萃于廷宰臣承 太上德意求士之恬退有才能可爲世道勸者于百司長君時食其力於家踰七年矣於是方伯謝公建憲長劉公士元咸以君應命吏部破常調擢君爲南京刑部主事同曹諸君聞之咸色喜相謂曰是嘗棄湖州而歸者其來必爲吾法程君既至不視曹事僦屋於城南西偏以居前後凡三上疏以老病請於 朝買舟復南歸予亟從諸君往候之君幅巾杖屨出見客坐定予從容浴君出處事君笑曰某老矣無復能執吏牘從諸君後予退而沈思曰君其有道

集傳卷之

十七

乎哉昔三代之衰也士賤且拘而出處之道日以喪敗矣自魯仲連之辭爵貴於齊趙也而士之志稍肆自嚴光之不屈於漢也而士之道稍奪夫爵祿富貴君子欲之與夫人同而顧若是何居夫亦有所矯而爲之云乎晉君自少讀書毅然欲爲聖賢既而受業於白沙先生之門其於聖賢出處之微講之素定一日出而從仕見世之仕者雖進而重退屈已以徇人泊泊焉若江河東駛其之挽而滄海以極也君之心慮焉是故矯而爲是蓋將屹爲出處巨防其視仲連嚴光雖功有大小而志欲挽衰世以俾諸古則一而已矣君之軀也又將以斯道淑諸人夫聖賢之道與時俱遷時有遷焉爲我國家出死力建大勳勞於

天下者未必非君之徒君豈果於忘世者哉莆陽鄭子謂甫於君爲同署聞余言而是之曰吾嘗揣君之志亦若吾子之云請書以爲君別遂書之

序詩送藕塘秦子

藕塘秦子官留都踰二年矣一日檄補 周府長史行既有期留都二三子合而餞之勞勞亭分景賦詩爲別而俾予敘之敘曰夫詩者思也秦子之去於二三子有無射之思思之不已故形於言言之不足故永言之是故詩者永言其思也昔者周成王之時鳳皇鳴卷阿賢才視古爲獨盛 聖天子嘉靖我邦家而賢才之盛似之都城南舊有鳳凰臺或曰嘉靖初是鳥寔集

集傳卷之

十八

而鳴焉故賦鳳凰臺賢才盛則利澤之及民也博若秦淮之灌漑都邑然故賦秦淮利澤博則民富厚而寶藏興焉故賦珍珠河民既富厚不可無政刑以隄之故賦太平隄刑者形也政者正也如谷之虛如水之平故賦靈谷賦元武湖儀刑正矣儀刑之者其德將自新故賦新亭爲政而至於新民德則燕遊之樂可舉也故賦長干里賦朱雀橋賦莫愁湖志秦子之所嘗尋遊也賦雨花臺賦梅花水賦治城志秦子之所嘗登眺也賦憑虛閣賦白下亭志秦子之所嘗燕飲也秦子之燕飲竟于勞勞亭又二三子合餞之地故賦勞勞亭秦子之如周也始涉麓蕪湖白鷺洲覽青溪麓蕪言考政秦子之所以事周也故賦麓蕪洲

賦自鷺洲周人之特壽子若都邑之特城郭然故賦石頭城雖曰傳相一國也乃心周不在王室故賦天闕山終焉是故思者入之情也情必有所緣始鳳凰臺迄天闕山爲景凡二十皆留都之勝而二三子所緣以思吾泰子也作序詩

贈康山子序

湖康山子舊與清洽子講學於天目山之陰爾扣我應若金石之交宣而清濁相爲表裏也清洽子既遠而仕於朝爲法曹郎移疾分司南都與子語合意已而嘆曰惜吾康山子之未達而俾子得友之予曰噫是與子同舉於鄉者也頃之康山子來卒業太學自是予三人者朝夕相從游論難辨復始異卒同蓋又

葉海峯文

十九

若五味之交和而鹹酸甘苦相爲節適也居一歲康山子別去子與清洽子步而送之郊因論古今之學予曰古之學者以達其性今之學者以達其身未性也者天之所以生我者也耳以是聰目以是明心以是靈帝王以是康兆民聖賢以是詔萬世自夫嬰之以七情也開而弗明自夫攻之以百欲也備而弗健由是天下之人靡靡焉不得以利其用者生死皆是也古之人有憂之是故廓其嬰之者摧其攻之者而天之所以生我者始達達之耳則作謀達之目則作哲達之心則作聖達之天下則庶物遂其宜而萬世蒙其利其生也時而盡背其順也其死也知化復命其靈也故君子之學至於生順死寧止矣今之世

則不然其學古也以詞章其行義也以事功其明道也以著述是故學士大夫之居而業聚而談者不曰騷雅則曰史漢否則曰韓范富歐否則曰洙泗濂洛夫能以是三者爲法程豈不美哉然吾嘗究其志之歸矣詞章也將以媒利祿也事功也將以圖顯榮也著述也將以銜後世而襲之名也故曰今之學者以達其身而古學荒矣於是清洽子顧康山子而笑曰若是則子之達多矣遂相予敘之以嘉康山子之達也

贈別棟壻子序

感於時者風也成於水土之習者俗也與風同流與俗俱化者衆人也守乎己而不變者君子也不變則久而德成行尊顯

葉海峯文

二十

天下之人使舍其舊威靡然以從己者斯古豪傑之士而聖人之徒也春秋之世尊辭令而士多浮華七國戰爭啗縱怵橫而策士遍天下其風則然矣雍州材力以爲高故秦有車騎驕鐵之什謂之夏聲燕趙之間多悲歌慷慨之士厥風軼秦薄漢不少衰其俗則然矣而春秋有吳子札戰國有顏子燭燕趙之間有魯子仲連皆卓然自立出乎風氣之表可謂君子人矣過此以往吾嘗慨求於千載之上下僅得二人焉曰鄒孟軻氏曰宋周敦頤氏之二子者則所謂德成行尊而天下靡然從之者也孟軻氏當楊墨橫行七十子喪而緒墜之秋乃獨能紹述孔子之道使光大於天下自堯舜禹湯文王以來之世守賴以弗墜

周敦頤氏又能紹述孟氏子之學以一洗末俗之以功利之以詞章之舊習反而歸諸正道用開二程氏張朱呂陸師友之源迄今又且五百載而天下之人不至於汶汶以生懵懵以死者皆二子之功謂非聖人之徒而誰歟予少也愚知業文以媒利祿爾矣及壯而服官政困厥心慮始聞有所謂聖賢之學而從事焉間以語諸人不訾以爲怪或則笑而竊議之曰此狂者也而同官有棟塘陳子獨與予語合意故陳子忘其十年長於予而與予爲莫逆交往歲同讀書邵署候室相與語天地古今之故方冊間豪傑之士嚙爲可友疇爲可師皆犁然莫逆也時有訾且笑者陳子不爲之變乃今年春復倡約同志壺南潘子晉

集海峯文

三十一

應子郭山況子爲麗澤會無何而陳子有至管太和山之命行重予四人者別遂偕來抵宿于余余乃作而言曰夫天之才也不數子其厚自愛久而不變以爲湖襄風俗因宗吾微陳子其誰望獨予於諸君爲弗類然亦不願爲今世之學以譁說於人人子行矣後十五年求我於嶽海之間或庶幾可與語斯道矣

送同年盛嚴州序

同年南武選郎中西關盛子被 命守嚴州維時同年同南官者合科道部屬凡三十人釀而餞之王氏園亭故事告行有言諸君咸不鄙而以役予子固讓而言曰夫 朝命之官盛子也

與盛子之官嚴也皆所以爲告也予罔知何有乎告子之言且朝廷以黜陟治庶官三載一朝天下試厥幽明賢者登而進之不肖者斥而退之一甄別之間而天下罔不洗滌焉若鑄器之新發於硯是則其進也其退也皆所以告庶官也盛子之官嚴也進父老問嚴之故必將胥告曰嚴之爲郡以漢處士嚴光而得名則光之告也又所以告爲治也今夫漢之爲漢可言也威加蠻貊矣而方內之謀數起桁楊接相相推也而矯僞剽奪之徒白晝橫行於通國大都而莫之能禦若此者豈不足於政刑哉毋亦以風之者未獲其道焉爾自嚴先生處桐江懸釣石一絲以挽二百年廟堂之士一洗其頹喪頹補之故習返而登諸

集海峯文

三十二

伯夷許由之上由是雖閭閻小民亦罔不矜奮自重陵夷迄於桓獻以後國運之未絕者繫于釣以一髮之微而草萊簡策之士猶相與持清議以來輔之蓋至是而節氣之風成矣是豈可不知其所自耶故予嘗謂嚴光之治漢厥功駕蕭曹鄧卓之流而上之以其不言而自化也盛子行矣今 天子之治庶官粵四朝四黜陟矣若采熙績寔維其時而嚴之爲郡又得鄉先正以爲風化之師其熙也以績其風也以風吾將通觀盛子之告成于朝予何所知而能爲告子之言於是諸君咸起舉酒以屬盛子蓋豫決其能告成也

贈時亭黃君序

袁子以貴溪縣令進者老問俗始知旁縣弋陽有潭石黃氏
爲縣衣冠世家先民石厓公文章政事表表在人子籍景慕之
而以弗及見公爲恨既而獲見公之族孫太史君皆伯觀其容
止議論以爲公之文章在是矣時時輟縣事往從之遊既又獲
聞太史之兄時亭君令武義賢聲籍甚意公之政事庶或在是
亟欲往一觀之而無由未幾君與子咸自縣合陟爲南都比部
耶自是予日遣君伯論先世復知有所謂延平合肥二先生者
乃作而嘆曰是何黃氏之多君子也然後知石厓公之學又有
所自而君伯仲氏之所取蓋不徒于公已也而其源遠矣後三
歲予以考績將北上君忽來過予曰聞子之行有日矣吾旦夕

集賢堂文

二十三

將拜疏干朝致其政去歸吾鄉子可無一言贈我乎予愕然未
有以應君也君復曰吾之志決矣子乃作而言曰君奚以決去
爲哉君子之於天下也不必仕不必仕夫仕也而以不必仕
爲心則仕亦止也止也而以不必仕爲心則止亦仕也古之
人若伊尹太公之流皆非有意於必仕也閱時之窮不得已起
而應上之求以行其義焉爾既其衰也仕者則以爲通達遂然
惟利達之爲務而職進干譽以相軋也詩不云乎靖共爾位夫
日靖共者厚于其職而靖以自守也是之謂仕亦止也若人
也者一有不得於其心卽毅然奉其身以退而其道亦足以表
率一鄉大者法天下傳後世若孔孟之徒是已既其衰也不仕

者則以爲高巖居堅飲惟私其身是圖而泯泯然與世不相聞
也詩不云乎刑于寡妻至于兄弟以御于家邦夫日刑日御者
法象在邇而化可遠及也是之謂止亦仕也今君之爲武義也
民德之如父母且表其廉惠於邑以爲無數之思其陟而爲比
部也南都人士咸器君曰能可不謂其乎往歲以病不職辭
聖天子復勉諭之曰毋可不謂靖乎而無一言爲君去之道
君奚以決去爲哉君俛而沈思久之曰吾母寧爲其止者而已
矣予重爲君請姑敘其所嘗辨難者以爲君贈併以質諸太史
君謂爲何如也

潘省元文集序

集賢堂文

二十四

潘省元文集五卷舊無刻本予世父東墅君得寫本於其先師
繆守謙氏曰潘先生文集間以視予傳序之序曰先生勝國時
人也以詩文鳴東南而尤長於詩夫談勝國之詩者必曰虞楊
范揭其在吾浙則楊鐵崖廉夫其尤也鐵崖序兩浙作者集於
吾台取二人焉曰丁復仲容項炯可立嗣後選刻元詩者台獨
取陳孚剛中而皆不及先生予不知其何說或謂先生宦游未
甚顯當路諸公皆其之省鐵崖其然乎往予聞諸先輩元一代
之詩要當以劉靜修虞邵菴爲稱首其次則楊廉夫在伯載德
橫之間揭曼碩殆弗如也乃若吾台則當以先生爲最云先生
古詩長短句有李誦仙騎鯨之氣其序記碑銘則橫範昌黎

其才力又懸轡乎足以遠之也惜乎遽死於方國珍之難猶未
見其止初利國珍寇海上勝國即行省命將合數郡兵討之不
能下或曰非潘先生不可於是禮請先生歛其門說以逆順語
寇即日歛戈甲受命于朝會方氏之黨郭仁本輩素不樂于先
生遂相與譏之谷珍使盜待諸隘而害之士林悞悞焉或以先
生處無道之世不能括囊沈幾以自蹈于難為先生病予獨謂
不然昔嵇康之在魏晉也蓋嘗散髮巖岫以避之矣而竟為司
馬氏所殺要之正人在野固奸雄之所不便也然則先生之遭
害于方氏固命也又豈智者之所能周防而豫免之也哉善乎
先達林公輔之命曰潘先生莫邪大劍也其光芒上逼星斗而
不能保其無缺折之患雖然不害其為千金之寶也此可以為
知言矣先生名伯修字省中黃巖大澧人嘗三舉于鄉為省元
已而試于春官輒不利死時年四十三云

詩傳存疑序

予正德間以諸生遊學南都則聞比部諸君子有五經講會心
竊慕之嘉靖七年夏予自邑令調部主事于時會者為桂陽鄭
子從商保定宋子元錫華亭顧子伯從嘉善陸子秀卿錢塘田
子叔永予至輒請于諸子往問末席焉合予凡六人講毛氏詩
其說以子朱子為宗間有所疑輒私筆諸簡端未幾而鄭子以
陳職北上詩卒業而顧子亦以憂去田子集諸簡端為一編曰

詩傳存疑以齒推予序其意嘗聞氣者天地人之母也有氣則

有聲天下之聲惟出于人者為有詞詩者詞之成文者也有文
則有理天下之理惟出于詩者為發於性情詩可以易言哉三
百篇之詩大抵皆聖賢之所作樂師陳之以為世教周道降為
黍離而其緒散且亂吾夫子返魯取而刪正之然後雅頌各得
其所迨夫大小序以及齊魯諸家訓詁後先繼出斯道又湮塞
幾不自于世矣子朱子以經緯之說求之於是作者之性情洋
洋乎復見於千載之下後子朱子而有疑者毋亦以吾之性情
體之有未安焉爾存之他日將以求無疑於子朱子也抑又聞
之詩者古之樂章也凡樂之所為動天地感鬼神者以其音也
吾欲管絃三百篇以觀樂而病于元聲之難定夫子曰關雎樂
而不淫哀而不傷夫不淫者樂之中也不傷者哀之中也斯之
謂和之極也吾能養其性情視諸關雎則所謂元聲者當不
遠於聲氣之間而得之矣元聲定而詩之用行嗚呼詩豈可以
易言哉

名臣五公傳

國朝諸名臣始錄於彭文惠公僅三十有一人既而月湖楊公
復增定為五十有五人而吾台得三人焉曰都憲魯公刑曹林
公恭愍陳公及予友淡泉鄭君之續為錄也台復得二人焉曰
黃文毅公謝文肅公合前錄凡五人予擬而敘之為五公傳魯

公諱穆字希文天台人登永樂丙戌科進士以請告歸鄉杜門不出未幾戒行縣長賈寶楨高舉辭弗受或勸之受則曰區區始出仕而可以此自累乎還朝拜監察御史以風裁見推時仁皇監國漢庶人爲不法公具啓以聞常州巨商羅法當斬託公鄉人餽金三百緡乞減死公斥去之鄉人以姻戚故復來則執而實之法權福建按察使事泉有進士李思義其妻吳少而美舊與中表富民林肆者私思義調官廣西林令二黠僕從行謀殺思義納吳爲小妻李之族訴于司府率受賂以誣坐之積十餘年不決公至廉得其情一訊卽服其他獄疑摘伏類如此衆咸以爲神秩滿召入內臺超擢爲參都御史益振風紀公歟

蘇州府志

二十七

歷中外餘三十年而剛介之操凜如一日故彭公贊之曰其介足稱也林公諱鶴字一鶴太平人亦由進士拜監察御史時朝廷方重臺諫言事之臣率摺摺細瑣或過其實獨公持大體不摺摺細瑣卽有言必當其實士論推重焉英皇復辟詔吏部選除良二千石治民於是以公出知鎮江公至郡舉偏補弊與民更始清使以孟濱河多險奏欲別鑿七里港引金山上流通丹陽以避之巡撫崔公是其議將舉工公曰七里港接故河幾四十里填民田廢墳墓無算且並山多石功難成而七里港之東有京口閘甘爲壩皆濱河故迹也濟而通之抵故河便於是崔再以其言請于朝竟從公議民大德之尋以薦調蘇州治

蘇如鎮江蘇故健訟公曰固圍之設正爲爾輩乃故淹之不爲理久之訟簡民亦革心公繇是詣學宮進諸生講業校文郡署蕭然若無事者都御史李公昺行部至公迎諸郭門不跪李頌街之或謂李曰林某非俗吏也第善遇之遷江西按察使會有犯大辟賂達官求生者公至屹不爲動其獄遂定俄而廣右寇起行劫贓之龍南信豐勢張甚公調兵約武帥兼程往剿之寇聞遁去已而進右布政使踰年轉左使以歲饑奏減恒賦十五萬石頃之召爲南京刑部右侍郎會丁內艱服除改北刑部持法平正屢與同官者忤權要請託一無所聽顧益嚴至被疾猶治事如故已而竟卒年五十四追贈尙書諡恭肅先是公屬續時謝

蘇州府志

二十八

文肅公典治其喪見公圖籍之外囊橐蕭然嘆曰官至三品而家無百金之積產無一畝之墳古之所謂居官廩雖大臣無厚蓄者公眞其人矣陳公諱選字士賢臨海人方伯公員韜之仲子也正統庚辰中會試第一遂登進士第歷官御史提學副使按察使終廣東左布政使近世稱名節之士必以歸公始公之出按江西也風紀大振雖不以刑罰立威而官吏相戒自不敢犯憲皇嗣位公上疏力請追復直諫之士劾去大臣偉進者數人尋命提學南畿子視諸生慙學者競爲浮華之文欲變其習乃於學宮立困館每延歷至則居宿困館默然端坐以身爲教又令讀小學書暇則習禮一時諸生皆翕然感化遷河南提

學副使其爲教大率如南畿進按察使剡革宿弊殆盡即同官亦疎然加謹畏靜以憂去士民爲立去思祠服除擢廣東右布政使踰年轉左使廣民疲困公爲除徭役罷和買備賑濟皆務爲安養計獨推抑貴倖勇不顧利害竟以是得禍中官有弟官爲武職者逼娶娣婦公爲奪還之而實武職于法有提督市舶司者緣進貢爲姦利公每禁抑之乃誣奏公他事當路不察竟逮公赴京廣人數萬號泣擁留之弗能得公行至南昌以疾卒故人學士張東白公爲治欽具歸其喪且表其墓曰公有天下不可奪之大節有足以濟天下之大計有不可遏於天下之大勇士林以爲知言公自號克菴立志以古聖賢自期待嘗詩文

葉海峯文

二十九

公小學及序宋史道學傳皆行于世正德中用言官奏追贈光祿卿諡恭愍黃公諱曜字孔昭後以字行更字世顯別號定軒世居邑之洞山故姓其山曰洞黃公既遊學乃遷居舊邑之西初以明經舉已復爲縣學生領鄉薦與謝文肅公爲莫逆交登庚辰進士擢工部屯田主事屯田號濁曹公稍持以正顧爲同僚所怨嫉惡吏誣奏公後竟得白其僚坐是落職而公之譽顧益起尋遷都水員外郎調吏部文選郎中在職惟守法據例不市恩不賣直凡所舉錯人莫敢干以私卽堂上官遇有干請亦恒以公爲解每一賢者進則喜如在已一小人之不得退則戚戚然憂如是者蓋終其在官如一日云後先在文選者率驟遷

改否亦輒敗惟公循循滿考人咸以爲難既滿遷右通政又五年擢南京工部侍郎會尙書缺公獨署部事凜剔宿弊如恐不及先是沿江諸郡蘆洲咸屬工部資營繕率爲豪勢家所侵公稽籍悉歸之官專委屬官一人董其入著爲令節量諸費除借辦商賈所進錢數萬緡民甚德之有詔令大臣舉堪任方面官公舉知府樊瑩及致仕僉事章懋時稱得人公既去吏部久而人益思之嘗兩以吏部薦不果用然物論在人率皆以鈞衡望公年僅六十四卒於官輿論悞悞焉嘉靖中追贈禮部尙書諡文毅往予爲進士觀政吏部吏部人猶能道公事曰公之爲文選也散部通邸舍未嘗脫冠帶外戶洞開客至輒延之入訪以

葉海峯文

三十

人才高下縣道簡繁客去輒疏之冊由是因才授任罔不稱官客或以手帕書冊爲贊亦輒受人亦罔敢以厚饋饋公迨弘治正德間選部官始杜門不接賓客云謝公諱鐸字鳴治初號方山後更號方石天順己卯中鄉試第二甲申第進士出身入翰林爲庶吉士乙酉授編修奉旨校勘通鑑綱目上疏言帝王之讀史鑑但以今日之事驗之既往之迹內省思齊長慮却顧則大本立而萬目隨言甚切當成化丁亥預修英廟實錄成會秋滿遷侍講在經筵撰講章必盡所欲言少忌諱戊戌以家艱去既免喪謝病不起且數年弘治初臺諫部屬言事者交薦之會以修憲廟實錄徵乃起供職庚戌擢南京國子祭酒以

身為教先是諸生有六堂班見禮公盡革去之捐皂役錢沛諸僚屬籍膳夫餘錢于官構東西二書樓用皮鏤板上疏請增楊龜山從祀而黜草廬吳氏其餘若擇師儒慎科貢廣載籍諸論列尤多已而復懇乞致仕歸薦者以十數特擢禮部右侍郎管國子祭酒事命吏部遣使即其家起之公再辭不得道得疾徑歸復請而敦迫日益急乃行至京辭所加職以本官治事亦不許乃就職請增號舍修學宮謂廟門衝面多狹斜買其地而廓之又買官廩三十餘區居學官用省儉直皆出夫皂顧役錢餘錢悉籍為公用諸生有貧困者死而無以歸其喪者咸有給又請別祀叔梁紇以曾哲顏路孔鯉配用全倫義凡所建白皆師

葉海華文

三十一

古義持獨見未始有徇俗希人意居二年再疏乞歸不許癸亥修歷代通鑑纂要命為潤色官疏又五六上又不許後乞歸養疾乃許命給驛以行令有司候病愈聞正德戊辰吏部例上其名不果用庚午正月廿有四日終于正寢壽七十六 朝命特贈為禮部尚書諡文肅論祭治葬咸如者令云公孤介寡合性氣屹屹然嗜義如渴見不善若將浼焉家居極孝友自違養後無意仕進嘗從其叔父貞肅先生學師事終身父世衍當出祭田三十畝公買田代之而以其田分給諸弟又置義田書院田凡若干畝修宗譜捐墓廬為合族計嫺嫺知識困乏者咸有周恤願實無長物惟節俸入為之居常第蔬食雖飲而已一日欲

葉海華文

三十二

買地治歸來園問其直須五十金公倒囊不足其數乃還地券會江心寺起文信公祠永嘉令汪循奉二十金來請碑文公笑曰園成矣其無厚書如此乃至鄉郡諸先正遺文善行皆輯錄以傳公為詩精鍊不苟力追古作文尚理致謹體裁老訂評騭多前人所未及所著有桃溪集續真西山讀書記伊洛淵源續錄元史本末宰輔沿革國朝名臣事畧尊鄉錄赤城新志論諫錄祭禮儀注凡若干卷長老為子言公既歸會 敬皇帝賓天為之大慟已而權奸用事公聞劉謝二閣老致仕去輒又慟已又聞劉華容請戍又慟自後凡有北來人輒輟廢問邸報又輒連慟見素林公俊嘗曰謝公天下第一流人物也予問諸鄉紳則咸曰謝公之高在出處之際其進也如不得已其退也追不及距故見素云爾五公今皆從祀鄉賢祠

七先生傳

予之輯修家譜也既為傳以敘次先德復考論其師友淵源作七先生傳董克齋先生名楷字正翁臨海人宗正少卿亨復之子也登文天祥榜進士初任績溪簿直寃獄賑飢饉修城捍水

民甚德之擢守洪州尤多惠政已而轉爲吏部郎中見國事日
去遂致政以歸先生嘗從北溪潘室二陳氏游得朱子再傳之
學尤邃於易嘗集程朱上下經傳義據王弼本分爲高下字行
以別四聖二賢之易係辭傳以後則取呂東萊所集二程經說
以補之仍稱程子曰列于朱註之前學者便之予之先世有諱
仕充者嘗受業于先生之門及宋社既亡先生進諸生而謂之
曰未濟男之窮也謂三陽皆失其位今之君天下者非黃帝堯舜
禹湯之裔是謂帝王失位春夏之交往往行幸上都而中國之
宮闕久虛是謂中國失位又行省及諸路皆色目人爲官長是
謂君子失位昔司馬晉之亂漢涼燕秦恒無百年之運凡吾黨

東海集文

卷二

之士務宜韜嘿以需時則可耳吾祖查遜其教遂自號良齋終
身杜門不出云葉拙訥先生名黼字士冕邑之溫嶺人博通經
史好古力行嘗受業於郭文康得饒陽公性理之學隱居教授
其徒嘗數十人其教以孝弟誠敬爲本而以文藝次之家徒四
壁立然性好施與授徒所得束修計八口經費外卽以均諸鄉
族之貧者以爲常洪熙乙巳年予之先高祖益軒公禮請先生
爲家塾師時先曾祖章軒公及同里復庵應公年皆弱冠並執
贄受業焉後七年而先生卒後又四紀有司以先生從祀鄉賢
祠謝文肅公贊曰公拙以訥公質近仁公學不愧饒陽之門長
子原徵號素軒次原紀號一得皆能以文學世其家時號二葉

云應溪南先生名祥字肯履黃巖人宋名儒仁仲之後自幼卽
屹然有巨志讀書攻苦承樂問當爲邑庠生已而棄去携溪南
書屋於澧川之上左圖右書肆力其搜發爲文章抑揚開闢隨
意所至要其歸一本於禮詩尤勁麗古雅宣德初予曾伯祖耕
雨公延主家塾見先生詩人隨其所業剖析精微弗弗弗弗生
平數困於疾然未嘗以疾而廢業也卒年五十有六子家有先
生存稿門人張學錄粹敘之曰文貞先王集所謂文貞者蓋門
人私諡也謝貞肅先生名省字世修號愚得邑之桃溪人以進
士起家官南京車駕司主事轉武選員外郎還寶慶知府近世
稱二千石循良之政恒以先生爲第一會岷府素欲徙建宮殿

東海集文

卷二

檄有司議先生堅執不可府中人行數百金令有勢力者來問
不爲動已乃設盛宴強先生以酒不醉嘔不已先生遂乞補教
職不許連乞養病亦不許既三年以考滿至中途上疏徑歸於
是時先生年纔五十有四聲譽地望騷然上當道交章薦之
檄下郡縣趣先生行先生竟不行或問其故則曰士方好進故
吾勇退以風之耳先生既歸囊橐蕭然田園邸舍一無所問而
顧孜孜倡族人修會祀亭祭始基祖墓作敦獎十二會暇則
與弟子講學方巖書院老而不倦先是景泰中予祖古趣公嘗
以邑諸生受業於先生與文肅公實同硯席云迨先生之謝事
以歸也吾祖已不祿文肅公爲銘其墓先生卒年七十有四門

人私諡之曰貞肅應鄱陽先生名律字志和以字行號復菴溪南先生從子也父尙憲徙居吾里家故多貲而從伯尙武貧且無子禮宜先生嗣父沒伯兄志卿領其家乃先生則子身出嗣尙武未幾尙武死伯母周年老在堂先生事之無異所生顧先生家雖貧而篤志問學嘗從溪南及拙訥公遊皆亟相推許永嘉黃文簡公一見遂定爲忘年之交由是聲譽日起遠近交辟南畿提學孫公鼎薦爲鹽城訓導以母老辭周郡守旭鑑復以郡學薦始迎母同赴官無何丁母憂服闋改蘭陽蘭陽素多科第又其僚醺酒而懷先生結以恩禮久之愧屈士服其教科第亦班班出任滿陞鄱陽教諭蘭陽之人相與立生祠祀焉其在鄱

葉海亭文

三十五

陽尤篤意風教未及引年遽乞休致號宜休居士年八十有四卒先曾祖與先生爲執友嘗修建會輔堂置義塾田賓先生爲弟子師且十年所著有復菴稿應氏雜錄今與貞肅公俱從祀鄉賢祠繆守謙先生名恭字思敬亦與子家同里開弱冠通春秋爲縣學生已而遊于張學錄之門業古詩文又嘗往來於二葉得拙訥公性理諸書以教學者弘治初詔求直言先生以布衣上書言六事一曰保神器二曰崇正學三曰紹絕屬四曰懷舊勲五曰廣賢路六曰革冗員首尾歷歷凡數千言其曰紹絕屬者謂一懿文太子功在社稷宜擇賢宗室封國以續其祀指斥忌諱疏入通政司官輒大懼遂拘留而劾奏之既而有旨賞

其罪勅所司給路引遣還家更號責菴環堵蕭然無以自給先伯祖繼章公恒禮爲西席賓世父中川君暨先刑部皆其門人也先生家雖赤貧然自諸生束脯外卽親友有所餽遺一切不受又自稱小茅山餓夫示志也既歿貧無以殮中川君經紀歛葬之文廟公文銘曰韋布之憂肉食之棄明主之危治世之利於乎思歟罪或言高思非出位溱室祀天我銘不愧所著有茅山穠稿若干卷應縣先生諱紀字茂修宜休翁之季子也以治易領浙江鄉薦試禮部得乙榜署六合教諭時宜休翁家食先生分俸爲祿養乃諸生贄禮及歲時饋節物一無所受顧復捐已貲貲貲貧乏用是六合士民爲之舉搨縣事且半

葉海亭文

三十六

載有能聲項之聘爲福建考試官所取皆知名士遭父喪守制滿改黟縣清修如六合未幾遂謝病歸號繼休居士既歸而家故貧甚嘗授徒子家以自給寔子之義蒙師也所著有玉山慚棄先生之伯兄紹號賓月仲兄維號訥齋叔兄經號味淡皆隱居爲鄉塾師又皆高年先生事之極恭歲時幅巾杖履遨遊山谷間屬眉皓首里人咸誇爲盛事云凡諸生詩文集率有副本藏予家

贊曰吾合之學自徐入行倡先已而紫陽朱夫子來寓台由是臨海則有石子重氏潘子善氏仙居則有郭磊卿氏黃巖則有杜良仲氏趙幾道氏林伯和氏諸昆仲以及應仁仲氏咸受業

於朱子之門而濂洛之波瀾漫漶邑要之吾家七先生皆其支流遺裔云故其所論者率皆有術道之功顧予則竊有慚色焉自艮齋公七傳至於不肖之身其師友之淵源不爲無助而竟淪落無所成如此甚矣其昧且弱哉故爲傳以俟諸來者

祭外舅尚齋先生文

維年月日子壻南京刑部主事葉某聞君外舅尚齋先生之喪之三月而不忍易總乃銜哀深慟適具時羞之貴道弟某致祭于靈幃下而哭以詞曰嗚呼哀哉予忍易先生之總也邪予自成童天奪吾怙遺家未造零丁孤苦速獄訟之三年抱疚憂于朝暮豈無友朋逝真子顧繄我先生爲仲子相攸廼伯樂之一

葉海峯文

主

盼識明珠於暗投拔我孤窮昇以好迷聽問關之有期傷吾喪之天折摩柁登堂百憂繚結先生曰吁季女來括曾心諾之未酬奄相繼以淪沒自是以來予困益甚幼經害於接母之燈貨口食於富人之廩璽皇其何之夜不寐而假寢屢先生之閱恤若瘝惻之在躬空乏予願憂患予同蓋十有餘歲而予始貢于澤宮先生曰來我壻我兒後有女壻子娶之良媒在我兒慎勿疑及星霜之兩周果生男而育女舊約既申竟莫予拒吾妻雖亡我婦在茲我願我婦吾妻是思嗚呼哀哉吾忍易吾先生之總也耶予之嗣官南署也走告行于何友之堂先生杖履肅以入陽陽笑語如平常遲而子之妻婦願老夫之康強予曰

夫子壽未可量庶見兒曹之育孫挽衣嘻笑于翁旁詎謂別未三載而遽罹此故殃當仲夏之初旬予晝寢于省廊忽夢先生緋衣翱翔予覺而喟卜之不祥曾無期月聞公之喪豈凶兆之先感將來訣於渺茫哭祭無及悲悵徬徨腸九迴而寸折涕一語而雙滂先生不昧來格來嘗尚享

祭潘屏翁文

吁嗟屏翁昔何爲而始今何爲而終方其少也挾倪經規董策思欲爭一世之豪傑而與之相長雄人之觀其迹者將以爲湖海之元龍比其壯也矢考槃利肥遁思欲與異世者游而懷寶以長終人之察其心者復以爲壘齋之德公迨其老也卻鄉賓辭

葉海峯文

主

辭典鳩杖幅巾逍遙于山水曲楚聲唐調吟咏於霽月光風有德而壽無疾而終人之論其道者又以爲茅君之餐霞列子之御風吁嗟翁乎變者孰知其爲豹化者孰知其爲龍此賢者之所以爲不可測而幻俗之所以爲盲聾也予小子之事翁二十五年于茲矣始也爲世道之童中也業進士於澤宮今則私淑問以奏功翁之愛我也如一日蓋賤不以爲辱而貴不以爲榮翁今已矣吾有悽惻懇惻之私將何以爲翁庸乎撫棺無路視寥寥從通陳詞以奠酒屯哀慄其滿衷南山有石可刻可磨東壁有記可頌可風尙圖誌翁之潛德以慰翁於墳中也嗚呼尙享

祭雲堦先生文

嗚呼余之童年愚鈍無似甲子之春幸學夫子濬之引之譬彼
蒙泉濫觴濡軌其來源源公曰卓哉子吾所畏加以歲年以文
鳴世教子攻苦晨鷄暮燈棲止精舍家務勿營大包鴻字深極
淵泉遠自遠古近切目前疑無不辨問無不荅析薪伊杞桴鼓
同捷獨於經學研究元微厥有未悟深沈以思鉤經擷史作為
文字勿宜逞辭務政其意從公十年業果有成撮取科第濫以
文名銓曹集選出宰新城公以歲貢亦來于京謁公求教作我
法程公曰官政子非素諳加以直遂人恐弗堪掌樞三年調官
比部果以直遂大與時忤言官彈劾斥余歸田公亦致政來隱
已樊時撰杖履從公佚遊登山觀海歌咏酬公之臥病音耗
轉疎醫藥莫視負公寔多龍蛇入夢公忽告徂奔走慟哭淚比
縣河正月初吉公歸于山薄陳祖奠哀號莫攀古之事師視厥
君父所可報公甯敢遺墮嗚呼尚饗

葉海峯文

葉海峯文卷一終

葉海峯遺集卷二

太平葉真佩撰

太平縣山川記

裔孫

心泉家駒
蕭如獻璋

同輯

太平古東甌地爲南紀山河之終南紀之山首自岷嶓蜿蜒迤
邐緣江南北其北爲湖北襄鄧江黃舒廬廣陵諸山其南自荆
山南逾江漢至于衡陽乃東循嶺微達于閩中稍折而北達于
東甌星傳所謂南爲越門是已越門之山雖以會稽爲望然括
蒼山最鉅自括蒼而東行北爲天台南爲屬蕩復由屬蕩折而
東北至盤山入邑境盤山東行五里所分而爲二其一稍折而
北爲大唐嶺東至于白塔山東北至于靈湫聖水山又東至于
白楓山而盡其一稍折而南爲王嶺山東至于樓旗山亦曰海
峰山東南至于嶠山東至于梅嶺嶺鳴山又分而爲二其一南
行爲石盤大雷諸山其一東行爲亭嶺五龍山東至于葉茶寮
山東北至于紫翠長嶺又東至于盤馬山而盡兩山之間沃
野彌望自西徂東以盡于流厥有條連而支分則爲百千山大
間獅子石黏樓山玉山丹崖霞伏披雲諸山地盤而氣鬱屹立
於海中則爲松門石塘玉環寶頭諸山脈隱而精露散布于平
野則爲瓦與關雙鷺與夾與木杓禿截茶葉諸巖厥有邃而隈
則爲奧爲塢高而秀則爲峰厓險則爲巖壁石則爲嶺穴則爲
洞澁則爲泉冽則爲井流則爲溪爲淵匯則爲澮爲窪漫則爲

湖澤則爲澤通則爲河支則爲涇堰則爲塘爲埭則爲浦率
緣山之勢以行率發源自西南曲折東北行以入于海予嘗
荀輿借三客尋海上諸山指顧脈絡歷歷如貫珠不可亂顧
謂客曰昔晦翁先生度括蒼謂從者曰浙江之山多自南來故其
水多北流信哉自是過斷碑殘刻則錄之客曰蓋爲記以補
志之闕予諾之未暇爲也頃之讀一行僧星傳得其源委問以
語客客曰記得無就乎予曰吾已僻在南蠻自昔號爲不居之
地按地志諸書司馬晉時合郡不滿二萬戶唐武德間始及八
萬三千戶有喻自是以來乃浸蕃衍揆諸合郡而吾邑可知已
顧人物之見於史籍者遠闕千祀無一人焉獨故老相傳謂越

樂海峯遺集卷二

二

王勾踐失國當保于方城山嘗讀馬越女採葛見之作若之何
歌故改名王城山其西北有越女採葛巖云又大唐嶺東南有
徐偃王古城丹崖有葛洪丹井松門有王羲之所讀記乃至海
峯山則羲之裔孫嘗居之種菊滿山有王氏墓間溪有唐項斯
夜泊詩葉茶寮則五代時于履居之履嘗鑿山得枯矢自號葉
林及趙宋南渡則達官鉅人往往寄居於此而名士之生於其
地者亦班班然與上國齒自是以來代有聞人要皆山川之靈
爲之也於是踐客之諾作太平縣山川記而賦咏之出於斷碑
殘刻者亦類爲一編以附其後日夕流觀爰代尋覽或曰山川
能出雲爲雨復產爲異人以利生民以名茲土記之宜矣而旁

及賦咏何居予曰傳不云乎登高能賦可以爲大夫矣斯山川
之教也古者采詩恒於山川陳尙書徐陵嘗使北過鄴讀韓山
碑及還陳士人問北朝人物陵曰惟韓山片石爾然則賦咏可
謂沒乎錄之亦尙友之一也

按韓山片石朝野僉載作
庚信事此作徐陵疑誤

遊天台山記

天台山以高大之故稱台嶽又上應天之三台星故自昔以靈
異聞予縣楚仕以來每過其地輒謀於所知欲往遊之人或告
我曰遊非逾月不足以盡其奇予頗難之會予免官歸得故人
新城黃君爲天台縣令乃遣騎速子遊至則館於國清要梅壑
潘子與俱而五峰雙澗之勝已得之行住坐卧閒時嘉靖壬寅

樂海峯遺集卷二

三

四月望日也潘子曰遊天台必自赤城始此山之南門也自是
而北則循佛隴訪石橋由石橋東行則爲天封華頂西行則爲
萬年桃源兩巖南行則爲洞天桐柏於是遂結索自赤城始赤
城山純石霞色望之壁立如城具雉堞絕頂有浮屠七級西北
有玉京洞金錢池寺廢無僧潘子取酒藉草坐飲頗樂已復由
故道尋九里松月色在地人行松影中翼日遂北行踰金地嶺
與紫嶺相連其下有漢隱士高察讀書堂今廢又五里踰銀地
嶺至大慈寺前觀佛隴二大字寺僧曰此智顗師之初修地也
又北行則山水漸益幽佳日昃抵石橋先上曇華亭倚檻觀之
見兩崖門立而石橋橫亘其上廣不盈咫瓊上人掉臂行之無

怖山北左右肩有雙泉飛出合流而來至橋乃伏出其下編爲
澤可百餘丈掛崖石間既極所聞復由亭石麓下至新亭換其
端而坐則見石橋已在半天而噴雪之溜自空中下擊潭水作
疾雷聲震動林谷於是乃大詫以爲奇觀是夜宿曉上人海會
菴天明起臨櫺索叩酒飲一觥復往觀之取簞簞就新亭坐兩
日乃草山西行尋萬年寺由鐵船峽度羅漢嶺山紫水迴每數
里輒一曲及至上方地則砥平如仰盂登妙蓮閣四眺則八峰
迴抱而直南諸阜巖巖如列戟排衙兩澗水至寺門乃合流紫
迴南出前林松杉成列東澗古松數株皆大十圍有五六鶴鶴
巢其上每休坐樹陰則聞鶴鼓牙及喉鶴之音與風泉相雜俯

葉海峯遺集卷二

然非復人世留信宿乃去抵護國寺訪錢大師墓從者曰由此
東北行至劉阮洞願近會蔡舉人中甫陳監元敏之適至遂合
策驛劉阮洞是日得沃洲呂侍御書劉阮洞去黃園二里而
澗口如門有古木神祠沿澗而上兩山極壁參差夾水立水隨
山曲折時漱石有聲曰鳴玉澗水播華樹半綿東嶠特蔥蒨可
喜曰桃花塢又折而北上路漸艱澗及水窮而路盡有巨潭潭
澈如鏡中有洞門潛通山底其深莫測陳子曰此所謂金桶潭
也卽劉阮阮舉遺真處潭之南有盤石可列坐以飲於是取酒
會飲其上仰望三峰倚天而東峰特秀上有石如綰髻雙曰雙
女峰昔人見雙巖戲水或曰乃其精靈所爲是日聞然談仙飲

葉海峯遺集卷二

經算不醉以晡時山山隱白郎寺觀巖石亦奇惟明日遂循董
家廟小田鋪凡涉三四溪至廣嚴寺閱黃婆鐘謁榮師肉身像
師朱泊化間人習禪定多異跡時呼爲榮羅漢死而不腐是夕
投甯國寺宿焉寺在平原後壠靡迤多古松前漫巨塘紫凝峯
在數里外寂歷可數又明日遂問道訪寒明兩巖明巖大略如
鴈蕩寒巖但差小爾巖西面有唐帽乘馬痕相傳爲閻王太守
像旁有大石筍如天柱峰正北洞寬平可列席旅會南有小塘
塘外有八寸關巖巖後洞比明巖尤遠且廣可容百駟而梵宇
亦宏敞正寒山子所居是日周太守陽山公遣詩筒致問兩巖
凡兩宿乃還憩國清黃君偕其僚崇酒來勞先遣游微除華頂
山路再越日乃偕潘子山顧儒嶺涉歡溪訪齊處士顧歡讀書
堂于普慶寺疑未能明及抵天封島已投林寺舊號靈墟室智
大師注解淨槃經處佛殿極壯麗有盤石智者嶺卓錫泉北望
一峯摩雲卽華頂也游微報山路已除詰旦遂戒輿人緩行上
華頂卽遇險則下輿步行以亭午至其上中峰孤峭如華蓋諸
巖拱羅寺燬僅餘數廊眾木扶疎多檜杉樺櫟是時四月將盡
眾猶衣袂其旁近地有玉幾之墨池李太白讀書堂又遙從北
上可三四里有望海尖登其絕頂則錢塘煙樹括蒼峰巒皆隱
約可見東向觀海上雲濤如環壁縷 予乃拍掌大呼以爲奇
觀薄暮移宿天封老瞿曇謂予曰華頂絕高處舊有僧寮可觀

日出處後以四風毒不可居故其寮亦廢又曰若自此南行至文殊寺上高由山脊行則諸山皆在指顧予領其言結朝遂南行至文殊寺上高由山脊行則凡邑內諸山皆若翔舞奔躍在與馬左右如老嫗盤言與人曰直南爲桐柏岡若欲尋洞天宮當東從橫路於是遂東洞天宮已廢獨玉霄峰重崖疊嶂岑蔚如故稍南有石門山兩巖對峙如門各高數十丈將至澗底乃有石橫亘如闕奔湍來擊闕如翻玉練搖盪鼓予踞石注視久之乃復循放道行桐柏岡過元明廢宮又五里抵桐柏宮其地有卧龍玉女紫霄玉笏翠微蓮華玉泉華琳香琳凡九峰而宮當其心平原曠衍有村落溪流橋梁水碓道書祠爲金庭洞天

東海集遺集卷二

六

吳赤烏初年爲玄於此脩真至唐司馬子微遂奉勅建爲桐柏觀宋改爲崇道觀今復爲桐柏宮云西北有瓊臺雙闕去宮可六七里羽士曰遊瓊臺當先休足力卽至其處又必去屨用行膝累足攀援羅葛乃得登是夕止宿于黃雲堂次日早飯已乃偕潘子攀登如其法瓊臺三面皆翠壁萬仞峭壁相向如城郭周遭而臺則南嚮懸居其中折而東南可二里許爲雙闕翠壁山至此忽中斷對峙如闕門路出其下而澗水從之然巖石皆陡絕不可下觀於是還坐瓊臺而四壁之華葉曜日含風綺繡紛錯馥香芬鬱聯囀百丈潭在臺左麓紆繞雙闕流入雲溪屏息無譁其聽益遠其天台山之第一奇觀也還宿黃雲明日出

洞門盤折而下行數里至福聖莊觀瀑布又迤而北至翠屏山觀三井皆奇初予自元明宮來謂桐柏已在平地及觀瀑布三井始覺其地乃在眾山之上乃復驚詫以爲大奇夫以茲山之靈異且多奇如此顧自近世以來恒鮮異人宅之卽有遊覽者亦憚於驚遠凌危罕得窮其妙子於是重爲茲山懷惜後從國清主僧道金借靜室局坐三日譔爲斯記或曰茲山之靈異多奇孫興公賦之詳矣且其詞妙絕今古子之譔斯記也何居豈欲爲興公作外傳耶予曰審若是則吾豈敢乃置之弗錄既而曰語不云乎不賢者識其小者吾特取其小者識之爾庸何傷遂卒錄而置諸簡第寫一通以貽黃君云

東海集遺集卷二

七

南松巖記

南松巖在太平縣王城山之南去黃巖縣北松巖五十里而近以其南北峙望高又相埒故號曰南松巖云嘉靖癸巳年予乘小肩輿尋海上諸山止於是且四越月始由邵濱山行二里許抵辟支巖路險不可輿乃下輿步行里許則聞澗水漱石四山風撼木之聲若有萬軍屯闕其間愕立久之行復數步見兩巖對峙如門入門行夾壁間可十許步皆峭削巖空中懸嶺巖相呀下曲折如龍游狀是爲石門門之內爲石壇可坐數十人其下爲小潭潭之水自上龍潭來激澗行壁潭邊石門出過峻險則旋而爲澗路澗水底離列石格行澗上由石壇而上有獅子

山路右折揭水以進盡路為龍潭其上有瀑布水懸數十尺下擊潭作殷雷聲俗傳石門始山龍潭巖以出故其崖有蜿蜒形理或然也左折為石天梯繞獅巖前趾行達背上上有平石負士山下臨絕澗澗北有石壁當面立脩廣數百尺自此循澗行路頗平又二里抵松巖巖西北二面皆上厂下凹列石坐而席焉風雨弗能及西有石龕二高僧嵩大悲秋月師皆嘗於此面壁云北為龍鼻巖巖色獨黃巖石鱗角獵獵勢欲飛動常有酒瀑如雷雨墮其前即大平不絕山龍鼻巖而上有二道其一西北行百許步水月禪院在焉其一東行五十步為羅漢洞陟而上為伏獅巖登巖東向望見海上諸山遠近浮波濤中煙雲

葉海峯遺集卷二

八

杳渺無際折而西北為燕子巖又為九間峰此巖中最高處也對望北松巖勢正相埒還而俯眺院之屋草倚峰足如在燕窠中院創始宋景德間嵩大悲號松巖小隱元至正間秋月師始建為水月禪院後復賜額為松巖講寺秋月師寔北松巖秋江師之弟南北皆顯禪教云皇明洪武間併澄照寺屬水月莊成化間燬于災地屬鄉民滕氏正德初釋永盛重建為松巖堂堂之東築樓三間名以水月存舊也予至適杪秋霜露之交風行巖石草樹間瑟瑟如也負櫬而坐顧見燕子九間諸峰垂在几榻予慨然樂之已而嘆曰以茲山之奇又介在天台鴈蕩之間遊者接踵至顧乃歷數百年而名弗甚顯物之顯晦果繫於所

遭也乎予棄人也愧無以顯茲山之名第詳著其奇刻石院門俟訪名山者得焉

省觀堂記

嘉靖己亥日小南至太平縣廳事後建省觀堂成翼翼濯濯倉楹齋栢庀斯役者習侯才漢也比崇酒落之子則適至有同坐者私語予曰曠之言聽省之言視觀之言見侯出坐廳事聽罔非事入視厥心若常見焉是謂省觀予曰豈近是乎抑予意之聽聽諸其心省觀省觀諸其事侯嘗問道陽明先生得其正傳是故出而事罔非心者入而省觀罔非事者是謂體用合一之學已而問厥役事諸父老言曰縣廳舊有穿堂久而屋壞靡

葉海峯遺集卷二

九

議修復四紀于茲候一日選飭民兵俾游邏海微會海寇與私貨板枋船闖毀其船半賊望見我兵遁去侯賁私貨者罪籍其板枋得三十六輪之於官於是出錢募金僦工經費成斯役云予曰役有三善賁罪集材費罔官損出羨儉工勞匪民妨省觀以名有政有學咸可記也酒已乃記

太平縣重脩儒學記

我高皇帝之有天下也損益殷周之制詔郡縣無大小皆立儒學凡以羣天下俊秀之士而教育之使其皆學而為儒也立儒學必嚴吾夫子而廟祀之凡以教多士立性命善云為皆以聖人為宗師也是故六經皆聖人之憲章王教之典藉也皆言

乎吾人之常道也易言乎吾之時書言乎吾之中詩言乎吾之志禮言乎吾之序樂言乎吾之聲春秋言乎吾之是非哭皆吾人之常道也厥言乎仁義禮智者吾之天德也言乎父子君臣夫婦長幼朋友者吾之人倫也言乎泰否理亂邪正隆殺宣遷內夏外夷以及百官之治萬民之察者天下之故也皆原于性命達于云爲其爲常道一也今多士罔不誦法孔子而顧鮮有具體如顏孟其人者由焉何也豈吾之誠有未立乎亦罔不昌言王道而顧鮮有名世如伊周其人者由焉何也豈吾之德有未脩乎吾太平縣始於成化之五年越明年乃立學宮于縣治西北百千山下已而湫濱甚又明年徙今址並溪與鶴鳴山

崇海峯遺集卷二

十一

相直延秀泗清在縣治東南于時學制草創未備乃其後漸次增置僅以苟完又其後則寢以圯壞多歷年所莫之省圖乃嘉靖丁未夏令尹玉融魏侯濠還自朝正脩謁孔子已乃周覽學宮見明倫堂大壞弗支厥制復隘陋士無藏書之聞習業之舍因喟然曰斯有司之責也願時誦憚於舉贏已而是秋果大稔侯遂具其事請于巡按御史裴公督學副使劉公咸報可出銀金三百八十兩有畸不足則節縮浮費以益之於是市材僦工人不足則募民有能負輪土石瓦甃者得贖其杖若管以當其傭民亦歡然咸集乃改建明倫堂五間左膳堂右庫庫規度弘敞又買地而拓之于堂後建尊經閣五間於溪外建重屋二

十一間爲號舍作橋通之皆緣以石垣締構堅好厥廟廡若門垣咸加坊飾縣彩煥發訖功於明年秋八月會上下行舍與禮邑耆老鰥庶圍橋門而觀者如堵師模士氣勃焉有興於是教諭李君德用訓導黃君楠葉君廷溥具狀列其大都遺諸生屬夏佩爲記將劉諸貞石以無忘令尹之功佩也辭不獲命則齋夜而諗于眾曰夫圖其效於始而擬造焉者是國家之立學也凡吾多士盍且繹思其德意而圖所以自立乎夫慮其失於終而興復焉者是良有司之脩學也凡吾多士盍亦對揚其休功而思所以自脩乎夫自立也莫先於立性命是故立其誠乃所以立性命也夫自脩也莫要於善云爲是故脩其德乃所以

崇海峯遺集卷二

十一

善云爲也由是而盡倫焉則人紀脩由是而爲天下國家焉則王道立不猶木之華於根而擊裘以其領也乎若然則嚮者所誦習之六經厥所謂時也者中也者志也者序與和也者是與非也者將不在於聖人王者而皆備於我矣即伊周顏孟不可庶幾而亦聖人之徒也夫是之謂無忝國家立學之意夫是之謂無忘良有司脩學之功也佩雖不敏然而故學宮弟子也願與吾黨之士共勉焉遂書于石以爲記

斗山書院記

發予嘗師吾郡博潘先生先生之伯兄屏翁於先大父爲故人日載酒餽來餉予翁之言曰吾少也嘗有志於經世吾業已成

而奪於家累竟無以舉吾志又曰而祖嘗舉試於有司不得利
輒指而笑謂吾曰若吾不發當發吾兒既而兩世皆弗顯以死
而其卒圖之以追踐而祖之言予受而識之不敢忘後十五年
予成進士宰新城轉貴溪又五年調南都比部郎走翁告之官
翁迎謂予曰吾聞族若鄉之子弟舍至性而教或不長亦若吾
之無以遂吾志也乃屋于聽事之南西偏屏山之下山翔云轉
折如斗星然故題曰斗山書院置田若干畝歲聚其租入以爲
師弟子廩養之資而其爲我記諸石以詒來者予惟生人之初
非有人之類也蓋與夫山川萬物同胎禪於天而爲之也其精
粗壽夭疑若相近今自鴻荒以來獨茲山巋然永長存而人之

集海寧遺集卷二

十二

生且死于其下者不復可知其世數矣而皆與禽獸草木同漸
滅易故哉或曰其受氣若是殊也予謂不然夫天之所以與我
者皆天之精也天不壞此亦不壞顧人不善自存爾仁者存之
大可以冀兩儀綴萬類小以和平其躬發爲事業著爲文章炳
焉揭諸宇宙而無弊而壞也乃甘自棄其身於漸滅之歸可哀
也已且翁創已之不得用於世因推以及其族若鄉之人其視
今之肅其裝膏其畝徒以自崇奉者賢不肖何如也予少也賤
以服膺翁之勸言有立志爾二三于朝斯夕斯且皆誦法孔子
也其亦有以自立乎哉始於自立而終以自存隨其進退隱顯
皆足以匹休茲山於不朽則翁之志而予執筆者之職也若夫

學田學規之詳翁別有注籍記可畧也

冠山記

黃巖縣形勝以方山爲鎮委羽爲龜茲兩山之南復有冠山太
中丞南渠先生王公之樂丘在焉山之形如大人跌坐而戴委
貌然者故名冠山樂丘卜居山之右麓正中去坐城以南若干
步爲影堂堂之南有菴二所左右相朝奉佛者居之又其南則
緣以周垣而琢石爲門焉虛其額以俟題凡以爲樂丘也乃至
山之左麓則有松徑竹園亭池客館廳事基坪書室以爲遊息
之所蓋公之別墅也先是正德間公嘗以都給舍謫推惠州取
道過家愛茲山之勝購而得之輒浩然有結廬終焉之意無何

集海寧遺集卷二

十三

而公轉爲廣信同知歷太僕卿應天尹南刑侍凡取道抵家必
游息焉大或踰月小亦累數信宿然後去去必有詩留題在壁
迄今致大中丞事以歸乃營壽藏爲樂丘云粵自經始後先垂
三十年於是山中之所宜有始與山稱公之家孫太學生逢聖
請予記之傳曰君子無人而不自得焉以予觀於南渠公其不
可幾及矣乎夫在外者有所謂富貴貧賤患難夷狄也之數者
豈皆不足以潤其中而後能興於斯道也云爾方公之以顯秩
列於朝寺也人皆以爲華公乃嗒然若不忍一日釋茲山於懷
及今致政家居佩也嘗撰杖履以從公遊矣下即幽溪上聯甌
龍談笑賦詩于以永日蓋超然若與忘世者伍或咨之以由處

之事則更端而言他及家人以營壽藏告遂欣然往命舂鍤焉
審曲而勢親於其身爲之不以爲諱夫死生亦大矣顧公曾不
以動其心推是以揆諸其細者若富貴貧賤一得喪之間而足
以涸公乎今夫膏肓於海者恒於一勺故觀公之有事於茲山
也亦足以知公之平生矣傳所謂無入而不自得者公其庶幾
有之故書以爲記

耕漁亭記

耕漁亭者吾舅氏迪齋先生習隱亭也在黃巖縣澄江之北馬
鞍山之陽始予從先生讀書于澄南故居所謂迪齋者見先生
講習也思惟也皆出者事也及今二十五年而先生來視予南

東海學道集卷二

十四

都官舍間敘其名亭之意曰吾有薄田二頃原隰相半原者並
山隴者並江而亭介其間吾率佃僕歲耕耨之卽小有年秬可
以釀稅可以足食江之游架木爲閘斷乘潮上下施罾四五舉
可以得魚客至則烹魚取酒飲于亭吾將於斯老焉亭以是名
予愕曰始者吾見之先生也非今者吾見之先生也且齋澄南
也亭澄北也何居先生曰始吾見出者之可以行其道也是故
爲子昔者之見今吾視之出爲貨者危其家出爲勢者危其身
出爲名者危其心否且處憂然憂以沒世吾不習於危且憂也
是故擇其無憂而安者取焉且澄南市廛也澄北山林也出宜
彼隱宜此亦各從其宜也曰若是則奚以教其子若孫先生曰

嘻子獨不聞夫古之人乎伊尹耕焉已矣望漁焉已矣及膺聘
戰不獲已出而赴時之急取天下於塗炭炮烙之間以畀諸商
周之盛王且豫爲之席數百年之安皆耕與漁者之爲也吾懼
吾之子若孫弗善於耕漁耳而日無以教哉予聞之憮然自失
曰吾乃今知君子之道未嘗有出處隱見也惟其宜而已請記
諸亭壁以俟先生之出于來者

百歲堂記

百歲堂舊名壽萱予故世父東壑君所作以奉其母安人周者
也君下世且十年而斯堂巋然與安人並存蓋迄嘉靖甲午而
安人壽已百歲矣鄉人士無遠邇凡遇節日咸以省拜安人集

東海學道集卷二

十五

抵堂下揖而相謂曰百歲安人在堂云廷評夏赤城先生聞而
異之遂更堂今名志壽也今年三月六日寔爲安人初度諸孫
子從兄仰之等治壽觴奉以壽安人而謂予記之予曰古者帝
王之治壹是皆以使民仁壽爲極至是故國家將興天壽平格
天子巡狩四方必咨詢境內有滿百歲者往就賓禮焉此鴻範
考成于五福之說也逮德下衰益鮮壽考兩漢氏養老詔文無
有曰百歲者嗣是以來至有具百歲氏名聞于臺省而爲之表
厥宅里者此非以其難得故耶 今皇帝當茂德湛恩之朝而
以孝率先天下用是薄海內外旌爲至仁官無苛政家無逆德
而安人適當其會夫是以引毓佑順及于茲年佩也雅不文弗

以辭而爲之記志瑞也或曰瑞之說謂何曰有三夏之德而民斯仁有九疇之政而民斯壽今茲之德之政吾不得而知也乃兩間和美之氣敷則爲甘露產則爲奇草祥獸鍾于人則爲異常之壽且爲壽母蓋近古以來未之嘗見也鄙人不能深識意者殆爲兩宮遐祿之符而大上孝治之應亦不可誣已輅軒使者過吾鄉有舉符瑞爲說者謹無以物而以人則茲堂之表樹也庸有望焉此固名堂者意也

新河所重修城隍廟記

天下之大勢王公爲之也是故戍西北者並山守東南者繕海大率視聲教之所訖以爲幅員而設險守國之道天固啟之矣

葉海峯遺集卷二

十六

吾台僻在東南以海涯爲界往在勝國時倭如率間歲或連歲輒一寇我境國初用虎臣議設立軍衛二守禦千戶所五據險要以布爪牙繇是緣海軍民咸得以緩帶咽哺迄于今茲云新河所在太平縣東北境上隸海門衛厥初浚隍作城輒立城隍廟于五龍山下以供祀事歲久圯壞闔城父老既鳩贊庀工重脩之乃請記於予且言神有靈應能降箕預言禍福日者倭寇犯境神云寇必不至已而果然用是人益信異之予嘗考城隍之有祠特起於吳楚之間高齊梁武陵王皆有祭城隍文及李唐趙宋以來而其祀遂徧天下凡水旱疾疫必禱焉然猶遷就附會或指先故一人以爲神之姓名如澗川蕪城太平諸郡

皆祠紀傳龍興贛袁臨江諸郡皆祀龍興迄我朝始正神號直曰某土城隍之神廟宇儀物壹視有司則其祀禮益嚴且正矣特謂神有靈應卽間或有之而論者恒以茫昧不可致詰爲疑予曰是山川之靈爲之也夫幽明一理而已名山秀川氣之所聚恒必有精焉是之謂神亦猶血氣之生人而精發乎其心也云爾今茲烽燧未息神果能出陰功以佐佑我兵屹然爲東南之保障乎則有司將益當崇奉廟事又不翅若今而已斯固闔城父老之意也故記以是終焉

祠墓田記

封建亡而天下無世家圭田廢而士大夫之家無廟祭陵夷迄

葉海峯遺集卷二

十七

于叔季民不族居仕靡世祿而隆本敦睦之禮荒矣宋司馬文正公始創議祭其先于影堂朱文公因損益爲祠堂之制以五服爲祭限士夫之族得祀高曾祖祖四龕而河南二程子復益始祖先祖之祭繇是家有祠墓有菴歲時有祭上以報祖下以聯族收失道渙散之民以萃于一此法意之最善者也吾葉氏立族於鏡川之上三百年于茲矣累遭兵燹謫戍而待制公一脉延綿至今永樂間高王父益軒府君暨從子耕雨公嘗創爲始基祖祠堂歲久屋壞先伯父司訓先生移建崇善堂西偏地復湫隘正德丁丑歲予與族父東壑君議遷于麗山之左厥地爽塏神棲宜之益軒墓庵舊號來清燬于災亦司訓伯父所重

子役以縣官優給增建重屋爲望川穆凡祀先儀節一遵文
公家禮于時族老倡議謂無田不可以久凡子姓之富而生男
者勸令出祠堂祭田積年得若干畝合道人陳永修楊承緒所
置香火田共若干畝益軒墓墓則節省贍軍田羨餘置田若干
畝合道人應懷正香火田共若干畝墓祭一出墓田始祖之祭
合族享餽爲費頗大於是輪房出具牲品道人供案盛而巳祭
畢良佩祇承族老之言諗于衆曰自始祖迄于今茲僅十有四
傳而爾子孫能勝冠來駿奔者踰四百人可謂盛矣詩曰無念
爾祖今爾何念亦曰于時保之爾何以爲保亦惟念四百人其
初止一人也凡所以相友相助善相勸惡相懲者無所不用其
極可與語保矣已又諗于我同高祖兄弟曰自益軒府君迄于
我輩從亦且數十人何以爲保母亦造次惟我族老之言是念
云爾衆咸應曰諾乃享餽而退良佩執簡書附宗譜之末以爲記

謝文肅公遷墓記

鄉先正謝文肅公世居太平縣之桃溪去其居五里而近日洋
輿山公之先學在焉蓋葬其祖考二世凡五喪矣山氣薄而
葬多且洩公雅不以地里家之設爲信曰死即穴先塋左旁空
我於是公以正德五年某月日卒故嗣孫國子生必昨奉公柩
卽其旁窆焉今秩宗久菴黃公於公爲門人以會葬登公先塋
顧謂國子生曰山氣薄而葬多且洩又左旁夾山背穴東馳而

葉海峯遺集卷二

十八

葉海峯遺集卷二

十九

四風射其肩於葬法不利爾後人蓋卜善地而遷諸國子生第
率口應曰諾初無意爲遷已而國子生死無何而公之季子與
寅復死家事日以耗落秩宗公聞而嘆曰墓地之不利其有微
乎顧吾繫官于朝無因爲公卜遷善地以庇公之後人姑俟其
便公既葬之二十六年爲嘉靖丙申會秩宗公丁太淑人憂家
居既襄大事乃以仲冬十有八日偕其叔氏空明居士自委羽
山來過桃溪謁觀公舊墓果不吉遂相與陟巘降原周還幾數
十里卒不得善地勅而將歸迷其途頃之有釋子一人自北嶺
來指示謂秩宗公曰此稍東有狐狸岡循之下山便公如其言
迤邐東南行數十步抵山腹則見岡阜重疊三成眾山環會而
方巖獅子諸峰垂在几案回望岡阜峯巒宛若中軍建揭旌幢
然旂繡熠熠飛動公洒然異之曰眠牛師所留鈴記有所謂蓋
天旗者其在是乎召命術人審面勢定方位就地主問賈直曰
三十金遂捐貲售之擇日僦王命春鍾穿穴僅數尺復見五土
四備裁肪切玉悉如地理家所說遠近咸集觀益信蓋踰月而
新墓告成時文肅公嗣重孫照磨君適然方宦遊在外秩宗公
復率公諸孫祭告舊墓發公櫬及陳孔二淑人國子生之父秀
士君與殺公季子與寅諸櫬皆易以新棺越明年正月二日合
鄉之大夫士及公親故會窆公咸以禮請經費多出秩宗公
嗚呼今世俗之交類以存亡易心有不蹈朱公叔所鑒者鮮矣

詎謂文肅公歿且三十年而有秩宗公爲之經營其後事如是哉工既迄功有諗于衆者曰行一物而三善皆得者是役有之蓋秩宗公不忘先故爲之經營其後事於人情衰歇之餘而民俗歸厚文肅公獲有身後之佑而爲善者勸且俾師友家子弟咸視以爲世講法而流澤可久夫是之謂三善又曰文肅公可謂有動天之德蓋以其後佑占之也秩宗公可謂有古世臣之風蓋以其師友之間占之也是役也良佩獲與從事左右見其道皆足以勵世範俗故敘之爲遷墓記

瘦石記

君子之心必有所居故其於天下也必有所好孔子曰仁者樂

蘇海峯遺集卷二

七

山推是類而求之可以盡知人之術矣參政瘦石公恬嗜京欲於物無所好而獨羅致石之瘦者列諸燕居之庭由然與之偕也於是顏其軒曰瘦石因以爲號予嘗登公之堂而騁觀其所謂瘦石矣其始至也若尋武夷穿九曲其稍進也若躡華陽坐小阿洞天已而隱几以望又若秦華衡霍之在吾前而雲霞烟雨油然以生也予樂之不忍舍去客有問予者曰公之好夫石也與仁者之樂山同乎予曰同也夫石者土之精而氣之核也山之有石猶人之有筋骨也已而指石而問焉曰公之好爾石也無乃以爾之剛乎無乃以爾之勇且能生乎夫指石而驟以語人曰剛勇而能生人孰不駭且笑之然吾聞諸古昔石可

破也而不可奪其堅是石之剛也其感化則爲雷是石之勇也復自雷而感化焉則爲木又其所出之雲雨乃木之所資以生也是石之能生也公以進士起家歷官中書舍人刑部郎中閩太守運使河南參政剛而不屈於欲勇而見義必爲隨所至而民賴以生及其謝事歸休其剛不變也據所蘊爲文章可喜可愕與此石爭奇今茲令子賢孫方紹公之德業未艾也故世論咸推公以爲仁者蓋謂其體剛而用勇故也客曰南山可壽而此石不壞公之壽庶幾似之予曰仁者固壽合子之說而名軒之義備矣乃敘其言爲瘦石記公姓蔡氏字某甫客爲茅畬半純亦公之姻屬也

蘇海峯遺集卷二

七

西谷記

黃巖自古稱山水縣漢司馬季主吳葛玄嘗擇居之去縣西南十五里有松巖三仙輿晉任功曹旭之故址也溪谷最奇三仙之陽曰西谷空明山人之別業在焉嘉靖丁酉秋七月既望予從宗伯久菴公往游乘筇與發委羽行十里抵冠山人具果茗候山莊食已復行二三里抵柯橋山木樛委陰布溪上泉流澌澌有聲乃遂憩忘歸亭不忍輒舍去已而躡樵人路陟山東崦曰雲塢幽邃閑寂殆與世塵隔絕出塢下山稍折而西曰西谷柴門門外有池被以芙蓉入門坐少白堂則見四山旋繞而遺老並秀聳翠諸峰羅列左右南望平原如握掌紆青綠綠

無際客顧而樂之曰非遺世之士不宜有此堂之左榮曰青童
菴石曰三仙書院其南有小橋卧池上橋曰度仙池曰浸峰復
有三石井矗立池中泉清冽獨異他水曰獨清泉堂之北爲煮
石山房背房陟而上爲蒼翠亭修竹千挺倚亭立有古巨石突
起劉天然二大字由亭迤邐西下爲餐霞洞洞左有泉自石罅
仰出直洞而南爲瑞雲樓取作樓曰有雲五色團蓋其上故以
名山樓復循堂前除行直東曰枕山樓降石磴南下桂竹陰森
有亭翼然俯池而出亭曰寫愁亭池曰墨池池之前爲曲水流觴
其泉自良溪來抵平地旋爲渠方墨池過曲水流出東牆墜浸
峰池又自池流出南牆墜芙蓉池所至皆琤琤有聲而亭之門

葉海峯遺集卷二

二十二

澄江草堂記

夫江者南國之紀也故南方之六皆謂之江其在吾台而著名
者有二曰靈江曰澄江潮吞吐經絡於天姥永甯諸名山之
間其精氣之所感產爲異物爰有銅鐵錫鏤砥砮珠璣石華海

月甲香金松花乳之屬苟不在物則往往在人而高賢碩輔文
士名流後先相望蓋自炎漢以迄于今茲矣黃巖高君某甫並
澄江而居自其先大夫廉憲公積書且萬卷君種學績文爲學
官弟子高等已而連不得志於有司間嘗卜諸寶龜得遯之咸
其繇曰洪水湯湯肯構肯堂肥遯者昌遂決意棄去卽其居題
曰澄江草堂爲老焉之計君之姻友鍾成名謂子記之往予嘗
從宗伯久菴黃公登松巖絕頂騁望江流縱談古昔蓋江之北
有杜清獻亭池遺址其西則任旭黃書雲趙納齋之故居在焉
南望委羽洞天庶幾復有隱君子如司馬季主者往來其間乎
而東流出馬鞍諸山又元泰不華兼善舟師死節處也於是相
顧愕曰壯哉先民之遺烈乎殆將與此江爭厥長雄也後死者
其勉之高君於宗伯公有蜨而參政容菴君又君館甥是其麗
澤之功深矣語曰智者樂水君善藏其用斯智微也意其默識
之神洞達乎坎止盈虛之理必有與江合者予魯人也何足以
知之獨記其所嘗晤語於公者爲君勗焉

葉海峯遺集卷二

二十三

懷德堂記

傳曰有至聖之德者食福萬世是故吾孔子殷人也而世家關
里厥宗祀迄于今茲且百世矣彌蕃且昌雖其流裔遠膺有播
越在外者亦往往隨在立族率爲著姓所謂萬世食福者此其
徵兆也乎吾鄉有緡江孔氏考厥譜籍其先諱延集自閩來遷

爲始基祖延集蓋唐苗田令仲良之孫於龍封文宣公齊卿爲
支庶故嘗作堂名宗魯明與魯同宗也傳至 國朝有曰克庸
克朝者俱仕洪武初庸大名知府朝盛陽令並有政績聞嘗謁
闕里稽譜籍的然自知爲聖裔也乃歸則追宗魯之意卽其家
作祠祠宣聖云後又二傳有曰彥緒者以明經教授于鄉數嘗
率其子姓諸生釋奠于祠當是時吾鄉稱故家咸推絳江孔氏
歷歲滋久祠屋圯壞令尹曾侯才漢過之悵然弗憚也遂捐俸
爲倡且俾其以優復之貲市材鳩工新厥祠爲宣聖廟又作堂
其東榜以宗魯舊名而署其里門曰闕里遺芳於是孔氏之遺
族煥然改觀矣而其父老則聚而謀曰侯之德可懷也願廟西

東海縣志卷二

二十四

有隙地盡於斯作堂名曰懷德以志不忘堂成會于韓脩縣志
乃介其董役老人林尙玉來請予爲記予進孔氏之父老而問
故焉已而告之曰夫懷德之說有二焉凡人之有德於我曰德
爾祖宜聖蓋有萬世之德于爾子孫凡爾之所爲有今日者要
皆宣聖之遺也可無懷哉今曾侯稽古爲治顧汲汲焉舉行有
司簿書之所不急而於爾孔氏有洪造焉爾謂其德可懷亦誠
可懷已爾將何以爲報乎且天有命而我德之亦曰德爾忘爾
身之有德乎傳曰君子懷德爾苟能顧諟勿失自懷厥德隨其
進退隱顯皆足無忝於聖人之後此卽所以報侯而亦所以報
爾祖也良佩於孔子受罔極之恩思有以勗其後人故用是爲

告亦卽是可用爲堂記矣惟爾孔氏之子孫其尙無忘而懷之
哉

黃氏義樓記

黃氏義樓在黃巖縣南五里官道之旁今宗伯久庵公追惟先
太淑人鮑氏之志而成焉者也其地在昔爲關吏理稅之所久
之而廢爲鄉民方山施伯偕祖父所得正統間伯偕捐爲梵宮
因名爲理稅院俗呼曰厲崇又曰禦崇蓋因聲之近似而訛且
附會也正德初鮑淑人脫簪珥購得之旁治宿廬庖湑之所以
棲客旅梵像仍其舊弗去鮑淑人既捐館舍宗伯公憂制家居
奉 錫命營葬事于委羽山之原與故尙書文毅公之墓實相

東海縣志卷二

二十五

密邇且奉 命致祭宮詹公皆異數也及自藝文毅以來屢蒙
恩命輝煌燦奕皆于茲院拜迎而入院去山可百步而近乃
令季弟空明山人約除梵宮爲迎恩院別買地拓基其後建重
屋二十楹爲義樓牀第煬竈汲浴櫺採什器靡不整具由是使
客之東南行者繇卒賈旅之由鄉鄙遠方來赴城市者晨饋夕
宿如歸其家然眾咸譴然便之予惟周官有禁廬氏掌比道路
宿息井樹以待賓旅後世易以郵傳則其勢不能及下此義樓
之所爲作也昔范文正公爲宋參知政事以其祿賜之入置爲
義田收養宗族及宋南渡吾鄉有陳容益之者亦以緡錢數萬
收粟於秋至春以本價糶之謂之義莊談者尙之乃今復有黃

氏之義樓焉夫自先王井田之法不行於天下而斯民也靡所恃以爲生鴻鴈哀居繇蠻病行聞之者惻焉然則仁人君子有能因其力之所及以爲是義舉也豈非王政之一助也哉予從公游息委羽親觀義樓之役乃爲作記以表勸於世云

次山記

太守趙公之爲道州也輒自號次山子公之言曰夫山者吾所居也吾雖以守職居官寺顧吾之夢寐恒在山故自號曰次山者示吾志也予聞而疑之曰人之情恒耽榮而厭寂公曷不於朝是思而恒眷眷于山且公方名仕籍爲世用曷不曰厥志在天下而顧曰在山公豈忘世者哉吾莫之能喻也居無何而

東坡先生集卷二

正

公果致其事以歸予益用爲疑焉然公之歸也則日以進士業課厥子朝夕命之曰爾惟黎獻已而公之仲子仁夫果以文學貢於澤宮爲俊士已又課厥孫朝夕命之曰爾惟帝臣已而公之嗣孫今御史君世胤又果以進士起家理刑鳳陽爲天下第一竟召入爲御史予於是灑然始悟公之志仰而嘆曰公之出而仕也厥志恒在山夫是故出而爲循吏公之處而家食也厥志恒在國夫是故處而爲盡臣吾乃今知公非忘世者居有間而御史君奉命清戎江右取道歸觀適公年八十乃治傷爲公壽故事凡爲壽則其親友賓客咸具軸爲文來慶壽公一切謝去客問謂予曰惟子文公則不謝佩也乃受簡爲斯記夫君

子之道惟志焉已矣今夫出而仕也其流率至於喪已喪已者溺間有靡屈靡撓恬退靖恭者出焉必其志恒在山者也今夫處而不仕也其流率至於忘世忘世者固間有不失其時惟義所在者出焉必其志恒在國者也吾聞公之爲合於六合也一有不得行其志輒輟然謂其吏民曰吾其歸哉吾之志恒在山也幸其時上之人率知公且不忍釋公故惟公之志是行而六合之民由是竟蒙公之惠矣乃至調而守廣德又調而爲道州也其必欲行己之志亦猶夫六合也而道與廣德之民亦無不蒙公之惠者予故曰公之爲循吏也皆公恒在山之志爲之也今公致其事以歸而合子賢孫咸班班然有服在大僚之望微

東坡先生集卷二

正

公之澤與朝夕教命惓惓之功曷克致是予故曰公之爲盡臣也以公之子若孫徵之皆公之志恒在國者爲之也昔李唐元結亦嘗爲道州刺史厥字亦曰次山嘗著書自稱漫叟厥志亦恒在山然結之後嗣無聞焉年僅五十而止尙論者疑焉予謂結特狷介好奇之士其仁德未必似公傳曰仁者必有後又曰有德者必得其壽由是言之公之享年食報皆尙未艾也諸君與在客席者可以執爵壽公矣

郡守陽山公政績記

郡守陽山公守台之三年政乃大成乃公將以成績奏于朝台民則皇皇然如失所怙恃乃相與扶六邑老稚走控于藩省

于臬司于監察御史顧復留公一年如漢借寇使君之爲有於是會侯才漢來謂予曰公遂行不可留乎即公行其如我民何予曰公之得民也有由然矣蓋公之政善務其六者又適宜其時先是民嘗兼併于豪右也公則力爲鋤豪右理兼併民由是施施然喜曰吾憤民也乃今得公則平矣郡東南並海開渠善壤卽有上田率敗于斥鹵旱潦歲比不登民索索敝甚公廉得其故乃與人徒大修起水利增築海隄六間疏故淤渠達諸海民由是豐登然時厥鏹以須曰吾失業民也乃今得公則復矣歲辛丑秋七月海嘯颶風拔木湧流逆衝泛數十里壞民居以萬數溺死者不可勝算幸不死率亦薦居木食朋數十輩

葉海峯遺集卷二

二十八

求貸靡所得食則譁然叫囂卽不被苗者亦勾勾懼無以安厥生公亟偕僚屬走海瑞載糧食錢刀呼哺之且喻之曰茲爾厄運幸自愛母干王法爾厥有幹有年茲土一語淚簌簌下屬矜民罔不感激已乃出教勸高貲富人出粟請于監司發庫金如千錠舟運輿輓咸達苗所公則草茨露宿戶視而人賑之卽有稍不勉不恭公復懸重法痛繩之事竣民咸忻然以手加額苗者曰吾無告民也乃今得公則活矣富者曰吾殷厚民也乃今得公幸無事矣公之得民也如是今茲以素績將去則民之控留公也固宜僕又聞其行道誦思之言曰繫公去如我何才比顧德比羅蓋以顧建康羅吉水之才若德兼顧公也侯曰

其然哉夫公之政本公之學漢嘗見公之喜怒不色形而執持確不可動談憲章故事滾滾不窮而立事制方必取衷於古之人緣飾儒雅爲古文卓然名家而吏事未嘗少廢漢用是得公之學故公之利民也本公之仁其鋤治民也本公之義昔者子朱子之提舉於茲土也蓋嘗議建六閘勸王迪公出粟爲社倉穀本又嘗勸唐仲友至五上封事迄不以相國之親故少貸儒者表裏仁義其德業固如是也公之善政大畧似之良似起而謝曰善哉侯之論事鄙人得其文侯得其本若公遂行也請書以贈公若遂留也則以爲政績之記可也

青山草堂記

葉海峯遺集卷二

二十九

昔者晏季子札葉吳君不受而逃隱于延陵天下欲想見其風采而不可得及其使列國與晏平仲鄭子產諸賢大夫游率一見如故交過魯觀樂妙選竊微魯史志之以爲嘉訓此豈非大雅君之身雖隱而聲聞益彰者與哉厥後千有餘年而河汾有文中子者出談道教授于龍門山已而其及門諸生咸遇際李唐天造爲名公卿二人同心或出或處若文中子者蓋庶幾似之子雖篤德顧恒竊竊焉有先民之思往歲遊吳中登姑蘇之臺望延陵故墟慨然猶想見季子其人已又訪于其鄉見何里村阜橋梁塚致仰止焉又問今之君子乃知陵陽有青山王公云子曰嗚何其盛也將季子札之澤其猶未斬乎王公者故太

守武昌公之孫其家世閱閩東南空儼乃王公則宅於自立博學清修入學宮爲高等弟子已又講學于甘泉先生談論局公孔父之道與蔣道林余玉崖諸公爲友吳中士人咸推讓其之與比顧舉舉于有司輒不利後用吾邦君嚴潭公貴地封行人司副進封大夫戶部郎中繇是遂絕意進取乃築堂縣北青山之下將老焉榜曰青山草堂示志也昔文中子之學至諸生乃大顯用今王公雖優蹇於時而得嚴潭公以德學爲名大夫它日之所建立要當以房杜諸公爲歸宿蓋不出家庭之間而仁智之道具焉矣吾聞王姓本出虞舜之後陵陽公豈河汾之苗裔耶不然何其出處之似之也昌侯晉君明卿問謂子曰陵陽公今之聞人子盍爲草堂記以附於王氏世家之後子曰佩也雅不文然嘗辱知于嚴潭公義不敢避役將太史氏或蒐輯逸民以爲傳焉茲不腆記文庸可以備採擇又以見吳中之多賢也

練溪里均賦記

太平瘡縣也民墾山規扁南轉側以謀衣食寸壤以上蓋未有萊而不耕者也顧賦入無藝於是往往有失職之民宋紹興間李侍郎椿年建行經界法俾編戶實書其產依土風水色認兩稅履畝授砧基副藏之官今所傳黃嚴十二鄉則例乃其遺法也國利遺官疆理天下去鄉保爲都圖持稅糧上中下則仍

依各鄉之舊云太平割黃嚴樂清總五鄉之地以爲縣今之第三都卽故太平鄉練溪里地豪民猾胥相倚仗爲姦而賦役屢亂編戶病之正德初太守河南李公行部至縣綜覈賦籍凡清出餘米悉以與民墾田均減民以爲便然典籍者弗謹豪猾輒復侵盜以爲己利前更數令皆弗果復今令尹泰和晉侯明卿至詢諏民瘼於是諸生蔣透等以練溪里之事白諸官屬耆老蔣棹董璽之不逾年而事乃大集凡清出餘米八十二石有畸夏麥一十三石有畸復皆以與民仍規算則例以復其舊民大歡悅皆請立石新橋而來問記於予予嘗聞諸長老李侍郎健而明吏胥不得弄毛髮以故得事集集後無敢議者今晉侯之明健似之以故練溪里得終蒙其惠爾侯今方將綜覈五鄉賦籍壹反紹興十二鄉之舊用立斯民不刊之規豈不曰一大快哉語云惟達惟果於從政乎何有言於是服泰和公之明且果矣故不辭而爲之記

王氏六老清遊記

予嘗與王子子才論君子之德予曰宋王晉國公其知德乎厚事薄享而植三槐于庭曰吾後世必有爲三公者已而果然是庶幾可與語德命矣由是以觀又知先代多用世德之臣亦卽是可以觀其治矣於是復相與論治予曰太史遷其知治乎作樂律書稱漢文帝時有年六七十翁未嘗識城市游敖嬉戲如

小兒狀以爲極盛可與禮樂孔子所稱必世後仁其謂是耶王
子曰然一日出其家乘圖籍視予予曰子才之先世多清德如
家籍所載皆鑿鑿可信不誣予生也晚不及識其先世而云可
信者何蓋以其子若孫卜之也於是流觀及六老清遊圖予曰
嘻盛矣哉吾聞香山有九老圖宋文潞公爲洛社耆英會凡十
有一人嗣後則有睢陽五老會顧皆集殊姓以爵位顯未有出
於一門爲同祖昆弟若王氏之盛者予曰勝國時四明有羅
氏五老圖皆同氣兄弟也予曰姑舍是因與王子併立而觀曰
誰與坐而琴者貌靖暇而禮則恭意者其謙益翁乎並坐揮麈
者誰賢穆穆不就撫其梅山翁乎稍東而耦立者誰服忠靖冠

葉海峯遺集卷二

三十二

裳者吾知其爲靈山翁也禮巾深衣以服言貌侃侃其石齋翁
乎王子拱而應曰是家君小像也立座左仰面坐者又誰溫雅
之氣襲人其桂友翁乎座右一人其行于其貌舒舒心口隱
度常若綉構詩語然者吾知其爲竹樓翁也今各年壽幾何矣
王子曰謙老七十三歲梅老少二歲靈老桂老又遞少二歲家
君之歲與竹老同其物而五月以長今年六十有四矣予曰嘻
亦盛甚矣哉羅氏五老雖稱同氣然皆隱約爲布衣今靈山以
名進士爲五品京官石齋雖舉不第而有子才待捷南宮自
餘四老皆善吟歲時游樂憂玉鏗金斯羅氏所無也予嘗聞諸
長老謂和州公蓋肫肫長者而太守南郭公位不滿德士論懷

惜焉茲五老皆南郭公之子而石齋則和州嫡孫並壽而康享
有遐福或者其二公之遺乎又聞叔氏病隱翁有長才以病不
仕生今都憲渠翁先生寔和州公從子也閱閱熟望台南罕儷
晉公三槐之德之報不得專其美於前矣予曰羅氏五老得
潛溪公之文以傳茲不腆家圖惟先生是賴予曰是奚敢當佩
也聞諸君子夏后商周之德聲是皆以使民仁壽爲極至是故
巡狩天子之重事也入其境必訪諸高年滿百歲者往就賓禮
焉此洪範徵于五福之說也自是以衰政治日蹙益鮮壽考
明受命爲天子茂德湛恩九世于茲矣薄海內外薰爲至仁而
王氏六老適逢其會夫是故引觴佑順以及茲年且率康強如

葉海峯遺集卷二

三十三

少壯時嗣今以往滿百歲者尙多有其人此國家至德之休禎
也然則六老之圖詎惟王氏一門盛事云爾哉鄙人固陋不敢
議禮樂第敘次其語用紀國家之盛婉美殷周竊附于潛溪公
之後更請論諸渠翁先生以爲何如也

玉坡記

吾太平稱山水縣在天台雁蕩之間雖並海而厥土不塗泥縣
境內外乃有青嶼丹崖玉峯紫高黃石諸山予嘗走最高峯循
嶺以觀矣降而嘆曰異哉山之情性嚮背五方之色各以其方
是故其下多大家遺族斯文奕數世如絃不輟絕蓋精氣所感
則然也玉峯之陽宋武博蔡公鎬之遺址在焉武博往來子朱

子之門族大世有衣冠迄我朝而皆轉徙于氓隸矣先伯父尚忍公遷居其南吾兄盈之君復作堂以面峯客曰峯佳哉峯允位也而金色詩曰如圭如璧是山有之請以玉峯爲子之號君曰不敢當且先達車清臣氏之故號也客議擬久之請易以玉山則又曰高王父厥字伯山固偏諱也當避客僉曰都子之讓已而曰不可盡失其舊山陂曰坡請號玉坡於是遂定號玉坡亦既有年矣一日君命酒從館賓張大卜遊遙望見翠微厓石上有刻刺痕半爲苔蘚所食遂相與披蒼榛扳蘿而上剔苔蘚視之則玉坡二大字也張子呀然曰在哉豈神工豫劃是以俟吾葉子乎是日飲大噱咸以爲前定嘉靖丁酉年君之嗣

葉海峯遺集卷二

三十四

子乾中名薦書持鹿鳴遺餽歸爲君壽越明年冬十月復爲壽又明年又爲壽予亦持觴壽君飲且醉乾中曰願叔父爲家君記之子曰子今茲之堂蔡武博之遺址也而蔡氏之譜曰非蔡之址又故尹氏之遺址也吾不知尹之先又誰氏之址夫垣字也衣冠過客也願今流澤尚存未盡漸泯者獨武博焉矣此之謂不朽吾聞地遠以西爲成熟而山之以玉名者固玉之所由以產也君之種德幾焉熟矣而有茲英粹完美如乾中者產焉繼武博以有聞而勲名聞始且過之者微吾乾中而誰詩曰瑟彼玉瓚黃流在中請以是爲玉坡記子母曰不以規而以頌也

翁和園記

昔予嘗讀韓文公董生行愛其跌宕超出蹊徑因又嘉慕其時淮淝之間之有董生也每一讀其書未嘗不撫卷而嘆曰今豈復有如斯文與斯人者哉一日沈君子積陸君師徵來談翁和園事予曰願聞其詳沈君曰翁和園在吾里中友人方氏用晦居之蓋其先子瞻東翁所築也襟山而帶海厥宅而陽其突而高者登而望之曠如也窈而深者循而尋之奧如也翁嘗與諸季遊樂其間前令尹南城陶侯嘗過其所居爲名曰翁和園取毛詩兄弟既翕和樂且配之義是時翁已下世用晦於是益聚貲鳩工作爲假山亭池山曰更幽亭曰枕肱池曰半月線

葉海峯遺集卷二

三十五

以周垣洞其門曰環翠且大書園名揭于堂以彰侯賜復與諸昆弟遊樂其間卽客至則醺酒賦詩由由然與之終日而意皆無迂也陸君曰用晦孝友人也其父極寵愛之父沒兄爲主治產而用晦因得專其力讀古書間嘗受學於宗伯久翁先生之門先生爲名其所居曰志士窩云予聞之驚咤起立曰有是哉嚮吾嘗與方君游不知其賢乃爾吾嘗嘆古之人不可復見此其事與董生豈大相遠乎昔韓公之頌董生也大略言其孝且慈爾夫友于兄弟者孝之枝也是故夫子讀翁和之詩而贊之曰父母其順矣乎明孝弟慈之爲一道也第愧予無韓公鉅筆不能爲方君播之聲詩張大其事特記其名園之大都因二君

以遺其里中之好事者刻石嵌諸亭壁用俟他日之訪求遺逸者有得焉

月亭記

天下之物皆夫人所自有也苟能先立乎其大者則隨其所取而皆足以爲樂衡門之詩曰泌之洋洋可以樂飢夫水本恒物也而君子樂之乃可以忘飢說者曰畸人逸士無所於樂特借水以寓其情焉耳及讀孔子之書有曰逝者如斯夫不舍晝夜又曰智者樂水予於是擊節而起曰衡門君子之所爲樂也有由然矣吾宗有隱君子月亭先生世父建寧公之仲子也建寧公固多書先生一覽得其傳腴願舉子業弗屑事而獨喜爲

葉海峯遺集卷二

三十一

詩凌高厲空往往得唐人法意中歲益豪酒自放高步獨視遇不合意人弗與爲禮予自歸田以來卽操筆若硯與先生結爲社遊先生有宅一區種梧蒔竹作亭其南值月夜則飲酒賦詩其間家醞盈尊海光流檻拊几酣歌聲動隣屋見者咸驚願以爲謝憲子李謫仙復出也遂稱爲月亭先生云今年秋八月先生壽七十諸子崇酒爲先生壽於是遠近之騷客咸來會客曰李謫仙把酒問月作爲詩歌冠絕古今或謂在謝憲子月賦之上先生之昌于詩也世亦得其助於月乎予曰是則然矣而未盡也先生雖高尙不爲世用然與之論古今事當否成敗豪傑士志業有幸有不幸若身履其地而素餐爲之者予聽之終日

弗鑒也斯非所謂明體之學乎昔人有以吾心之大小德取喻於月照萬川者要之明覺之爲用固如是也能識衡門君子之樂於水則知先生之取數於月矣矧其諸子皆蜚聲學宮行將有明廷之薦是又先伯父善成其用葆厥光以裕諸後之人也詎惟借助於物色以昌其詩云爾哉客曰善哉吾子水月之說請書以爲月亭記遂書之

兩川記

兩川子隱居行義於兩川之間者六十有二年鄉人咸敬服焉名聞士林客嘗有往候之者過予言曰兩川子蓋庶幾有道者也行年六十有二而神意和明體履矯健與之語道理若決河

葉海峯遺集卷二

三十二

隄注廣莫雖更僕無勑也予曰有是哉吾亦將往候之旦日遂行抵東川之南涯主人則自北涯揖謂予曰而欲涉乎吾教汝涉深則屬淺則揭斯涉川之法也予解衣將涉而憚於裸裎乃循流復抵于西川之北涯主人復自南涯揖謂予曰而欲濟乎吾教汝濟逆則洄順則游斯濟川之法也予如其教獲濟焉見兩川子握手道故舊歡甚坐定予被席而扣焉曰何哉子所謂深者曰夫涉世猶涉川也昔有務于深涉而遂滅其頂者屈平之於楚澤是也無已則范蠡其庶乎翱翔五湖爲陶朱公而苗不逮夫身則以淺涉故也然則何以謂之逆曰夫濟世猶濟川也昔者淮陰善操其逆故遂顯名於泝水之上嚴光善擇其順

故得養真於嚴瀨之間或以濟人或以自濟亦各行其志而已
予廕然起謝曰善哉論事吾乃今知世之有淺深道之有逆順
也吾涉深而反揭故以濡吾衣吾濟逆而反游故以覆吾舟出
以語客曰若兩川子者可謂善藏其用矣顧予猶有所未喻云
傳有之曰知者樂水故樂仁者樂山故壽今兩川子動而不括
者也而又得壽焉行年六十有二而猶有童孺之色吾竊疑之
客從而解之曰言出於汝而忘之耶嚮所謂善藏其用固仁者
之體也子曰嘻吾於茲行也得三益矣於淺深逆順而得智者
之用焉於善藏其用而得仁者之體焉於仁智之合一而見吾
性之德焉迹是而求之兩川子殆幾於知道者乎先是予之族
孫思宗謁予文爲兩川子壽久未有以應也迄是始克記其事
以歸之兩川子姓趙氏字某甫有幹局而不得試蓋嘗以范蠡
嚴光自況云

齊君陞陝西僉事兵屯寧夏序

我國家以西北三邊爲外藩離設重兵環守要害若控御一
失其所則皮戎毛狄機毒矢踔健馬以與我邊鄙從事雖日擒
斬之弗能止是故命官於邊視他司加慎重焉乃己丑之春
寧夏諸軍繹騷邊用弗靖公卿廷議以兵屯憲臣不得其人宜
選天下之名有才望者往換之而齊君適當其任先是齊
君以諫官謫去士論誦之久而論定始得賜環爲尙書比部郎

東海峯遺集卷二

三十八

東海峯遺集卷二

三十九

分司南都至是且二載矣而有是命論者咕咕然復以爲誦予
獨謂不然夫君子之明其謨也固將以出而利其用也齊君之
爲諫官退思國是而進與天子相可否其於天下之利病生民
之欲惡幾權之緩急輕重莫不隱度斟酌損羣然若辨蒼素較低
昂于其胷中及其誦而爲邑令爲郡別駕遷而爲尙書郎投之
所向無不如意不可謂非明謨之效也然直出其百之一二已
爾乃今以膺夫國家藩籬之一面呼吸之間安危伏焉而又適
丁饑饉之後以武則憾以恩則肆以戰則失屯以守則無陳於
此而善斟損調停以利其往用紓聖天子西顧之憂豈不憂
憂乎其難哉茲將出其十之三四矣復繇是而專藩臬進臺省
則其所出者將愈奇吾見齊君之功業日闔以大而以爲誦乎
矧齊君宿昔聞有是報則色喜融融然曰大丈夫生不裂麻拜
相爲天下定安危得折衝於萬里之外足矣此正吾立功報
天子時也況吾聞之出潼關以西山川之形勝甲天下吾將陟
太華略終南以北窺黃河之源庶幾有古豪傑如太史公者出
而從吾遊乎由是言之齊君蓋不自以爲誦也於是同部諸君
咸以予爲知言因各賦詩以壯其行而俾予執役首簡云

送鄧西令邵君序

吾友富陽邵君某以南京刑部照磨出令鄧西將行余與同部
諸君走館舍問行李君迎謂予曰人之言曰令難吾逆知來者

之難爲也吾奚所於取以爲吾師乎予應之曰於已取之而已矣夫令者一邑之父母也吾與君咸有父母之邑焉以吾耳目之所遠見令於吾邑者前後凡若干人其善惡得失吾可坐而陳也合於富陽者君有不知其人者乎有知其善且惡而不愛且怒之者乎今有小民於此豈豈焉不解臧否外事至問其令之得失則慙慙如指諸掌是何也且專焉故也君往矣惟民之求一政令易施也一財賦易取也必俛而念曰吾民得無不可於意將亦如吾昔者之於吾令也乎日兢兢焉求其宜于夫人者而行之若是則鄖西之政雖有不中焉者寡矣君喜躍然曰吾其庶乎曰未也凡吾所以告君者以民之愛惡言之也大

葉海峯遺集卷二

四十

安知上之人之愛惡不異於吾所云耶是故節齋焉以養其財恬靜焉以養其力仁恕焉以養其命此吾宿昔所注望於吾令之心也雖民之心亦莫不然今之所以殷最其吏者果皆然乎察其財也則曰慢無能也養其力也則曰惰廢事也養其命也則曰寬不戕也一殷最之失實而慶讓從之矣天下之守志堅定能不爲慶讓所移者幾人吾見令之難爲也君慨然以憂曰信矣其難哉曰不難君試思之向者躍然以喜之心果何心也今者慙然以憂之心又何心也南軒張氏曰無所爲而爲者義也夫苟山是也雖天下無難爲者而況於鄖西乎君躍然起撫厥心而謝曰吾乃今能自得師矣請君書之以銘吾座右焉

送金僉事之官廣右序

我國朝稽古錫維建南北兩都簡蓄才賢其間以需國家之用是故部屬臺諫之設雖政務甚簡而職員弗殺凡四方監司郡守時或闕官則簡命其賢且勞者往任之著爲令典莫之更貶乃嘉靖九年春會廣右僉事闕吏部請于朝以南京刑部郎中金君之乘行於是金君之爲刑部踰三年矣予謂金君賢且勞即循常調猶宜專城以居守美郡而乃仍儻官五品且僻置廣右天下其謂君何雖然廣右故號難治聖天子有不忘遠之德宰臣議諸廷難其人乃舉以屬君不可謂不重也然則君之治之也奚以哉君曰吾不習治廣右而習治吾家吾有子

葉海峯遺集卷二

四十一

雖甚愛之而日恣鞭撻懼其或昵於過也若夫殫以之佐吾家者雖少肆睚眦而常响响焉曲字之若恐傷其意者吾聞廣右之民雜夷以居民者吾之子也夷者吾之彊以也吾不習治廣右亦以治吾家者治之而已予曰善哉金君之爲廣右乎夫苟由是也以之守中國則根本固以之御夷狄則遠人懷口者邊徼諸障往往弗靈以亂其皆治之弗由其道乎於是部察諸君聞之咸以君之論治爲然曰此寬嚴之說也昔者吾孔子嘗以論政矣顧君所以用之者不同耳然猶以僻遠爲君戚予曰君往矣夫苟由是也曩日國家果有大任使議欲用人舍君將誰屬乎吾第恐廣右之民之弗獲久蒙君澤爾諸君其毋以僻遠

爲君戚也

送同年鄭廣南序

有問人才之盛衰於予者予應之曰生以地遠以時成以上之人夫堪輿清淑之氣乘山川脉絡以行是故蛟螭磅礴之處必有所鍾發其所生必多異才若吾浙之四明會稽吳之蘇歙閩之莆陽薦紳名流往往甲于他郡是其徵已故曰生以地大江以北盛於古以南則盛於今是故閩之山川不異古昔而以文學登進士自唐歐陽詹始詹雖以文學名然其功業無傳焉逮宋南渡以後始有所謂碩儒鉅卿班班然獨出上國迄我國朝而科第之盛蓋天下莫之與京矣故曰達以時以淮陰侯之

葉海峯遺集卷二

四十二

才命之爲連敖則不治而麗於法賈生三代之英也使其術得施天下功業當不在管晏後而竟以屈謫終由是觀之志士之業有成有不成上之人爲之也故曰成以上之人問者愀然弗懌既而曰若是則莆陽鄭子之爲廣南也吾不能不咎於上之人予曰是在鄭子夫曰遇則成否則不成豈鄭子謂哉連敖之不治其疎也長沙之不用其隘也夫鄭子生于多賢之地出值聖天子爲五品京官前後凡六年歷南北三部所至赫有聲譽鄭子之於才可謂足乎已矣夫足乎已者無待于外夷狄患難皆其成德之地而況於廣南哉鄭子行矣吾見鄭子之去廣南而樹勲業於明時也不遠矣既以答問者仍申其說以告鄭

子使過其行鄭子名某字諸甫與予爲同年進士時同年官南都者凡若干人咸相予爲是言

贈應子考績序

始予以縣令至孔子祀事見周旋禩獻之艱且勞也竊嘗有學禮之志及來南都爲法官日事訛鞠見論報之互有異同也復有志文法之事而未得其方居無何晉菴應子仁卿以舊法官起復來至曹事予間造其私署則見應子左刑書右朱墨離析條貫甚詳乃就而問刑焉應子曰聽如是議如是刺如是及其他皆信口答無疑予曰應子明於刑矣又一日造其居私室則見其左右周官儀禮列朱墨離析如刑書予曰噫子乃有志於

葉海峯遺集卷二

四十三

是哉復就而問禮焉應子曰吉如是喪如是賓軍嘉如是六官如是旁摠輿撫比法事加詳密焉予曰應子達於禮矣後暮月應子以考績北上同部諸君醵而祖之飲于郊諸君有曰應子行矣吾無所考刑焉應子曰刑我未之能明也有曰應子行矣吾無所考禮焉應子曰禮我未之能達也於是予與諸君咸瞿然若將有請應子曰夫禮者仁之華也刑者仁之蕞也非天下之至仁其孰能與於斯今指夫聽也者議也者刺也者以問諸人則凡掾史之敏給者舉能言之矣而其微不可得言也指夫吉也者喪也者賓軍嘉也者六官也者以問諸人則凡擯祝掌故之閑習者舉能言之矣而其微不可得言也要必有忠信哀

矜之實上下與天地萬物相流通而後能領其意故曰我未之能明達也子聞而嘆曰仁矣應子之言即其言可以爲應子贈矣吾聞應子之先大父素翁嘗以濟生之德仁諸一鄉而不獲仕進篤而鍾之應子之身應子勉乎哉異日有以學術用於時俾天下咸被其仁者必吾應子也

椿萱榮壽圖序

吳郡李予其椿萱榮壽圖謁序于東甌葉子葉子循圖而觀焉指而問曰彼鬱鬱乎喬哉若足以比十駟之勢矣此何木耶李予起而對曰椿也其喬也有父道焉吾聞之莊生曰是木也以五百歲爲春以五百歲爲秋故吾取之以祝吾父焉已而復

葉子循圖而觀焉指而問曰彼鬱鬱乎喬哉若足以比十駟之勢矣此何木耶

四十四

問曰彼茸茸乎芾哉吾諦而觀之若將有以忘吾憂者此何草耶李予復起而對曰萱也其芾而鞠也有母道焉衛風之詩曰焉得薺草言樹之背夫背者北堂也樹之北堂則有無疆之休矣故吾取之以壽吾母焉葉子釋圖而嘆曰嘻圖有天人之道二焉君子可以觀德矣李予吳人也獨不聞吳之爲郡乎夫吳於天官爲斗之分野厥徵爲壽之期於封國爲周泰伯之故墟厥德逃世而隱後嗣顯融厥山有峴丘天平姑胥包陽厥水有三江太湖滙瀆厥藪具區厥田號爲陸海夫以山以水則其民多夷曠而少憂思以數以田則其俗恒富足而無事外營吳之爲郡兼是數者是故人之生於其間者往往多壽豈不曰天乎

然吾聞之人也者天之因也苟欲其人則聞古先之風靡然起而山川之麗數用之饒適足以爲蕩心戕性之具夫安得焉故曰觀是圖也可以考見封君之德矣李予以進士起家歷縣令比部郎選爲南臺御史以直聲聞四方子舊與之同官嘗見其語及封君太安人也則戚戚然以思曰松惟弗得視膳於家是懷茲復繪成茲圖爲壽觴勸亦曰孝矣而二老乃孺然益康且裕以慰李予之孝思可不謂之能得天乎吾故曰是圖也又可以觀李予之德矣予以祿弗逮父雅不喜爲榮壽役感李之孝能得天故不辭而爲之敘其圖以復李予

葉子循圖而觀焉指而問曰彼鬱鬱乎喬哉若足以比十駟之勢矣此何木耶

四十五

商孫曠春重校

葉海峰文一卷

浙江范懋柱家
天一閣藏本

明葉良佩撰良佩有周易義叢已著錄天台志稱

良佩所著有海峰堂前稿十八卷此冊乃天一閣

鈔本所載皆禠文僅四十二頁蓋後人所摘錄非

其全集也

重鐫兩崖集八卷

〔明〕朱廷立撰

湖北省圖書館藏明朱之楫等刻本（卷五

配鈔本）

附《四庫全書總目·兩崖集八

卷》提要

重鐫兩崖集卷之一

武昌朱廷立撰

男

之楫

孫

承臯

重刊

五言古詩

通州舟中

理棹自雞鳴衾衿浥清露入夜行勿休東方流
皓素胡爲此遑遑歸懷棘秋暮聖道本悠悠升
堂始跬步歲月不待人而我乃虛度嗟我學道
心何如此行路

兩崖詩集卷一

夜泊九江

江風不可測江濤不可禦西來買客舟同行宿
同處夜聞舟中聲不辨舟人語所憂在不測更
深猶燃炬同爲涉險人殊方亦勿侶明日上富
池平地吾容與安能犯風濤鬱鬱爲愁旅相辭
買客舟行矣還憐汝

九日吳雲屏邀登羅阜山酌桃花泉

佳辰曰重陽黃菊破初冷英宰雲屏翁招予覽
玄景洗盞桃花泉振袂羅山顙遂使塵俗襟空

闊凌千頃狂飈自西來短髮亂不整緬懷孟嘉
氏而我發深省落帽偶然耳至今有遺炳況乎
正衣冠風節肅人境著聲天地間山川共常永
殷勤問雲屏此意誰當領

夜坐

攬衾坐中宵明月照我襟顧影自怡悅無識前
人心獨行不媿影獨寢不媿衾影亦何知此
心如有臨君子貴慎獨屋漏罔不欽我師發良
知千古流徽音

兩厓詩集

卷一

二

三

與同志論詩

物感情斯動情動音斯出古詩三百篇情文自
然備唐人開詞科詩道日乖異所惡非自然迎
合獵聲利今人何相沿極力事組織勞勞美精
魄翫物喪其志嬰兒學老成醜婦事嫵媚見者
咸笑之謂其終不類堂堂我

皇度試士以經義致語作詩人胡不思本始

九日林焦涯邀飲限韻得日字

茂宰敞芳席邀賓歡九日臺迴羨高登情投曰

眞率短髮鄰黃花佳木下朱實望望翠山橫飄
飄神采逸曠達龍山會夫我豈亞匹況有文章
豪縱橫五色筆分明瓊玖枝一擲輕萬鎰良辰
不易逢仙才詎可覓蹇子麋鹿羣本自丘壑質
三歎宓子琴一笑齊門瑟長空歛浮雲少焉明
月出美月重徘徊冷然見心術

寄友

朝行擁俊彥滄浪臥腐儒豈不欲同升所恨賢
與愚野鶴凌雲端鳬鳥依江隅豈不欲齊飛羽

兩厓詩集

卷一

三

四

翻長短殊人物理如此吾安事遠趨省閣舊同
心勿復勞招呼

南岑

家在北山麓涉彼南溪岑上有碧玉泉下有青
樹林息林且漱泉可以滌煩襟狂飈自西來蓬
髮不勝簪一笑舍之去回瞻思不禁

澗草

薄采澗畔草臭之有餘馨愛惜良慙慙懷袖寄
所欽所欽在何許欲寄難追尋投之澗水中悠

悠流素心

示諸生

白日落西顙明朝還東山一日復一日人生改
朱顏學道重惜時努力賢人關白日有流轉少
老無循環

辭客索文

結茅在深處日有索文使山翁非作者何以荅
同志君子重修辭立誠元不易詞客未之思直
以文爲戲再拜辭使人歸致山翁意古來金蘭
兩厓詩集卷一
交諒不在文字

招游

迴風散晴暎旭日麗春羅有鳥鳴高柯喃喃如
人哦而我發清商所思在崇阿安能鬱不歡負
此陽春和問訊城南山山中多女蘿上有蜩斗
文亦有僊人窩僊人解愛才延佇日已多待余
青精飯授之金丹歌我聞欲攬衣美人曾不過
與子事奇游胡爲乃蹉跎置身功名間逐逐終
如何

少陵草堂

子美金玉姿矯矯邁凡流逢時何坎壈賦詩無
怨尤斜日石門道新月南鄰舟此意甚高曠吾
懷如同游殷勤葺草堂重爲錄事謀堂成吾東
往何以慰夷猶望望草堂遠悠悠我心憂所貴
在同道千載真縹緲古道久不作對面相爲仇
夜深良歎息努力事前修

席上分韻得竹字贈翟魯湖

共作招提游獨愛招提竹下覆玄石樂上倚紫
兩厓詩集卷一

五

雲屋有鳥依竹間鶯鶯求其族冷然傷我懷惻
惻思伐木有斐江夏來修途信且宿豈不惜焦
勞所歡在林谷良匆豈易逢流光詎可逐幽襟
難語人聊以慰童僕興來君操觚文采爛流日
一咏一舉觴四筵良歎服至共同心言春蘭有
餘馥相見不從容相思安所暴君將遵大梁振
袂登北陸神駿自周游寧爲樞下伏明日臨河
橋送子以心腹願言覽衆妙朱絃鼓玄穆

白市驛

卷一

人間有至貴吾身非匏瓜達人自無心卷舒如
雲霞傷哉古道微末路趨紛華夫苟失所歡惻
惻長咨嗟昨日南臺身今朝捐泥沙性靈豈不
存乃爲物所遷我生未聞道讀書空五車糟粕
不適用守此何爲耶秋風歸去來感泣承
君嘉白髮不相放青山還可家采采東籬菊泛
泛西湖槎陶林稱世賢縱逸誠天驕夢寐常思
之道邇人則遐側身聊賦詩長嘯天西涯

高山

兩厓詩集卷一

六

三

高山石巖巖樵者陟其上但聞樵呼聲不見樵
者狀茲山多虎狼樵者乃無恙彼爲王人道猛
獸或相諒

述征

乙未作

聖皇撫景運大道仰昭晰維時中外臣願叩主
璋傑側席猶未暇才恐逸巖次過采臺諫言旁
收及愚劣謬拜舊銜榮載陟校文列念臣丘壑
姿翱翔中道闕咄咄鉛爲刀安能試錯節豈知
陽春溫腐朽聯芳纈奈何北堂親頭顱白如雪

游子意遑遑忍事千里別短劍復風塵私情烏
鳥切

達孝治天下旋當疏中結

太僕少卿養疾志感

慈母八十齡游子千里道感觸結中懷春暉被
春草事母與事

君長短自探討陳疾得還山恩波流浩浩行

矣慰倚廬悠悠依

王藻人生孝與忠誰能去懷抱

兩厓詩集卷一

七

三

有感

中士恥無聞奮志事觚翰眷眷作者途字字經
鍊鍛文藻雖可觀大道終焉渙何如清廟音一
倡起三歎所貴在明道藝焉乃戲玩勞勞竟何
益空令顏色換

悼漁

東鄰家水傍素以漁爲業魚何賴於人漁者求
之革輾轉一失足同魚沉水國求魚喪其軀可
以戒貪得

十月菊

二月早種菊十月花始有所期在重陽時乎過
已久落落凌清霜翩翩迎皓首眷此晚來芳時
節何足數

京邸留別相知

倉皇治圖書明發出京邑

恩慈恕臣過春溫敷腐泥須臾來同懽念別憂
以集謂余乞還山爲歲改者十廟廊但心到政
府無書人物論重廉退薦章交熠熠

兩厓詩集

末卷十

八

三

天子破凡格授予以崇級今茲誣者言乃謂干
進急如何一人身轉眼不相及余聞益遑遑進
退將焉執自省自爲謀惟求中道立豈効失路
悲且罷抱璞泣北山有茅居旋當乘時葺南村
有薄田耕鋤可得粒從此謝冠裳行矣就簞笠
同懽寄徽音爲君倍珍襲

過漂母祠

韓王遇漂母一飯報千金百戰事漢高天日鑒
其忱峻辭劇徹言比跡豫讓瘡如何語陳孫蓋

自雲夢擒匹夫明恩仇大義遂見流君子貴明
義權衡在其心

望匡廬

匡廬高不極絕頂浮天池仙人洩

帝命

皇文照四夷元公倡絕學百世我人師茲山在
宇宙豈獨形勢奇風雨阻登謁孤樹重懷思未
尋濯纓處已識洗心時生平向往意沉沉惟自
知

兩厓詩集

卷一

九

三

五

東鄰女

東鄰有女子老大聘不至家貧難自支織機以
爲食織機成文章縷縷見心事受值入豪門裁
爲合歡被

西鄰婦

西鄰有少婦生長山村裏但識事姑氏不善和
妯娌一朝被讒言咄咄難自理姑愛浸以移夫
歡若逝水落落守空房新人猶見舊寒暑迭更
易容顏豈昔比事久讒見明天日始得視東鄰

婦來顧太息時晚矣婦云幸讒明妾心良獨喜
區區顏色間何足論醜美

結屋

謝跡南宮官結屋北山曲一身自容與何得言
跼促農事日以諳饑殍近頗足俯仰天地間豈
應徒食粟新水池魚歡晴溪山鳥浴物意自好
潔吾當從所欲

名榮

名高毀卽至榮來辱便隨知幾元達者安用名
兩厓詩集卷一
榮爲權門雖易通天命詎能移如何用黃金而
乃買身危

溪上

維水本無浪風吹浪斯起浪本無定形風熄浪
斯止人心無風浪胡不若止水

贈徐龍田北上

獨羨龍田子昂藏不可京讀書萬卷足落筆詞
林驚强年領鄉選駕言謁

承明臨期辭母氏淚下不肯行菽水與斑斕願

以娛慈情母氏曰不然父訓稟如生豈獨不睹
記乃視功名輕男兒志四方孤矢兆遐征安能
無所事鬱鬱守柴荊菽水雖不薄終非列鼎烹
斑斕雖可歡何如衣錦榮我心良在茲汝行勿
緩程子乃收淚謝出門秋色橫彈劍正快意萬
里飛英聲

述感

古人懷仁厚一飯必報之至今里黨中難泰相
問遺嗟彼食園食一家無愁饑盡職乃爲報後
兩厓詩集卷一
顧恬未知昏者肆其貪暴者傷其慈親民戚與
休邇不關思惟受牧戕牛羊爲農毀鋤基得值
敗乃事此謂反其施官箴日以解仁風日以靡
曾不如里黨古人安可追

兩厓詩集卷之一

兩厓詩集卷之二

武昌朱廷立撰

男之楫

孫承臯
承耀 重刊

七言古詩

雙鳳吟贈吳雲屏其時令子登第

吾聞滇南之野鍾靈符老鳳長辭雙碧梧雲霄
速志不可禦翱翔旋轉呼其雛雛兮一朝羽翼
成追隨老鳳相飛鳴古來鳳鳥不易出分明天
地開精英方今

兩厓詩集

天卷二

一

五

聖人興禮樂五鳳樓高亦阿閣鳳乎來今還此
巢瑞氣英英明九苞方今臺省登諸公賡歌亦
與虞廷同鳳乎來今還此舞揚輝耀采人爭覩
向來林莽多鳴梟陰風雨夜何煩囂正聲一出
和氣應吁嗟爾醜俱潛銷我歌雙鳳吟冷然百
感深滇南何許渺難卽不盡相知相望心

壺公山行贈鄭于野

吾聞壺公之山來自崑崙數萬里障百川臨海
門鎖人衆其高不可極其險不可攀望之有時

出雲氣須臾霖雨霑灑閩之間一日山神謁天

門承

帝紀帝曰汝神與雲致雨易事耳何如生賢誕
秀霖雨天下焦枯起神生于野開其先長髯異
骨人中僊少年讀書破萬卷落筆髯生雲烟
神龍安能終隱淪威鳳孤鸞不可馴諫垣奏牘
動

天子直節勁氣驚人兩來振袂登銀臺臨春
畫鷁乘風開南都固是根本地北關還須將相
兩厓詩集

天卷二

二

五

五

材嗟乎丈夫事業圖弗壞流光輝采無疆界乃
知

帝命爲蒼生神功寧爲閩中隘吁嗟乎壺公之
山眞作怪

寶婺吟壽張母屈夫人

寶婺中宵采欲流青鸞使者下仙樓張家有女
云初度瑤帶雲裙飄素秋司諫朝從青瑣回爐
烟猶襲流霞杯膝前有子乃如此歡樂容顏老
不催憶從人遠蘭幃空有子方離襁褓中寸心

但爲張氏耳那計水霜與我同君不見五色雲
阿母組與子爲衣敝還補又不見熊膽丸阿母
調令子讀書昏與朝至今令子黃門裏獨立凝
然何所倚補袞還自機中來調羹豈外閨中理
吁嗟乎商鼎重舜裳新司諫鴻猷母教諄紛紛
簪笏何可數虛負人間男子身夫人之壽壽無
垠匹夫之壽安能倫

九宮行

嗟乎九宮山高不知幾萬丈神鰲移來自海上
兩厓詩集卷二
天地東南有偉觀鬼琢神雕誰可狀千崖萬壑
何龍從東與蓬萊相竝雄至今海上羣仙會共
羨中原有九宮兩厓山人頗好奇登賞每與茲
山宜天風爲我吹陰翳白日爲我開心期捫蘿
振袂歷茶寮古廟丹青鎖寂寥飛泉噴雪萬仞
下而我髣髴聞風潮穿林下坡復上山兩峯離
立爲仙關凡夫到此不敢上恐驚天上真人間
歸雲橋轉萬竹連石屋雲開生翠烟側身已覺
不在地仰面長嗟真上天當關巨石誰所闢云

是仙人試劒石石上何人更作亭奇字殘碑猶
可釋千盤百折到官門怪松倒石驚人魂向來
他山望不極爾今眇小如兵屯巒迴徑轉忽平
衍雲間隱隱聞仙犬羣峰環抱中如村直造天
壺興不淺道人相見朴且野無乃桃源避秦者
陶姚仙臺日在眼花木當窻秀而冶東溪西溪
襟帶流龍巖虎巖佳氣浮地高鳥雀不得過潭
光隱見蛟龍游入夜仰天天氣清撥雲峯頭斜
月明明朝山下人傳說昨夜滿天風雨鳴吾聞
兩厓詩集卷二

真人管棲此解道談玄得宗旨奎章遙下天子
庭遂使茲山遍金紫真人乘雲不可尋蟬蛻猶
存香火深謝公詩句天下重我輩疎狂時一吟
鳳凰山駱駝嶺青猿洞白龍井面前俱是空中
景會須揮灑琉璃篇景物文章共馳騁君不見
周子著書南岳側七十二峯皆變色又不見晦
翁鼓枻武夷濱九曲之水皆精神

中秋夜坐

太陰之精秋最白歡賞猶記長安宅有時風雨

渡中秋冷落杯盤愁坐客村中此夜亦風雨百姓歡騰手加額艱難生意在秋苗等閒涓滴俱膏澤青天之下浮雲耳雲去清光還可獲賞情何必在中秋自是人情喜時格明朝拄杖過溪南笑見南金滿阡陌

攬衣行寄張圭山

癸巳作

攬衣夜渡張公壙深谷幽崖豺虎號絳紗幾點照藍輿嵐氣陰風侵鬢毛道傍秋草蟲聲稠高枝何處號猿猴物類乘時各自適紛紛那顧行人愁行人愁思何時紓美人別我樓巴渝思君此夜不可了清淚爲君如連珠論心從此話疇昔鴈蕩音書慰愁積語君慎勿棄山人閒廢之身還愛惜

東軒山水歌

甲辰作

嬾吏常遭朝士嗔黑頭上書辭紫宸當軒築室不盈丈中有異石高於人石乎玲瓏開八面峇鑿何有元天真陶盆乘水水清絕雅與此石爲芳鄰有時平分洞雲濕有時招

來山雀馴有時雨過長瑤草有時日出浮嘉鱗陰團六月不知暑花開四季常生春嬾吏呼此爲知己一日開軒應幾巡客來相見咸相詫疑是神圖山水形縱橫點染不可測至今筆跡渾如新我聞五岳高不極斷崖絕壁難容身又聞五湖闊無際狂飈巨浪驚人神此中無險自無懼卷石勺水終堪親吾心動靜此可識千流萬結皆前陳

牡丹花

兩厓詩集卷二
牡丹花開亞東榭爛熳芳姿春可借此是天工試巧時花神亦豈需高價去年花開酒滿前今年花開獨醒然花開未減去年好底事東君無酒錢谷風過雨花低垂東君心事如相知人花相對自相醉何必笙歌行酒卮君不見長安豪門此花有每遇開時羅組綬一朝失意園成墟芳姿便落尋常手吁嗟牡丹花托根莫厭儒生家

有鳥篇

有鳥有鳥巢南枝引雛出巢如出籠風吹雛
雛落泥余舉還之勝其危羽翮已傷當春曉一
日高飛任所之雛今不畏迴風吹翔翔那念人
扶持丈夫憐材恒如斯報施何所庸吾私

饑民謠 甲辰作

官倉穀少饑民多張口嗷嗷將奈何縣堂點名
辨菜色胥卒從旁多怒訶中有低垂羞不出前
年猶能作殷實吁嗟爾曹尚如此何況饑寒
平日郡官揚鞭自西來傳呼明日官倉開老
兩厓詩集卷二 七

呼兒荷檐走且攜舊金揮塵埃須臾都臺降
則十夫向前九不得吁嗟不得只須回號泣郊
原盡匍匐君不見公門使費何處補豪家取息
猛如虎又不見向來呼兒攜釜翁夜來已矣茅
屋空

鬻女行 甲寅作

河南之野楚相連水旱其如年復年嗷嗷餓夫
不自保鬻女聊爲鬻眼前女子何曾出門戶誰
意流離備艱苦此身已與路同途猶自回頭望

鄉土昨日主人方識面券墨未乾已不見今日
主人來促行今主明朝應復變輾轉相販償值
高本來價值輕如毛女身飄泊已如此誰憐養
女空劬勞

士兵來 丙辰作

士兵來萬家哀劫財殺人如蒿萊長江浮屍如
浮埃傷心白日生陰塵倭夷猖獗何時摧連年
調爾爾空回誰憐兵餉日夜催民膏供爾何爲
我出兵還須節制才平時訓練乃根荑當今守
兩厓詩集卷二 八

官省與臺聞說談兵口不開題勲銅柱何難
要識精忠老未灰

蟠龍山歌 癸巳作

岷峨東來雄蟠龍諸山纍纍兒孫從千崖萬壑
不可盡伊予爲爾開顏容石梯澗道稀人行上
有古樹當風鳴須臾雲來山不見只尺但聞樵
斧聲攀援忽到洞門前洞中滾滾流源泉泉流
直下萬仞壑牽風縹渺飛長烟心驚疑從銀漢
落星粟奔起此連絡望之絕險杳難卽安得仙

人雙白鶴巖花曾迎北來節秋風又送東歸轍
日暮徘徊宿野館青燈照人半明滅夜闌搔首
放長吟寥寂那能尊酒深不須對景增惆悵蟠
龍之山知我心

石門歌 有序

余舊聞石門山勝矣秋爽動興肩輿訪之
徘徊日晡誦子美石門斜日到林丘之句
若爲余言者用爲韻作長句云

君不見石門奧區多興迹兩峯並如兩虎盤千
兩厓詩集 卷二 九

尋絕壁橫當中風節誰能如此石絕壁劈開曰
石門神力渾無斧鑿痕伊余循澗且直造始覺
源頭還有村村中四處皆人家夾道松杉爲雀
譁時和遍地嘉禾熟父老歸來日欲斜此中舊
識情仍密一笑相逢話平日自云長揖謝塵網
只尺石門嬾不出延余開尊對石林酒嚴力弱
醉易沉登輿一路放長句流水高山獨賞音此
心樂處卽丹丘客子何須慕遠游眼前有景不
樂縱得丹丘意不投

賈客馬

賈客市得紫馬自云來自冀州野骨尻毛尾
苦不奇之無顧者豈知登途如雲馳神
品嘶風不可羈道路尚如此而況康莊展
足時昔人空羣在冀北爾在羣中當出色名都
相馬亦留良無怪山中人不知昔予考牧歷南
潞雲錦成行千萬即令肥澤雖可喜步驟那
能此馬如王孫俠客多少年馳騁無分醜與妍
垂鑄磨度黃金絡黃鳥斜窺碧玉轡此馬寥落
兩厓詩集 卷二 十

翠柏堂篇

嗟乎翠柏堂阿母燈苦節貞姿翠柏如孤孀對
此歲復歲一任紛繁事竟虛莊姜阿母本同流
阿母何曾讀柏舟會識人心自靈異相埒何必
在相謀 褒書一曰曰
天來赫赫煌煌燭草萊丹心亦只爲夫故豈意
聲光如此裁縞衣一去不復至此柏猶爲寄心

事鳴風彷彿太息聲哀露猶疑哭夫淚嗟乎母
亦人間婦女耳植立綱常有如此男兒作偽希
榮名適使其名汗青史庠宮有客云雙泉殷勤
索我山人篇披圖無限傷心事筆陣縱橫飛翠
烟

兩厓詩集

卷二

士

詩

兩厓詩集卷之二

兩厓詩集卷之二

武昌朱廷立撰

男之楫之柱

孫承臯重刊
承燿

五言律詩

至諸暨

銅墨行鄉縣扶筇皓首迎弛張從我出欣戚與
民并猶是書生性羞稱俗吏名操修端治軌節
愛乃工程

越嶠分符日琴堂慎步趨郎官應列宿民事試
兩厓詩集卷三

文儒獨鶴宛相識雙鳬似亦誣所期在安輯簿
牒苦無拘

晚眺

晚眺盡川原心襟已滌煩舟從別渚去人自近
村喧官飯魚鰕足民嬉禾黍繁邑中能見諒日
暮未關門

循行

暇日事循行谷風吹旆旌問知民疾苦須尚政
寬平樵牧忘官長琴書口宦情村村農務急自

可緣繁征

父老出深谷周旋話頗長余攜有公廩爾勿載
壺漿煮茗就僧舍題詩坐石牀村中自安業吾
敢事更張

舟覽凌空闊輿游傍翠微鳥窺淮地釀花柳縣
官衣吏隱名兼得山川色並暉觀民有密意眷
此未言歸

春行畿輔

驄蓋行畿甸春融意自新澄清憐范轡振激想
兩厓詩集卷三

張輪地重舟車會時平甲第新所持在觀察何
敢事逡巡

遵化道中

牙璋辭鳳闕春服繞山河盛代無忘戰村居亦
負戈草深樵徑隱水曲野橋多風有澄清志才
非漢使何

順慶行院次戴龍山韻

退食簿書淨臨風欲振衣數花紅半在愛竹翠
重圍合雨雲將歛通池水漸微鄉關東望極鴻

鴈不西飛

棲樂寺用前韻

冒雨來棲樂巖花映繡衣山窮雙水抱寺古萬
松圍石洞仙源遠禪房僧語微長天寄清眺吾
興與雲飛

江亭

役役苦爲吏蕭蕭偶對經一尊江上酒雙鬢樹
邊亭鷗鳥隨人白家山何處青郡郎如有意遠
送棹歌聲

兩厓詩集卷三

七夕

七夕今夕是誰憐萬里游兒時常喜節客抱更
傷秋風色初侵葛砧聲遠入樓謀歸無巧思問
月與人不

灌縣院中聞江聲

江水分花縣洪聲日夜聞金戈騰萬馬號令肅
三軍應是通銀漢還看洗塞氛濯纓俟孤往刻
燭且留文

徹底關卽事兼懷南江孫先生

野館聊停憶觀奇興亦騷巨濤翻石壁獨索渡
村膠過棧懷秦壤投荒情楚豪臨風有惆悵短
髮不勝搔

汶川縣

絕壁真天塹飛湍動地維心驚三峽險鰲負五
丁移邊徼遁豺虎陰風斷鼓聲

天王重西伐吾敢借驅馳

清風亭

亭館饒幽趣行吟枕簟隨盆池時浴鳥簷竹故

兩厓詩集

卷三

四

五

橫枝短葛何愁暑清風還可期繁多侵病骨對
此卽尋醫

東歸宿太平驛

邊郡聞

新詔圖書問舊程臺官虛六載綿力媿諸英白
也論文興參乎傍毋情蜀江秋尚險吾且近山
行

書簡州院中

古道岷江險歌傳蜀道難世情總如此宦海孰

云安昔觸朝中貴心猶夢裏寒東歸幸無事感
泣
聖恩寬

資陽道中

天地容吾嬾烟雲送客歸罷食行署廩薄采故
山薇用拙從今好求知覺昨非北堂有慈母日
舞老萊衣

長壽山館

長虹收急雨虛閣失餘暄鵝鴨歡新水牛羊識

兩厓詩集

卷三

五

五

舊垣撥悶詩章細還家松菊存遙憐塵市裏日
日醉王孫

過石梯

幽徑石爲梯芳蹤樹杪齊竹深不見屋路轉忽
聞雞人語空山應舟橫野渡迷所經多鉅麗取
次入留題

望江頌

路入望江類籃輿快一登山光森萬象禪榻坐
孤僧俯瞰黿鼉見平看鷹隼騰同行有仙侶得

句頗相稱

翠屏寺

晚踏翠屏路陰陰多樹林僧來知寺近橋迴譙
泉深窺閣明新月清烟浮遠岑登臨寂萬慮聊
放楚狂吟

江南考牧趙洪洋詩來復以藥丸處酒是
遺奉次原倡

東葛淒涼夜風燈百感牽寒枝愁宿翼斷岸寂
漁船看劍懷京國攤書見昔賢洪洋有高調持
兩涯詩集卷三

向至人傳

亭上清商歇泥途別思牽金丹回病髮處酒豔
江船依泊憐滌景遲迴仰世賢燈花各今夕密
意友俱傳

江浦懷會韓少厓九山用韻

江口仍風雨愁多病亦牽已辜乘雪興猶阻背
潮船悵望虛三楚相逢復兩賢詩篇盡遊覽歸
向故鄉傳

歲晏同趙洪洋登豐樂亭和韻

登眺從清獻移尊與更幽雄篇山鬼避高憤石
雲流水葉隨寒盡溪鳬向日浮餘聞應
帝澤慷慨壯心酬

舟發瀟湘赴侍御朱思齋之約

江口人傳舊沙溪夜解舟天風何太急野客正
夷猶本爲金蘭契寧就山水遊幾年愁寂意明
發向君投

富池候思齋不至

何處尋霜節逢人問訊勞猶傳駐鄂渚無乃阻
兩涯詩集卷三

風濤脈脈烈溪棹悠悠動楚騷獨憐分別淚未
灑使君袍

湖泛無幽浦烟浮接斷洲懷人不可見回首豈
勝愁文藻虛今約形容異昔遊惟有綢繆意相
隨到越州

泉港道中

嬾吏歡遊處人家近古虞不知村裏姓數問馬
前夫老圃收山芋秋田散水鳬面前自有景吟
興未全孤

飲許處士宅

歸踏厓坑路因過處士家橋通山徑曲水抱女
墻斜芳席開霜橘幽香報晚花對君多道氣疑
泛斗牛槎

微夢亭

茂宰今游宦多年夢裏曾花封臥可治草閣醉
猶登冠蓋疑山鳥盤殮逼石稜青霄同壁立此
意許誰能

雨霽

新莊詩集卷三十一
八
春村初過雨萬象總森然草潤山容麗池盈水
面圓開圃蔬堪摘題詩竹可鐫前村過野叟相
與卜豐年

夜宿廬居

池館依鄰樹茶爐遠俗驂襟懷秋更淡農圃晚
浸諳鼠響真貓嬾魚稀惡獺貪村杯有新釀對
月且須銜

中秋望月

天上豈無月清光望不來秋雲亦偶耳晚興更

悠哉高客元非約清尊喜共開會須風力健萬
里捲浮埃

石榴樹下偶成

墻下雙榴樹陰團日已中不及分鄰舍惟堪坐
王翁葉颭單衣綠花低短髻紅漸欣煩暑却鈔
賞意全融

苦雨

炎月苦不雨秋陰何太頻曾爲憂旱者轉作望
晴人抱病謀生拙逢時治稼貪定知

雨齋詩集卷三十一

九

廟廟上蚤夜贊洪鈞

朱赤崖夏少航夜過山齋

暮夜來雙隱山翁興自嘉坐饑傳棗栗話久但
桑麻花氣飄憲暗星光向客斜明朝是春社攜
酒集田家

翠屏寺登眺

寶地多幽勝登游思欲飄山橫餘萬竹路盡得
雙橋雲濕衣裳潤林芳鳥雀嬌況有樓居好瑤
琴自可調

龍巖寺月下偶成

明月清和夜攜僧見性靈
憲虛樓滿白山近樹
交青尋洞歸龍護談經
倦鳥聽詩成多遠思短
袂舞中庭

登九宮山晚宿石龍觀

疎雨催芳屐輪巾轉石龍
泉傾萬斛雪樹喊泉
山風玄覽空三楚
遐登繼九宮浩歌天已暮
列炬對長松

癡遊贈廖漢崖

兩廡詩集

大卷三

十

五

壯歲遊場屋逢君愛獨深
談詩分旅榻謝卜解
囊金黃鵠牽離思孤鴻斷
好音山中今日登青
髯白俱侵

熊東溪過二水別業

溪水雙流處山翁小築成
羣虫侵曉動萬木向
春榮撫景驚時序連鑣樂
友生獨憐身在感
慨有餘情

疊前韻

共約花間臥言詩竹裏
成問魚過北澗得醉倚

東榮曉際愁霖歇春田野
水生村中諸事淨幽
賞不勝情

入朝

寵命下滄浪頭顱忽已蒼
向來麋鹿伴復此鷺
鷗行踈野綠離索趨
謁媿贊襄會須効涓
滴報
荅海恩長

又

肅肅瞻

端拱熙熙見古唐朝班稱
濟楚野性獨倉皇世
雨廡詩集

大卷三

十一

五

事殊今昔人情有變常
由來章句士不曉濟
時方

遣祀

庭遣承

天語冰兢出鳳城工成修
報祀禮代沐殊榮雄
造山河麗長同日月明
還當見丹陛仰慰
聖皇情

退朝偶作

嬾性亦何慕退朝閒有餘
閉門從客罵媚竈任

吾疎寥落杯中物懷思江際漁初無涉川策須
上乞山書

退朝事自少旅坐獨愁生故國音書斷比鄰
杵鳴塵埃欺病客雲水引閒情何日扁舟去
歌頌太平

舟中

國恩何可報孤棹重猶夷不爲來無補寧慙去
已遲南旋隨鴈盡北拱逐星移此意誰堪語江
流照自知

兩厓詩集

卷三

十三

五

書真州壁

持斧曾遊此今來一月餘病炎秋尚淺問藥日
無虛舊與人皆老新逢憲太疎但有容身處心
安卽廣居

江浦道中

落落遵江潯徐徐動楚吟長風吹短髮細雨潤
煩襟秋草嘶歸馬烟林下倦禽所逢多足意不
必問升沉

巢縣道中

行行望吾楚日日是鄉細雨初辭暑清飈欲
改裳賴有尋詩苦因忘歎路長到家無長物一
笑解奚囊

潛山道中

曲曲潛陽道晨遊野色聯危橋却瘦馬清露寂
新蟬杵暴林中屋溪流山上泉顧瞻且緩轡漫
續白雲篇

恒山龍泉

名山天下聞靈泉氣自芬從空千仞下到地幾
兩厓詩集

卷三

十三

五

憩王氏山居

周道曉驅車田家憩午餘炊烟浮樹杪野雀集
庭除山近樵歸早雲深客到疎明農吾已久臨
發一躊躇

得少湖翁書

矯矯南宮老勲名衆所欽日邊勞寄錦山裏重
於金字字牽雙淚行行繫寸心感懷無處盡惆

悵碧雲岑

遊雲梯寺和林焦涯韻

登覽元無約山僧何處歸村醅呼可得禪榻坐
生輝野水團雲鑑寒花繪石衣諸君有佳思揮
灑迅如飛

晴天羣客集落日一簾歸舊雨宵曾聽空山
自輝醉矣頻依樹狂來欲振衣忘機憐野鳥故
故向人飛

青山看轉好不醉亦何歸問酒山童至留人晚
兩莊詩集卷三

照輝倚翠還移席臨流暗濕衣野情勳業薄天
際淡雲飛

和林焦涯春遊之作

郎星輝昨夜仙葢動春朝竹馬村童狎梅花地
主招驚袍明澗水鳳吹響雲橋百里皆吾舍何
須歸思飄

二月雪

二月忽有雪飄飄漫及門鶯遲先解冷草出誤
貪溫稚子能吳詠鄰家送越尊圍爐燒芋栗真

率古風存

村中偶成用舊韻

芳辰半雨晴獨吟還獨行雲來不見樹鶯轉但
聞聲雞黍村翁約池塘春草情酒餘花徑裏笑
作醉先生

送陳少岳侍御守常州疊前韻

春雨夏還晴送君吳下行雀袍將

景命鐵面乃先聲解識觀風意翻爲保子情所
游俱是道隨處繫蒼生

兩莊詩集卷三

舟行再疊前韻

愁雨偶然晴乘舟自在行岸沙明鳥跡澗水應
絃聲結網須漁者羨魚非我情酌泉近古洞飄
飄清思生

過多寶寺

寶地珠林勝來予野興漫時霖飛六月豐草染
千山睡醒遊僧去忘機倦鳥還自懽塵事少不
羨上方閒

贈余子善

有美自不俗猶憐混垢氛方書持贈我詩草
酬君藥搗青松月尊開白鶴雲誰爲醫國手
數未前聞

愛山堂詩集序成呈林焦涯

一諾連年負猶忻帶雨成癩殘真野性雄麗本
元精白髮燈前亂黃河筆底清願言事適徃文
字見交情

雙鶴

攜來雙白鶴鳴時遠可聞松眠形斷影庭舞跡

納庵詩集

卷二

十

百

美

成文獨有琴堪侶難爲雞與羣臨風息他想報
荅王恩勤

徐醫士惠酒

徐老興何長攜尊及草堂開知越地釀醉發楚
人狂醫癩思尋藥剽愁早得方感君相念意聊
贈錦雲囊

席上奉和林焦涯韻

仙令開尊處情溫亦若春風簷來燕舊池柳候
鶯新人醉花饒笑詩成雨更頻文談有餘適何

必重逡巡

山行

山舍路迢遙行行興未消秋霜凋密葉鳥雀點
疎條石洞寒雲敞牛羊晚牧招此中觀物理吾
合老耕樵

夜酌山寺

到寺日欲落徘徊晚興饒文游懷舊日情洽獨
今宵竹葉橋邊問梅花笛裏飄會中有公瑾一
醉未能消

納庵詩集

卷二

十

百

美

陳易齋招飲

仙令臨春酒招賓細共斟乾坤浮淑氣日月照
冲襟變理台臣手宣揚漢吏心明農吾已熟早
晚動謳吟

谷中偶述

解綬自南宮結菲雲水中山環手可及徑曲力
能窮鳥雀貪林密牛羊悅草豐吾懷與物意相
對覺冲融

至嬾谷

巖谷多幽勝山人性頗耽張衡愁自遣阮籍醉
何堪兩出皆成拙重來獨覺慙所忻精力健猶
可督耕蠶

過溪翁兄墓

溪水流如舊溪翁去不回雲深棠樹寂天遠
鴻哀獨憶當時事誰銜此日杯辭邀別村叟衡
暑出山隈

新硿

深硿有隱者明時多異材人同山鳥倦心向蜀

兩厓詩集

卷三

本

百九

蔡開但使干戈息誰思軒冕來古今憂國士不
論在蒿萊

靈泉寺晚坐

村舍酣秋酌山門坐夕醺鐘歸依梵鳥山渡護
龍雲蓮座通泉脈珠林耀水文前遊今已久聞
訊舊僧勤

南村

習靜深山裏新來事頗生耕耘徐穉分婚嫁幽
長情移竹綠不減賞花紅漸盈舊時多短述刪

洗未能清

過熊南塘別業

遠赴南塘約秋尊坐夕醺巾袍堪避世標格獨
憐君雀結千年秀芝成五色文青山容白髮共
臥九宮雲

楊平石伯仲過訪徐小白留題水雲亭予
聞而次其韻

芳榭輝晴曙黃花報晚秋喜看連壁過何數天
殊游亦管逢高手青山陟上頭媿予自離索悵

兩厓詩集

卷三

十九

百九

望意空稠

喜小白見訪

京邑違千里滄江臥十秋自安三畝宅誰羨五
湖游高士能青眼雄篇向白頭夜深懽不寐此
意亦何稠

疊前韻

黃菊冬猶豔山堂坐似秋獨餘談藝興誰共賞
花遊孤秀還凌雪多情尚戀頭開扉白也過爲
爾話言稠

同赤厓過溪南

偶出失攜壺青錢何處沽桃花從爾笑竹葉豈
吾拘婦女筐新菜兒童籠乳雛獨醒覺春事農
時安可逾

邀赤厓起瀆起謙起徵起巖起明承教春
酌

叔姪春相晤溫然愛自敦會稽棋局興阮氏竹
林樽岐路從人競心期對酒論儒家風味別笋
蕨滿盤殮

兩厓詩集

卷三

上十

三十一

席上蒼林焦厓用韻

明府當春晝邀賓對衆芳風流誇獨擅文藻喜
兼長勸酒勤吳詠題詩許楚狂自矜頭盡白復
此日徜徉

冬日田舍卽事

南省歸來東爲農溪澗旁水車如月滿石堰儼
虹長荒畝高堪灌明年懶不妨偶然有機事撫
掌白鷗翔

徐東谷惠朱鯉

東谷棲高士朱魚惠所知繞盆凝短袂躍水騰
芳巵正色從吾姓殊形詫市兒何須傳錦字相
賞見相思

病中陳易齋諸公見顧

問訊勞仙客遙遙見野情隔窗呼掃舍撫枕聽
揚聲尊酒聊踈闊心期自送迎會須蘇病骨還
結歲寒盟

至隱水村

幾年違隱水今日復巾車青山朝俗士白叟病
兩厓詩集

卷三

上十

三十一

儒書宿鷺秋塘淨霜林返照疎興來雙足健藥
蝕莫隨予

有感

兵戈騷屑甚端居心膽寒如何司牧養在處有
貪殘赫赫厓

龍詔駢駢盛多冠不應郡縣吏獨數漢時官

倭平喜述

聞道東南靖應知逸

聖躬乾坤長泰運神鬼護精忠炎海仍題柱扶

桑見掛弓山中有哀白擊節詠膚功

贈程竹泉還休寧

惜別行遲遲重來未可期停舟依石洞灑淚落
江湄青山歸獨隱白首欲何之羅阜齊雲月相
思如此時

兩厓詩集卷之三

三

兩厓詩集卷之三

兩厓詩集卷之四

武昌朱廷立撰

男之楫

孫承舉重刊

七言律詩

縣臺閒詠

綰章結綬越江頭為政心清事自幽大地春融
花笑客閒居晴暎竹依樓一庭鳥雀文談靜四
野桑麻俚唱稠五泄勾乘俱勝地鷺袍青蓋憶
登遊

兩厓詩集卷四

縣署對菊

官舍春移菊滿臺退居為爾幾徘徊初英未冒
重陽兩晚節堪陪十月杯落落惜無他客共暉
暉如在故園開天涯懷抱忘蕭瑟應笑陶潛歸
去來

遊五泄山

楚客曾聞五泄山分符休暇得躋攀羣峯巖巖
虛無裏雙髯飄飄俯仰間吳越東南瞻柱石
龍今古兩區寰景濂文公壁試問詞林

與班

諸暨郊行用韻

理人無策獨心勞墨綬銅章行草蒿雲嶠嵒峩
盤石徑湖天空闊簫風濤花前忽動滄洲興馬
首堪憐赤子號時正陽和農事急漫隨父老餉
東臯

行遊鄉縣不知勞攜有壺漿藉野蒿茅屋午餘
猶宿火湖田春盡尚驚濤孤舟江口人初渡落
日山中鳥自號竹馬爭來旋散去清清迂令倚
西廡詩集卷四

慶寧

循行宿洞巖寺

月明院落樹陰層兀坐蕭蕭寤未能天錫疎慵
夢忤客身必閒暇便如僧盤飧自辦無兼味
彥相過共一燈郡吏昨來催賦急試看茅屋有
人曾

宿三德寺學前韻

省農晚入竹松層政在親民猶未能實地琴書
稀候吏石樓鐘磬有歸僧徘徊初出千峯月題

詠高燒半夜燈窮谷自來人跡少郎官停憶獨
吾曾

離諸暨是日值雪夜宿楓橋公署

作縣已從水上立趨朝更向雪中行宦途涼
令儒家分谷口悲懷父老情野館此時猶舊令
越江明日憶山城芻蕘四載勞民力報爾無能
媿自生

登維揚南樓

白簡清樽水上樓長天極目思悠悠潤城山遠
西廡詩集卷四

西廡詩集卷四

三

吾能借江岸花明春爲留北使頻將封事報

中朝過采侍臣謀楚雲何處迷親舍倚檻微吟
生暮愁

淮海巡嵯

天子臨軒遣侍臣南趨驄馬敢逡巡民間聞道
稀鹽味邊計懸知在海濱彩服仍離歡舞地青
春獨伴寂寥身揚衡早有澄清志應笑豺狼委
路塵

移江逢李空同督學

河上仙翁采藥旋江頭楚客得留連談詩海內
無天寶述故中原有史遷當日諫書高厚鑒
先朝盛事夏夷傳多才自古還多忌誰惜賢豪
隱石泉

霍兀厓內翰寄示近製

學士英風不可攀文章展讀見容顏分明天地
堪經緯卽見聲光起懦頑禁闥功名長孺偶嶺
南人物九齡班如公文行元雙絕禮樂成周引
領還

兩厓詩集

卷四

四

三

五

張甬師司成書來

夫子文章古亦新投教語入幾微楚中雨露
餘芳潤江左風烟未席違公論久曾歸太史明
時端合老黃扉棟梁榱桷看先後肯憶鄉園便
拂衣

池亭獨眺

法臺嚴邃覺蕭森亭枕方池詩可尋新筍日侵
官舍路斷雲時動故園心邗溝近落帆檣影院
樹高將鳥雀音國計古來勤煮海會須馳逐荅

恩深

尋瓊花陳迹後人以八仙花代

瓊花昔豔廣陵城已矣孤臺尚有名誰把八仙
來代汝獨疑別種迴難并江湖詞客招無返晝
夜春風吹不生遙憶奇葩在當日何如憐惜後
人情

許少華駟卿惠詩次韻奉酬

月卿向暮傳書至星使臨春載醞來海內叅詩
誰上乘水邊談舊獨深杯張騫槎自銀河下祖
兩厓詩集

卷四

五

五

逸舟從澤國開此去早攄匡濟業知君元是出
羣才

巡鹺事竣

恩勞金幣羊酒賦詩志感

歲有餘縉百萬逾海邊竣事問歸途地官奏入

天顏喜中使傳來

帝賜殊敬羔羊明素節拜嘗內釀醉微軀尋
裁文繡爲華服步履矜持敢負儒

過中丞周泉岐晚宿三屯營

幻光晴映千峯外，多服春行萬騎中。督府杯觴欣妙論，屯營香火羨精忠。

聖朝自伏安戎險，諸將全收不戰功。獨有年豐猶未卜，少陵憂思老農同。

賑濟畿輔

恩賚金幣竊賦一章

畿輔頻仍逢歲侵，詔書遣賑及臺簪。仰思

宵旰憂民意，俯切涓埃報。

主心上賞豈應常，分得中才何幸。

兩廡詩集

卷四

六

三

特恩臨白金彩幣，相焜耀感激孤懷。淵海深

永平羣盜就擒

恩賚如前再賦一章

永平城外寇縱橫，甲士揮戈一掃清。烏合方多

無節制，鷹揚自是有威名。離明元不遺微小，晉

接何當逐老成。臣子懷

恩酬未盡，更須投筆請長纓。

保定院中對月

萬里遙空共照臨，一庭明月照孤森。可憐良夜

無芳宴，酬答清光但細吟。隔葉宿鳥窺不語，周垣高樹坐移陰。客中孤寂渾忘寐，異國沉沉懷母心。

寓善果寺用舊韻

侵曉西山過雨時，餘芳小豔故垂垂。雙槐陰邃鳥初散，獨院涼生人起遲。蒼狗白衣何足計，碧天紅日自相知。多愁楚客還多賦，惆悵風前有所思。

河中次張蘆江道長韻

兩廡詩集

卷四

七

三

客子徘徊春欲暮，故園想像歲初長。簡書自遣星軺急，歸意空隨旅鴈翔。暖入鸛裘風日好，晴搖馬勒水山光。年年肉食慚爲報，獨倚庭臯思轉傷。

平谷道中

檀州東下連平谷，盡日馳驅興亦濃。潮白兩河潌若帶，烟雲層嶠抱如壖。人耕戰地緣諳武，官少軍儲却自供愚瑣。逢時須奮力，年光易老好顏容。

夔府謁武侯瀛溪潛溪諸祠登白帝城望

少陵草堂

江城懷古一淹留風雨斜侵病客舟一月廢詩

非畏杜二毛學道獨慚周爲郎曾有青蘿賦入

蜀先登白帝樓秋水卽看浮八陣名兼忠勇起

孤愁青蘿潛溪家山予今諸暨時過其下爲賦青蘿

雲安

江上依依秋已暮山高猿嘯陪增哀一燈夔國

憐人病孤檣雲安負菊開苑囿不回麋鹿性

兩厓詩集卷四

八

廟堂豈少鳳麟才未須倦客重招隱日日吟懷

爲草萊

至隆橋驛次何沅溪韻

積雨方晴行思飄溪添薪水尚陵橋秋空悵望

銅梁近野館遲留錦里遙簷菊參差鄰客髻斜

歌長短出林標楚峯何事回來鴈鄉信憑誰達

寂寥

同張北村諸君遊中巖寺

春水輕舸載酒來中巖樓閣背江開天涯猶有

看山分仙侶應多濟世才坐愛化工留砥柱石虛疑海若泛蓬萊扁舟東下重回首畫角城頭起暮哀

瀘川舟中柬工部龔笑齋同年

江上花開春可尋多袍使者獨愁深茅齋何處

勞神夢蜀國逢人非楚音

帝闕未傳封事報天涯猶繫遠臣心聯舟幸有

同袍在工部詩名自古今

江水之深定幾尋客中懷抱與俱深夢回聞櫓

兩厓詩集本卷四

九

疑來鴈愁極看雲欲寄音世路於人須信步賓

刳在眼好論心天涯遊子歸何暮白髮門閭望

至今

永川道中

看山何處不悠然況復青陽桃李天峯轉東臯

開坦道雨過南畝報豐年花間稚子眠黃犢竹

裏幽居起翠烟鄉思漸因春色動肩輿萬里好

歸田

彭鶴泉黃門與余同遊凌雲寺識九華書

院明日鶴泉詩來奉和二首

客裏登山願未違拾遺高格奪晴輝堂開嘉會

會堂院有嘉忻吾道身絆浮名愧衲衣鳥道通巖春

草細龍潭潭名九龍渡酒午風微相看忽有東歸念

高閣盤飧魚正肥

雙鶴山人與世違青袍玄髮照江輝興來步月

頻移棹雨過穿花幾濕衣諫草漸疎詩草富物

情日改吏情微梧垣回首看年少車馬如今自

麗肥

兩厓詩集卷四 十 王

敘南別工部郎龔笑齋

與汝俱客南戎州阜蓋盤飧續舊遊春水浮槎

南廣洞晚風吹雨合江樓杯池不屬涪翁有民

瘼重看鄭俠收他日相逢無定在獨憐楚子賦

離憂

登釣魚城吊王張二君

魚城殘斷迹全陳再拜王張爲愴神萬里胡塵

蒙弱宋一拳中土守孤臣誰爲當日班師議獨

媿深山報主身久矣腥膻俱蕩滌未須遺恨罵

江濱

宿清溪次韻

峯迴路轉得清溪落日留驄思未迷茅屋兒童

穿竹出驛樓禽鳥過山號旋炊宿廩忘蕭索細

和遺音獨品題晚送析聲喧柳外月將林影及

窻西

順慶道中次熊雲夢道長韻

楚客勞勞衝毒熱官程日日是高山清時騶從

雲霄裏古堞炊烟木石間諸葛舊名元盡瘁文

兩厓詩集卷四 十一 王

翁遺化尚廉頑側身蜀道三湘遠極目江天一

鴈遷

同任忠齋諸君譙大觀亭暮放舟江中分

韻得青字亭爲余所建云

孤榜晴江動德星柴門燈火遠傳青兒童狎客

依沙渚山水逢人有草亭見說乘舟曾取醉未

應對酒獨貪醒仰天清嘯銀河近吟骨虛疑泛

海濱

譚在川道長譙予飛雲樓次樓中舊韻二

首

殊方落日一登樓仙侶芳筵照客眸抗疏

聖朝驄馬並論文錦水紫霞浮岷居回首三千
聖雲樹關心十二秋欲奮跡狂荅知己人間正
氣擬同收

相逢一笑卽登樓指顧諸山豁遠眸新水故侵

沙岸晨夕陽斜送野烟浮碧梧過雨晴還濕翠

壁合風夜欲秋從此蜀都增景象左思賦後復

誰收

兩淮詩集卷四

十二

言千金

書漢州行院

休抱孤愁歎路岐巡遊蜀壤一尋詩村童穗熟

遺堪拾溪女鹽成貧可支督木已回天外使

疏停止採木之役至是得請提兵直搗寨中兒時有督察前軍務之命功

收便作還山計藤月松風爭者誰

送侯北湖方伯陞光祿卿便道歸省次韻

官袍會面鳳凰臺回首川西歲月催厚祿總爲

鵷侶羨芳樽歸向翟冠開卽看仙旆河橋發定

擬音書峽口回爲政情親兼老稚頌聲滿地

如雷

發兵出錦官城是日雨

六月天兵出錦城長驅直指賊魂驚師真王者
符時雨誰謂將軍負治平西蜀聲名諸葛陣中
原保障亞夫營使君還爲邊人慶金甲全銷事
耦耕

兵至郫縣

郊垌初試風雲陣精采先驚狼虎叢誰道書生
不諳武古來文事亦收功詞憐幕府依嚴日表

兩淮詩集卷四

十二

言千金

切瀘江報漢表最喜桑麻逢雨露凱旋便好慶
年豐

駐灌縣時聞何總戎達茂州擊破諸寨

爲宰昔曾遊海嶠監兵今喜問江源乾坤雙眼

收奇跡日月孤忠敢素殮落照秋原屯戰騎苦

寒霜刃試盤根

朝堂從此無西議鎖鑰懸知在北門

威州得報

邊徼忽傳歸去報圖書沒卷更何言一寒豈是

封侯骨萬死寧忘養士恩
嬌髮便看回綠服
柴門不假報黃昏
莫愁租稅兼供給
簞笠躬耕
隱水村

曉發威州

雙旌侵曉離蠻烟
百轉羊腸興亦便
行色正逢
番靖日芳樽聊醉雨
餘天維州秋爽先歸鴈
巫峽注平好放船
知有兩厓茅屋在
閉門漫續白雲篇

資陽道中

兩厓詩集

卷四

曾趨南國分花縣
更入西臺侍

聖皇豈有長才遺
惠愛漫騰諫草露
踈狂長年蹤跡風塵裏
一笑功名傀儡場
歸去喜逢秋日好
百壺爛醉菊花旁

與隼東渚熊東溪同作尋春之遊晨發漢南

南原三月紫烟浮
三妙同來作勝游
花品隨春渾欲盡
酒杯對爾未宜休
出門景有王維畫
彈劍詩無平子愁
自笑此身何所繫
分明江漢一

虛舟

城山有序

城山獨聳雲漢中
間平曠可耕可居
周圍絕壁隆然而起
抱之如城故名山有四門
乃通人跡天固有意設耶
此真寰宇絕勝昔人常避兵
其上今人犁鋤每得劒戟諸兵器云

縱目城山愜舊聞
琪花瑤草自成文
豈應塵外高僧占
須與溪南野客分
海內如今無戰騎
石

兩厓詩集

卷四

十五

門終古有停雲
他年結屋峯巒裏
白髮青藜鹿豕羣

郭城寺次韻

野情花事頗相關
寺外周遭更好山
杵杓夜聽松樹裏
盤飧春在草堂間
淡雲忽送疎疎雨
新水遙添淺淺灣
浪說蓬壺浮海上
始知僊境亦人寰

飲黃氏宅

愛爾清臈上居淡
雲微雨過琴書
山饒茶竹

餘芳少石滿藤蘿古字疎最喜兒童能開客旋
爲難黍獨宜予莫談兄弟能擒虎苛政人間誰
爲除

一 還郭城次壁間韻

諸山之中有郭城竹徑松溪何太清崖前狂客
不深飲榻外芳尊宜淺傾春花半落半未落野
色忽晴忽不晴詩狂酒狂類輕薄此意自知無
用名

松庵爲謝民望題

兩厓詩集

卷四

二

謝氏高松手自栽斜通幽徑一庵開陰團長日
東山局清滿吟懷靈運才隨意舊醅招羽客有
時蓬髻枕蒼苔嵯居相去無多地月下絲桐還
獨來

登舟還溪南

角巾信宿暎晴暉二十年前願不違春水放舟
如馬捷晚山照眼似城圍桑麻漸滿農家望魚
鳥焉知柱史威隨處村翁具杯酌醉來欲擬舞
雩歸

起廢補臺中提督北畿學校

京華方作三年別

簡命遙從丑鳳來自分散材留草莽豈知蓬髮
復塵埃臺壘實負交章薦模範空加佔畢才慈
母堂前過八表入朝隨擬乞恩回

畿內校士

聖王垂情根本地臺臣遴選典文衡疎慵何敢
居先覺老大終當畏後生道外彝倫無實學辭
從枝葉竟虛榮科條勲業元同貫望汝雲霄早
著名

兩厓詩集

卷四

十七

三

轉官南都留別諸士用前韻

奉檄北來方振鐸驅車南去罷持衡萬邦聲教
朝端出多士英華王國生文苑斗山韓氏望春
風桃李狄門榮須知今日相期意莫使浮名掩
令名

懷李遜翁尚書

有京

楚嘉魚李東喬大崖遜齋兄弟以理學相
師友聲聞偉矣乃遜翁勲業中外賴焉廷

立初爲監察御史翁視堂篆性嚴重無得
其許可者獨屬意于廷立謂之曰慎毋作
尋常人物嗟嗟廷立何敢望是頃起廢補
舊黨翁仙逝矣顧以不肖之身致負先達
之愛夙夜感懷爰有短述

曾侍西臺楚大夫鴻材真與盛名符話言出口
經綸見宇宙關心憂樂殊鄉論至今猶羨李春
風當日獨宜朱重來知己歸何處易水燕雲客
思孤

兩厓詩集

卷四

十八

二五十六

再見王浚川翁尚書

有序

廷立再見浚翁翁曰別來夢寐常在予子
家居顧知之乎翁文章節行瞠視無前乃
其憐才愛士若是又豈前人所曾有哉退
賦其事寄我感衷云爾

不見王翁已五霜相逢歎息意何長文章價出
西京上氣節人瞻北斗徬楚國真狂虛夢想藝
林凡品藉揮揚感懷無地酬知遇努力期登長
者堂

登泰州樓次兩江陳道長韻二首

多袍阜葢作清遊萬里遙空漫倚樓天下舟車
通北極

聖朝戎馬散南州危簷彩筆慚羣玉短髮黃花
又一秋回首爲儒俱努力未應對酒賦離憂
越矯門牆舊並游維揚劒履更登樓清霜遠邇
緣星使王氣東南本帝州真羨憑高能作賦獨
憐抱疴易傷秋范公祠宇看相近今古江湖共
此憂

兩厓詩集

卷四

十九

二五十六

環山樓春集和趙近山大卿韻二首

野市喧傳暖又商向來愁抱爲春開漫從仙侶
穿山徑折得梅花照酒杯隨意行藏成獨嬾濟
時文武羨多才宦暫西接瑯琊近雙屐時時印
綠苔

天上春回暖氣饒瀟看形跡著初條已知閉戶
玄難問聞道登山思欲飄地靜俗稱仙子國官
閒身際

聖人朝保豐幽谷皆奇勝翠竹疎梅若見招

南太

閑池靜事簡人
稱爲仙國云

趙近山招賞紅梅席上賦詩予次其韻

平生不省有紅梅況復層英錦繡堆照眼猶疑
爲異卉聞香始信是花魁疎疎曉放寒還在灼
灼晴榮暖正催漫道西湖能鼓棹未應東閣獨
銜杯

太僕漫興

林淡江清秋事闌蕭條此地對誰歡寸心日照
何容障兩鬢霜來不覺寒塵世是非紛未定仙
雨厓詩集卷四

人黃白竟無端何如早上微臣疏乞與青山日
日看

田南畝諸公夜集次前韻

燈火秋光更欲闌良勿相對盡清歡輕雲隱見
千山色深院微生八月寒風葉蟲聲饒野思園
蔬家醞散愁端前賢標格遺編在此夜山齋好
共看

池亭書懷

吏遊沙苑多餘暇樽俎從容異國身依水鷺鳬

看客慣迎秋菱藕薦盤新一官浪跡曾何補寸
草歸心亦甚真他日池亭雙白槿開花知爾對
誰人

得吏部林東城書

林子休風天下聞海濱相對見斯文官辭癖廟
緣依母身在江湖還戀

君三畝宅開寒似水四方勿集盛如雲淮揚翰
墨傳心曲展誦山堂到夜分

恩賜養疾南歸至富池舟中作

雨厓詩集卷四

壬子

江州西來富池驛擬到家山幾日舟滾滾不歇
白雪浪隱隱欲出黃龍洲側身天地有餘適託
跡耕樵辭遠遊相逢明日有相識笑醉一尊湖
上秋

嬾谷

金門曾上乞歸書小築深棲俗慮除下璞向人
還可吃村醪從此未應虛園林分色招幽鳥泉
水通河引細魚曲曲谷中堪習嬾不知何處有
華胥

抱病歸來嬾谷間雞鳴猶憶

紫宸朝宗清夢隨江漢俯仰微軀覬斗山霜

意欲來楓葉報水波不動野鷗閒細求真性還

冲澹竹徑松窻一解頰

聖王垂衣絕塞氣僕臣清暇祗論文兩都宦業

慚時俊萬里歸心動楚雲流水小橋成獨往鳴

禽芳樹自爲羣眼前生意無人領合與山翁解

俗紛

拂衣長嘯離瑯琊嬾更風情入孟嘉鄉國不曾

兩居詩集

卷四

三

三

噴皓首使君何事戀烏紗乘舟更醉三湘醞濯

菊相期九日花漁唱村歌將日暮歸途燈火借

鄰家

晚對盆蓮用韻

盆蓮分種自瑯琊入夜相看葉已嘉月過女牆

團滴露風飄虛館碧聯紗汝從出水終辭垢香

暗隨人不待花靜裏便知周茂叔衡山何必欲

移家

期程魯湖不至用舊韻

魯湖曾令南
皮教授蘇州

魯湖仙客須高價黃鶴樓居臥此身彭澤宦情

元澹泊蘇州詩思轉清新河邊密語何相負夢

裏歡趨不當真知爾才名還謁

帝便餘烟水屬山人

舟遊過石牛潭

有序

潭中有石如牛形故名潭上壁立萬仞奇

石纍纍下垂如肝膽狀郡侯楊丹泉與予

遊此題曰銅肝鐵膽予大書石壁

茅齋舊在南山麓載酒移舟快病身經雨汀沙

兩居詩集

卷四

三

三

分淺碧得時花鳥自織新銅肝鐵膽名應稱銀

漢仙槎此卽真莫道歸來青髻改青山合屬白

頭人

過萬安寨

秋日尋遊色笑回功名天地一浮埃溪添新漲

舟何急雲放前山勢欲來古樹斷烟禽翻下高

原殘壘野花開掀髯漫發狂夫嘯聲振凌空萬

仞臺

至花橋

野草橋邊一葉秋，太平吾作醉鄉遊。
茅亭傍水疎疎竹，錦浪牽風泛泛鷗。
誰識神仙行白晝，獨矜詩思滿滄洲。
僕臣餘暇皆恩澤，悵望紅雲五鳳樓。

九日南澗別業韓少厓九山二弟見過

浹旬天末起層陰，九日晴光散樹林。
凭几紫萸方獨泛，開門白壁喜雙臨。
山中剩有登高地，塵外初聞希古音。
清晝遊情殊未盡，一尊留向月明斟。

兩厓詩集卷四

十四

方塘舟中

狂夫遠赴山翁約，曙色遙聯溪上杯。
短簑聞如雲外曲，浮鳬看似鏡中埃。
青山識面何曾改，黃菊迎人自在開。
佳景滿前吟不盡，百篇應媿謫仙才。

表節卿氏攜醞邀訪隱水洞

有序

洞口絕壁直聳雙溪合，注其中隱不可見。
故名隱水酒罷燃炬循空深入約一里許，
彷彿見石竇如門，水深石隘不通人跡，返

而更酌水由洞中行六七里至茅洲復出，
爲泉村人嘗以糠粃投水面試之果然正，
德間風雲忽起山頂村中人見有黑牛橫，
洞口須臾水隘平地深丈餘人甚恐已乃，
復消村四面皆山如洞弗通水安所歸人，
亦安所寧居哉造化委形山川爲風雲覓，
神物以利庶物斯亦奇矣得詩二章

陰厓古洞共移尊，峻邃渾無斧鑿痕。
山接羣峯真虎視，竅通二水亦鯨吞。
欲隨樵牧探神宅，定

兩厓詩集卷四

十五

庚

有蛟龍護石門，詩就醉書玄壁上。
嘉遊名壤與俱存

雲舄霞觴亦勝遊，眼前風景得兼收。
空山背日如將暮，古木垂陰易覺秋。
坐見清流行赤鯉，相傳遺事詫玄牛。
多情應有表安在，海外何須羨十洲。

出隱村晚宿南澗

有序

出隱村雨忽至，遄趨茅屋止焉。卽往年予避雨處，老嫗識予爲之一笑。

信步探奇得意回清襟何處著塵埃接離出洞
寒猶在款段依山雨忽來舊路半經新水改荊
扉重爲濕衣開須臾天霽過南墅風滿疎林月
滿臺

熊三源文輔邀止精舍時舍門方移予適
至用前韻

廣野深林涼意回高匆棲息遠塵埃酒尊常滿
人拚醉門第初移客正來茶竈石床俱不俗詩
籠筆苑定須開徘徊落日催歸棹還擬重遊問

兩厓詩集

卷四

十六

三十七

釣臺

返舟泊大泉洞

直從南澗通西澗更下長泉與短泉興漫且航
連日酒時明何羨五湖船鴈回上苑音書少道
在滄江氣味便周覽馬卿還校藝寂寥楊子誤
談玄

尋詩名壤羨名賢絕壁丹楓秋可憐
山客醉飛霞如送野航旋石牛水落潭心見古
字峰迴洞口懸翻憶舊遊楊伯起日斜惆悵夢

花前

貽赤厓高隱

與子同事清時遊剡水殘山盡可收英雲已散
陵谷曉落葉飄來天地秋時見晴川起浴鶴亦
有牧子呼歸牛眼前物理各適意吾何不早還
滄洲

約會朱思齋侍御于富池之君山

客子維舟深樹林傳聞繡斧下江潯法星衡岳
留餘照威鳳梧桐自好音京國並鑣非異姓師

兩厓詩集

卷四

十七

三十七

門聯席謬同心盛年羨爾青雲近愁髮憐予白
雪侵

會李友蓮王政于興國聯舟入通羊話別

汝從湘楚泛船來予亦求仙江上回三十年光
惟此會尋常懷抱共誰開交談如並風塵騎移
席翻思野店杯明日蕭蕭更行邁不知何地憶
登臺

兩溪兄醉雲亭落成

仙翁芳閣連雲構嶺谷山人冒雨來已擬酒杯

從此起便拚懷抱望中開天邊鶴下逢新侶柳
外舟回得舊醅花萼輝輝明松被白頭兄弟自
登臺

邑侯吳雲屏諸君小酌炯然亭兼約崖洞
之游

楚客何須賦楚騷過溪尋勝借漁舸茅亭村酒
文儒集衆樹瑤琴古調高白髮當筵吾獨醉青
山倚劍客俱豪明朝更擬尋雙洞深處神仙定
可遭

兩厓詩集卷四

三八

吳雲屏邀遊大泉洞限杜韻

仙令邀賓酒滿船汀蒲巖桂媚長天拾遺吟思
滄洲近刺史風流赤壁牽短髮偶連童冠袂遠
心何羨綺羅筵山靈獨許詩人到回首閒雲鎖
洞泉

吳雲屏邀飲多寶寺時翟魯湖還江夏分
韻得濃字

出郭共留江夏騎尋山偶借老僧筇路斜脩竹
籠虛閣日落歸雲補斷峯學士俸錢緣酒盡郎

官吟思爲花濃相逢且向尊前醉明發風烟知
幾重

吳雲屏招飲桃花泉席上次韻

叢菊競黃迎九日桃花泉流碧垂天台使君覽勝
情何愜客子聞招病亦來風薦幽香疑短袂石
題雄藻下陳苔還家野興秋多漫愛爾清尊暮
更開

秋日過桃花泉懷吳雲屏用舊韻

桃花泉水通南澗仙令文章耀上台此地一從
兩厓詩集卷四

三九

題品後何人能復酒杯來林塘試吟猶青草山
徑無媒自碧苔南望雲屏餘萬里不知懷抱向
誰開

庚子除夕

負疚家園日月虛夜堂無語自如如獵心敢向
中年起客氣須從此夕除架上書篇堪檢點山
間門巷任蕭疎明朝短髮臨蘭桂便有春風暖
自舒

訪劉晴江于朝陽醉後偶成

作客連洵酒未虛迴廊曲檻最宜予雨蒸花氣
濃隨扇風動池光亂颭裾卽見朝陽新起鳳獨
憐嬾吏久懸車眼前文物成周上願借青山共
結廬

遊赤溪寺次劉晴江韻寺爲晴江讀書處
晴日江村思漫開琴書偶爲赤溪來野僧垂老
還飛錫仙客逢春已聽雷古樹影斜根抱石幽
禽夢破跡分苔鏡中事業吾何有且向青山一
舉杯

兩厓詩集卷四

三十

山中喜胡葵亭自黃州至

維揚江上逢仙令嬾谷山中對使旌真率總爲
雞黍約綢繆共有蕙蘭情采毫珠貝三湘麗赤
壁風烟兩賦輕最喜太平開景象朝陽早已鳳
凰鳴

贈傅大夢山人次韻

早從文字識時英大夢神龍詎可名五嶽興豪
家萬里十年賦就價連城布衣嬾受華簪顧古
調羞爲長缺鳴海內賓朋半零落對君悲喜不

勝情

登九宮山二首

短屐秋風遍九宮高登長覽思何窮雲開衡嶽
憐韓愈山接匡廬憶晦翁宇宙東南多勝槩古
今下上幾豪雄行窩卜築諸賢意點瑟回琴遶
太空

聞寂何年帝子宮仙源窈窕杳難窮道人相識
不知姓野鶴飛來似導翁石屋雲關天作險歐
文謝韻世稱雄請看絕頂山何預一點浮雲過

兩厓詩集卷四

三十

太空

安平寺訪僧太空

醉罷壺觴問太空上方幽勝迴難同春風雙屐
十年約夜月千峰一徑通總爲探奇多傍險便
應揮翰與爭雄相逢何必論分芋煮茗焚香意
不窮

題張廷敬樓居

長日嘉遊興未闌隱君相對自相歡琴書舍子
誰堪共山水登樓獨好看夏木團陰禽改語晚

尊臨壁洞飛寒酒酣更覺詩神健一笑琳瑯落素紈

贈邑侯張橋東還海康

海嶠先生髯未霜扁舟歸去臥滄浪琴臺花醉春風調羅阜亭虛夜月觴彭澤肯容元亮嬾洛陽曾羨董宣強年來此意憑君共好寄林間雲錦章

贈陳少岳侍御西巡

少岳仙人下

兩厓詩集卷四

三

帝扉揚衡持斧漢廷威清時諫草妖氛淨白晝鄉園錦繡輝百粵山河新罷戰遐荒門巷尚號饑會看驄馬巡遊處引領春風霜後歸

多寶寺望醉雲亭悵然有作

一望秋山百感生蕭條誰與共高登雲亭天遠無歸鶴梵宇霜寒獨定僧抱病自憐腸易斷論年因覺髮難憑遲回欲作捐愁賦翻爲愁多賦未能

學宮初成始予倡議

夫子宮墻秋草深後生登降歎蕭森逢時飲豕爲儒力倡義經營報德心楹奠卽看周俎豆弦歌真羨楚詞林範模炳赫攻疎嬾獨立乾坤一正襟

夏東航作亭于黃龍岡賦詩見志次韻一首

黃龍岡上結衡茅高步層雲俯雀巢林徑風清雙足健崖扉月轉幾人敲誰將鬼斧平玄石客負仙才縱彩毫醉裏臥看霄漢近郎星耿耿照兩厓詩集卷四

三

山均

病中不遇大泉之遊和林約我韻

朱夏諸仙訪洞天短簫長篴思悠然百壺擬向龍潭盡雙榜如隨荷帶牽看竹醉憑玄石几磨崖漫洙白雲篇山翁抱病南山下興到芳洲人倚舷

過多寶寺

短葛綸巾野水濱偶過蕭寺得清新老僧夢破出迎客深樹涼生可借人樵豎下山聽梵語園

林結子謝花神尋常行樂皆文字細取詩材漫
自掄

過多寶寺見予壁間舊作次韻

輕舟長日眇河濱舊寺重尋意自新山鳥莫疑
持節使僧房曾宿棄繻人盤兼野味清無敵詩
和元題捷有神更喜同遊俱不賤棟梁懷梯廟
堂掄

邑侯龍蓋齋予兄兩溪翁遊大泉洞

一兩前溪新漲生乘舟尋勝喜初晴懸崖水落

兩厓詩集

卷四

三

五

瓊珠碎曲岸花明錦繡橫尊俎幾回逢盛會江
山從此結深盟洞簫雲笛還堪借便擬神仙白
晝行

郊遊

散吏登遊路已遙琴書作伴興方饒濕衣何厭
鶯花雨問酒頻過楊柳橋總爲波濤離宦海竭
來崖石露風標村翁扶杖來相訊一醉謳歌野
思飄

呈龍蓋齋

崖菊移來花幾盆幽香細雨冷猶存言歸元亮
園成趣折向馮唐髮轉繁天地秋容真在眼江
湖晚興一開尊賞心欲與詩豪共莫向齋居早
閉門

九日登高和廖洞野學士韻

九日常年烟霧生登臨今喜獨晴明寒花疎傍
孤臺放好鳥深依古樹鳴雲臥久慚安石望秋
吟何有少陵情山中隨處堪行樂解識春風鼓
瑟聲

兩厓詩集

卷四

三

五

湖上逢俞石峯

湖上相逢俞學士論新談舊意重重並游文苑
齊時復別去生涯變老農宦海波濤驚絕險楚
天花鳥任春容還山明月思君夜鐵笛橫吹萬
初峯

端居偶成二首

宦海廿年真浪迹書生氣味至今存隨時飲啄
憑耕鑿信意賡酬省討論暴客昔曾嘲開戶良
勿常得共開尊治安世藉先人澤更語兒孫問

本源嘉靖甲辰三月十六日羣盜入縣市衆驚走子開門避之賊笑曰何事亦閉門耶

中歲陳情乞舊山八年高臥髣髴毛斑地偏獨愛琴書淨林近時憐鹿豕閒浪負虛名騰薦剡且從周道叩賢關前溪過雨添新綠好辦扁舟目往還

丙午秋予兩厓草堂靈芝生諸客集賞鍾少洲賦詩予次其韻

兩厓八月露華清舊日山堂芝草榮和氣一團從地出層英五采自天成宸中此品元無種海兩厓詩集卷四

外仙葩浪著名三十多年相別處重來銀髮對金莖

兩厓詩集卷之四

兩厓詩集卷之五

武昌朱廷立撰

男之楫 孫承臯 重刊 之柱 承燿

七言律詩

北上

時以南京太僕少卿陞都察院右僉都御史協理院事

陳情病臥八年餘何意

天書下隱居野性倉皇麋鹿似

聖恩優渥海山如薦賢聞有諸公疏為國寧教

此意虛沉是臺端嚴重地出門懷悚轉躊躇

兩厓詩集卷五

立春日早朝

乾坤萬古金湯地中外千官玉笋班海曙雲霞

迎日出鳳樓鐘鼓報春還泰和自在唐虞際康

濟誰參周召間只尺

天顏知有喜萬方共慶

湛恩頒

南北郊陪祀

聖人御極崇禋祀南北郊分共此心頌美羞稱

泰碣石迎仙何數漢汾陰瞻依

王德乾坤並對越臣表日月臨寒暑順時風雨
節中和感召獨當今

奉和少宰學士張龍湖徐少湖二公院中

觀蓮之作

秘苑芙蓉開已多兩湖仙客日相過靈根絕異
人間種香水應分天上河瀛海題詩增故事金
蓮搖影漾恩波楚狂羨此慚芳躅欲借爲裳君
若何

兩崖詩集卷五

二

玉河西畔卽丹丘水滿方池靜不流爲愛紅蓮
團畫錦何妨皓首倚仙樓雄詞麗品堪相敵道
氣英風羨並浮會觀花開還結實一尊同醉萬
家秋

天子新開寶善堂北門仙署倍輝光看花色色
欣堯日染翰時時見舜農地迴諸公無俗駕
風清別院有餘香回琴點瑟堪怡悅炎月橫經
意自涼

奉和徐少湖公見懷之作

月色中庭獨好看蕭蕭短髮敵春寒望依楚澤
傳書帶嬾入柴桑束帶難學士大名晴漢上玉
堂清思彩毫端幽崖桃李忻逢秋驄馬歌謠久
媿桓

春日陳氏園亭讌集奉和少湖公韻

戚里芳園喜並臨百年金石謬同心臺高暗度
仙花氣徑轉斜通玉樹陰誰惜韶華將老至獨
傷鄉思共春深請君苦莫辭杯酌曾記村醪冷
亦斟公曾與予坐松樹間飲冷酒公曰何人有此高興

兩崖詩集卷五

三

院中偶書用韻

總馬西臺日日臨公餘兼得洗塵心客稀且共
花饒笑席久能令樹送陰宮闕九重春灝灝
鄉關萬里思沉沉寄書舊日雲樵伴羨爾山中
酒獨斟

怡椿軒詩和韻有序

刑部之退居軒故有椿樹劉春岡尊翁爲
尚書扁曰怡椿後春岡爲刑部侍郎既焉
詩焉諸公和焉朱子受簡得和一章

岡上僊人別有春西臺清暇獨怡神青衿曾此
聞詩早華髮于今綰綬新絕愛靈椿存手澤坐
看淑影護朝紳餘珍韻樓烏定知許狂村躍
馬頻

恩賜鮓魚

官河五月到冰船知是鮓魚近

御筵珍品只宜供

肝食侍臣何幸得

恩傳鼎調衆望頌元老片獻孤衷自昔年誰向

兩厓詩集卷五

秋風動歸興爲鱸徒爾臥江邊

和尚書屠東洲十六夜燕集一首

鳳城燈火競宵寒國老琴書對石闌隨意杯盤

留客話驚人詩草就梅看丹心鶴髮三台照和

氣春風萬姓歡匡濟百年精力健五雲遙識

聖懷寬

大理諸公過賞紅梅賦詩限韻一首

紅梅本自生南國移向燕京近几筵涼冷獨禁

羣落後續紛何意衆芳前舊枝曾冒江村雨新

馥遙聯翰苑烟多藉使君偏愛惜夜深猶爲酒
杯傳

贈葉柳亭和韻

舊時仙客橫經處萬壑千峰一草亭細柳繁花

浮綠蟻遙天瀛海倚青萍身依秘院江烟渺曲

變陽春燕雀聽玄髮誓將酬

聖主文章重爲謝山靈

贈赤厓還家

天涯獨客歎歸遲得到歸期更定期對月應懸

兩厓詩集卷五

五

明夜榻送君已是去年詩青山結屋仍違俗黃

卷貽情自得師相見鄉園雲水侶爲言疎嬾倍

當時

贈劉春岡總憲留都

都門春曉集琳瑯共羨仙翁豸鐵光久擬留臺

須國老由來風裁重朝堂時明當路無豺虎

氣淑中原有鳳凰橋梓文章俱楷範後先勲業

照旂常

九日對菊奉和龍湖公韻

客舍棲遲逢九日感時懷古思悠哉燕雲旋爲
清飈飲庭菊如因素髮開題品直須黃閣老追
陪欲擬白衣杯故園只在烟波外延佇心隨旅
鴈回

送韓九山還通山

素食京華已二霜君來遙自楚雲鄉旅歡漫對
燈花笑別意翻隨驛路長嬾性向人仍綰綬慈
幃羨子共稱觴韓休然諾平生重定擬春乘萬
里航

南唐詩集卷五

六十一

水部諸公見過賞芍藥花和韻一首

客居芳藥報初花朝罷諸仙過小車多謝花神
催國色共懽春意及儒家衰容著酒光相照妙
品添詩價自加此會從容興不淺絕勝絃管闌
紛華

恩賜枇杷

枇杷

恩許散朝簪珍重江南幾樹金聞道傳柑前代
事翻思懷橘少年心擷來香蒂青猶淺捧出瑛

盤黃已深正席嘗餘歌鼓腹只疑蹤跡在園林

送楊樵峯

伯起英年迴出羣柏臺知爾自論文揮毫索價
千金薄唱第看雲五色紛誰惜風塵凝客思人
弘吾道過江濱遲回相別還相望不獨音書早
晚聞

贈鄭玄麓令通道

浣沙溪上舊橫經回首看君奮海濱對酒燕臺
乘夜月分符楚壤應郎星湘江鼓楫雙鳬下花

南唐詩集卷五

七

署鳴琴獨鶴聽明發風烟更行邁不禁離思滿
秋亭

贈冒玉華赴興業

海濱談藝知名早四十爲郎未過期分取銅章
輕萬里總憐赤子望多時舟由故國寒烟盡身
到梧山春日遲此是君家舊衣鉢相傳隨處繫
人思

出京至潞河元輔以詩見贈依韻奉謝
奮依紅日際昌期位極人臣

主不疑北院聲華元起草東山籌算在圍棋河
清海晏

天朝頌鳳舞鸞翔國老儀崖穴下材虛念惜情
兼媿感向南之公嘗養病林下者十年

河西務次前韻

匡月溪雲久有期歸舟鷗鳥不須疑每從席上
憐操瑟此去山中靜看棋一嬾豈諳周禮樂孤
衷時對漢威儀置身天地茫茫裏俯仰無慚任
所之

兩崖詩集卷五

八一

予之出京也太史少湖徐公爲文贈焉明
日吏來貽以南官之俸舟中興懷爰有短
述

承恩嘗侍

聖明君愚瑣仍爲農圃羣俯仰一生惟自信是
非今日未須分盤飧猶足南宮俸涕淚長流太
史文鳳閣夔龍應接武出門消息杳難聞

懷少湖公用韻

海內同心我與君別君南去惜離羣會中樽俎

空相憶夢裏仙班猶未分絕壁高峯瞻瑰節長
瀾巨浪見雄文短棹臨水多商調君在台垣那
得聞

臨清別趙洪洋尚書次韻

司馬辭榮作隱君芳蹤予亦得爲羣身違 三
殿孤衷在舟到雙河兩地分名世直須中上彥
還家何媿北山文驛樓更鼓漁郎笛明夜蓬窓
獨自聞

十賓雲見顧用韻

兩崖詩集卷五

九一

淮海巡遊舊識君烟雲回首歎離羣晴天畫鷁
來江上落日清尊到夜分仕路何人憐野客義
門精采映奎文相看且共談風月時事紛紜不
可聞

淮安別龔笑齋都憲

淮海相逢意惘然尊開督府卽離筵已驚顏色
非前日猶覺襟懷是壯年對酒自來無此醉論
文誰復似君賢喜看致
王唐虞上真嬾山中得晏眠

過淮揚奉懷漁石唐公浚川王公有序

漁石唐公浚川王公文章政業名諸當代
予以文字之役受知兩公識漁石自淮水
始識浚川自邵伯驛始蓋嘉靖己丑歲云
歲己酉予復過此蓋二十年之後兩公俱
不作予慘然傷焉收淚以述

淮海重過近暮年感時傷舊意悽然烟花已恨
迷漁石驛柳猶疑護浚川文藻兩公真大雅勲
華一代屬名賢迂狂酬地無知遇腸斷孤舟野

兩厓詩集卷五

十一

水邊

廣陵逢董竹莊賦贈

江上蕭蕭漫問漁參軍知在竹邊居芳園香散
花迎客別浦潮來水滿渠醉倚木蘭仍擊楫曲
隨楊柳一攤書青雲羨子昂頭角吾道何心自
卷舒

竹莊以茉莉花見贈賦答

名草東南推茉莉美人江上贈春卿戲簪老髻
白相似漫擬幽蘭臭並清分種應憐離海國托

根何惜向山城年年野酌看花日定有豪吟答
遠情

避暑真州督府

江許何年開督府山翁避暑此潛居風颿過眼
催鄉思潮水臨門照客裾筆硯課程非吏牒松
篁行樂卽吾廬炎涼正氣原時序不似人情有
疾徐

蔣南冷大叅見顧

不見南翁二十年重逢雙鬢各皤然旋通名姓

兩厓詩集卷五

十一

方相識細話襟期轉自憐世事變新何可問文
章爲瑞定須傳扁舟明日還湘楚回首真州獨
倚舷

真州公署

雙河西接大江流江上歸人獨坐愁鄉信已隨
南去鴈江風猶阻北來舟巾袍院靜晴還濕鳥
雀林深晚更稠客到不須論出處聞雲一點太
虛浮

立秋

客中今日是秋來白髮蕭蕭一舉杯中散功名
元自嬾杜陵漫興不須催閒居長策惟樵釣康
濟鴻材有省臺獨喜到家天氣好菊花應待主
人開

予昔按淮揚有留別諸子詩迺今南歸過
此周子雲氏攜以見予詩中已有山林之
興矣蓋二十年前筆也予感焉遂次原韻
野客從來不願餘青雲謝跡髣毛疎明時敢擬
湘江賦真嬾漸通政府書兩廢總因恩詔出

南唐詩集卷五

十一

一官何補歲華虛扁舟此日仍歸去舊日微吟
更起予

余鶴崖同予南歸賦詩贈焉

燕國開尊方一笑官舟連袂更相親分明會合
機緘巧本是行藏局面新對酒幾迴遲客興計
程千里數風塵鶴仙崖上多奇勝此去因君著
屐頻

宿沈氏山居老翁索詩賦之

主人小築謝華纓一笑相迎蓋可傾山裏但知

閒卽貴世途誰是實浮名屋臨溪莽堪樵釣身
遠塵埃任雨晴此去楚湘應似汝舊時依鶴自
多情

桐城和 陽明先師韻

客行日日南峯巒形勝東南盡入觀歸去一琴
隨倦翼登臨雙屐濯飛端林間雨過還愁濕髣
上霜來不覺寒讀罷我師高逸調江山如在越
中看

寄贈高南山侍御時守廬州

兩唐詩集卷五

十一

燕京絕愛錦雲裁楚鄂論交此抱開華席更兼
金玉奏青山真見鳳凰來抗顏吾敢當師席攬
纓君方重法臺今日南歸阻良晤秋光寥落野
亭杯

宿太湖縣李遜翁曾令此

千里驅車衣袂塵太湖對燭覺精神未離此地
猶他客一出前村卽楚人歲月無憑驚轉眼乾
坤隨處可容身遜翁舊幸遺芳在山斗高明入
望頻

黃梅洪午塘見顧夜酌

借榻獨棲津吏散張燈忽報地鄉來直拚良夜
供清論正喜名區產異才入楚酒杯從此起還
家吟思爲君開與君更訂登臨約屐破匡廬頂
上苔

渡江入興國

陵晨畫舫渡江來路入鄉園夙抱開山鳥解聽
林外吹村翁留醉社前杯秋暄散漫憑風歛詩
思遲回得雨催晚宿湖邊仙客集張燈何惜夜

兩崖詩集卷五

十四

深陪

和邑侯林焦涯見贈鍾少洲之作

萬里歸來一短琴鍾郎相對思深深梅花入手
自成調鶴鳥隨人似賞音閣海英儒稱獨步霜
天高閣落孤吟紛紛世路何須問細酌寒尊結
素心

林焦涯林約我陳泌南余雲川飲白鶴精
舍限韻一首

車蓋追陪雨亦來千峯隱隱動輕雷雲牙古洞

山容麗溪轉平沙野徑開春盡園林禽變語午
過池館酒盈杯醉忻皓首衝泥健更羨諸仙淡
翰回

拜韓醉翁墓

存序

醉翁大志奇行竟已焉矣近觀風者檄有
司修興國志翁名得登人物紀行且入祀
鄉賢祠矣

不見仙翁二十年往時風物自依然廬陂宿草
牽愁思石壁閒雲鎖舊篇早晚鳳麟爲世瑞春

兩崖詩集卷五

十五

秋燈火表鄉賢東牀中選今頭白報德心徒日
夜懸

寶教樓成林焦涯林約我陳泌南余雲川

咸集酒罷賦詩遂次其韻

獨喜樓成春服成春盤小燕恰春晴朱憲平接
青山近綠樹新號黃鳥明對越簡書猶抱畏
周旋尊俎卽沾榮神君學士俱風雅人物無勞
數漢京

約焦涯諸君遊南溪山莊值雨用前韻

約共登遊幾未成春宵猶自望開晴雨中山嶠
那堪辨雲外星河本自明撫景但知閒是貴感
時真見辱隨榮玉華主者多豪思瓊玖投吾難
與京

得徐少湖公書

一官回首日悠悠天上音書忽見投會識調和
心獨苦何堪瞻戀淚長流華夷聲望歸金馬江
漢形容老釣舟別後雙槐明月夜不知誰與共
清甌公庭兩槐如巨蓋夏秋之夕留予共酌其
下公曰如此境界須臾胸中無障礙者識

兩崖詩集卷五

十六

東樓初詠

通山縣治無城郭寧武之寇縱橫無忌嘉
靖丁未焦涯林子來令明年學宮成又明
年建東西樓嚴保甲申誠令謹盤詰寇曰
縣有備矣始知懼樓成之明年春林子攜
酌邀予同林約我樂橋東韓九山郭大泉
諸子登東樓酒酣限韻賦詩蓋茲樓第一
會也嗟乎自有縣不知幾百載茲樓今始

有我此可觀今昔之政詩成卷予題曰東
樓初詠美之焉幸之焉義自見矣

二月江城春滿樓巡檐平挹洞雲浮獨慚芳酌
先黃髮一笑閒情付白鷗吳楚會精開異勝衣
冠聚首總名流花封保障勞仙令長日還同臥
上頭

雨中東溪子至次韻

山郭陰陰猶未晴一春強半負山行龍眠古洞
雲通竅風滿書樓樹作聲垂老尚思聽雨夜留

兩崖詩集卷五

十七

春正有惜花情欲拚遲日供長醉正喜開門得
友生

雨中書懷用韻

閉閣觀書任雨晴一春花鴈惜稀行向來已破
邯鄲夢歸去何須杜宇聲學見鳶魚非外道任
呼牛馬笑忘情山中檢點無餘事飲水茹芝得
養生

挽龍湖張閣老

有序

龍湖之誕也母太夫人曰我昨夢吞鸛或

曰鶴也太夫人未見鶴耳斯其服鶴之兆
乎然公實行芳譽固鳴九臯聲聞于天矣
南國文儒元鶴化

中興天子正龍飛清朝魚水逢昌運黃閣精神
徹紫微憤世洛陽言過直傷心揚綰願多違長
悲豈獨予知已海內蒼生淚尚揮

聞楊實卿內翰不作

瞿塘峽口憶分觚金玉投予記未渝常恨旅鴻
雲外斷豈知宿草墓前蕪深山積雨添新思

兩廡詩集卷五

十八

聖代寬仁恕古愚喜爾諸郎皆長大子雲家學
定無孤

贈阮平湖次韻

升沉世路歎悠悠湖上山翁獨破愁晴羨天空
鴻度影晝看風定水凝漚碧沙魚飯頻來客明
月蘆花一繫舟華髮青袍過百歲不須重問海
中洲

題梅橋贈陶春元

主人結屋羨清高夾道寒梅接石橋孤節吐香

傲冰雪長虹浮影瀟宮袍羹調商鼎還須傳壁
立中流更屬陶他日因君探春色灞陵詩思獨
誰豪

雪中訪郡侯周與南宴滄浪亭次俞石峯
韻

太守芳筵歡衆賓雪花飛點髻毛新湖中密席
無多地海內論心不數人樂在水山聊借酒情
通魚鳥許爲隣江門風月堪吟美我欲乘槎一
問津

江門公
講學處

兩廡詩集卷五

十九

舊築滄浪迹已蕪新開金碧照山湖東南形勝
此亭最豪傑風流何代無野艇偶然乘雪夜此
身真是近天童漁郎短笛供長思一曲梅花縹
渺

雙泉爲陳善伯題

風塵謝迹臥林丘近屋雙泉晝夜流欲借仙槎
游海國笑從人境問源頭長空過鳥影分落淺
碧循沙帶並浮何日山翁具杯酌與君還醉釣
魚舟

代熊東溪呈林焦涯

碧山紫水舊爲盟，自分漁樵過此生。
白晝鳳鸞隣，枳棘黃昏雞犬靜。柴荆學慚原憲貧，猶甚量
少劉蕡誣。自明老遂餘閒誰所賜，花封倚杖聽
琴鳴。

送林雲樵還連江

雲樵焦涯弟
母陳氏節婦

風雨山城識面時，一尊未盡卽相知。
華篇自是神君弟，高誼何慚節婦兒。
枕被天涯分去住，舟車客路倍瞻思。
會須秋爽還乘興，月浦雲溪訪

兩崖詩集卷五

二十一

釣絲

秋日郊興

天授新秋遊燕時，頭顱何惜白絲垂。
渴依邵徑逢瓜熟，醉涉陶園恐菊遲。
野趣每同魚鳥適，行蹤多被釣樵知。
欲裁長賦抒長眺，索紙濡毫媿
左思。

登觀音巖

勝壤何年留寶刹，短筇今日到山翁。
雲開錦障瞻天巧，泉作金聲識地空。
仙象孤懸虛石裏，香

烟四散亂峯中，笑將文字爲勅敵。
指點芙蓉筆陣雄。

宴韓氏山樓

千盤百折兩山道，雲絮綸巾野客情。
玄壁題詩日未落，早蓋過橋人出迎。
村釀偶然成一醉，山樓沉復集羣英。
莫嫌潦倒耽遊覽，此外閒中無課程。

觀百花燈用林焦涯韻

山城鼓吹競元宵，誰翦花燈百色嬌。
獨愛丹心

兩崖詩集卷五

三十一

明處見猶疑，清馥暗中飄。
珠星璧月光相照，仙苑瑤臺路未遙。
老興一尊已不淺，況聞邊徼甲兵銷。

林焦涯諸君過賞碧桃海棠賦詩次韻奉

答

老臥家山未太貧，碧桃移與海棠鄰。
睡深月夜幾枝冷，開向晴窗滿眼春。
題詠豈曾無杜甫，滋培更喜遇安仁。
容光相映忘相忌，應有花神笑俗人。

燈節宴愛山堂步林集涯原倡

春宵芳宴展琴堂火樹高燒匝屋梁漫道金蓮
成舊跡最新銀髮近餘光虛明自轉江村暝溫
暖旋回草木香卽見雙旌促喬舄短琴風雨獨
詩狂

春夜賞燈起瀕起謙起徵起巖起明諸姪
咸集疊前韻

隨俗張燈豔草堂諸郎相問度河梁北山猶憶
寒爐句東壁還分春夜光明照何辭雙髻改薰

南唐詩集卷五

三十一

蒸渾是百花香家筵相賞無須睡刻燭題詩發

興狂

訪楊平石憲長舟中偶述

風雨茅齋日夜鳴出門晴色愜舟行千谿流沫
紛衝鷁三月垂楊始轉鶯借憩僧房春事靜擷
芳花外道衣輕文豪祇在瑤山裏明日相逢無
限情

疊前韻呈平石翁

鳳棲崖上鳳雛鳴哀老猶堪雙舄行爲愛香山

新結社憶從御柳其聞鶯世途戲局幾番變動
業浮名一點輕莫向尊前增太息青山綠樹最
多情

平石留予于山雲竹雪之居薔薇盛開爰
有小作

深院薔薇爛熳開疎狂何意得相陪數花獨有
今春盛酹酒因知昨夜催帶雨芳叢愁亦媚向
晴丹臉笑初回東君自是文章伯爲爾揮毫更
舉杯

南唐詩集卷五

三十一

橋上再酌限韻呈平石翁

夫子聲名伯起齊欣逢此地卽關西杯盤有約
人扶杖崖壑無心雲渡溪花氣水邊風力細鷁
毛天畔世途迷與君相得還相惜漫把青山盡
品題

平石移酌舟中分韻得青字

子雲亭上聽談經斜日乘舟下遠汀鷗鳥喜晴
風散白山容入夜月傳青物華經眼看何盡交
義薰心醉未醒勝地豪遊良不偶中天早應少

微星

楊四峯和予登樓之作用韻奉荅一首

論文昔共鄂城樓雄藻華名信不浮回首音書
隣斷鴈驚心風浪羨輕鷗客意雨意深逾靜古
洞春樽翠欲流勝覽平生應未有別君時憶水
東頭

過靳春諸公惠詩次韻

問水尋山老未休靳江談詠倍風流花邊杯酌
多鄰鳥澤畔形容一笑漚漫道文章鳴大雅卽

兩廡詩集卷五

五

看鳳翽起滄洲夜涼新月明飛閣會有神仙遺
索丘

楊靳南春元以詩惠教次韻奉荅

江觀松篁偶借余琴樽閒過子雲居曾於奇字
知名舊更羨玄經會面初吾道本來無黷淥此
心隨處得清虛不嫌狂客浸衰晚便買青山共
結廬

得月樓用韻贈李月池

池上仙翁獨起余清宵吟賞此樓居陰雲想像

月未落涼意旋回雨過初越國一樽人欲醉江
天萬籟氣從虛與君還結靳陽社行樂何心憶
敝廬

用馮午山韻別靳春諸友

踈慵自媿負明時歸臥丘園亦我私江汜飄檣
尋舊侶客意風雨結新知青山相對傷多酒白
髮重來定有期明夜潘塘江上月思君應寄竹
枝詞

陳竹墩壽登七十用楊平石韻竹墩時歸
自蘆江

兩廡詩集卷五

五

種竹先生年七旬驚袍鶴髮倍精神子長周覽
丈囊富元亮歸來宦橐貧桃李門墻欣雨露卽
旄蘆水重君臣貞安百歲尋常事樽酒春風不
厭頻

朝陽李冲野靳江鍾少洲見顧山中留別
獨歎疎慵衰更侵日邊歸向草堂深山村歲晚
琴書靜雞黍天寒車馬臨威鳳朝陽應作瑞神
驚春浪定爲霖與君遊覽留君別風雨蕭蕭動
短吟

十五夜宴集

掃舍邀賓月在天春盤初展卽陶然人間最喜
元宵節林下頻逢大有年夢入五雲瞻
穆穆情懸萬里抱惓惓莫言山裏無燈假疎散
長年雨露偏

樓居偶成二首呈林玉華

碧山爲障玉溪橫臥起樓居事事清檢點一生
眞是嬾便應兩點亦何驚黃金宴客慚疏傳白
首談經列楚英多謝玉華臺上侶時將文藻見

兩崖詩集卷五

二十六

交情

小結樓居高幾層翠微當面近堪憑不妨作賦
材難辦自喜登高力可勝章綬多年塵夢斷臺
垣何事薦書盈使君肯共杯中物清興還應雪
後乘

陳少岳招飲醉甚賦謝

多衣招客新開釀鶴髮當筵強自傾細數多年
無此醉劇談今日有餘情雙旌便道家園麗隻
手提兵海甸清獨幸溪山付愚嬾題詩索酒樂

昇平

徐龍田惠詩次韻奉酬

高軒見過時正午山館遲回月在天紅藥吐香
飄雪後紫簫飛韻落風前尋常款曲臨春酒方
寸冲和種福田最喜通家結新好龍臯羅卓瑞
光聯

山居和徐龍田韻呈林焦涯

乃子文雅善吹簫

風雨林塘幾畫宵舊時同伴覺寥寥犁鋤欲辦
春耕動曲調揮成野思飄晴擬小車花外至老

兩崖詩集卷五

三十一

從稚子膝前騎行歌醉嘯狂夫事瘖瘖琴臺仙
子簫

郊遊林焦涯詩來依韻奉答

層陰初霽探郊坰路曲峯回舊所經泉出空山
翻石白柳依別澗垂雲青欲謀小集開花徑便
擬高登葦草亭神宰詩來卽瓊玖吟我轉覺此
心靈

林焦涯劉梅原汪三泉訪予于嬾谷席上
和焦涯韻

新向深山小築齋四圍禽鳥衆音諧清臆入樹
香生袂虛聲鳴泉水澣鞋白首幾回思洛社滄
江一臥遠堯階同遊高客元同調錦字飛來
得我懷

徐仰所集東渚詩顧不果

仙翁幾度過山市忽漫相逢慰所思秋雨偶愆
爲黍約夜窻空憶對牀時年光來去容顏改道
義綢繆肺腑知獨有黃鸝還念惜涼天猶自遶
高枝

兩厓詩集卷五

二六一

林焦涯擢守河池話別用韻

花下常憐製錦文專城此日羨超羣傷心遠道
難爲別握手佳山且索醺藝苑並宣金石奏情
腸轉覺蕙蘭芬定知報主平生事遙望燕天萬
里雲

李東江席上書贈

元戎威愛舊知名春葢相逢盡日傾嶺表功勲
銅柱在江干夢寐鐵衣輕交談已識風雲陣尋
勝還憐金玉聲海內卽今多寇盜問君誰爲請

長纓

病中能神谷陳可齋郭大泉諸同志見顧
臥病連旬猶未除閉門終日檢方書謬當問道
名賢集猶喜需文使者疎稚子相牽忻歲近狂
夫還自惜冬餘清心會見開顏色古調徵音起
草廬

和劉梅原舟中遇雪之作

山溪冬下廣文船方喜迎人雪滿天鼓棹北風
寒自遣觀梅東閣意相牽事非王戴虛良夜樂

兩厓詩集卷五

二六二

在楊游侍講筵何厭官曹清似水獨吟詩思湧
如泉

野艇衝寒情自愜乘閒尋勝纜徐牽一溪鷗鷺
迎青葢兩岸藤蘿分翠烟村舍酒來仍雪舞漁
郎歌起熄風顛興餘回首通羊路獨喜奚囊滿
富川

咸寧西河橋成予爲之記少尹瞻齋丁子
具觴邀予觀焉時石澗陳子洪崖何子一
泉吳子鼓峯朱子龍田徐子赤崖朱子咸

集子賦詩一章

虹橋新跨西河渡，霜髮初逢北海尊。
地王治功碑篆在，邑賢標格古風存。
涉川尚憶圖形日，作社聊尋傍水村。
天晚不須燈火報，直將懷抱醉中論。

訪朱鼓峯

十年書約共論文，尊俎彌旬遠俗紛。
銅鼓峯搏丹鳳翮，玉泉流映赤霄雲。
嶺遺邊郡今猶滿，樂在家林我欲分。
莫道山翁多好事，知君才氣本

兩度詩集卷五

三十一

難羣

何洪崖移席西河舟中

西河細浪自然文，舟上行觴笑錯紛。
擊楫中流憐祖述，敢言當日媿朱雲。
片帆鼓吹千山應，兩岸農歌一水分。
聞道關西多異政，至今人羨出凡羣。

陳石澗留宿

使君爲政法兼文，回首風烟息世紛。
此日相逢仍聽雨，他鄉猶憶共瞻雲。
同時朋侶何寥落，接

境仙廬更聚分，有約相逢莫相負。
草亭風月惜離羣。

遊潛山寺潛山爲馮文簡讀書處

少小離家此業文，重來毛髮白紛紛。
驚心歲月真流水，隨意行藏付野雲。
芳酌舊曾仙客過，短檠尚憶佛燈分。
科名勲業慙文簡，始信前賢未易羣。

宿劉荷塘宅望潛山寺

交談真率亂無文，暗有荷塘香氣紛。
逆旅縹袍

兩度詩集卷五

三十一

曾下榻明時鴻業，負來雲壺觴偶作。
哀年會几席遙從少日，分近自南宮歸。
舊隱輸君識鑒已超羣。

宴王會泉宅

齊名兄弟擅場文，況復清秋迴不紛。
書卷中宵猶戴月，劍光早歲欲披雲。
倚牀留語情方洽，對酒題詩手更分。
今日羨君頭角就，激昂還肯念同羣。

宴程春野宅

原缺

兩厓詩集卷之六

武昌朱廷立撰

男之楫

孫承舉 重刊

七言律詩

丙辰恭祝

聖誕一章

聖主春秋登五十壽經流采燭無疆舟車萬國
欣堯日鷁鷺千行識舜裳臺省舊臣猶問夜江
湖散地獨鳴璫欲將野錄伴金鑑悵望燕雲道
兩厓詩集卷六

路長

谷中偶述

世路紛紛何可論蕭然白髮臥柴門園蔬新摘
盤殮足軒駟稀臨鳥雀繁拄杖崔巍思亮節泛
觴清淺問真源南樓自覺雲霄迥片美憑誰達
至尊

結構書軒水石間竹牀茗碗自怡顏勤渠猶作
儒生業庸瑣羞稱大夫班鄉井語言文藻少老
年筋力勸酬艱炎天林下蒲團坐一味清風可

訂頑

熊東溪見過

溪上烟雲老釣徒過子嬾谷健談儒畫長池畔
有魚樂市遠山中無酒沽繞屋松杉辭暑氣隔
林禾黍足秋租送君獨醒還堪笑此意知君定
不孤

寄川樓

拾遺鼓棹下神京寵辱知君定不驚賈傅何
須哀楚賦漢庭元有惜材情文章苑囿真吾畏
兩厓詩集卷六

心事星河本自明此去南州揮赤管即看前

席問蒼生

少年清譽更誰京盡省初違衆所驚雄藻古今
爲世忌孤衷早晚動

皇情黃龍洲各文元應白鹿堂開此道明南望

吳山獨不見相思時向月華生

得羅念菴內翰書

早謝螭頭事隱淪湖天萬里一綸巾要知今日
匡扶策須借平時愛惜身吳楚風烟稀會面金

蘭契義已爲鄰潯陽江上傳來錦披讀燈前意
自新

方湛一與羅念菴唐荊川諸公遊詩來率
爾奉贈

湛一芳蹤何處尋高吟雄眺歲華深妙齡神契
先天易近代人傳太古音池上鳳凰仙舫共鼎
中龍虎道心沉知君羽翼飛騰便攜我遨遊碧
海岑

秋日偶成

兩厓詩集

卷六

三

自序

白髮端居嬾出門深秋獨院此心存菊邊漫續
迎寒句竹裏謀開向晚尊綿力惟應甘糲食鉛
刀誰復試盤根尋常與寢多閒適愁憶城中車
馬喧

得同門王龍溪書

憶予昔並龍溪游溪上分攜三十秋師門羨子
厠高第楚客居身辭下流道覺支離春雨化語
驚習俗夜珠投書來白髮燈前淚好辨誰憐孟
氏憂

遊石門夏子明留宿

向晚籃輿逢杖屨張燈下榻意何勤亂峯絕頂
月初出細酌孤吟人自醺樹底仰窺幽鳥翮眼
前猶辨野花文石門明日應須到指顧溪山契
舊聞

徐泗洲惠鹿酬詩一首

客從花縣念相知庭鹿分遺愜所思青草開藩
初性適滄洲隨展老懷宜馴徵舊王平和政鳴
憶嘉賓燕樂詩欲學放麋猶未得南山正有虎
兩厓詩集

卷六

四

自序

題鶴峯草亭

鶴峯亭館開西墅終日琴書志不分鳴羽迎風
千樹籟游鱗吹浪一池文道形飛躍閒時見洞
隱笙簫靜裏聞滾滾吾宗當要路須將此意行
忠勲

酌起徵別業

小築書軒碧玉林晴溪畫舫老夫臨繁英嬌鳥
環輕蓋流水高山入短琴朝野何須論出處乾

坤獨立歎浮沉一堂家慶春如海況復春郊春氣深

酌起巖山堂用前韻

愛爾茅亭松樹林杖藜相過及春臨貪遊鳥識登山屐息慮魚聽傍水琴楊子草玄甘寂寞莊生離俗任升沉一尊細酌諸賢集言笑從容意趣深

山閣卽事

春城山閣臥潛夫檢點書篇病骨蘇方進門牆兩屋詩集卷六

五

從客去莊周牛馬任人呼爲憐生意分盆菊久謝機心下屋烏明日南原親稼事不妨社酒獨先吾

訪陳道山留贈一首

當日文談獨羨君肩輿過訪寄殷勤尋山問水如看畫登閣憑窻似倚雲陳榻高情三宿借義門芳潤九江分不須杯酌頻繁勸相對無言意自醺

得范京明方伯書

海國音書達楚丘憶予曾共宦鄉游少陵實下沾裳淚山甫還爲補袞謀萬里樓船無日定九邊戎馬幾時休知君總爲蒼生出肯乞滄洲伴彩鷗

九山韓子向予談噴雪崖之勝寄題一首

神人巧鑿蒼龍口噴瀑孤懸何所依玉液風飄千壑潤雪花光閃四時飛亂峯積翠迷仙蹟異草浮香裊客衣我欲扶筇一相訪直從絕頂濯纓歸

兩屋詩集卷六

六

憂旱因憶往作

我本山林麋鹿羣治農當暑氣如焚郊原一月何曾雨天際千峯盡是雲四海商霖歸版築九重周祀重蒿蓀佇看精意回

仁澤稼穡青青萬姓欣

過起謙鶴南精舍

青袍黃卷臥溪南白鶴浮光入草菴見說緱山起仙吹何如雲影湛心涵傳經談藝吾無倦飲水茹芝汝獨堪大器此時應遠就爲儒已被甘

年淹

初泉劉公來展祖墓感而有作

烏崖積翠凌霄漢瑞氣生賢自古今蜀國回瞻
丘隴遠神人阿護歲時深間關寡影攜孤日涕
淚雙旌拜塚心解識本源無久近使君仁孝動
儒林

登黃鶴樓一首

乘鶴仙人已窈冥登樓子亦若生翎朝宗襟抱
隨江漢燕集衣冠近日星郢邸望仍

兩崖詩集卷六

七

天子氣別山會識夏王靈勿游何必辭杯酌萬
里風吹酒易醒

何梅谷惠紙

桃李花飛春且深決旬細雨坐蕭森使君著意
攻哀懶楮子投吾動壯吟欲擬百篇叅上乘何
如三歎有遺音去思記述還吾輩千古豐碑近
楚濤

吳堯山侍御見寄諸作

君從柱下駐江皋述作傳來照髣髴公瑾未交

心已醉馬卿多病與猶豪秋霜春雨隨仙旆鳳
采瑤章薄楚騷北虜南夷須早計
九重今日正焦勞

漢明妃

聞道明妃出漢城琵琶鳴怨不勝情宮中未信
黃金重馬上徒憐翠袖輕憶別君王方識面忍
婚酋虜爲銷兵同時競賂毛延壽永巷深閨草
欲生

卽事

兩崖詩集卷六

八

百廿八

天朝赫赫甲兵威蠢爾諸夷敢自違推轂四時
聞遣將矢心何日荅

垂衣江南樂土人行少塞北荒原歲復饑遲莫
天涯憂國意不堪延首淚長揮

春望

春雨彌旬猶未晴巡檐頻眺自多情疎簾映草
寒仍重垂柳籠鶯濕不鳴水溢舟從平野渡山
高人在亂雲耕風過漸覺層陰歛尊酒明當共
友生

方潭書院樓詩一首

疎放家園不願長松修竹一樓居

堯階人物逢昌運楚甸風烟屬蹇予鄭老嬾嫌
朱轂至少陵貧賤綠樽虛文游此地無多侶隨
意微吟便可書

七十自詠

帝與人間開壽域滄洲慵嬾七旬臨仰酬

洪庇從何地荷念平生獨此心謝跡仕途虛白
首傳家文業亦黃金南山當戶橫佳色新酒高

兩厓詩集卷六

九

吟興自深

信步行年登七十浮生得此亦為奇閒從野性
開三徑樂與猿禽守一枝兒輩正當求學自我
心猶是過庭時細繡疑福無如善

天鑒明明敢自欺

梅兒得子志喜

五十餘齡方得子七十逾四始逢孫海中果孰
須年代山下泉流見本源書卷相傳門第舊功
名一奮紫金繁懸子竊祿渾無補望汝雲仍蒼

湛恩

兩厓詩集卷六

十

廿四

兩厓詩集卷之六

兩厓詩集卷之七

武昌朱廷立撰

男之樛 孫承舉 重刊
之柱 承耀

五言排律

渝州

白簡須才傑黃冠自腐儒銷愁定下峽避暑且
留渝不死沾殊澤全生守至愚鳥音何太劇簿
領未相拘閉戶唯宜枕當筵恥向隅長吟蘇病
骨縱飲入狂金娛母家應近懷君賦早輪遙知
兩厓詩集卷之七

不寢寃斯道與吾俱

登鄧鄧山分韻得諸字

天壘開靈秘東南獨羨滁中峯雄秉笏西嶺儼
牽裾本志歐公謁雲閒帝子居風流前輩邇懷
仰後生撫常日如瞻嶽佳辰忽起予須臾凌絕
頂髣髴駕風車巾舄密光動塵煩石髓祛他山
低聚米絕磴倒懸魚異代興亡屢千秋感慨餘
神京浮王氣海宇罷儲胥使攜家釀詩才敵
石渠空中團錦繡日下列乾諸循徑逢新構磨

崖得大書源泉爲別澗人語落村墟紫石平堪
奕朱華美可茹寺幽時囀雀洞迴不通漁野興
忘酬酢酣歌失疾徐豪游吾敢後玄覽此應初
落日羣紛息疎鍾萬壑虛名區看已盡短髮不
勝梳自得柴桑嬾誰憐阮籍疎太平何所事清
暇祇應醺浩浩窮元化悠悠想敞廬飄然出林
杪後會復何如

再宿杉坑寺

入夜尋名寺追歡集衆賢佛燈分照席村釀買
兩厓詩集卷之七
辭錢林暗傳花氣山高響石泉野雲留樹杪春
服舞風簷舊榻寧須借高僧共不眠笑予諸事
嬾妙賞獨何便

過桃花泉小酌澗淵觀

山溪通道院海氣接蓬萊羽客逢人笑桃泉洗
藥回洞深花未見香滿水飄來留賞旋烹藻談
玄數舉杯松憲凝玉液鶴跡印瑤苔巾袂雲常
濕頭顱雪不催吾已棲林壑誰能復省臺養生
還澹泊密意對君開

遊大泉洞呈吳雲屏

獨羨神明宰風流迥不羣
邀賓臨古洞鼓棹出塵氛
潭淨蘭舟集離高野酌分園禽窺異客山鬼避雄文
日出浮龍沫波生蕩石紋仙源何窺窺瑤草自繽紛
巾烏漁樵詫絃歌虎豹聞千崖晴滴雨萬壑午留雲
銖石明心跡金蟾逐使君駕風騰八駿揮翰儼三軍
碧樹收清影滄源美夕曛迴颺吹短髮明月照微醺
憶昔叨通籍逢時早策勲中年辭漢關雅志在河汾
已有林塘雨屋詩集卷七

出京寄知己

聖王垂離照臣工敢習欺中懷如欲暴外狀似
求知兩度甘閒吏平生恥乞兒安危名傑在歸臥
腐儒宜獵作趨朝夢誰爲失路悲跡同漁父隱家豈
鹿門移吐握虛姬旦行藏仰仲尼去去尋篋篋青山
還采芝

溪遊遇郭大泉同酌茅屋

鼓棹臨春首闢尊向午前陶然成獨醉偶爾枉
名賢勝跡閒方覺冲襟細共宣青山橫鐵壁黃石
肖金蟬樹影虬龍動曦光錦繡鮮舊題山鬼避新
曲野人傳茅屋團疎竹梅花笑客筵滄洲吾道在
白日此心懸犬馬良知足熊魚敢望兼時清聊自適
誰憶五湖船

登會仙鶴仙二崖洞

崖洞青山裏何年啓秘藏神工無斧鑿物象自
文章龍榻玄功就棋枰機事忘天根森欲下地
雨屋詩集卷七

四

竅暗通旁佛子懸空起仙旂次第張循梯初仗
炬望牖漸生光古字猶堪辨幽花不斷香乍疑
探武庫旋獲吸瓊漿鳳舉餘丹穴雲歸護道場
入虛神凜凜說幻意茫茫嗟予方弱冠學道擬
升堂感此虛深景因嚴障礙坊兩崖并借號千
徑總徒長臺省歸來日頭顱忽已蒼茲游今卽
昔夙志老當強高山與景行誰復問低昂

谷中偶述

築室山深處盤旋獨到吾此中自有適身外復

何需書斷當時貴文完
歲過青苗欣雨潤
黃犢識童呼池溢平
凌路雲來直及樞風
塵憐作客丘壑勉爲
儒扶杖逢村老談農
見古愚喜聞戎馬報
薄伐罷長驅

壽鄭星泉太守

蜀國多名產吾猶羨
鄭雄九天銜

帝命三郡借春工仁
溢刑書外民收繪畫
中卽看至人理漸有
古唐風澗谷傳呼滿
壺漿負戴同載歌難
老什持贈壽儂翁後
閣延賓適南山

兩厓詩集

卷七

五

入望崇何須訪丹訣
羽翰獨凌空

村中感述

乘閒到山舍新秋猶
未涼果稀狸上樹犬
斃虎踰牆蓄鯉懶何
迫藝禾蟲見傷迴風
飄敗穗老嫗泣空筐
辛苦農安賴紛紜物
自戕羣生同化育此
族乃乖張地產還思
補人情不易防偶感
村中事行行歎息長

悼友

梧垣曰二諫昂藏凌
與徐傷共各就土已
矣莫

知予抗論偶浮實爲心
諒本虛將無被讒誤亦
豈爲人祛世味久云淡
臣衷向未據省身真蹤
跼搔首重躊躇因爾掖
中彥還吾江上廬投閒
憶自蜀得告昔離滁十
五年光度尋常俗輒疎
于今尋舊物熟道駕輕
車夢破莊情適尊開陶
嘯舒老能親翰墨健足
督犁鋤兒長經堪授臬
流山亦畬

帝京厓念想政府斷音
書臺史仍騰薦微名敢
竊居感彼他山石攻茲
在席璫恩君乃良友使
我起長嗟九原如可作
應不似當初

兩厓詩集

卷七

六

七言排律

恭紀

恩賞 有序

國家設松潘衛屯重兵防達虜爲四川右
僻設茂州衛疊溪千戶所以通松潘日久
番蠻弗靖據疊溪殺我兵歲不知數路遂
弗通於是歲費萬緡與番蠻買路迂數千
里方達松潘則茂州衛所一路爲虛設矣
然猶歲征兵千餘人守疊溪番蠻奪其糧
食剝其衣服翦其毛髮而驅使之否卽殺
之至更班出者落落數殘卒耳廷立痛憤
此事請兵聲討及薦何總戎領其事俱得
請復

兩厓詩集

卷七

七

七

詔廷立監其兵於是總戎領兵自松潘來出賊
不意大破諸寨直達疊溪廷立督兵自錦
城直達茂州二兵合擊一路蕩平矣是時
廷立得報東歸巡撫都御史楊公疏報聞
錄微功越二年巡撫都御史潘公復申疏

之仰蒙

欽賞金幣蓋殊

恩云初廷立之請兵也衆吐舌曰此事由來亦
久矣奈何輕舉乃今幸而成功得以無罪
足矣敢望賞哉紀以鄙言

朝廷設險防夷寇蜀國松潘亦壯城底事吐番
橫要路遂令威茂攤空名守兵漸盡時須補官
道榛蕪歲自更買路遙從他處入費緒應倍往
年盈請兵

兩厓詩集

卷七

八

八

天關孤衷切揮檄邊隅一旦平開復舊堙輪運
便洗清繁牒賦徭輕功收鼓舞民謠在身歷艱
危夢寐驚今日

形庭頒上賞微軀何以報生成

乘舟訪大泉洞

積雨新晴溪水生西風吹舫下山城長披野服
逃人事每歎源泉冷宦情秋入林臯青淡淡雲
移石壁白英英沙鷗見客全無畏厓菊含香猶
未傾詩勒洞門神護樽開村釀老翁醒壯

萬里凌狂倒哀髻孤檣詠太平荇帶薜蘿繁遠
思漁郎牧子結初盟窮探周覽江天暮雞黍田
家趣味清

秋日懷林焦涯

不見三山鳳鳥羣海天消息渺無聞官移彌切
兒童望論定何漸金石文樽酒自從分袂滅風
烟猶阻寄書勤嬾情與爾俱中散雄翰投吾敵
右軍尚羨武夷舟楫近獨貪楚曉蕙蘭薰幙拜
逐逐人爭勝世路悠悠誰解紛去馬來牛寧足
兩厓詩集卷七
計浮雲飄瓦亦奚云山居九日增惆悵黃菊凝
香倍憶君

兩厓詩集卷之七

兩厓詩集卷之八

武昌朱廷立撰

男之楫

孫承舉重刊

五言絕句

古意

長日停針繡官花照眼紅君王不好獵寂寞想
當熊

二

雨霽遙山外涼風水殿多不須問當御已識聖

兩厓詩集卷八

舸和

三

久罷昭容役猶衝曙色寒萬方朝聖王孤枕敢
圖安

四

已隔昭陽遠燈前理舊裳修容非爲寵妾本女
人行

五

春水淨春葉明供瓊玖觴朝來問侍者玉筍可

曾肇

六

自語還自歇
夜未央何須避
鸚鵡妾意本
無傷

七

月色明如畫
陰護翠鬟無
勞望牛女天
上亦人間

八

流年宮裏轉
雲鬢鏡中蒼
莫唱來時曲
新聲滿兩
厓詩集卷八

教坊

九

火雲正炎熱
深宮渴亦長
南方幾千里
莫唱荔枝香

乞歸

聖主綸恩重
高堂問寢疎
陳情效李密
臨表淚潛如

恩賜鮮笋

南船浮玉笋
斑斑色尚鮮
願言臣子報
比節此

若堅

恩賜楊梅

中使捧金盤
楊梅賜近官
退朝方正席
轉覺寸心丹

鳳巖曲

洞巖亦丹穴
石鳳此中藏
託身楊伯子
八表耀文章
伯子平石楊公也

二

洞中森異石
最者曰普陀
出洞看僧舍
自覺斧兩
厓詩集卷八

痕多

三

石田在深處
隱隱聞潺湲
耕夫山下來
一笑忘人間

四

犀牛獨昂頭
望望頭上月
洞中自有天
清光終可得

五

上天何浩浩
神龍獨棲此
會當大旱時
一起天

下雨

六

翩翩列幃旛
疊疊垂寶蓋
清風明月時
仙人知可待

自君之出矣

自君之出矣
雙淚未曾乾
不爲傷孤另
憐君行路難

早歸

兩厓詩集

卷八

四

懷交

凝望秋雲淡
牽愁野水長
所思在千里
冷落此壺觴

別君期再晤
云及菊花觴
不知從別後
幾度菊花香

山中詠

江風飄漁舟
漁人換酒去
醉醒來尋舟
只云在舊處

二

腰刀上南山
抱薪過松下
偶逢爭奕人
相戲乃相罵

三

祿長不須催
兩過水自足
一笑歸來翁
可以坐食粟

四

日出牧牛羊
日落歸山宅
飽飯謝東君
牛羊頗肥澤

言別

兩厓詩集

卷八

五

別君東入吳
西望愁不展
雙淚灑秋江
江流何可轉

聞歌

童子善吳音
主人動春酌
勿復唱昭君
讒夫恐不樂

飲田家

偶然飲田家
懷袖見真率
歸來羅羣兒
醉分棗與栗

燕

海燕不知曆來去隨社至出處自有時人心固
不識

蝗

七月蝗蟲飛蟲飽人號饑霜風起秋暮問汝將
安歸

謁岳武穆祠有感

播遷悲弱宋舟楫載山河翻憶班師日金牌恨
不多

秋思

兩厓詩集

卷八

六

四

涼氣來新屬疎林露白鵬秋客方澹泊吾意與
相關

六言絕句

蟻谷

深谷塵埃何在攤書美管生涯已擬漁郎路遠
不嫌流水桃花

二

地僻何曾客到山翁午睡初醒無數鳥音變巧
一簾草色傳青

三

山盡若無去處青松翠竹交加風動茶爐烟起
隔林知有人家

四

聞說五侯七貴樓臺多少繁華何似此中茅屋
疎籬一樹梅花

睡起

鐵壁銀山交映虬松瓊草成章山館老翁睡起
道衣倚杖徜徉

兩厓詩集

卷八

七

四

世

獨坐

庭響亂飄落葉林疎橫受斜陽坐對東籬黃菊
迎霜香滿衣裳

七言絕句

新秋書谷中

獨向谷中辭剩暑清風於我不須求竹松深處
鳥相識南省歸來九度秋

南省歸來九度秋山中遲暮白盈頭客過不著
烏紗帽狂癩偏宜散髮遊

正陽道中

春風紫陌試銀鞍
淺水平沙映翠巒
三尺瑤琴一尊酒
不妨人作畫中看

春遊

孤村別澗靜無喧
歸客依依負日暄
無數野花開自好
春風不獨到名園

村老

村隱先生手抱孫
衣冠從古靜無喧
閒身只在桑麻裏
垂老何曾識縣門

兩厓詩集卷八

八

西澗

有客乘舸天氣秋
蓼花潭畔蓼花洲
前村燈火中宵起
照見漁船猶未休

歸自隱村

舞衣常日錦堂前
信宿看山冒雨旋
莫道看山猶未足
幾人徒費買山錢

春臺

小築春臺日往還
盆池拳石亦江山
五湖烟水岷峨月
已在詩人指顧間

十月對菊

庭前菊花一何晚
十月山翁猶舉觴
菊與山翁自相得
開時何必在重陽

己酉送春

迎春處處展芳筵
春去何如獨黯然
一酌留春春不住
明年相候早梅邊

立秋前一日

江干避暑獨邊回
行傍松筠亦快哉
楊柳但隨風亂舞
不知明日是秋來

兩厓詩集卷八

九

朱雲臺載酒舟中次陳少岳韻

萬頃江天一葉舟
金杯鳳管擅風流
水波不動日初出
五色雲團錦繡浮

杜宇

愁烟積雨過芳辰
獨理琴書意自新
杜宇山中何有未
歸人

聞鶯

山城春盡始聞鶯
何事禽聲亦世情
記在上林百聽汝
碧桃紅杏競芳榮

憶樂橋東

睡起東窗無一事，凍雲含雨滿寒天。同袍一去
稀音問，白髮蕭蕭倚檻前。

病中熊南塘見過

臥病山齋一月餘，高軒相問日無虛。東風卽見
輕雙足，重訪林塘孝子居。

張子房墓

不願封侯從辟穀，白雲蹤跡杳難尋。今日荒原
見孤塚，行人爲識報韓心。

兩厓詩集卷八

山樓短述

睡起樓居一雨餘，秋涼初至病初除。年來身外
無消受，仰看青山俯看書。

二

解綬歸來不願餘，獨緣嬾癖未全除。薦才每負
諸公疏，投老元無政府書。

三

病暑山城一月餘，竹牀茗碗爲驅除。澄心自是
延年術，誰向名山借道書。

四

縱橫劇盜幾年餘，百戰艱關未破除。何事春冠
自攻緊，紛紛猶上定邊書。

小園雜詠

茉莉異香含異毒，騷壇相對畏相親。若使種花
花可畏，臨風翻憎種花人。

二

八月天高玉露垂，桂花開滿曉來枝。時人但識
香奇絕，肯與移尊賞者誰。

兩厓詩集卷八

三

水僊花色稱奇品，曾向名園覓種栽。不肖家山
原有此，臨春隨處送香來。

贈祝少濱

道院新秋移絳帳，高堂遲暮醉霞杯。山中風月
堪吟美，再見衡陽茂叔來。

兩厓詩集卷之八

兩崖集八卷

湖北巡撫
採進本

明朱廷立撰廷立有鹽政志已著錄是集凡詩四
卷文四卷其門人兵部尚書劉體乾撰墓誌稱其
學出於姚江而擠之者復出自姚江之流今其文
集內推尊王守仁甚至而詩集中東隣女西隣婦
二首詳其詞意實有所托諷意卽指所謂擠之者
歟講學而至相傾軋不知所講何學也

鳳林先生文集四卷

〔明〕王從善撰

北京圖書館藏明嘉靖四十五年衛東楚刻

本

附《四庫全書總目·王鳳林文

集四卷詩集三卷》提要

鳳林先生文集叙

余襄漢峴環峙龍鳳鸞伏自昔耆舊大雅稱雄列郡廼若考功王先生今之耆舊也先生家世纓組都督平蠻公諱信之胄子也生而穎敏負奇抱不樂武弁介冑之習少補弟子員卽以倡明道學爲已任弘治戊午領鄉薦愈厭科舉之學考槃習池選勝耽幽或有所感觸發而爲文爲詩爲歌皆以闡摭性靈軌範世俗炳烺春蔚渾融典則絕不爲兒女子脂韋語且性恬靜耻芬華聞嘉魚李大崖先生遊白沙先生之門而有得者卽徃依之歸而以其所聞者日相講明若將終身焉優游林麓餘二十年嘉靖癸未登進士第時已知命餘矣南宮授家狀人有以隱齒告者先生曰老事

鳳林先生文集

前序

走而先欺吾不忍也竟以實報同進者食
以大器異之有自耻其不情而改之者
觀政西臺日以詩文自娛轂華遂聞諸
薦紳趨謁資冊者晝靡停晷先生亦應
給裕如也以資格拜溧水令美政卓越
至今家戶祝而人傳誦不衰當其應

欽取而來考功之命下也先生不色喜不
嗜進獨計復隱於習池之上日伍漁樵

鳳林先生集

卷一

仍力著作晚年道益進詩文益工評文
家有以超軼秦漢馳驅李杜寄聲者於
乎真知言哉惜也天不假年而駿烈未
究否將接踵名臣而有功於天下後世
必矣然則是集乃先生功德之緒餘耳
端端然以文學稱先生者所見亦淺矣
先生伯子希鳳君惻厥考之不世恐遺
稿之久漚詩集已請於大司馬北村收

鳳林先生集

卷一

公刻於郎而序之其文又入於
帙而謀刻於余矣余叙余生也晚耳
聞先生也久且在三歲中媿淺衷庸識
不能揚揚盛名以語諸後今欲壽諸梓
也余以少濱先生素重文哲曾有一日
之雅故敢馳書以托不朽知衛君
必不我拒也若等而叙之以識其大都
如此若夫世德之盛自有郡國之史在

余何贅先生請從善字承吉今崇祀於
鄉耆舊諸公之右鳳林其別號云

嘉靖四十五年九月吉

賜進士文林郎奉

勅巡視京營前直隸山東江西道監
察御史後學漢劉存義撰

鳳林先生文集卷之一

襄陽鳳林王從善著

男希鳳子王之瑞輯

郡人漢樓劉存義校

南陽少濱衛東楚刊

上大司成石先生書

生聞天下之士號爲知己者非徒勢位相等鄉里相接情意相唯諾而已蓋其中必有人不及知而我獨知之我知之人復知我斯二人也謂之知己非與世有執肱把袂朝夕愉愉若不相背棄者而其中險巇峭峻雖灑灑不足以喻之如此果可謂之知己乎由是有得君行道如伊呂下有違時自安於蓬華者道相同情相依上不以卑躬自憊下不以攀援自惡而人不以要譽非之果不可謂之知己乎執事以中州豪傑父鳴玉堂之盛昆季顯揚繼登右職天下號爲文章家此非生之諛言也唯是成均之地非執事之敦篤方重深沉隱默亦不足以鎮浮議

而來天下之心然生竊有獻焉朋儕曰何爾不也天下之善士爲天下俊遊之冠冕將服從之不暇爾亦何辭大者得一言之溫而已否則呵譴隨之爾亦何取於是嗚呼泰山滄海所以就其高深者以其能容受而已果若斯人之言其望執事也不亦薄乎此生所以不憚於辭說也且生自少癖於山林無意世事後以親命強起應州里之選中遭行役百熊酸辛敝廬在習家池上在晉習鑿齒居之精於史在唐杜審言居之精於詩山水環抱先塋寓焉生之樂而居此以忘世也久矣以詩與史自名頗非生之志然而青山白雲魚蝦粳秫不求於人而自足生亦終其身而甘心焉知不足以自裁義不足以決人鄉里郡邑之所以相逼迫蓋欲得之官而後已斯亦老母之志也言拙意鈍對人面發亦輒不知行之當否恒得罪於人所求未得而先病矣來遊太學明師居教化之宗橋門環四方之遊漢殷屯屯徃復自失側陋之見二三之朋效

於此也其不一槿而百碎也無幾心行稍有樂切磋琢磨此亦聖門一大功業但傷平勞一事積日累歲諒以爲功較於頃刻之間而不復計其才業吁制度之不可易也此不待於言矣私念執事居養材之位標有爲之術處可爲之時能不少加之意乎蓋德義不立則人弛於名節名節不立則懷利者進士不立自刮磨在上者何恃以爲勵世之具是執事之憂方重而下懷獨切切焉不能以一日安也且生山林麋鹿比於執事雲泥之相懸也疾趨長跪於堂序之下左右得意者方席大人之勢而凌轢之其去卒隸能幾何哉遂使士人安然喪其廉耻之心挫其節義之美以爲是必然耳執事於諸生師生之分恩義之交而且令人蒼黃失視爲此凜凜他日雷霆之下萬鈞之重其不壞於天子之廷者幾希此宜爲大君子之所隱也然生所以強顏而不去者曾子三釜而樂毛義棒微而喜二子一節之行雖非聖人之至然事有

可擬故一言之蓋人心之所同然非可得而爲也毫末分寸尚不可矯而爲之其不能詐而爲此也亦審矣此亦時俗之所指者不得已更發舒之伏望廣滄波之量垂洙泗之仁允可成就不惜援引使風聲四騰賢不肖異路則遊人沾陽城之德慕平仲之義尤有望於上之者然後退耕於山著爲日錄或可以備一代野史執事方來宰制天下收拾古今作史者引爲木天列傳之首萬一有採而合之者不亦休乎此生自信有功於執事也夫以蚯蚓眠食於華岳之上借其草露安其丘垤則亦知身之所托若夫垂天之鵬冽風之虎未必能記其宿昔之所藏也則生不敢而願效蚯蚓焉古之大臣能受盡言然後可以諫君已不能受而欲肩於日月之明難矣唯執事敢以此言盡故不避誅責妄到庭除乞少加採納以廣求賢之路使四方之士曰某之愚得自托於大賢之門執事之仁亦有如某之愚者溷於函丈之下而不拒其成令名不

勝至願不然唱名而入計日而出道同也不得
領於一言情相依也 渺然若聞於河山上無
以發揚盛德之光下無以罄其鄙陋之私其不
得爲前所云云而負於執事也決然矣干瀆鈞
顏死罪死罪

石先生批荅

覽記具悉子志且欲砥吾闕德意甚美但
自言少無宦情又耽愛山水樂而忘老猶
未免蹈東晉之失又不欲以詩史自名若

鳳林先生文集

卷之

五

使上之無道德次之無功業不知將居身
何所且已不脣史而欲爲日錄雜記小說
又史之餘無乃或爲習氏所笑昔司馬子
長世爲太史習知漢朝故事故欲著書藏
之名山茲欲退耕山林著爲日錄襄陽雖
達郊恐所風聞者亦朝野之畧其所目擊
者不過草澤之事以如是之見聞而欲持
之以概天下率然而論汎然而擬不知何
所取信於人而天下後世亦不知當有幾

許受屈者美且君親一道也如子之才學
校以養之計吏以薦之服其衣冠食其廩
餼登其聲名於書冊其所成就如此今子
所以報

國者未至也而曰爲親而出義同捧檄若使不
爲親出則

君上莫大之賜遽可忘乎唯是規我以德義名
節此論最爲近古但愚性狷狹寡諧不能
脂隨瓦合縉紳之所習知故在上者聞而

鳳林先生文集

卷之

六

用之似爲矯枉力小任重誠不知師道當
如何而尊德義當如何而立賢不肖當如
何而使之異路也子幸爲我勸善之旌論
義之鞫明辯而謹思之且歛其虛驕之氣
充其不自欺之心於其義利之類則雖不
爲日錄無知已於天下亦不害爲高明之
士矣子其力行之無負於辭

再荅石司成先生書

生章旂鄙野漁樵之伍不識忌諱妄有陳請荷

蒙執事不加誅責撫以溫言引以奧義開之
前而携之於後海涵春育化被心融念此良樂
以焉衷素伏惟執事恬然於道履德行義

野之所知聞拔一人而千萬人警於其位此
今日在上者之用心也然生猶有所冒焉以進
者思執事樂善無厭求賢不已在達人君子之
所自居故必云云而不以隱忍也不意誤被收
藏芻豢見錄光生逆旅動朋流雖光範之於
昌黎潞公之於伊川不能過之且云欲爲進善
鳳林先生文集卷之七

之旌喻義之報讀此使人不覺神開意健謀道
而庸執事聰明蓋世位率群英心聖賢之道施
唐虞之術猶且不遺踈賤曲意俯從昌言之必
拜鄉校之不毀又復見於今矣

明君御極得人如此其所以收攬英雄而爲當
世之用必不
側席焉於成均而以肝食也且使士夫微賤亦
何所恃而不受盡言受其言而不說繹說之而
不改圖以至於必敗其身是執事師道之立而

善人之多蓋不待形諸標格加於鞭扑而士風
欣欣然震動矣且生狂斐無知素以文辭自薄
欲身先德義而刊落枝葉庶幾人有實行世獲
其材不然據紙上之陳迹講說諄稠言論駭動
求之於已漫不相干生之所謂一槿百碎不爲
虛談而爲當世之弊決矣此生不敢私以爲得
而獻之執事意欲汲滄海之波以潤四方之士
之偏枯生澁非敢曰一綫之源益深而就大也
求士於三代之下惟恐其不好名斯言也待士

鳳林先生文集卷之七

亦輕矣然矯枉之功不得不如此以名礪之猶
有拜塵嘗溺之輩接踵若更將此字一筆勾斷
則顏顏焉何所底極乎此生必以爲執事之大
憂也蓋公論不在廟堂則在縉紳且廟堂用才
之地學校養材之所不成於此何用於彼乎此
生之切望而不敢曲爲回護也我

朝康岳真先生分甘山林樂道自重

英廟待之加其禮際

寵以金幣榮以美爵

御正衙以受其朝以行其君臣之義

退於便殿坐以問道閣以耆艾又以賓禮行之
聖人待士之仁禮士之重焉

國家無窮之計天下之大夫士仰而望之以爲
賢者必出於此不肖者將奔走之不暇矣我亦
何爲而不求以自重乎蓋其樞機幹旋之際微
妙精深而化之形於天下者風動氣感自然之
應非作意而爲者顧不爲後世之大法邪生以
疎微末學妄意高明步蹇心麓蹈履失矩恒欲

鳳林先生集

卷之十一

九

怡養性情使其安靜恬愉以爲制事之本然後
積以書史窮以事物使其融通周液相爲浹洽
內有立而外有應則沛然其如順風之蓬無所
滯礙而可以自慰若其口耳聞見雖足以誇多
闡靡已非爲已之學而況以此求聲譽謀富貴
又失之遠矣橫渠曰孰能少置意科舉相從於
堯舜之域舉業壞人相沿之大弊聞者曰此惟
人也何至爲是言若其知者曰知之而蹈之所
謂耻過作非者何共自相謬歟執事不惜耆黃

之劑乾父之艾輒以加於門人登泰山而不知
其高遊滄海而不知其深亦非生之所以自謀
也日錄之作誠如執事之慮所及生之意以爲
周遊湖海足跡半天下高人逸士奇謀異見凡
有所接不可泯也故欲著爲一編自備遺忘他
日有採一得之愚者庶幾合焉不然

聖明天子英輔義弼金滕石室例定事核又何
假於螢燐哉執事曰不足取信而天下後世有
受其屈者此正太史筆端一念之仁今以示於

鳳林先生集

卷之十一

十一

凡庸何其厚也惟是爲親一節則生獨見不疑
君親一道而力量有大小事勢有遠近遠者大
者哲人之所易也近者小者一夫之所難也無
用於彼又併此而棄焉進退無所據矣不爲治
世之羞乎覲頌一出亦無所事事而太平之象
實孝子慈孫有以粧點其間也且云歛其虛驕
勿自欺而義利之辯捧翰至此心膽墮地執事
之仁單教布化誤以及生是成我者之恩與生
我者等也且虛驕之害於學也久矣虛以自養

可也虛以容物可也虛以待於無爲之先可也
虛以爲實而率僞以驕人則自欺之弊有不可
勝言者此其流禍無窮其端不已遂至義利不
分無所顧藉蓋其本心不存不相管攝其勢不
容不至於此昔者妄以爲學往拜於李世御先
生之門中間規海諄諄惟此十餘年來幾成廢
墮今復領執事之教一噴一醒蹶然而動誠不
知宿心之復萌也但念螻蟻微軀溷遊太學踈
才拙意下人數等執事秉國鈞衡低昂斯世龍
鳳集生文集 卷之十 二

與大司馬劉東山先生書

蓋聞天下事有可已者有不可已者不可已而
已則失於直戇而無情或邀名或致怨有不一
也可已而不已則進以貪而退有咎入以喜而

出以憂昔之保名如良玉而今則不自覺其瑕
且毀皆可已而不可已之所致也恭惟台座少年
登巍科陟要路賦政半天下風聲義槩動四海
處廉以默處進以退忠鯁不忤於人道義自信
於已休而歸也壽域一記天下諸之縉紳高之
知其不以榮利爲心而取匹於古人也無愧矣
方今

聖人御極戎務方殷徵執事於炎陲再臥在園
皇華

鳳林先生文集

卷之十

七

重遣天下想蒲輪之不比指也而不知

皇王側席滿朝注心兵類備弛狄虜肆毒於北
門之外而南徼之鼠狗文不足言矣執事方以
平昔正大之學經濟之才爲

聖天子一勞焉前有荆棘而不顧後有鈇鉞而
不恐如此然後可以盡素所蘊蓄也倘時與道
違勢與志戾動而輒有齟齬則疏廣之車搖搖
於都門之外生芻一束其人如玉天下豈有望
於執事也苟或視方以開苑 徑損所學以

就功名之區以極地非復閑散而可以觀養而
任其氣則執事之事去矣不猶良玉而瑕乎執
事自壯至老出處之正風節之嚴廉素之苦天
下無容議者獨有暮齡一路丰采未畢天下之
士延頸而望側耳而聽惟欲大人君子全令名
終盛德以爲一代儒臣之宗豈直爲鄉里後生
之範而已哉生先人託交十五年今又十五年
分在卑俛每仰休光無由瞻謁辱臨敝郡鑒此
一得之愚以效其分嘗聞臣能受諫然後可以
諫君久稔執事之能納諫也抔土細流唯宥其
狂而容之死罪死罪

與內翰湛元明書

某啟奉違光範二歷春秋每仰嚴毅之容不勝
企慕高擢後會於蘇德夫處求行府下落撫衢
良久竟未得之有罪有罪今春潘希召畏友過
襄極道執事不釋口且辱寄聲生憤懣甚矣學
業廢忘何足以見念竊念執事方正厚重言動
不苟蓋古人聲律身履之遺意近世學道之人

執定外和內剛之見於凡檢身工夫大不用意
與之遊者又以通儒目之嗚呼古之所謂通者
果如此乎先儒謂未有箕踞而心存者此可以
喻大矣心有不存則無所管攝其能及天下國
家乎嘉魚李世卿先生不滿人意處正坐此弊
恐亦有所授也頃於林緝熙先生處見白沙先
生帖以爲求於五經而不得則求之於吾心便
放下重擔子了又以五經爲贅疣之物而求之
心者爲捷徑易了唯其獨求之心則空虛清淨
不見一物就是極處而凡經禮三百曲禮三千
視之豈不猶桎梏牢籠使已不得以自肆也哉
古之人寧學聖人而未至不欲以一善成名以
是觀之則重擔子真是放不下也二老高深之
學非淺近所能窺但恐後進者遂舍是而求之
他便將墮坑落塹救拔不得執事所守甚有不
同卽於威儀文辭已知之矣故敢舉卑鄙見就
正於有道之人幸示鞭策爲望希召云執事歸
養有期取道登黃鶴樓觀洞庭湖登南嶽此真

出塵之趣然湖山名勝亦自能累人執事
爲所移也今之時事想有建白去泰去甚此真
救偏補弊之良法便中不以見棄而示之可也
貴賓崔子鍾先生希召嘗與執事並論舍弟昔
從之遊後未一而斯道之在天下使求之者衆
則何難之不易也見時乞道賤名上敢敝鄉易
之劉養和二先生豪邁有聞想朝夕還往亦
望引名義和聞在中書科歷事未知真否舍
趙爾錫沉靜溫和不作崖異生之叔度也公暇
亦乞道此眷眷冬初伏惟順時珍重以膺寵擢
不具備

與淞江許台仲高汝白應邦升三公書

兩辱枉顧何感如之執事神采精明自持端重
且衡鑑甚明議論的確海內有人如此斯道之
幸也使操之不已自信自師豈無豪傑之士從
而興起者又何難之不易哉宋儒絕學康皇具
先生窺其際矣以此老之慙慙辛苦七十年來
未見其大成後之

荒寧爲事吾恐益老益衰又不能窺康皇之際
矣不肖少時有意於學無所於得累讀伊洛淵
源錄慕其人而不知其功及往拜李先生見其
清和正峻蕭然物外已欣然有吾與黜也之趣
及講論爲學工夫側聞白沙先生與康皇先生
不合處退而於私思其不合者妄折衷焉乃悟
康皇之可循而白沙之妙非白沙不能及也是
用一意下學日用動靜語默不敢他求而亦不
敢以告人也誤蒙執事過愛不以爲迂腐似可
與進念此同志敢有隱乎閑中不惜玉趾光見
提携汝白邦升三位英妙出人便爾隱默端重
積之以歲月無懈於力不惑於衆吾見二浙之
豪在三公矣狂妄恕恕

與許台仲高汝白書

昨蒙兩先生過愛醉飽之餘感念無已僕本疎
庸不能自加鞭策日頽日甚以至於今求中人
而不可及誤辱推重實增汗惶每仰執事學道
之志銳矣精神一到何事不成但願益堅初心

不惑於衆多之口不怠於忽易之時不惑於衆
多之口易不怠於忽易之時難方當是時提撥
此心使其光明專一有事無事皆是自家照顧
時節雖然其如間斷何所以間斷者亦由工夫
不密將疑將信便有不消如此亦得的心橫於
胸中座中聞台仲稱汝白之密甚有悅於吾只
用此字徹頭徹尾何聖賢之不可及又惑於衆
多之口亦是自家爲學不勇使其自表及裏皆
實用實學人將服從之不暇矣而何患其難
鳳林先生集卷之二

已而不能終哉古之賢人君子不近人情以攝
致無巴鼻之謗嘗見其自求而已不以尤人也
此正守約工夫願與二君子共之二者見之不
疑守之勿失始有次第其址可以向進又豈暫
忘暫得東行西失者可喻言不倫次未至者幸
加教焉

荅許台仲書

閉門靜坐忽有仙釀之惠便覺滿懷勃勃生春
矣連日不奉教言夢寐如或見之士有孤立之

嘗病於虛位此有識者中夜展轉不能
其迂且腐也邇來執事同我汝白大賢有何講
論有何思索有何解悟倘不輕勞玉趾乞賜華
臨以策退鈍之夫是望放會在四月初相聚不
久中間又復稀濶爲懷不堪甚矣

舟中與趙元默書

執事顧我於北門蕭寺僕拜君於館下主賓成
禮寒暄之外未有所請也意得稍俟從容便當
鞠躬屏氣持吾之楊屨以飲於滄海之中將充

鳳林先生集卷之三

量而後已不料歸興橫發又值天道暑雨東寧
西掣漫自不能支持遂爾買舟江上風使舟師
兩未便利坐此困鈍近十日矣回望仙蹤猶有
可扳神爽飛馳羹牆在目每於清江北斗之下
未嘗不與鹿門爲之浩歎執事遊白沙之門最
久年又最少氣又甚銳往往見稱於師門白沙
翁海內人物今逝矣見執事似得其彷彿乃一
話而去豈天畀人之願欲如是之省邪但祈珍
重道躬後當必爲二三子歸與林南川當談

左不離口也不才涖迹里下一無所得雖自
頗堅自待頗厚而氣不從志一念所至似可
猛旋復休歇一興一已蹉跎歲月以及於今益
不如前時是則愧且懼焉執事幸有以教我外
有與許台仲論學數書并贈行二序草稿麓放
思惡又不能真書以請歉歎茲專小僕候行乞
示舟中筆硯不堪並望加恕餘惟珍重不宜

與王體民副郎書

曩辱書弱之惠珍感無已別後稔聞宦况清嘉

鳳林先生文集

卷三

九

存陟崇階且能遺外聲利而耿其中之所存是
不以世俗動也敬仰敬仰惟生苟安草野畧無
寸進去年冬又有南都之遊思得執事者朝夕
周旋砭我沉痾忽聞有太夫人之艱撫此念仁
人孝子之不能爲情也貴郡士夫來備道執事
苦塊羸瘠忍而不衰喪禮之廢久矣有執事又
良爲世教一助小祥已踰伏乞少加俯從勉進
菜果以慰椿老之心是至望也舟行風便篙工
告急不得吊問殷勤此情如有所失亮能原宥

勿欽之臨岐致拜意欽之月暑雨送我於江
潄其懷抱可知浙江四舉子曰許台仲王子揚
高汝白應邦升此皆志慮出塵趣向堅定若使
終無所變他日成就必有可觀不以生之迂也
每辱推讓亦嘗妄論爲學數帖及送行三
五詩序蓬窗苦熱不及錄稿奉目求教此執事
所樂聞者故及之延信便草率奉悃惟珍重孝
體以盡禮制不宜

寄崔德宣年兄書

鳳林先生文集

卷三

十

自戊辰都城判袂水陸異途聲聞不接已已冬
生再遊南雍始知執事歸府滯身入仕之途無
乃困於貧爾郡庚午夏乃聞蘇德夫物故涕泗
良久憂寐不寧者數日德夫資性粹然有志於
古先聖賢之學與執事切磋而進者而生亦以
同榜之末每獲清論緒餘沛然開發前後實多
德夫又不自滿中抱爲心動率見讓嗚呼德夫
之進豈有已耶而天嗇其年不得大成其器使
執事孤立無朋不才孑然遠望痛心流淚豈真

朋友之私情哉且繼承無人家計窮乏猶有考
母在堂執事亦是落木羅漢抑安能爲之地聞
執事復有鼓盆之悲今春不試良以朋友在殯
及中饋無主而然歟不然其果困於貧也古之
學者常履乎憂患之途始可勝重而致遠使執
事懊惱自度則亦已矣就於此段猛加省勵則
所以沮抑我者正所以金玉我也造物之情自
甘而然生自去冬整飭驢馬挾僕夫往試因取
道謁孔子闕里冒風雪忍孤凍幸一遊焉今正

鳳林先生集

卷十

主

方抵都下才踈思澁持論背道又見棄置由冉
而南領仕繻以歸塵埃漸染道路梗阻慘然不
樂者終日思念疇曩同隘蓬共臥執事與德夫
待我特厚一望河流便生嗚咽且斯道衰微未
有甚於今日者程子謂爲之者衆何難之不易
生之有賴於執事與德夫者萬鈞之重也德夫
奄然長逝而執事又在遠地困窮拂鬱無以自
存亦恐念予奪者不公而怠人興起之心邪執
事教我以爲何如伯興屢挫屢奮乃得一第僅

歷方來辛辛事足以自憫不手茲因劉汝珍
信聊布鄙懷鴻風順翮幸示執事出處消息並
德夫家務詳備周匝爲至望也臨筆不盡所言
引領南雲悵惆不已唯乞順時保愛

寄選部王鶴山年兄書

某啟奉別又月餘矣每以不得同舟接三豪清
論爲恨自計風水遲速猶有良期而前後相當
竟不副願爲之不爽者累日恒念執事資稟清
瑩見道分明而又勇於向進謙退爲心持之以

鳳林先生集

卷十

主

往何堅不可破何難不可克也大抵今世士大
夫臨深爲高者自具一材一藝便謂可以凌世
駕物閉目搔手率然而往坐此沮壞以至於老
昏蹉跌無所成就可惜哉古先聖賢所以自待
者何如濂洛諸儒所以自待者何如以宋儒而
方於堯舜周孔大有徑庭今之諸儒於濂洛又
何如方之堯舜周孔真不啻糞丸之於夜光也
而其用心之密不逮濂洛萬萬其欲跨霄漢攀
斗牛蓋汲汲焉返有濂洛之所不及爲思而至

是聖益聖惠益愚不可救拔豈非自陷其身之過哉執事之意見於尊俎談論前亦及此矣更以請教蔡資靜先生淳篤無偽出於天性任道擔當力氣甚決生所畏而愛之者晚涼率有議論嘗云人有能詩能賦能文者又有有材質有幹局有智識者便可驕人殊不知自聖賢視之都是下等事自今能以下等視之則必不以為意而尋上等人做以此鋒鋷錐利之資為切實精審之學於行則堅固而可久於事則滂沛而有餘視彼向之所恃殆不足復經意生之自存亦頗識此而資靜實與之會慨然稱嘆有若新沐不懼覲縷乃復啟陳以代面話區區也台仲汝白邦升三先生俱以二浙英豪潛形江海飛鴻之翼想見及之資靜便草草具情心事資靜能言之令舅秉用先生乞申拜意楚山越水遶濶無情引領東風不勝展轉漸暑千萬為道自重

與亡友賈用和書

某敗亡友賈用和老先生真純始亡友與先軍有周旋一日之雅亡友遂以托身為終焉計風雨凄凄變故百出而亡友性若金石始終不易嗚呼世之儒衣大冠昂然舉首者何限少臨利害瞋目掉臂去故人如脫屣甚則爭奪之念萌及擠於深淵有引繩而救者將何圖以止之若人也使見君子其不愧死也哉生最辱亡友珍重每以古之至人期我而學懶意荒迂見拙聞寡與世合又蹉跎長途風飄雨練無有寧息夙知已矣舟次漢口困蹙之餘不得往哭宿草之墓謹具香紙菲儀聊申鄙意亡友有子銓能振儒業黽勉奮激不墜家聲亡友可以瞑目矣臨岐東望淚下如泉登堂幽深神其安只謹告與湛元明內翰書

不以窺執事也前得一接談有論及白沙微妙者爾時欲便窮探又非求訓之旨因循怠惰遂有雲泥之隔執事忍使種子不然自我而罷乎冀有以諄諄也貴賓崔子鍾先生中州豪傑勇於進道亦承以生不遇爲辭神交氣接千古所難一言之重群人歛衽此感何深自今以後益守此身不敢少有怠忽萬冀古之中人亦可瞑目至於遭時吐氣自有定數不望於此而極力於彼似亦不負知己矣見時乞爲申意伯興嚮

鳳林先生集

卷一

書

與鄭伯興書

燕門一別孤棹淒涼周迴六千餘里於六月十九日始息肩鳳林炎暑薰蒸長風壯猛大類與執事去年相共時而子行踴立育疵長各則其今年之所獨也在漢口托應舅寄一書中數此

八益過小孤山三詩今復不再錄想後得塵雷覽故及之七月初辱執事六月初十日付來華翰捧讀酸楚無以自持諸公過譽一節豈執事愛魚目而故廁之珠市乎將亦有以激勵我也名譽不彰朋友之過此雖先輩之言似亦汲汲於世者君子患已之無其實也不患人之不聞也使容心於外則凡可以欺物爲章盜世取榮皆可勤勤也而不知內之日益喪耳執事以爲何如執事素有蘊蓄大節落落今又友天下之士則其所就豈可量哉且云存養此心熟後有益存養入道之始也熟遊道之常也有益又熟之驗也古之人所以大過人者在此機脉而昏汶汶旅進旅退又可得同時而語但念踈拙無能不得與執事同鞭共策之末神鬼飛越慘慘無聊蓋每發每嘆者不知其幾所幸者今歲秋計頗豐菽水之資差可辦理怡然庭戶粗度年華愈益怕接人應物非有不得已不自日道中行也本縣朱蓮幕勤於見訪益亦傳執事之

鳳林先生集

卷一

書

指而不才尚未答之嗟嗟公守靜之直
郡邑諸公亦以此奉謝其意以我之高應彼之
尊兩全其美而各不失其大雖謗言布流頗能
不變恃任知己故屢陳之譚府闔門平安寒家
亦託庇爾錫元明二先生應去曾貢書今不復
陳乞先爲道意欽之養和平用諸年兄師召世
諸友亦乞道意風便草草奉啟歸來瘡患連
累步履皆廢捉筆不端謹乞原宥漸秋千萬爲
重

林先生文集

卷之

七

與鄭伯興刑曹書

李舍去曾貢書爾時瘡患方熾及今未平親朋
往來一切都廢遠念契兄榮官都城安康倍昔
六月時曾有清恙天能相吉數日而平既慮以
忻心復總總執事居天下之中土以友四方之
士其學益深其養益熟他日成大名於後世亦
丈夫之所樂也但今四方多故文臣守正不移
操天下而怡然其顏者誰武臣出奇忘生縱橫
甲關吏強寇左顧右盼莫能枝梧者誰若但隨

時率補聊以天命自解

聖明亦何所賴執事去草茅而當官守其必有
以處此矣宿員外直氣敢言其中所建白未聞
何事去泰去甚此最補弊之法若其抗顏危言
迄一已之私論而不顧具可行與否此非聖賢
之所珍便以寄示可也土主事從而援之惜正
人之難立蹈既覆之危機不知心胸而目當爲
何如人想執事亦幸吾道之多朋也不才奔走
道路衝挹風波近二十年百無一成爲世所輕
風林先生文集 卷之十
近覺精神減耗心思忽忘前承執事並爾錫元
明二契兄見勉以留意科目取一第以爲老母
餘年之樂捧持此教莫知爲功邇來士氣卑弱
甚矣弱則不能辦天下之大事卑則可以無所
不爲相挾相誘展轉沈痼如大病在身大寐未
醒營營拘拘進以通者此身也退以窮者此身
也不才不量學之寡乏力之衰頽人之信否嘗
欲矯斯世而脫其昧昧又復追尋偶律牽制文
義而不得一遂其所欲爲其不發狂而叫者

親其後嗣於九庸而欲其出而求使鳳凰鳴
而騏驎嘶則亦何可爲也遂使縷組縛其體魄
世味亂其心思苦海沸騰頭出頭沒不知將何
辭以自解於後世執事幸再有以示我之迷途
請元明之教爲至望也貴眷咸安好兆生新婦
甚協闔門之口寇盜流行隔我王路尊嫂之行
當未有期厓菴兄自南歸粗有所獲可齋弟亦
歸其病未甚愈其功幸在報南麓方泉二弟從
事燈火恒以不得親門下爲燕城中地寬房少

鳳林先生文集

卷之十一

五元

親朋往來無休日勞勞頗不安寧欲習池舊房
邊結一小茅屋居之窮田無一物跬步皆難執
事識此味久矣恐知之瞻望
神京淒其益甚幸執事保愛

與李瘦鵠秀才書

別久每念丰采不置令兄率公在元城起居何
如聞有渠魁之執文事武備執事家庭之訓固
如此大名古天雄軍也澶淵之後猶有耆舊能
傳秉公之事乎親扶日月以中外一時賢

歟壯避之平生忘身徇國秉道嫉邪之心至此
間不容髮故其功名成就烜赫輝光人莫能及
孤注之譖無亦指其不能深居重閉惻惻焉惟
恐其有傷於君後之當局者紛紛錯亂呼雉呼
盧而忘其累又不得以是而病萊公也卽今天
下多故草莽之夫所望於尊甫翁者不淺故以
執事近所遊擢之雄舉而質之也幸示教焉風
雪苦寒猶未一拜執事幸恕其潦倒而遲至望
至望不具

鳳林先生文集

卷之十一

三

寄奉楊淮陽舅翁書

兩弟來具聞尊候動靜且辱教翰中言齡弟報
効一事欲爲進身之謀但賊勢奔走無常恐難
成功就使餘黨皆獲而元惡潛逃必無陞賞之
理且流剽之徒非有他志殺人取財貪酒好色
而已官軍一動必不能支追之則我兵衆食寡
未利遠陟不追又復群聚後來想只散亂消滅
苦不能成大形迹也兵凶戰危所不忍言而齡
弟以孱弱之軀違垂白之親冒犯風露出入矢

萬有一他虞所損多矣就使寄名幕府事以
濟必狡猾者先得之而齡弟之忠厚又豈能
以此僥倖之事乎假得一階送監讀書卽今例
行充滿南雍計坐監與得官之期齡弟不減六
十矣甥之意只欲令其保守家業務力農桑事
奉父母教訓兒子不失爲一善人足矣天地間
又豈須得官斯爲美乎官非不美時不可爲事
不可爲理不可爲則亦安然退聽而已上下失
儒素家風下不至卑賤其身愚庸之見如此曷

愚林先生集

卷之二

五

第業有武階又慣騎射且耐辛苦亦自力量聽
其爲之至於齡弟決不可也方勸其歸而卽不
敢故遣楊節來具達其事伏惟尊鑒俯賜俞允
令其蚤回實老母之至念西臬翁之厚意不然
恐徒費錢物隳損名價饑渴於山川勞苦之餘
疾病於鋒鏑搶攘之下欲進不能欲退不可此
事所必至者故不敢隱忍回避苦口陳之乞恕
誅責而容納之不勝至望昌弟在舍下麓茶淡
之即與講談此不勞掛尊慮又所望也餘不悉

敬

與曹元禮書

昨辱枉顧猶見芝容清瘦青春何苦多病如此
請益加將息檢藥物節飲食省思慮雞窗燈火
亦爲暫止且思慮在人最爲害事豈不以身事
未安帖邪以賢弟之才三五年前應得官矣而
猶爾者蓋以窮通有命有不能一毫強者而况
榮利在外非所當急請以目寬可也光陰有限
此身難得使之勞勞焉以終日敝敝焉以了其

愚林先生集

卷之二

五

生決非知道者之所甘心柳子云今生三十七
年矣大率一倍則無此身已過之年恍惚如夢
則未來者其不足把玩亦已審矣人生乃爾何
爲者哉常愛邵子詩有云富貴如將智力求
仲尼年少合封侯世人不解青天意空把身心
半夜愁知意者固不屑此亦可深爲不安命者
之戒不才之愚年來似有龔悟於世間一切煩
煩瑣瑣都欲放下而猶未能惟以奉親講學二
事爲急困頓中雖無其甘旨但覺憂慈怡怡終

日無以此自考中夜惓惓便不能寐往時只欲觀山玩水以樂性情今則盡力爲此而已昔之虛而今之實所以不至無捉摸日可向進而講學一事頑鈍之資不可解析又志大心勞不伏氣精於一二便了以致所向解體都無一成蓋又不得諸英俊琢磨之及更坐是困抑不能自拔於昏昏憤憤之中則深愧且懼焉不欲隱於左右故述之倘可採錄卽以省字爲主則尊恙當不俟耆黃參朮已滅十之九矣幸勿曰鳳林先生文集 卷之二 三

愛自愛

寄鄭伯興刑曹書

曹元建來領翰教一向因循無聊懶於筆札故缺奉問且情思如麻臨紙莫知所裁屢爲屢止者多矣念念間勤來又領翰教備審別後舉止聲華年半間如一彈指喜懌之餘旣以感慨執事所就益深所見益廣廣以爲深之功深以爲

廣之效日積月累徑路不差何古人之不可及哉但今天下人物如甘泉太行陽明五七輩審之久矣自執事入仕以來又當有參錯於科目及沉身於未顯者郡邑最四方聚會之所執事又勤於接引之人何間乞歷歷開示藏之書冊以俟他日考焉大抵祛俗學之迷以求聖賢之精古人也今亦人也開日月之光以立太平之業古人也今亦人也豈盛於古而獨奮於今哉將有之不能見於用以自秘而自修也慕此良友心焉忡忡如浙江許台仲輩亦甚勇猛向進使其不變自當爲一世偉人審之者不可見見之者不能久能久者今又隔越千里之外初志荒落髣髴如蓬此懷何如捉筆不知縷縷

寄王明遇黃門年兄書

都中奉別之後忽爾十六七月矣行時且辱佳惠自念迂拙甘與麋鹿爲伍何足堪君子之情哉久聞喬遷諫垣風采赫赫丈夫立身行學恨於不得其位得其位又恨無可言者使無可言

天下太平之福也因君子之所樂也使有可
則恨其無可言者必將明目張膽爲

朝廷言之而況欲立其身行其學者其不苟一
言以塞責而謂吾言之而不行則亦奚以言爲
決不肯尸其位以

君以舉所學無疑
事聞譽著於鄉閭學業
拔於儕輩立於

殿陛之間以與

天子爭是非
而下歛容避之山林寂寞

鳳林先生集

卷

之餘延頸北望
聽其有耿耿之聲者其不於
執事而誰望
至平心氣去泰去甚勿俾
救時者陰議
則所謂太平之福正不在於
無言也叨辱年未故敢綴以獻萬有一分之
愚若曰旁觀鮮有迷者則誠是矣草莽又豈敢
以尋常當局者望執事哉使中幸見示敝鄉余
邦振有聲於學校者見觚翰不足爲立取欲配
天下之首者而誅之顧其成効亦有可觀今方
就用兵曹執事試與之言必有以見其非不足

於文而甘心於武者倘爲鼠狗之竊發
將不忍置此人於稠衆之中而累爲公得一人
人得一人則人將不可勝用而何搶攘之足憂
哉恃愛又復狂聒不才苟度春秋奉母之暇聊
以山水經籍自娛無足道念邦振久在同窗能
諱之秋氣漸深伏爲珍重道體以增
社稷之重

與寶視遠黃門書

自可齋舍弟處別後兩辱華翰繼以詩篇捧誦

鳳林先生集

卷

五

之餘每念執事故舊之篤也連試於都人事勞
擾無閑暇遂不得過東北隅一拜於執事之庭
此其所甚歉者執事高擢春闈旋授司諫常於
風月之下與可齋爲執事喜不已去冬且聞犯
權貴觸忌諱言天下事當其時縮頸吐舌於暗
室屋漏之中者不知凡幾千萬人而執事獨能
出於尋常禍福之外以與刀鋸鼎鑊相可否其
果執事不愛其身歟不愛其官歟將以塞天子
耳目之任歟將思垂其名歟思垂其名者已涉

於私矣而愛身與官者想執事視之又不知何如其可耻也知

朝廷而不知有私門知職任而不知有利害正氣凌霜雪而不回文羽勁翮遭網羅而不折拜危言指奸人之骨髓而不以吾之自保其私者以相撓亂若執事可謂不愧於爲人臣者矣貴寅王終南先生甫得一官便浩然而去則其中之所存莫得而窺者曾與鄭伯興送行文中亦粗得其彷彿恐丘壑之餘終南亦不得並其高

鳳林先生文集

卷三

七

也惟時正與執事同其事者故及之天下之公論又可得與執事而軒輊邪恃愛故爾縷縷茲因敝同窓余邦振應
詔授功而來草札具啟邦振湖南人物鼓掌論世事疊疊可聽常於湖河川陝有奇功山川之險軍旅之實已在此人胷中則今四方盜賊未甚妥帖如得此輩參錯於閭閻之間必有能濟者公道不惜援引正所謂執事不知者人其舍諸也留念留念秋深伏惟爲

國自重以膺遠大之福不具儀

寄彭南峯司馬書

達教日深仰德殊甚舍甥行曾具小扎諒授左不爲聞執事宦况清嘉兵政振舉當四方多故之時展樞筭幹旋之力上以安

朝廷下以福生民而鄉閭又獨在於庇覆之中不知丈夫得志行其所願欲者有過於此乎忻懌忻懌不才粗度春秋無足道念邇來西泉翁翁有起用消息未知真否吾恐松楸泉石之樂

鳳林先生文集

卷三

七

雖萬鍾不以易也飽眠靜坐醉登倦步保太朴於未雕之餘全至貴於榮辱之外此亦執事之所深慕者不才每於華音寄西泉翁者得觀之故於此不避其狂而悉言之舍弟指揮在陝時運糧七萬有餘入川又獲四功萬死一生鬚鬢盡禿而主司者增減信於其手未有半階之路此實寒門祚蔭之薄也恃在瓜葛漫一觀縷茲因邦振先生行草草具啟饒思千頃稻渴望萬一波邦振於執事甚有所賴也秋氣漸深伏惟

珍重以副貂蟬黑虎之望不具

與南漳王竹軒先生書

久不奉接顏面話詩談農桑心若有所失前承厚賜愧無以答盛意塵海茫茫風霜猛厲波濤如山泛於其中者把一棹牽颿戰棹失色望津涯而不可及意稍怠則覆溺隨之卒亦顛撼震蕩嘔泄擊撞不能一日安斯時也山居而陸行者方布累頭掩衾而臥稍醒顧婢子問粟有餘否雞豚無恙否又耿耿然遊於無城郭疆界之

鳳林先生文集

卷一

五

鄉有叩者曰吾且理吾真皆去由是觀之則今之勞逸者可知矣執事者之遊何如將得其真久矣而不以告人也幸爲我言之勿以獨善生苟安歲月經籍爲朋習池之波淺澁而不能多灌溉而光明清澈亦足以盪人之心目恃此自樂終恐牽之於外者日墮於前而內之所存不能不爲之搖爾時瀾漫中望執事又將赧然流汗吁吁出氣去虛危而卽廣厚若不終日執事其執斜封以叩我於鳳林之上則何敢曰君姑

去隨筆發狂非執事又不可也山居雜詩八首錄奉求教兼訊筆法墨一笏帕二方表意均乞收照秋意深矣惟保啻精神以增蒼玉之重

寄郢中沈從實少參書

拜違丰度六七年矣仰慕之私無日不切執事掛冠歸鄉里正當東遊一候而跬步如棘未有良期邇聞卜居郊外脫離塵鞅蕭然風月世味都忘執事亦甚樂矣生竊有言焉人之所志貴高尤貴於自信高則萬物皆不能係累於我信

鳳林先生文集

卷一

早

則守我之所得堅定而不移而外之毀譽欣戚儻來無妄之禍福皆可以不介之於懷吾之身至眇也一心至微也而欲以求合天下之人使於我無有怨焉無有惡焉皆欣欣然而遂其私焉雖古之大智者有不能爲此而况矯揉奮發攘袂於世必行己之志而無所疑者哉悔之杳至固其宜也然則自信者其必有以處此而不累其高矣迂見如此執事以爲何如生素蒙提挈期望過厚而學不加進智日益昏昔之勇今

怯矣昔之潔今汙矣望泰山足縮縛蹈東海而神茫洋不知何所底止而後已執事其愛我而加誨否乎伯興每有書至修爲益篤聞見亦廣儕輩如此良切自賀但有糟糠之慘爲不能堪耳茲因舍第行便謹奉寸楮用伸縫繡之意凡事更望指引不以秦人視之可也餘惟珍重道體以迓神仙之福

與鄭伯興書

每不奉接瞻企無已周家山地何如想高懷自有斟酌亦難苦憑術士也令舅允節適來云執事漸有瘡容思欲助以滋味是不以乃姊之恩傷君子之萬金也但期喪廢壞已久而世莫之省則將父母而下其無親戚矣乎推之至此其亦不仁甚矣執事挺然立於頽波之餘可敬可仰後之學道者聞其風而興起焉所謂難之易者於是在不爲斯世一大快耶此更惟命

又與鄭伯興書

某啟夜聲枉顧具謝再啟肅公清志苦節悠然

北邙高翔於汙濁之世故廉蔣之名顯至於今執事學聖人之道而有得者一節之士又在其包括中今借以自號則其名愈益顯著無疑矣買山而居買田而耕此正今日急務不然則鐵爐步之誚執事其能免乎且其地僻在東南一隅又限以溪之深遂爲縉紳之所棄意其山水還向鬱氣藏秀當有久而不售者善者必享其利賢嫂真其人矣而必有獲也培其根而率其所從決在此舉其視勞勞焉而卒無所之或既得焉而二三其爲其能定厥志乎執事倘以一得之愚見採侯稍晴明請身往觀之生當策蹇以從果承華轡將以攬高人之遺蹤而激我之懦懷是爲賜又甚厚矣幸示乃望

請曹西泉岳翁侍御觀冠禮書

之瑞擇是月十二日冠前辱厚賜銘感無已更望車從及期寵顧顧草誨備儀禮使主賓以下有所矜式弱冠之兒有言瞻望也倘蒙不拒下

榮幸之至

請沈南泉為賓書

夫冠筮賓賓乃擇贊正以謹三加重成人
恭惟執事名收塲屋行著鄉閭而豚兒年漸
成禮宜束髮是以敬卜明日行冠倘蒙執事
然肯來拱居賓位令郎為贊亦請隨行深望
鴻潤之功大示周行之教揖讓之風不言而化
令之下有所服膺則後生小子何幸如之而
生亦欣喜萬倍也至期拱俟伏惟照鑒

召李時為賓書

鳳林先生集
卷二
汝舅明日冠託汝為領汝其專心求之古禮不
行於今久矣人都眼生若將節目條件細細經
歷存得這些意思在胸中何患不高明但恐信
不及如畫脂鏤米或有或無又何益於學哉古
人謂行得便是會讀書小子志之

與高公載都閫書

別久心恒念慕高美之選小試行道耳執事之
才之學擁虎符獨當一面實所優為計亦在指
日也瞿塘客

軍調發頗仍強者玩敵弱者懼之以疲困之
懷莫抗之情加以地非平原不利戰鬪寇窮而
奔上流之勢所必有者意外之患想執事經於
方寸久矣腐儒無用漫一道之幸勿笑其拙也
舍弟在郢極承提携近聞都府有謬薦之書不
知事竟何如使回奉謝並申賀意餘惟自重

與張景明國史書

某再拜啟下風渴仰近二十年矣每辱執事誤
加崇獎欲引而進神交夢接此感何極恭惟執
事以天下之英道德之重樹楷範於大藩縉紳
欽悚遠近瞻望獨以生之鄙拙雖常通一章於
左右而恒以未得接光霽為恨邇來忽辱飛示
諸作捧頌之餘益增念慕可齋舍弟歸傳道盛
德不已且加之教非存心當世者不為武弁如
此鋪排也銘刻銘刻生本以退鈍之夫託身田
畝學不加進而智識日昏雖勉強支持亦恐終
成廢惰企踵門牆東望永懷伏紙戀戀不盡所
欲言惟大人君子為道自愛自重不宣

與王朝陽上舍書

前者辱臨敝郡殊覺簡慢賢者又辱賜教不一兼之寵惠何以當之念間華筓飛墜雲芝並來撫此知教子之有徵也今之爲士者取科第充貲貨日夜冀超遷得之則揚揚喜不得則戚然憂若不可終夕其於人倫之大節義之重視之如浮雲漫不經意其或周旋其間者又以迂濶之徒而擠之使無以自容鄉里遂以成俗郡邑因之改聰將使頹風日長正學湮微此有識者

鳳林先生文集

卷二

書

與劉養和侍御書

自都下奉別每感締袍之情念慕不忘歸來靜

臥山林飢粥自遣李二守處又見華翰中及生之拙遂使草茅增價年豪之賜也鹿門歸始聞大旆出按關中當盜賊擾攘之時兵糧困竭以執事之才之學濟之以位吾鄉其無憂矣又秋關在邇執事正操監臨之柄網羅收拾禮重弊清三秦豪傑爲當畢至以人事君在臣工之所汲汲者執事幸留意焉茲因便輒裁寸札奉啟南鄭生原籍也先坐寓焉淹留之餘未遂登拜之願執事倘臨其地得片言加之存歿不勝光

鳳林先生文集

卷二

書

與劉養和侍御書

不瞻丰采又歷歲時景慕之私無日能已執事出按方隅山岳震動而求賢一書又卓越諸省可敬可賀雖以網羅誤陷而聖人在上公道昭明亦何慮耶古之君子恒履乎憂患之途然後有所增益以勝重致遠執事其樂此也審矣伏望就於此段猛加刻勵則今日之琢磨我者必

他日爲成就我也狂藥之人不習諛辭故直
意之想服行之外尤有進於此者幸垂教焉客
計猶定使當趨拜銀一錢具雞黍且笑納爲榮
俾侯國既

與邵思抑內翰

不奉手範逾八年矣每仰德義之懷令人悵望
不已執事入翰苑遭大難而歸旋以例改寧國
推官王堂之於府倅在衆人以清冗懸絕將移
心進取而所職則茂如也生靈肥瘠不關其心

鳳樓先生集

卷之

望

獄犴紛拏不涉於爲高居深拱曰吾何人而至
是哉是古人惟恐利澤不及於生民而今則惟
恐利澤不在於其身使閭閻有無聊之風下官
多不職之徒未必非學道而自愛者有以啟之
也貴治百一高士來會都中首稱執事之政之
才與其懷抱生方欲叩之而百一覺覺之論不
已若將以執事之身爲河而懸於其口也潤狂
莫回風流愈下何幸見斯人哉此固生平昔之
所望而執事深能不負其所學欣喜欣喜百一

又頌執事之文理益到詞益健知見益密又將
不必識其面而後得其中之所存也生久鈍山
林不習爲佞執事其返觀焉則德日進無疆無
後之所及斷斷非恒人所能窺又豈非吾道
光邪南陵范岡崇讓者自幼好學老而彌篤
生曾聽其議論洒洒動人且又不爲牽制玄虛
立異自高之事有士如此顧其貧困刺骨饑寒
臭堪在執事治下亦常聞而愛之乎廣詢傳訪
正聰明之所能及亦何俟於區區偶便設一道
之茲百一回草率具啟伏紙領戀不覺辭之繁
縟意之勤勤也惟君子保重玉體以慰一郡之
望且以膺

國家重任不宜

與曹元禮書

春曹分手之後次日操一簡遺祿郎候行至則
文旆出關矣隨元修至敝寓持翰示悵然久之
敗軍潰卒捲甲而趨辛苦如何可言僕以是月
一日抵家不意吾契得如所望之例而歸也瑞

凡到山間始聞之不勝喜悅吾契之才之器會
當大有發舒此不足慮獨以僕鈍拙日甚每入
深山卽恨其輟之復回步之折而卻視也情思
踈懶世故都忘呼我爲馬者應之以馬呼我爲
牛者應之以牛便可脫然而無所累於外秋之
毫蜂之股隨分而得之便可自放於造化之內
又何必屹屹自苦以了如風如電之歲月哉昨
夏度一橋旁立一碑上有詩云葡萄不向春雨
乾人生七十古來難醒後自笑登山靈厭人之
煩勞而論之邪然以意思未嘉隨易而續之丈
夫努力宇宙間人生七十古來難窮通得喪自
有分試把前途子細看冥昧而行茫茫洋洋不
知身之重而萬物之輕此最大弊故僕言之因
候寒暄附以請教連日賤體猶未復且恕躬拜
爲望途中風物想有紀述幸示之

與儲國史書

某啟淺拙之才無可比論於世齒齟齬藤蔓牽纏
不能引體誠可自愧疾病侵凌跬步如棘退步

林壑情稍寬裕每念盛意常恨虛辱負君子之
懷多矣稍涼當候左右先此具達乞鑒原使有
位者責士以趨走之恭而士遂趑趄於其門則
生誠有罪矣然或有位者以丰采自高無所禮
於士而士以道義自重視萬鍾若甚輕焉則亦
判然各保其所得又何纖芥之有苟士卑卑焉
求望於有位者喪所有而冒爲之有位者軒然
自大傲若不視舉其十而與一憐焉處身以汙
穢之途待有位者以簡慢之愆不亦人已俱喪
乎則將流汗喘胸所不忍爲者恃愛故續言之
惟見教寄黃光化小柬一通煩有便付之諒不
拒棄餘仰不旣

與瑞兒書

張友來此相從是背時所好而爲之者豈不可
嘉美乎且形氣敦厚語言簡寡我初便要與他
講論商量時文渠言暫止著見先生使人自矣
待把心下許多齷齪卑汙底意思打整打整方
可教這意思甚好得渠如此挨擦我又焉敢

自放古人謂相觀而善真個是有益汝以孤經
行汝舅來相從亦須靜處實下工夫師友但指
引得難靠倒他也與朋友處不可戲謔浮浪講
閑話莫說閑門要了却到人前做張治豈不負
父師之望也被旁人窺已是箇不實的人於已
豈不甚壞又何能積德以爲他日希賢之基哉
言之痛心爾宜刻骨

與劉世勲別駕書

年餘未奉清教在都下時會何勉承二守備道

鳳林先生集

卷三

五

執事起居心甚欣懌李獻吉先生剛方正直遇
事不可屈撓此是天地正氣然恐磨棱合縫處
少欠缺處工夫是以陷於世網而愛之者亦從
而議之古人以陽剛爲君子之德使能去其偏
而今其本然則亦何愧於聖賢哉執事在李公
愛中而僕昔被其教亦不得不爲此拳拳也今
使剛者不能遂其志懦者又無以立其操汨汨
沒沒打成一片世變如江河之流當何時而止
乎言之可爲吟邑惟執事教之勿以示人可也

靜處山林耕田養性塵埃之念似欲休歇不
足及不足及今第便謹此布意餘惟保重道體
以膺寵擢不具備

與沈全卿大尹書

別後不聞動靜王大之來乃知爲梁山僕於是
而知賢者之志行矣今之時念高位之足以肆
志懷饒地之足以縱欲卒之只成就一段貪汙
淫蕩而已彼方曰吾了一場事人之議已者將
柰已何嗚呼是何足與言義哉且聞梁山僻在

鳳林先生集

卷三

五

一隅無車馬喧填之苦民有山澤之利大足自
給比年盜賊縱橫此爲門戶農業彫喪室廬破
壞士夫救死不暇奚有於禮義即今平寧已久
良心固在而其隋墜不能自振者是又望於循
良之吏也古之人憂公如家愛民如子豈其性
異人哉但不蔽其所稟故耳執事淹留屈抑之
餘爲學之功深矣尚當思所以生聚之教訓之
幾年之後衣食充裕禮教興行執事高拱於群
姓之上彈琴賦詩種菴養菊不亦天地間學道

者一大樂事耶觀風者上之於朝作史者筆之於書與古昔同光是在執事自爲而已仁義未嘗不利升高其必自卑前日與令舅南峯先生言之甚詳試問之當發一笑僕借谷隱僧房十六日灼艾矣不便趨走都廢衣冠此情翹想如饑如渴人事稍定薄暮拉鹿門來山話一宿却蚤去也不相妨至望至望爾錫德宜有書否邦憲先生真爲褰垣否元修得歸否並示餘面可既

鳳林先生文集

卷十

七

與戴承之推府書

執事高深之學爲流輩推仰久矣前在天曹思欲裂其謁選之章手挽清轡以歸將導我之輦瞽而起其廢年愚之至願也又念執事志存經濟脫情世俗苟可以少行其學而無負於平生古人之所樂爲者而吾又何嫌乎生山居灼艾出無驢馬斷往來爲自蔽計小僕忽到云執事有叙州之擢喜不自勝貴職乃持平之官一郡生靈咸盆而望天者凡幾千萬人使人皆以

爲不究則執事之學行矣大抵今之恃才而情者以神明自蓄高坐端拱隨吾私智之所及引其詞飾其文奇請巧鍊雖姦人有不能逃而況於愚蒙者乎又有不甚事事苟爲舉措者堂下千里痛抑盈間斯固皆執事之所棄恃在年未故言之貴郡而上仰有高峯之崔嵬急峽之奔悍蒼藤古木朦朧激撞大發執事之文思則是行又非徒爾以爲也臨紙欣念復以發其愚聞明日蚤行至習池肯枉駕一顧蕭寺乎疏笥忝交豫儲已久但恐黃堂之貴漸欲易交則牛徒悵悵而無所投倚也如何如何餘可面既

鳳林先生文集

卷十

七

奉西泉岳書

不奉顏色殆近一月心甚耿耿辱教翰始知空同先生欲寓於襄正喜直言君子前後相望委塵之風庶其少廖乎龐德公真隱者也某常欲爲建一祠於其地而力小費繁不可以翁之味伯興之名號崆峒之好尚其將有成不然須二十年也元禮何意示

與劉應文書

連日仍望一顧乃爾寂然賤瘡大發經史都廢但得身閑心靜差度日耳自下第來達官長者未嘗敢造其門自笑進不能取一官爲當路者教育之驗退又不能深藏遠引猶啍啍強談論以重爲當路者所輕方懷是念而病出無聊偶與之會尋醫市藥遂無暇時昨辱我郡侯枉顧及暮又有米紙之惠感懼交集不能自任蓋賤任泥途不足比數而誤承是又不貴以奔走之

鳳林先生集

卷上

書

恭使匍匐於我門下而後一逞願焉此古昔貴人之所行而僕遭之其又何堪自今但當益勉於學修身飾行庶幾乎可與廉耻忠厚之風以裨我郡侯循良之治亦誠不爲虛辱矣不識執事以爲何如鄙意如此未敢徑達煩執事便中先一申焉則果非倨傲不可以爲下者稍愈便當趨謝以請萬罪惟執事爲我圖之不至於堂下千里可也令叔璧已完矣李獻吉先生有寓裝之意五年之約今果得遂造物者將有意乎

續編

與鄭伯興書

深山幽寂坐臥隨心野人便於軒冕者如此嘉惠適來並有松坡之意領矣崆峒學高而行古但恐有過當處不肯回頭尋箇恰好道理韓子謂學焉而得其性之所近後來儒者每每是這等只是源頭欠却存養省察工夫所以稟賦未完路徑窄狹若大的人四通八達事爲都在他線索內何處更有杜撰應度以及於窒礙無聊也教之教之

鳳林先生集

卷上

書

答劉應文書

辱枉顧山居荒涼殊覺簡慢正歉裁謝又領華札但其中之所教有非僕之所知者豈執事誤於聽聞不究其指意之所向而輒爲辭邪前書有宜奉復者以爲爲學之功不可不講耳以執事之明敏而僕之鄙朴各相迴避徒習諛言古人授交固不如此也出處進退之論非僕所敢言而曰內不愧心外不愧人前不愧古後不愧

今則僕數年如此頗從事其道猶未能登其堂而嚼其味也使爲學能內不愧心其於在人與言今可一舉而得而不愧於心者工夫實難話高地位亦是極至處固非聲音笑貌之所爲抑非言語筆札之所可了正如都邑之美必由路而入然後觀之爲快不然跂足而望人模擬又何貴於學哉僕於執事有兄弟之懿義得以相漸靡不但已也惟冀以康衢見示使人皆坦然由之則惠我多矣苟或荆棘頗又

鳳林先生文集

卷之二

五

之論美其文辭焉則求於內者寡矣買積還珠豈不重爲智者之所笑邪擁筆觀縷皆心膂肝鬲之言非有所附益而曲折也此學不講久矣年來益覺粗有所得於執事不盡言之又俟於何人哉不察其愚而輒加以罪矣此僕之所以不容於不喋喋也更望見教炎暑甚熱保重保重

與方景弟書

鳳林先生文集

卷之二

五

來孫回偶有一言相及未必無意也愚意但謂以我爲可觀而欲有所益者則將盡其心而告之不然若飄風之於耳何所得也是亦不欲爲辭今觀賢弟之翰其中皆昔日儒者之所求而又有進於是者請爲賢弟詳之浸潤之言自古如此但吾所以自處何如耳又曰私念平生未粹白此正學者返已切要之急功蓋賢人君子惟求吾之所自立於世果無愧雖鑠金之口固無害也而況曰似不爲誣則已之爲金未甚堅也而何暇責人哉波浪中有尺寸非大聖賢不

能今之人於顛波中而能不誤者鮮矣欲於此
用功不若於風恬浪靜謹持帆樞安然而行雖
有不虞之溝忽然之颶亦庶幾可以免矣惡人
可祀上帝此孟子教人悔過之言而人未嘗知
之賢第及此自求多福之時也已往者棄之方
來者新之美惡之機在吾而已賢第曰將有所
覺豈不謙之太過乎又曰自奮則良心之不能
自已而天理所不容泯也蓋百行萬事具於吾
身無所虧欠顧人自缺之耳予十數年之前聞
鳳林先生集卷之三
人言之以爲此常談也一二年來覺得寡爲後
世違於其道者發以故朝夕未敢違惰以必期
於成而質弱力衰或進或退豈所謂力不足者
人欲不足以勝之理歟然此心未泯也益苦益
堅益猛益烈故今之同志漫無其人惟以自考
不敢以告人也而賢第乃曰欲就高遠不安於
人品之所能吾恐以口舌之間欲爲觀聽之美
而已前日劉應文曾荅一柬論爲學之功而渠
方怒未已若非親戚之故其不褻褻而嘗者

希故予以此絕於言議忽見來翰喜不自勝
之人通天下欲爲仁人而況同氣哉大抵聖賢
學問之功如賢第之所請亦頗有路若曰不失
大指隨力做去古之人如此何限而欲望聖道
之毫厘亦不能矣堯舜禹湯兢兢業業何苦如
此蓋必有所不得已而然耳人道之全仁人之
公無踰是者在賢第察識而力行之今之爲學
者口談性命心慕樂紂其能幾於道乎請爲賢
弟謝之醉筆未盡所欲言未及者與南麓商之
鳳林先生集卷之三
與李崆峒憲副書
昔日過汴時得登龍門櫟材末品自顧不堪豈
意先生君子誨以清談懷以華燕次復寵臨感
念盛情未嘗少替執事典學西江文風大振而
釣魚臺一記爲後學指南是豈尋常者所能及
哉饒州劉府判每有書至輒承動靜邇來直道
難容飄然高興一夕已在鹿門之下矣連日仰
望仙舟今蚤始聞艤棹荒城便當躬候左右以
慰客思而賤軀灼艾未愈潛隱山寺手足俱病

不利衣冠俟三二日勉強趨拜也華寓家外
西泉先生已嘗識一區又問何邦治先生亦一
區甚嘉不知執事何所擇也孤風遠操爲世楷
範頽俗流波將自此而有興乎惟自重自愛不
勝奉奉小詩一章奉見拙意揮筆垂教至望至
望餘不敢瑣屑

與范汝和戶曹書

南都丁卯之別回首近七年矣兩寓燕臺竟未
一奉清教豈非數邪執事高擢巍科足行所學

鳳林先生集

卷二

且遵孝子之願欣仰欣仰傳原質來辱華翰展
讀之下具悉義舉天下之事當乎吾前隨吾之
力量而爲之必竟有濟使先有心於不可爲則
必爲之志衰矣又益之以艱難阻絕有非常人
所能爲者則外有所制內有所懷內外牽掣事
終不能就矣世亦何敢望於斯人執事鍾南方
清淑之氣有古人關學之功其不苟焉以自免
一辭以塞責也明甚故敢冒言之幸恕其狂不
才守靜山林體道遺奉親之外聊以經史自

不足及不足及貴同年浙江高汝白應邦升
尚志之士也想朝夕還往議論必多便中見教
爲望更爲申意茲者伯興先生行謹貢草札不
盡所欲言秋深惟順時自保以膺大任不具備

與崔德宣察院書

都中分手之後忽爾半年仰慕之情無日能已
執事以敦朴之資剛正之氣造道於淹溜之餘
一旦發揚於世其過人遠甚理所宜然獨不知
榮宦之職內邪外邪古人隨其地而行其所志

鳳林先生集

卷二

具有條格高明自應有見豈山人之所能與但
使耿耿者不散紛紛者無以易其慮則未契之
願得矣狂斐幸恕之弟冰月風花南村簷遺所
謂造物者之無盡藏也而吾之所獨適執事亦
常念之否乎歲旱民荒重以男婚之費坐此不
得安帖耳恃在知己故悉言之所不能盡者伯
興能詳餘乞珍重以迓
天寵不具

與陳司訓書

教之職蓋選擇之使也太平之盛諸藩有如
河間東平禮樂敦睦爲世楷範則師傅不爲無
功而議者輕之此最弊事投匭尚報以李矧以
官授之能抗言如王吉否乎上之如董賈至
光於史冊相宗室者首企之知執事勉於此
美錦綺珠玉坐於帷廡之中訓之得蹈於矩矱
則

朝家立法之意於是乎在斯亦古人之所樂爲
而收聲者也欣賀欣賀生久伏山林屬有小功

鳳林先生文集

卷一

李

之慘未歷城市先此馳謁尚容舉賀行旆搖擺
悵望悵望

與黃光化世重書

山林靜伏粗度年華習池之濱有水足以釣有
田足以耕精神氣意聚樂於此無復榮利之望
而達官貴人亦希至其門旣免應接之勞又無
毀譽之擾方以自便而執事乃眷眷於所不足
斷者何哉甚荷甚荷閣內相去曾有一東寄葉
廣文未知至否嘉卷更望蚤付時郡邑無干旌

之望矣空谷足音能不蹶然而起乎非以爲說
也使還謹布謝意衰柳南山籬頭蕭索正深思
慕之懷不盡

與黃光化書

使來辱華翰拙文正恐得罪而執事乃褒揚之
則其所存可知矣教謂民吾同胞饑寒載道思
以救濟之生閱人頗多未有能爲此言者引以
自責正見所嚮于今但當於不可已之中經營
區畫輕得一分民得一分之賜而又縮節浮費

鳳林先生文集

卷一

李

訓以儉勤以久居之以誠行之則疲瘵庶可復
興斯能大慰執事之望矣大抵士風卑弱背義
趨利而有位者亦復與其趨利而惡其尚義上
下同風莫知止極此生民之所以日益憔悴而
世道日益頹壞也生鄙拙無能踰伏林麓年來
見得此箇甚分明而執事罪躬下問敢不盡其
愚乎又告鄰邑諸大夫倘有可語此者幸不以
執事所以爲民之心自吝將必聞之而起則執
事之澤益廣矣幸甚幸甚鳳林先生書重

及珍感無已中間所稱以類閱爲例無乃太遠
守其矩矱以俟所至則生之願也外小書一
封幸轉納爲望嘉惠甚溥一門愚賤何以堪之
華卷之託當各勉副俱容後謝也使回謹此復
息冬殘乞爲生靈自愛不具

荅曹元禮書

還山四日矣未及奉候爲念昨領華札知清恙
猶未脫體良用耿耿大段省憂思節嗜慾爲本
飲食補其精血藥餌去其賊逆輕重緩急賢者

鳳林先生集

卷之

李

諒知所擇矣鍾鼎不鍛鍊不能成大器松栢梗
桡不風霜摧折不足以支久遠天之於人加意
者固如是哉教云憂憤何必乃爾堂上之懷方
自切切請聽拙言以慰遲暮是望俚語但足取
笑意不欲棄之故輒成錄承示覽觀無乃卽聲
從昧乎禁私愈疾何道致此亦請詳之甲戌稿
並奉幸教幸教

與徐橫山副郎書

某啟久仰高風未得瞻臨昨來使輶過敝郡

承枉顧山林清談佳辯出人意表流潤之功俄
頃爲多嚮慕之私愈覺填抱無已伏惟執事年
齡青妙學有師承堅持不已益遠益剛則何古
人之不可及哉惟生業次廢忘懶鈍卒歲徒
有自奮之志而無實進之效水雲畎畝聊爾優
游又何足辱於高軒近高汝白教授先生附到
一書任道甚決風力可具旋輶委路寄言於矇
則又悚然自失者久之海內有人衆志齊同堅
可破而遐可及矣幸甚幸甚其佳章之惠玆誦再

鳳林先生集

卷之

李

三始悟雅懷見訪一章稱許太過非野人之所
堪也教之所臨敢不強勉惟時加提挾深所冀
望小詩一章奉見拙意茅屋依山靜星輶忽過
臨禮慚加隴畝情得厭冠簪湘漢清風爽東南
間氣深題詩三寄意前古有遺音外數章並錄
求教公便還一字足見眷眷也天氣漸暑惟願
時眠食以迂道體之福不具

與鄭伯興揚州郡推書

累承華音足慰岑寂揚州之行想寄任久矣

益者其有所擇哉執事清明正大學力淵
牛犢之烹小鮮耳伏惟少加謙察則情僞不可
逃江心勤敏則積滯有所蘇益廣仁愛之心使
輔郡知

人子有循良之吏不勝慶幸汝曰教授先生想
時得過從此公辭尊居卑特異流俗一念之孝
遂忘榮利不可及不可及更望朝夕贊助匡其
不逮使風動當時古道漸復不爲豪傑之所樂
爲邪而執事清謙之下閉齋自養亦不可不常

鳳林先生集

卷一

李

得此公在座探其所未得勉其所已固州清教
振將使後世稱偉人於天下必曰維揚同宦相
資如某如某則至譽播流時議拱服生雖跼伏
山林與有光榮也而頽波敝風各愛其術聲聞
而迹踈自嫌而自傲以不交相成就者視執事
又豈但慙然而已哉恃愛不覺縷縷鳳林荒落
湖水淒涼宿麥既無秋種亦壞坐此不能具饌
粥幸黃光化者朝夕禮義益勤地非寵貴不能
少有佐之而施猶未厭其所存可知矣便中

幸爲裁謝之潭府皆安寒門仗庇亦得粗遣
但野人學業荒廢離群索居無以自考是所懼
耳執事幸千里加教使不至墮落爲同窗羞所
切望也得僕之便謹此達意餘惟順時保愛以
慰主靈不宣

答揚州教授高汝白書

都中別後無日不思今年二月忽得手教自單
掌教寄來者精進之意謙冲之懷溢於言論之
表執事妙齡勇造爲世所重而顧以問路於矇

鳳林先生集

卷一

李

瞽之人不敢當不敢當執事孝誠積實功利莫
回乃有揚州之行卽此一事亦足以自表於天
下方今俗學弊壞日趨浮僞知利而不知義求
名而不求實以是空虛相蕩下流如飛稍有端
人正士慕古有得者將以爲惟物而不之省執
事之憂亦及此乎維揚太郡執事擁臯比垂墨
綬扶頽興衰使士風欣然知所嚮往亦必有術
矣一得之愚其能少有所助乎來問殷勤不敢
當不敢當伯興猷豸平正敦篤能自修飾職任

之後常一書下鳳林云此行得與黃白相處
周旋磨礪通融講益於今當不少矣固非俗眼
目所能窺也執事幸勿自愛自謙以弼成刑清
之化則利物之功雖出於伯與而執事亦得以
榮也隨地而爲其所當爲古人之學蓋如此
幸勿以狂斐見訝尊甫老先生想寓宦邸綵衣
仙釀率大郡豪傑以時奉之其榮何如貴同年
徐曰仁副郎過敝郡亦常在顧山林勤誠忠
篤禮愛備至一時風動鄉里以爲美談二浙英
豪繼踵而出從羨健羨子揚台仲汝和久不聞
動定邦升甫及一第而有外艱之痛令人感愴
便中俱乞引情上復鳳雛之化造物者有以驅
之也想能自遣茲小僕行謹此聊布區區青山
綠水野人頗便但孤立寡聞日覺廢墜總角聞
道白首無成此五柳之所以自訟也惟執事玩
心之下神融意會天趣無疆幸示一二以扶策
野人之不逮是至望也餘冀順時愛重道體以
爲一郡矜式不宜

又寄高汝白教授書

某啟小价至揚辱青盼歸來承執事起居之詳
所賜翰惠使後者來始領捧誦之餘益深感慨
執事好學之篤力行之勇形於言論每如此不
忘溝壑一言正見執事之所存劫病之功直有
望於此矣大抵今之學者卑汙苟賤無所不至
徒以不能制其情欲之私稍有自立者又頭出
頭沒或憤或挫未有見其必然而不可易執事
真能鍛鍊人矣謹用佩服千里相思無以爲意
卽以此言呈於左右幸共勉焉嘉魚李端彞庚
午貢士世卿先生之子也近來相訪其人慕古
安貧勇脫於勢力將來不可涯者贈行拙文錄
在別紙惟教示端彞未來時貴同年徐曰仁告
生公差在敝省曾爲一書促之端彞卽一書以
復曰仁又爲通之可謂神交矣便間煩華札寄
曰仁道意副以此文此正拙者之惓惓也留念
留念伯與盛僕去草率奉啟惟保重道體並時
郵致首至望至望不具備

寄崔蕪湖年兄書

某啟錄僕來伏承執事新任動定之吉且辱以華箋貸以厚貺如數收領頃首拜嘉恒念執事忠朴出於天性仁愛形於顏色不知邇來何利已興何害已除富者安其所有貧者得以自存鰥寡無凍餒之患執事經綸之懷潛住於此也久矣幸有以示之否乎今之親民者雖自謂勤勞操厲而其留心不過簿書期會夫馬迎送無所怠而已閭閻啼號田野困悴若罔知聞是安

鳳林先生集

卷之二

三

在其爲民父母哉苟以立吾聲譽蚤爲進取之計是固以爲適然而莫之救也又士大夫因循就利廉耻俱喪而端人正士方身守義能不爲俗所移其幾人有位者又不能作興而振起之且馬之良者人人知之而伯樂一顧然後增價伯樂天下之善識馬者也無賢愚皆歸之今之有位者雖盡不如伯樂之藝而賢愚之歸也則同蓋據其地而可爲而未常有爲之者何邪自守者固不以聞於人爲急而風俗之頹益以

禍是則深可惻然也已恃在知己盡其所懷幸勿訝其狂實眷想抵官下但不知德夫家過遣如何執事料處之矣伯興聲望甚佳想稔聞之茲其介者便謹布腹心惟保愛道體留意生民以慰拳拳不備

寄沔陽守徐子正書

某啟休問流暢向仰彌深秣陵旅宴神采在目而疑似恍惚未適所從南望沔江私竊浩嘆舍弟來忽辱手教義愛兼至寵以華幣愧愛莫任惟執事高科光耀澤厭繁邦學以濟政政成而人悅德以充位位崇而國華固仁人之素心抑天官之精鑑望風再拜燕賀實勤惟是野人飛輪西征天路遐邇秉志遵分丘林悠然聊爲知己一明之登仙在邇江漢益長會晤知在何時也保重道體以膺司馬之貴不具悉

荅孫僉憲石峯書

某野人懶惰於世亦疎常念執事清高之味恨不日奉杖屨於門牆也佳教忽臨令人生愧自

惟形迹雖踈實自信向德之益切也且聞申掛
冠之疏故山猿鶴丘隴松楸又增氣象矣鍾欲
鳴而漏聲歇爲長夜之飲者尊壘俱空銀燭灰
燼更當何時而不就枕乎此固生夙昔思獻於
執事者而急流勇退辭榮若棄益仰執事清高
之出於衆人萬萬也和風皓月清江碧山有屋
一區有田數丘有書萬卷通黑甜於紅日暢樂
原於林齡襄陽耆舊最多同垂名於不朽矣稍
俟數日當覓驢馬造石峯之麓一聽教而鳳林
鳳林先生集 卷二 壬午

與黃州節推朱守中書

某啟輅車辱臨敝郡首以枉顧山人爲念此情
何如執事以高邁之資出群之見刻意於聖賢
之學不傲物以自滿不徇物以自流內日加重
實以生腴蓋有非尋常人所及知者邇聞宦業
隆佳聲甚茂不知所活又幾何人矣主刑者

生靈之司命世其得賢哉惟生苟安畎畝舊業
日頽瓦盆餽粥之餘但幸此心不昏怠而已今
春隨例一出又復看山而歸良切自笑屢試屢
債亦更何顏但以萱闈之志未酬故且棲棲耳
素在愛下是以敢布愚衷蔡希顏靜朴質直許
台仲明暢敦厚二公皆在高選正人得路斯道
之幸也每於蕭寺風雨中講執事不離口德不
孤立又良爲正人慶鳳巾傳向曾拜求高文以
爲山林增重且成他日故事久未枉擲豈野人
鳳林先生集 卷二 壬午

與李別駕書

某啟多病因循懶於趨走又山林荒僻遂與世
隔雖知執事之賢而請教無期實爲欠事執事
廉靜寡欲善政及民爲時良吏向嘗侍聶憲使
於坐稱執事不釋口孚於上下者固如此卽今
水盜頻仍遠近蕭索畿內饑羸流離千里而

星不耀國本尚虛有位者能愬然乎此草茅
出位之言誠亦有不能自己者執事以爲何如
生質鈍才疎學無寸進求道之志雖切而歲月
蹉跎徒成廢棄又何辱君子之臨存昨承來貺
愧慙愧慙小詩一通併此申謝且乞斤斧焉尚
容躬拜也餘不敢布

寄聶鳳山憲長書

遠遼門墻日切景暮恭惟下執事道體安嘉晚
節益勵洗冤澤物遐邇惟忻近代豪傑無有踰
鳳林先生文集

卷三

七

之者矣指日榮登台鼎又恐湖南一省不得專
其恩惠也卽今荆襄一帶連被水荒富者日見
蕭索貧者轉死溝渠餓夫流離塞道而麥
秋尚遠生計大難不能不憂仁人君子之憂故
敢略陳之兩辱箋教三辱曆惠俱已拜嘉公卿
不下土久矣草茅微賤何以幸下執事之臨存
如此但當修身飭行靜守山林庶幾少有報於
下執事習池亭碑俱漸就完

明時良吏遺聲千古又爲下執事賀也府吏公

曾有黃鶴樓拙詩二章求教諒投訖茲人便
此奉謝塵瀆高明伏惟原恕天氣漸和幸保重
以福生民至望至望

與楊仲衡大尹書

奉教厚昨下頒珎感珎感習池亭館自古所無
軒敞翬翔過者改視非執事有好古之盛心不
至此也聶公去遠不知其功已十八九昨一書
來促其成奉目惟執事怡情山水之間作昔賢
於九京以流鴻名於千古士林騰躍而野人亦
鳳林先生文集

卷三

七

被其餘輝此感何深故瀆啟

奉聶憲長書

春間辱頒華翰褒寵太過豈執事誘引後生故
期以高深使之自力邪不敢當不敢當四月間
又辱范公文集之惠珎感無涯伏惟執事仁人
在位盡展蘊藏爵省刑清遠近自肅畏威懷德
隨地顒顒尤恐台鼎榮登區區一方攀緣莫及
矣邇來本府奉藩司檄文促生赴省與修通志
此實執事溺愛之深不知其不可而欲置之

上但三人患與鄰左丞都邑所親不敢
自託又去年年踰八十時有微恙不欲遠離又
三茅學術荒謬違戾繩墨不堪任使是以未能
走門牆親領教益卑情迫切無以自恕故爾
陳於左右惟幸諸君子長者設治於上年豐
民和生之薄賜俛仰丘園爲宇宙一寡過野
人平生之願足矣執事之賜顧不多邪伏望寬
解衛勳令馳駟感恩報德無時能忘茲黃訓
導公便指扎不謹塵犯台顏恕原是望秋氣漸
涼

蘇林先生集

卷二

七

深更希保重玉體以福生民不具

辭路明府饋贐書

某久病之餘肩背作痛不便趨走况才術疎淺
不能供事昨荷厚賜慚慙報愧息假使誤有承當
不惟少損執事知人之明又貽山人不自量之
消且執事一郡之主吾道之宗嘉命寵臨自當
奔趨而殷勤餽贐於義未安謹遣小兒齎捧納
上伏惟察其情而恕其妄聽其辭免榮幸實多
餘容面啟不敢瀆具

奉聶憲長書

生邇赴省城得奉顏色弘心殊慰荷蒙長者隆
威損重曲加禮遇此感何深執事遭時行道無
愧於心而廉靜之操剛明之政聞於天下縉紳
所宗仰真不負一代名儒之望矣更冀保裔精
神益堅雅節公論所在天理具存使後世論晚
齡末路者皆歸重於執事且門下野人之至願
當今之時惟執事敢以此言進故深言之乞恕
其狂妄幸甚幸甚生此月初三日抵家仗庇安
好執事指其進退保護卑名故得以脫然於山
林不然安知其不以身博彈射邪此感更深茲
因舍親白推官公便謹具草札上塵清覽用伸
謝忱耳屢瀆台顏伏惟原宥不宣

蘇林先生集

卷二

七

與朱守中御史書

某啟自玉節離襄之後景仰無時能已去年八
月間敝郡人張用川赴仙縣作簿常貢一書未
知徹覽否府吏自黃來辱華翰六舍弟自東來
付到許台仲書中有執事卷書之惠虛辱高人

之愛豈不可愧邪余邦振來又辱華翰爲教益切敢不欽佩長風巨浪褰裳而濟信非學道者不能但望益加宛轉使有感動機關便是何等氣象此深有望於吾白蒲也邦升先生宦況清嘉得行所學甚慰鄙私見時幸道景仰意汝白先生有南都司寇之擢當別具啟台仲先生不知抵都否便中乞示六舍第朝夕望指教不以秦人視之是拳拳也茲因門婿白推府考滿之便草札具謝白更希垂顧外帕扇共三事聊表

鳳林先生集

卷之

七

荅喻朗秀才書

寬記具悉賢者之志在人道理皆是自然有的只是私欲不除便壞了本來面目如明珠落在泥淖中洗乾淨了依舊光彩中間非附益矯揉而爲之僕自少妄意爲學性資朴鈍後更懶惰以此五十而猶未聞誤辱賢者推重且欲借以指迷無乃問道於矇乎深恐傷賢者之志請

努力自求卽有餘師不然將使賢者他日無歸宿之地吾罪大矣但願益堅益猛直信不回何占人不可及若僕者可爲鑒而不可爲法也餘懷未既俟他日盡之

與沈武昌景明書

尚風重望山林竊聽久矣繼見所刻讀書錄益審賢人君子之所存益用嚮仰邇者造武昌不意執事忘其爵德曲加禮遇後生小子何以堪之別後良用慨嘆耳惟時民物凋弊士風摧頽莫知所極執事言行之所至其真中流砥柱乎忻羨忻羨茲因人便謹具草札聊申鄙私李端葵書領矣今復一書幸執事轉擲之想狂愛下不以爲瀆也外拙文二篇請教倘電覽後出付尹衛二邦侯先生亦望加教幸甚幸甚亦氣漸微伏惟保裔道體以增萬姓之福不具

與李端葵書

久別殊仰恨不縮地雲山來與從前同惜十月間武昌之後魚見貴

忙託一刺居五六日卽歸此後甚重大中間世
折未可言惟如吾契諸君子方能了之而僕山
林野性又無知識鮮不誤矣以此浩然而逝不
意辱華札相期尊酒朋遊高凭黃鶴覽今懷昔
與世都忘非與吾契君對談不能增此凌厲氣
象也且辱東湖老先生又以文移見招東下之
興罷而復作想不出正月便成良期吾契亦當
不負宿言是望志事稍定與吾契登岳陽樓上
君山臨風濤之壯尋帝子之踪巡視余君當爲
北道主人余君素儒者甚有所得常慕吾契
不識曾會否有好樓中聽風聽雨其真在目前
乎何如何如人便草草聚首伊邇不勝忻躍茲
不盡茲不盡

奉荅方方伯書

下風傾仰有年於此邇者赴省城幸得瞻望顏
色領受教言私竊自幸執事好古學道澤被生
靈當不愧於先儒但恐台衡久俟楚藩不能專
其恩德也歸來與家岳西泉翁懷念之不意世

重卑微香簾遠矚此情此愛何以堪之況忘言
於旬宣之庇風調雨時儼焉康寧山林間寂煩
有餘閑但期無所愧怍以全初心升沉榮辱付
之度外久矣庶幾少自存於昇平以無負於執
事者之過顧尤幸執事終教之也使還謹布下
懷并申謝意草率欠莊不勝懷友之至不敢宣

與李別駕書

某啟前聞執事有乞歸消息無從借問昨自山
間還城見華刺始知之然不知果爾否也世路
艱危人咸欲避之而情事掣能一辭而退者
幾人出以隱避之憂陰歸以伴九仙之松鶴
他國不必論也野人病僂未能卽候尚容稱觴
以賀先此拜啟更示的音爲望餘得面旣

寄謝喻師晦書

价還忽聞令尊棄世驚愕者久之念吾契學道
方於本焉是力固不能一日舍親而他有所先
也不意天禍之酷大傷賢者之志痛哉痛哉又
念吾契家計窘乏基業未定不知將何以處之

此哀苦之餘百情灰燼而禮制久廢知賢者必欲允蹈之但望少加節約勿有所傷毀不滅性自昔之教惟賢者留聽浮屠法今儒家皆不用恐貴族人繁寡不能勝將有所移更望賢者消詳小兒官事縷縷又漢水時泛猶未得一吊慰尚容專致也餘惟慎重孝體以襄大事

奉憚東麓憲副書

執事雄才厚澤風被於湖湘久矣顧生野人未得一奉教每用悵悵執事按臨敝郡辱枉下衡

鳳林先生文集

卷五

八

菲值生他出又成齟齬益用無聊仰念間忽領詩品之惠絨書鄭重情義兼流感佩如何可言伏惟執事詞翰美麗擅名當時倘蒙不鄙卑劣光賜數幅便當藏襲巾笥遇海內豪傑始出而共玩之則執事不獨善者之盛心而野人少得私淑其萬一上下之分雖懸而感通之妙實不可遇古人有行之者今於執事望之明珠犀象爲用於世不徒然也惟執事允擲幸甚幸甚使者行謹布區區瞻仰台顏不勝悚恐依戀之至

餘惟保重以光士林以福萬姓不具

寄鄭康副書

某啟沈孟觀去宣貢一書後得華札寄府上者始知近耗吾兄忘肝義膽素所蘊蓄雖遭挫折此更何悔

明主在上終當不負於士大夫也但望益修職業相嘯相蕩以輔成太平之治捐軀之禍小誤國之罪大吾兄自有定論又何俟野人之迂談哉平甫物故知吾兄留意後事愛友如此愛君

鳳林先生文集

卷五

八

可知此古人學道者之爲士大夫又不負於古人矣他更何言邇來道體康勝問學益宏野人惟有退縮貧病而已中春又有省中之行但是粗酬徵召遊山飲酒春秋之筆自有高流野人何敢承當今復歸來不足道不足道奉教在半年間客窓燈火不知幾夜方盡之友弟行值荆布與南麓弟病瘡又甚暑熱草草奉啟餘惟保重是望

鳳林先生文集卷之一終

鳳林先生文集卷之二

襄陽鳳林王從善著

男王之瑞輯

郡人漢樓劉存義校

南陽少濱衛東楚刊

寄荅高汝白應邦升二先生書

某啟爲別歲久仰念無旣敝郡吳正郎回忽領
教翰兼之嘉貺益動故人之思恭惟二位執事
妙齡學道氣 剛振翼天衢 秋部人

鳳林先生文集

卷二

十一

秋部人

之功多矣幸大展所藏勿厭喧聒使戴益而望
者盡有申雪此古人之所樂爲在執事復道從
容之一驗也生跼伏林麓日見荒蕪求進雖勤
而氣不從志徒爲吾故人羞但冀時賜教音以
策駑蹇不勝拳拳之至子楊北上之會有期台
仲聞高臥不出便間幸道意來教謂鍾陵之舊
旅因風雨尊酒劇談南望江雲浪然出涕不知
何時遂此重來之約也秋氣漸淒惟爲吾道自
重

寄朱守中侍御書

某啟舍弟北上曾具書奉致左右邇聞大理來
云執事有還山之興又單先生歸過云是的耗
綵衣爲樂山水增輝固爲執事喜而四方多故
正人歛跡又當爲

國惜賢也伏惟執事宏才碩學爲世法程而脫
落之懷怡然可愛鹿門詩酒高隱在前執事猶
憶之否乎歲月如流便成陳迹俯仰今昔情如
之何王陽明先生近有大功當受封侯之報學

鳳林先生文集

卷二

十二

道者不負於

國如此可賀可賀生日前又隨例北上裏曲如
縷正思得接清教開我茅塞且用遵以嚮往而
良會無涯益覺悵悵便中聊具草札申情惟執
事不棄時惠獨得之妙所深望也餘幸自重以
增萱侍之榮

荅鄭鹿門都推疏

今姪子敬回承執事不以甚慙之殷手疏下慰
謙之厚儀捧讀流涕感念三三祿僕回又爾諄

詩并愛我至厚者能及於此邪山麓茅廬足庇
風雨病中亦常少茹葷酪每念執事之居喪便
以爲愧而賤軀羸弱耳重目昏顛迷困踣漸成
敝人亦復何心於世哉哀痛之餘惟閉門靜坐
聊存視息耳但以老母慈讓之德爲族姻所稱
久矣猶未表於世萬罪何極寢食未安幸仁人
君子蚤賜一狀轉付類表處卽爲促銘之生歿
之情何如其欣戴也先君墓志錄一通納上原
刻無副不敢遠將西涇文集想亦載及之風雨
鳳林先生集卷之三

荅盧廣文踪

不孝僻居山麓少竭哀誠是亦人子之常所當
然耳顧亦猶有所未也乃辱華翰枉慰兼之
多儀益增愧感勸善行義以拯頽風此正師儒
之職若不孝實非其人何敢當何敢當使還謹
此奉謝未敢返錦容另裁報不次

奉慰路北村府公疏

自去冬朝

天行後不孝方哭泣中忽一夢見執事秉經纍
然謂不孝曰某亦遭喪矣既寤卽呼舍弟而語
之方以爲陞遷之兆豈意遂成真事哉尊甫翁
未躋高年遽成末化此固執事無涯之痛而吾
妻黎庶失慈父母如執事者又千萬人無涯之
痛也執事秉德行義會歸於高人之門既久想
執禮甚嚴迥出流俗以副天下豪傑相知者之
心但二大老在堂亦望少節哀情慰此遲暮其
爲孝豈不益大邪不孝自老母喪事後結廬墓
側寡與賓客交通庶寸忱不散少報劬勞耳非
敢以此沽名也蔬水牢麥萬熊蕭然良亦自安
以素在愛下故及之鹿門鄭君近遭乃兄之喪
情禮稠至哀形於辭此在流俗愈不爲意者亦
可以勵世矣恐要知漸暑伏惟珍重孝體以襄
大事不次謹疏

奉謝張葵嶠國史疏

不孝罪逆深重禍延老母幸賴塋封麓卑少瘳

自念哀苦無聊萬事灰燼印於墓側因
爲坐臥其中庶耳目有寄哀思不忘少遣不
孝之罪豈敢用是沽名以取議者之紛紛哉
昨承執事不自尊重遠寄名香兼之慰疏稽顙
感涕無已執事學道謙讓憂世俗之愈薄
欲興起之見其似者而以爲真無乃太過乎
不敢當不敢當然嚴教所及益加策勵則執事
成就後學之意似可以無負矣執事以爲何如
劉平甫大行以忠獲罪遂至墮世可爲痛哭者
鳳林先生文集

寄鄭鹿門選部疏

某啟鄭陽隸者來辱書枉圖中有所勉教敢不
拜嘉不孝方以頽情之資屢蒙既久恐涉倦怠
常以自省乃不執事爲訓不一一噴一醒冀可
躋於道者也何感如之但近來賤齒作痛每不
可忍冷硬之物視之如響僵粥蔬爲便意
物固不遠也然來門之禍未已應母

於八月初八日謝世衣衾已備盡禮備
類菴勉令勿悲是望西泉矣於八月十九
日謝世連遭二老之痛神思益昏形貌瘁矣應
母之喪城中住五日曹翁之喪城中住三日親
朋問慰亦甚勞勞事畢卽還懷寂嫺疑之際不
敢不慎正自難處也老母行狀想蒙鈞愛幸蚤
付頤菴仍望一促之江西有一善鑄者在此將
就羈留欲其辦之太遲恐其歸也惟留念至望
至望路北村近有書其墓仰慕鹿門之意且道
王文選純甫之賢中亦及其論學工夫不孝常
爲之言曰今之爲學者能知所往固善矣然貴
於躬行而實踐之不然則心迹判而爲二口是
一樣話脚又是一樣行有識者冷眼旁觀手足
俱露豈不爲聖賢之罪人耶大抵言易而行難
若於難處勇猛則善矣惟執事教之風便草草
有情荒率無聊餘幸自重不次

答路北村先生疏

不孝啟山憲哀哀苦日駸忽領華翰如見

色又自痛心者久之執事學道有得隨寓而宜
居喪則其大者不孝已無憾於左右矣更望卒
祛俗弊爲世法程風動之休將有可冀者王文
選先生昔常聞其槩今又得其詳爲之者衆何
難之不易幸甚幸甚前作書寄鹿門道執事盛
意且及文選公之學竝以愚見叅之俟後當請
教也西泉岳翁於八月十九日謝世招人傾背
懷愈難堪兩郎練達大能繼續門戶此老爲不
亡耳小兒之瑞承問及頑鈍無知甚負尊望但
得將來不爲惡卽是大幸外孫李時亦承問及
今仍在門進業將來可庶幾其成者不孝亦常
以尊望敬言策之也秋計龔豐饒粥可遣幸勿
以不孝爲念尊甫翁老封君歸寧當於何時恨
不得引郊一送惟執事節哀襄事至望至望令
弟幸致意荒迷久矣言不倫次謹疏

示瑞兒帖

昨還廬次取捷登鳳山絕頂佇立間見萬物皆
低此身獨高安得脫然塵世令吾心亦如此軒

竊則不義之富貴能摧奪之耶小子識之

與艾朝榮秀才疏

昨過吾契新軒一拜見其堅朴宏敞且以悅親
爲名使不孝痛心者久之世之人常以孝爲難
此最大敝惟吾契精持固守莫令忽惰卽今雖
未整齊然亦瀟洒矣便當奉迎板輿隋分盡養
愛日之誠當何有極務實而不近名又區區之
所深願也吾契老成豈俟狂聒幸察而宥之別
後取捷歸廬次登鳳山絕頂見萬物皆低此身
獨高常示豚兒云若使此心脫於世累也有這
等眼目則不義之富貴豈能摧奪之邪不敢自
善以附聞於左右荒率不次

奉荅邵思抑提學公疏

某啟南都別後忽爾十三四年矣每仰執事正
大之氣高深之學和易之懷令人不忘向執事
在寧國時不孝在都下曾欲托梅百一附奉一
書後聞喬擢竟未果後又聞抗疏歸矣心益欣
然慕之楚越隔絕徒爾馳情不孝家居以來無

所長進去冬復值內難哀傷毀頓憔悴日形踈
伏窮山聊存視息而已舍弟忽附執事手書展
玩良久如見顏色始知典學西江南方士子何
其幸邪世之爲學者顛倒錯亂本末逆持昔固
常聞高論矣今方據其位行其學則頽風下流
將勃然以興凝然而止當不患其汙漫支離而
無所歸宿也幸執事爲世道留心近時貴鄉人
物不孝所常接而深知者如末嘉慶乘用王子
揚平陽蔡茂芝山陰朱守中蔡希顏寧海許台
仲仙居應元忠應邦升臨海高汝白皆非尋常
士不孝寤寐而思跂足而望者所謂爲之衆何
難之不易又爲執事憂世之一幸也人回草次
奉啟山廬荒落諸凡不莊惟亮而原之不宜謹
疏

與劉瑞卿疏

山中無事恒念吾契執喪甚嚴幸其可以躋於
道也曾托李舉人付一刺方論此乃知吾契下
旧收谷數日矣無乃輕其所重而重其所輕乎

黃金散盡可復來此禮一失日月云過當以何
時補之乎古人云三日不息三月不懈其悲哀
三年憂而孟子曰惟送死可以當大事良以此
決不肯以飲食之故而棄几筵於無人也近時
嘉魚李世卿乃郎名虔者方入試聞兄喪棄而
歸使此人居親之喪又當如何今人常謂古人
不可及如虔者非古人乎今之人顧不能及虔
乎如以虔爲可爲則古人亦不難及矣鳳林迂
澗無似辱吾契過遜每有所講議故申其言如
此若以爲世俗常情是淺以居吾契比之盡言
以相正者不尤得罪乎惟望百尺竿頭更進一
步庶幾漸磨之功有所興起豈相有執袂喃喃
以相順承者可以哉狂聒狂聒

與李甥帖

昨日不盡賢者之量以我慘沮之懷固宜爾也
科目之文佳選侯面論詩稿付去其批點處惟
賢者消詳牛首之行因知爲身口之計然亦不
把此樣事放輕看則可不然通被壓着頭何日

行挺挺立於世乎不知此味未有不以鳳翁爲
迂者如劉瑞卿棄其几筵下田收谷可謂失輕
重之分矣常作一書責之俟汝他日來目之也
牛首有作記取共覽否則只是用計逃避之爲
豈不負鳳翁耶介回草草

奉謝聶方伯老先生行奠疏

不孝險巇深重禍延老母遠伏尊庇瑩封龕卑
卽於墓旁結草爲屋聊申追慕以報罔極耳伏
承尊慈遣使厚奠嚴翰下及稱獎太過稽顙流
涕感愧交至此雖有位者拯救風俗之盛心而
後生晚學亦何能堪之邪匍匐之餘不敢廢墜
以負尊教伏惟執事爵位日隆名譽日廣而清
操直節末路愈峻愛民體

國憂形於辭此誠三代人物而猶不自滿足下
詢芻蕘是又足以警當是之訑訑者顧泰山之
高滄波之深其何能有所裨益哉惟願執事當
困敝之秋維持調護極力支撐稍寬一分卽受
一分之賜矣 崇高富貴易盡之物也仁壽

譽無窮之美也公之人方以易盡者爲足又恃
而垂於後者但以不肖遺之耳不知方寸昨何
主持爲是見解執事之所以不可及者良在於
此不孝荒迷顛踣久無世念豈敢過爲諛言有
所感於聰納惟宥其愚而鑒之幸甚幸甚盛使
還謹具疏奉謝兼布下忱外粗帛一端瀆犯長
者更冀稿瑣又承榮幸不孝謹疏

寄嘉魚李端楚疏

不孝自去年十月老母傾背哀苦萬狀及今奄

鳳林先生集

卷三

上

踰小祥愈不可堪常恨無一使之便告訃於吾
故人也邇者想令堂太夫人並諸昆玉皆康吉
前於東湖老先生處聞令兄端表謝世感念
昔愴然興嗟且聞令四弟以林喪不入試而歸
占道不復久矣何幸有斯人邪但望昆玉益相
磨礪卒究大業則我大厓老師當含笑於地下
矣東湖老先生傾蓋之餘輒承教愛所深銘刻
於中者後生晚學未敢奉書致謝此老學行宦
未皆極辛苦無愧古人而晚節末路更加究意

臨深履薄愈自矜持則一介完人豈有能出其右者哉士風汙濁清議大類稍有知識者不能不拳拳於孤麟隻鳳也倘執事奉接時望呈此鄙意以申景慕之私不孝山居寂寥頗與哀憫但平生無切實工夫又不得如昆玉者漸磨提挈故多違經背禮得罪先王自念小祥之外若可少就減殺而中情毀割益見凋殘多病侵凌不哭自淚復何心於世事邪惟於左右可申此懷不然未有不以爲迂者貴族過遣何如端

鳳山先生集

卷七

七

采諸君進業愈精雷氏兄弟今皆何如茲因儲邦掄先生歸便草率荒廢不盡所欲言惟高懷亮之謹疏

再謝聶鳳山方伯疏

向承尊慈遣使遠降奠儀兼之嚴教使還卽具疏致謝矣執事以尊爵厚德不自愛重下與章布陋劣相周旋固不當以今世之士例論矣是以輒有鄙言上瀆鈞聽固知一杯之土一勺之水泰山滄海之所不辭也惶恐惶恐茲因儲進

士便再致謝忱哀苦寂寥惟有中夜感激流涕而已左有稟復習池亭佳麗堅實有泉以來所無者拙文固不足發揚盛舉但鐫者未佳字不完整每爲遊人所指常欲易之而力有不能伏冀鈞命再加一處使可觀瞻雖目前小有所費而千萬年無窮之勝蹟並與執事樂善好古之大名垂世於不朽無疑也不孝荒迷悚仄謹疏

荅嘉魚李端采端勉昆玉疏

鳳山先生集

卷七

四

十月內敝郡儲進士先生歸便已作一書寄端彙未行而訃至嗚呼端彙遽至此邪使人痛心者累日然此亦非朋友之私情也不孝哀苦無聊前書具之茲承問慰甚爲感刻令兄弟連見周傷深可驚訝者所幸二執事脩身學道不負家傳門戶之福亦未可涯也惟勉自排遣以安高堂之懷端彙空期當在何時今有幾子便中事與其狀咸示及葉會貞先生昔聞其賢不知其欲一顧而未果則荒山之不幸也見時爲道仰慕意是望不孝今收痛疾重以錦橋之思益

覺慘沮念造物者誰實爲此執筆流涕不盡不
盡惟昆玉自愛自重以希古人則故人之至情
也謹疏

荅李劍州白夫疏

不孝頽懶日增畧無寸進近遭家艱廬寄丘壠
中情毀割百念皆休忽辱雲翰飛示載憶疇昔
莫能影響士有曠萬里而相感者抑不知其何
心及覩名儒錄乃知執事趣向之正而令公子
涇野之遊是又欲求其善於後矣往來於心良

鳳林先生集

卷之三

爲執事起敬全蜀近甚凋敝六詔之地似猶完
實他日考執事臨安之政當出劍陽數倍也楊
中立浮沅州縣最久其蹟最著後來入朝又有
可議者豈其中有所移哉蓋其志之遂與不遂
耳惟執事自信自愛以令其終此不孝所以荅
執事之惓惓也向托江右人賜札雖未領此意
益感激矣荒迷不能多及謹疏

寄葉均州書

某敢向辱車旆枉顧山林兼以嘉貺而藜藿麥

至今自漸懷念往昔稍復自安耳邇者益聞
德政善教洽於民心而食人膏血者漸就斂藏
非執事清操直節博學宏才其何能致是哉惟

不以恬淡而惡喧囂高尚而惡屈抑則其養
於未達者果可敷宣而無礙矣持柄者公道昭
明延及幽側而況於執事乎昨府尊陪范汝和
過敝廬風雨之晨杯酒對酌稱執事吃吃不離
口亦常告於當路執事之孚於人者如此所存
可知矣生頽臥習池暮哀在念絕無好況不足

鳳林先生集

卷之三

二六

及也茲便草啟奉謝外汝和一刺並納上小干
內姪生員楊淮東楊潔資俱可進赴考之後不
通音耗潔筆路尤覺整明且無家室之累幸執
事以愛才爲念先爲逼遣則生於先母家門庶
爲稍盡扶掖之力耳非恃雅素不敢以此瀆告
惟留聽是望餘乞順時自重以慰一郡蒼生不
宣

寄臨川饒德溫書

某聞執事久矣每見吳石亭先生輒談執事不

口至今耳猶熟不意在許祀山處一接顏色
慰初心後以匆匆竟未得請教遂成離散執
事且有佳惠見及懷慕無已海內英豪聚首常
難生二千里能造京邑比鄰之隔渺若河山豈
非數邪石亭先生文章政事卓出流俗爲時所
阻飄然而歸天下固想望其丰采矣他又何足
計哉見時幸道此意鳳林山人他日乘一舟看
彭蠡吟匡廬遊白鹿洞庶幾塵襟稍雪然後拉
執事登石亭引杯共話爾時鄙吝消釋別有境

鳳林先生集

七

界再當請誨我以精興也偶於李于遷年兄處
得便草草奉啟達意執事幸勿金玉音聲時賜
提掖爲望漸暑乞自重道體以增山林之光

奉吳石亭太守書

同鄭月桂歸任草草有短啟甚清高明前意畧
不敢再復瑞兒書來報執事行李蕭條意態
洒落猶戀戀有襄民之愛甚慰卑情生亦意
事必能如此也蓋內之所懷者重則外物輕
生可殺可貴可賤吾之於世固自如他

言但不知何日抵仙鄉恨不能一蹴拜問石亭
下也生本以山林野人重荷執事過獎上下震
動爲愧實深適者又叨一第想慰執事溺愛之
情然平生之所以自待與執事之所以見教者
實不敢毫忽放過也惟嚴翰頻臨不間初終深
所冀望他日之約具在德溫書中幸取目稍見
拳拳李于遷年兄處偶便謹奉啟嚮慕之私恨
不月一致之臨紙惻愴有懷難任餘惟保重道
體以治天和至懇至懇不宜

鳳林先生集

卷七

七

荅董玄亮年豪書

承示佳什知執事甚有求道之志今之時識此
者鮮矣而執事及之良用敬悚既辱來教有可
復者不容自己以負執事下問之情人之賦性
與堯舜孔孟不異但有生學安勉之不同耳限
於資而遂已者衆人利祿之情也知可爲而必
進者豪傑憂勤之念也然造之有序計之有程
仁敬之入本於知幾玄微之理亦在深造山人
受教多矣但面前田地猶是未耕未耘不可便

爾遠討理欲之岐學者所當深識知理而向欲其志不勇者固不足言苟不加學問磨礪之功未有不以理爲欲以欲爲理者矣於今但當埋頭叉手直率向前一動一言決不放過事君事親交朋處衆以至下逮蒞獲務要件件合道理雖罄歛之間亦有所謹而不敢縱始是腳踏實地可以支撐人之處世變故不常一有事不如意者處之決不至狼狽今之聰明才辯者高自標致下撫稠衆談論堯舜若可聽聞事變之來

鳳林先生文集

卷之三

七

一撞百碎卒至於不可觀其故何也執事資性純篤寡於言笑入道之地已得十之三四矣而又不耻下問勤勤如此聖賢可學天不負人豈應無所至哉當世縉紳徒以衣冠金紫爲榮論及於此有以爲不能及者有以爲不必然者嗚呼古人以布衣而號垂百世以公輔而名損一朝其故又何也必有所自具讀蔡之草木枯落鳥獸消斃人未常惜之學者自待豈以草木鳥獸爲榮哉可慨也山人頽臥林麓久矣不意叨

此出然亦無用處惟此心炯炯覺有收拾不爲物漬耳此言亦不敢舉似人恐成閑議論又增山林之玷言之縷縷意未及者不惜再誨

荅朱子禮年豪書

某啟前日董玄亮示山人以詩隨意荅之自謂踈畧不意乃爲執事所取華翰下及捧讀珍重每許太過不敢當不敢當東翁一代宗臣其清介朴實之標誰能及之執事信之是也山人何如人可方之哉恐汗執事知人之鑑也來翰

鳳林先生文集

卷之三

七

有宜復者敢陳以請中云不覺鼓舞凌厲若有所逼而不容已於乎此正道心感發一念真機但明於一瞬一息之間而昏於終日終月之頃者多矣若於此處隨發隨充充之既久發之愈多愈發愈充積之既久打成一片其樂有不可勝言者先儒貴於擴充良爲此也近世賢者達而在上如河東文清先生窮而在下如崇仁康齋先生學得正傳蹈履純實如之京邑駕車乘馬跬步以前無不可到之理苟云吾有異術騰

雲駕霧須臾可之不惟於已懸空夢說亦恐是
陷人深坑資質高明窺得禪家脉路已是自家
無受用處質之次者記得幾句言語依傍仿佛
事到面前依舊無捉摸其不類仆者鮮矣執事
又謂平實有據簡易可循此正千古聖門平常
不易之理山人少年妄意從事於斯但爲之不
勇後來往求於嘉熙二李之門又覺有悚動處
乃知講學甚資於力行後更因循度日益見頹
惰總角聞道白首無成每一念之心膽俱墜不

鳳林先生集

卷五

七

意叨此出獲從諸賢者遊正康節平生之志山
人又何幸也近同官者有東平李元徵文芝甫
田林君儀應標二人資性閑雅言動不苟轉移
之機活活如風行水流山人雖在塵埃不坐良
得二君之助執事試驗其人當知山人又可幸
也恃愛及之中間妄說不着實處不惜開誨又
見加愛不具

答李元徵年豪書

此迂拙無似自謂不堪世用不意偶叨叩第得

讀英俊後中間如元微謹厚寡默謙恭自處
者又與山人同官署朝夕磨礪相觀而善山人
受教實深不加鄙外足矣且辱華翰見及繼以
詩章捧讀之餘益增敬畏有宜復者不容默默
中云平雅可據要之不出乎彞倫日用之常以
爲近裏着已之功此言甚善聖賢道極天地名
重後世豈有他哉務此而已人生在世高飛遠
走不得若不於這裏見分曉不惟昧於吾心然
此身亦無頃放處又好名者輒欲炫之於外雖

鳳林先生集

卷五

七

這裏用工夫不曾做得一分便說做得十分若
要近裏着已此念都抹撥久久自有出頭處如
今不必思前算後想像將來得地境界亦不可
銳始怠終若存若亡人之爲學受變於俗者坐
此也我輩賦性與聖賢不異而又服聖賢服讀
聖賢書乃與之判然爲二若草之薰蕕水之
渭此豈有志者所甘心哉言及於此痛心切骨
既辱下問豈敢隱情又云道德性命之精義
之居之末節初非一二物也此言甚的

其精而遂忘其粗正高明者之大病仲尼之教
曰居處恭執事敬與人忠謂精微者不在是而
可乎觀其待師冕周旋進退凜然如大賓之存
前然有非聖人不能者又可以粗跡視之乎於
今但當於日用應事接物之間矜持點檢無事
時整容端坐心莫亂思於一切世俗里巷常談
父卑鄙利欲不堪爭競之事勇於祛擻立定脚
跟與他相捱久後工夫漸多此重而彼輕這裏
正是人鬼關過了也須快活也詩禮亦是講學

鳳林先生文集

卷三

書

切當處古人未有不恃學而可以有得者不無
指鐵爲金認賊爲子其弊有不可勝言者程子
云涵養須用敬進學則在致知非此先生實常
用力安得此言乎正可守爲萬世法程邪願與
元微共之勉旃勉旃勿忽斯言但稱許太高之
辭非所敢當譽魚目爲明珠懶心願爲蘭蕙亦
非元微所宜也流俗之弊但願作貴人不願作
好人又爲元微三致意勉旃勉旃勿忽斯言
行之暇有通達處不惜三致意也至望

與李都御史營書

恒慕丰論不得時接爲恨小有所干先姐烈婦
成化間適周都督諱璽家嗣鳳鳳蚤卒先姐自
經

詔旌爲烈婦鳳弟鵬繼其職今不知在否聞其
子麟登武科出守武岡以名詳之恐是其弟近
者遷居在太倉左右不知有得力人在家否其
欲爲墓上建一碑以表之須其有應門者不然
沒頭腦難擘畫耳前聞執事曾道之幸爲一細
訪見示先姐四十年風烈又復彰灼人耳目不
亦增武弁之末光乎煩聒勿罪爲愛不具

奉石亭吳太守先生書

向貴鄉張廣文還曾托一書奉啟想徹覽矣邇
來聞執事悠然山水之樂甚得佳趣生識執事
之懷頗深固不以得喪爲欣戚顧吾無愧足了
平生耳生奔走塵埃俯仰拘迫絕無好况回首
執事枉駕習池時清風杯酒活魚鱸飯便覺懷
然於中不知何日徑拜石亭之下慰我景慕方

此願也茲因敝同年周大卿之任之便草草具啟以達卑意林臯幽寂天原益曠佳章之妙冠絕古今時托風鴻訓我小子至望至望餘幸以調以光泉石不宜

寄臨安二守李白天書

執事在山人胸中三年矣每以地遠不得奉請教爲恨到都下與許台仲諸君言之不釋口新政有經香名遠播藩臬之任定在指日貴治葉年兄來承惠華翰牙梳捧領之餘感謝感謝山

鳳林先生集

卷之十

五

人偶出不意叨此塵容俗狀薛荔生慚何足道何足道惟執事好古樂善每有意於山人何能忘此情哉風便謹啟致謝令公子學俱有成曾見呂涇野道之貴鄉作邑者柯君良晉字德昇廣之潮陽人甚有行義執事如有書寄之筆間亦附鄙情爲望此君自處深厚真良吏也恃愛及之餘惟保重以福生靈

答吳萬里年豪書

某最疎鈍老而無成雖此志未忘終是去古猶

恒自愧而不意爲豪傑與執事少年妙質卽有解悟輔之以盛氣持之以遐心何事不成何地不可到又何驚寒之足方聳聳之足問哉來教稱許太過然亦有宜復者不敢自外於明招所謂望之肅肅卽之雍雍雖非山人所能然容不肅肅則威儀散慢而心性不莊心性不莊則事皆無實其不能久也明矣氣不雍雍則發舒躁厲而方寸逼隘方寸逼隘則物不能加其不能大也明矣不久不大何以爲學上不負君忠也下不負親孝也忠孝人之大節也言之雖易而盡之實難執事之言及此

鳳林先生集

卷之十

三六

宗社之福也古人未有不忠而能孝者亦未有不孝而能忠者忠孝相因坦然而遊豈非振古之豪傑哉理欲二字正是死生大路逕忠臣孝子由是以興者順乎理者皆康莊溺於欲者皆荒蹊使爲學者不知從事於斯則已積不甘心焉則其探討之勤檢制之切特倚之久克擴之大又自有不能已者勤而後切不切何以勤焉

切而後久不久何以切爲久而後大不大何以久爲然勤而不切切而不久久而不大何以學爲哉理欲交戰此爲學公共之弊來教謂志不立功不專正千古虛扁之真訣可謂識之審矣既識之便湏埋頭向前擔當任道知不立處便是立知不專處便是專今日爲之明日爲之今年爲之明年爲之旦爲之暮亦爲之行處爲之臥處亦爲之心之念念無一時放下佛家所謂行住坐臥不離這箇雖覺太苦惱少雍容始學

鳳林先生集

卷之三

三

一曰便走過些子也得然此固是高品亦豈得爲完人哉志不立功不專其流之弊有不可勝言者執事識之審矣聊陳所聞以匡萬一前所謂埋頭者正恐爲習俗所移又與持異論者相礙又優游歲月不願爲此者來沮之又嫉妬者翻騰是非以間之自來爲學亦往往有受此禍者在明者察之而已向在南都得王子揚許台仲高汝白應邦升四先生者參誨甚深今皆聚於此豈意又得同年之豪如執事如蕭虞錢鄭諸君誨我益深哉他日老向山林亦自忻然慕此奇遇矣其終教之幸甚言不倫次又望宥其狂向有送台仲邦升行二鄙文容奉覽正不備

鳳林先生集

卷之三

三

荅陳君揚太守書

向盛使還曾貢書帕小賀想微覽觀美茲者又辱華翰下及且聞貴治荒旱殊甚讀之令人悵然執事以大才換望郡山人意政通之後必將拉耆舊從士民賞風月於醉翁亭之上山林幽

寂花鳥輝和頽然其中者妙年太守也增畿輔
太平之光展賢者及民之樂甚為嘉美不意天
時亢旱千里同困來諭見賢者孳孳為民曲處
遐慮漸有端緒但所積者纔千餘石恐不足支
秋尚流離饑餓冬將何如來春又何如是不
不置執事之憂且富室貧之母也使富者竭矣
貧將誰望又流出者正以家計蕭然不能坐待
死亡是以苟一日之命不知執事何以處之招
之歸無養生之具否則逃亡滿室豈賢者之所
鳳林先生集 卷三 三
然哉興言及此大為執事動心惟冀素衣蔬食
自役俱罷蚤夜遑遑使民知慈父母有愛子之
意其心已大安方徐徐曲折牽補活一人招一
戶功亦不細其去者地多拋荒貸牛措麥勸田
鄰共為耕種去者見有可望其不歸乎於凡征
需之不可免者請之上司待明秋催征一味劬
勞以救荒為事計已得六七矣山人迂拙不通
世務無以輔執事經濟之大業一得之愚聊陳
以塞責耳惟參照為望尊甫老先生傳勉為鋪

榜懼無以發潛德也謹具稿幸裁之餘惟竭心
擔肝以飽蒼生至禱至禱言辭太直恃愛幸原
恕不宜

寄吳推府石溪書

小僕去曾貢書冀達覽觀情素粗陳益以慚慙
不肖本以林壑鄙鈍不解世事愛僻厭囂守持
一隅既久且貞執事所知且云子勿往亦足矣
智不自維念及饘粥與時浮沉隨形苟活忽墮
俗網手足俱礙興言旅遊莫適其可自去年涼
鳳林先生集 卷三 三
風首路款段北向屈指於今歲復遇矣辱躬勞
勞借飾冠佩心情益蕩邪穢交濡利外違內古
人所惡知雄守雌達者蹈焉每懷山水之樂賦
畝之安怡神於昭曠蔽俗於聰明斯常疾言旋
輒返志初服矣但以
聖君在上仁明惠和軫愛耆碩形於辭色天鑑
淵衷傳說聞志甘盤正顏嘉靖王基可跂而待
則不肖者瞻

聞庭而載歡合鵷聯而振躍矣棲遲都城時復

事不肖舊心不違教我請我謂我何如
幸勿令勿玉孤燈野食中夜瞻望餘幸自

啟元憲府

天下豪傑之士皆在達而在上達於
則窮而在下達者固不其能窮者無所介
於懷皆天理之當也一平之象彬彬乎以成者
良用此也然而

鳳林先生文集

卷之三

三

化日流耀斯又以類相涵因時而影附者也
其本以山林迂腐一無能解寥寥退藏積有歲
月實德未孚虛聲先隆乃荷巡撫席先生撫治
徐先生曲加禮遇辭旨溫厚獎率大過遠近震
動上下之交謫如密席陰消陽長識者疑焉但
加非其人沈懷愧而自愧而始卓為世規邇者
遼陽賀士謫學國范二人者皆鄉舉士甘心
自守不求仕進孝義著聞里人稱賢巡撫張公
生

裁隱然已有矯世厲俗之漸切見武昌劉綬
行端方老而好學閉門息志不染浮華成化丙
午薦於鄉今四十年矣後進敬之如嚴師益友
鄉里稱之為長者鉅人昨挹執事於侯駕部席
上聽其言慨然有志於當世得執事則賢者有
所遭矣常一及之而執事首念之駕部又念之
亦可以觀此人而知某之非誣也知其賢而念
之布衣之志也知其賢而薦之當路者之事也
以執事人品之高據全楚之重使賢者奄奄不
進偃蹇長臥顧能宴然而已乎三人自樹立則
同而遭時獨異同不同固非堅苦者所庸心然
而在上者似不能辭其忘治之責也漬犯台顏
誠知罪戾執事察而恕之幸甚幸甚

與佾東澣儀曹書

某聞忠孝人之大節也國無忠臣則不足以為
國家無孝子則不足以為家天理之當然百萬
世而不可易者也然世方末流奄奄無氣思得
若人以一振而起之則司柄者不為無功有所

觀於前斯有所興於後有所接於日其有所感
於心忠臣孝子顯然而出家可爲家國可爲國
太平之象昭人耳目史書其事光於汗簡顧不
爲千古之一快耶某至愚且鈍久臥丘園無他
能解偶叨甲第返觀自求甚可愧應常念先祖
諄忠者永樂間死事漠北成化間先人爲表其
事上於

生祠

朝詔旌爲忠臣雖職卑地冗而一念之誠似亦
可取某嘗四時祭享捧爵跪立便欣欣有所感

鳳林先生集

卷三

三

觸後之人聞張許文陸之風未有其衷不發憤
者而况一氣流傳周旋階祀者乎今年甲第之
榮意其得書於錄傳播遠邇激頹立懦庶幾有
警於將來而功名末技又在於土苴敝屣之外
輕重之分賢人君子亦必有以處此矣昨已報
呈在官誤爲刊者遺落將欲不言恐負儀曹余
先生主張斯文之意而先祖旅寓萬里亦將何
歸先人能表之於前而某及泯泯於今日不亦
重爲世之觀笑邪某不肖誤出余先生之門即

欲自默亦恐爲賢人君子所棄矣聞錄已將成
雖不可易只賜某者得加刻其上與節婦孝子
同例使鄉里傳頌子孫欣慕幸有成於家歸而
告之先祖告之先人末末有榮耀余先生與執
事之賜重矣大矣雖退伏田野亦當終日望蜀
而拜又豈敢忘執事哉勢如倒懸惟執事竭心
輸誠一贊襄之至望至望非執事素以勵世化
俗爲懷決不敢塵聽以速罪戾也更希恕原
與熊汝和節推書

鳳林先生集

卷三

三

曩自都門蕭寺一別至今思之如醉如夢執事
以英雄之器往憲巴西其盡已之心以洗冤澤
物想無愧於古人矣欣賀欣賀某遭喪頹臥無
意世事今歲一出亦非得已乃誤叨甲科奔馳
塵土何益身心日廢廩祿告於知己適可發笑
而已茲因敝郡生涂綢分教梓童附奉短楮申
數年懷仰之忱余在治下稍加青目鄉曲忠厚
爲感不淺矣梓潼廟爲張亞子當時固以報母
難得顯號遂附以靈應而天下學校皆祀之何

鄉習俗不正類能移人不能不望於有仁之
一及之餘幸自重

荅路北村先生書

懷仰教愛無日不隆貴僚來辱箋翰盛儀愧領
愧領翰中每以反身自求爲言此立政之本也
今之時恒以學與政爲二故其事業卑凡卒不
逮於古人執事慨然有矯世勵俗之志東南
大福星也生匏繫都成苟延歲月回思習池如
在天上不知暮景幾何作此墮坑落壑人畢竟
鳳林先生文集卷之
是何出場可懼可笑執事愛念最深不替初終
教之誨之勿金勿玉鄭子敬蚤晚加提挾指訓
爲將來不忘故舊之美談切望切望使回謹此
以代面奉餘惟自珍以康萬姓不具

寄鄭子敬別駕書

旅寺分携忽爾半載且聞車從抵家時曾染清
恙天壽吉人松民有幸風旌翱翔怡然就道良
爲吾契慰心也履任想益平善又北村先生當
世名儒忠於愛故吾契得此損幹大是省力也

清操直節吾契家庭舊學 何俟山人嘵嘵

武令叔還鄉後山人孤寂不可言離群索居日
見顏情所幸者同榜數君英年妙質時相講論
探討益深差覺慰意耳北村先生有賜寥落未
可爲報貴僚王士魁年兄見時俱幸道意山人
入選甚適網羅益密斂身戢翼何時在鳳林松
栢間邪餘惟自愛自重以福生靈

寄葉均州書

某啟厚愛重辱已不可當今者盛使來又領書
鳳林先生文集卷之
翰多儀益感益感某素安鄙拙田畝之樂久矣
一旦爲時羈縻勞勞塵土舊業俱忘執事猶有
以期之是愧我之日頽也但當勉自樹立勿汨
勿荒以稱嘉教執事老成之學清苦之操均陽
民物受恩多矣近時四方災報日至

聖主憂勞常召臺閣諸老詢之是又天下之福
也奉承

德意廣此澤於數千百里之外非執事諸君而
誰望貴治久乏科目然質美亦有人但爲習染

所蔽指授無途前陸亞公亦以此告之彼欣然有志昨翰中有所及不獨楊生之幸諸生之幸也幸留念使回草札致謝餘惟自重以慰蒼生不具

荅廬州太守龍孔錫先生書

某啟鄉閭君子之聲仰之久矣不意今春得一晤於

闕下適者貴浴水旱相繼民物太窮知執事慄慄焉不能安捐俸食餼此仁人之本心倡於有

鳳林先生集

卷之十

七

位則興起者衆利廣而愛博亦可以慰吾民矣敬服敬服昨見留都有疏謂官軍俸糧惟足今冬支用議得截留兌運京糧五十萬石留都固根本地而

京師又可使缺乏也目前市井蕭條饑凍載路

天子雖有務沾實惠之旨而提襟見肘每如此豈久安長治之策當爾耶惟望執事據廬江一郡竭心思而爲之爲天下先期以麥熟漸瘳始

撫摩此實甚急他日傳循良者不能不執事矣然講求荒政固在得謀又在得人舉生所知者如貴僚蕭君元弼老成篤厚任事不苟六安守歐陽德學道有聞舒城尹劉欽順忠愛自信皆可佐高明者又六安致仕縣尹黃金昔任蔽府光化時政教咸舉前年吳東湖先生惜其去曾

奏用之晦菴崇安荒政得鄉里士夫之力執事倘有謀焉一問之彼以諳練之餘當不負執事

鳳林先生集

卷之十

七

矣愚者有得少以獻慙慙惟裁察

朝惠下賜諸君皆祇領矣以之及民可也某等安坐飽食長無纖介何德堪之甚愧甚感使回謹此布謝餘惟保重道體以福蒼生不宣

寄素園史書

使者來承惠書物感謝感謝中間稱獎太過等廣劣者所堪恭惟執事日履康吉卒成賢相之功真不負所學矣某近者出宰溧水溪懼不勝旱荒之餘黎民嗷嗷張口待哺彼中撫

言公屢有救援之疏

聖心焦勞冀沾實惠爲首當路明旨付以此邑
是以卽於正月間兼程赴任庶幾少盡慈愛微
誠苟有纖介及民得不負吾

與當路者及執事平生見期之意甚幸何敢
更爲家戀邪舉首西南瞻望先壠揮涕而已使
還謹此布謝便中以執事封丘佳政見示溧水
之民將亦不敢忘執事數萬生靈今乃寄於迂
腐老鈍之手執事當愍然乎餘幸自愛

鳳林先生文集

卷之二

三九

奉王改齋先生書

某最愚遁迹山野瞻念德義久矣不意邇者誤
出門下何幸如之親教未幾復有行役當少希
先昔以無負於執事者不知後竟何如惟終教
之謹具青紗一疋小僞大賢禮服此蓋戀戀之
私不能自己者非敢瀆也倘賜攜納不勝榮感
不具備

荅丹徒安德彞掌教書

人旆去後不知何日抵任風俗如何鄉

八大美無疑吾契優游於青氈金鐸之雅學
當益進矣崇道義輕貨財騷騷乎古昔應不
朝廷設官之意吾契誠篤勤苦素重鄉評幸
勉之還老一代英豪與西涯東山二翁齊名吾
鄉百世之光榮也吾契其朝夕親炙之耳聞目
擊當有河潤之深功矣山人苟延京師近被出
宰溧水之

命本以迂腐且承荒歉之餘不知何術以支持
之卽於此月盡徑赴任中饑民嗷嗷豈得言家

鳳林先生文集

卷之三

四

但恐鞭策不前舉平生而棄之可懼可懼向者
鄭府判先生在京正當着筆回時未得一送見
時爲道此意竊忝鄰邑之貽有涯惟順時自愛
以光道術

與豐存禮年兄書

京師之聚如夢如寐行時甚辱清愛周悉備至
及今爲感不已去歲聞執事橋梓以直道見斥
欣戚得喪古之人不以介懷久矣未審尊甫老
先生今寓何所執事乃有此行良慰鄙懷生

安塵土聊與士民共太平他何足言茲遣小僮
專一候起居會晤有期尚容面盡餘惟自愛

求溧水縣閱武場記帖附於後

溧水教場一所去縣東五里路道狹隘不便往
來今遷於城東半里幽閑曠衍足爲肄習之所
舊有迎春館乃達於撫按諸公從而聞之約地
十八畝建正堂三間後堂一間棋臺一座飭迎
春館始工於嘉靖甲申七月訖工於是年九月
原設民壯一百四名今分爲弓箭手三十二刀

鳳林先生集

卷三

記

手二十四鎗手二十四銃手四金鼓手一十六
延師於京師使教習之器械精好武藝熟閑
爲一邑之觀又於堂前半里餘建一牌題曰閱
武在尋仙街檄縣丞孫麓爲之山人以天下之
頽廢可飾而理也柔懦之夫可呼而起也乃名
其堂曰可卽蓋竊附於三年可以卽戒之意惟
執事一揮以垂永久近著本縣志頗有端緒更
得佳文點綴其上實爲盛舉病中不悉

初任與縣中同僚

山林老懶無心於世久矣誤爲當路獎拔依
條格遂有此行昨承遣吏人輩遠迎兼之厚禮
此心甚愧不知何才何德以副來蘇之望且聞
二位勞於救荒甚有功業不惟上不負

朝廷吾知子孫其昌矣俟賀小煩近欲取道徐
溝履任後方謁府尊夫馬還須一迎饑餓之餘
輒爾勞擾此心益不安惟亮之在京時聞方掌
教敦美修身好學卓出流輩心甚慕之愛之見
時先爲道此意不一不一

鳳林先生集

卷三

書

寄鄒謙之內翰書

京師之愛銘刻於心悵然而思歷歷在目自承
乏來勞苦遂巡無復閑思良爲有道者所哂邇
來執事以直聲重望不容於時下臨江湖笑傲
風月亮不介意前及翰帕未及躬謝茲荷建平
之役偶獲侍教門下不勝慶慰謹專使人請期
乞示教言塵世浮雲成一佳晤亦大是天幸也
餘俟面布不宣

奉湛甘泉司成書

生以鄙野之人荷蒙清教久矣外補時又承着
戀至愛每以軀策不前恒自愧嘆邇雖置於江
湖之遠竊思執事者當得大人之位以古風動
天下適遂其願矣昨奉書報執事葵倫丰采
已深有轉移機括欣何如生一委塵埃終日
困殆平時自守猶疎今安能臨民但沛以此心
終不敢負執事耳茲者謹遣小价候問道體惟
願時珍調以慰縉紳倚望不具備

求甘泉深水學門記書

鳳林先生集

卷五

聖

向辱翰教銘感銘感每以不得奉接顏色消我
鄙吝爲恨茲有小干敝治儒學前門缺於開闢
久矣生履任時欲作之爰命富民周金任其事
未三月落成而官無所費規模峻整塔祀方正
意者可以遊青衿乎前修學時羅一峯莊定山
二先生碑其事于今伏乞大人君子爲一記以
開後學之源使墮落塵俗者有所警悟仁義之
人其言藹如舍執事不能望於他人矣倘蒙慨
然一揮不惟小邑之幸入山林鄙人之榮耀也

且得資以自殖其幸又當何如磐石拱俟想不
見拒餘俟面旣不宜

奉肅鳳山都憲先生書

生老遁林壑素蒙愛教久矣戀德之私無日不
懷恭聞

聖心明達留意蒼生起執事於丘園四海之人
改觀易聽太平之象益覺顯著矣生學不加進
偶叨一第授以此官繁劇百出雖執事平昔所
以指示所以期望不敢少負以愧初心但積勞

鳳林先生集

卷五

聖

成損鬚髮俱白而弊深政弛終莫能濟屢於當
道乞休輒蒙勉留而已但恐末路踉蹌掃地而
盡慚於門下實多恃愛敢終言之茲敝治醫官
朱頃便謹奉寸楮上問安吉典史王增來辱高
翰下及足仍不忘故舊賤夫感感無已時下殘
臘惟願時珍重上副

天子下副生民倚望不宜

寄鄭鹿門吏部書

自人冗官來不齒於士流久矣乃蒙時復記憶

交道不汙良切自賀遠聞榮遷大夫之位進賢
退不肖天下之士當生風矣第素無作事之才
又恐倒塌門戶爲吾兄羞事事勉強幸而豪猾
歛跡貧窮得所撫按諸公扶持成就以此小邑
彈丸粗有可觀老病侵尋鬚髮俱白屢於當路
乞休但蒙慰留而已無可奈何乃爾遂去就
之節一掃而盡有志者將何如哉茲公便草草
奉啟餘幸自重

寄鄒東郭內翰書

鳳林先生集

卷一

某啟新春來多病牽纏而賑荒一事甚費料理
幸而就緒此皆撫按諸公之仁也恐要知生三
月二十日已滿苟延歲月無益窮民其負知已
期望之厚矣執事海內人望輿論所歸甘泉陽
明二先生頡頏久矣暫寄此郡千萬人之福也
抑亦小試行道之路也不然彈丸之區何得借
格天飄鵬哉生老鈍益下行將返身丘園閉門
自守期寡過而已執事其必教我不棄至望便
回謹此奉復餘惟自重以爲斯文主盟不宜

奉湛甘泉司成書

託迹伊邇親誨日踈豈人之會合亦有數耶竊
聞教音大振今古瞻慕西馳如飛每入都中人
爭勿劇公務畢即就道而返執事愛我之意形
於筆札寓於聲說得於珍重多矣寄形小邑百
姓衣食不足詐習之除愧恨方自悔罪敢言禮
義之風邪間有一士夫二三大族頗知嚮慕
知其面未知其久而不變實難其人聖賢精
神運用如執事者功化自別何敢望其下風近

鳳林先生集

卷一

建一亭於學宮之南前高臺矗矗映以池水南
可以觀山川北可以瞻宮牆植松植柳俱候冬
時因名曰吾與每日明風細輒引二三生登之
高拱默坐移時乃罷意欲範小磬命二三生換
歌白沙翁詩以震動之庶其久而有動處似
是省力自反無本立爲焦渴又終艱然也少年
多病緣此廢學後來見賢人君子如執事者方
有警悟而氣魄不完多思亂性亦欲有爲於世
忘忘缺畧於中日陵月刻三百是追求中人而

不可得況望其他每承執事誘引徒有感仰而
已學門記畫爲學意而體製不凡真爲後生師
法近方買得一碑以鐫工未佳小停以待應天
張司訓來有詩教見及圓融透徹天機湛然便
使人有長臥山林枵腹以思之想茲因徐生便
草草具啟酷暑千萬自愛以慰天下之望不宣

又寄甘泉先生書

向徐生去曾貢書後王安石又貢佳文想投覽
執事德學益彰與古人並駕非所見之的所養

鳳林先生文集

卷三

聖

之固不至是也天下士失望之如泰山北斗豈
獨門下故人邪生學不加進所志日昏宦業祇
見可笑惟此心炯炯不敢少放耳泥途風雨拖
拽踉蹌時之所遇不敢尤人執事素愛所及漫
一道之敝治小志一部願付貢士諸相拱獻左
右雄文震蕩千古不磨又此志之大幸也餘惟
珍重道體以光

社稷

少峯都諫書

下一別又復幾時塵埃羈縻懷抱作惡爲之
奈何天衢遐征爲民爲

國非執事青瑣舊儀滕王新趣車輕路熟晏然
紳名高匡廬澤深彭蠡大江以西一人而已
生駕駘擁腫老病日侵青山明月翠林幽居
憂寐所及便成鬱結雖小邑稍理粗酬素心而
積勞過苦亦復無聊卽日以公務暫寓石頭尋
醫補氣與朋輩笑傲勝跡且復旬時再爲計耳
茲敝治新任寧州同知張潼之便謹具啟達意
回思石城二十年前窮達風流撫景卽事凄然
於心鸞輪西飛信如彈指惟賢者以道自重光
毗

社稷不宜

拾遺

與朱伯浦節推書

生託居鳳林野人踪跡無足比數固不敢服異
亦不敢徇俗乃製一巾高八寸闊如之前有垂
豕自頃向後稍抵左右有二脇後垂六帶由中

至邊以次而殺名曰鳳巾蓋野人在鳳林山曰鳳山湖曰鳳湖泉曰鳳泉舟曰鳳舫凡寓是者皆以鳳名之非敢自況於雲霄之上希世之禽聊因地托名以自慰悅若子厚之愚者也正德甲戌八月北郡李君獻吉見之乃曰冠宜高令稍潤乃尊重帶去其中之一爲五曰五者天地之中數野人忻然從之遂更焉丙子三月白浦朱先生以公務來野人遊鹿門携鳳巾以隨先生服之終日鹿門名山先生名人野人幸廁鳳林先生集卷之三

與路府尊北村先生書

某稽顙言哀傷摧折無復生意此情不敢上陳但邇來喪禮廢壞久矣某不量愚弱欲起而行之而古有不宜於今恩又不可以義斷者展轉思擇莫知適從孔子謂敬爲上哀次之瘠爲下然不知至何能至之其能盡其敬者幾希伏惟執事會歸於哲匠之門已非一日必有至當之

不惜教撥冗揮賜僕可遵行則興廢起廢夫化民成俗之功益大矣不爲百世之休乎荒迷痛苦言不倫次惟拳拳冀望謹疏

寄鄭鹿門書

某拜啟山居荒涼離群獨處懷念道範結想傾風自以天理日昏無所從質去幹而垣頽去軸而車仆年就強以上猶未有脫然自信處是以不能不望於未教之殷勤也祿輦七月二十日抵襄捧讀手教與其口誦知執事政事之美應

鳳林先生集

卷之三

三

慎之節迥出流輩修之於家果不壞於國矣豈非吾黨之光耶今之世每以學道之人爲迂腐措於世不能支持往往爲口實得執事如此足慰岑寂矣健羨潭府尊幼俱安秋成甚豐聞執事有移祿爲養之舉又甚愜人意吾輩自少勉樹立得志矣凡義所當爲而力足以勝之者之勇往行之際駒甚速此生如寄託後世於無窮者顧在於富貴而已乎狂聒之言想納杯細也

手端葵一書報欲過鳳林不知竟如何高汝

乞致意先寄書未付錄餘惟順時自愛以慰
靈

與吳石溪節推書

豸容返節正當趨拜而賤足病瘡艱於動履昨
辱先顧何感如之弘人之度下風敬服矣古之
人毀譽欣感不以動其心吾之所存者大則萬
物莫能屈撓而無妄之來吾安能擾擾於一夫
之得失哉惟執事見教賢人君子悽情先執世
難其人見執事良爲蒼生賀而鄙人不得時親
鳳林先生文集 卷之二
風範又踈懶者之不幸也謹此啟謝尚容伺候
門牆不敢

與楊大尹蒙泉書

某啟嘉魚縣本舉人名整字端彞世卿先生之
子茂卿先生之姪也近來訪問蓋借聽於韓者
此人好古勤學能世其家某亦嘗道執事之賢
端彞亦疇曩識執事於稠人中性惡煩囂懶見
達官某在執事愛下又不能爲之先容以副執
事好賢之心昨舍弟秀才傳道指意某甚愧謹

將送行拙文奉塵清覽倘不吝教音幸甚

謝儲國史惠鳳漿書

鳳漿之惠益深感激於是而竊有警有舟而無
楫不能盡舟之才如人有體而無用不能發其
所存亦徒學而已使舟楫皆具乃寘之清溪野
水之濱不以乘載士而遭此則亦堅其所守怡
然無求於世固不以自售於人也雖敝形沈波
亦何悔哉使回謹此謝並附餘意一笑秋氣漸
動當有奉板之期今郎邦掄亦望道此悃情不
悉
鳳林先生文集 卷之二

與吳白雲郡馬書

秋候始臨微涼頃起又風雨時來水秀山明啟
軒獨臥怡然自適蔬水黍麥魚蝦瓜豆時亦可
飽情之所欣誠不知爵祿之貴軒冕之榮也古
人愛山水而厭朝市者豈其矯亢哉蓋欲順從
其性而已漫一道之伏惟指摘盛价齋短刺領
矣黃光化入

親佳作想成久專僕求稿一目萬惟勿吝錄付

不勝冀望昨日儲德溫先生送一短棹至帖云
鳳漿是愛野人者無往而不以鳳爲名但恐中
無所存外無發揮世將笑鳳德之衰也執事以
爲何如

啟成載芳書

執事於生相愛甚厚故以古之託妻寄子望執
事諒有聞也舍弟王繼善蒙先人之蔭備員末
清右衛粗通經史頗解世故能不墜先業先人
恒以庶苦勅子孫而舍弟亦知率教前日談笑

鳳林先生集

卷之三

五

議論間亦爲執事之所過譽鉛刀雖鈍未竟一
試而碧桃紅杏和露倚雲秋水芙蓉惟孤出於
寒江耳太司馬父執長者昔日亦曾垂念然位
尊望重未敢輒申生才疎意拙不錄於時日夜
惟思歸鄉里山林之日長田畝之樂真奉萱堂
菽水之歡以保先聲於不墜而行單力弱不能
及於一第以斷柔腸執事倘以爲可用加一援
引使得少效涓埃如其不勝加之罪而不以赦
可也惶恐干冒伏乞心照

奉邢伯與都諫年兄書

敬京師奉別之後數更寒暑前聞執事抱左
車之屈甚爲不平然君子立身行已惟求此心
無愧而已榮辱升沉在外者固不以之爲欣戚
也昨會貴僚冷先生始知執事在此月十二日
履任想天降康和以需大用生老得一官承乏
溧水本以山林野人當此繁劇繼以荒歉公私
亦立縮手無措使徒晝夜憂惶何補百姓但恐
因循度日謗議沸騰非惟得罪古人必將舉平

鳳林先生集

卷之三

五

生而棄之進退之間實爲狼狽執事素有厚愛
於我者其何以教我恃愛輒有干敝治例應追
贓犯人家屬徐茂二張友蘭周朋陳通關家計
蕩然正犯俱死終歲遠邇不肯見官生遣人拘
之且論以刑賞之言彼即欣然來見若便欲遵
奉起解但縲紲之下死亡無日終爲溝壑之人
今有可生之路使生避嫌畏罪不一曲處他日
雖見六一公於地下矣已差人保押嚴限追促
所有端緒但貴僚尊傳老先生處未申此情

為蟻微軀亦在生靈之末稍寬數日先完一
十一月之後當全畢矣傳老先生位高望重不
敢輒通所仗者在執事陰施陽報執事之門子
子孫孫高大無疑幸留念幸留念連日祈禱幸
得小雨旋復吝惜不知天於斯民無意如此果
爾秋來便當為掛冠長往之計暮齡幾何受此
苦惱惟執事敢告以此言會晤當有良期俟
盡不宜

男希鳳子王之瑞輯

郡人漢樓劉存義校

南陽少濱衛東楚刊

楊氏族譜序

古者天下國家皆有史一家之史譜是也聖賢
垂戒之意深矣後世有作不足以勸懲勢不可
也且宗子之法立使國有世臣於朝廷甚有益
後世士大夫家無世官雖以繼嫡者為太宗嫡絕
以其次當之有耄耄之祖而宗於繼祿之孫分
定故也然賢不肖異勢又不可則聽於尊而賢
爵而壽者是又得權宜之道也今之時人心乖
離風俗澆薄譜牒不具家無孝子慈孫天下無
良臣職此之由吾舅大淮伯退齋先生以名進
士授御史權今官平易和厚與物皆春故宗親
享其孝群從飽其惠於此以一家之史不可廢
也乃以見屬按狀諱景雲者襄陽萬戶後避元

賦使郎縣諱次才者又徙居均州時郎為均州之屬邑未遠也成化初劉石之亂陞郎為府而縣屬焉分疆異域親者益踈此居後川者所以未能考其詳也如六世曰剛者近又徙居郎使世系不昭他日觀之安知其不以為無考之後也哉且五世服窮而親盡矣雖不過同姓然同根之氣同源之波仁人者寧不戚戚然於中而敢自附於遙遙華胄耶某來遊武當兼省吾舅乃欣然如命不敢以不敏辭嗚呼慎本始念子

卷七

七

二

姓重事也而以爲淡然無味者則高宮肥馬埽鍾舞女有以移其志也襲祖宗之澤一旦爲大官族屬之中有操瓢爲溝中瘠者豈少也哉是皆無世系之詳而踈遠之念有以絕其慈愛之心也吾楊氏世有令人慶澤之鍾至吾舅而發乃孳孳焉是之爲重視祖宗之子孫無以異於吾之子孫誠可謂不負矣將來之福又可涯耶於是

合世系次之世紀又次之世美又次之

又次之皆所以昭實聞而承先烈若其飾虛美牽引無據以爲九原之累則有舅氏之命不敢爲也

遊太嶽倡酬詩序

予自少愛佳山水每聞南嶽西湖龍湫玉笥羅浮匡廬之勝恨不能一徃武當去襄陽三百里尚如在天上塵俗熏心恒自愧矣今年九月約友人鄭鹿門及方泉季往遊焉且以舅氏之命來將至中弟楊德夫迂於郊而郡守劉公郡博

卷七

七

三

屈公亦枉顧二十九日甲子劉公贈僕馬舅氏介中弟成行天微雨出宿迎恩宮乙丑晨興行七里許飯道傍草舍經草店見煙火消散老幼涕泣群人囂然喪生問之曰此禁山也將驅之遂入遇真宮梅提點者具茗食宮有張三丰仙蹟變化恍惚梅能道之蓋亦高流也行望仙門深谷大書覺非人境經回龍觀內有二小池冬夏不涸入老君殿茶罷觀澗中竹循磴而上太千波也紫垣夾道蒼松也

曉間矣下九渡澗長橋臥幽景物殊絕前數十
步草樓一區老杉臨之水循其下瀾瀾鳴已而
登黑虎廟瞻仙携琴成二曲諸凡不甚解木食
澗飲而已薄暮升紫霄石欄排空翠屏萬丈樓
閣如在雲霞中姚提點者走迎甚恭飢罷解衣
臥聞笙鼓抑揚殊爽人丙寅取小徑過七星岫
岫上草屋架險攀援始可登坐石玩良久乃去
由山脊下石蹬入榔梅祠四望中皆深山大谷
南巖懸在削壁恠石負金碧掩映已而登朝

鳳林先生文集

卷五

四

天宮自此石徑漸覺陡仄老屋插天陰氣拂衣
不可久居矣里餘登一天門下入深谷復登二
天門峻峭危闌行者不敢俯視曲折西南行人
三天門門傍有小屋道流者候茶三門皆金書
碧殿左極險處是雖人力亦天造之所鍾也抵
太和宮室多板覆延容處亦甚整齊瀟灑剪曲
裁斜皆有成度乃易衣冠上絕頂門加高鑰惟
謹守門者撤開殿金彩輝煌炫人心目禮罷
四望極目千里守者云某爲均某爲襄漢

水一綫諸山拳立真可以傍視日月而下
露平生童血一洗而空之豈非人世之一大快
也哉還宿太和宮李住持者其幕次酒肴甚款
語晚寒借褐衣被之始可坐危然一閣立岩中
楓林下視咸如草薺半醉中不知置此身於千
仞之上丁卯取舊道直趨南巖飲甘露泉一飯
畢始計欲由此過五龍雷提點者云山路陟甚
僕有倦色遂造玉虛遨遊山泉間昏色消林鳥
影俱絕方泉季以怯險投宿關王廟手與鹿門

鳳林先生文集

卷五

五

決策行甲夜始達守者遣童子具燈火夾道而
迎度危橋乃入宮客具齋畢夜臥頗安戊辰謀
歸再過迎恩微雨速馬而行未暮入郡城大抵
往來五日道路盤旋計將百里馬行者三十步
行者七十宮宇皆壯麗山水皆奇險道流皆蕭
然物外與耳目心意謀者志願畢矣自念武當
之樂在胸中者二十年幸際天朗氣清神閑力
健凌巖履屐畧不敢厭怠凡所觸者或聯句或
獨賦率然成章塵囂煙火之餘得此勝絕又念

觀山玩水殺能放心又五日之間寓興寄情作此無用文字是皆有累於聖賢之學倒囊得二十餘篇雖工拙不齊聊以記一時遊覽之畧且以自警此晦菴所謂盤盂几杖之戒也夫

壽椿詩卷序

嘗聞丈夫在天地間幼而學壯而行老而休學以明志行以講功休以息力則凡得之於天者可以無愧矣如其不然昏默以始之尸素以居之鍾漏並歇而不止槩乎其未得也何疑斬陽

鳳林先生集

卷五

六

陳公文玉其有合於予所聞者乎公由郡庠第子自以才行積久陞補成均再卒業謁選天官領貴州藩司幕古之昌黎率為幕官貴其賢也豈輕也哉弘治辛亥都清苗獮梗悍藍縷視死如飲食不識契約條教以干戈相可否事孝宗皇帝震怒命守臣提兵問罪時餉食費以萬億計適方伯以他事解而承繼不乏諸軍以嬉總憲者又用公之才較功酬能人不得欺自都垣而下輕重咸出其手上下服之凱旋總憲

以九姓長官司陞為獨山州清吏章且以公功名篇有曰公謹廉能不避艱險

詔以公往綰新綬創郡朝不擾而集未幾有恩尊之興乃移而歸斬在大江之濱上有赤堊蘇子之所遊也下有匡廬五老之所居也佳山勝水其足以樂公之餘年乎在官不辭勞老矣文復不顧戀其果不逮乎之聞乎不可謂之賢乎公子大章以例來遊成均善繼其志矣正德庚午正月二十日將拜公之誕辰乃舟而南念詞藻歌頌亦成迹也請於交遊者而辱予題其端噫子豈良工哉章其自求聰無聲視無形聖人用心之密也而謂吾之不及而可乎固不在以名為也公姪宗堯登進士高第擢地卿郎自少有聲於時其所以論於章也審矣又奚有於予言為束茅書壽椿二大字歸之且愧不文無以發大夫之德表孝子之意以託於諸文翰之先也

鳳林先生集

卷五

七

也

輓詩序

石首吳文達時亨登正德丁卯鄉舉來遊成均
會予久淹道路不引去亦與焉見其逡巡退遜
不出一語而循循自飭予意其天巧不支而中
有所藏也大凡得名於時者率負氣自豪無所
顧忌卒不能窺聖賢之萬一而誅道咀真乃在
於若不爲世重者然則時亨其子同工共朴者
歟未幾太孺人之計來時亨號泣不已欲毀絕
以從於九原一日適予館又見其行不中路坐
不正席衰麻纍纍腰經墜地面半黥眼正赤聲

林先生集

卷十

人十

氣不完子曰奇哉子之孝也今之孝者於其親
之終也極爲觀美之具而悅於人之耳目有怡
怡焉以襄事者甚而烹羊包羔召致賓客士大
夫亦將以此責之呼亦惟笑且喪無文主於戚
而已然毀不滅性故爲蓐麻躡踊以節之楚虞
祥禪以遠之醯醬菜果脯醢以漸之位祔廟享
以徵之其所以表良心而發孝思者則貴於其
中而外之者果不足以報其親於無窮也然則
時亨其有合於古之爲孝者歟所謂天巧不支

而中有所藏者歟鄉豪傑重子而及其親率爲
執紼之歌廬振之欲予引其端而時亨亦復拜
跪涕泣思有以慰其亡者吁是亦文也非古之
所宜乃述其所以覩於時亨者如此若其連篇
累牘金春玉應諸君子哀痛之辭亦薤露之遺
音也

牡丹名賞小序

萃芳主人不好武而好文奇哉之爲將軍也天
下士來遊太學者咸聞其名而慕之覩其人而
愛之正德庚午春賞花於亭下豪俊畢來而予
與焉若華亭之莊重會稽之清逸西江之敏捷
而予鄙拙尤甚則亦何以自荅於主人而班群
公哉雖然萃芳不宜久耽於花竹亭池之樂以
忘其所有事四方有警正萃芳之任也吾欲萃
芳易樂爲憂始不負世世爵祿之重

萬里亭衡詩序

南京大理寺司務李君蜀人也魁成化庚子鄉
薦登乙榜攝教永壽岐山擢雲南府府再擢今

予試事大理於君爲屬君不以予賤且辱
來謁文予惟昔馬子才謂司馬子長周遊天下
歷觀山水險易中原廣野而文益進君早以岷
之氣巫峽之雄孕其神感於心而發乎筆端
卓然爲西川之豪旣而由荆豫走梁趙徬徨乎
中山燕冀之郊仕陝及滇轍迹所加最爲長久
夫以雍州土厚水深平原昭曠文武周公之業
具在鳳凰之鳴蓋雖離乎其猶在耳也發於文
也當沉實而不畔道理雖朴而華六詔之文珠
犀象丹砂水銀空青與夫點蒼之秀昆明之麗
奇於物也如此固不能奇於文乎則君之懷抱
吞吐有衆人所不能見者而三方之教濡於人
又可知矣天官卿聞而重之進爲廷尉之幕位
在子卿之右而權實與尉均方其時予見君奕
奕然若人之懼於刑辟也程子書其座右曰視
民如傷歐陽子曰求其生而不得則死者與我
皆無恨也今之名爲豪俊者恃其聰明急資偏
倚之見而不顧人之參差上下相應固然一辭

生者無所告訴長逝者遊竟齊懷無窮用是觀
之君可少乎哉嗚呼文章與政事相表裏謂政
事不本於文章刻意於法律之間此腐儒俗吏
所由分刑之不清世之不治良以此也君以山
川之勝得於文而爲教卽其教而爲政皆吾心
爲之樞機不以相戾而實相資用然則君果可
少乎哉君子榮繼武登科少卽有聲萬里之途
又自此始難者曰君方以早自慙而何子之言
噫枉下爲工其無知也哉彼千駟萬鍾者死而
泯泯其何恃而病君念嘉命之辱於是乎言諸
味歌者附其後皆一時繾綣之情耳工不工固
不必論也

贈許台仲高汝白別叙

某自幼無所知識卽思恬退幸而先業有名山
勝水讀書其中耕田種藥彈琴鼓缶一以樂吾
親一以詠先生之風中間不自維持叨鄉里之
薦乃有成均之後撫其地而思將欲求友於天
下以輔其不逮而塞其罅漏也正德庚子春

台仲者自澗而來美鬚如戟儀觀甚偉動止
詒默卓有程度不以予之迂也加援引焉情既
通乃曰高汝白應邦升皆一時豪傑也子豈欲
見乎居二日汝白邦升先焉見二公益知台仲
之精審也又曰王子楊未至子尤所當見者既
父子楊乃來予迫於官府台仲汝白將謀歸值
大雨道路不通雖知子楊而未及叩之也予方
曰天下士如台仲如汝白如邦升如子楊予所
就輟而奔走焉者此遊其真有所得乎未幾邦
升以昏事得假先歸予賦一詩送之已凄然其
可懷矣後二月台仲汝白以歸養請當道重其
義訝其高不得已而從之蓋凡仕進者以退處
為非崢嶸者以寂寞為濡而亦豈知有所沮於
中者不得不形於外感於其外者又怱然而愧
於其中内外交攻無所於可雖千駟萬鍾棄之
如敝屣苟以順吾心焉耳台仲汝白始至既有
取於予也議者曰人有如此者公聞之乎是非
未可知也又有云者是或偽也舉世騰騰

蘇林先生集

卷三

七

蘇林先生集

七

若是其真偽哉乃又有云者其人學道之士
吾儕其輔而助之以堅其志庶幾為治世光是
三者予未應焉不可於台仲汝白何如也子
揚端重文采見者使人心醉與二公講論非予
所能窺其必有以處此矣處之而不見其迹行
之而必求其至泯其迹非避患也求其至非徒
言也不求其至則愧於古之人而其謗也或宜
不泯其迹而或暴白於人則恐其所以潛心於
內或不能詳密而周遍也台仲汝白行矣於是
申以請教焉

椿萱並壽圖序

鳳陽周君聯玉以文字得舉來遊南都常以其
二親之命壽而康也怡然見於頽形諸辭率不
知至於踴躍一時所與遊者咸幸之繪於圖發
於詩歌乃命予引其說以佐觴焉予亦久於君
何得以不文辭蓋人之生也本於天地其氣化
也本於父母其形化也且人有授人以物者則
必實其物而愛其人矧授我以軀者哉將必思

使其身體而愛慕悅樂於其父母矣愛形於中
樂形於外躋期頤而未已埒岡陵而不厭豈非
仁人孝子之至願歟君父士宗先生隱德不仕
太孺人夏氏克全姆儀龐眉皓齒壽偕七十其
所以享於其世也厚矣子之所以奉其親者亦
可以少慰矣雖然予有諗焉古之爲孝者以誠
不以文竭諸性分而不求於外之不可必得能
誠則自溫清定省以極於無聲無形竭其性分
則將熙熙焉愉愉焉展布其吾之所以得於天

鳳林先生集

卷五

南

者而不失若其進退奉承之間聲音笑貌之具
與夫高爵厚祿誇於市井耀於臧獲謂可以爲
孝則誠文焉耳矣求於外焉耳矣則古之山林
水竹之夫遺名於後者顧不能孝其親而千駟
萬鍾者何限又未聞有全德懿著聞於後世也
君產於淮水之濱有西北質直之氣其不以虛
儀飾辭奉其大人如予之所論無疑也君歸懸
圖於廣堂坐二親於堂上杯酒肴核陳於外子
系絳從趨走於其下詠其詩歌吹竹彈絲鏗鏘

鉉鉉不知天壤之間復有何樂且君之孝未已
也取友於四方以輔其仁而成其德已爲不虧
其體又舉士大夫之意以爲其親則其孝之
益光也何如他日取進士高第登名

廟廊養以祿而崇以爵則自不失其所以全於
天者而及此焉亦未爲仁人孝子之所病也君
同年友梅君德聲又三致書焉於是乎言

送應邦升北上序

正德庚午春予旅於金陵至是凡四遊矣江淮

鳳林先生集

卷五

東

表裏名山奇峯深波洪濤亦快闊而厭見之矣
獨以未得至人爲恨意者深藏重閉而不銜露
歟將塵容俗狀不足以致之歟抑豈事道者少
而人皆剪剪勞勞日趨於汗下歟何其寡乏也
東豪傑許台仲高汝白應邦升王子揚其言
志於至人之爲者歟台仲汝白振衣而歸故山
予常述其所懷以讀於其行矣獨子揚肩風雨
又去予未得領一言則盡日惆悵而臥今邦升
行矣吾之歡於都下止以試所有於

明天子又復去子離群而索居則誰其諭我以
至人之高而弼我以聖賢之道嗚呼子亦有慨
於世古之人順於其道而人亦順之今之人逆
於其道而人亦順之順而順者人已皆成逆而
順者人已皆喪耳目口鼻四肢古今皆同而所
以爲順逆則不同焉豈不可恠也哉求古之所
順而去今之所順則於斯道其庶幾乎爲之有
基積之有途從之而益乎其從克之而不見其
克大也有時吾性中物也化也有時吾性中物
也自有而自爲之不與於人而亦非人所能與
則其沮我以不必爲毀我以不能爲攘臂而詈
我以背世之爲皆不足聞也自從自克自大自
化從者吾必欲如此也何難克者吾日爲而久
積亦在我又何難積久自大大熟自化皆由吾
爲之根柢也吾唯從事下學艱難辛苦益勇益
剛怠而懲焉安而防焉挫而奮焉仆而植焉則
可以馴致者若在吾目中矣入將不順今而順
我我卽古古之人謂之至人非欺予之所求者

其在斯人而邦升少年豪邁見事有果剛毅
之氣持身有端嚴重厚之體出言有譙退和遜
之容見賢有汲汲不能自己之意其於斯道也
抑又何難邦升以予言爲然乎則後當爲至人
矣出而用世亦取諸其囊而布之古人具有成
效到都下請以呈於從簡元明二先生並質其
可否便以寄於湖東三豪文還一字於迂拙以
引其所未聞則至願焉邦升行矣乃以布其愚

清溪序

黃州之野沙河之岐曰清溪焉其源六七里出
於東西諸峯之間自昔有隱君子者居之因以
爲號君子樂耕不仕逍遙於草萊山澤之中萃
屋數棟良田滿野處有妻子之樂出有車馬之
逸視人之休戚世之理亂漠然不以槩於胸次
久矣方其寓一笑於斯溪也春服旣成浴於其
波菱芡蓮蓀采采不竭桔槔聲罷載食其粒水
落石出鱸美蝦鮮四時之利無窮而樂亦隨之
及其迎清風坐明月放舟引踴躍之鶴

鳴咽之風蓋不知天之高地之厚使君子悠悠焉而忘世不知何樂可以踰此君子脫落無塵土味野居不滯平居無暇時無不暇時唯於風雨之暇擇而遊焉以盡溪之勝而因頽之壘以表其所得也且溪之水入於河自河入江入海觀滔天之勢必求其消滴之源則是溪其有所宗乎吾聞君子有鍊讀書讀禮以文魁於時將有用於

廟廟而官之天下當知爲君子積善自長無求

於世以損其所受之分如今之慘然放肆以取戾於後而履職以自克者之所及乎是溪也不徒爲君子之樂又爲君子之子孫憂矣予有秣陵之遊歸道適君子之孫同舟乃謂予曰清溪某先祖之號也某自少有於先祖風最源至於今不忍忘願先生志之以警其潛德某之願也故不憚謬博而推其大畧如此君子謂姓曹氏諱大忠字良輔者也君子之孫謂誰甲子進士名璽字廷信者也予爲誰襄陽鳳林居士

三從善承吉也正德庚午夏六月書

遊衍恩寺倡酬序

襄陽爲楚雄郡諸豪以文爲會者八人兩山劉應韶石泉任重器良峯艾敬之梅鼎任良器竹所劉聞韶桐山曹元脩而予兩第南麓初吉方泉未吉亦與焉春事既深几案歇課拉水峯曹元禮與予爲衍恩之遊蓋修穢之遺也是日也輕陰淡雨和風徐來地近郭而隱僻路依山而迂回松柳羅其青於外桃杏穠其丹於內山高而堂迥寺靜而境幽予昔未嘗遊而今其始也諸君子顧而樂之乃屢觴予予頽然其中而諸君子醉者臥醒者勸勸者復醉而臥者欠伸思酌石泉爲觴政戒不得放言亂辭失儀以紊斯造予貝居賓位石泉實予所舉而衆稱能焉樽罍足以當軒冕歌詠足以當絲竹酬酢較量足以當君子之爭謹飭慎防足以當武公之戒是遊也果可以荒酣飲食少之邪意真情至慮濟神和悠然會於昭曠之中脫於聰明之外誠不

知天之高地之厚明日復爲羈縻中物也嗚呼
習俗之移人久矣道德明則人事仁義縱橫出
則世事攻伐清虛與放曠相應功名與卑濁相
遭志之所往氣必隨之而篤於正者未始不得
其道雜於邪者亦由由然與之相入也諸君子
以豪傑之才醞藉乎六經之學有心於當世之
用果如今日之所養則性情復有逸出於他者
乎以仁義爲質幹以功名爲枝葉本深而未茂
內重而外明挺然自立於萬仞之上以下觀乎
鼠蟻之紛紛顧不偉歟既以遺雄郁之光又以
增文會之勝而今日之遊不爲無益且以予之
鄙拙最出諸君子之下亦被其榮耀焉方泉分
韻各成詩一篇附於卷而水峯以病不果來予
故僭引其事於端如此云

破虜承顏序

正德辛未冬盜起齊魯燕冀析其衆宵渡於河
逼汴洛屯葉裕湓汝之間遙相應援夷城屠屠
民血流波道積骸如丘山中外惶惶者三月

時守宰不去者死於賊去者死於法壬
涉於唐唐人拒之於棘陽棘陽又拒之遂乘間
誅其醜執一二渠魁賊稍稍引去閉營蓄縮不
敢出乃爲潛避之計先是守臣驛奏於
朝曰中原承平日久人不知兵變起倉卒無以
支吾卒受滔天之禍賴

皇威震蕩賊氣日靡臣請集兵馬以禦之而未
順一軍在西南最誦忠義並徵以來檄至宣慰
使致仕彭君天祥召其子名明輔字伯蓋者曰

來爾知爾事有富貴乎邊徼有警吾猶盡力焉
今茲腹心何敢後即飭爾戎服即籍州司候洞
兵精悍者即長戟利劍畫盾威具慎自戢勿擾
於道路誅無罪以重爲

朝廷憂越三日啓行寓書於予曰奮忠職也荒
愚爲

國之誠諒見察焉嗚呼是言也天地鬼神實臨
之伯蓋既至間謁予清揚正白循循而行默默
主翼翼焉而進退蓋其深藏者其外必力將

不愧於爲人後

王師壓境伯蓋率其子弟食假寐荷戈橫趨而
狼顧之賊濟死以計盡戰夜遁用疲我師牟表
老生黍稷未有怨深鮮苦可仇可凋既而黨與
溺於汝河殲於朱臯皆伯蓋之功守臣獻捷焉
若伯蓋者保其身宜力於

君克廣厥父之所存而詔焉者當路題其冊曰
承顏固宜且伯蓋自幼得於庭訓長有師承又
存乎四方賓友之益日改月化莫知其然矧其

鳳林先生文集

卷之三

主

無所逃者出於天性也哉伯蓋世有溪山金章
纍纍其何所從率教繼善不忘其忠以求其業
於無窮以無負

天子之寵命以榮其親斯有耿光其承顏也不
亦至乎伯蓋避席曰謹受教五月師次於襄因
述其事而歸之如此

送余邦理膺薦北上序

天虛宋祚夷狄猖狂握符據寶剪割菴夏至窮
至酷人人懷思食其肉而寢處其皮于時我

太祖高皇帝龍飛應徵掃蕩寰宇腥奔羶伏
軌滅迹天道再明日月重光五倫復叙夷夏斬
斷大哉

皇功禹之抑洪水周公之驅猛獸萬世一貫後
先輝光

聖子神孫繼承大烈靡有缺遺文恬武熙四海
寧謐莫紹密勛繩以

皇穆故天清地順風雨時至草木呈瑞魚龍偃
波億萬載無疆之休有耳目者咸共聞見倚歎

鳳林先生文集

卷之三

主

盛哉

今上御極率遵舊章愆度枉矩鍾以刑辟蕃虜
貢獻效制無敢後然恐窺波未信妄乘間隙司
馬部以戎任是職履霜思懼未雨而防乃

上請曰乾坤昌泰四陲和夷惟

天子萬壽

天子億祉老臣尤有所慮蓄滋以俗稿乾蓄薪
以防決潰精選天下文武兼資之士以消未然
之虞

制曰俞於是詔使馳驅騰檄海內大小守臣咸
思廣訪竊搜以副

朝廷重國之意楚爲大藩應者無幾直指使者
懼不得才以不能違責而追厥跡又懼得之而
弗究實施用以取笑於天下以資

上所以冀望者然梗楠若居驪黃鄭新不以禮
致之將曠羈勒而遺勒斯乃發歷郡邑下氣卑
蹤襄郡守貳以吾子邦理往應至則會稽重
僚機試巧驗率中程度身貌風意無手不嘉遂

鳳林先生集

卷五

七

與計偕上之於司馬部瀕行鄉曲行友舉其別
命予爲文贈之蓋今之天下之大一軌齊制賢
良登用豪猾屏息然倚伏難知先事重閉亦其
宜也吾子少遊庠序廩食二十年試文不用去
而就武文武非二道也未聞爲良將者不文而
古之儒臣尋行數墨而已耶吾子往矣大用之
長城巨浸偉然爲

國增重鄉人之榮也邦家之利也小用之抱關
典璋亦足試其能使國有若人衆志齊同患於

何生若曰不得於此去而取彼狐媚風貴富貴
厥身顯於其家視父母兄弟妻子益然生色報
睚眦壺殮處懷不殆出而敗衄負郡矣負藩臬
與直指矣又負司馬卿而上及於

聖天子宵旰儲材平定疆域潛奪奸究以綿
社稷靈長之計於吾子何如某山林鄙人無意
世事於吾子之往不覺壯心之一發也不愧蕪
陋神謀臆決用單厥辭焉

贈王天熊都綱序

鳳林先生集

卷五

七

襄陽山水甲天下者舊最多居之者恒得其清
麗接其遺風以自浣洗故高人出焉然飽飫展
轉乃歸於僧獨深蓋其縛屋以生養窟坂以終
藏採而炊藝而食志不遠於百步若將遺世者
然不甚解禮於人膜拜懇懇以嚙指天曰天
指地曰地涼以疏炎溫以禦臘問訊於其宗則
曰足矣足矣吾見塵埃之士調舌如簧意如奔
馬謂功名可立取然而躡形於風汗足於雨群
龍困螻蟻而覩顏猶自幸於一遇以舒其所好

嗚呼富耶貴耶行道耶一有少紉千里之遠
行愈迷迷而不返何所底止視諸僧何如哉吾
愛閒靜久矣常居者谷隱也南有黃龍東有鹿
門北有甘泉峴石西有隆中明教承恩皆絕奇
者也山有寺寺有僧

國家之制恐其幽閒閑寥不振之以法則益僻
荒遠繁庶不統之以位則或亂於是有官曰都
綱者高其座銅其章圓其冠以蒞之是位虛乏
繼者恒難王天上人名真順善良舊族也郡邑

鳳林先生文集

卷三

序

雨於

朝下天官部授之以歸鄉進士曹君水峯與同
輩率之微予文以贈予在山最拙凡田夫野老
質朴深淳之象甚愛而樂之時欲存之於胸中
以見於其外庶幾古道可返由此而克路逕悠
悠必有所至而况僧之逃於俗也無父母妻子
之累徭役菽麥往來應接之煩畏威懷刑之念
與齊民絕不同而王天方統之則左顧而右盼
朝遊而暮覽遠宿而近食取之於已嘗益過乎

茲意者山水清麗之氣在其胸中乎者
風在其目乎自生自守或晝或夜隨分低昂足
於其道無疑也不然榮榮於生死之中化其形
於苦海之內使其徒忘四大以從欲而無練解
之妙緣則亦奚貴於玉天哉玉天異術也能盡
其道斯可矣固不以大全為辭而塵纓羈馬正
至天之所當外不頌而親其勉之

封尚書戶部主事朴菴李老先生挽

序

鳳林先生文集

卷三

序

正德甲戌七月二十一日叙南村菴翁卒於正
寢實吾襄郡守李侯某之嚴君也時年八十四
矣計間侯毀絕幾不能生乃約其政以授於侯
屬倉卒戒舟而奔襄之大夫士因侯而哀翁者
咸以類至邑博麗君淳與其佐陳君鉅黃君尚
綱以侯興學闡教尤篤懷德而弗忘率其弟子
負創為執紼之歌俾從善為辭以弁諸冊按狀
翁諱惠字崇施朴菴其別號也幼聰雅於經書
曉通大義遊郡校有聲念親之良也忽謝其

時就祿之計一意營甘肯奉顏色爲務諸凡樹
立勤儉敦睦恪然自守鄉論歸之方侯未冠時
即教以收放心克偏性爲主既長益力於學
弘治戊午鄉薦明年倫狀元榜進士出身授戶
部主事移

恩封翁如其官愈謙約無侈容及侯之出守欲
迎以養而翁不來守身愛民之道以爲訓則倦
倦也嗚呼天不憖遺於一老使其有瘳以隕越
其訓服而終厥身其不可哀也哉予於是而獨

卷之三

卷之三

卷之三

有感焉者蓋以二千餘年聖賢相傳之心法至
宋而明至於今益贖贖也俗儒之學不及於古
人萬分之一坐是故爾性微而難明心活而易
奪溺於寵榮則誤國以欺君溺於利祿則剝其
民以自肥潤沉迷汨沒展轉流瀝將無所底止
不獨偏之爲害而已侯之在官也清勤寡默恒
以斯民未得飽且煖爲懼紛然之好泊如也豈
非存心養性之一驗哉且翁教之而侯服之又
以風動乎門人賓客斯學其庶幾有興矣教其

而因以及於人承其教而能推以及衆則翁
教益明侯之孝益廣載筆者宜有昭也某無
他知識日從事於此而病未能念墜緒之茫茫
哲翁而興慨又於是而有取於衆人之哀
亦以其情愛而動乎私秉彜之所必至焉
計收附於左方雖露蒿里古亦有道者存
之是爲序

光化黃尹禱雨有感序

年者何牧民之官也愛者何牧民之心也誠

卷之三

卷之三

卷之三

仁則良心於是而發矣
朝家授職之意難矣六安黃侯世重以能聲擢
知光化既至尚農貴學興廢起墜士而民安
之歸歸大夫士凡公私過是邑者咸愛其爲政
知所奉而當世一種遷延自便之計則侯惡之
而絕不爲正德甲戌亢甚無宿麥晚禾復乾枯
侯親懷不自已乃沐浴斷爪露臥禱於神不應
乃蹣跣徒行執符一爐暮詣日中不應乃數步

輒俛首伏俯僚屬與其弟子負從吏輿僕奔走於左右而扶挾之市販者訖嘆於閭閻耕者亦相率而驚泣於野是日微雨旣而大澍頗沾竟不獲有秋侯乃請蠲租不可時吏踴貴侯計半而收其值及秋稅亦例減常路是其議檄旁郡邑皆得同之官不乏用而民困甦若侯者不廢法不損民可謂二難矣在宋有張全操者嘗爲是邑當時以草穀殿寂而全操上言苟非倍取民租私減軍食何以致之事遂寢後先相望一

鳳林先生集

手

邑而有二君子是豈虛爲慈愛而無實以惠其下仇其生以爲溝中瘠以坐耗國家之元氣者哉予嘗慨夫今之爲學者未仕無自脩之功旣仕無及下之政徒以剽竊經史叨冒寵榮以官爲家以百姓爲魚肉以敲朴爲教化使烝黎望政事之堂如入虎狼之窟何其無人心一至於此也負百姓負

朝廷負所學以辱其先而風流波蕩擣臂稱首覲習而爲之至死莫知其非是誠可爲痛哭

也侯之蒞政良異於是而禱雨輕稅相繼而惠民之功則誠以爲愛矣牧民之職自是而推之容有不盡乎邑博葉君葵有文行善鑒士喜於侯之爲邑而得其道也俾予序其事以傳於來乃因狀而文之具及其新懷雖以得罪於世亦所不辭也讀者其念之哉

送李鐵橋還嘉魚序

古之人大過人者身以德義自重又不自溢求友於天下以相漸磨與之所之千里命駕匪以

鳳林先生集

卷五

手

爲聲與資談說而已予家於鳳林之上而端熒在嘉魚舟浮江以入於漢蓋千里而遠于時秋暮風雨綿延蔽蓬窓棲於白蘋紅蓼以與鷗鷺爲伍者凡四十日而後至端熒可謂勤矣而予學術荒謬操履不嚴當再往黃公山以講其所未盡而何敢辱於臨存哉念昔夏拜東嶺大崖二老掀沐春風如河之湯湯而飲者自充其量歸而不敢少休以至於今惟恐志慮昏庸跌而不振爾時端熒陪尊俎於二老之側侃侃

詩論英發

卒出群衆中心已托交於

以相率勵也。端未至前一夕清燈杯酒予與
兄弟共話念端來已有期而不果豈困於貧
而滯其行李耶翌日蚤聞挾僕夫抵樊矣肅訝
之而端笑從容益恭言辭益確見識日益精明
詩篇字畫乃其餘事也予方歛衽而嘆端蓋
謙下不自有此正予之所求而世有斯人抑豈
非吾道之幸邪冬氣漸淒霜寒江苦端處居二
十日而歸而予之鄙拙莫能致其留也乃言曰
四海之內輕千里而來告之以善予何以得此
於端爰今歸矣予何以報端爰哉側聞古之爲
學者有道嘗自持以警惕今以請於端爰古之
人不貴於無過而貴於改過人非聖賢未有能
獲之而不亂者能改斯順矣古之人輕於干駟
萬鍾而貴於道義富貴喪人之守恒易而脫粟
瓢飲則堅不能變也古之人學得其道者猶近
於性無乃查滓之未化乎天之性爲全氣質之
性雖能克將亦未純守而不移殆非中和之粹

鳳林先生集

卷五

七

鳳林先生集

卷五

七

去因書於卷端題爲鳳林遠思

贈葉心岳撫叙州郡博序

光化學諭浮梁葉君心岳以弘治辛酉鄉進士
再試春官不第乙丑以乙榜補官蓋遵乃翁之
指授而亦欲行其所學也且第尹黃巖時命與
其邑儒王存約余廷實趙克中輩相討論其後
王爲禮科都諫余爲南臺司務趙爲鎮二守而
君授浙之定海學諭未幾丁外艱復補光化光
化在襄上游與唐鄧相隣地平衍饒穀粟椒麥

治都臺東平王公溫江任公御史平定曹公威

識君才行之優也與其教之勤也薦於

朝今年夏天曹以蜀中被亂既久文教日弛而

叙南又蜀名郡不可不擇人往司木鐸乃緣薦

用君以請上允焉予唯當世之人得科名苟

且仕宦肥身溫家其計足矣而君安於貧陋日

以訓課爲事教遂及於成財利之念泊如也被

詔之日以琴書置舟中飄然長揖而去予喜蜀

之高山大峽流波急湍深林茂竹謂謁如畫又

八質直自得於天性以故不事學君
中及間闢皆感發而興起人材彬彬視往昔不
侔君悃悃不言利惟默默斂躬手經史不倦在
天下者亦自不敢怠善啓迪昏者明愚者智塞
者通士風一變而君之志果遂矣維時六安黃
君世重適令是邑君與處幾五年以時款接未
嘗交毫髮私世重恒語予曰重義而輕利葉君
葉君導我以德而不誣我以自便葉君葉君予
於是嘉世重之能取人而知君之能自養也撫

送蔡松礪還沔江叙

蓋以君此景何妙也君其以教光化者教叙南
哉當益大得其願欲矣世重與其尉庾君瑄謂
予曰君行不可無贈言子其書之時世重以世
路崎嶇州縣之志不行亦將掛冠去予又愛世
重之能脫屣於利祿而惜君之用頗不能盡其
才雖然他日江海之帆將不免於鼓順風而升
其霄也但念宦遊之同有數萍水之跡無常旣
以喜復以悲君行矣其自重以慰友朋慰僚案
應諸門人云凡賦詩者各如左

死生有命豈逃而緩富貴在天豈竊而腴死而
求生不知之甚者貧賤而希富貴亦不知之甚
者君子非惡生而死卒不可免非惡富貴而貧
賤卒不可去然則當生而生亦不以有生爲嫌
當富貴而富貴亦不以富貴爲耻生有爲焉富
貴有爲焉固不效尋常淺之爲丈夫者苟焉而
已也使計較蒙昧俛俛而之雖生不若死之樂
富貴不若貧賤之樂

以其富貴乎松礪蔡君精於醫藥有速效而切
脉之術所謂太素者世多不能通而君復奇中
常以死生富貴論人意若指諸掌嗚呼當死而
死何用生爲當貧賤而貧賤何用富貴爲蓋將
委志於幽冥而甘心於溝壑理固吾得也道固
吾安也唯貪饕者縱其欲無所不至聞蔡君之
言有喜者有悲者是無惑乎其人也其深溺於
苟生而慕富貴者哉蔡君亦思慎其術矣吾固
申吾辭至於君之松則昔之橘與杏也試耆黃
鳳林先生集 卷五 手十

者當自知之故畧

贈大僊勝上人住持樂善寺序

人知太行之險乎右跨汾晉左與齊邢綿延透
迤亘帶千里聳舞峭崿高際雲漢遊之者麟麟
軋軋衝塵蔽烟喘胸汗膚目亂心悸幸而安勞
已過半否則鸞墜馬蹏輒傾繼路矣又知洞庭
之險乎浩浩湯湯方一千里城陵據其首衡湖
把其尾濁浪晝興赤日無色陰風夜怒聲駭魚
龍遊之者並帆連櫂兢駛下便死上履水舟人

涕泣幸而安魄已喪其七八否則沉消沒溺浮
檣下蕩矣觀於是則僧之樂豈待智者而後知
哉不登太行而占名山之勝不過洞庭而享溪
泉之美怡然終日無所於求糲飯足以充飢布
袍足以蔽身慮不出於戶庭而方寸無所留越
愛網潛消火龍成蟄比於世之凌巖觸險以奪
其已之所欲以自便其私以文其好勝爭氣之
心其亦遼邈矣哉嗚呼吾將以一節之士取乎
僧矣襄陽城西二十里有山曰豐樂

鳳林先生集 卷五

手十一

襄懷王埋王處也故無寺

妃夫人殿下請於

朝事下禮官得

賜額曰樂善且爲善最樂乃東平賢王垂世不

朽之言今舉以名之是固

聖天子訓誘

宗藩保固邦國之盛心被是恩者其思所以報

天王哉禮官又移文命僧廣勝號大仙者住持

其中蓋殊典也吾聞梵宇之金碧晃耀土

本文綉規制比於前有加。大仙其思所以外承時命內無忘其善教者。苦空寂寞淡然而自誦以副吾之言。乞膏肓脂同於市人棄其慈航投死。吾海大仙其無以報。

翼藩矣。俟吾他日歸來當春和景明之時。騎驢策杖拉二三耆紳往遊之大仙。當不以惡賓爲解。茶筌燈簾山泉野茹聊充數日之供。爾時學力漸深。情欲可伏。清嘯凌雲烟和音協笙磬雅志勵松栢文章有昭明之選。忠誠有諸葛之模。鳳林先生文集 卷五 七

賀養並楊老先生壽七十序

人爲善以承天天厚祿以綏人天人相與之際甚不可誣。松栢有堅苦之操挺然自備。天寒歲暮未嘗變其顏容。菊有寒香方春深蘊清霜涼。益助其輝華。雖物性之自然而造化培植之。

功亦未必無意也。有存於己有得於天。吾見養並先生其人已先生名璉字可權養並其別號也。代爲豐城望族有二子伯名錫邑弟子員仲名銓登正德甲戌狀元。唐舉榜進士。來今吾義邑先生嗜山水肆其踪跡且就養焉。其嘗從諸君往謁之見其面微赤隱隱若有光步履輕捷怡悅之度躍如也。心疑之坐定談鋒犀利出經入史微辭與義舉輒成誦意其爲諱傳之學者良久。議論間義利立辨語及義倫脫腕動於容。鳳林先生文集 卷五 七

更念其能守博以約者又意其或出於偶然也。今年丁丑先生壽七十一。一月七日其誕辰也。諸君以吾邑被令君之澤溯其源當報於其親乃爲文以賀。見狀先生年五十五張其配熊夫人誓不再娶。鰥居索莫義爲筭髦世之人喜於妻妾之奉恒遠越以求之者先生可謂能養其精神以蹈於遐邁者矣。損以室欲嗜經書老而不倦。祁寒盛暑未嘗一休。世之人棄其衰年不滿於聲利則縱於昏惰人心易危流放既久其。

弊有不可勝言者若先生可謂能養其聞見而裨其不逮者矣大畜以多識前言往行畜其德和以處家不語貨賄從容教導儕輩移之世之人利在君父則叛君父利在兄弟則賊兄弟利在朋友則棄朋友若先生可謂能養其德義以化其鄉者矣漸以居賢德善俗今之所養與先生異而先生之所養與古人同綸巾鶴氅羽扇鳩筇保太和於方寸臻皇極於無懷先生其翻然治世之佳翁也願不可頌矣乎令君廩以律已仁以撫衆上下信之世方以牧愛之堂爲虎狼之窟而吾民之戴令君如慈父母是雖不負於職守而亦重違先生之教且云無能於官懼速民謗此真壽其親者而又何歎乎天青月煖篆烟如畫觥觴交錯更倡迭和其邑之大夫士也肅恭趨走拜跪俯仰其群吏僕也鼓嚴而和歌婉而正其從伶也注目而視若將舞踊則耆黎有事於邑朝當其期而見之者也模想其景物歌誦其文章上思以悅其親下以冀望其

子孫則閭閻村疇之人聞於聚談未能窺於堂者也先生其尊且榮哉最績有褒著在令甲橫鳥曳錦陶陶爲松菊主人齊物理達化機益信其不誣爾時當從諸君再賀之

贈光化尹黃世重致政序

出有所爲歸無所戀此才與情之所難而今之所希聞者也假公以濟私則不能有爲矣以官爲家罷則無所於歸輒懷內顧矣若此者有益於世否乎六安黃君名金字世重別號東臯以

胄監名士初授京衛幕惠愛過人軍士悅服元僚如英國公首薦於朝用是未九載天曹擢爲光化尹光化邑小民貧素稱難治君至強者鋤之不少縱善者撫之惟恐其不及縮財省費凡令尉之供出於官者咸禁裁之與其上下往來應給過所者一減其三分之二人遂有怨君者而軒輊之言騰沸矣君亦不以爲意諸積欠及後當徵者皆如期而辦撫按屢旌獎之正德辛未盜起河南北遠近

援動

朝議以先完城郭爲最君竭力經營民不勞而
事竣光化故無志君意將有爲論者益不佳而
君卒以已倖成之人又以此多君予所謂有爲
者非歟丙子君曰吾夢有漁樵之徵吾當歸吾
當歸吾有良田清溪足以自樂鍾鳴漏盡吾當
歸吾當歸而數以危計中君者信信然君亦自
信不爲動未幾御史來按光化數君之能而稱
之不聽人之誣而君遂乞休矣御史益重之下

鳳林先生文集

卷三

聖

今於郡以禮津還君遂告行於素所厚善具小
舟不數日浩然南下予所謂無所戀者非歟君
性爽朗慷慨喜賓客壺觴終日無倦顏惟所不
合者則閉門拒之予與君交近十年矣詞翰之
間非義不談而君亦以此重予君歸矣屬予有
遠道之役不得稱觴於漢水之濱良以爲恨君
有三子長能世其業次有科第之望而少者更
奇孫曰湖有妙質予甚愛之君之食報其於兒
孫哉其於兒孫哉予復何言

春曉離鴻序

吾季漢濱名至善字遠吉領正德丙子山東鄉
薦明年登進士第又明年得告歸省於襄至是
踰三十四年矣持盃秉燭如夢如寐塵容既復
乃理祀事瞻先隴於鳳山紫俎豆豐牲醴卜日
祥土齋沐以居五鼓旣作列炬光發工唱就位
肅恭拜俯錦衣繡服濟濟漆漆金革震動絲竹
騰沸宛乎忠烈之祖臨於上平蠻君之英爽周
旋於左右也歸而樂登閣以下逮於有瓜葛者

鳳林先生文集

卷三

聖

平郡邑之大夫逮於武流饗鄉大夫士以逮鄰
里之素近竣事乃束書持被來棲於鳳泉之上
鳳泉故名習池楚憲長壽聶公以予之不適世
用久卧於是也爲亭以表之令尹豐城楊公卒
就其役軒敞疊麗流波有聲月夜聽之有悠揚
之調已乃登望海亭在泉西可五十步臥龍山
之頂青蓮屏擁三面如畫臥龍於諸山高得其
四之二環視聚觀神無所馳漢水東遶其前漁
舟客舫平沙村樹畢來獻狀望鹿門撫峴首

然大嘯若有懷焉而人並不能不望
而好古者入谷隱禪林野殿荒涼讀臨川唐
陵二先生文麗葛之風流於是焉在是遊也囊
有紙筆硯杯觥各有蒲醺雜以溪澗之毛酒沽
而第勸兄和子姓群從咸在位口
榮利之談有閑適之情不知天壤間何樂
以易此也予曰漢濱遂孝友於今日當思所
以報吾

右攬古人之遺踪當知所以自求曰勉矣歐陽

周林先生文集

卷之三

出

予云人知遊而樂不知守之樂其樂吾邦伯汶
上路公脩身學道好惡與民同之吾兄弟怡怡
自得者其風草之勢之所必至乎曰噫矣周子
云見其大則心泰他日再與漢濱涉滄海以盪
其胸登泰山以曠其目拜

宜聖之闕里以滌其葷血脂膏庶不愧於俯仰
使其言遂矣豈非人世之一快也哉吾聞在東
有陳晦之湯雲瑞王德宣者皆佳士試告之以
爲何如春暮漢濱以始之請而來天官氏有訓

也辦裝整幃將由齊魯以達於燕而可品
有都護桂林之擢酌酒於郊聲洎俱下于時天
和氣煖花柳凝眸清露未晞杲日初映驪歌載
味目前千里楚雲斷續群鴈嗷嗷因情撫景題
曰春曉離鴻

慶貞節曹母潘太夫人壽八袞序

正德戊寅仲夏望後五日

棗陽王殿下外祖曹母潘太夫人壽躋八十是

日其誕辰也

鳳林先生文集

卷之三

出

殿下少精書史愛好人倫行義達道出於天性
念

大妃之罔極喜遐筭之昌延乃親書壽節二字

於冊首遣教授劉某命鳳林野人王某爲文以

頌之辭再不獲乃稽首而言曰南山巍巍土肉

肥良融凝結盤不震不遷隆其體也松竹勁挺

秀理潤膚歲暮天寒愈嚴愈勵堅其操也龜鶴

交和翩躚盤桓遐棲久視藏息儉啄練其形也

世之祝壽者必曰南山曰松竹曰龜鶴蓋其養

於已者厚故得於天者隆物異而理同不可
也然洪範五福以壽爲先是固然矣使有壽而
無富短衣毛褐飯糗藜羹抑將何資有富而無
貴蓬簷鄙屋柴車布帷抑又何資壽矣富矣貴
矣使無德義以游於其間則草莽木華同其腐
落金聲玉質翫乎難倫又奚取於彼哉吾聞是
日也

殿下坐太夫人於碧殿之奧金羽煥耀錦綺輝
映煩暑不興南風徐來壽筵載啓龍涎騰飛珍

鳳林先生文集

卷之三

中

品駢羅水陸雜進紫馱之峯神魚之尾瓊漿玉
液杯盤成列嬪嬙捧持於左右宦豎奔走於下
側絲竹喧沸金鼓震蕩卿雲縹緲燕雀頡頏

殿下袞衣拜俯山火明賁因心而至無所矯拂
能樽舉窳紫霞流暢桃花撲面玄髮擁肩黃耆
移潤笑語終日陶陶焉怡怡焉不知蓬壺之清
閨鳳曆之綿亘也太夫人少爲女士旣笄適金
贈兵馬曹公早寡以節自逝金石不渝重鑰深
閨撫育芝愛

憲宗皇帝冊爲

先僖順王妃遂旌太夫人爲節婦崢嶸綽楔遠
近稱嘆二猶丈夫子一爲

周藩教授一爲監察御史諸孫蘭茁捷高科登
臚仕天之報施抑豈爽哉故嘗論之立身名於
世者無取必於天當取必於人無取必於人當
取必於已脩乎已以承天則南山以下可徵也
太夫人得全於造化猶探囊取物執左契以求
合而無疑豈俛俛而冒蒙之者乎閨門俗薄

鳳林先生文集

卷之三

中

道陵夷聞太夫人之風有欣然而震動者

殿下上成

太妃之德崇其養於太夫人不以千乘爲麗萬
鍾爲裕惟以令德不脩愛敬未至爲歉爲善之
樂東平所以遺聲大雅不群河間謂之允蹈
殿下何負焉且俾我

聖天子以孝爲治之功再明於江漢而封邦之
化如草之受風水之趨壑願不可並頌矣乎某
絲蘿未屬丘園鄙儒不習使辭久矣徒聞善而

道之故直述其事以塞嘉命若其僭而無辜
則深愧且懼焉

精誠孚格詩序

天有應於人乎湯禱桑林而大雨至人可必於
天乎孔子曰我祭則受福是知天人之間通融
暢達妙於無朕而一感一應端倪軒豁有非淺
陋之所能窺者視蒼然爲土木偶人名曰棄天
不能祭而希報名曰自惑棄天者亡自惑者廢
吾襄在水陸要衝民頗富庶邇來霖潦瀰漫重
歲再至賑饑使者

鳳林先生集

卷五

早禾

溫詔丁寧歲戊寅積陰既散亢陽復興自四月
不雨至於五月早禾就枯秋種未佈方甦之民
復呻吟矣郡伯汶上路公深憂之乃曰天降割
於我有衆胥漸於殷惟遠遠予昧不能明厥維
艱哉予厥任撫茲有衆若罔焦勞以瘁兆民予
過實有辭乃素衣一食麥羹以居理寃滯停逋
租凡公私不急之務皆罷不應乃爲壇於東西
郊日往禱焉不應乃率僚屬微服徒跣執雀尾

祭烈日中有事於左右及奔而觀者往往
千人老宿有垂涕者未幾大雨如注三日始休
山川流潤遐邇沾足士夫賀於堂童稚歌於閭
閻農氓舞蹈於田野公不色喜但曰天幸康農
功以穀我有衆過其少追哉夫以高於無極卑
於有我唯諾之間若在堂室誠也溝壑羸餒挾
而出之撫而篤之康壽在躬仁也昭昭者存蠶
蠶者欣貞潛於虛和泱於輿神也天非誠不應
民非仁不育上下非神不交故厚飭其貌矯誣

鳳林先生集

卷五

早九

億度者僞也視肥瘠如秦越抵骨肉如犬豕者
暴也上不得於天下不得於民儼然於堂以威
自畜者塞也誠也仁也神也吾性之固有善養
之則和風甘雨麗日祥雲僞也暴也塞也皆吾
性之邪穢不善治之則愆陽伏陰札瘥凶荒始
則毫釐之差終而繆於千里公從事於心學久
矣此其禱輒應歟公產於鄒魯之邦孕靈毓秀
稟質不凡旣而登甲科遊二都知陽明王先生
甘泉湛先生學道而有得也日往講論究切之

淵源所漸歲履屨是猶嘉種既茂而耘灌
功不衰其穰穰而大有秋也固宜然水旱之
聖世所不免但當感召和氣以致豐年茲公
既徵其次惟有儲蓄且儲蓄有二水利也積
也今之農夫愛升斗之小利忘經久之遠圖
壤積而為田溝渠鬱而不通雨水時至蕩不能
存可冀之禾纔晴數日已有圯圻之憂矣三事
之家場功甫畢公既厚歛私費而有司度
廣漫無盡藏一告於凶困乏主飢民格格轉

鳳林先生集

卷之三

死離散是庸夫苟醉飽於一飽不知水利之可
以厚生俗吏徒應文於旦夕不知積貯之可以
保國某知公之懷於是盖有不釋者矣公為政
振立紀綱輕薄徭賦敦禮著大著忠賢千甲
文章煌煌相映昔子游宰武而弦歌之化仁
子賤宰單父不下堂而邑人化之吾襄為楚州
郡治兼數縣者乎指日陟崇階據津要風行海
流將潤澤天下者乎一禱之應公固不以為貴
士大夫不敢以公之高深遠近之歌誦

某述其事用彰良臣之烈借托於卷端云

貞節卷序

或有問於予曰金之性可易乎曰質良氣堅礦
深脉厚煅之以烈火文之以精工光彩炫耀愈
明而不可奪矣石之性可易乎曰崢嶸礫砢朴
外固中暴之以礪日震之以勁風苔蘚羅絡愈
雄而不可奪矣嗚呼物且如此方諸人焉其猶
忠臣乎其猶孝子乎其猶貞婦乎其君為
忠不違其父曰孝不背其夫曰貞此實天道當

鳳林先生集

卷之三

五

然之性而不容有所變易者然意與境移情隨
事遷叛賊之徒始接踵於世矣是豈性之罪哉
襄陽千戶侯郭公奉成化間嘗奉使京師得疾
卒於旅邸趙寬人時年二十五計聞即毀形垢
面誓不欲生姑蔣方在堂泣諭之曰吾年七十
旦暮入地而不能代而夫終養乎而有二子長
曰俊甫二歲次曰傑甫五月而不能代而夫終
撫之乎義在於死則死義在於生則生今者義
在於死而當有所擇宜人聽其言事姑極其

撫二子恩以嚴既長迎師就業不吝財貨齒不輕啓步不踰閭勤苦支柱家日以殷宜人之力也正德初有司欲列上其事於

朝而宜人遽歿後爲陰襲知理道恒悲哀自譴以宜人之潛德不彰爲罪

東陽王殿下聞而重之書貞節二大字於簡首又從而詩之

殿下宗室懿親至行濟備不暫許可得是甚少慰矣而某山林末品言不中樞何足以發後以

鳳林先生集

卷五

五

絲蘿之故屢來後婦之資性柔靡遷就職在從人而尤悲勞悴之餘耳目無寄形影相諾方春熙熙花柳交輝未亡人殆槁木之不復生鄰粧鏡合燭華散碧未亡人殆死灰之不復然故能決死生於顧盼而不能不同步於險艱蓋情苦無於全之飾勢逆懷蹈捷之私自昔然也宜人將不謂之貞婦乎忠臣孝子精金良石真無愧於世矣俊又以宜人既塋塚上生二芝爲貞節之應理固有然者善則稱親俊亦可尚

哉因序而歸之

贈同年王子揚尹吉水

古之時學與政爲一而天下多善治今之時學政爲二而天下皆虛文多善治君明民樂本立而仁義行皆虛文上蔽下憂本原塞而功利著學得其學政得其政有先後而無淺深有內外而無小大舉神明不測之妙以見於日用施爲之間斯一矣學非其學則荒政非其政則敝內無以融其外後無以資於先荒則日益流敝則日益隆尚何二之足閔哉昭與昏反遠與近反慈愛與情欲反德禮與法律反此古今之限隔波瀾瀾倒肆而莫之救也由是觀之古一矣今亦一矣願不可畏耶予嘗撫大寐而思天下之士其有疾呼一振而脫然以醒者今見子揚子揚殖於學也久取於善也多今年舉進士授吉水令進士之業以詞章口耳之陋爲希世取寵之具荒與敝之謂也而子揚獨曰吾嘯傲於湖山數千百里之外簡而諸百姓之上

鳳林先生集

卷五

五

為民之困於虐政也思即往又曰吾
冠布衣得觀

天子思臣救其纖微茲補外五夜聞鍾鼓之音
然以興是心也何心也為政之要也政得其
由學得其道殆非聲音笑貌之所能為子揚
矣以一契二正顏思中嘉而不飾先昔以為
則澄湖寡於秋毫一邑通於天下上端

堯舜中贊臯夔下慰黎庶果於治之善而非虛
文也豈不盛哉豈不快哉子揚誠往因其學而

鳳林先生文集

卷三

五

欲考其政者皆故人以豪傑自任者也指其學
乎其政而為之言者即山人有兄弟之義者也
益培其學以篤厚其政者子揚也子揚以自
養式其政以有成一而不二內外相濟古今思
古斟酌其宜載鬼張張日未中也召遇雨太
有慶也予深有望於當世有志之士子揚之利
其溥哉

送龍山俞先生分教

人之性天之理也

則其身

不脩而人將陷且戾焉詩曰豈第君子遐不作
人即其教也又曰奉璋我戕髦士攸宜即其學
也自是以來德教不足繼之以言言教不足繼
之以學校官師之政然猶可云也脩六禮以節
民性明七教以興民德齊八政以防淫一道德
以同俗懼其未然也上賢以崇德簡不肖以黜
惡既勸矣又懲焉是何待士之薄也太朴漸散
民性支離蓋有不得不爾焉者然本之躬行心
得之餘未嘗求之日用藝倫之外故導之而民

鳳林先生文集

卷三

五

從鼓舞之而民人才烝烝遐哉邈矣後世正
道榛蕪而莫之闢辭章炫露而益以靡取其名
而不探其實善其耳目之所觀記而不求其心
術之所趨向殆於牖熊羆其掌烹駝惡其峯天
下日從事於風頽波蕩之中而無所紀極故世
之陷汙由於人才之美惡人才之美惡由於教
導之邪正然則居斯世師表之位者可不加之
意乎吾見其難矣泐東有龍山先生者世為新
山人以壁經為有司貢於

職乃命之分教嘉州先生厭厭事之類有以該
持身嚴苦遠近宗之夫其積之厚故宗之者多
宗之者多非積之厚則不能也嘉州爲西蜀望
郡哲人輩出鍾高望之靈爽挹岷峩之秀氣氣
焉氤焉精焉淳焉散而爲物物必美散而爲人
人必賢先生挾所有以往教之當有順而不逆
者將移其舊以爲新乎將法於古以驗之今乎
有周尚矣趙宋有二程者倡道河洛若游楊輩
其學之功之效晦翁倡道考亭若黃蔡輩其學
鳳林先生集 卷之六 辛未
之功之效具在可考是其探淵窮源續有周之
脉於無窮而後之人揚波濤流一意收拾又將
續程朱之脉於無窮矣以小爲大以近爲遠以
一郡爲天下先生亦可以自慰而不歉於寂寂
也先生之弟德強與其姪寵之皆予同榜進士
得先生之教最深者故先生行來索予言予非
能言者特述所聞以告於先生且以風示當世
云

嘉靖癸未同

嘉靖癸未實我

皇上登極之二年春官大宗伯援例請

策試天下士

賜狀元姚君惟東以下四百十人及第出身各
有差先歲癸未兩有故天下私憂之及是

朝廷清明群姦誅竄殆盡天助人順得竣事然
又運與

國運流通

皇上龍飛虎變之初盛治益隆之驗也登科春

鳳林先生集 卷之六 辛未

官有錄諸君謂某曰吾黨東西南北偶同舉於

聖朝榮且幸矣再爲錄以齒列叙明長幼之節

爲朋友之義以究切乎父子君臣之大庶幾褒
於羹倫率先民物也子年最長曷序諸則揖而

辭某丘園鄙人無他識見多病廢學爲日已久

其何能文固命之乃再拜以言曰士有自然之

貴然必自貴而後人貴之不先自貴人雖貴之

不貴也蓋天之所以與我而我之所受於天有

不可須臾離者今之爲學伸紙墨乎如長

江大河反之身漫無一相干涉可謂自貴乎不自貴而徒希貴於世亦惑矣吾黨起布衣有志向用值

聖君在位賢相行道之時乃以豪傑相期待其思所以自奮者當必自反身之功始惕然戒懼毅然任道原之於杪忽持之以久大內不愧心外不愧人推吾誠意惻怛之念以愛吾親必能孝閱兄弟於牆私妻子於室先生願以為功襲浮榮以為至鮮矣推吾誠意惻怛之念以愛吾

鳳林先生集

卷之三

五

君必能忠意氣橫生於公柔儒自類於家苟寒貴以辭世議卒懷利以便身圖鮮矣而友朋之助成而不壞信而不疑正直而不佞邪相期相尚相悅相遜頤然並進以輔治功其為嘉美不亦至乎或否者其弊有三蔽者不知為善隘者不肯取善嫉妬者不能容善三弊興則擴充之功廢而知識淺切磋之益泯而德義孤訕訕之聲流於遠近而已遂不喜聞過矣其能正人乎是世無善人則家不能為孝國不能為忠天貴

水寥棄如遺跡

生君賢相以豪傑期我而自待如此豪傑為求之於方寸雖以包羅天地之於日用常行以通達乎千世萬世之於精室屋漏以交質於天地鬼神周孔聖賢開於前濬洛關閩續於後殆非捕風捉景之無徵從事既久將必自耐矣官於內正色立

朝而上下孚官於外體僚臨民而衆譽處於鄉道德益明而風俗美以仰副我今日之側

鳳林先生集

卷之三

五

席之心稷契皋夔以人事君之意聖名無窮願不備與諸君曰子之言善矣盤盂几杖之戒古人規防之要節也著於籍時相觀焉

省民儀畧序

禮出於天而由於人不於天則僞不於人則墜天人合一斯無弊矣後世隨俗而汙荒陋不經無所於稽雖士夫猶不謂此為然焉知合一者乎嗚呼反於身則昭明便於事則昧昧而已某山林鄙人叨令溧水怕懼禮教不興得罪於先

一乃於政職取勝於外，節其繁而肅其要，與
我士民講而習之，節其繁而有變於中，其要
斯不失乎古，由是而漸達禮之大全，何古今人
不相及哉！士民幸勿以我之言爲迂，不徒夫人
有徵矣。

贈溧水教諭黃田方敦美擢知廣東長

樂縣序

予家居愛名山，勝水終日怡怡，遂無意人間事。
州司勸駕，掩衣而進，乃有溧水之役，爲令誠難。

鳳林先生文集

卷三

下

養陳而民生未遂，教陳而民性未復，自古有遺
憾矣。予友人朱御史必東林主事君儀，皆莆人。
告予無憂，則道君之賢胸中勃勃有君，蓋三千
里而益茂及至，遂於郊外林中見其面目，炯然
堂堂，有獨立狀者，坐定，叩之，依案應之曰：「方君
方君，意其教之行而士俗美，鄉譽之不誣也。予
最迂僻，妄希古昔而政未通，行衿之徒登邑朝
告曰：「方君親之難雅也，教之循循也，守於身止
而不汙也，諸生振動焉。」然則修易焉，火大和

予方君未至，掇皮膚而喪肯綮，探溝瀆而弃淵
源，內外扞格而不通，藝術鄙蕪而無功，皆是也。
大夫知乎予？於是愛君有助於予也，則大悅，當
路屢嘉之，薦於

朝，未幾擢廣東之長樂令。夫以長樂在五嶺之
南山，高而水深，土腴而氣溫，產於人也當必重
厚，馴飭順而易從，君往矣，始而養之，開源而節
流，民有餘財矣。次而教之，啓昏而勸明，民相率
而善矣。民生以遂，民性以復，爲今之責，其庶幾

鳳林先生文集

卷三

下

哉！君有言誨我，令勿怠於始終，君猶識之乎？請
勿忘，請勿忘，瀕行，諸生以予之敬而愛之也，乞
予言。予嘗謂士夫移其嗜好，田野忘其德惠，和
風甘雨，遠近熙洽，縣官垂紳正笏，拱默於桃紅
柳綠之中，其爲文章，孰大於是？而何暇拈弄筆
墨，以事辭藻乎？諸生曰：「方君知之能行之，予信
之，聊述其始終之交，以見非偶然者。」

又贈敦美序

予嘗有慨焉，蹄涔淺渚，自相濡沫，今之民也，沉

滿批裨借盜散漫今之俗也突梯滑稽風烟逝
以今之官也忍殘偷陋泚泚賊今之政也方
君知乎堯舜在上下有皋禹文武在上下有周
召皆立功當時垂名後世然其所以盛在於四
方風動黎民於變也立民長伯萬國咸寧也下
能成功上以為治首薦相通內外聯絡雖聖人
有不可易者而後世則何如上無以考時汗而
道亦汙下無以程世俗而人亦偷奴隸奔走之
餘嗷嗷嘈嘈相率而為偽在上情知其偽而甘

鳳林先生文集

卷之三

七

心焉夫以無恙之士揚眉也以為得如吾民何
展轉狼籍收拾狗蓄民雖愚而勢不可及俗益
下而當路者益相夸尚古之聖君賢相如有聞
焉又當何如而今若蹈道良可痛哭矣方君方
君予老矣尸位於此有望於方君屯屯焉其民
休休焉其俗崑崑焉其官顯顯焉其政世當不
嘉乎古昔其不可希乎障百川以東歸掃浮雲
於太清風之騰而氣之充周旋盛德於無窮斯
世當不有其功惟其當之以告厥終興起者何

卒以從為之衆難亦易矣自北自南自西自東
遠企近焉下效上焉人人君子其屋可封不為
千古之一快乎予於方君有兄弟之義於其行
而告之諸僚皆首肯

伐木遺音後序

弘治戊午湖省領鄉薦而未過於南宮者復來
試其既遇而官於中外者如元信如明遇如伯
輿如天相諸君咸相率為宴以樂之身有顯
晦地有遠近必應期而來始一聚何其稀濶也

鳳林先生文集

卷之三

七

據戊午至今且二十年與宴者僅二十輩又何
其寥落也諸君以世變無常交情易忽乃復製
以卷人一軸題曰伐木遺音榜首張君一卿實
記之楊君國賢輩皆為詩以道其情春雲濃翠
秋霜枯落流離草次瀕於死而不忘孝子慈孫
結世好而不敢背固斯盟之所以立而深有警
于世者也某山林鄙人不堪時用諸君猶以其
言可采欲托之於卷末其何敢辭慨惟友道之
不復於今也久矣親於外也避其澤也既仕則

以才仕者爲顯懦寡默自守者則循循以居而
高明者率欲凌世而駕物幾何其不踈也
而况見義則行見利則趨趨利倍義雖至親如
父子兄弟猶不能盡其道而况於朋友乎而况
於君臣乎風飄而雲翔交際而意授轉盼之間
已爲路人此反覆手之詩擗于窅而下石之論
浩然而來嘆於昔也然則今當如何其惟曰義
焉耳義則處於外而無所不宜無不宜則道斯
舉矣然猶有淺深路有生熟內未加重而爭戰
原其本義
卷五
日相尋又當如何亦惟曰執之焉耳然有信有
不信而存亡係焉又當如何亦惟曰篤志焉耳
嗜之若膏梁愛之若文繡參前倚衡雖欲頃刻
離之而不可得其于父子于兄弟于君臣將無
不得其道矣豈但篤于朋友之一倫而已哉此
固元信諸君立盟之心明遇伯與申重之意今
終於世者亦可以觀其大全矣吾黨其勉之哉
吾黨其勉之哉

明德軒記

明德軒緒先大夫山西憲長史城心遠先生命
名於我大司成石公者也公孝思誠篤不忘於
心命門下能言者記之誤以及某則再拜而辭
曰某愚拙不能發揚先公過庭之訓以逮公之
頌頌避焉公意益堅不得已乃述而言曰明
者天之賦於人心具衆理而應萬事者至聖
不可尚矣自是而下清濁拘於氣稟醇駁因於
學問而未免於昏經曰克己復禮又曰反身而
誠此明之之功所以立也是道也明於堯舜禹
湯文武而泯焉明於孔曾思孟而泯焉明於濂
洛關閩而泯焉至於今益晦益沉瞽行執持間
有從事於此者群聚而笑之噂沓而背詈之而
我公遊心於千古之上奮大勇以屹於頽波于
以續明德不傳之妙於今日也是豈獨公之私
哉濂洛關閩孔曾思孟堯舜禹湯文武之妙也
寔天之理也由今而昔由人而天當識其不缺
不截無聲無臭自天而人自昔而今則見其千
萬人之所共由千萬世之所不易者也此聖賢

公論終古之法程必有事焉決不可冒昧而
為者故曰窮理以盡天下之事物致知以極吾
心之全體以誠其意以正其心則德無不明而
身無不脩齊治平之效可馴致矣若其不立文
字可以識心見性不由階級可以超凡入聖是
皆苟簡徑捷偷以自便者而可以語夫明德之
大全也哉正猶沉痾之疾不求活於古之良醫
而曰有奇術焉何其謬也嗚呼溺於卑者如彼
涉於高者如此公其有憂乎此所以汲汲焉不
以怠於一日也抑公於是軒陶瓦壘壁茨剪茅
拂不經心於塵埃富貴之境自昭明德於身也
及其歛容正色高居端拱環而聽者億萬計昭
其德於四方之士也則是軒實增

社稷之重非桑麻里巷之光榮也其門者無
以自陳乃引而釋之冰壺秋月也天光
雲影昭其象也為飛魚躍露其源也春風暮
雲施其教也熙熙焉濡濡焉快於新櫓爽於新沐
人門人醉於其中也我公以天合自命自

方其洋溢又以為人萬一有豪傑之士親炙
而興起者則其澤益溥矣不為孝之大乎從而
歌曰命原於一實具於心心攝萬事如軸於輪
匪輪必仆匪軸不倚軸而不規大失其真真之
河千鎰天之功橋梓之精其誰能從且知我公
視此軒文

見麗亭記

見麗亭者監察御史西泉曹公所建也小司馬
南峯彭君實記之而公乃以婦翁命督復允佑

鳳林先生集

卷之三

六

辭蓋聞職司今位事起近情表裏同聲後先合
路斯固達人志士表著風靈在疆圉則思頗牧
弦誦則思孔孟達則慕伊周窮則慕巢許自然
之勢何寓而逃在漢之季天下鼎沸一君二賊
強者雄飛麗公抱素離居終幽晦迹蟻宮蛙坎
遐寄鹿門而西泉池館門戶相當乃胥仇陽構
亭坐望神遊興逸通暢先耆且公在弘治初矢
心抗疏奮粉為辭首陳黜陟幽明事關卿相再
勸

天子撓攬權綱令勾陳炳耀勿俾乘星近帝
斛聯輝疏入中外聳然棘刺並至公晏如也
天地含情於遐筭尊鱸舞興於秋風視錢若水
例引而歸顧瞻斯亭攬芳躅於一嘅寄悠思於
前古同遺安於子孫並放身於壠畝雖千萬世
之間隔雖一宜當戶矣彼咏者曰掾櫛櫛攘
之累重移運去山自高釣水自深閨若無人固已忘
情君父與世長辭而公小試其道已如勁風驅
鷹隼先生文集卷之三 李太

蒙震雷摧腐溼化委造明志遠道君子重焉以
是而求殆如何也詩云誰生厲階至今爲梗予
於是憐公之心又云雖無老成人尚有典刑予
於是頌公之亭繫行貞志同風一軌瞻焉願之
東漢遺老締構殷勤流徽嗣駕刊布蕪穢末昭
初志焉

東遊闕里記

予自少聞泰山之高滄海之深孔子之大恒欲
即其地以陟其高洞其深探其大也正德歲

冬十一月扈從僕夫裹糧取道汴之東北成真
遊焉然路非孔午積雪新霽間關跋涉凡二十
日始達曲阜至則齋戒沐浴瞻拜孔子於闕庭
之下廟貌森嚴堂陛峻絕而杏壇在其南唐宋
諸石刻漫滅頽敝有肩膊狀見所謂手植柏老
榦一枝挺然獨立守者曰斯二千年矣三枯三
榮焉周回廊廡吟望久之平生挾片善寸長有
忿厲矜情之色者消釋都盡乃知孔子之所以
爲孔子過顏子廟觀樂亭及陋巷井蕭然風味
方寸春融乃知子淵之所以爲子淵北行謁孔
林拜孔子及子思墓誠明之教誨我無疆又知
子思之所以爲子思折馬東南謁周公廟天保
采薇周官六典百世之下仰元臣之功者無與
並焉又知周公之所以爲周公嗚呼二聖二賢
生有功於天地及其背也敷教化於無窮而其
所以爲大亦惟在於此心焉耳聖人亦人也衆
人亦人也非若麟鳳龜龍之於群鳥獸形異而
貌不同截然之不可以變化使有聖人之身而

無聖人之心則亦非聖人矣有衆人之學而聖人之心則亦非衆人矣今之學者將以自畫乎將欲求造其極乎欲造之當先於其知知之又貴於振奮而感激斯能精進而有功此東行之不能自己也難者曰聖人大而能化賢者具體而微子猶未得於一支顧不可及於中人而何言之謬且妄也予曰泰山高矣丘垤何爲然丘垤不失其山之性則亦無愧於山滄海深矣溪沼何爲然溪沼不失其水之性則亦無愧於水聖人大矣衆人何爲然衆人能不失其人之性則亦無愧於聖人且聖人有聖人之學賢者有賢者之學士有士之學由士希賢由賢希聖入道之功具有明法造道之效亦有明微予果謬且妄焉有如此日不可誣也古人謂寧學聖人而未至不欲以一善成名然則以一才一藝自滿者是其安於丘垤之卑溪沼之小而同於群鳥獸如予之所論無疑也難者語塞徐曰子此爲善人乎良久又曰善人亦聖人之所與也

遂述之爲東遊記

文氏山水樓館記

凡人篤於好者挽之而不能去厭之而不知其癖高者空虛卑者汙濁得其中者其仁義道德乎又靜者福而騷者昧鎮之以山活之以水括其意態肖其形似則山水之助於仁義道德也爲多昔子長之遊伊闕龍門淵明之居五柳莊堯夫之安樂窩溫公之獨樂園雖其所嗜有淺深靜躁之不同而其玩物以得於已者實不可

鳳林先生文集

卷三

七十一

誣我

朝康齋吳子傳白沙陳公甫一峯羅葵正定山莊孔陽東嶠李茂卿大崖李世卿言行著於時風節垂於後其所以脩於其身而自托於山水之間者是必有說抑豈風花蒼碧而已哉古南雲長沙屬邑也鄉進士曰文德亨者性深沉寡言笑適與予同舟而南乃請曰吾鄉山水之奇吾當之結亭館數區率占其幽願先生記一言按狀文氏世居之東北一曰有獅子嶺委蛇

起什帶以溪澗因葺屋其間少西臨池築小樓
戶曰儲書其後爲堂三楹扁曰文會又最高處
紵書香亭賓客既休兒童歌課燕坐其中恒以
自理予覽之曰偉哉斯人其有意於仁義道德
者耶蓋隆其本求其益欲繼其道於無窮者也
其間獨念予昔遊東嶠大崖而先生之門見其
葛巾野服婆娑溪巖無以異於人也及其出一
言措一行非深於道德者不能使富貴者忘其
所持強悍退鈍者失其病之沉痾山若增而高
鳳林先生文集 卷之三 七三

儀於
天朝何日真爲三仙峯主人乎以仁義道德與
欽之爲麗澤採於山薇蕨茶笋食於水稂稻魚
蝦不求於人足以自適於是安靜以守之昭曠
以弘之通融以出之閒寂以復之教乎子孫勵
乎鄉人則自二君子始也嗚呼山川有顯晦世
或有得喪顯晦者時不必速於名得喪者命不

必涉於心求顯而得去晦而喪非山川世故所
能移乃締構者命名之意是又砭其嗜癖之癖
以自附於諸老之門牆則文氏之後未有榮耀
焉

光化新脩磚城記

光化古鄆陽漢蕭丞相何食邑

國朝隸襄陽焉故無城泥垣棘塹陟夷隘補
頽駕陋往往因循其來已久正德辛未盜起齊
魯渡於河破潯州及諸郡邑居民血流成波

鳳林先生集

卷之三

七三

暴骨如莽既而鎔益銳犯府郡以城堅不克氣
遂靡我師乘而襲之盡盜殆平

廷議以城池之制雖小邑不可後凡得視大郡
焉於時都御史合祀張公東平王公監察御史
平定曹公廣寧張公相繼撫按茲土而撫民憲
副江左張公長壽張公分守少參武進白公博
平張公分巡食寧武進博公慈谿顧公郡守叙
南李公四明章公咸奉其檄檄諸縣先後救賊
匪並黃侯金適今光化并檄而喜曰昔志也乃

鄙衣冠忘饔食料理相度必躬以親鳩財不撓
役工則均晨夜肆力民爭應命偶發地得藏碑
數萬城成益易經始於甲戌九月訖工於乙亥
八月其袤九百有六丈崇一丈有八尺爲埤垸
二千七百六十爲門四曰登雲通濟迎薰朝京
各重樓以表之隍則即其舊加深廣焉西一面
瀕漢水春夏瀰漫輒衝囓居民屢徙侯乃審要
害處甃三石磯以殺其勢城益堅可久然後甫
踰期大功告落勞者休行者息古者無虞耆老
得遂藏兒孫以長養寔是邑千萬世之末利也
邑博葉君葵與其佐夏寅歐陽端樂其成乃持
狀來徵文以紀之予惟重門擊柝以待暴客城
郭之始也然恃陋不備用惡而敗者春秋之間
如莒如渠丘不可一二舉故明其伍候險其走
集雖可以無畏而豈若嚴高深之制也哉且地
載險易隣於敵則急遠於敵則緩機在於我則
我重而敵輕機在於敵則我輕而敵重輕重之
間國家安危之所係也襄陽爲中原襟喉而泌

沮漳汝山谷綿延流通朋居悍而無統易扇以
亂亂必自鄧而窺襄則光化又爲吾郡之障蔽
也可忽哉雖然予竊有論焉古之司民牧者在
生養教三事言言淵淵如金如湯完矣美矣民
乃即安未穀不與賦歛無常廢墾墾墾墾四
出雖險誰與守禮義未肅德信不孚父子兄弟
相詬相誶是猶豢犬豕而藩野也又何裨於
治哉孔子至衛嘆其庶曰知之以言教之小國
也十年生聚十年教訓而後興先王相國之政
不可偏廢如此若其衛民之制下備於小邑養
民之制不講於大郡教民之制雖備夏之根本
亦或缺焉首尾同風王道頗僻國風漸衰賊
公行國無忠臣家無孝子憑陵噬臍大險湯鑒
而恃城郭以自衛民猶未矣侯爲是邑舉大者
而得其一上承諸大夫之志下樹一邑黎庶之
心而

聖天子仁民愛物之隆旨又昭布於江漢數千
百里之外斯已勑矣安知古人之云云者不將

次第而觀其有興乎或曰鄭侯不可法歟何取
於遠乎曰何本以豐沛小吏起刀筆間爲一代
宗臣棄詩書而守圖籍遺仁義而尚刑律苟導
而道則一切便於事而先王之意微是舉也將
域民以周旋於法令而已因併論之使來者知
所從侯字世重六安人發身胥監再擢而令是
邑有豈第風致民和相是役者典史庾瑄驛丞
王重訓術韓本濛分執是役者則屬之耆義民
也志其名於碑陰

鳳林先生集

卷五

七

青雲堂記

雲之爲物蒙翳綿密縱橫連緝本於氣也水騰
其清土騰其輕達於夜形於畫襟抱巖谷飛揚
川陸瀾漫乎長空爛熳乎太虛初焉冷范既而
晏溫始若白衣頂更蒼狗雲亦靈矣哉武昌周
君式之卜居於寒桃之村鷹山之麓依良疇以
卒歲雖登名科第而無求之志終泊如也乃於
居之東偏築室燕居讀書其中且以訓子若孫
焉令翁牧正先生名之曰青雲堂其黃白玄黠

亦惟青是挹豈非以其二與天際凡物莫不
抗其極也居是堂者酣詩書之膏腴漱六藝之
芳潤披檢之勞旦及於暮也吾伊之聲自戍以
達於夜分也尋其脉理飭其心志父師詔其所
以立朋友輔其所以行群從相漸磨夔夔焉保
其所自存必如是而後名堂之意可得而言也
仁義在躬與時無競神閑氣定隨分而安在身
忘身在事忘事岌岌嚴嚴守唯其風則孤
居萬物中在萬物上其襟抱遠泊沃乎塵氛泮
鳳林先生集 卷五 七

九土此卿雲也比而同之其孔孟程朱平實
吾人之所願學聚散無常莫窺其端舒卷有時
莫測其神浮浮蒸蒸觸突乎寥廓之內與野馬
而爲徒寥寥蕭蕭結束乎拳丸之微與赤鳥而
俱泯吾不知其有吾不知其無吾不知其榮吾
不知其枯雲固無心也而窺之者以爲適然固
未嘗聲是非於喉舌以議其端倪何也信著乎
其體也有我者假之智力參以人爲將來天下
之毀謗而指擿吾行藏進退猶未能忘吾機也

鳳林先生集

卷五

七

又何以希聖賢之萬一乎難者曰主人名堂之
義恐不如子之深也曰道之在人其體大全其
用至廣無晝夜無寒暑無死生無古今苟有一
毫之未盡如耳口鼻之一或缺焉又豈得爲
完人哉經曰引而伸之觸類而長之天下之能
事畢矣其是之謂歟予能言之而未能盡於其
實聊發其所以用塞式之下問之誠且相與其
勉旃云

漢軍師中郎將關內靖侯龐公祠堂記

公諱統字士元本郡德公從子也少而撲鉢未
有識者德公清苦絕俗棲身龐公曰日月磨
其敦誨于時諸葛孔明司馬懿咸爲清流
公稱孔明爲伏龍士元爲鳳雛德公爲水鏡
德操以先生長者始親近公素聞偶語自晝
夜忘年愛之目爲南士冠冕由是名聲盛未
幾郡命爲功曹性好人倫勤於長養每所稱述
多過其才時人惟之公曰當今天下大亂雅道
陵遲善人少而惡人多不美其譚即聲名不足

鳳林先生集

卷五

七

慕而爲善者少矣拔十失五猶得其半可以崇
邁世教使有志者自勵不亦可乎信斯言也可
謂篤論君子矣蓋世道日移愈變愈下競功爭
能無所顧忌害森於予利甘於飴利害交流惟
便之趨小人其怡君子其危同波合汙朋成計
得棟撓榦折鼎覆鍊其以是哉昭烈領荊州
時以公守朱陽令不治坐亮具魯肅寓書曰士
元非百里才使處治中別駕當展其驥足爾昭
烈始器之以爲治中從事雖其小大疎密形迹

自昭而授其任責有所歸矣昭烈入蜀公亦
在行策取劉璋開陳三計還向成都所過縣克
昭烈高會燕笑絲竹騰沸公慘然不樂以為非
仁者之兵論其本末足蓋前愆獲禽詭遇豈素
志耶王伯不明世無統紀戀竹帛者矜尺寸懷
智術者珎毫末驤首高步騁毒悖義反觀內思
盡矣其傷將異其一振天衢而旋輶以委於初
服戰不勝而瘡皆是也又何病於公公卒時年
總三十六以眇然少齡匡持危難周旋遠近興

鳳林先生集

卷三

八十一

俗長化邈哉風流謀臣策士歛手其下故昭烈
言則流涕孔明親為之拜豈其悼皇路之險巇
虞藩籬之缺踈尋其儀刑自忘寢食者也嗚呼
漢祚既傾三國鼎峙彼吳魏者叛君背父實漢
之賊英雄帝胄噓燼挹緒虎炳變於一隅龍光
騰於中原斯固萬靈歸命贅疣決潰矣公與孔
明感親待之誠抱挾大義遠離嚴穴戮力乃心
獎許王室秉志存道日以遐邁哲人告凶鸞張
飛禍矣遂使孔明傍徨悲慘贊左右鄉乏其

聲響之間奄奄不應歲月幾何明君良臣溘
焉咸逝終其斗險不夷劒門縮瑟峽波無流秭
之謀後主有啗璧之漸降心俯首乞命陪貳遂
巡輿櫬號曰謙冲豈不痛哉蓋竭力者人成功
人自古然也公故居相傳在城東今雲封寺
其遺址也撫治都憲餘姚陳公下車於襄首以
公為務乃理而復之名曰鳳雛書院按察使
公壽聶公右叅議博平張公克承其議乃檄同
知蘇澤指揮王來因舊為新堂廡咸飾左設公
位侑以德操不忘所自也門庖垣屏一時具備
籍其田若干畝以為祭需復灑掃者二人揭虔
妥靈徵音其光偉哉都憲公之舉也一政而二
教興表賢哲於湮微闢異端於橫流蓋其學有
本源故其支餘如此某在公鄉後進觀於史冊
履其遺跡慷慨以自悲久矣幸際其成故樂道
之以諗乎後之人

習池亭記

自有此山便有此泉西漢以前不名其名云何

東漢光武時襄陽侯習郁因泉爲池依范蠡
魚法中築釣臺風物幽勝荆土稱佳意其若
泉之莊靈璧之園此但其源也延及有晉習宗
猶強盛而鑿齒者棄官來歸刻意古典雖其涉
巡於叛逆之間而著爲漢晉春秋亦足以裁正
當世識者或有取焉山簡鎮襄陽每出遊必之
池上飲酒爲樂嘗酣而後去更爲高陽池漢酈
食其自號高陽酒徒簡之意其以是歎晉之風
流大抵如此國之不競有由然也唐杜審言居

鳳林先生文集

卷三

八二

其上其孫甫有詩云戲假霜威促山簡須成一
醉習池回又云日有習池醉愁來梁甫吟而池
之名遂聞於世及今且千餘年矣高人逸士遠
官貴游過其地往往嘆其湮微獨以某之無能
得托迹其間耕田種桑養親以愉幽遐足以去
凡心魚蝦足以慰飢腸汲泉漱齒臨溪濯足天
光雲影相與徘徊則亦澹然忘世以自附於古
之無求者之列正德間楚憲使聶公撫民於襄
一以脩明法度興起

爲築大堤整頓城

民用免於水患刊郡志立科甲題名碑士用有
所勵此其政之大者建峴山亭於羊侯祠中取
歐陽永叔文而刻之又捐其餘財檄縣令楊君
來蒞池事周圍築臺如壇形方各二丈弱下流
爲渠可三丈橋於渠尾皆磐石爲之覆泉以亭
棟交互楠棖數踈平檻女垣下固上麗宏規
山自昔皆以鳳名是其顯晦有時待人而興非
偶然也公以廉靜寡欲之操剛明正大之學不

鳳林先生文集

卷三

八二

聞於遠近去之日人人思之而公復以不得畢
志爲恨某心力漸衰去道日遠而勤勤未已公
恒獎進之通於言說形於體貌則公之懷抱又
非尋常作吏者而縣令君守義愛民尤端嗜好
承其議而勇爲之上命下順有倡有和遂以臻
茲皆不可不書數世之後復有好事者出覽其
殘踪敗覽取是而讀之於以考見諸公之事業
興其慨於荒烟野草之餘功名富貴皆爲朽壤
而遺令譽於無窮者乃在於此蓋有不勝其一

字一涕者矣憲使公名賢字承之蜀之長壽人縣令君名銓字仲衡南昌之豐城人皆以名進士吏於是云

襄陽府儒學先聖廟重脩祭器樂器記

大禮與天地同節大樂與天地同和此禮家之名言也自吾心以達之其間紆徐曲折近且切焉宏且博焉不可湏臾離者不知其凡幾千百大地之道自然之數也由天地以昇於吾心亦自然之數也由吾心以散於萬事亦自然之數

鳳林先生集

卷之三

全山

也道寓於器道無形而器有象道者器之質器者道之位精粗上下相湏而成功禮樂之妙斯其至矣然飾躬以立其體飾制以敷其用於祭爲備而况吾夫子道德貫宇宙教化垂萬世聖帝明王尊隆師表爲祭之大者乎襄陽自古稱雄郡廟有祭而無樂弘治初太守宜春郭侯創置之白沙陳公甫先生實記之歷歲既久與祭器滋敝不可用爲享汶上路侯來爲守甫下車即以恤民隱興士風爲務謂恤民在於薄賦歛

興化在於辨義利公論翕然歸之已則瞻拜廟庭咨嗟嘆息顧崇德報功可弗虔於祀乃悉取二器而新之黜其朽敗補其缺乏象儀物制咸中程式加度置焉予嘗論於禮樂之道非文不著非實不行失其原則泊然無味而易翫故籥豆鍾鼓周旋綴兆其文也忠信誠慤不僭不殺其實也以吾心求之於天地無少差繆其原也考其文當飾之以至於盡考其實當積之以至於厚考其原當使其融暢光輝以至於莫可模

鳳林先生集

卷之三

全五

擬莫可限量祭之義其果備矣乎慨自學失傳斯道廢焉不講也久矣慕富貴者懷貪得之情志功名者談縱橫之術不敬不樂吾心之禮樂廢不莊不和吾身之禮樂廢文且不爲之用又安能了其機於冥冥之間哉故曰人而不仁如禮何人而不仁如樂何侯少年登甲科一意古人之學內外華實截有定分而坦然以居昔從嶺南湛甘泉餘姚王陽明二先生遊甘泉在白沙之門號稱高第而陽明雍容透徹皆其獨

則侯蹈道之功不爲無助而是舉又言游爲
我之一驗也侯名迎字賓陽號北村在位而急
於所先能用其勇蓋如此郡邑文學倫君貫宋
君瓏率其僚與弟子員再拜謂某曰美矣盛矣
願紀其成刊諸石以示永久良師儒觸目感心
之餘相激相勸鼓舞以興以益裨侯之治亦可
嘉尚也已祭器爲類二十有一析之爲二千一
百五事樂器爲類十有八析之爲二百事詳列
於碑陰傳曰立君子以脩禮樂惟大夫嗣爲之
鳳林先生文集 卷之三 全六

俾勿壞斯侯之志焉

二君堂記

嗚呼自科目之制興天下遂無意於聖賢之學
是豈科目之罪哉亦吾人之志不廣耳心之所
之高明汗下而人品隨焉飲食男女不廢於古
仁義道德不廢於今而古今相去之遠如此又
何罪於科目也予以淺拙視篆溧水欲有所論
而未能謁學宮後見其西南有一沼則植以蓮
而門人徐生守芳獻圖一區則植以竹卽其

爲堂名之曰二君夫以竹則可受可久以蓮
則不曲不汙物嘉矣人靈於物而不嘉於物不
失其嘉乎虛以成天下堅以歷萬世直以明吾
絜以存吾身物則有然者矣而况於聖賢乎
三子其自省此正脉也堂成託吾友春官張
君惟靜記之而諸生念予有一朝之雅復求言
以爲訓且其衣冠俊秀怡怡秩秩可以爲聖可
以爲賢顧俯首下氣局促於科目亦忍矣有我
易遷居隨易壞無益於人之國家以玷夫子之

鳳林先生文集

卷之三

全七

門牆非徒二三子之失路抑亦俾老令長慮而
邛顧也

吾與亭記

予宰於中山三年矣凡學宮未備者朽敝者皆
創爲之暇則又取學宮之南汙渠土阜乃池乃
亭瞻夫子之門牆眺山川之勝槩諸生進曰亭
成矣願大夫名之以爲訓山人曰諸生有志於
學不言之中其教顯行卽非焉畫脂餽水而已
何事爲諸生復進曰小子知過矣小子知過矣

不啓景行誰履望洋迷方乃輦乃轡大
今日之教願俯首以聽再至三至乃頽其亭曰
吾與夫以四賢言志如子路輩皆欲得位行道
而點獨曰浴乎沂風乎舞雩詠而歸且夫子天
下之大聖也點之志愚夫愚婦皆可爲也而夫
子忻然得意愛過尋常諸生不當求之乎據紙
上陳言人人皆以點爲高而其所以然猶未能
得其一體顧乃放浪形體笑傲宇宙內外皆無
其實昏以詔明一撞百碎是仲尼吾與之言有

鳳林先生文集

卷三

八

以誤後世也諸生識之乎戰戰兢兢如臨深淵
如履薄冰積於初者聖人之實學博施濟衆兆
民允殖沛於終者聖人之大用舞雩之樂正所
以涵實學而養大用也靜無此樂則滲漏欠缺
而實學踈動無此樂則不神不化而大用滯踈
則禹湯之學不傳滯則唐虞之治不聞吾與之
意將沉淪於空虛清淨之域矣故曰不專一則
不能直遂不翕聚則不能發散又曰樂則生
可已惡可已則不知足之蹈之舞之

之仲尼喟然之嘆不右茲乎惜點之未喻而卒
與琴張牧皮同稱亦可悲矣文學師蜀人楊觀
越人王庠蹙然曰知過矣知過矣謹當佩之以
訓諸生負吾與焉有愧此亭

又得堂記

予少有山水之癖自叨甲科來從事於西臺既
而出宰中山奔走於塵土疲神於簿書則大違
初心又念居位而行志學者之願也幸而中山
之民頗淳一時大吏皆長者凡予所欲爲咸報

鳳林先生文集

卷三

九

可期年以後政通人和士大夫震動予亦不自
知其何以至此也於是遍閱邑之山水或可以
寄興而竟未得乃肩輿出城西有榜曰興教禪
林卽而訪之則逕路迂迴竹樹茂密水一泓流
動有聲礧石爲橋甚堅整橋西可六七十步隱
隱見僧舍參差欣然便覺自慰其素啓關而入
荒城頽卧長松偃蹇悽然復有懷古之思隙地
則耆民菲珪呂景榮具酒始構堂五楹予以初
志之寡遂念斯境之稍佳屹屹公府之餘偶怡

於無事擅而有之命曰又得表於衢曰最
處其陰則曰浮生半日蓋取坡翁之句以快予
今日之所遭也夫以庶政叢委心慮昏塞不一
掃蕩則神志不清終無以立化民之本謀野則
獲彈琴而理昔亦有然者矣而况於予乎故暇
則率僚佐及邑之耆舊與諸生之端趣向者講
說治道審察利病凡有得於纖毫立起而行之
中山之民亦喜予之遊也相率往聽焉弘其志
於青雲之外傳其澤於百里之內酖頽霜髮危
鳳林先生集卷之三 九

舅氏楊御史天賜甘泉記

正德己巳秋七月淮安太守致仕均陽楊公寓
書於某曰某年老蒙
恩歸返棹梓詩酒之外日課童僕事耕農而郡
當至要土瘠民貧憐焉於懷非獨私也神昭嘉

此一泉湧於故廬之側歲過仍旱賴此以濟周
建亭其上名之曰天賜甘泉予在諸甥之列豈
為我記之乎微前經史和氣致祥乖氣致異
一念之善則天神地祇和風甘雨皆隨之一念
之惡則災沴鬼凶荒札疢皆隨之天人之理一
心一應故先儒云世間唯有感應二字聖人行
義賢者處命自後世有不同者有所徵而為善
猶之可也至於華孽焉惟身之圖舉良心一切
而棄之曰乃在前言史在後沒於不懼吾不知

鳳林先生集

卷之三

九

其為人何如也公自幼端重質直寡於言笑讀
書向義不恤生產既壯登高第拜留臺御史持
身不求異於俗而氣節凜然發奸容衆人咸稱
之出守淮陽溫溫煦煦不動聲色事變之來屢
抗大吏諭可否淮楚以安歸之日百姓擁道啼
泣如失慈母江漢婆娑舟夜不覺是以
九重垂眷顧之意天官加禮重之文黃金橫帶
朱輪載途鄉里兒童皆知其為尊大夫也竹杖
芒屨時時蕭然鄉里兒童皆知其為太和山人

德之隆而盛始終之美在人可
目如此而天之所以應之者以一臬當之其已
以盡公平盡不盡斯亦足以昭之矣公之心未
已也吾渴吾飲其清吾飢吾食其利吾足矣族
之人未足也鄰之人未足也天下之人未足也
吾能安乎以是知公之心在淮陽之澤未涸也
春風之和秋雲之涼顧登斯泉濯纓見宜聖之
妙洗耳希巢父之高尊膠有救賓友奚童半醉
半醒或歌或詠恍然在羲皇之上無何有之鄉
鳳林先生集 卷五 七
亦不知年之暮而世之太平也名之曰太守古
之御史兩法曹雲可徵也名之曰太和山人古
之夫人山五老峯可徵也公乃獨名之曰天賜
則以已之所感而天實應之不以誠動自避不
以偶然自疑而上下信之則公之實德又通於
人也如此自今而後良子賢孫世濯其波世瞻
其亭當知善則天福之惡則天禍之吾父母之
心也顯也而有至憂晦也而有至樂吾父母之
心也世世永茲清流以洗滌其輩腥邪穢後其

天然澄徹以綿先世之盛德於無窮則記者之
所深望也不肖有習池之樂蓋亦先人之緒其
事同故今能詳之

鳳林先生文集卷之四

襄陽鳳林王從善著

男希鳳子王之瑞輯

郡人漢樓劉存義校

南陽少濱衛東楚刊

祭嘉魚李茂卿先生文

嗚呼天地之化往來之運死生於中其數有定
先生洞然見之惟瑩道未大施我之所恨內無
不具出之則希道有所敝修之則夷彫琢返朴
去智芟思識者謂先生非謀府不識者謂先生
杜德機野烟荒涼破屋支柱形祗憊然顯示心
膺豕受人尊鶴隨雲舉識者謂先生亡藏而比
物不識者謂先生適履而截趾嗚呼華不以躬
而以其中膏不以烹而以其風始食於英終寄
於杳道之幽冥哲人之凶路之歆傾後生之矇
嗚呼哀哉嗚呼痛哉尚饗

又祭茂卿

嗚呼茂卿今亡之矣平生自信天定者勝人今

果然叩抑人定者能勝天胡爲而然耶先生之
懷飄飄於雲霄之上先生之身表表於聖賢之
區粗衣菜飯如笙歌之樂高官大爵有蛇虺之
容蓋自世之隆矣風俗衰矣忠信道薄而禮義
不誠先生破的如勁矢焉內外有異此今之不
如古也先生中之暗尤有踰於外之明焉昔者
某拜先生於黃公山房清風明月魚蝦蔬菜顏
冰破屋不覺自失先生謂予曰君能堪之先生
雖亡令第世卿道益高德益深先生其默相之
爲不亡矣假使世卿且死先生其亡之乎匪兕
匪虎率彼曠野擁筆淒涼有淚如雨嗚呼哀哉
尚饗

祭任楚巖先生文

嗚呼人生如寄公則已矣公之所責其何能已
始公窮經昂昂秀士竟未一試抱璞而委公乃
還轅歸身未耜詩狂悠悠酒聖止止丹桂芬芳
庭訓之英脫屣發蒙取青掇紫公不享成背而
去耳孝子有懷奮迅塵埃九原沉沉諒其慰只

子乃辱公忘年見視南山之臯公稽予履習池
之濱予拜公軌花柳之私公呼予雖風月之情
棄吾忘邇一吟未足十篇是侈一壺未足十觚
是厄愁無重城敵無堅壘烟霞之盟目中萬里
嗚呼孰謂先生而止於此壽不配德鬼先奪技
蕙帳生寒葛巾凝滓陶柳蕭條蔣逕荒圯一念
忽興有淚如水臨風致奠下尊二簋公懷舊服
幸垂階祀想公儀容神飛情阻嗚呼哀哉尚饗

祭嘉魚李世卿先生文

鳳林先生集

卷之四

三

嗚呼孝弟忠信禮義廉耻世之大防自淳風凋
喪人懷異志蹈道者以爲迂也先生辭榮家居
事母及兄款曲周至與人交接不妄笑語檢身
事物慎于取予世方以爲難而先生則從容遊
樂斯也尊壘既傾之後正襟危坐一有所發洞
鑒金石及其園林地館嘯歌吟詠則不知春風
楊柳秋月梧桐方有以契吾之思也世之局局
塵埃者以爲是湖海少年之氣而放浪形骸者
又以爲怪枯未脫而更加以羈縻也某晚生小

子妄意爲學昔者得拜先生於大江之濱步趨
坐臥皆以示教而所以不發不啓者泯然欲以
塞其多岐也樗材朽質爲故步所窘觀先生
高深之道恒欣仰而嗟咨也蓋先生天資勁邁
造詣直截于下學事物之功可以不煩繩削而
自合實非承學者所敢望其藩籬也嗚呼世不
有先生貪者孰知貨之可棄懦者孰知志之可
持冒進者孰知恬淡之可即遐遁者孰知憂樂
之不可辭是將梁津而梯岳以身爲萬姓之軌

鳳林先生集

卷之四

四

祭楊淮陽老舅文

惟靈幼遵庭訓長順師承青雲得路黃甲收名
拜留臺之豸史而風聲赫赫擢淮陽之郡守而
仁慈雍雍方大奸之將柄公乃炳於幾先即掛
冠拂袖而冒進不止者沾於顛頤沒溺無所不

祭張朝儀壽史文

嗚呼朝儀亡之矣夫世不得而見斯人也蓋剛者天地之正氣陽明之發君子之德也世儒溺於富貴脂膏軟熟心悅現以為慶世之宜也卒之顛仆僵臥沉沒於泥淖之中而強毅自守者方挺然獨立暑不為動與金石而為伍賢鬼神而無疑也此正聖人之所貴大賢之所養而學者所當矜而持之也朝儀自為布衣以至登甲科為縣令為御史公清方直撓之而不亂握

鳳林先生集

卷一百

七

奉瞻目即之而愈危雖當時點璫權柄之徒視之若不見其巍巍而其為民為國之心誠於芹而丹於葵也究其所至則朝儀之所得者其正氣其陽明其君子歟而能踵古人之所為也編為闕章並為縹緲衣布袍履食糲羹朝儀方怡然其中若有自多之容暮夜之私清靜之逢裂眦而怒狂叫大罵使其人流汗叩頭而至於無所容嗚呼朝儀其真丈夫哉天不佑善年始四十五而遽卒於京師母老而悲女幼而啼意

無一子以支持伯道之慘又痛哭於朝儀墓前交於心膂之下方自以為氣同而意合而朝儀亦謂我能勉強樹立降顏色而遺囑墓前三宿而恨未有銘則生者實有愧於朝儀也茲備牲醴聊展膠漆之所抱而朝儀尚其鑒我而顯此一卮也意極情至不暇次其文而成章聊申此區區也嗚呼尚饗

祭朴菴先生文

嗚呼天道周流實忌其全彌縫佳祐而感得焉

鳳林先生集

卷一百

八

塵海混茫風摧雨剝顛倒起伏蠅頭蛙角孰能靜觀一丘一壑沈潛朝食猿猴壽縛世惟隱君子誠難剛柔純駁雜糅不齊朱顏未收西日忽低孰能順藏享此耆願鶴髮垂肩鶯錦輝衣世惟壽君子誠難臨童叫號弁髦頽業弗掛弗堂坐枯先澤孰能森羅桂枝玉屑金書題名蒼生愛德世惟賢丈夫子誠難三難兼備變化肥瘠去齒附翼得胸亡脊於維佳翁存偕立俯仰

忽感空寂使旁觀而美者稱其享天澤於八十
年之樂境幽求而待者聽其陪地靈於千萬歲
之玄室（一）等感即君之教受恒撫心而佩服聞
遠計以震驚恨九原之難作捧一觴以致奠愧
二簋之寥落惟精誠以鑒歆望（一）戰戰而恍惚嗚
呼哀哉尚饗

祭張文聲親家文

惟靈詩書博核口實（一）長誠惻惻樂易和平
垂遺序序餘厚收名以親之（一）其善貴為情要安
泉泉斑駁戲呈子之孝也克展其誠正宜復出
與世崢嶸始逾不惑疾病以崇天乃不仁坐困
瘵英甫及半百又爾頽頽黑髮在首長銀以并
某昔共山園夜雨青燈竹林松丘舞燕啼鴛以
觴以味以遊以征後琴絲羅寶理斯盟徒觀（一）
霞倚此瑤瓊友朋之義為感匪輕今特臨定經
玉佳城悠傳離歌子子丹旌雲愁日暮風淒水
清聊陳一奠疏繁繼續豐其有知鑑此哀鳴
能哽咽淚下沾纔嗚呼哀哉尚饗

祭方泉弟文

嗚呼方泉亡之矣夫兄弟中汝行第五（一）
府君背世時汝纔八歲府君剛介廉懷（一）
蓄既長有庚癸之果賢弟特立於艱難之中攻
苦營夜朝讀暮誦遠以舉業知名於時其學使
其雙里之而竟未達於一第嗚呼痛哉嗚呼痛
哉（一）月弟每會輒飲每飲輒醉傍花隨柳之興
風月之談無日無之賢弟善為吟語親人
座上皆捧腹而笑怡愉之色達於面背使賢弟
有內省工夫去其奢淫雖古之賢者何以加諸
臨歿數言深通理道亦可識賢弟之懷抱矣孰
謂賢弟而遽止於斯耶嗚呼痛哉嗚呼痛哉賢
弟有白髮在堂二子皆幼常生之幸亦甚寂寞
後親教子皆平足弟之遺教賢弟其瞑目於九
京乎嗚呼痛哉嗚呼痛哉日月不居已浹三辰
茲期亦在邇薄陳一奠以叙哀苦之情西風最
恨淚下如泉嗚呼痛哉嗚呼痛哉尚饗

祭吳惟一文

嗚呼公自少以穎悟之資出群之見遊邑庠

有聲稱隱然青雲黃甲之器

襄藩之招勉從賓相人皆惜其才大而用小公亦終日不樂而有識者亦能測知其中也高麗榮華朱門綉戶公亦不以爲意耽經玩史晝夜劬勞肆力於文章詩律之間及其積之既久養之益深充宏廣大有漢唐規模而有識者亦將自下而望其風也恬淡自守寡與人合談道德性命足窺堂奧故當時次公於學道者之列而

小休先生文集

卷之四

十一

有識者必信其然而無以異乎其同也鹿門鄭伯興天下之士與公有連方作推維揚公往訪之其意將以覽長江大河名山奇峯之勝益發其文思如子長之遊者豈料甫至即病一病即終計音遠來而有識者群聚嗚咽仰天長視以爲造物者何夢夢也某與公及鹿門韶嵐交志趨乳入誼結金蘭二公日益進予日益退公方逡巡固讓猶將推先焉孝親友第重義輕財皆正人所不能者峴山鳳泉竹亭花園從容杯酒

之樂予嘗融液其中而人間多事樊籠難逃終不如公之脫然而有識者亦信其靜默爲學之果有成也備德者必厚享此天道之常而公年止於四十六有識者固將哀其不倫而又念無愧者亦自聽於天而不以人也靈輶遠歸丹旄飄飄雲愁雨暗山枯水消哲人已矣竟竟莫招載拜涕漣失聲長號嗚呼終者亦未化而未死者尚當勉進德義老而不倦以不負九原之交使有識者視之知其非泛然之論而足以愧世

鳳休先生文集

卷之四

十一

之執手把袂轉眼爲仇者之心也嗚呼哀哉尚饗

祭路封君老先生文

惟靈早乘豐屋食力家居上孝二親下撫諸兒三牲之養無日不娛詩書過庭嚴於走趨棠棣交歡情意怡怡鄉鄰急難匍匐救之薄俗所輕義道有輝世方以甲科爲榮賢郎當青妙之年

步

天子之廷策陳乎萬言宦遊乎二京青雲騰

月之光黃麻移夏之新榮朋於猿鶴翠
耀於菊松此先生之所深慰者也世方以學道
爲難賢郎蚤能解悟長有師傳惟心志之爲重
豈飢渴之見憐指義利欲析於毫釐論華實必
列乎古先蓋將倡天下以濂洛而佐斯民以義
行又先生之所深慰者也嗚呼篤生哲人世所
共宜康強以享遐祉庶幾報德帝懷無已
何一疾長臥不起未躋耳順忽棄梓蒼天
悠悠莫知所擬月旦無評香山失侶蕙帳既空

卷之四

卷之四

卷之四

巾亦萍白日青山淒風苦雨烟霞之盟奄隔
山某漢南野人學無所似惟幸賢君愛忘其
勢分頓遺肺肝相視昔固所稀今亦誰始轉
焉之間一彼一此哀痛之情可知也矣辨香匹
帛下尊二簋聊竭寸誠秋雲秋水尊靈有知惟
其鑒只比望耆英淚漫清濟嗚呼尚饗

祭岳翁西泉老先生文

惟翁姿容秀異氣質清明蚤誦詩書探微致精
年踰弱冠科甲題名選受皇華外艱忽嬰于

先君出鎮方城乃以不才託翁以錫即荷見
遂聽其盟越愜再春捧

詔遐征釋青蠟通懋持清聲于時先君寓鄂以

迎壺觴風月歡然南榮先君被

召移揔漕兵翁飛臺端丰采盈盈政歲以還先

君之京未

覲抱疾內外孤惻果及大喪翁實經營墓道之

文託筆名卿金石論交不愧復生

孝皇登極初政恢宏望

鳳林先生集

卷之四

卷之四

闕抗章遠邇震驚臣當繫脩豎還使令忠赤肺
肝義重身輕果蹈網羅益堅以貞

孝皇聖哲愛推鼎鑪攬轡南巡二廣澄清膏肓

放逐禮重耆英張綱范滂異世同行家山在懷

脫屣琚珩泉西以居泉南以耕萱花輝堂白酒

香秬移忠爲孝日用三牲啓函下簾月課有程

平籤萬軸與古爭衡美景良辰曲澗夷坪一觴

一詠韶護咸餽入淵之魚遷喬之鶯怡怡造化

誰與我爭不才至愚楚之棄儋翁凡有如即

以并流清挹潤宛若登瀛陵谷漸移寒暑屢更
迺遭肆妖仍歲縱橫謂宜有瘳黃鐘復鳴豈期
一夢莫於兩楹未躋古稀哲人遂傾嗚呼酷哉
天晴爲育鳳有羽毛頭角崢嶸投袂而興文人
之勛佇當大揚以聞

帝絃翁教所貽惟瑤惟瓊不才遭憂頽臥荒筵
寥寥蕭蕭萬痛以縈侍疾甚踈藥未擊半子
之職實難爲情卜之窀穸飄搖丹旌太水偕藏
宿約用成聊陳薄祭于俎于觥載維德容于墻
于羹遺愛昭然鑒此寸誠失聲長號雨淚霑纓
鄙文其荒敢昧鄉評百世之下考於汗青嗚呼
哀哉尚饗

祭樊侯祠文代吳不亭明府

於維我侯爲周碩輔惟岳降靈保茲天子翼翼
小心聖賢之侶明哲匪懈不愧伊呂巖巖宗臣
袞職是補中興之功獎耀寰宇惟此樊邑乃侯
封邦耆老相傳遺經煌煌百代偉人敢忘蒸嘗
爰命工師櫟楠實良廟貌尊崇俎豆其光神其

有知庶此一方

祭楊太夫人文

某廬居二載哀思雖不敢忘於頃臾而塚體未
稱工力實有缺於興作荷蒙

欽差巡撫都御史席行移襄陽府遣官給送色
絹二疋白米五石儀狀大書云資塋塚之用是
以即日鳩工畚鍤咸具天晴氣煖役夫踴躍四
日之間轟然峻起宗親有光山林生色義貴有
終久而益令此實吾母夫人懿行純備讓德昭
明之所致也某至愚不肖爲世罪人躋此榮願
曷勝慶幸謹以庶品醴齊祇告竣事伏惟尚饗
祭土神文

茲者奉

欽差都御史席遣惠命工爲顯妣夫人楊氏大
葺塋塚工既告成皆神之力量謹此醴齊庶品致
獻於神伏惟錫慶遺福永保幽宅存亡有休感
佩曷已尚饗

祭同年葉進士文

嗚呼聚散不可期與君忽聚死生亦不可期
石忽亡可喜也亦可悲也憶昨與君萍梗遭逢
大衢振鬬同對

大廷之上

大頰甫邇簪紳滿朝思聞君之謫言直論而君
之文方脫稿遂感疾扶出

關門益甚及寓即未化矣平生抱負聚見於世
而不能盡嗚呼痛哉某輩每思士之於世榮辱
脩短自有司之者固不當留情役志以爲戚戚
風林先生集卷之四

但窮而在下則脩身履道彷彿古人達而在上
則爲儒爲民庶幾先執斯可矣苟或憂促無聊
今世取寵及之於已漫無所得窮達皆負愧矣
卽死生同草木榮悴何足計乎君雖逝諒有不
逝者存當含笑於九京矣茲以同年之末敢問
訊於君之靈寔亦以警我衆則脩短榮辱又何
足計乎有者數粗有酒數尊備匍一奠君其顧
歎嗚呼尚饗

祭同年陳子庭乃翁文

惟靈賦性忠伉孝友爲德好善以誠立之以直
爲道庠序勇發奸慝晚屏山林遠脫塵迹開門
授徒豈在佔畢聚族勤訓親踈一律懷凌高風
行山流俗鳳毛趨庭學淹宿昔一舉冲霄足登
文石遭值

明時髦隄羽翮榮以冠裳報之忠赤因忠爲孝
養以朝夕三釜之樂殷勤有日豈期霜寒椿枝
零落松菊淒涼雲烟寂寞鄉失儀刑道存寥廓
計音遠來聞之驚惶某等恭與賢郎名同科目
風林先生集卷之四

登第後告墓文

某愚拙無似久臥山林常恐不自脩飾以玷先
世今者嘉靖癸未科幸賴祖宗遺澤父母恩教
兄弟夾輔得叨進士之選旅寄京師欲轉無路
受有微祿痛不逮養矣捧持南望五內崩離茲
謹具俸銀四兩遣男之瑞等陳列薄祭以表

哀南嗚呼地下不盡之輩生者未了之私皇天后土將如何哉將如何哉勺水辦香伏惟尚饗

誄童太守文為乃郎上舍作

邦伯童老先生致政家居予見其子上舍君恒聞其賢今即世矣為辭以誄之

大塊有賦淳且粹便便勝胃五經笥島風海濤日嘗試應龍倏起舜文瑞司空分署官兩地陶甄爐鑑

國之計秋霜剪髮白雲寺訊因盡得祥刑意抗

鳳林先生集

卷一

節勁顏矢吾志西南一郡勞績字吾自得吾吾

志遂翩然浩蕩尊鱸思一鶴一琴耐單騎繩床

皮几松山翠颺越衣冠古風致雪裏蒼翁是仙

吏造化小兒如鬼魅二壑潛藏日機粹梅竹幽

閑簾箔壁藟荔帳空翠鶴廢長安兒子冬不寐

骨立巖懸橫涕淚水流花謝春如寄世有佳名

果為果死生常理達者會地老天荒萬年事

到任漂水告父母文

某幸託父母深恩家庭嚴訓脩身飾行道感林

麓二十餘年矣嘉靖癸未偶叨甲第之選寄祿都察院又一年矣茲者以地方荒歉之故出宰

漂水縣於今日履任窮居雖久自待頗嚴乃復托於士民之上受此重寄晝夜驚惕深恐禮教不與黎元失所以上負

國恩下累百姓以貽辱於父母伏冀默相陰持啓迪豐贖少有希於古人萬分之一若其懷私困下挾智罔上

天道至明人心不昧不孝之罪萬死莫逃但微

鳳林先生集

卷一

祿雖微親養莫逮捧持號泣五內崩裂西向頓

首旅覓如飛謹以清酌庶品醴齊奠獻謹告

城隍廟禱雨文

民遭歉歲顛沛於衣食日望麥秋以生之耳今

亢陽不雨麥土無滋垂秀者曠民未知其實何

如皇皇焉恐求生不得悲於朝夕矣民之憂固

民牧者之罪然于神似不能慈然者責比而委

重均焉某初蒞漂水有民牧之責適歲如此來

垂實尚不得雨如此其何以爲吾民計哉去

省費撫恤飢民某力能盡者無不盡此不敢以煩於神而表裏化工風雨調順某奚力焉惟神是賴也神受食茲土亦久亦當爲民軫念陰相默佑大沛時雨俾麥有秋土膏可動民衣食有充轉歉歲而與以豐年神之功大矣其廟食天子之祭無愧矣於某之望且祈者不孤矣斯某之心也吾民之心也其爲一歎且鑒哉

祈雨文

某寄迹山林久絕世味頃以

鳳林先生集

卷四

主

聖天子御極奉

簡命來蒞茲土案牘初視弊政頽綱癰腫執掌某始則駭而異既則惻而憫役智疲神剔刷汗盡於茲二載和氣漸通極罔備無賴神之庇護賜多矣某嘗聞諸祭法云禦大災捍大患有祝死有祠維神妙用茂烈夙著靈異赫赫血食雖民之情亦禮之宜也廼者春則淫雨過溢夏則積月不雨赤日行天土皆龜裂先時者倚棹以捧心後時者荷鋤以引領前方驛蒞茲民怨

嗟而黍稷冥之中神諒默鑒矣某嘗率屬致禱雲氣將合而顛風即解時將浹旬未獲嘉應夫吏有常職官于深者不三四歲而易也神食於茲無窮已也神之於深人孰親且久佑之宜深且長也何獨靳惠一方以貽民感意者蠲縻之誠有未孚耶抑守牧之任多缺失耶寃滯有未伸耶強犷有未鋤耶高年知尊矣恐耆耇或遺徭賦知均矣恐派設未審靡費知裁矣恐侵漁肆欺奸吏知懲矣恐舞文玩法一利未興一政未淑一弊未革一職有虧凡此數者罪在某等下民何辜神忍若是怒也失今不圖民必益瘁請自今以往前所自數者側身戒飭不敢荒縱中夜以興思免厥愆更祈轉災爲祥舒陰歛陽沛潤千里振洗倏焚奮張葉芽滋液流浸啓作有年以登黍黎則某等之咎少塞而神惠亦溥矣嗚呼人能事神神能庇人方窮而訴必見哀情物薄情豐所恃至誠謹告

祭城隍祈雨文

某等不才忝任養民之責三年於茲矣去年天
道亢旱不雨某等竭誠祈禱未蒙賜答遂使農
夫缺食

國稅不充某等極力周旋幸而上有仁厚大吏
下而黎庶良善安於饑餓糧稅蚤完今歲二麥
幸賴

天憫斯民大熟之下餘羨充盈長幼欣悅夫何
夏至以後正當禾苗插蒔之時雨澤愆期田畝
無水遠近嗷嗷控告無路黃童白叟充塞道路

鳳林先生集

奏書

壬午

旗鼓搶攘

天不為聞豈牧民者賄賂公行枉直不分歟
大騰舞政不順歟抑官無意貧困之民惟事虛
文以塞責歟大吏躬行於上而在下者謾不以
為意歟此皆足以致凶燬之災

天當即以我輩誅之極之絕之滅之勿使偷生
人世強顏縉紳之列以重困無罪小民連日浮
結濃陰有傾盆之勢已而復晴意必有故
天其鑒之察之神其鑒之察之某將有給由之

行果有罪罰

天不可縱之使去必昭報而後已勿使重困百
姓以貽青史萬年之笑情苦無伸神其體諸幽
明一道實同休戚神亦不得安然享百姓之奉
謹告

祭溧水城隍文

惟神溫恭信厚嚴重貞白宰於列縣通濟廉潔
思深中山功垂唐室逮入我

朝封顯佑伯高城深池授神以職某等繼牧斯

鳳林先生集

奏書

壬午

土恭逢誕節俯仰廟庭未冀威烈司民於下與
政於邑祀典煌煌悠久無斁尚饗

祭崖菴先生文

嗚呼君自少穎拔不屑世故名山勝水風晨月
夕徊翔於花柳之間逍遙於隴畝之處或兄倡
而弟酬或第斟而兄醉仰不知天之高俯不知
地之厚者蓋三十年既而兩季如南麓如方臬
皆相繼凋謝第以塵踪未泯忝甲科領薄宦邀
遊四方向之樂事邈有山河之間矣兩季如可

三如漢濱皆官留都第竊命中山於留都爲甚
述君家居孤寂無味乃買棹自郢而三涇出大
別山經赤壁望彭蠡而東海門第一關君最愛
談之喜動顏色過采石夢謫仙引杯竿忻然欲
起吟鬼於皓魄萬波之中而君懷益壯入石頭
城拜觀都邑之麗而兩季復成歡矣第以試事
往亦與焉未久握手歸中山而君隱隱有疾君
生平豪於詩乃間一作豪於酒遂涓滴不飲未
數日痰喘交作群賢咸集亦不可爲矣嗚呼痛

鳳林先生集

卷四

五

哉君遠出本以行樂而適以生哀使第輩念高
人之長逝追音響之莫攀所幸者有子登於座
有孫戲於庭他日俱可斬然見頭角於世則君
爲不亡矣良辰霜露丹旄飄搖片帆西歸遠岫
重清靈其安之尚其鑒只臨風長號泪下如水
嗚呼痛哉尚饗

祭安福王宜學內翰先生文

嗚呼先生江右豪傑挺生於

一代替脩素養亦已有年

翰林

三

武宗朝以編脩言事犯顏直諫無所忌諱

天子震怒杖於朝堂遂落職爲潮陽驛官幾三
年先生悠悠歲月畧無悵望意

今天子登極凡賢而流竄者復收召還故職先
生再入翰林時以議禮不合伏闕號泣而諫

天子震怒再杖於朝堂昇歸三日卽逝嗚呼先
生忠肝直氣始終不渝見義而進不顧利害謂

之一代豪傑真無愧矣所可痛者太夫人在堂

鳳林先生集

卷四

五

子然無後繼歿之後門人賓客遠近悽愴風雨
慘淡哀動京邑先生其又可憾矣某本以山林
衰病之夫久滯場屋嘉靖癸未先生奉

命出試士諸人曰聞某來試卷入予手必不遺
後果然予以弟子行往拜之先生又曰某與有
以人事

君之責得子有光矣且懷子數年不見顏色今
始憫堅待以上賓之禮嗚呼先生破規格而安
於所好豈尋常所能窺使天有意於太平先生

三年得大位以此懷待天下則謙抑之風
恬退之士進以公滅私以國忘家彼遠道希寵
潤身自便者歛容而返矣其利顧不溥哉嗚呼
先生又可痛哭矣安福之原宿草再萌薄奠載
陳靈其來從月白風清先生其寧有懷悠悠大
江西東尚饗

鄉約堂祭土穀神文

惟神參贊造化發育萬物凡我庶民悉賴生植
時維季春東作方興謹具牲醴恭伸祈告伏願
鳳林先生文集 卷四 主七

雨暘時若五穀豐登官賦足供民食充裕神其
鑒知其有能孝能弟能慈能愛不好爭競不好
賄博不以強凌弱不以富吞貧不起滅詞訟不
欺瞞官府蚤納賦稅先辦差役不傷人田禾不
盜人頭畜神必保之佑之令其家門昌盛子孫
繁衍田蚕獲利牛馬壯健凡事遂意舉之於官
必加優恤末無刑患如有不孝不弟不慈不愛
專好賭博專好爭競以強凌弱以富吞貧起
詞訟欺瞞官府拖欠錢糧閃避不役傷人田禾

盜人頭畜神必殃之咎之令其家門頽廢子孫
微弱田蚕不利牛馬消耗凡事阻滯呈之於官
必加罪罰末為棄物其有能改前非神一體加
祐不計往過官亦如之嗚呼陽有官府陰有神
靈交相勸懲并臻善域俾我民共享太平之福
不勝至願謹祈

柳強扶弱之詞附其詞曰凡我同里之人各遵
守禮法毋恃力凌弱遠者先共制之然後經官
或貧無可贖周給其家三年不立不使與會其
婚姻喪葬有乏隨力相助如不從衆及犯姦盜
詐偽一切非為
之人不許入會

孺人吳母王氏行狀

孺人姓王氏先世江西吉水人相傳為楊丞相
萬里之後

國初有隸尺籍於襄陽者累以軍功擢世襲百
戶孺人年及笄歸於吳君貴生於正統己未四
月二十四日某時卒於正德壬申七月初八日
某時享年七十四子男四長曰慶邑庠生次廉
次座領弘治戊午鄉薦中乙榜進士授山東歷
城縣學教諭次庠次庄蚤卒女一適儒士龔

孫男五長建中次建和領正德庚午鄉薦次建名建勛建端曾孫二卜以卒之年十二月初九日附葬於城西某山吳君壙右始孺人之爲處也誠篤自愛與其兄戶部郎中璫工部司務各相矜奮期以繼其祖之風流父母擇可嫁乃得吳君既入吳克相夫子就其孝義吳君以太學生分教魯山迎二老於邑齋以就養孺人經營爲多教子以嚴程業不少假借居常紡績無他言語勉勉不倦而已聞人患難輒投所

鳳林先生集

卷之四

三九

爲而周之雖子孫滿前而賓祭之需皆親視其豆觴菹醢新婦來見而效之不擾而化五十餘年與孺宦相終始而未嘗思以侈其家亦未嘗自懈怠以隳其故業郡中稱清白潔素者以吳爲歸嗚呼世之爲婦人者惟藉其良人期以得富貴而已旣得而放恣濡染以溢所欲不得者鬱鬱無聊若不能自存甘比鄰於市井賤丈夫之戶禮義不登於尊俎縉紳不履於堂階胥可鄙矣而孺人保性於燈火簡編之薰蒸守約於

斗斛龔合之資養攻苦罄淡訓子課孫雖朱輪華轂未覩其光而書香一脉綿綿延延飽歷歲三而未艾安知大其門閭令容駟馬高車者不今始耶山東爲中原雄藩華不住之秀七十泉之潤歷城學諭迎吳君及孺人往觀之且食其入焉則天之所以佑孺人者實將怡其情昭其德使不徒老於牖下使東方質直淳朴之士得聞而感動之則婦道母儀其在於是矣初吳君卒旣禫而孺人繼殯偕老之情孺人其有憾乎孺人之子慶與某共鉛槧者近十年而座之薦於鄉也某得厠名其榜建和又以通家之好見遇其得以不文避哉故述其生卒子姓與其懿德而論之如此惟執筆者採擇而宣暢之實吳氏世世之福

鳳林先生集

卷之四

三十

明故賀母羅孺人墓碣

嗚呼此賀母羅孺人之墓也孺人生於宣德癸丑九月二日卒於弘治甲子九月三日正德丁卯閏正月二十九日卜葬於雲霧山之原戶部

王守衡陽陳宗實而裁諸幽孺人次子
以某有同年之雅乃持乙卯進士巴陵方文
狀來屬而文其之右按狀孺人姓羅氏諱
淑靜官祖諸人父恭贈承事郎父諱觀
南京光祿寺卿李氏贈孺人年十八歸於雲
林賀處士林有少山水之癖而孺人於女
紅中饋之外亦克相之維持生計屢歷辛苦累
無怨色晚歲徙居玉湖別墅田疇新廬舍教
子事詩書課童僕耕種家日益而禮義日興

鳳林先生文集

卷之四

鳳焉安松佳山勝水之中而亦不知塵世有可
樂之事則雲林之所甘心而孺人月量日校而
歲計其功則亦不以忘也雲林以耆艾之年蒙
朝廷冠帶之榮有司燕飲之重而孺人之賢實
益彰始孺人之也繼姑喪謹姑病又曲盡
其孝撫室中人以慈內外德之嗚呼若孺人者
可謂無愧於婦道矣世之人爭先徑路以取富
貴於天下及不得志又欲競於刀錐以自表於
鄉黨而爲之室者人則多其品刺刺焉勸之不

少休廣積而厚藏爭寵而盜位將拜跪於其
人而不復計其義之可否與禍福之相爲倚伏
視恬淡寡薄可以末世與孝親而慈子必爲當
行而不可易者畧不以爲心皆是也嗚呼孺人
可不謂賢哉憲蚤以璧經頌鄉薦遊太學聲出
等夷所與交者皆天下豪傑對人恒涕泣以未
得表孺人之行爲恨塋且三年矣而思慕不少
衰則孺人之教其何能泯也古之人孝於其親
者不貴其名而貴其實憲其自求則所以爲孝

鳳林先生文集

卷之四

三十一

者益大而孺人其安於九原而無所費乎孺人
生三男長曰恩娶湯氏次曰憲娶李氏次曰惠
娶吳氏三女長適邑人郭柏次適庠生程廷聰
次適邑人周文暫孫男六鳳來鳳儀鳳翔鳳翺
鳳鳴鳳翥孫女五孺人兆次有梓山八景從弟
大方伯時泰嘗列而歌之而先世塋域曰龍家
陂孟家洲玉灣陂白鹿又連綿亘帶形勝相
望皆足以垂不朽也銘曰事姑以孝相夫以賢
教子以義實則可傳孺人之幽雲霧山之原後

考者當審諸其刻焉

明故安福縣訓導吳菴姚公墓碣銘

公諱稷字某巽菴其別號也世爲嚴州之桐廬
人大父諱伯華贈禮部右侍郎祖母楊氏贈淑
人考諱惟可隱德弗仕母章氏公自幼穎悟不
屑力學問既補邑庠弟子員從兄文敏公夔遊
文敏公深奇之領某年鄉薦上計偕於春卿中
乙榜進士授江西安福縣訓導公拜命即往無
難色世之求仕進者率以學職爲貧賤不欲居

鳳林先生集

卷五

有不得已者則棄官抵掌終日怒而坐而况公
門有父兄之勢亦未嘗趨趨覬覦於他路其視
貪榮冒利以比於不幸之徒者何如哉既任勤
於教學不間寒暑子弟出於門下者彬彬相望
後皆爲偉人當道者重其器惜其材輒薦之於
朝天官卿將有所擬適公九年考績便道省墓
於家一疾卒於正寢嗚呼公有碩德奇抱而不
遂也公之自視則無崇卑抑又何貴焉娶阮
氏有內行子男六曰軒曰輯曰釐曰輟曰輟

安三長道經歷起太學生張木次適

庠生鄧鰲公生於某年某月某日卒於某年某
月某日享年若干以其年某月某日葬於梓坊
山之原後若干年某月某日葬於梓坊
傍若無大家華靡味者又可以觀公矣乃涕泣
持狀謂予曰先君子之辭謝不獲乃從而
爲之銘桐江一熱高風凜凜倚千萬年後生之
準大冢宰公有曰文敏實君從兄君信克允載

鳳林先生集

卷五

墓

信其兄某科繼軫振鐸西江有誦無哂載仰先
者清操自引以安以和截然疆畛不貴於
朝不華於墓吾不吾虧其又奚憫梓坊之山雲
環水濶我銘其幽末也無隕

明故處士宋先生墓誌銘

先生姓宋氏諱週字文行其先世出江西柘鄉
祖諱良佐某年間以仕謫居廣西之南丹因家
於賓今爲賓州人父諱鳴之母李氏先生自少
聰悟業儒雅喜靜退李孺人命之曰汝當如

以養雖不仕吾足矣先生服膺其言由是家日益充而親心悅焉教子弟以禮義至灑掃應對亦令熟講而習行之暇然後及其文性輕財不以多少美惡為意嘗游廣之東適市欲化其居市人以偽金酬之及乃審或曰真贗難分若更以欺人庶不失利先生笑曰人欺我我無憾我欺人如天道何即投之水於是鄉里翕然稱為義士義士歲飢先生輸粟於官有司授以冠帶人皆以為榮然不樂也先生年六十八益康強

鳳林先生文集

卷四

三十五

遽歿娶王氏某之女子男二長曰璫字德明頌正德癸酉鄉薦以乙榜進士署襄陽縣學教諭事次曰璣郡學生女二長適花都指揮之孫椿次適南丹衛張千戶瑄初德明既仕迎先生就養先生欣然來未久即去二年遂以計聞德明哀毀骨立將匍匐以歸乃自為狀介其門人艾本立沈瀛來徵銘某時方遭喪病臥山谷法不宜為而德明意不已又念德明在吾襄年雖少端模範以為人師於利則泊如也嗚呼知

行而不知義崇名而不務實相持相競下流無極此今時之大弊安得德明者父於其職庶頹風之少振乎懷德明則先生過庭之訓益彰而德明之淑吾襄又先生之澤之溥也顧不當為之銘先生生於某年某月日時卒於正德己卯十月日時葬於某處銘曰孰謂地遠而無善人當觀先生之身孰謂有子不顯其親當觀德明之文猗與賓堂封而貞珉惟秋春松風而楸雲過之者孰不曰宋義士之墳

鳳林先生文集

卷四

三十六

武畧將軍趙君完之墓誌銘

君姓趙氏諱璧字完之其先為某處人大父諱某自某衛正統間調群牧所從襄王來考諱剛世其職妣劉氏封宜人君自幼聰穎日記數百言脫去武弁華靡粗厲之習一意儒業為文輒中程式弘治己酉登邑庠壬子食廩餼提學焦副使自翰林出不輕許可每考試置之優等甚重之未幾考獲疾不任事君不得已於父之命乃承其官于某處

以群同爲非爲耻苞直至門面發赤大呼必逐之而後安其治之人亦知之咸不敢進流輩笑之君方自可武弁之俗以豐飲食飾居宇車與妻妾相勝負君蕭然若寒士恒以親養不逮方汲汲然欲鬻其居以充愛其弟無毫髮嫌陳君無子撫諸姪若已出無勉強矯飾之容人固不知而予獨以君自警群牧所故無屯田君言於懷王欲以子粒官莊分給之納課如軍衛例事竟不行又嘗建言於

鳳林先生集

卷七

三

朝以宗藩卑弱堂陞不嚴非

社稷之福識者趨之君之所存策可見矣十臘其九豈不惜哉庚午君得心疾壬申乃命弟靈承其官丙子七月某日某時卒於正寢生於成化乙酉某月日時享年五十二塋於城西某處從昭穆也娶嚴氏理問臯之女無子君亦不再求妾勝嗚呼少有高志廣學問長不能遂於一施未半百而病甫逾半百而歿則君之責恨無涯矣弟靈能敬其兄事之若父自待如子聽其

言可謂識道理者觀其行亦不背君其少懶哉將以某月日往即幽宅乃介其甥郭千戶俊持戚人余大尹邦憲狀來乞銘君與鹿門鄭推官伯興及予同窓友也鹿門仕於外予敢辭乃扶淚而銘之曰顛突點慧惟世習莊直骯髒豈相值兒童數慢乃其職兀坐齟齬恒終日舉莫四顧無嗣續天道今果無知識高年竟將托壤歸而君胡爲乎並失玄堂悠悠行往即乾坤此恨無終極嗚呼乾坤此恨無終極

鳳林先生集

卷八

三

明故茂才王君方泉墓誌銘

方泉名明善字永吉方泉其別號也先考榮祿府君第五子府君掛平蠻將軍印時建牙於常德方泉卽府君第生焉母柳氏安遠侯族屬方泉生而警敏府君甚愛之年八歲府君見背卽知哀毀有志向於儒府君剛介廉慎家無厚蓄不置田產予兄弟率有衣食之累方泉特立頗失志於經營而讀誦之工未嘗輟少遊鄭鹿門之間後補邑庠生遂以舉業得名於時爲文程度

有...於...之...
...大之氣不衰性喜飲酒凡月之夕間發於
...味多可謂識美惡每見正人端士飲襟危坐
...未嘗敢言利聞道德之論浩然而嘆若將
...勇往嗚呼使方某外無所回則內能自養何古
...人不可為豈直雄於科目之文而已六試場屋
...不遂丙子得高等填榜時內外簾以爭忿又棄
...置之豈非命邪今年秋典學憲副四明張公來
...校文持其卷而稱之甫去即病又八日病甚十

鳳林先生集

卷之四

七

二日而歿實正德丁丑九月十五日子時也歿
之時工人圖其貌猶取而自贊之字畫道勁端
整不亂有曰軀十年尚延哲人無聞况其次焉
若茲者可謂達於死生之際矣嗚呼有哉嗚呼
痛哉予生計亦寥落不能濟之於險又不能
以動之使方某徒有嘉志而未及聞於其
甚愧且負將以是年十月二十九日巳時
於鳳山之麓...世也衣衾棺槨...之具
一出於可...人念世之人骨肉為仇

贊者固不足道而聲為好義者從文飾於謂
類舌之間可豈為之甚備了無難色方某又何
以得此於兄哉亦可以勵頽俗矣生於成化十
四年六月十四日酉時享年三十九娶郭氏千
戶淮之妹子男二日之範日之間女三皆幼乃
流涕而銘之生不遂其志有遺恨於終惟安而
棲於其宅以昌嗣續於無窮

明故贈兵馬指揮曹公貞節孺人潘氏

合葬墓誌銘

鳳林先生集

卷之四

四

嗚呼天乎其將難窺豐其才而得其壽於公為
不足遐其壽而全其節於孺人為有餘白楊蕭
蕭公墓上木將五拱孺人始啓而合藏之孤燈
敗帟綿歷歲月風雨冥晦曠日在心仁以保其
愛義以固其守禮以終其性可謂難矣可謂難
矣按狀公姓曹氏諱文字成章其先為晉之陽
曲人考諱譽以鄉閭薦授

張王府奉祠妣何氏宦業既久因家焉公生而
自少即孝友讀書之功且久不暇人皆以

科第期之既冠遊郡庠聲出諸儒爲典學使者
所重公益刻勵欲自樹立以養見於世考爲擇
配得孺人實德友典寶遜之女時年二十矣既
歸公事舅姑能順其旨恭敬於其夫孺人雖以
和淑儉樸有恩平居暇日勸公勤學間以必取
青紫爲門戶榮未五年公得奇疾遂不起孺人
以死自誓外率群衆環守之慰諭百端終不從
值母偶出門投繯舉家驚惶破牆而入得不
死朝夕慟哭積年餘唾血不已既禪揮脂粉布
鳳林先生文集 卷四 四十二
衣素食糲杞梁故事於枕以見志攻苦服勞僅
以自給莖薪勺水不以干人女
憲府朝陽爲
忠陽侯王妃
詔旌孺人爲節婦
信順王既薨王妃亦卽世今
忠陽王未冠孝愛純至取孺人供養於官中者
踰二十年又
奏贈公爲兵馬指揮人咸榮之公生於某年月

自時卒於某年月日時享年若干孺人生於正
統己未五月二十日戌時卒於正德戊寅五月
十五日未時享年八十孺人卒時
王哀毀過慟躬視飲茹齊衰上食醴醋謝御誠
信之費舉出內貲而殷憂勤懇猶若未足嗚呼
公有高志未就人孀居五十餘年及其晚歲
富貴不離其身生有養而死有歸天之報德爲
不爽矣始公爲孺人續費恨沉沉豈不有懷而孺
人堅苦之操金石不易傳云死者復生生者不
愧使公復生巾櫛蕭條依然在侍孺人何愧焉
世之人勢利牽挽於外情欲波蕩於中轉盼之
間炎涼異趣子而背父臣而叛君朋友忘久要
之言若孺人者何古道之不可復世之不治也
予於是深有感焉公無嗣孺人以其母家子
爲嗣名曰瑀娶郭氏繼管氏再繼乾氏孫男三
孫女一公以卒之年某月日塋於城西楚山之
麓孺人以卒之年某月日將合於公之穴瑀徒
匍匐持狀來請銘而

王又遣使屢速之，情不可辭，乃爲之銘棟楠之材，用歸梁棟，手拔足搔，摧於方勁金玉之姿，久而愈瑩，幽光遺馨，斬無瑕衅，既安於命，無憾於始，得全於性，無憾於終。楚山我我，泰然一宮，虱髯舊栢，馬鬣新封，斷簡殘編，青魂夜月，苦雨寒霜，白頭勁節，名實無窮，石猶可泐，酒酒頽風，示而法則。

南麓王君墓誌銘

南麓姓王氏，諱復，字初吉，別號南麓道人。先鳳林先生文集卷之六

考榮祿府君第四子先妣夫人楊氏出也。生而穎異，寡言笑，不效群兒戲弄。府君壽之年十歲，遭府君喪，還襄陽，雖少，即知向學。從鹿門鄭先生遊，年二十，登邑庠，屢爲當路所稱。許如憲副陳公士安、魏公上華、龔憲陳公文明、鄭公汝華、郡守李公希說愛其文，不釋口食，廩餼二十一年。七試場屋中，而復落者三人，皆傳其事而惜之。在家庭無子弟之過，與予處，雍容自隨，臨財責任所得，未有幾微，不滿意見，言而居常靜坐。

鳳林先生文集卷之六

四

一室展玩經史，終月不出門戶，親友有招致者，計可往，然後整衣冠赴之。否則雖群伺於庭，不屑也。以故不義者先自絕，泊然愛重，未嘗少有經營。凡燕會終日，飲愈自矜慎，言咸在理，道不及他，亦不談人之短。人有犯者，笑而遣之。未始怒也。舉業之外，爲詩文，朗朗可誦，正德己卯鄉試，歸遭先妣夫人病，奉湯藥不懈，及喪，哀毀頓絕，執禮自效。既塋，予結廬於墓側，以居。南麓奉几筵於家，哀至輒相望而哭，頻日遣僕問訊。予益勤辛，已感寒疾，始於六月，予數日一往視之。逮九月，增劇，予匍匐而還，覺其勢不可爲，不忍言。南麓乃曰：「以星運衆之今歲之禍，恐不可逃矣。正色自若。」命子姪具紙筆爲詩四篇，與兄弟別，臥而書之。思致清妙，筆畫遒勁，以示人不覺其爲病革時事也。復爲語曰：「第平生蒙兄教育，不能副，但事不合理者，不敢爲銘，勿過爲文飾可也。」又曰：「兄勿久戀山林，世事尚須一爲之。」無所歛，深衣幅巾，微笑曰：「豈不增九原之愧乎？」

為先儒所補耳喘既急猶手持予作莫大歎
事役張目曰明日乃爾須臾遂絕嗚呼尚忍言
哉尚忍言哉予念大喪既畢便當朝夕相制磨
以自樹立期建少功業答

君恩然後退耕山林予築於習池之上第居於
南麓之下優游歲年以畢此生無負於親無負
於先師可也豈意南麓年當強壯遽成短折平
生之志百不一遂賁恨沉沉於無涯顧予頽情
不振孤立寡助若有失焉而莫之憫和哉痛哉

鳳林先生集

卷四

四

南麓臨終不亂人咸以為異亦可占其所蘊蓄
矣尚何言娶艾氏禮部侍郎福之女有內行善
操持子男三長之臣補郡庠生娶引禮張寧之
女南麓臥病時臣假寐踰月劬勞毀瘠不自惜
其志如此終當力學以究其業次之民之儒皆
幼女三長適邑庠生彭顯餘亦幼先考建牙於
常德生南麓實為成化戊戌九月初七日子時
其卒也為正德辛巳九月二十七日亥時享年
四十有四卜於是年十二月初六日丑時葬於

鳳凰山之陽先祖忠臣府君并次有南麓雜
百餘篇臣方輯而寶愛之銘曰

天之生材將何為大者梁棟次桷榱明堂清廟
不以需人既莫識天棄之孝弟忠信性弗虧詩
書文字生光輝抹撥俗態曾推移春風秋月吾
自知不貴而壽奚以悲伏枕長逝無亂辭皓皓
鄉評眾所歸寧愧幅巾與深衣蹇予踉蹌其疇
依乾坤此恨曷有期玄宮遂幽白日黯後之稱
者曰名儒

鳳林先生集

卷四

四

明故中憲大夫雲南按察司副使致仕
進階亞中大夫范公墓誌銘

公姓范氏諱祺字應祺別號休翁世為溧水崇
賢鄉人曾大父諱秀之大父諱彥忠俱晦德弗
仕考諱景新以公貴贈戶部主事妣鍾氏繼章
氏偕贈安人公生而穎異童稚已凝重有立未
冠入邑庠聞金陵沈仲律先生擅學行名往師
之先生闢公之文大奇之成化丁酉領鄉薦明
年考謝世公哀毀已甚不用浮屠鄉人化之服

南雍通負者歸清尸外弘治庚午登
毛應榜進士丙辰授南京戶部陝西司主事代
將持衡者稱之有云君人有在重之容范事來
無能之譽有云才不止於掌計行有重於時計
錫勅命階承德郎既擢本部廣西司員外郎
再擢福建按察司僉事奉

勅提督屯政持廉秉公裁以法整為一清豪
身者歎容以避且上疏乞養見一年徵科

奏可八閩行伍數聲如雷尤善刑名學吏抱成

鳳林先生集

卷之七

案立為制新無留獄甲子開科進士者以憂
去當路以公署其事公嚴黜陟善教舞一時登
選者皆名士正德丁卯改秩雲南以逆瑾方用
事諸司章奏皆先關白公難之嘆曰吾視茫茫
而髮蒼蒼矣須當貴何為即懸靴乞休
諸達階中憲大夫本司按察司副使致仕天下
尚之靖獻二十餘年足跡不履公庭惟鄉飲
為上賓嘗一至日惟獨處一室籍閱古今文籍
索筆延坐與談世務及生民休戚賦詩屬賦

以常里人寤之者賑以穀粟好義不能舉者
助以貲故人之懷德者遠近不忘自奉儉約衣
無華飾食無重味澄心寡欲慎動節言皆後學
之楷範也嘉靖改元

恩例進階亞中大夫平時無恙至是忽遘疾再
旬卒於正寢寔嘉靖四年九月初七日也是日
大容慘淡聞者流涕公涵養渾厚不為苛詭浮
誕之行不尚玩戲好弄之事與人交必以誠見
人者若已出每念石室作伸紙類思累千百言

鳳林先生集

卷之四

卷之四

莫繁尤工詩有拙齋集數卷藏於家元配顧氏
繼配張氏鍾氏俱先公卒子男三長倬蚤殤次
僖顧出次倬邑庠生積學有聲張出女六長適
章倬次章濬次丁泗布政使丁君宗魯之第次
端津津歿守節不二次邑庠生郭世亨大理卿
郭公宗堯之子次梁道蚤卒孫男三長曰渠邑
庠生曰潞曰洛孫女三壻章枕劉梓端榜公生
於正統壬戌七月十五日享年八十有四卜以
卒之年閏十二月初六日塋前山之原公之子

以予今是邑素知公乃持刑曹郎黃底
章狀來乞銘嗚呼予何能始予視篆未幾即訪
公於前山已知公之美既而再訪之見其久而
不變心益重之今之人不諂屈以希世則簡抗
以背世希世者爲通背世者爲傲通者溺於利
俗者傷於性寧傲勿通矯枉之過者也孰若公
春風秋月自有龍門伊闕之壁立者哉是可敬
也已是可愛也已銘其忍辭銘曰裔出中山爲
望族英華早佩思樂誦灑灑容內則重爽

鳳林先生集

卷五

四九

恒與秋雲競春風得路世之幸

天王欲遴真才用刑曹詳識百僚動臣職欽哉
惟自靖八閩春雨隨臬應尺籍伍符畫相慶
垢爬癢植僵病疹容妖醜自寂靜禮羅棘闌艱
考訂當路以授公其柄黜浮崇實道由正士習
丕變文治盛于時奸璫惑

天聰四海沸騰人陷阱公獨見幾引真性歸來
黃菊猶三徑懷抱高便山水共箇中吾曾稷真
一畫怡怡極壽命芝蘭鵲鵲班綵映德以致

福非僥倖沉沉九原目且瞑前山霜月落長夢
諛不入墓公論定千載芳名嘆麟鳳千載芳名
嘆麟鳳

貞烈王氏墓碑

嗚呼事有必然而不能易之者理也亦志也氣
也志以理定氣以志從事以氣遂道爲虛位苟
無以踐之雖道何爲孔子曰人能弘道非道弘
人道者何五倫是已天之所以清地之所以寧
人極之所以不墜由夫夫君君臣臣父父子夫

鳳林先生集

卷之四

五十一

婦長幼朋友得其爲夫婦長幼朋友孟子曰道
在邇而求諸遠事在易而求諸難人人親其親
長其長而天下平君人者終必有賴於此而以
山川丘陵辟章法制爲可以固國殆未識焉耳
矣貞烈於某爲姊名淑潔世爲南鄭人先考榮
祿府君節制湖湘諸軍時以歸燕人周公子鳳
於時公子考亦都督陽和諸軍將遣府君訓以
大義不爲悲酸囁嚅態旣歸甚宜其家公子好
書正得鍾王法挽強弓有至兩石者以此致

亦以此致疾年二十二遽歿吾姊毀形截髮號泣臥地家人知其欲死日夜防之繼以鄰媼朋勸曲諭周悉備至牽挽叫呼略不爲聞每撫棺但云俟我俟我踰六日都督公泣謂姊曰勿自苦爲汝立嗣汝旋車邪盡資裝以畀汝爲尼邪爲汝建浮屠翁惟以不死望汝姊徐曰父母不可忘舅姑不可忘但夫將屬纊時誓不獨生肉未寒即背之邪幸賜一死死如甘寢奚以他爲公又泣曰汝憐汝翁汝夫死汝又死翁能忍邪

鳳林先生文集

卷五

五十一

憐汝翁翁望汝以不死姊紹曰願爲尼公喜家衆皆喜姊乃洗沐具素衣出拜怡顏色作聽翁言狀防者散去即經死成化甲辰春三月也按治者具實以聞

詔旌爲貞烈周以書來府君大慟頃曰女得死所矣何慟爲某丙午至京師拜姊於墓所嘗欲表章之而未能今四十年叨甲科兩季官留都各以俸貲至始歲工成事嗚呼吾姊真無愧烈人夫矣所謂婦婦者非歟道於是弘天下於是

平非歟吾聞唐有張巡許遠死國難不二宋有文天祥陸秀夫遷延逮繫間關嶺海終於必死而不二吾姊之死也事雖有小大強弱之不同而以身事人明倫樂善又豈殊乎哉使張許文陸爲婦人其所以自處豈踰於是吾姊爲丈夫決於一死固可爲巡遠而其凌巡掩襲莫遂所懷遲以時日執綺寓前骨肉在世顧盼已過許與念輕懦者其不移情以自汙者鮮矣而百解愈固江流必東涵而激之金石可裂顧不能爲

鳳林先生文集

卷五

五十一

文陸乎某於是益嘆吾姊之烈也姊亡時年亦二十二後公子七日府君諱信都督諱重廉介剛特內外斬斬一時將帥鮮能及之姊實不忝於家聲云拭泪而銘之吁嗟吾姊存仁篤義從一以終浩然之氣上摩高天下踏厚地凜凜英風庶覺來世

提督撫治鄖陽等處都察院右副都御史海陵徐公去思碑

正德間

天子英武厲兵秣馬出有事於方岳于時

慮從諸臣不能奉宣

聖

德意而一二權奸依憑城社隳紊紀綱濁亂浚
內苞莠蠱斬禍馴大逆生民斂斂逋逃相繼強
者倡弱者附豺狼雄黠率爾梗化矣

今皇帝龍飛襄漢嗣登

大位閱黎庶之塗炭憤首惡之貪黷擣我

社稷窘我

國步未改元次第皆誅之身首橫分血屬皆盡

鳳林先生集

卷四

聖

囊橐億萬宅里聯絡悉充帑藏爲官民費獨天
下諸負之在民者既改元又蠲天下田租之半
以厚民尤愈化理更新省隅重任下所司遴選
撫巡以往而襄漢正爲

聖人聰明之所濡染者肅公卿會議

闕庭僉曰順天尹徐某往宜蓋

天子意在豐沛而徐公尹京邑戚里近倖貴家

大族交承枝蔓斷一震百利劍犀鋒餘於盤錯

矣公拜

命單車就道至之日審於利害皆罷行之賦吏

有望風遁去者公雖威望峻厲而文以禮樂興

學校去滯昏禁徵斂節財用練兵講武洗冤澤

物政之所及坐以待旦嘗曰民之流離苦於誅

求也誅求之急官吏爲之蠹也去危即安詰厥

偷竊依傍險阻朋附豪右飽於一朝困於終身

生爲無聊之人死爲異域之鬼其可憐哉萬一

橫戈長呼訛言繁興不假名號靡然水流異時

劉石之禍殺人如麻骨暴丘山上屋

鳳林先生集

卷四

聖

宵旰之憂長老楚楚至今以爲記剔蠹培基茲
其時也乃請於

朝

天子可其議降

重書得便宜惟民事之從不中制公乃會藩臬

重臣擇郡縣衛所之可任使裨新政者規畫條

制寬而不苛情俗去留通而不滯令下民爭效

誠相率以來後不踰時未三月荆襄鄖漢汝南

商洛之地得戶二十二萬丁口五十萬各有

奇補漏奇殘版籍以充主非淵藪客安鴻鴈賦
役均平盜賊衰息三方晏然天下欣悅

天子嘉其績擢公爲南京戶部侍郎既去掌行
閫事馬聰掌府事李某掌衛事孫昂掌縣事苟
某掌學事范某因民之所思嘆公之遺愛遣使
京師告某記之惟天生民牧之以君不能自治
任之以臣大臣察而恕小臣勤而廉斯臣職舉
而民計安上不負於皇天下有憫於元元然因
時低昂進退顧瞻往往懷身家希寵遷君子之

鳳林先生集

卷五

五

所以自待者遂蕩然矣曩公念親之老潛伏林
麓爲養者數年在給舍直言極諫屢遭逆瑾之
酷亦未嘗少有言生平自立如此故其忍性動
心明體適用見於作爲非尋常者可企焉某最
愚處貧賤久公首以禮下之崇卑分絕流俗咨
嗟濡濡有轉移功碩夫鉅人世豈能測識也哉
今公復入佐

廟廊矣推一隅之福以福天下固公之所存抑
亦天下之人延頸以望於公者也深仁備慶

謀淑軌汗青輝煌紀於太史維茲蕪辭莫既厥
美錄於貞珉示民永久公名蕃字宜之爲弘治
六五名進士云

吳白雲郡馬襄石銘

山名山也襄山主人妙人也襄石又名山之
而妙人之所愛者出於荒崖絕壑草田野露
之間置於秦樓閣之上以與春杯夏簞高人
逸士爲伍與假山爲至幸非不遇也假山之
說具在有所警否乎爲襄石而不爲假山非銘
者之志也嗚呼妙人之盤盂几杖在是矣妙人
以爲何如銘曰猗嶙峋兮有其真兮于嗟人兮
珉兮珉兮

鳳林先生集

卷五

五

太和堂銘

溧水縣後堂扁名

大之生人懿哉恒性五倫萬物厥理自定人惟
不行達道以病匪曰斯民過在於令而我腐儒
實慚自靖奉此一心沛之群姓士夫相安吏民
無競惟僚惟屬怡怡通共遂顏斯堂文章昭映
風流將來世道之幸祝規有詞此感彼應

溧水縣樓銘有序

大明嘉靖癸未予自西臺試政出宰溧水又明年丙戌積滯漸通民氣稍樂乃尋制之未善者因取譙樓之鐘而新之嗚呼今之人戀情於千載之下後來者仰慕於千載之上虛堂風雨聆百動懷蓋有不勝其慨嘆者矣然而風烟逝波洪史變滅不有遺在其何能存叙以識歲月復爲之銘倚此器賦曉警在公達庶門勤乃庸慎厥存用斯流表化元

鳳林先生集

卷七

七

光化縣序志傳

境有圖遵舊志且便於覽觀也次之以疆域記其遠近濶狹表所接之壤也次之以天文地理沿革天地人之制也山川邑之文也形勝自山川而出也戶口則依之以居而風俗興焉居不可以無田田不可以無賦使藩籬頽敝無所梓禦則生不繁故次之以城郭土穀之神爲民興雲雨節寒暑而庇焉者故報其功公署則統民政之所使善有所勸而惡有所懲

鳳林先生集

卷八

八

奸猾息苟徒以威自蓄黷貨其心負國甚矣然先神而後人則與有幽明之責者也政莫先於教故學校次之古之學者爲己其終至於成物今之學者爲人其終至於喪己有志者當知所擇矣而况以科第爲青紫之媒患得患失無所不至又失之遠矣坊市著於邑鄉都著於野而人物之產於是土者雖品類有高下生植有美惡則皆所當書也平原廣郊丘垤在望池沼之下亦欣細流吾有取焉受封之君如蕭如鄧與夫後之名宦皆自他方而來蒞者記其貫址及其善政不敢纖芥遺昭美也職官則述其履歷歲月而已必鄉之人物而後宦遊者自主而客也祠宇報有功者主客之所共也宮室亦其人之所造作道息也橋梁道路之功行者之惠也寺觀不得已而存之者也桀黠之徒窺見間隙來入中國以蠹我藝倫毀形絕類自便於荒涼寂寞之地幸而今之徒能遵其教而不能精其所以爲教衣食賦役與齊民等是蓋不鋤自

不啻自滅者也而吾儒號爲聰明者反空談性命墮於其域而以爲自異於人人又有練形辟穀以冀於遠舉節炭慎期以役智於河上嬰兒不亦皆之甚乎陵墓惟賢者善終始得書之以表首陽之義而古蹟記其所在與其事實英雄之志廢興之情盖有不勝其感慨者矣藝文之載或鄉人或宦寄與夫東西南北之交遊旅道路而勤舟車者皆得存焉去其繁鄙正其差訛以次而列之雖工拙不同而情況則一

鳳林先生文集

卷之四

三十九

蛙吟蟬歌逢時自出高岡鳴鳳聽者聳然反復低昂於斯鑒矣其下有附書者頗礙倫次第恐單辭緜例故以類從焉

武昌縣醴泉井傳

弘治壬子長壽聶公賢以庚戌進士出宰楚之武昌公自少有志操嗜學問既登甲科來蒞衆精神盈盈踴厲風發政漸通乃曰水火人用之不可缺者而邑朝故無井汲於外徇鑰斯不嚴錢穀獄犴脫有漏泄弊滋民病吾民堂下鑿

井便惟時丞簿尉咸以治處高阜不可公曰吾當之乃擇日沐浴禱神於廳事募善工令左右鑿一尺許氣若滋甫三尺左隅者隱隱有物啓視之如甕而無下端銅體漸敞則舊井之所覆者既深泉見香冽溢湧勢不可遏遠近觀者如堵其老長曰昔有聞醴泉井在縣庭今賢則泉出久而無驗閭閻口實遂以忘今果然公不以爲意明日老長有持邑故乘來者半爲風雨蟲鼠所汙壤字漫滅不可讀幸可見者如昨日之

鳳林先生文集

卷之四

六十

言諸老長拜且賀公亦不以爲意但舉手曰俾吾政之成者此泉也由是重門固鑰啓閉以時裏言不出外言不入吏無以旁緣爲奸令下民始知歡趨之公惟教養二事爲急賦歛條目額外悉刊落有不得已踈簡而徐應之邑薦屢乏人公擇其俊秀親爲講經籍大義點竄其文詞又學宮所向陰陽家謂龍虎山弗稱公變盈益下令宜後登春秋榜者數人未幾以麻城邑大劇換公乃績益德

公爲有御史進言漢泉再歷楚遂長憲
善以公務適省得謁公於座下公曰往歲武
昌醴泉之異子聞之乎因道其事俾述其梗槩
嗚呼此亦足以識公矣今人有一善朝爲之不
俟暮即暴白於人自予子距今且三十年公始
及之是不眩名祿能以喪其自守之實者然感
應之間固有嘉禾芝草珍禽異獸不獨醴泉爲
也載於史冊斑斑可考而公不以爲異懼其惑
也惟繼而爲令者爲士爲民庶者捫其井食其

鳳林先生集

卷十

六

波思以步其軌以無忝承於前人自脩飾服膺
以畢力於孝弟名節勤耕耘蠶桑以無飢寒其
身俾流於不義則公之澤雖遠而不泯矣公位
益高澤益溥風行海流濡染天下於以培植
國家之命脉於無窮則自茲泉始也且公在昔
出入按劾風裁凜然車轡所臨雖炎荒燹徼無
敢慢者值逆瑾諤持

國柄荼毒生靈挾黨與無賴之人以制縉紳上
天之命蔓延窺覬禍馴滔天公先事識微

官去瑾敗起家撫流道於荆襄方當紀綱
亂之秋民物嗷嗷王風傾蕩公極力綏復之
水橫發襄城不浸者二板水去城頽公調役市
材率有程度並增築大堤民賴以安於凡廢墜
以次咸舉而古先賢達之所遺尤慨慕焉及長
憲檄至單車就道猶以衣廩史籍爲長物其所
區畫經費前後檢拾簿錄明甚正位之餘清操
愈勵強者畏而弱者懷嘗曰黎氓凋瘵極矣暴
犯者於堂下吾據高案濡筆運思慮奇請巧比

鳳林先生集

卷四

六

律辭有章以彰吾之才以服群吏之情犯者叩
頭首服不敢異出副其罰貨田宅妻子以及於
死亡文深之酷吾見亦多矣其如無知之民何
哉矇者行道墮於阱是之謂也若其大奸宿猾
虎噬狼貪吾固加斤斧不使得少藉以賊吾之
良善書曰欽哉欽哉惟刑之恤哉易旅之象君
子以明慎用刑而不留獄聖者之祥於刑如此
吾固不敢忽也公之立身大節廉正光明蓋匹
於古而無愧由後視前則醴泉之應非偶然者

耳目所聞見以收諸公論立言誠難惟其實斯無弊苟因泉而讀其文竝考公之始終載筆者其無憾矣

論曰氣化流行潛機默運天人一揆微顯同經龍驤而雲蒸虎嘯而風冽自然之應非智力之所及也厚積者吾之誠善應者神之貺吾志不孚神謀周適後世情波既搖醇源浸涸各懷一切莫慮及事視氓庶如芻毛處厩舍若逆旅

鳳林先生文集

卷五

李

斯在廷有曠官之誚天下多無聊之民公懇懇劬劬日勤其位志高意廣敷竭賢腸奮鍾所臨神相其用基符宿曩督塞效靈流溢汪洋沾潤濯既遂使閭閻之限險若河山佐史逡巡自恬清美事罔盜聞奸究之售布令以嚴使民以悅令行民化政以大成備哉君子之在位也往有祝泉於渴禱枯於深皆戎行猛士感憤激烈之所鍾未有番紳正笏雍容怡愛如公之可矜也贊曰惟陰之極泉用斯出功涵積潛為地

荷惟地脉與

國脉通惟公濬之育民寧邦

希疏陳先生傳

先生諱鉅字文堅系出古靈世為閩人高祖諱天錫勝國時建陽尹曾祖諱昭祖諱珪考諱叔旦皆隱德弗仕先生少有大志天性孝友剛方祖篤儀容偉然業春秋庭訓之餘游郡儒高公昇之門高學古少許可見先生獨嘖嘖稱奇以故學益充一時士大夫咸推讓之成化癸卯鄉

鳳林先生文集

卷五

李

試得首選會有以事中傷者遂落第先生亦無悲色省憲諸達人爭先以禮致西塾教其子弟先生寡言笑規度罔忒在門下者視顏色俛仰不敢譁正德丙寅以學優薦於春官入試

大廷內翰劉公春適主試事見先生文稱不已尋授襄陽縣學式教縣以春秋為孤經鈔有習者聞先生來皆喜於時督學僉事陳君文明知之乃擇秀偉者令先生傳授陳去繼其付者考覈之果有成由是益重先生學舍歲久門堂皆

傾圯先生爲飾之不煩有司且植以名木於舊
幽鬱人皆改觀科日爲益盛時流賊大作巡撫
公檄先生草露布立就遂荷優獎再考擢

徵王府伴讀乃慨然曰善及人足矣何用久淹
仕路爲卽買舟歸鄉里先生未仕時事親無違
志及居憂率禮無間期功之喪亦不苟廢意古
道可復於今也待宗族姻黨一有恩獎善恤孤
俾各成就見人夸繆脂腴者深惡之然亦不輕
絕也伯祖暉謝政家居嘗曰亢吾宗者必某謂

鳳樓先生文集

卷五

李五

先生也及棄官歸萃親友談古今人物風俗善
惡日以忘疲因自號希蹤道人二邑得先生之
教者如和敷兄弟馮冠王宥皆登科甲沈瀛張
金輩亦彬彬然蓋先生聲竭精微故其人才有
成如此先生之配朱孺人甚和順通論孟大義
事舅姑謹積久未嘗怠尤精祀事妯娌以和減
獲以恩無貴賤少長皆悅之少先生一歲蓋先
生以身行道故其化內驗如此二子曰則大曰
則清清字君揚先生親教之講究經傳遽不日

鳳樓先生文集

卷五

李六

授今自求意義有未得者微啓其端嘗曰吾家
自宋以來迄於今不絕所積圖書數百年如故
輝晦相乘清其勉哉君揚遵教不少弛領弘治
甲子鄉薦登正德丁丑科進士出身先生每戒
以脩治之要及出守泰州輒舉古之人以訓之
又守神守滁俱京輔名郡有聲聞及滁適歲大
旱人流離君揚節縮錢穀勸貸有方日夜徬徨
憂形詞翰非苟外飾而中漠然者由是觀之則
先生所以教其子者其驗又如此先生病革神
志不亂區別好惡如平時可謂始終無愧矣先
生之壻有曰林炳者亦領鄉薦來教襄之宜城
介特自持上下咸敬愛之是亦可以觀先生某
襄漢野人最迂且拙辱先生引掖甚至又君揚
與季第同榜相友愛甚深持君揚之狀信先生
不敢疑以稔於目擊耳聞故也後欲考先生者
視此焉而已先生生於正統丁卯卒於正德戊
寅享年七十二

論曰若先生者謂之善人非欺蓋其德積於躬

形於外齊寧化育英才舉有所得人之所以快於先生先生之所以自快其必有道而非偶然者世有妻其夫子逆其父弟子叛其先生雖其風流波蕩漸染下移而為夫為父為先生者將亦不足以服其心歟何其怪異也先生其善人哉吾聞甫有林素翁者近代之豪傑使得見先生則必忻而慕之擇而揚之不但泯泯而已聲應氣求理固如此然則先生生順死安其真善人哉

鳳林先生集

卷五

七

送白亞參轉江西帳詞

恭惟參佐白先生執事體貌莊嚴性資明粹胸中收東海之洪濤文字奪三吳之秀氣鄉書早領空中月桂芬芳甲榜繼登

殿上宮花簇簇

國儲重計民部郎曹水戶常經江州粉署直道不容別駕賞廬龍之景大公稍振貳邦賦綵蜃之樓涇隴邊區萬竈望梅於輸玉河川巨盜三平熾焱於滔天僉臬於秦關瑞市之恩慶沛泰

藩於楚地探轂之績頻收是固賢人君子飽經濟之才抑亦名山大川發肺腑之秘賞功之典未行

簡命之書又下華制乃履饒信瘡痍新府森嚴洪都尊重將收塗炭於欠伸之人寔係

國家於康寧之會某等萍水風波稔識王此鄙於座上柳筵俎豆共拔李司隸於舟中備在駁奔修雷觴而莫遂意當遠別觀仙駕之蓋悲聊成無俚之辭月表留連之抱歌聲載發醉思借

鳳林先生集

卷五

七

濃其詞曰

白鷗江上試看綵鷁青簾笙簫聲濤曉首高名鹿門雅調何處使君赤棒四年南楚謳歌一日西江懷想且休道賊請熊罴功登新狀○舊雨桃花浪不負平生正是吾儕樣彭蠡深青匡廬古秀又遂昔遊豪放人間湯火焚焚腹內詩書趣向願使君再展經綸白階路

本調舊遊篇

送周通府致政帳辭

亦惟某執事與此通明潛心錦繡鄉園早播

殿榜繼登襄授職於奏鳩恥近名於乳帟

天子慎刑屢下欽哉之詔秋卿重士每加展也

之稱求其生而不得固無憾於青真直其道而

難容似有蔽於白日遂輟職環之座下懷俸郡

之符心計錯鉢買豎至今為屬歎存遲拙道州

豈是常流乃復掛冠飄然遠引行將抱壘樂矣

漫遊扁舟浩渺一輪明月臥姑蘇振劍奔騰千

尺高風凌華岳某等官維某義若兄弟侯顏

鳳集生靈

面之莫留某事焉而致微再伸鄙意繼以應歌

其詞曰

龍樓月殿曾聞桂研千枝金隨百鍊東吳豪傑

中土精英名姓兒童共羨翁坐手持三尺詳聽

心存一念更可堪納壘嶺連山南諸官○國計

愁枯歛斂蒼蒼磨磨光爛思華高步動動

餘風未許昔人獨占歸舟琴鶴爭清席席騰騰

相戀人都道丹籍題名世間難官

右調喜遷鶯

送張撫民門貴州憲長帳辭

恭惟憲長某執事威重如山學深似海螢窗

志蚤聞丹桂飄香鴈塔懸聲喜見金花映色

采動

朝端引聖經而議禮封章投檻下效良史以為

辭道直左遷於小郡時明上擢於高臺漢水澄

清妖狐俯首楚山競爽瑞鳳騰輝兵民沾浩蕩

之恩文武守宰繩之教方春陽之飽挹忽

天詔之下臨憲府尊嚴兼神明於中位惜城蹊

鳳集生靈

曠通法律於下方蠻徽有干將行見烟嵐之盡

掃窮鄉寒蛇虺振聞景慶之頻瞻某等辱愛殊

深懷簞甚切慨仙駕之雲移望使星而日遠爰

成鄙俚之章用竭涓埃之報職歌載發席酒盈

胸鵲棹長飛斗山極目其詞曰

秣陵豪俊昔聞金榜題高至階登峻儀曹典重

繡斧森嚴允合當時公論揚眉疊疊怡怡隨手

文章渾渾人都道李杜聲朝斐龍入禁○回首

山南郡黃蓋翩翩黎庶謳歌盡峴首同風臨中

迹輪外對狼宵近一朝

人寵頻加萬里南荒獨任會須看公輔求賢朱
絲補袞

右調喜遷鶯

送葉掌教帳辭

共惟心齊葉執事西江俊傑東魯文章鵬路高
騰丹桂秋香馥馥鱣堂大啓黃槐曉市彬彬犯
手陶鎔良器若金泥出鈞冶放懷歌味和聲類
絲竹被宮商六年持鐸鄴上移風一日飛章叙

鳳林先生集

卷六

七

南政轍某等宦遊共地交思同情投分實深邑
乘每勞於芳表離筵伊邇仙槎直入平丰牛爰
賦狂歌用申微抱鯨波此際帶長亭涼颺暮雨
鳳闕他年求散秩麗日祥雲其詞曰

蚤歲詩書入夢酣家世舊衣簪藹藹文聲誰不
羨自登雲便駕仙驂絳轂帳前金口杏花壇上
春衫○青衿入穀盡梗楠嵩華仰高山一日
天庭重點勒馬頭檄紫印三鈴又挾六經秘籍

海宇西南

右調雁入松

送彭南峯大參進階帳詞

恭惟進階嘉議大夫某執事昂昂氣宇灑灑胸
襟蚤掇巍科身歷司馬郎官之署繼衆遐省治
諸侯大府之權挹昆明以洗心攬點蒼而拭
目華夷共戴風雨獨奇一朝興起南山萬里章

北闕

聖恩珍重老臣得遂於丘園金帶光輝要職愈

鳳林先生集

卷六

七

增於崇峻固當

今獎恬退之典實自古敦德義之途榮謝兩疏
高凌二仲某等忝守官於名土况結誼於燕金
逢盛事以颺言式勤燕賀滌餘芳而載筆用效
嚶鳴其詞曰

識破人間名與利秋風蚤動思尊意青山面
黃雲裏神仙侶梧桐明月成佳趣○六詔棠陰
丰采異光騰河漢來

天使階崇三品榮嘉議詩書功成白髮唐虞

除

右調漁家傲

送楊大尹公帳辭

恭惟執事者豐城望族周易名儒早擢巍科丹桂香中首選繼登文陛瓊林宴裏高排欲觀學道之功暫授牧民之職借誰大鼎烹此小鮮積弊一新倒峽波而洗苔蘚群奸自息鼓天風以盪羣毛才如卓魯之能政有程朱之味康和黎庶震動縉紳寶劍騰輝瑤琴嗣響三年嘉績上

最於

彤庭百里春聲考成於信史攀轅莫及截轡難留顧茲同宦之情深蹈躡行之嘆六曹墮泪萬姓傷心稍頌德於篇章幸伸懷於綵幣鵲舟輕漾蕭然行李出襄樊牙斧高持展也神仙歸殿闕壺觴載竭離思與酒思並濃風雅初成天道與人道甚通聊歌一闕用表寸誠其詞曰
蒲縣桃花千樹柳武城小試牛刀手風和日煖十分春處處來麻皆賦畝玉人持墨綬太平世

具仙郎偶五車書展裏文章金榜常編舊○傳
簪不與閑分割

唐廟風雲鸞鳳友數條未許古靈先四知肯落
關西後功名方黑首峴山漢水崗長久願借冠
私心未忘舉頭瞻北斗

右調歸朝歡

跋景筠集後

人不能無思思非其思則妄景筠其善思哉則
凡所以孝其親者宜無不至矣不然想其物而
鳳林先生集卷之四
不思其行失其為思是景止於筠豈不失其所
以景哉景筠二子咸業儒有妙趣能文章見賢
如不及無乃得其景者所以使之然歟嗚呼思
不可不慎

題桂坡懶樵卷後

桂坡懶樵金谿黃才之別號也懶樵昔嘗挾其
術來遊於襄能斷人之吉凶後當窮通成敗皆
驗人以是重之今年再來其術益精而交於縉
紳士夫也益廣特道西北觀於晉魏梁豫之區

而出其卷以請予季方泉爲申之嗚呼命之理微矣自夫子罕言之而況於其下乎蓋其二氣五行相摩相盪一出一入氣凝而爲形理降而爲性性無不全而氣有純駁以故窮通壽夭生爲古之人盡其性於我而以不可必者付之於天無一毫希冀怨望之心當是時也懶樵之術將安施乎殆及後世忘其性不信其命汲汲焉惟功利之趨興馬宮室妻妾飲食之奉而已安有不取重於斯人以慰其自濟之謀者乎或有

鳳林先生集

卷五

五

一人揚眉瞬目標榜於市必將匍匐而就之曰某富某貴則憚然喜曰某貧賤則怫然怒攘臂而欲投之是其貪得之心思僥倖於一定不可移之外而喪其所以爲人之理背天而信斯人背天謂之亂德信斯之爲人則其所以自處與人之所以窺我其高下淺深可知矣豈不惑之甚哉卒之毀敗齟齬覩然於世人極於是不正而天理滅矣此非斯人之罪也自誣者以陷於此耳因廣之以詩曰春去秋來只自宜人間風

雨夢醒時桂坡亦有探玄術莫問懶樵知不知懶樵曾業儒有禮貌與鑽刺貪黷者不同尚其味予之言而審其所以爲術斯不負諸君子之歌咏而予雖以言獲罪亦所不辭云

讀徐迪功集書後

昌穀二冊亦文人感慨之一體耳爲當時識者所重者質其衰乎學者但當從事於內以發其自然之蘊則本同而末末有異者矣聖賢經傳其在讀之使人欽衽者果在於道乎抑出於風林先生集卷五

七

書嘉魚李端采卷後

天下之事不倡則不起然倡之者無具則亦不能起之也俗學沉迷文章壤爛士夫奄奄無氣節白沙陳先生倡於嶺南天下從而興起者衆矣東菴大厓二先生倡於楚天下方翕然信之高簡廓落與物無競甘貧守道坦然中夷東菴之爲翁也嚴毅方整微示主角如沸如羹屹不

爲動大厓之爲猶也二翁獨得之妙執中之見
雖非後學所敢妄議然見之者勃然流汗靡
靡然心醉則某之所親辱也徒恨頽墮不振以
至於今上不能霑一命以事

君又不能耕田以養母進退無所據矣日月未
淹二翁云逝駟車既傾指南爲東又何遂於逃
迷耶今年旅寓建康東嶠公子李端采來過儀
觀沉沉有二翁風致念昔端采侍黃公山樽俎
超走唯諾見賓而喜今又相見於二千里之外

鳳林先生集

卷五

七

二翁已未化則爲之悽然傷心而變色世有斯
人登倡道之壇懷登壇之具而我首玷門墻墮
坑落壑親炙如此尚望於聞風者乎此予之罪
也嗚呼世之號爲儒者曰吾學聖人之道異於
人而已來衆人之嫉矣及其得志高宮肥馬厚
爲積蓄嚴色玩好甚於流輩方欲自高大其志
乃出於衆人之下何以厭其心而享吾之榮名
相激相勝展轉浮沉適以往還禍機而重貽縉
紳之辱使世皆如二翁者將屏息伏從之不服

事處會益思二翁之不可得思之而九原
不可作又爲之掩戶而出涕端采再過挾大厓
翁亦見示明日東來乞言李氏一庭之間父叔
兄弟自相師友浸淫流潤五十餘年豈鄙人所
能窺但以受知於二翁最深使斬於一言亦異
於曾子矣故述其平昔之所存與今之所感并
以望於端采歸語端表諸君有宋程太中蘓湖
諸父子爲我再申勉焉某迂拙不敢墮二翁之
教諸君亦當不負愚言謂之興起而後可

鳳林先生集

卷五

七

書李君譜牒後

昔者春秋之意夷狄進於中國則稱之中國而
夷狄則夷狄之陳相以華從夷大儒深斥其非
中外之分甚嚴也李氏以沙陀之部落世爲中
國將相充其蜂蟻之一偏以就彝倫之正當其
功業又自偉然於時是並可嘉也已我
太祖皇帝用夏變夷其功比於崇伯子漢宋皆
不及也李氏之族復以縉紳顯是又承

大君之意而光其鼻耳者李君齡振鐸襄陽爲

其譜而頌之

題王春泉食菜窩

不食肉食菜非違俗也先民之言具在蓋其清
曰介苦常出於葷血脂膏之外故其立也堅其
行也果無慾然也使食菜者不能一有所爲則
又不若食肉者之有爲之爲愈也滑稽突梯如
脂如膏諒爲是窩主人之所棄嗚呼審如是何
取於食菜也已何取於食菜也已

書方大尹鍾離瑾善行卷

鳳林先生集

卷四

七

嗚呼此鍾離君之絕行也視前令之女先於已
之女一也撫其流離不以存亡夷險二其心二
也以德感人而許亦化之三也涇川憲使書以
贈侯者豈無意歟蓋以士之自幼學也食

君之廩餼收名於書冊而今之民則

君之赤子也視人之女猶有甚焉者而侯其何
以報之哉不獲於上不獲於下而吾字民一念
未已是亦無所擇於地也聞風而起者將繼其
踵其惠豈有涯耶然仁民自近吾享祖宗之澤

貴矣富矣而族之人豈無飢寒者乎親而兄弟
豈無不得其所者乎苟先後失倫所謂無源之
水雖欲勉強以推之徒矯激以立名耳其誰信
之侯和易仁厚不爲崖岸斤斧則所存亦可觀
其大畧矣若夫爲善食報亦天道之自然疾固
無心也

題墨花卷後

石翁長臥林藪悠然遺世文章道德鳴於中原
蓋賢而隱者也休翁登高科歷膺仕進之所臨

鳳林先生集

卷四

八

士爲之化蓋賢而顯者也二翁今皆爲古人矣
不可作矣南嘉尹春江之先得二翁筆翰謹載
之過於金玉所嗜之正臭味同焉者也春江早
有才名氣槩落落謂卿相可立致一日曰吾不
偶於時而吾親老尚可冀乎乃以貢士舉出判
武昌迎太夫人於治所慈祥明斷懸懸爲民雖
恒忤諸人而自信不惑由是上愛下順政漸以
通暇則吟哦諷詠士大夫亦往往丐其篇章春
江亦無所靳惜嗚呼世之在尚位者徒昂昂自

將在下者或得一行其書者今自看定論固不得以彼而易此也因讀二翁詩併及之

題表國史所蓄戴文進畫

山人與龍泉先生論古今人物謂宰相有天下之責當有容天下之量不然一身且無頓放處况天下乎君德不脩生民不治凡以此也我朝泰和王文端公爲冢宰時每愛錢塘戴君文進之畫嘗寓之書云予愛執事之畫十年而不忘其鄉人聶君大年見之歎其尾乃曰公愛文進之畫十年而不忘使公以此心待天下之賢人豈有遺才哉公得而讀之深自愧悔但云老負此累聶早官也不意此言達於公公亦不罪其議已乃服義如此弘人之度優矣故當時功業毗於社稷卒爲

一代宗臣至今仰之若景星慶雲量實有以成之也先生乃出戴君畫一幅命山人筆是言於其端畫之座右恒覽觀以自警且欲風示當路

山人曰唯

與胡紀賢士

小技也苟不精於其術其罪與註本草誤者同世之庸妄者爲衣食計固不足論號爲良者不過視脉理緩急竊古方書幸而中自以爲意蓋不知四時之合五行五行之配五臟以藥治病以受病之處合五行以五行詳四時出此入彼遺粗求精世之人躋於仁壽之域者真賴於若人而今不見之予作是文偶有感於

今之儒者大冠絳衣稱名當世其爲業也剽竊補綴按卷有譽譽於賢聖之精微志行之趨向漫不經意聞或有之衆聽而按之則且下石焉必使佞佞倪倪若無所容而後已嗚呼豈獨賢有罪哉江西胡君紀所謂若人者非欺君其勉之雖有攘臂而扼腕者不以自畏可也

紀事

財貨於人不可一日而無者而君子視之則後然無所好諡利之所在必爭而樂乎此者必

乎義也又得失在物不在其人君子者不以得
喜不以失悲於道亦庶幾矣浙東蔡芳茂之過
彭城偶遺白金半方視之知其不以爲意也且
問之曰心亦稍動已又不覺其不見以欺人也
予益信之嗚呼竟甘已至以及其未至審於其
小而力乎其大則千則之貴萬鍾之富將不待
他求而知所以自立矣因書以自警

雲林翁集

身雖冠佩與則神仙溪山風月歌事雲烟青圖
鳳林先生文集卷一

以酌白雪而能享子之尊樂務之賢者沈
積而朝霞竟吾將求此是於七十二臺之上

陳鈞君集

癯乎其容方乎其體春暉橫鶴秋清濯龍觀其
形絳衣大冠者固於人世求其心任其體分自
得乎天要剪剪勞勞汗流於珍瓏之肆于子徐
徐步騁乎沕穆之風倚太行之危巢望古聖之
遺踪汲沈澁於手南金雲霞於日東豈但觀乎
天王之寵再將開於蓬萊之宮也歟 四卷終

鳳林先生文集後叙

考功集凡肆卷

大柱史漢樓先生命而校刻之者也余
自有識以來卽聞楚有王鳳林氏云其
人亢絜不群雅自好脩得白沙陳先生
正藏於李大崖先生私甚慕其人已而
入仕宦遊則先生久已矣活林泉矣昨
叨守楊漢樓先生以先生私矣是集不
可以無傳也遂以厥子希鳳君所出遺
稿命余刻余讀其書若文果與昔聞不
異因信鳳林人品之不群當如其文之
不凡也嘗聞君子不知其人則視其友
不詳其行則考其言昔蘇子美沒後其
友歐陽子叙其文而錄之而蘇氏之文
遂盛傳於世而不泯何者天下固重下
美而尤信歐陽子也惟我

漢翁名世人豪德勛懋著固人物之標
衡也矧先生之德行文章文爲漢翁之
所親頌者此余於先生雖未識其面而
先生之爲人蓋驗於漢翁之所述者而
益信矣譬之梁鏐泗磬楚鐵吳鉤雜然
並陳而辨識品題之者則博雅君子也
人有不信其爲希世之寶者哉不敏往
守曹時辱知漢翁有年矣茲以親炙於

漢翁而得以私淑於鳳林廼知白沙之
學得鳳林而益闡鳳林之學因漢翁而
益著其所繫涉豈小小哉孟子有云誦
其詩讀其書不知其人可乎余於茲集
固有可由知也刻旣成謬識末簡如此
若夫先生之文之詩之策則已悉
漢翁叙述又何庸於余之喙云

嘉靖丙寅歲重陽日中順大夫知揚州

府事昆陽後學少濱衛東楚謹書

王鳳林文集四卷詩集三卷

浙江汪汝霖家藏本

明王從善撰從善字承吉號鳳林襄陽人嘉靖癸未進士官吏部考功司主事是編乃其子之瑞所編多牽率應酬之作千頃堂書目不著錄殆偶未見歟

中川遺稿三十三卷

〔明〕王教撰

北京大學圖書館藏明嘉靖三十九年清白堂刻本

附《四庫全書總目·中川遺稿三十三卷》提要

中川遺藁序

中川先生王公汴之偉人也余
少角時與之友先生長余十歲
余兄事之稔聞其緒論多所自
得之見弗襲前人成說雖間有
涉於好奇者而未嘗不服其高
識云正德癸酉余叨領鄉薦明年
甲戌登進士第出典方州先生大
器晚成時猶淹邑校為弟子負
丙子先生始舉于鄉越八年癸未
進士及第翱翔翰林余与先生
不相面者二十餘年停雲興懷莫
展言觀先生則位日以崇而名日
重矣辛丑仲冬先生沒越十七

丁巳嗣子在任仲菟軫予遺
文若干卷屬序于余且曰先子平
日著述多弗存藁比訪求遺逸
僅獲三之一耳惟公念夙昔交
游之雅乞有以題首簡余披覽
決旬則以復曰以久辭傳世紀先生
意也先生學窺本原志在康濟居

常語人曰通天地人謂之儒是故性
理之學經治之略吾不可不竭精力
以研究之乃若摘詞染翰我

朝文人才子亦彬彬乎盛矣至於
六之治體何補哉吾賦性蹇拙詞翰
誠非所長然亦弗願以此成名于世
楊雄謂雕蟲篆刻壯夫不為吾心

竊恥之嗟嗟陳斯多也先生豈肯
移敬神往多之用之室多以逐時好者
哉敢官止少司馬書止六十三
歲弗得升一第三事以川而學少
願至康富斯民之志尚論乎世者
生有以識先生於河章篇什多表
者乎昔邢顥為曹植家丞史稱于
防陶以程顥顥弗合而庶子劉植美
文辭植最親愛之植諫植曰君侯採
庶子之善而忘家丞之秋實為乃
不可邪友工於詞翰而自知其益
古鮮生人也而植之友如此生不以筆
廢實文滅質之過行明矣然則植
少賢生乎讀先生遺文者尚當

以是求之

嘉清三十八年夢三月上旬

賜進士出身奉政大夫山西提刑

按察司僉事致仕七十二公羽大梁

李涵頓首撰

中川王公遺集後序

竊聞道因文見文以人傳稽古者之確論也三代以還澠淳邈邈不遐悉論自周迄今漢之董賈唐之韓陸有宋周程諸子之外得歐蘇焉俱有文集行於世代誦其文定其人而邇其道未必不可傳也其他風雲月露政教不關所謂覆瓿虛車者殆非妄肆譏評者矣余於

今上龍飛丁酉以來每計偕都下聞公名震中朝聲

馳寰宇繼又聞中省方伯妹翁確齋代巡姪岳衡陽

中川遺集

後序

一

清白堂

云中州之傑如浚川中川復泉東阜杏東諸公皆勲業著於廊廟而文章書諸簡策於時聞之思欲觀其人而誦其文不可得也越二十餘載已未余就選天曹仰荷

明聖叨知儀封詔下之日余鄉黃門烏菴諸公咸曰先生可也余謂云何乃曰方今邊陲多事惟中州差安且名公鉅卿多出茲土爾之治邑蓋十居八九矣考其文章而則其行事其於治也何有余乃作而歎曰孟子有言誦其詩讀其書知其人而又論其世

凡以景仰前修企慕往哲欲其善政教以安民書業以報

主也今茲邑諸公道德功業名冠一時即古輔弼臣隣之在二帝三王漢唐有宋間也儀刑在望典訓斯存師之以安民藉之以報

主官箴可守而尸素無譏其真可賀也及登堂閱衆則整肅而恪慎焉紹介延賓則謙雅而暢確焉詢其人曰某浚川公之後也某中川公之後也某某公某公之後也既退而閑庭篋笥圖籍充盈視之則諸

中川遺藁

卷序

二十一

清田

公之籍咸在而中川之籍杳然每以爲歎視事數月其賢嗣在什整冊而進曰先君之文遺逸者多矣謹爲收錄得三之一耳梓旣成嵩渚公序諸首簡矣願公序諸後何如余欣然受之乃曰先君之道德勲業聞之稔矣獨文集未覩今得而序之余之願也于是披閱旬餘覺先生之文諸義皆備析靈靈應報靈等賦即董子天人之策也廷試十二事之陳即賈誼治安之疏也易詩書圖等論非田長城等篇即韓陸原道仁義之美談經書講義冠婚諸禮即周程諸儒

之正脉奏議兵陳非歐蕪二公之著述乎其他一吟一味比義屬辭莫非敬天忠君之意五倫百行燦爛盈篇其至真至切昭合帝王聖賢道統之要者肆言盡之矣其曰何如謝浮濁抱一還至真又曰含精保真元無期等天地公所謂通天地人而後謂之儒者可以仰窺心法之密矣此豈操觚染翰吟鳴風月以資笑傲者之所能哉吾謂韓柳歐蕪之集亦未有此高識也嗟夫吾二十餘年願見公之儀形文藝而不可得今雖未覩公之面貌幸見公之文集又見公之

中川遺藁

卷序

三

清田

賢嗣矣且登公之室堂瞻公之廟祀矣與親觀公之儀形者又何異哉且冢嗣溫恭博學今貢於鄉行將大發以揚先烈次嗣確雅通明孝友慈至公之靈爽九天亦可欣慰文傳萬代永有榮光豈不媲美於漢唐宋之諸君子而又遠過之耶余不佞謹序嘉靖三十九年歲次庚申春正月吉旦知儀封縣事比畿昌黎瀛山齊宗文拜書

中川遺藁卷之三十三後序畢

中川遺藁卷之一

辭賦五首

初靈賦 有序

靈應賦 有序

報靈賦 有序

懷湘賦 送李嵩渚之沔陽

歸隱賦 爲蕭鈞劉石先生作

中川遺藁

卷之一

一

清江堂

中川遺藁卷之一 目錄

中川遺藁卷之一

大梁王教庸之著

辭賦五首

祈靈賦 有序

長至後四日

皇上以天親克敬雪兆

豐年一陽已復三白未見爲是憂惶戒懼

既致齋以告于廟乃親詣南郊禱于天

地以及山川諸神回禱于社稷一皆誠寓

儀物敬洽情文士庶騰歡風雲改色臣備

員史職幸隨啓拜爰憶今昔鮮茲盛舉伏

念載筆颺言是臣愚分喜溢于情曷能自

已謹拜稽首作祈靈賦賦曰

天浩浩以上覆兮

帝惟主而靈通乃烝民

則其赤子兮故敬恤殊事而同功敬天其恤民

之本兮恤民又敬恭之實果視聽不自于他兮

天聰明可畏而難必維

皇上之動以天兮

默存乎輔相而裁成守中正以敷易簡兮德極

弘大而光明軼殷周以齊虞夏兮道傳接統於

義皇思道化昉於仁漸兮義摩首正夫三綱求
禮序以俟樂和兮政成治理而刑祥曰天工其
予代兮惠民其維天意曰維辟以奉天兮生蕃
息以寧夫兆類調五氣以熟百穀兮俾福壽以
臻康又極以建而福以錫兮宜禎祥以無咎矣
茲煌燭何相仍兮胥淪溺而轉流又三冬已慶
履長兮雪澤未荷夫靈休是何哉以逢天怒兮
惜不知其故也天生生以恒至德兮不板板以
終弗顧也篤恭默以專內省兮願郊祈以薦夫
衷忱冀一氣之通於玄感兮庶孚於仁愛之天
心發綸音以自引躬兮曰積咎在予一人豈致
災之可他諉兮陪從無事乎諸臣乃臣工則戰
兢靡措兮禮卿執奏而乞陳荒瀾天以皆臣罪
兮敬從敢後夫 君親荷 俞旨以兼裡戒兮
洗心同萃夫精誠駕即晨以適齋殿兮儼照臨
在上之明明諸臣則致齋曹署兮仰悉夫宸慮
之緝清於是欽天卜日既望維吉謁宗廟以親
虔告兮竭精誠以徧夫神室合百司以申嚴戒

兮清 御道以宣夫警蹕 乘輿夙駕卻鼓吹
以弗庸也 輦輅不御惟板輅以昭恭也不大
駕以式陳鹵簿兮屏羽儀以約道衛撫謙光以
著減抑兮一靜潔以豐乎玉幣天垂象以示有
知兮輯風煙以開澄霽六軍整隊以追隨兮都
人士聚以悚觀咸加額以致嵩祝兮又籲天以
相忭歡曰 聖皇之爲民出禱兮克勤不避
夫祈寒竭成湯自戒之嚴敬兮徧周宣上下之
郊壇天其丕顯夫靈應兮洪澤普降而維速昭
至和以宣淫鬱兮霽同雲以沛夫騰六連三白
以怡聖情兮俾黔黎咸遂夫生育迨夫駕止郊
衢頌息龍仗選侍雲從禁戎星向升天門以循
璚路兮謁紫宮以瞻宸象舒先步以正容與兮
端拜起以肅顙望躡台階以陟天墀兮祝詞親
撰於 淵衷臚惻誠以盡懇欵兮精明仰契夫
穹窿忽斗南之雲與冉冉兮須臾滄海於星河
又靈風之蕭蕭來至今二氣已兆夫交和豈克
誠之致彼居前兮拍監觀以著神聖雖凍雲之

有合復渙兮陰沉沉已含夫雪意既而東方
白月既午兮望嶽山川風雲雷雨兮月將城隍
太歲維主兮旗纛先農靡神弗舉兮親啓跪以
陳詞拜稽首以終奠瘞雖嚴事以告成兮兢兢
猶慎於思餘覩 帝容之宛其猶在兮對百神
無射於斯涓駕 回鑒以適齋所兮整嚴肅以
端夫敬興乃於是則陪從諸臣爲忻躍以拜頌
曰於皇 聖明克配於天德馨延延聖功乾
乾圖立敬禱天聽昭懸敬以儀將禱以誠宣自
天申之萬福綿綿不陰以伏不陽以愆靈雪應
期兆豐于年若此者非臣庶之交歡於中今曷
欣欣以昌乎詞天曰旦以及游衍兮即人心可
驗其歡怡真 聖君之大有爲兮出尋常於萬
萬啓中興以新百度兮舉曠儀以垂 聖憲陋
宋人之矯誣天書兮寶冊徵號以虛崇耻唐皇
則朝獻太清兮侈盈復事夫東封漢汾陰以濟
天祀兮又太乙紛亂於殊宮皆誠心無補於昭
事兮故當時有感而無通惟 皇上之勳天

中道集

卷三

四

清中集

以實兮卓乎與古帝王而並隆 臣何幸以身
嘉際兮親 聖德日見乎神功
靈應賦 有序
戊申之日既禱矣乃即是夜則雲未移時
倏合無際微霰以零瑞雪隨布於是群臣
百官忻躍同聲曰高大玄遠天至難格重
陰沍寒雪不易致今上帝則鑒此欽誠眷
維敬一以赫厥靈隨感輒應然是雪則靈
雪也降於明神顯惟上瑞非 聖德與天
爲一其何能致之史冊以來稀聞鮮見薄
海同歡億兆均仰 臣喜茲休徵原維德致
不可以無紀述焉謹薰沐拜首作靈應賦
賦曰
天之享其克誠兮所輔則惟至德體高高而聽
則卑兮禍淫福善而靡忒鑒往昔之明可徵兮
臣茲伏見於斯今感斯通而妙且玄兮仰敷靈
應以陳詞維 聖誠之根此由衷兮一直罔替
於顯微復乾德之膺符於穆兮道隆允契夫神

中道集

卷三

五

清中集

機雖物育或爽於致和今乃致中則惟至也重
民事則革以貞今天明威無敢或易也享以孝
成帝則謀今作君作師教養惟欽今念百穀則
民所天今雨雪實兆夫豐成苟愆期以積曠乾
今艱食曷慰夫群情既郊祈以求尺端今翼日
則禱於太社方送神以回鑾輿今乃修霽集而
微瀉普一色以厚同雲今氣繚繞而飛盤豈上
帝之炳靈異今何蘊和於疑寒走百神以各効
職今視帝命其維趨紛上下以相構合今疏閑
寒以釀乎霑濡社稷則思以育物今曰土穀則
維其最苟二白不固於層層今二麥何資而旆
旆山出雲以濃霏霽今川委潤以升融會風伯
則蕩滌煥燥今雨師肆而霽霽不淋漓以泄春
候今爲逐風以墜其六花既續紘以作密灑今
又輕盈零亂而交加望迷茫以無涯際今極山
巖海嶼而紛遮幻路臺以加重壁今忽玉階以
森瑤樹光晶瑩以徹殿廬今色淨潔以肅乎皇
路匪撒鹽之可比擬今宛瓊蓋以布夫寒素因

地脉以厚蘊蓄今合春澤以俟其優渥通遺蝗
以入重壤今潤宿麥以遂夫沃若怡聖情以茂
對育今發 宸輿以宣 奎翰信天人之通於
大感今果幽明之契於一貫乃臣工則歡忭以
躍今曰登三其邁五何感應之神且速兮如響
聲之應桴鼓考方冊以證前聞今乃幸逢以適
快覩是成湯之復見於今今魯僖則棄而焉數
降後世則風斯下今樞機未正夫德元禱幽荒
則代有聞今彌文徒事乎緝繁羌修誠猶阻於
贊參今德崇罔造於格天非諂褻則肆而威侮
今又憊個委數於適然故蒼靈之不以昭眷今
六極疊見而旁延視 皇上之一德允協今
何啻乎天壤之相懸天好生以蕃群類今知不
遺棄夫斯民正 聖明之德本天成今自全
乎仁愛之胞胞是昭格已久於契符今又同流
交會其精神一實理以相感召今而往來無間
於屈伸所以極九年之水溢充不損于聖神也
禱七年之旱乾湯益彰信乎寬仁也若聿懷之

本於昭格兮蓋文王素契乎天心 皇上之
感天靈應兮極誠何異乎昔今重曰謂天蓋高
其明昭昭兮日監在茲孰焉逃兮惟天爲大其
覆無外兮上下以交迺斯泰兮保其泰以悅其
日鑒兮庶天心克享而惟親有祈靈則罔不神
應兮自然祥來而嘏純嗟至理之妙於玄感兮
應以殊則同此靈也運化機以昭神敏兮無一
息之暫停也或所奪即其所予兮所禍又申而
爲所眷信有命之不予常兮惟聖人能通其變

中川遺集

卷五

八

清白堂

報靈賦

有序

既雨雪之明日 皇上以天顯赫靈雪
呈上瑞雖感格一本於衷誠乃惠澤惟歸
於洪造 兩詔禮官重申報謝孝移事父
之誠樂表上天之德爲之親製樂章聿新
韶舞洋洋乎盈滿兩間發育群物矣臣何
幸得親天曠世儀文 皇朝令典歡以陳
詞敬申紀述謹再拜稽首作報靈賦賦曰
雪顯靈而至以時兮紛瀟漫以徹千里雖霖霖

猶俟於春兮毓陽和已占於此普臣民以均賴
應兮 皇上感賦而思酬喜若懼以滋並生
今趣齋廬潔慮而虔修傳玉音以宣德意兮曰
事天其如事父天歡豫以降靈雪兮兆豐年以
基多祜實 帝德之寵莫大兮宜盛典以隆殊
報匪樂章之製以新聲兮曷對揚以答洪造功
以播而德以宣兮斯達誠以昭祭告禮卿奏酌
量之儀品兮百官陪從以如前諸神則半惟常
祀今天壇續玉而特全預諏吉以命司天兮得
今辰之丁巳敬爾切以尊大禮兮肅欽輯以供
嚴事暮陰翳而烈風發兮駕方啓而倏停陟壇
殿以恭對越兮彷彿如觀乎精靈蕭蕭淅淅以合
炳兮先黍稷以式陳上乾豆以登歌兮溶溶乎
彌宇宙而偕新存太初以奠玄酒兮太羹不和
而真醇薦蒼璧以從天氣兮黃琮表著夫坤珍
官有御而事有職兮駿奔各敬夫同存工以歌
而祝以告兮 聖躬不匱於儀繁考大鍾以擊
懸鼓兮笙瑟鞀磬而清聲紛執籥以煥翟采兮

中川遺集

卷五

九

清白堂

朱干玉戚以盈庭開新歌以節新舞兮始終修
理之清平萬中和以奏九成兮歌聲溢美於德
馨 帝欣欣以來右享兮百神亦樂胥以來歆
聖祖之降鑒自天兮 皇宗與帝而偕臨悅神
器之紹聖有聖兮繼天撫世以惟欽想陟降之
在左右兮佑德日契乎天心迨夫柴燎既升鍾
鼓既成望以類典旋輿言邁謁山川以及諸神
兮潔牲帛以申誠敬明翼戴以作天澤兮製樂
章以彰神聖神至止以聆新歌兮錫萬福以延
皇慶自今其賜雨維時兮熟百穀以成乎王政
告成事而周衛微兮朱輪黃屋以申嚴御六龍
以遵華道兮禹馳湯驟而安恬澍薄寒以環瑞
霽兮朝旭有耀於儀鑾宛上帝之怡發滿容兮
合臣工黎庶以悅觀越明日則往秩社祀兮稷
神共享而咸安 駕旋宮以親祭告兮洋洋乎
合九廟而同歡 皇上則挹以謙虛兮不訖
然以自盈思奉天以求申眷兮殫心益萃夫精
誠諭群臣以勿稱賀兮各思勉盡夫厥職庶天

貺可綿於有求兮天德可報於無極乃微臣則
喜溢中曲兮情不覺以見乎詞拜稽首以終獻
言兮冀垂 睿覽於 冊宸夫德無思而不報
聖隨處而適中信昊天之恩極矧靈貺而至洪
求言報思聿修惟德法天之明順帝之則帝命
難謀天道維公求端于天以協帝衷靜以天而
與之俱兮動以天而與之遊承天意以從厥事
兮合天德以極聖修以天之體物而不遺兮爲
仁之體事而無不在和陰陽以暢厥否兮交上
下以通其泰弘燕及以昌文嗣兮儼昭格以濟
湯敬重祗承以昭武烈兮崇欽若以齊克政普
重明以彰離照兮大廣運以奮乾健享於帝以
思風行兮勅乎法以對雷電如是則心與天以
同運德視天以如一也法由此以自立命由此
以自出也禎祥維志之所欲兮治効維意之所
投體即道而用即義兮豈諸福猶待於他求
懷湘賦送李嵩洛之沔陽
賦以贈行而因有懷也言念君子翩其何

之彼湘潭莫或有思即其事而書以爲慰

維四月之孟夏兮錢我友以邀征云浮湘而出
中兮將駐節乎沔城噫沔湘其壤接兮馬牛風
計相及遂感念以興懷兮百憂紛其蜩集我友
上動以規護兮抱冲履估而含貞既馳德歎以
爲駒兮又麾道素以爲旌駕整整之敬輿以來
公造明明之天衢以往不雜太乙以爲文兮不
離太樸以爲象宜師氏之筮官地曹兮或宰士
之察乎上卿何長孺之淮陽可計兮何董相之
江都可行豈反規以爲圓兮抑棄矩以爲方無
乃借一年之撫摩兮又或試三輔之賢良風檣
如駛之難挽兮心懇懇乎民屯極展出地之可
望兮慮切切乎帝閭人言帝閭之九重兮閭
闔遙映乎丹霄焉得凌虛以肆斗兮余將整駕
而飭鑣却思自古之哲人兮時時難遂其本懷
從屈潭以迨湘郢兮離騷常寄其哀哉湘水至
今其無恙兮屈潭至今其安流靈均其可招徠

今誰信夫逸女之高丘曰扈江離兮紉秋蘭受
其道兮窮其端其人往兮其澤存風蕭蕭兮雲
盤盤果前車之既覆兮當後軌之取戒知昔時
其可悲兮不思夫後人之已待洛陽達治體之
少年兮治安何歉於公孤使纔稍進於九卿兮
猶爲未展其良圖胡長沙之稱所居兮寄森森
之卑滋恨宣室之召彼來兮雖前席以奚爲匪
服鳥之足恠兮匪惜誓之可傷挹湘流與屈潭
今何堪乎逝波之泱泱諒三姓其楚親兮漢又
孰謂其不明人生會有常數兮又何遠近之足
評聞湘渚其巨浸兮九疑鎮其深清翠藹藹以
接霄漢兮石巖巖以配乎嶽衡閼靈宇之孔固
今曰重華之明聖重華粹其允塞兮中專專而
主正試踞拜以陳詞兮曰今爲如之何神將假
彼巫陽兮告宜守道而無他水百折以遠到兮
山九盤而上冲金百鍊以精純兮丹九轉以靈
通若人豈厭其孤遠兮云操危而慮深况由治
郡以憂國兮備世味以歷酸辛亂曰昔人有禹

稷之志兮曰守今以維宜臨氓其爲接武兮膏澤則近而易施嗟著書以窮年大聖亦非所願也是以阿衡則曰不如吾身之親見也肫肫道行而化洽夫君子何病於其時譬彼挺歲寒之松柏夫何畏乎冰與霜之能近之

歸隱賦爲霜筠劉老先生作

若有人兮乃官於黎既翮倦兮日薄於西思隱居兮曰心東歸爰買山兮誅郊濤溪構蓬廬兮以遂幽棲廬之上兮雲巖與齊廬之下兮瀾瀾

中川遺集

卷之一

四

清江

川谿樂容與兮優斯游斯奏昌辭兮往咎途迷辭曰青山逶迤兮兀嶽峯之峻孤左臨清森兮右沿如鏡之寒湖分丹崖之峭整兮掃翠麓之平蕪豈洞天之靈境兮又瀛島之僊都人言昔四女之下天兮鼓鍾鏞之蕩蕩因墮髮以遺髮兮遂根鴻龐而列群嶂擁螺髻之轟轟兮橫青黛之延延霜曰晝之沉沉兮谿水昨之閑閑噫嘻胡不早歸兮于南之山山有叢桂兮蒼葱亦有芳蘭兮蒙茸梗楠枏梓兮蒼蔚紫檀青羅兮

帡幪聽彼鳥鳴兮好音坐彼石壇兮清陰南風南來兮不疾以徐弄彼溪流兮以披余襟羌日月之幾何忽騰六之應期渾萬象以同璫素兮映川谿萬頃之冰池噫嘻胡不早歸兮山中四時瞻遠客兮而蒼而翠穆兮沕兮以峙神送棗而暮來兮虎賣杏而朝至看予晉之鼓笙兮試長房之縮地起黃綺於商巖之浩浩兮招巢由於顓濱之百世鳳隨凰以和鳴鏗鏗兮鸞求友以拚飛而泄噫嘻胡不早歸兮許青山以

中川遺集

卷之一

五

清江

中川遺集卷之一

中川遺集卷之二

大梁王教庸之著

辭賦七首

嶽壽賦贈儀封扈元凱君

并序

君於王教爲嶽翁云先是教嘗稱君之美曰於親能孝於弟能友於諸子能誨以義方殊無兄弟子與己子之別恢乎三代之遺良也又曰勤於爲業儉於奉已敏於趨事通於應變沛乎聰警靈機之魁也又曰

中川遺集

卷之二

辭賦

爲散官署縣政而視其篆不倨以慢不詭以隨不矯以飾不緩以廢整乎有儒素風惜哉未登銓部也由是大方之士往往慕其人懷其德惟顏回未識每嘗致望云汴下上大夫如陸清甫楊慎甫胡琦甫趙儒甫陳鈞甫劉漢甫與君舊同鄉董彥宗甫皆嘗慕君且懷而望識君者乃造於教而致辭曰扈君今人一百四年矣天下之詩者三十六日一曰中八十曰上維扈

君之壽則上之加上矣維庸之既其子嫺

若余儕者皆特厚於庸之宜於扈君有厚

誼焉敢爲微辭以慶之乎王教曰壽先五

福天下之所難求使茂德以將之匪壽也

君之平生又爲儀封之潛德偉人然其享

此遐壽也宜哉今日之繪圖往慶也亦宜

哉但王教於君雖知其歷履也最熟察其

心術也最真一有所言人將曰婿翁之分

譽焉而已耳敢讓之乎諸公以爲何嫌哉

於是既序其事而賦以辭辭以嶽壽又將

表余教之芹心以見諸公因余而舉之意

也諸公曰然乃爲之賦曰

噫嘻巍巍乎嶽山之高其高幾千萬尺歷后土

兮摩霄雲冉冉以上出兮泉冽冽而旁注石

嶺巖以龍從兮草木蔚乎其樹有鶴來兮陪帝

女之僊車衣白雪兮冠燦燦之丹砂與嶽齊年

兮綿乎不知其紀會群僊兮賀平康壽域之無

涯曰夫人器邛邛頤頤乎其直嶸乎其恭走

中川遺集

卷之二

七

辭賦

鳥兔以升沉兮儲精英以孕賢秀棲天關以憑
四方兮粹地脉以發靈蘊亂曰芝蘭茂兮松菊
芳富貴藏兮生琳琅枯瀚海兮凋三光峯斯化
兮還蒼茫維君壽兮同其長

瘞錢賦

夫何邈太母之淑德兮曰唐李母之維儔余不
即彼事以况此兮紛孰能引類而伸求昔李母
之生秉坤靈兮羌幽閑而容與不雜太一以文
兮不雕太樸以俎膺為摩撫衆孤兮家亦不裕

中道集

卷五

五

清中堂

於資儲乃惟守貞而蹈理兮苦節終始而不渝
天尚高以隆眷顧兮大霖雨以敗其屋墻遂因
是以予之萬緒兮一時忽規幽藏僕僮悉走告
以要歡兮母勃然而戰肅徐陳席以蕙薌香兮
仰青昊而拜祝曰夫家本儒素兮世傳惟事乎
書香胡敢崇貨而棄德兮幡然改行而恣荒况
吾人之可取獲兮湏功深而勞至茲無故而獲
此重貲兮恐神非而天譴諒慶餘之有鍾於今
兮願當啓諸孤之聰明其或學成而行美兮為

即不負於平生嗟彼豈辭而不居兮豈嫌溫飽
而自戕亦知少得之多於失兮生存皆異於危
亡惟由來勿敢欺妄兮虛靈常湛夫澄波故雖
可得而宜取兮猶為憂深而慮過使斯之誨
彼孤兒兮邇斯言而可想肯曰分外以苟休或
多蓄而厚養視季世之動惟錢兮執孔方之手
而弗釋曰此有可尊之勢兮亦能排金門紫闥
而濡跡不差乎乞憐以遍于今又將發塚窖而
淘空促掛席以追海賈兮往來何限夫蠻戎市
道良甚於穿窬兮利心莫過於烈焰始或罔衆
以取益兮終則干天而致厭豈惟銅臭之可惡
兮與金穴之可恥實利害交友對兮又禍福之
相伏倚故陽虎難免於不仁兮李斯空愛夫膏
腴王戎執牙籌以何算兮石崇錦步障以奚湏
信天高而聽則卑兮雖一毫而罔遺視速災以
貪天禍兮孰若夫遠望而長期宜景讓之昆與
季兮燁然躋顯要而光榮又李母之壽豈康樂
兮膺如錦錦誥之重封牧大州以綰金符兮歷

中道集

卷五

四

清中堂

中外以試夫道行至今遺竹素之清光兮豈惟
妙婦德而三從天之佑德今猶昔也凡李母之
所膺皆太母之親獲也萬有千齡靡有他適也

雅集題名賦有序

賦以贈諸年兄也時同會徐子宅垣懷布
誠同情一志不有記言曷增示遠爲是述
於賦云

幸群龍之蒲朝兮羌道泰而世寧周謚字茲益
簪以雅集兮引觴爲壽夫先生李尚年曰子材

可梁棟兮杜樹字曰子延譽而昌齡劉作字大

早維汝霖雨兮其澤字孔席維汝器而嘉稱鄭

而鴻名劉富字勿以蒙維而自諉兮徐養正聆

德音宜致夫心傾都教字故雖躋三事之有待

今尚崇張敬夫之道盟李俱字果貞元慶此嘉

際兮曾人吉又何羞同粹夫松英劉榮字豈曰

少南之已圖兮樊鵬字便休乎九萬之天程昔

人觀天子之耿光兮云是訓而是行今不儲百

家以待對兮何裨夫日邁而月征願惟豁八凱
之洪襟兮願惟集十哲之大成願惟戒八俊之
標榜兮願惟脫七子之纖經歲冉冉以隨逝波
兮心搖搖何事夫懸旌可且交戒而互勉兮庶
幾鳴古聖之金聲亂曰折巾何效世反以榮也
枳棘鸞樓君子與明也杖策驅驢終亦不病夫
秉衡也蘆鹽無肉奚湏以輕也薄采其芹于彼
深清也酌古况今聊以陶此情也優而游之斯
困亨也鼓鍾于宮知不闕此鐸鐸也

夢遠遊賦

風發兮颶風雲陰兮鬱翳遠天兮沈寥玄夜兮
溟濛我入兮自外咎往兮悲忡儼寐兮求歎神
越兮思崇乃夢兮夙駕遠遊兮穹窿朝起兮賜
谷暮宿兮崆峒兩虬兮在騞雙鸞兮是中御左
兮青陽麾右兮祝融驅前兮紫微倚後兮碧童
逍遙兮容與若御兮長風駐餐兮丹丘弭節兮
高嵩八荒兮俯瞰倒景兮凌空有人兮鶴羽邀
我兮璚宮我望兮上帝拜首兮鞠躬帝曰兮爾

來語爾兮爾從秉兮恒性孰歎兮孰歎或遇
分殊塗乃困兮乃通於朕兮奈何實命兮不同
爾崇兮爾德爾明兮爾聰爾思兮爾聖異人兮
同功寧志兮爾待奚悲兮道窮迂拙兮未愚佻
巧兮非工哲人兮孔多此去兮彼客伊疇兮造
物天道兮惟公眷爾兮知命啓爾兮靈衷爾歸
兮勿忘告爾兮僅餘余覺兮悚惶猶意兮雲叢
起視兮月西昂參兮在東倚嗟兮胡然有是兮
欽恭服膺兮帝命誓保兮厥終

中川遺集

卷七

七

清自堂

散官八十四翁扈君挽辭

王教曰天下之壽者衆矣然或陳餒迫身雖年
豐冬煖而妻子不免於啼號是曰壽未能富也
壽而富間有之然或琴瑟之鼓者失調鵲鴿之
搖者不已凶咎悔吝種種自至是曰富壽不又
靳於康寧乎富壽康寧矣侈然自放者或不能
攸好德富壽康寧攸好德矣罹於非災者或又
不能考終命嗟夫五福在人一身而兼備者獨
不難歟維嶽父閱歷寒暑殆將百年且能富而

潤屋終身未陷於凶殃是壽富而康寧焉然復
好善孜孜日如不足無乃攸好德耶以殆將百
十之年而不疾自歿於正寢內人哭於室子孫
哭於堂族衆哭於庭朋友哭於野相向而失聲
者雖閭閻皆是非考終命能如是乎可謂五福
兼備也哉教承嶽父之厚者至矣生也宜有贈
歿也宜有挽豈以五福之備而無悲挽之情耶
挽曰

薤露辭三疊

中川遺集

卷七

八

清自堂

其一

薤彼春薤兮露濡其苗有風翩翩兮吹薤搖搖
薤搖露墮兮還枝無朝人命一往兮孰云能招
念彼明德兮可悲可號爰隔九京兮半載寂寥

其二

薤彼春薤兮露濡其蕤有風翩翩兮吹薤垂垂
薤垂露墮兮還枝無期人命一往兮孰云能追
念彼明德兮可號可悲不往者存兮貞石之碑

其三

苑彼春薤兮露濡其莖有風翩翩兮吹薤交橫
薤橫露隕兮還枝無能人命一往兮孰云能生
念彼明德兮既盈既成裕爾後昆兮以訓以行

攄情賦

賦以贈諸子興之行也

事恒阻於逆料物每滯於先圖雖乘除之有定
亦向往之難拘天苟存於靡易人奚能於預謀
蓋嘗適子之廬執子之祛知子才者薦子不虛
曰領外臺兮持憲行金紫兮專城躋天源兮津
要騁皇路兮元亨胡左謫之遽此沂淮海以飛
帆萬里覽勝槩於孤騫嗟夫灼蔡難知求蒼不
告來兮莫禦去焉若逐造物之忌識者之祝無
妄之致有終之福也是以君子惟行乎素聖人
不易其居乃安安於利器不役役於虛車馭動
以持大靜持中以守乎正也達經權以消息於
時合夷險以歸順乎命也矧抱貞之在我將焉
往而弗宜舟何難於濟涉棟有用於扶危顧際
值之何在—此道以追隨惟心跡之罔愧雖委

乘以安辭故嚴寒始信夫松栢陽回自燠乎陰
崖長材不滯於試用而中行有裕於時借攄四
方之壯志擴一闡之幽懷得紀聞於有證托高
興於無涯夫子長之助山水填膺常愈於潮文
譽益升問天者誰其道惟誠匪人之爲虐庸玉
汝於成也感驪駒之在駕知吾子以夙征乃臨
風而作賦歌對酒以攄情

別知賦贈岑體仁

結蘭馨於蒲室慨道契之幾何樂莫樂於心知
愛莫愛於情多曰蜀昌之彥士振無隱之人師
貌瑩瑩而冰峙氣婉婉以春怡望前修以載驅
顧後乘而同策倬星漢以爲章又金玉以爲德
美於我乎誼深乃維君而契最已共適而求立
方躋美而見大何遠駕而夙征彈宓琴於花縣
度城闕以臨流布豐廚而致饌春藹藹以既和
木含幹而交華旗翩翩以難駐獨撫景而興嗟
重曰干將之銘姑試以占也驥足騰踏非百里
所淹也

遺藁卷之二

中川遺集卷之三目錄

擬古樂府五十九首

折楊柳

烏夜啼

白紵歌

紫騮馬

漁父詞

樵父詞

牧童詞

中川遺集

卷之三

目錄

楊白花

寄衣曲

長門怨

秦女卷衣

玉階怨

梧山操三首

驅車上東門

洛陽道

遠如期

君馬黃篇

將進酒

胡姬年十五

雙桐生空井

公無渡河

巴女詞

鰕鮒篇

出關

入關

中川遺集

卷之三

目錄

長安道

關山月

隴頭

隴頭水

從軍行二首

長門怨

塘上行

紫騮馬

子夜歌十首

子夜變歌十首

思美人

臨高臺

羽林郎

四言古詩十二首

瑞鹿頌四首

送楊石齋老先生四首

婦德

婦言

婦容

婦功

中川遺集卷之三目錄

中川遺集卷之三

大梁王教庸之

擬古樂府五十九首

折楊柳

楊柳苑交河河清客棹多啓舟聞欸乃對酒盡

悲歌柳即春來綠君如此去何願思折贈意勿

作逝川波

烏夜啼

江樹雪紛霏風中烏夜啼啼驚妾夢破猶記在

安西夫是孤身客其如遠道樓一聲重到枕雙

淚灑幽閨

白紵歌

白紵見花遲傷心蝶滿枝逢誰欲問訊老我慰

相思鴈至知春日歸當立夏時分明原有約次

代豈無期

紫駟馬

鏡甲紫駟馬金纓白象鞍龍媒從地道駿足自

天開大駭風雲繞騎嘶煙霧盤出塞臨胡陣衝

堅破可汗

漁父詞

吾嘗傍水隈綸竿倚釣臺雪留終日坐雨送片
簑田已與世相棄從教人自猜海鷗情已狎逐
去復飛來

樵父詞

青山斫不盡白雲斫復生肯以梁棟價枉作薪
樵評束薪負藤蔓易粟來市城自本愛幽潛誰
能知姓名

中道集

卷之三

七

詩

牧童詞

牛背不勝鞍春郊到處歡江山隨自在風雨任
闌刪歌愛村田樂笛吹行路難心閑牛自壯計
求得身安

楊白花

楊白花白如雪飛落玉溝中佳賞臨春結飛回
大江南江水千百折楊白花可掇交紅疊翠
滿長秋看來祇覺無顏色

寄衣曲

塞北早凝寒郎君衣被單雙履履纖素絳絳絳
羅統裁成遠相憶着體今狹寬殷勤謝回信為
道平與安持衣問封識不覺半悲酸淚痕果湮
透到彼應自乾

長門怨

長門春雨過太液流新綠流來雙鴛鴦交頸情
何篤噫彼鴛鴦與鴛豈不飛且翔妾身非此鳥相
念惟久長所念在知心不在枕與食紅顏命自
薄君王恩自深

中道集

卷之三

七

詩

秦女卷衣

三五入深宮玉比顏色紅顏色不凋命不偶寶
釵不賂毛延壽暮卷衾朝卷衣天子一顧光且
輝懷恩願去當熊來不願熊欄日日開君不見
班姬罪死無罪辭祇有熊來殿上時

玉階怨

玉階前邊玉水池池邊花樹白瓊枝鴛鴦對浴
花枝下常放簾櫳不敢窺

梧山操三首

梧山兮高高山梧兮如膏朝陽升兮山臯有鳴
鳳兮來翔鳴清世兮虞陶誰云善感兮維茲末
號

其二

山梧兮揚揚梧山兮蒼蒼朝陽升兮山唐有鳴
鳳兮來翔鳴清世兮虞陶誰云善感兮維茲末
傷

其三

鳳兮鳳兮靈禽棲高梧兮嶽岑梧以生兮梧山
之陰鳳以鳴兮載好其音安得駐梧山之麓兮
聆鳳鳴兮豁襟

驅車上東門

驅車上東門門外饒深谷風度轟隱雷潦駐翔
鷗鷺借問行人計此何冬春云昔尚陵岸乃
今成湮淪因念滄海桑柘運轂與輪積金豈足
恃累綬焉可論何如謝浮濁抱一還至真不朽
以爲期與世開迷津

洛陽道

塵清洛陽道花聖瀝澗陰出門望北門墓何
侵尋回頭見丹旄塞道復如林左歌薤露曲右
輓蒿里吟知當有貴賤一盡同古今人生不爲
樂底用積黃金王子善吹笙嵇老空抱琴養生
竟何有倦去亦罔謀寧如飲花下且爾樂素心
遠如期

人知今之今未知古之古從今一萬年今亦古
時數古往不可記今來尚可俟遠期萬千齡盡
閱古今世古有八公神飄飄在雲次淮南望不
來顧我豈能致道邇人自選機深義難秘含精
保貞元無期等天地

君馬黃篇

君馬黃黃而赤紫金駱頭錦障泥四蹄一色含
深碧載君金根車載向崑湖水軒轅飛去龍不
來水接雲霞爛如綺上有騎虎僊郎投君不老
良方食之骨青髓綠千秋萬歲平康

將進酒

將進酒歌有駢一飲百拜終日無失君壽萬年

道循衆匹十亂無二五臣如一爲虞爲周以作
以述引白浮鍾臣亦曰吉何以言之內寧外謐

胡姬年十五

胡姬十五擅新豐艷姿直比桃花紅慣識金張
貴公子門前雙繫連錢驄連錢驄雕玉鞍紫衫
綠綬鵝羽冠買歡不吝雲錦裘彈雀各用黃金
九祗博胡姬一顧笑不論奇貨滿邯鄲

雙桐生空井

男悅新婦女念故夫故夫最是同心肝結髮相
看牙齒疏寶瑟彈出鳳凰引金屏盡遍鴛鴦圖
鴛鴦日來井水沐鳳凰夜向梧桐宿手拂銀床
歎桐樹根下泉通葉自綠

公無渡河

河上有橋如飛虹高高十丈連蒼穹河下有舟
一葉輕檣摧帆落搖空明來船危就橋安矧爾
徒涉其柰驚湍仲尼當日且弗許爾胡汝錫自
耳取女蘿附長松所願終餘年寧知棄我去遺
恨蟠幽泉鴛鴦七十二對對游清波妾心臨河

孀見此哀情多哀情多將柰何彈箜篌寄哀歌

巴女詞

皎月上巴山影入巴江裏不見郎舟來江流去
瀾瀾郎歸乘月明好渡江津水

鰕鮒篇

廳枝易以窮雉飛難作遠鰕鮒安牛跡笑彼滄
溟淺滄溟沛無涯欲濟難葦航大人包六合管
見豈可量流言未足毀姬旦叔孫騰謗庸何傷
大道茫茫玄復玄了無窮竭初無前青牛空爾
度函谷白馬何事來西天世人信耳不信目正
雷之韻焉足續伯牙絃絕鍾期老君子猶能刺
獨漉

出關

君不見五羊大夫臨行時妻與之饑烹伏雌又
不見虎頭將軍志萬里一日校筆歎書史風虎
雲龍自相觸人生豈願終林谷侯封不厭玉門
遠霸業那伏秦中俗秣五馬脂吾車出關欲叫
閭闔廬能有丹書報明聖何須紫氣盤空虛

入關

斬得樓蘭首攻殘二師城雪中馳羽騎雲裡耀
千旌鼓笳自相競刀斗故不鳴半夜撓槍落今
年定洗兵

長安道

春花遍長樂臘醞滿新豐期門數百騎豪氣如
飛虹買醉長安道尚直甘泉宮知與官家去南
山射虎熊

關山月

風沙澄晚霽海月上關山望裏去家遠天涯行
路難朱顏容易落玄髮盡成斑歎息雲中鴈春
來秋復還

隴頭

風生隴山樹月照隴頭關見有鴈鴻去恨無書
信還望中天浩渺愁外水潺湲戍久征衫破淩
寒涕自潸

隴頭水

隴水盡東流征人自西赴西赴何遠將赴與交

河戍羽檄過如飛烽煙亂無數誰能悲故鄉思
歸隴頭渡

從軍行二首

男兒思報國壯士欲知名腰有雌雄劍氣吞胡
虜營當筵辭上客帶酒入西京爲笑霍驃騎邊
功亦幸成

其二

山東無烈士天下有劉生一劍酬知己百年愛
俠名渾身都是膽妙智却潛形歎息荆卿去爲
謀何太輕

長門怨

長門門外水東流流過長門入玉溝欲付此愁
隨浪去爭知流到幾時休

塘上行

水上荷蓮開玉花水邊禽鳥戲晴沙禽中最是
鴛鴦好對對相看欲到老蓮開偏會並頭紅人
生何事情無終一朝恩愛忽相失可憐中道成
拋擲

紫騮馬

紫騮舊龍種出自注水湄錦韉玉鐙出天閑分
賜羽林良家兒騎向雲中禦胡虜臨行不喚
與辭丈夫死忠是所願兒女子情奚以爲陰山
戰勝笳鼓鳴飛塵苦霧迷千旌欲渡桑乾先報
捷四面冰合空復情

子夜歌十首

翩翩見匹鳥雙下藕花塘藕花相對老今儂常
憶郎

其二

郎如塘上花儂似塘下水花影在塘心四季常
如此

其三

開匣見明鏡上有雙舞鸞願郎心愛此雙照莫
成單

其四

郎有七絃琴彈作孤鳳吟帶入求凰意欲儂來
嗣音

其五

儂有斑龍笛吹作龍笛曲容亮統虹梁郎心欲
不欲

其六

雙桐生空井梧子何鮮鮮摘入儂懷袖看時獨
可憐

其七

二月桃花發嬌紅疑是郎折來髮上戴還入袖
中藏

其八

朱明難再午玄髮易成絲及時不取笑過時空
自悲

其九

春雨潤春草垂垂芳意滋一夜秋風發空思春
雨時

其十

儂心如皓月常欲照郎懷却羞相望後漸已睨
生哉

子夜變歌十首

機上兩全匹爲郎裁衣裳郎愛衣裳好儂欲針線長

其二

在裳願作要在衣願作襟要解郎肥瘠襟合郎腹心

其三

郎歡連理樹儂愛並頭花應有風霜折秋來常自嗟

中川遺集

卷之三

十一

清江雜錄

其四

春江泛明綠春樹長深紅共郎花樹下彩鷁棹江風

其五

儂裁全匹帛裁作紫鴛鴦不到風波裏雙雙棲洞房

其六

捲簾思燕度倚鏡看鸞飛不求鸞箇箇常作燕依依

其七

不栽黃蘗樹黃蘗苦人心願得合歡花折來頭上簪

其八

儂垂雙耳瑤郎結兩腰帶兩兩自成雙雙雙自堪愛

其九

鷄鳴郎未起儂粧將欲閑坐待天垂曙今郎得好看

中川遺集

卷之三

十一

清江雜錄

其十

雙釧約雙腕南薰入釧清應恐北風發寒聲隔釧鳴

思美人

思美人在瑤水雲重重山疊疊望青鸞然赤鯉然有盡望無已思美人隔青霄往從之路迢迢御虹霓乘招搖叫閭闔聆雲韶思美人思以嘆登春閣憑暮欄欲奮飛無羽翰携素手我心安

臨高臺

通天臺通青天臺上有屋高如懸清芬疑與塵
世隔闌明且共雲霄連倦人遺得掌十丈掌擎
承露黃金盤皇帝登臨候僊子手挹甘露調盤
餐調盤餐補元氣綠髮朱顏美無既年年海屋
一添籌却爲臺高嘆勞費

羽林郎

天有紫薇垣門列羽林騎羽號疾如飛林稱衆
如肆袴褶乘蒲稍戈矛聞才技明發期殿門昏
黃過新市新市逆旅翁幸爾未縛繫白龍改常
服鰕鮒猶可戲矧復張侯奴紛紛孰可識何羅
生逆謀巨君變恒志爲謝羽林郎同心効忠義

四言古詩十二首

瑞鹿頌

聖作物觀化洽風熙穹祗効順海嶽呈禧有美
白鹿至止天墀瑩瑩太素皜皜無溜雪皓潔霜
玉質瑤姿獻從撫臣瑞應昌期百寮歡賀兆庶
同怡贊揚嘉徵拜陳頌詞

頌詞伊何

聖治恢洪天錫瑞獸于彼洛中豈

曰星精寶維道隆出先麟鳳盛比龜龍以兆嘉
徵維熊維能前星有耀寶曆無窮鴻基延駉
業崇崇四海永清萬福攸同

瑞鹿何來靈貺維天顯斯 聖德純一無愆百
禄駢駢眉壽綿綿純嘏緝熙於萬斯年龍脩乾
乾王道平平以招俊乂以萃仁賢無思不服有
開必先豐功茂烈啓後光前

維 皇建極一視同仁乃茲瑞鹿 帝命維新
以生中土以慰 淵宸以發百祥駢至畢臻爰
以天下天鑒惟親歲登大有俗返真淳裕儲于
國藏富于民慶衍乾符祥發坤珍

聖作四章章十六句

送楊石齋老先生四首

森森中江矗矗北岷降靈委和是生哲人佩貞
服一抱忠履純續彼古賢爲世宗臣天綱以植
地維以均佐命調元政度以新

其二

維岷之山于江之陽風爽日妍巖深水長駕言

旋歸杖履徜徉躋巖怡怡泛水浪浪念彼瀛洲
承恩玉堂瞻戀遙遙雲天茫茫

其三

爰采紫芝于岷之山紫芝燁燁白雲閑閑爰弄
扁舟于江之灣扁舟颺颺野鷗官官通伸以出
時止則還峻節清風瀾彼八寰

其四

維岷有猿有猿有鶴以飛以鳴云胡不樂維江
有芷有芷有若以寧以紉進退維綽仰兮無愧
俯焉何忤欲珍願養以昌幽作

婦德

婦秉坤德承乾維順思媚思齊有嚴有慎詩詠
肅雖傳稱貞信無非無儀無驕無吝是皆婦德
古人克盡慶都生堯皇英事舜姜嫄不回周宗
以振內治攸資德源聲濇化起閭門變消倪彙
上帝是依永錫祚胤道有先開慈垂內訓維德
之行與天同運

婦言

婦率陰禮配陽於天制義揆事因言以宣言思
可法美愛斯傳下氣怡聲婉婉周全守口如瓶
秉心斯淵傲言不出太任稱賢為詞為令以精
以專勿貳以二金石其堅言不妄發當理維先
時然後言口過斯悛欽哉訓辭裕後光前世以
為則服膺拳拳

婦容

易戒冶容詩歌令德德以將之容斯不忒窈窕
君子實興周國所以婦容貴存女則鵲鳴盟淑
威儀是力緝紳以端衿纓以飾左右佩用勞謙
謹勅發氣滿容和顏悅色可畏可象不偏不側
九容時見五官司職泰而有嚴方焉且直華躬
昭德慈訓是式

婦功

婦無外事主饋于中織紉組紃絲枲是工蠶勞
桑柘耕進種穡績女維莘太姒功崇禮相助奠
夙夜在公為豆孔庶必親必躬滌器備物務潔
思豐不作無益以害有功左圖右史二南幽風

暇取觀誦類引旁通明明慈訓今古攸同統資
聖戒敬審遠從

中川遺集

金卷

十八

清江先生

中川遺集卷之三

中川遺集卷之四目錄

五言古詩三十六首

恭和 聖製二首

恭和 御製敬一亭成績作二首

謁后稷祠

謁橫渠祠

比干墓

過牧野

望蘇門山

中川遺集

金卷

十一

清江先生

過酸棗

待渡

憂旱

久旱聞鳩道中

送王浚川僉憲入蜀視學二首

松壽篇贈扈君元凱八十四翁并序

別李春山

李春山索題梧山卷

登玉荆有懷

寄居第一山僧舍二守劉東阜來顧因

會飲山亭至暮始歸

再同東阜遊第一山

遊鷄鳴山寺

鷄鳴山晚行

遊鷄鳴山寺和樊少南韻

再同諸友遊鷄鳴山寺

此君亭卷爲揚州厲民悅題

題金生渭天春樹卷

送劉萃夫

從好吟

題錢氏友蘭卷

題歸生思特卷

寄劉東阜愈憲

送葛伯疇

壽孫九峯老先生

答燕惟善同年

贈薛君采

遺藻卷之四目錄

中川遺藻卷之四

大梁王教庸之著

五言古詩三十六首

恭和 聖製二首

極端自民會敬勝宜天親相祀列鷄行畢饗旋

鳳宸雍雍運神覽矯矯懷相臣天和對時暢淵

默託情仰皇風振清穆 膚藻褒貞純感持酬

謝志知委調贊身萬年壽邦脉重譯來方珍震

宅炳前星離照周窮民

其二

龍垂寶章煥鳳染奎翰親欽從既時享頒自還

天宸明良繼虞歌藝契期元臣荷茲 主恩重

慶此儒道伸摠表奮圖報秉操堅至純休隆會

昌嘉親見樂吾身一德感乾符諸瑞集坤珍時

雍晉堯化陰陽康周民

恭和 御製敬一亭成績作二首

奎章燦雲漢嘉惠出明堂敬一格樞要箴解重

致詳乃知至德崇戒此私爲妨發蒙荷神鑒曩

訓昭遠望萬邦仰 君師四海貞元良保極
敷錫求佩無謾忘

其二

敷錫感慈庶 皇受闢門堂所以示歸極
言至詳尊王道平蕩偏攸私乃妨仰茲箴誨恩
遂永歸金華交修慎時懋善治合明良一德慶
咸有績熙課遺忘

謁后稷祠

穀餐肇炎帝種播承先農食德摠忘報匹天宜
大功興周諒有自生商將無同雅重原生民頌
侈崇閭宮隘巷湫難識寒水今已融肅恭拜端
旒彷彿聞靈通水荇蒹翻綠山桃花墮紅宛變
週迴廊陳詞對春風

謁橫渠祠

承訛滋蔽道泥古難和音詞支太和失華勝經
旨沉所以西漢來靡蔓成浸淫妙契出太原常
爲夫子欽客形諒有訓至感真無心知非稟獨
見應自述往箴三王川未井兩戴禮可尋徘徊

歎知言肅拜懷靈襟

比干墓

凍雲壓遠障朝氣生平林剔蘚誦殘碑眷懷賢
聖心七竅豈不具一忠難自沉所以甯子愚耿
耿傳至今徇身計宗社抗諫據惴忱天傾勢何
支山仰人自欽鼓鍾薦嘗禮俎豆期致歆因之
憶龍逢灑淚霑寒襟

過牧野

王受豈不聖飛廉故相違恨爾一黨成墮此九
廟威如林倒前戈同心肆長圍伸鉤云自恃焉
救往者非忠蓋愧頑民藏慢發盜機呂鷹奮雙
翻商輅空六飛佯狂欲爲道抱器明見幾卓哉
西山夫忍餓尋蕨薇荒城亂土樹草店留斜暉
靡靡聲可聞濮上還依稀

望蘇門山

轟轟對雲漢危嶂發蘇門百泉沸山麓肇此長
河源姚相聲未滅許老道以存駐馬立斯須遙
望明晨瞰泉石舊作癖煙霞空自論誰與同素

心把袂回騰騫

過酸棗

漢高楚將問曹瞞智方張潔身去桂杆垂涎憶
周襄誰知熊虎翼未足鷹隼揚青齊既得穴幽
冀空擅場所以梟二表不救淪三綱荀或漢節
晚祗棗屯計長惜哉一失已瓦碎焉可當

待渡

河源下天際槎泛凌斗牛從去不歸來祗致後
者憂平生佇南涯烏使能相酬勸駕焉所如愧
此浩淼流寒雲墮沉沉朔氣揚颼颼何處望折
巾相與移山舟馬圖來幾時魚龍蟄三秋嚴瀨
云可尋沿流步芳洲

憂旱

滄陰失潤姿木幹含焦容行雲空如流靈雨難
侈逢憶昔武皇歲天意或乾封于今重華朝聖
瑞宜景從胡爲桑林災貽此雲漢恟蟲蟲連四
野熬熬病三農排天訟風伯天路隔九重何能
鼓元氣震雨紛交衝大需寰宇間搖海驚龍

父早聞鳩道中

鳥官煥前紀鳩氏惟上卿茲豈鳳不來度野空
翔鳴皆聞任桑性今聽呼雨聲大旱如可蘇微
鳥亦遂情斜陽下遠嶂古樹迷荒城解鞍岐路
側欲去心屏營

送王浚川僉憲入蜀視學二首

邛崃九折阪石磴何嶮嶮嶂起兀千尺澗落餘
千尋繁藤蔭喬幹候氣常陰陰悲陰已自古道
難還至今王陽奉遺體忽念先子心登輶諒有
見感歎情不禁所見在伊何哲人能賞音匪茲
故託去即孝如曾參曾參蒞官政戰陣勇且深
豈彼孝斯盡居然同我襟去者既渡邛來者當
鑒臨所願追達孝姬公以致欽

其二

誰云九折阪可畏不可乘阪折心無折坦道即
在膺在膺豈難見履險恒自憑子懃諒有知叱
馭疾超登超登寧不畏馬蹶車亦崩重茲虎符
分與彼龍篆凝浩氣結征雲戰意懷堅冰回頭

顧王陽睜目如驕矜子道孝難盡臣職忠易能
所以孝爲忠求世同嘉稱

松壽篇贈扈君元凱八十四翁

并序

洪範五福必先於壽詩曰以介眉壽古器
物欵志云用祈眉壽眉壽萬年則知壽之
在人天下之所至願從古以來未嘗不同
然亦有所從來也要非可以偶然卒遇焉
惟有德者斯能致之亦惟有德者斯能享
之故曰仁者壽壽考維祺此之謂也否則

中書

金史

下

新書

長年如跼反不如歿壽則壽焉耳竟亦何
益之有哉嗚呼壽而有德我外舅扈君是
矣君能多知慧別白善惡惡者遠之善者
親而效之自少至老不爽斯行勞謙謹敕
以正厥習故一時鄉黨僚友長者悅其第
幼者服其恭尊者薦其能卑者信其誨無
復有肆侮者焉詎非有德者歟有是德則
宜是壽今八十有四年矣顧不壽耶子塔
王教約諸儀封鄉宦士夫此所謂鄉黨僚

友之長者幼者尊者卑者喜其有如是之
壽而又喜其有如是之德皆曰德其本而
壽其驗也乃爲徵言於余以慶之是尚可
以辭乎因之託物取喻而賦松壽篇一章
辭固在於喬松而言則在於扈君也

南山有嘉樹百丈參青天栽從三古時甲子今
幾旋下盤崑崙根上倚南山巔流陰蔽后土老
幹舒且拳幹老自端勁花茂還堪憐採浸春醪
中異味真濃鮮一飲罷塵想再飲通妙玄誰云

中書

金史

下

新書

大夫封能爲脫繫纏翩翩巢雲鶴鵲棲飛僊
雖無媚俗姿而有閔世緣歲月隨滄桑今古松
壽傳乃知靜者壽夫物亦有然以況仁者靜胡
不求此年人言任梁棟惟此鍊幹堅豈知歸匠
石失彼天性全乾坤萃奇氣造化司大權孰不
榮與枯松乃獨延綿松壽固有定樗壽亦胡然
惜哉漆園叟未窺松壽篇

別李春山

感知念無盡引望情彌長遠道阻星彩逝水嗟

流光流光信難駐嘉愛何可忘向來金玉音永
佩蘭陞香遙遙寧城路重上君子堂舊感逾裏
切新誨滋靡量相度豈終屈行役應自傷自傷
在伊何欲訴悲淋浪遣興秦隴途吊古姬周鄉
諒當有深思去去情徬徨

李春山索題梧山卷

東方降靈鳥九德全在茲爲道乃出鳴舜世瞻
來儀棲身眷崇岡藹藹青梧枝所以萃萋下仰
見雖啗詞梧山李夫子鳳德欽四馳矧茲延士
心真妙山梧姿清陰見敷地應瑞良又時頌言
飽風露嘉際榮昌期

登玉荆有懷

二氣醞靈秀三光墮明精結玉秘良璞評價連
都城希世無二耦絕古獨佳名象德允足慰雜
佩豈所縈藏慢楚以失求完趙復傾至寶苟非
人刻璽秦焉成傳國諒有自宗器寧可輕匪愧
在白版組繫良多榮神物頂顯兆丹鳳先棲鳴
訪古望長淮解鞍臨玉荆東風振巖壑下泣疑

哀聲傷哉抱璞心非聖孰與明

寄居第一山僧舍二守劉東阜來顧因

會飲山亭至暮始歸

星儀阻長道魚素迷通津渴懷自塵頓邈望空
嶙峋麾策奮驚足跨澗凌淮濱相逢禁山麓把
慰情何親山巖萬松檜篁幹交脩森鳴禽各應
候話舊欣芳辰呼飲罔知劇斜照生黃昏焚燭
映堦草待月停車輪此夕爲何夕欲去不忍陳

再同東阜遊第一山

方亭負山麓石磴連松陰紆徐度危嶂婉戀回
遠岑葉隙仰流影步倦停疎林醒醉挹澄溜破
悶披煩襟芊芊倚脩竹矯矯驚鳴禽更生既高
倡子晉還同音清興豈不饒暮色如侵尋徜徉
問來路踴躍思浩吟何能長許宿慰此塵途心

遊鷄鳴山寺

巖卉挺叢綠澗鳥紛群音客從遠方至一笑情
不禁楚楚回堦石幽幽下廊陰仰見天宇高俯
瞰溪流深麗地已從古盛遊還及今覽物有佳

興對酒成浩吟誰將六代事轉向三吳尋流光
墮西海爽吹來北林子喬笙可借抱月吹雲岑

鷄鳴山晚行

濯纓萬頃浪振衣千仞崗至願果深遂高興滋
靡量綺袂攬雲濕竹逕延風涼遠尋佳樹息欲
放平生狂出鉢望龍影聽梵隨蟾光林禽夜不
宿若與同徜徉雙旌見許史千騎聞金張試來
雲石卧應嘆塵路忙

遊鷄鳴山寺和樊少南韻

弱年問名勝佳麗先金陵茲征盡春覽山寺疊
晚層紅堆見華萼響近聞寒砧峻崖駭兔雉喬
幹翔鵬鷹松煙互吞吐石磴還交仍美人慶簪
盍愛似瑤與瓊賞樂具清趣枕藉同枯芳起行
遙嶂側笑指白雲興步倦有多憇襟舒無少疑
羞籠恨繒繳怨鷗悲緇繩豈惜逝流景所慰在
得朋壯心許烈士云孰不可能

再同諸友遊鷄鳴山寺

朋簪萃時彥山陟來鷄鳴依沿亂石磴轉聆留

都城藹藹露烟樹颺颺風旌王氣紫金湖
光碧鑑明匪綠梵地宿遂放遊子情境幽詭奇
鳥徑僻憐脩莖婉戀步周廊窈窕憑虛楹松陰
習小憇竹院乘遙清訪僧頓懷靜聆磬滋耳傾
急名似覺溺縻祿無或輕達人幻塵世曠士羞
絆嬰長生如可學故洞崇僊盟

此君亭卷爲楊州厲民悅題

鸞棲避叢叢枳鳳下掄脩莖萬竿荀蒨蔚九苞茲
耆鳴矧惟霜雪姿昔訂寒歲盟虛中既取益高
節重致旌居應能不植坐令俗且輕翩翩饒蔣
興藹藹集晉英淇澳舊如簣斯詠君德成厲卿
嗜幽趣亭構何崢嶸殿彼壯丹富愛此簣簣清
遶簷被蕭森當戶來鏘鏗兩翠逾潤風露碧
可呈諒以古人心會此君一名春華競早秀惡
幹空朝榮緬想拂琳瑯念絕塵纓黃虞在
當宁契稷持鈞衡知宜有文鳳鳴盛聆和聲

題金生渭天春樹卷

渭城有嘉樹傍水條幹繁問樹屬阿誰金氏桑

梓園渡江官金陵遂彼成丘原金陵望堦渭異
土殊寒暄水木誠難忘骨肉亦有恩所以金在
衡欲去空駕言構堂寄遙想揭扁遺仍孫年年
望春樹不語聲自吞吞聲在伊何焉慰京邸魂
諒惟荷榮戟臨渭騰青鸞

送劉萃夫

朱鳳備五采翩然凌太虛繳繪莫可施回翔下
名都都人稱靈鳥仰德聆妙音願言瑞清世憇
此碧梧陰碧梧方盛陰方滋鳳兮鳳兮今何之

中川遺集

卷之四

十一

清自鳴

從好吟

人生秉天命莫致胡可移假手自君相營睇空
多岐天心正以中我好獨在斯大觀合今昔廣
變均髮夷所以戒執鞭孔訓嚴脩持貴富與賤
貧種種宜參差執鞭諒取愧乞憐徒召悲觀觀
小丈夫欲去焉能爲所願從吾好大道通天達
置身事游衍隨寓皆安怡廣胖有莫喻仰俛無
異姿鏘鏘肆高談膏肓成法詞翁童尚齊等賤
貴何增虧回翔視浮世抵斃刀與雉野微充大

饒洋泌樂吾饒龜矣從好人茲意當風知

題錢氏友蘭卷

猗蘭毓幽谷露葉晞朝陽幽谷罕人跡蘭臭佳
父長如如君子德藹藹王者香衆草故群伍高
韻獨遠揚屈平知引喻魯叟爰自傷不有同好
人此言淪且忘佳哉錢儲昌二代直遺良寶桂
也名字已延譽友蘭重借芳從彼山下側致此堂
中央宿根託水石締交明肺腸三益諒奚啻百
行還乞臧願言久相敬永勵履手即

中川遺集

卷之四

十一

清自鳴

題歸生思持卷

翩翩城上烏旗旗圓中樹夜夜烏來啼哀哀到
天曙天曙推枕衾長聞情不禁誰知反哺意翻
使鳥傷心傷心萬思集特母茲成立可憐罔極
恩欲報今無及無及恨難量秋深天地荒願將
兩行淚收付顯與揚

寄劉東阜愈憲

思劇有清夢愁結無浩吟越江望僊子雲樹迷
遠岑遠岑接天末下有赤城陰石梁萬千尺渺

湫通靈禽靈禽號青鳥胡以不嗣音道風空在
目歷歷傷寸心寸心焉所託對酒鳴素琴酒醒
還易破調苦情難禁難禁在伊何可望不可尋
願言陟北斗四氣隨酌斟

送寇伯疇

肅風振空林馬毛縮如蝟冰屑灑長途征人自
獻歎所賴盤岡生清詞號英長高興真彌天坦
懷共忻慰願當崇今德努力破昏聩

壽孫九峯老先生

壽坦發南極極耀與明星精注靈宇啓世生
耆英睦維九峯翁咸瑞實欽承足儀既風正斗
望亦蚤成介見既三加助舉崇二京城貞服求
同懷遠邇名遐思正進派長笻期大行秋屆
火欲流宴開金人鳴絲織軒石磻清興連宰卿
傑曹獻符錄屈指論甲子籌從漢家排日理
水迎應躬給漢餽騎箕某股衡自兆茲
壽寧無評願言益壽昌邦計重仰

答燕惟善同介

商飈度廣殿白露逼寒砧徘徊望西山靈曜沒
遠岑抱筆遲蟾影強賦愁罔禁綺疏下簾幔鬱
快依枕衾用世嘆假寐挾書愧宜尋聞鷄憶明
發託鯉期素心美人貽素札上有風雅音映日
雙白璧擲地千黃金盟手長跪讀閣爽豁煩襟
豈是卧龍翁何此梁父吟陰何謾清苦沈宋滋
仰欽懷緬挽師襄好被瑟與琴

贈薛若采

梧岡羨文鳳朱喙丹羽毛靈瑞齊龜龍鳴雀空
蓬蒿翥羞宇寥隘翻勵雲漢高期當出入極超
世獨遊遨盛際欣貞元嘉時煥虞陶知從荆璞
山歸上阿閣巢阿閣摩青蒼下有變與阜聆音
中律呂奏雅雅宜簫韶乃欽四靈至益信重華昭
卷阿繼清歌應向南風飄矧復鳴朝陽和氣瀾
沈寥仰德自難並接翅焉可招願言飽竹實於
世珍九苞

中川遺藁卷之四

中川遺藁卷之五目錄

五言古詩四十五首

送楊中丞先生行

壽李學士太母老夫人

送栗齋劉老先生

海山壽圖爲宮詹童中峯廼翁題

送僉憲維仲俛同年

賀少師石齋楊公一品九載考績

寄王浚川憲副

寄張復泉代簡

雜詩八首

送杜述之同年南行

答李子元十首

題海山並壽圖

壽白巖喬老先生代作

看泉

佳人

齋居即事

壽西涯李公母太老夫人

送張亞卿

壽溫菊莊少叅

送清江郭堅和

喬松贈見素林老先生

鴈北鄉

送崔太守同年之保慶

挽張練江

送白貞夫

思齋爲友人題

送別

問鶯

朝回

中川遺藁卷之五目錄

中川遺集卷之五

大梁王教庸之著

五言古詩四十五首

送楊中丞先生行

癡陰被橫嶂寒吹流新浙林響振風條木葉辭
霜枝都門送晨征繡斧光路岐行厨展豐膳進
酒仍致詞 聖皇嗣寶曆圖治臻皞熙軫念遐
壤氓欲遍霖雨施君姿茂青雲 簡命承重期
所願蘇凋枯普惠窮邊陲鋤奸屏貪佞董賦憐
瘡痍冰威布稜稜春意還怡怡斗陟旌賢勞金
豸明紫墀

壽李學士母太老夫人

方祗萃靈秀翁潤呈閭英婦道整柔婉母範垂
端凝晚涼試初秋蟾素光漸瑩華堂開壽筵祝
壽稱兕觥黃髮已先出穉齒應再生僊姑下瑤
水玉女來蓬瀛蟠桃手親獻麟脯躬自承問道
幾千載花放桃始成願依此桃數益壽三千齡
鳳翹家慶集鸞詒宮錦明堂列金紫客領計官

史名男朝見文伯婦乳聞崔卿逸駕豈難
軌茲蹈行舊美藉書傳新頌憑頴泓協吉備百
福履慶同大亨

送栗齋劉老先生

荆山有璞玉評價連都城二氣孕靈秀三光萃
明精溫溫露清潤栗栗含巖凝君子以名薈取
况良匪輕常弦寓高誼圭璧期今名虞庭事修
輯貴爾出天成

海山壽圖為宮詹董中峯廼翁題

山貞抱奇氣海潤涵慧姿德配比天成貞潤符
令儀下帷資闡助登仕馳雲達直聲振清朝介
履崇素絲翩翩萋斐譜成是貝錦詞專城五馬
去惠政千里馳民懷在由衷祠宇明去思慶餘
衍鵬鳳食報徵玉麒麟官詹見家學殿講膺 帝
師馳封荷 明聖 聖詒恩寵滋回瞻邁中蹶
乃毓亨後祺克完茂神途願養弘道怡南山壽
綿綿東海福瀾瀾肇源永奕葉難老無終期
送俞憲維仲俛同年

仲俛抱奇器玉立山嶷嶷乃中匯雲霓作霖慰
蒼生夕郎榮瑣闥諫署推僊卿世擬麟載出陽
升鳳斯鳴榜中舊接翅海內今著聲磊磊丈夫
懷翹翹士林英處囊既脫穎 當寧應知名
虞念軫遐陬宣威靖南紘兵司勞簡在旁繡擢
攸征感遇勵衷赤夙駕辭承明荷茲 璽書重
敢以節使輕百方事綏撫萬里揚肅貞福星煥
巴蜀隨雨霑綿彭問訊籌邊樓相去能幾程登
登望辰極戀戀縈至情

中書

卷五

三

清自堂

賀少師石齋楊公一品九載考績

儲英自蒼瀨踴聖登紫宸啓沃藉誤猷寅亮資
經綸昂見均調功川仰弘濟身帝眷感優渥綸
言荷溫諄台陟階窮秩論道絕等倫公維守冲
素疏奏明本真勞謙動神智 賜允旌忠純錫
宴昭寵光陪位迎朝紳屈指從昔哲嘉際寧幾
人天心著奇應嶽誕值此辰堂藹瑞靈氣樂侑
樽俎陳都氓競懽頌心醉如飲醇賀茲堯舜朝
崇彼夔契臣壽鄉祝不老化國頌長春三尊備

且盛百慶駢以臻位隆美彌茂歲末風滋淳包
荒既弘度治泰重仰新清德播金石遐筭延松
椿文徵朱鳳凰慶衍石麒麟景運際亨嘉與國
同無垠

寄王浚川憲副

靈輦肆馳駿雅道懷見龍遵渚舊深願在田今
修逢望滋斗星恨山阻雲樹重三暑冒維憂再
寒役隆冬錦箋荷魚鴈文爛如昂鍾懸思滿蜀
道隨在遺僊蹤薰風忽微來時雨亦相從瞻雲

中書

卷五

四

清自堂

念膠漆對酒饒情悰

寄張復泉代簡

角巾邁麟嗣說駕知龍媒青雲自南望紫氣已
東來計膺慰良覲寒歲論松梅乃茲避清禁適
館復遲回捭捭役懸旌念念開香醅十年阻文
候萬里空寄懷天遠鳴素履日苑輝奇材昌辰
荷隆眷伯問躋階台

雜詩八首

中正乃經道易簡斯化成多儀貴率真繁禮非

至情所以希聖功有要良可程蒙泉在端養科
水盈自行頓超諒以難惡乃闕黨名

其二

墮與有長筭成毀無定形人定勝斯難天度高
可程君子貴識微聖人惟至誠慮苟在卑凡湛
一失精明大觀萬里餘求一鑑清斯人如可
作解佩欲寄聲

其三

白登園自解不獨爲闕支齊虜口舌私私付何
在滋漢策苦無筭割親嫁胡兒齊吳自鄰匹夷
夏殊尊卑誰將涕出難譬彼樂易爲休民有長
慮國體無重虧晉陽甥舅新憑籍民以疑

其四

讀書未湏萬亡羊正多岐於三本無二貞一惟
定持俯仰見清寧次第通微危此功徑且要欲
秘不可私世方闢奇靡紛紛將語誰

其五

百年豈不壽所貴在無憂達人故排遣曲士仍

繫留肝豫騁狂智辭貧恣泛謀貴思陟崇階富
仰吞八州貪名就鷹犬要利甘馬牛戚然苟未
樂祗爾徒包羞

其六

東風來徐徐好雨與之俱吾茲坐吾廬對此玄
素書測玄美無繼嚼素華有餘乃知名實間可
稱不可虛露露黃石公爾素欲何如

其七

聞雷無懼驚對天有深懼雷鳴侯若時天鑒隨
所寓法言準帝則大道軌乾度靈照洞幽潛聖
修行竹素勉慈慰高高庶樂以歡娛

其八

仲尼豈誅意傳訓胡爾爲原意可即誅負枉終
抱虧斷案藉明微臨文在忘私所以虞舜心從
輕釋罪疑史法昭萬世誅意焉可師臆見苟低
昂衡鑑將倒持誰能皆聖筆難准無橫罹直書
見真情功罪均以隨史氏古成法麟經惟定規

送杜述之同年南行

凌霄接鳳翅共醉聆鹿鳴年愛感疇昔道契崇
新盟論文願清誨箴過尋雅情簡命復欽蒙
嚴駕重遠行風高薊門道霜氣肅以清響振
蒼條迅翼橫青冥送君展豐膳聯騎出紫城團
團望東旭刺刺催南征臨岐有言贈執袂還酒
傾虞黃慶當寧卿佐遘時英冷學同憫憂經
濟宜允成檄宣餉臺路綱繹都水程民瘼採徐
揚詣闕達承明

答李于元十首

中書書
余五
七
清自掌
聞君精舍外竹遶萬琅玕未緣風雨作長日自
清寒火龍行不到撫卷憶加餐

其二

加餐慰朋想得友傳士林凌霄無異色閱世有
虛心他日翔儀鳳鳴陽著德音

其三

德音中六呂舜奏聞九韶忘味知乃深盡善美
以昭緬惟竹塢僊此意應頌超

其四

頌超在伊何游心際唐虞大智發泉蒙光亨利
天需竹素起家食秉節敷道腴

其五

道腴見栽培萌蘖成堅剛亭亭君子心物與人
俱揚因之憶淇澳衛武斯難忘

其六

難忘豈初易始藝要令終所以貴如簣已茂森
蒼葱君竹近如何凌漢推清風

其七

中書書
余五
八
清自掌
清風樹高節直幹摩玄雲對時撫虞絃樂景酬
南薰塵襟藉滌洗相愛惟此君

其八

此君茂孫枝無竅不靈通軒轅製律管須彼嶠
谷甯五聲正清濁竹以成至功

其九

至功在感召上下來神祇六氣應冲和百靈効
咸熙洗竹願殷勤護此冰玉姿

其十

玉姿傲霜雪天然耐歲寒百華競零卸獨此碧
珊瑚有終抱不曲愛子崇大觀

題海山並壽圖

雙連茂遐壽並見海與山海靜森澄澈山峻難
引攀平分二儀氣共保千歲顏清深美滋注堅
正體以閑如彼貞異姿宜壽無迥艱栢山既剛
貞壺巽復慈嫺春秋末閱歷庚甲重周還玉杖
鏤鳩文錦被垂霜髮遙開賀弧悅庭戲紛斑欄
好繪海山圖照世留宇寰

中川遺集

卷五

九

清白堂

壽白巖喬老先生代作

嶽山降靈異河水鍾秀奇應會生人龍謁帝
行天達歷敬懋勛馳驟循坦夷衡懸世仰正
鑑引物自怡太保總銓部邦治兼主持論德比
輿旦計效齊虞姬楚丘春秋高益壯決嫌疑初
夏然海榴祝壽羅尊壽昔余領邊制遙賀懷星
儀今茲接道範拜首申頌詞龜鶴羨長年麟鳳
同昌期偕茲舊侶永翊時皞熙

看泉

石隙水潺潺水心石齒齒所貴在不息涓滴成
千里漱玉下清寒耀金迅如駛到海知幾時為
川東未已

佳人

南州有佳人荆布雙總角耻為媚世顏世不以
為濁守潔含至一不鏤全太樸宜家懋婉則範
世垂端懿於古見貞淑在今稱卓犖盤絲事織
組崇儉親澣濯列女照新傳應坤崇內學簪彼
烈丈夫正氣凌海嶽

中川遺集

卷五

十

清白堂

齋居即事

齋居陟蓬島玉宇集瑤僊坐對紫金闕夜求情
自懸聖人重郊報仁孝通幽玄誓戒勉臣工同
此格上天潔清助明裡庶爾達衷虔

壽西涯李公母太老夫人

矗矗壽山高東在瀛海隅青巖造雲漢赤日行
堦途琪華茂璀璨瑤草浮膏腴冷冷玉泉水入
口顏自朱西有瑤水池池上桃千株僊娃共守
護王母親衛扶花張錦霞爛味美甘露濡三偷

壽何極一咽年以胡涯翁鳴舜治業建瀾寧區
毋德契鳳鳥衍瑞斯鳳雛和鍾自選筭報永宜
珠孺斑斕見孫戲矩範聞道俱蟠桃喜開道山
壽重繪圖祈天明素絲泛斗行綠醪

送張亞卿

青雲翳鸞鳳紫電輝羽儀徵時應文明鳴盛棲
天池韶音象虞治雅奏敷僊姿鸞鸞志八極表
表輝四陲邁此蕙菲諧垂翼濟水涯論定理終
白天勝人豈爲來章荷新寵遠道符良期邦事
中川遺集 卷五 十一 蕭白堂

壽溫菊莊少叅

大人抱貞淑君子凝道醇義綱尚中錦禮素淵
前陳川譽流矩裁坤美含至淳徵時應文明祉
佑崇德新業振奎璧光槎泛牛斗津民曹領邊
覬岳政叅河濱遺愛滿甘棠畫錦旋舣岷買山
卧人龍嗣武徵天麟少宰侍經幄帝傳承絲
綸乃茲得善餘彌此福慶純綿綿茂遐筭蔚蔚

榮大椿左孤宴初度菊采明今辰願徵晚德馨
淑世昭青旻

送清江郭堅和

笠簑倚燕市囊有折角巾筆床對茶竈知是閑
散人東汎楚澤舟西問蜀江津氣冲九疑暮情
放三峽春雲夢隨吐吞劍閣供笑輦晚出薊門
道長嘯易水濱懷古弔荆卿訪桂思靈椿歸買
潞河棹雲冷秋氣新故園喜遙至家慶承二親
懿懿市井儒皞皞堯舜民往哲如可追願爾崇
中川遺集 卷五 十一 清白堂

席珍

喬松贈見素林老先生

巉巖紫巖靜森森清澗幽蒼蒼老松色藹藹霜
氣浮霜敷百卉凋松茂千尺蚪撐天挺危幹柱
世凌晚秋清風振無際高韻鳴鮮儔翩翩巢素
鶴鬱鬱蟠丹丘安得古良繪寫向麒麟樓

鴈北鄉

江南農事作念汝抱鵲難豈愛陰山北風沙晝
日寒何處垂征翼鳴鏑避可汗

送崔太守同年之保慶

太守古藩翰統馭連金湯治化資仁賢簡任宜
龔黃龔黃政無雷禮讓民有防所以重斯人軫
念勞 聖皇聖皇圖治効於變期虞唐基化憫
烝黎善治憂遷方念惟二千石揔此六事綱政
教以修明理亂隨弛張因之慎委受美品遴珪
璋臺諫寵龍媒省寺崇驕驕雲達試逐電千里
馳康莊懋賢挺時彥識治昭否臧繡譽起秋官
比部推謙詳分符題會議出守辭 帝旁專城

中川遺集

卷五

七

清江堂

蒞民社保障聯殊疆法行重柔輯慰遠來散亡
思終著威惠罔倦持循良佑善養嘉穀去暴鋤
莠稂政緣美作異教以德化強績成煥考徧遺
愛存其棠其棠易剪折德被難謬忘萬古此靈
裏雅好出秉常懸知五馬路留求百代芳國禎
賴端植世兆基隆昌行矣使君車道遠情俱長
劍閣險巉巉江流迅決決無悲九折坂遂爾思
王陽清時重行義聖訓先顯揚見以孝移忠益
茂聲與光福星耀芒采隨雨霏淋浪興歌歎何

暮刻薦騰交章駢英荷 聖詔獎譽照歷駟鳳
呈一代瑞麟表多士祥念彼蒼乳姿可畏不可
望山風下蕭蕭海霧升迷茫金闕曉鐘鳴送子
凌天霜徘徊薊門側執手河之梁願言兩相憶
贈以碧琳琅琳琅未珍貴所願崇耕桑張堪政
可樂召父恩白滂不次仰喬摧旋邁登巖廊蜀
道豈真難我聞涵八荒

挽張練江

宦林阻嘗試儒行空席珍冰壺碎清澈玉樹凋
嶙峋鄭鄉早知譽海鶴凌秋旻京邑慶良觀河
論傾坐賓乃茲今古恨命矣何艱屯昂霄豫章
材負此梁棟身有道痛徵士無懷嘆遺民埋聲
聚泉壤衍慶洪汝濱庭桂已名世園栗不全貧
德光耀時輩矩範垂後人佳城示月夕玄堂秘
風晨承恩侯喪贈塋護石麒麟

送白貞夫

貞夫負時譽少日從鄉評弱冠遊京邑藻翰傾
士英文驚爛炳蔚賦嘆叶鏘鏘乃因贊國器知

中川遺集

卷五

七

清江堂

當振家聲三年辭虎關一經宴鹿鳴禮樂獻策
林甲第傳恩榮人歡靈鳳起又擬神駿行五
色煥天池萬里登雲程我憐珠照乘亦比玉連
城矢心重識拔得士協孤卿美茲荷遣命西京
送遐征載道感驪駒前騶抗飛旌憶衢眇何賄
託意屬嘉貞

思齋爲友人題

我心本純一放去即支離存放非兩心係我思
不思思馬尚斯但况非空遠而所以思無和聖
訓良可師了了近思錄千古開愚癡既云露作
聖復道明無疑向使有弗思寧保不昏迷思則
善心生萬境通天達或然思未通神鬼將開提
回翔視往昔莞爾揖軒羲先天天弗違後天奉
天時胡以思名齋此意應深知殆亦不罔者微
子吾誰期

送別

送子上江干江風獵獵寒衣當增暮楮飯可僂
朝餐賸有南來鴈帛書寄羽翰

問鶯

何處鶯來早今年春不遲可憐相對語雙
棠枝想愛胭脂濕京塵過雨時

朝回

朝回雲物靜獨坐倚東風却憶夾香案承顏接
舜瞳載筆慙無補盟心願有終

中川遺藁卷之五

中川遺藁卷之六目錄

五言古詩三十五首

松菊同芳

贈閣老木齋謝公致政

贈谷道之令霍山

喜雨

曉起

移菊

心田

中川遺藁

卷之六目錄

清和堂

題樊少南三異卷三首

送杜朝陽同年令鳳翔

送郭道長落職南還

送岳姑壽

送岳姑壽

送岳姑壽

送岳姑壽

送岳姑壽

送岳姑壽

潞河舟中二首

送喬伯藏擢陝藩少叅

贈周江郎先生

送司寇潘公北上

孤梅贈呂涇野

送秋卿余懋賢入賀

送秋卿李文興入賀

月夜有懷

過陳謁太昊陵感而有作

中川遺藁

卷之六目錄

二

清和堂

登畫卦臺

彭地官邀餞于厄臺遂拜先師孔子感

而有作三首

挽贈尚寶司少卿劉宗夏

壽椿贈封君八十翁吳道長

浚川此時在病累過之不得面盡因作

此以見慰意

中川遺藁卷之六目錄

中川遺藁卷之六

大梁王教肅之著

五言古詩三十五首

松菊同芳

巖松鬱山姿百丈凌碧霄下有秋圃英金華明
翠條幽馨散清馥古色搖涼颿雲封互長茂霜
染無摧凋枝壅晚亦茂幹挺冬自倚綿綿幾千
歲不論瑤水桃白榆謾寂歷紅杏空媽嬌松菊
茂偕壽四季常均調

中川遺藁

卷六

清自掌

贈閣老木齋謝公致政

慶雲蚤膺瑞元氣中懋調晚興託姚江謝政旋
歸輶情真付山水野趣耳漁樵隱深望滋重歲
末節彌喬昌辰際享嘉耀詔承賁招起巖觀商
宗佐聖依黃堯時欣舊德用世仰新治昭乃心
奮鞠瘁齒邁力與召感 恩報難酬屢疏辭
天朝明時荷 皇眷 俞旨申崇褒陞謝 璽
書榮璫幣光龍饒供張盛都門輝采溢渭橋僊
舟游河水 風去遙遙尋社結耆英樂化朝歌

韶忠誠戀 神哲瞻極青雲霄

贈谷道之令霍山

薰颿應炎候槐樾增繁陰送君騁皇路挹酒揚
浩吟君姿抱文鳳鳴盛流雅音天池俟棲濯斗
望隆袍簪試邑淮水涯彈此霍山琴 簡命既
宸聰圖報宜官箴花封念赤子星戴凝素心奏
最領擢喬滋慰持道襟見將馬期志續彼宓賤
聲清秋懸藻鑑長日馴桑禽脩途稱神駿美政
雄士林平生負經濟嘉會重侵尋懿懿 倬暮
中川遺藁 卷六 清自掌

喜雨

曠氣賈炎燄天漢矜昭回叢薄墜初英古浸揚
新埃我亦渴塵生望茲靈雨來雨細篩微風雲
深振殷雷已知潤長畝所願彌九垓啓軒對庭
柯呼友傾樽壘

曉起

曉風來細細旭日上瞳瞳起行隨去住撫卷對
孤松爲問春多少山桃紅未紅

移菊

愛汝迎秋色金英帶曉霜有斯即素節無乃更
清香移近蓬萊石相看蒲玉堂

心田

心田何井井經制天與開湧泉灌溝洫谿海周
榮涸燥濕濟水火暘雨時風雷境森萬物備精
蘊一氣胚土膏滋善苗芝畛毓靈胎玄機鼓陽

中川遺集

卷五

三十一

清印堂

吹生意彌根芽因根見萌孽種種皆奇材試將
資世用家給人恢恢惜哉炎黃青久矣雜秦灰
所幸存禮耕聖訓垂皚皚播種行陳養釋聚紛
備該釐成自天府應候占虛臺養苗去稂莠啓
穢茅草萊撤除舊業保澤新栽鹵莽荒蕪
耨勤修漬培良能羨農作日入猶徘徊爲謙
崇敬讓泯智藏奇魂素朴超罔象古野到無懷
田上有宅安宮牆鬱崔嵬滿門樹桃李計鼎儲
鹽梅正道坦平平廣居遂枚枚王道譎卅局仁

恩湛朱陔油然而一闌中春色宛如醅主翁重
常操使惟意裁中正仰皇極物化依斗魁里俗
重調卹慶吊殊歡哀坦情尚真率藩圃忘忌猜
逸居戒煖禮善相招徠伏臘歲若時宴祀脩
樽壘厥賦什以一易辨無徵催同井各親睦臨
財務辭推至和萃童秀愛親見提孩育德養蒙
正隆師扶教類學以小大殊朋從各往來循古
士出農隨任皆卿陪乃知代天工異世不假才
頌聲動靈籟仁風徧中垓有土此食報豈能
有財徑効田功數富徵牝駉積餘歲因陳豐
儲用無摧炎黃可復見義舜能挽回堯田水作
患湯田早爲災普天治心田率土無曠埃元首
樂休明股肱賀良哉

題樊少南三異卷三首

泉以耳斯瑞瓶來應不窮可緣符地德勿幕順
天功勸勞雖無兆王明欲有終

右耳泉

其二

一泓勞浚鑿萬頃湛清深遂使城若堅重開涉

與金美葉昭瑞蓍君子見怡心 右瑞蓮

其三

燁燁梁棟上芝茂九莖餘無根通地脉有象燦
靈儲政異古多瑞圖傳今不虛 右靈芝

送杜朝陽同年令鳳翔

君昔肆神駿路桂騰雲達汗血志千里羣道陪
鸞儀嘉逢諒有 大器何重持乃 逐電足聊
試涇水涯終南翠出沒岐下清委蛇古微鳳鳴
至今見龍種馳紫氣度函隴黃綬明儒姿滿花
中川遺集 卷之六 五 清節堂

送郭子弼道長落職南還

竹幹惟挺直松理恒抱貞乃茲松竹姿逐此山
水情豈不並羣卉卓絕擅獨稱遙惟景開霽水
秀山與明好風時一來聲韻成幽清澗深茨龍
卧岡遠來鳳鳴矧復桂蘭枝芳隱同締盟釀雪
生黃雲司令今玄冥願言保寒歲棟世終榮名

贈湖東老先生岳姑壽

颶風應初戛旭日明綺筵纓歌下鱗鱗修蛇交
翩翩金函進符籙羽舞紛踴躍祝稱太君壽
艾龍鍾年君昔自天漢謫世乘雲軒女德會星
牛方紀承道圓冰葉藉壺助公輔資內賢鳳鵠
相文鳳鳴世扶堯天麟嗣儲化鵠繼武騰光前
錦誥五福崇素履百慶全圖增海山秀操未松
菊傳蟠桃七十二燁燁顏色鮮願以薦華堂壽
與同綿延

對雪有懷

颶驚振寒響雲凍垂凝陰冰屑灑空階瓊玉迷
遠岑庭空鳥聲靜窓引寒素侵翩翩動清興
隔豁煩襟瞻雲美人在緒末情不禁遙思大江
南對景應浩吟南州海山秀灝森連嶠欽梅英
弄清馥竹色搖蕭森剡棹豈空回載酒還自斟
詩成滿鳥絲醉醒彈朱琴北鴻來幾時為我遺
嗣音

嚴司成鈴山堂

面鈴肯新構冰介移舊廬智周化溪樂仁靜習

山姑羨茲峙迴合復爾懸畫圖開堂景逾會倚
望情自愉史遷昔有助張老今未諛世業竹書
香精舍端師模文膺陟虎關道闢覺儒山隨
君子重靈與嘉際俱菁莪既叢蔚桃李復華敷
門牆備繁盛彩鳳翔雲鵲

送馬抑之迺兄

晚成自奇器材遠難寸量春華蔚青紫孰與秋
實臧大人貴龍修君子其豹藏所以古哲匠罔
以樸示良笠簞見湖海田牧聞疆場耆德苟深
樹繡譽終侈揚宗門既華右科第傳書香之子
蚤肥遜蔡野棲雲莊青聽念玉季白豹明繡蒙
千里往從之麓和垣以倡暮遊守除歲春草幣
池塘驪駒復在駕行矣還鄭卿來知無覲謁云
有力耕桑廣田試陶綺廣德崇伊姜頤和茂繁
祉奕世垂餘芳

夜坐對月寫懷

金波溢樹杪光墜僧宇深涼颼徐與偕灑浙來
虛襟抱罷啓秋釀引觴歡自斟顧影欲相酬影

共向我欽仰天肆長嘆因憶達者心山林亦朝
市朝市亦山林至性苟深遂多計何真尋平生
數知已總鮮識此音早駕期往從坐待參斗沉

舉酒對月

陳樽遲皎月抱膝鳴枯琴胡爾松檜長礙此冰
玉陰歛忽度廣殿徘徊向禪林我亦舉卮酒對
影舒笑音道化豈終窮兔走空升沉何如借今
夕爲我來照臨清光不轉移達旦懸天心照我
醉中趣聆我醒後吟豈稱有殊調所嘆無賞音
願當締滌交仰照明虛襟萬歲與十歲隨在相
追尋

潞河舟中二首

晨嗽上林杪海氣連雲齊揚舲渡中流艤棹沽
水西側巾憇沙岸步柳沿長堤陂池見犢鳴村
近聞烏啼幡爾感客况欲向家山接舊筭昧前
睹來復成遠迷胡爲金石心逐世與與低文羞
鳳凰羽寒恨驚馬蹄徘徊望蒼瀨不轉生惻悽

煙汀明皓魄柳岸搖清颿
灤漿下中河泛槎擬
天池翩翩動逸興藹藹生遠思
不見斗牛宮空
抱機杼悲塵海浩無際
佳會良有期慮乃應客
星蜀有君平知

送喬伯藏權陝藩少叅

南宮法從吏北州士林英
豸繡入留臺鳳鳥鳴
神京所志惟激揚圖効忠
蓋誠乃茲被剡薦致
主知令名薇垣陟行省
方岳羅干旌道與官
偕申時忻簡任榮明發
戒驪駒命駕關隴行入
中道集
卷之六
九
清自掌
關度豐鎬邠岐道西征
願當訪姬轍懷古欽聖
情聖往遺事存隨在昭
休明取以贊治經籌邊
資治成

贈周江郎先生

古道今失古得君古道
人情話纔一夕煖吹迎
三春僊蹤遍寰宇禮度
彌天真傾懷感神契暢
飲誇聖醇不惜醉如泥
豈厭狂倒巾工歌奏清
商壺矢較奇純所愛周
公子雅倡無與倫平生
恨狷介對子覺相親黃
石肯終授白首欲自新

送司寇潘公北上

教弛刑乃作禮定法斯
明五用順天討八議緣
人情在昔有嘉訓乃後
無敬承哲皇重欽恤
邦禁屬老成徵賢自留
曹翊聖遷秋卿喜茲霜
野爭戒此雲路行江津
望僊舟星漢入神京畢
陶見淑問呂命昭祥刑
願言邁虞臣體德存好
生

孤梅贈呂涇野

孤梅傲冰霜間氣含清
淑一枝倚先春四海聞
奇馥僊姿擅花魁雅操
存太樸寒翠連古松素
友偕脩竹靈華有升沉
質任無寒燠所貴在嘉
實焉計久與速人天互
持勝消長交羸縮候定
苦節明貞盡元美復殷
宗自恭思傳鼎來空谷
矧茲茂巖廊眷遇何夢
卜和羹俟均調雋味宜
深毓凌寒萃坤珍水月
瀾山麓

送秋卿余懋賢入賀

懋賢清俊士芳年負才
名昔余重英畏今以樂
官成鳳靈煥虞階龍駿
馳天程乃茲賀元正僊

舟上神京歸應觀慈闈畫錦生春明義完忠孝
節禮見臣子情矧當被褒寵溢美昭至榮池塘
宴春草玉律協金聲舟旋仙子瀛傳誦滿都城
送秋卿李文輿入賀

文輿檜柁操凌寒茂蒼蒨輪材足棟世直幹今
摩空清陰被巖桂益友結山松明堂啓新構器
賞宜宗工岵念椿色蒼岷憶萱萼紅陳情極寸
草 俞旨來宸楓拜賜感 天恩辭歸杳僊蹤
歸程泛銀漢遠度牛斗宮斗外瞻辰極煌煌正

中川遺業 卷之六 主 清白堂
天中旋觀莫邇迴北棹乘南風

月夜有懷

憐君比蟾素曜魄明天遠團團照寰海皎皎懸
玻璃如何三五夜不繫千里思移席坐虛簷彷彿
遙追隨清德見澄澈道韻聞爽颺情深浩無
極撫瑟鳴朱絃

過陳謁太昊陵感而有作

維天有天文維地有地理維人鍾二儀孕秀白
皇矣至文具由衷至理根底裏成性出天然與

形俱胚胎外觸可中會三隅解旁以有本乃如
是逢原故若此先覺苟無人初迷孰與指所以
古聖君天意若驅使羲皇聖神姿割制安厥止
仰觀暨俯察地應復天啓隨感見秀靈因心據
秘旨盈科知類充足此更通彼卦畫自中分文
字從茲始爲天顯禎符爲地呈珍祉爲後啓文
明爲時昭道軌爲人開物先爲乾稱宗子匪直
代結繩且爾該政禮道統肇真傳人祖光帝紀
世世享利益歷歷見經史振古兆六書迄今同
中川遺業 卷之六 主 清白堂
萬里德視化工均功與造物比身帝宛丘都魄
葬蔡河湫血食報隆盛億代曷窮已不朽在貞
珉如存祗松梓雲日耀祠屋令人發敬只我行
道淮陽駐車瞻聖址肅拜仰靈風竭誠薦沼芷
登畫卦臺

有開兆人文神物乃天生天以見何言人斯成
與能至今畫卦臺照古宛丘城城外瞻河沅龍
馬懷瑞呈旋毛應方色五位各對凝暨昔產叢
菁一本蔚百莖玄蔡伏靈根青雲護頌英想觸

太昊心以見天地情乃茲著河圖造化合生成
象以顯言意數以寓除乘乃茲立大衍兩策布
縱橫爻一該萬化襟三終四營乃茲類奇耦兩
兩互相承三畫備太易八卦盡全經二五示中
正內外分悔貞逆順昭往來動變殊咎禎所重
酌時宜載爾精若誠不誠乃無物大業生有徵
消息異凶吉進退偕縮藏神鬼揔福謙天德恒
惡盈乃知古聖神匪啻存卦名乾坤既開闢天
地効寧清屯蒙樹君師政教初顯行建侯政乃
先養正教斯弘濟未著深戒否泰慮攸征是爲
君子謀趨正獲元亨太上豈專門用世實依憑
人以觀象占道可興治平登臺仰聖模佇立拂
塵纓逆志尚千古何緣契道膺妙悟此精蘊易
簡通神明

彭地官邀錢於厄臺遂拜先師孔子感

而有作三首

西風布微陰南轡已朝駕出城問厄臺回轍敬
瞻迓臺古廟重新天開似圖畫遐想有厄時孰

云無過化厄其如予何聖衷靡驚訝鐸音發
聾文德正夷夏至今幾千年教澤享洪大啓後
賴先覺肅襟拜門下

其二

舊聞厄臺名今拜厄臺下臺上坐先師暨彼同
厄者身厄道不窮何心用若舍祥鳳宜高岡匪
兕行曠野道大世莫容音古識自寡所以聖賢
心難瘖未輕假淮陽秋氣深滌水日東瀉世遠
地仍昔徘徊重駐馬恍若見當時琴瑟奏風雅

其三

下交交卿相上交交王公上下既鮮知賢聖常
困窮所以道如天未緣代天工轍還多沮洳舉
世皆昏蒙奚恠莫能興從者亦愠懷不容見君
子不濫達窮通卓維子淵氏乃茲契聖衷賢哉
嘆瓢飲庶乎嘆屢空行藏安所遇素與亦契同

挽贈尚寶司少卿劉宗夏

人臣貴忠義舉世何鮮能忠惟孝斯立義以仁
乃行劉卿起汴南此道若性成進士發賢科忠

義完今名夢果自神授氣正已俱生所能佩朝
紳便爾服忠精伏闕効臣職隕命攄悃誠至今
存不朽終古振芳聲褒崇荷 仁聖璽誥昭顯
榮 恩光彌鄖野諭祭徹九京美茲忠義魂上
比星漢明汗青紀傳信裏赤悲抱貞

壽椿贈封君八十翁吳道長

大椿挺虬幹凌霄接太清百經春復秋千易甲
若庚靈根孕五殊幽芳擅群英圖入海天樓蒼
翠倚朱明巢鳳見雙雛鳴盛協九成矧資虞舜
治應瑞越王城比之寶燕山椿桂同今名亭亭
狀龍章華華發坤靈閱世幾滄桑開堂蔭簷楹
堂上羽衣僊歌諧金奏聲雨露荷天章封表來
帝京願永青雲色不凋碧蘚形孫枝茂蘭桂錦
畫軒敷榮

浚川此時在病累過之不得面盡因作

此以見慰意

人知詫雷電誰能護風燭皇路蹶駿蹄亨衢摧
玉輻蛟騰運作霖鳳豈宜幽谷何哉大君子修

爾旋雲轂於世未可少 儔想應獨乃因悲古
賢皦皦易緇瀆潔名去難兼抱忠來衆服行當
起傳巖被命昭光復惟茲關定勝幾至鮮預卜
便使長棄捐中亦焉鬱怫有趣釣河許無價評
山麓風清月與白酒香花競馥隨處覓僊蹤養
高避塵俗興居任容與笑傲狎鷗鷺謾云此奚
爲安知不爲福矧君素聞道樂天耳止足脫履
付煙霞重裘倍饒粥

中川遺集卷之六

中川遺藁卷之七

大梁王教肅之著

七言古詩十七首

古松歌贈邊華泉先生

君不見岱嶽山從判玄黃有天地巍然萬仞凌
宇寰又不見山上松孕精日月飽霜露奔鳥走
兔埋群峰東方未白煙霧作蛟龍彷彿騰巖壑
靈暈中天海氣清蒼顏翠色明春晴直幹參霄
二百尺根蟠節錯堅如石霆不能破風不摧神

中川遺藁

卷七

清白堂

功鬼力陰栽培不數秦時五大夫亭亭梁棟撐
輿圖笑殺雲邊倚紅杏謾言天上生白榆白榆
歷歷能幾行古松開通滄爲系已共竹梅保寒
歲壽年直待凋三光翩翩借與巢雲鶴一枝豈
但千歲樂三光凋松亦凋三光不凋松自喬

風濤共濟送東塘毛侍御行

颶風一發山石走驚濤亂落青河口河飛障日
白晝昏濤聲迅若轟雷吼篙工艤舟不敢放中
丞獨行使君偶揚舲舉棹度中流出沒煙雲互

先後旗旌一照濤更翻蛟怪龍精盡失守舉頭
長顧使君前正色凝凝自端厚緣知雅靜矯塵
俗視若倏然無何有使君今立 天子庭還

上星辰弄北斗誰知南涯幾萬家戀似嬰童去
慈母河水豈無枯竭時篙行有日成培塿數來
不似使君賢留得清名世不朽激揚諒多益憲
度真無負應當畫日蒙三錫肘印纍纍大如斗
紫霞盃鬱金酒挹來醜向河水濱再拜三行爲
君壽

中川遺藁

卷七

二

清白堂

大梁行

昔聞大梁名今住大梁野夷山高崔嵬汴水自
傾瀉沙海秋風不記年吹臺曉日連甫田堅碑
猶記浚儀事封人請見如眼前亦有孟子與氣
象何巖巖應聘入梁庭義利排喧阗天下如轉
輪大梁自樞紐極古號中原大觀空九有西望
萬行山北控大河水財利連東南平饒盡千里
漢朝何事名梁園中宮愛子膺親藩樓道行空
三百里 狼兔逐奔豚離宮壓汴傷隋主隋

廢宮殘泣秋雨當年誰置宣武軍朱梁僭據恢
疆上一代詩豪李謫僊眼空四海筆如椽吹臺
風物累經遊筆花落紙生雲煙偉哉昌黎公山
斗傾多士汴州留遺文至今水門記梁晉漢周
如逆族殿前點檢天推舉五星朗耀接奎光休
明治教平強禦鉅儒碩輔彬彬生程張司馬尤
馳名斯文一脉煥西周秦灰再撥六經成更是
城西路舊築昆明池池上龍船千萬艘寶宮玉
殿光參差一年歲月逢好序池南池北陳旌旗
天子競舟習戰鬪坐收塵海同華夷城中士女
重節次列筵向池池水翠燕歌未盡趙舞重醪
酹相招過三市太平景象實侈逢風淳地古和
氣濃良嶽不封金水盡繁華一洗習春容誰作
志林獻 天子千年萬禩歌堯封

山海行送尚書郎馬榆菴

醫無閭山渺東望雄蟠直跨遼海東浩淼嶽岑
互吞吐華夷隔障從鴻濛箕子當年去復來風
帆猶自凌蓬萊一隘誰開破天浪至今胡貊通

山隈山隈海枯何茫茫滄桑岸谷成疆場百辟
文武建藩屏萬山南北行康莊天生險要橫喉
襟不風不雨寒沉沉謾說殺函控金斗平看劔
閣連雲陰聖朝一統同車書人人入化不梗逆
奉贊稱琛踵相續玉門不閉山海舒山海由來
屬職方貔貅萬隊供周防不是甲兵滿胸臆誰
能鎖鑰牢金湯尚書職方馬檢菴少年高譽騰
汝南峻峭節槩挺山立恢洪局度懸海涵先聲
應已威八方北門倚重勢軒昂勞勩行看動主
聖寵錫佇見膺褒榮剡門冬日風蕭蕭晴空萬
里翔孤鵬滿路松林振寒響送君伊邇情遙遙
送太史徐少湖歸娶

禁城九月霜氣清潞河如練曝新晴西風兩棹
美人去載筆已暫辭承明當年德茂淞水千盃
光許聘梁伯鸞于今六禮往親迎 皇恩賜允
天如寬淞中脉萃東與南海清山秀深潭潭賢
豪接武應奇氣崢嶸頭角輝朝簪美人夙孕山
水靈鳳凰比瑞麟此形策對楓宸動 明聖詞

雄翰苑騰芳聲玉山生色橫天池錦霞衣被青
雲儀知拜庭闈喜家慶好還京闕隨春曦吳江
燕樹遠迢迢煙光水色明沈寥懸思他日引高
望蟾魄未上琴先調

過岳子書屋訪諸友不遇率爾留題

君不見蟄龍窟中有驪龍二千尺明珠額下光
如燭又不見鳳凰巢牖戶憑虛籍鵲鳳朝陽燭
耀明九苞岳子平生讀書處龍鳳窟巢美無度
龍翔鳳翥瀛海東望望不來靈臺暮黃葉滿庭
風自吹綠藤壓舍雲常護龍兮鳳兮來幾時我
欲一觀在天路

策名歸省卷送李遇春

滇江江上明朝暉君昔鼓篋來皇畿萬丈斗光
抱麟史三年奎耀游虎闈裴老常懸藻鑑清君
今仕版登仕名却因慈母手中線轉傷鳥鳥林
邊情投牒南向南州去問津還問滇江渡到家
承顏進菽水綈衣踴躍爲親娛靈臺當空迅如
臂他年別冊應難別可應同赴功名會莫效溫

生居忍絕

雙壽承 恩贈封君龍菊坡

椿齡茂南紀萱歲綿北堂百順顯德徵雙壽齊
善祥庭前丹桂來月窟僊風縷縷香馥馥三色
已占狀元紅一枝足擅燕山祝燕山教子未如
君過庭詩禮尊前聞大對虞階自家塾三千禮
樂昭天霽乃信橫經作教時簾金笥玉真何爲
華國文成輝鳳樓起家地要登龍池龍池一日
承恩榮貤封有詔出通明盤螭玉璽煥星日迴

中川遺集

卷七

六

清自堂

鸞錦誥光晶瑩九重綸綉荷褒嘉感恩無盡歡
無涯父緣子貴帶清銜妻並夫榮世大家世家
忠孝定相傳太史龔錡耀後先可信八閩多秀
氣宗門一脉自依沿君家更是天下魁鳥中驚
鸞花中梅調羹味藉手澤長鳴盛知緣福慶培
當年文敏壽龔卿五福兼完爲品評我亦欲君
長不老海山同壽賀錢彭

醇酒詞贈松江楊季玉

采石江邊醅已浮麻姑泉上釀新菊一瓶不換

五花馬三盃却棄千金裘我亦平生戒旨酒相逢不覺情先投玻璃甕琥珀甌酌來大醉鳳凰州惟願仰天酬上帝爲時祈禱清平休

嵩壽賦奉賀楊先生華誕

瑤池十月新釀熟桃紅棗綠盤簇簇群僊互勸紫霞杯歌聲舞意相追逐楊君念此開壽筵人間天上同遐福况是近承天子詔烏紗寶帶新裝束星星鬚髮映朱顏巖然山立溫如玉筵前桂子藍袍新竹看健翮騰場屋書香宦業中川遺業
不棄
七
清白堂
復長年一門秀氣君應獨我欲願君富君不乏帛穀我亦願君貴君已安林谷但願君齡如大椿千秋萬歲長年綠

猛虎行

虎不食虎人食人相吞豈啻越與秦虎不食子人食子愛者欲存憎者死雄虎猶戀雌虎行人生夫婦何無情君不見亭亭松與柏上有萬與蘿一朝失相倚悲恨云如何又不見凋菰蔽池水池畔雙鴛鴦雙聲各應和四翼同翺翔刀不

裁合歡帶觴不解同心結青山之操白水心豈念茶甘自中輟

汪卿行

汪卿之生江委靈貌如碧匪秋泠泠中涵儀象渺難測明月常明青天青五車龜總破玄邃一朝龍化騰滄溟策對北辰上銀漢官分南署來金陵金陵鍾嶽高轟轟遠山近山相追逐龍盤虎踞峙遙情江水連雲漾新綠星辰萬里羅天閣圖盡千年舒地軸汪卿舊是金陵豪江山若爲迎旌旄星槎夜看斗牛近宦節秋淩霜氣高薊門花木芳初歇潞河煙雨陰如結且拚扶醉下煙汀醒望春明應苦別

大河行

大河之水來天邊衝濤激浪連青天百折之勢難挽回豫方千里直橫穿河中底柱如手懸摩空千丈獨屹然樹立寧知幾千歲數來應在懷襄先使君出按南北涯青驄白豸黃金轡已知正氣淩群嶽况能雅量吞百川大河底柱杳何

在在君胸襟曲處筆鋒前不向頽波共東下巖
巖直立當天淵旁流邪派徒爾多小應歸大偏
歸全馮夷依令不敢肆河伯收浪常砥平蟲龜
鼉息怪隱形帆檣如駛揚風煙望洋誰在河水
壩尋源不得空沂沿從今願作河平頌頌畢還
吟底柱篇

題赤壁圖贈憲副張已庵

樂水知士心樂山仁者性山貞水不滯知周仁
以靜仁知本一原水山無二古來山水最奇

中川遺集

卷七

九

清自堂

觀采石匡廬登赤壁赤壁峯巒赤暈濃峰頭煙
樹蔚蔚葱蘢銀漢分來半天水石厓激向亂雲叢
千頃玻璃涵意象萬年圖畫倚穹窿畫裏丹青
出自然望中蒼翠映潭淵昔賢愛擊空明好蒲
棹金液泛酒船指點江山數塵幻品題今古賦
思玄賦罷不知秋在枕夢回猶見月當天境勝
得人更佳勝僊踪隨處有留傳已庵樂與山水
游理河持憲從西州冰蘤清襟抱龍華萬行河
洛供吟眸尚友昔賢志湖海神交境晤相康

可愛平山近揮灑同舟却是濟川謀商確知緣
備衣柳笑談若爲淩揚侯水德行收潤下功漕
艘坐享河平休躋踈擢喬被璽命歡歌鼓棹
乘中流

中麓歌贈李伯華

中麓跨三齊欲評苦無價發龍起岱宗比高視
嵩華蛟虬蟄玉窟雲雷鼓神化振衣萬仞巔真
成小天下中麓主人嶽麓資山立應鍾岱嶽奇
襟洪無礙包寰宇境推有我撒藩籬就中識見

中川遺集

卷七

十一

清自堂

滄海明登山觀海忻同情清看月到瀛洲淨文
喜風吹波浪生山鷄初啼潮未回陽烏已傍潮
信來景象希絕成快觀盡圖弘厥自天開主人
驚望倚風松松老山深鶴唳空一聲洞徹海山
外聲傳響答谷靈通果然此地超塵俗主人愛
之日不足我愛中麓擬主人人亦頌美歸中麓

明妃嘆

明妃昔在宮中時千金不賂毛延壽自恃青春
二八初從教盡向諸姬後奇資絕代寧自傷何

日一登散花樓半年長齋廢觥籌興來忽與千金裘小桃婀娜弄芳柔紅蘭茁芽滿春洲墟邊女兒不解愁蘭草纔罷還藏鉤可憐世人自拘囚盜中乾坤舞蜉蝣百年苦短去日遑問君安用萬戶侯天河夜轉漂迴星銀浦流雲學水聲玉宮桂樹花未落仙妾採香垂佩纓秦妃卷簾北窗曉窗前植桐青鳳小王子吹笙驚管長呼龍耕烟種瑤草粉霞綬藕絲裙青州步拾蘭苕春東指羲和能走馬海塵新生石山下筠竹千

中川遺稿

卷之二

十一

清自堂

年老不死長伴秦娥益湘水螢娘吟美滿空寒九山靜綠淚花紅離鸞別鳳烟梧中巫雲蜀雨遙相通幽愁秋氣上清峰涼夜波間吟古龍秋風地百草乾華容碧影生晚寒我當二十不得意一心愁謝如枯蘭衣如飛鴉馬如狗臨岐擊劍生銅吼旗亭下馬解愁衣請黃宜陽一壺酒壺中喚天雲不開白晝萬里閒迷淒主人勸我養心骨莫受俗物相填厭天上碧桃和露種日邊紅杏倚雲栽芙蓉生在秋江上東風怨後開

九月蓉花發時有吾伊花下聲花明水白洗心性對書抱膝聽瑤琴南風一曲變商徵阜財解慍懷虞音憶昔鄭聲亂韶護歸尋書屋蓉溪住一朝重應鶴書來歷敷憲節升台階復有雙雙鷓鳳翔繼裴繩祖真重光書香不斷芙蓉秀慶澤應同溪水長鄴侯書多門無溪溪上那有芙蓉枝蓉兮蓉兮節拒霜世人何愛春葩奇

中川遺稿

卷之二

十一

清自堂

中川遺稿卷之七

中川遺藁卷之八目錄

五言律詩九十首

題文衡雅會卷

重九

晚寒

秋鴈

蘆溝

雨晴

假寐

遊南雍留別諸親友

和大齡韻二首

次韻竹林避暑時群公畢集遂成雅會

時復詠竹次金在衡韻

渦水

挽蔣生妻

遊繁臺寺

飲扈伯疇

宿紅心驛寄東阜二首

中川遺藁

卷之八

一

清白堂

毘陵陳氏忠節祠

送盧師陳同年三首

夜坐

早起

開塾

待漏

早朝

朝罷

送王掌科二首

寄歐陽南野同年

送高子述謫判開州二首

和郭杏東韻二首

挽湯處士

雨後看山

思椿

奉萱

贈陸子文

郊行

中川遺藁

卷之八

二

清白堂

檢書笥

送王世昌之任兗州二首

薑菜

小雪

題畫

鵲鵲盡

牛盡

送衛正夫掌科冊封伊藩

送張子陽太史使靖江藩府二首

中川遺集

卷之八

三

清自堂

謁陵

題巖洞僊侶

題秋林讀書

題僊人對局

送侍御劉汝勉謫餘干二首

贈王師堯兼和來韻

邀宿賞雪不至信筆偶成四首

曉行

九日

歸鳥

渡江

初至留都

謁孝陵二首

遊覆舟山

送郭雨山京北北轉

翫月

月下有懷

登樓

中川遺集

卷之八

四

清自堂

雪中見梅

雪夜東園宴集

挽王興浦夫人

寄王世昌推府

渡江

宴江亭留別諸公

滁陽道中

雪中同費鍾石少宰登千佛閣

泛柳湖宴子由亭維時風恬月皎湖光

如鏡情境可樂莫踰於是因爲近體

三首

除日次大宗伯張陽峯韻二首

得書

與友人着棋

中川遺集

卷之八

五

清自堂

中川遺集卷之八目錄

中川遺集卷之八

大梁王教肅之著

五言律詩九十首

題文衡雅會卷

十年懷雅奏何幸遇知音附驥成千里攀龍得寸心籠中無馬渤門下有桃陰可柰梁園別天涯隔遠岑

重九

一年逢九日萬里憶三川醉入繁臺上行吟落

中川遺集

卷之八

十一

清自堂

照邊烟雲迷晚徑風雨應秋天好藉丹青筆揮成作畫傳

晚寒

新冬寒試候十月載生明起問東方曙斜看北斗橫夜來曾半醉曉出忽深驚轉念瑤宮煖應憐軍士情

秋鴈

鴈來寒氣蚤霜秋水歆堅燒荒連野外罔獵滿山前旅鴈思鄉急歸尋晚稻鮮那知征失見爲

爾却心酸

盧溝

橋下水一石泥應四斗餘漲來何峻急雨後漸
舒徐淤壤饒肥足麥禾大小腴桑乾如有意入
壯 帝王都

雨晴

微雨開秋霽輕寒弄晚晴遠山明翠嶂返照耀
彤城天闊水鴻翔風清山鳥鳴倚樓看禁苑紫
氣繞蓬瀛

中川遺集

卷之六

二十一

清自堂

假寐

倚窓成假寐靈曜尚高懸簷雀迎風翥池荷映
水鮮夢中遊浩渺靜裏合幽玄彷彿揖周孔登
堂共折旋

遊南雍留別諸親友

風日南村好清尊送客行可憐遊子恨不盡主
人情魚鴈憑來信江湖數去程何時旋錦纜松
竹與重盟

和和大齡韻二首

淫雨開新霽高林日上遲鳥吟交翠竹蟲篆噉
青葵揮毫欲對客發興已臨池却憶夏禽變悽
然復又時

其二

相思空汎汎欲去復遲遲漫蔣階心草還移砌
齒蔡買田應種黍淬劒憶開池九子峯前曾從
今不幾時

次韻竹林避暑時群公畢集遂成雅會

中川遺集

卷之六

三十一

清自堂

日香龍門邀上客鶴望召僊郎陡覺紅塵遠翩
然發興狂

時復詠竹次金在衡韻

借涼依水竹開酌薦冰桃灑淅清颺度鏗鏘翠
玉搖地中龍啓蟄雲外鳳來巢緬欲縮簫管八
風任所調

渦水

綠崖望渦水一帶碧連天帆向雲中落人從畫
裏懸菱荷新可摘鷗鷺晚同眠却恨塵途上乘

爲自着鞭

挽蔣生妻

道韞有時譽，人稱女師閨。遺範整鄰里，慕
恩慈南澗。蘋空長北原，樹漸垂夫君。隆貴日移
寵，到荒碑。

遊繁臺寺

迢遙入古寺，繫馬借松陰。欬響驚巢鶴，僧來罷
梵音。座中秋黯淡，林外雨侵尋。指點聖朝事，重
重思不禁。

中川遺集

卷六

四

希甲堂

飲扈伯疇

扈子延賓日，西風已暮秋。黃花恰正放，綠蟻亦
新籌。拚醉同潦倒，吟詩一倡酬。夜深還興發，頻
爲照青篝。

宿紅心驛寄劉東阜二首

鳳城容枋別，薄暝宿紅心。念念家鄉遠，沉沉天
色陰。有風搖百草，無月照孤襟。旅況應多少，挑
燈自不禁。

其二

朝來風日好，佇碧見嶽岑。借馬方馳簡，尋春欲
浩吟。天教逢李杜，誤作避張金。悵悵瞻塵久，搖
搖空繫心。

毘陵陳氏忠節祠

有美尚書宅，歸然忠節祠。乾坤留正氣，勳業滿
穹碑。義振毘陵舊，靈還鍾嶽奇。慶餘綿世世，叢
桂茂孫枝。

送盧師陳同年三首

駟馬揚鞭出，三吳買棹行。龍盤瞻帝宅，鳳覽下
中川遺集

卷六

五

清華堂

神京柳別金，臺路花迎鐵。甕城僊槎認，牛斗應
感壯遊情。

其二

邇日名茲重，封章競欲傳。斗南看劍氣，雲裏識
僊軀。棹發龍江浦，帆投鴈蕩川。秋堂明畫錦，萊
服喜踰躔。

其三

玉川曾舊識，寶樹喜相親。待滿瞻青瑣，朝天入
紫宸。來儀欣彩鳳，世瑞感蒼麟。莫待吳江冷，歸

旋趁早春

夜坐

夜坐瞻辰極楊光耀北天靈樞旋斗柄淑氣逸
台躔庭樹涼生響欄花困欲眠移燈過樹下獨
酌對花前

早起

早起看簷樹未明上檣籬蛛絲垂露葉鵲喜報
霜枝稍課兒童業還脩雅頌詩朋來問奇字立
馬已多時

中川遺集

卷之八

六

清白堂

開塾

有書不教子無物可傳家爲是開門塾延師發
障遮談經成幾過讀禮問三嘉且欲懲遊惰何
能玩物華

待漏

待漏瞻宸極賓曦問斗杓已看旂色辨何聽
漏聲遙脫珥聞姜后垂衣拱舜朝逢人詢諫草
云是逐三苗

早朝

珂玉鳴春騎簪纓入早朝僊曹集碧落帝羣
下丹霄鵲路班行滿龍蛇對仗飄納言愧龍契
垂衮荷黃光

朝罷

朝罷來東閣肅襟謁上台至論清雙耳盍簪溢
九垓遠香聞茉莉近海接蓬萊願有葵心獻傾
赤達帝堦

送王掌科二首

千里負南楚孤舟棹北風柳看夾岸綠花指過
園紅曠野家何在霑流驛不窮逢人應問訊早
晚陟登封

中川遺集

卷之八

七

清白堂

其二

登封下淮蔡倚憶見申陽遊子慨皇路成名入
故鄉華筵明畫錦春慶拜春堂萊服翩翩舞承
歡笑欲狂

寄歐陽南野同年

六安名勝郡太守湛清襟若茁春應早竹符化
已深會來空寄念書去阻遙岑見說膺交薦知

送高子述謫判開州二首

年家雙桂樹都下早知名三色如相競孤根却

自成迎薰惜遠別對月憶遙清渺渺澗淵道天香逐旆旌

其二

何時入汴鄉邀月泛滄浪故人留遠棹遊子戀高堂家慶歡情極萊菴舞袖長遙知問行役風露賈新涼

和郭杏東韻二首

清吟協鼓吹倚和愧錚于雲樹隔瞻對天池憶步趨道玄求啓鑰九止問甌吏文旆淹何久令人發嘆吁

其二

一秋聞鴈久千里望書頻便有江湖興難淹舟楫身在巖今物色于渭起垂綸出世須元老何妨髣若銀

挽湯處士

水南霄夢汝江上放僊舟豈赴瑤池約遂成碧海遊清風悲翼缺達世惜黔婁氣化德星上光乘蒲潤州

雨後看山

雨後山逾靜看來盡不成翠屏流曉潤螺髻挽春明闌苑知何處巫陽有重名試將雲外落對此失遙清

思椿

靈椿何處是苦恨寄西風三釜悲曾子一經憶少公燕山名似舊楚國成空甚日情能盡天長地久中

奉萱

萱草風神靜棠陰日月長鸞回膺紫詔燕賀見斑裳報德天無極承歡水亦香願傳冬笋味千里爲先嘗

贈陸子文

我愛江湖子豪吟出自然龍臯稱有後鷗彩煥無前大隱今朝市知名幾歲年著書應了未爭

欲爲相傳

郊行

郊外春晴早看花日恨遲東風如有約不肯向
花吹水鳥調新舌林禽發舊枝景幽山更好立
馬駐多時

檢書寄

敝笥儲千古相隨已數年開蒙欣有託閱世迄
無前路掃旁邪徑流歸浩蕩川斯文如在此吾
欲絕帛編

出書

本卷之六

十一

清自掌

送王世昌之任兗州二首

起家名進士倅郡領 欽除未曙辭 宸極迎
春出禁廬便風催去櫓靈雨見隨車望海登山
嶽應知隘九區

其二

民省司命重道以大觀尊渙信惟欽恤由來自
典言衡平物有定鑑靜慮無煩繡譽蜚京闕龍
章荷寵恩

蓄菜

禦冬儲旨蓄依候訪名園剪韭晞晨露接葵傍
午暄馳情并菜味自養尚蓄言却憶忘憂物開
籠欲貯萱

小雪

小雪應新冬寒雲淡復濃蠶聲食徑竹蛟影卧
崖松玉屑隨風細鹽花鋪水平西山圖畫裏迷
却丈人峯

題畫

鷺禽番外至獨重海東青風翻翻何健星晴運
莫停一聲驚碧落萬里下蒼冥雉兔春園樂遙
看欲遁形

鵲鷄盡

深秋花正放有歲穀登場何處來鵲鳥迎風立
鳳岡離群應自歎念侶若勿忙悵悵重回首天
空草樹蒼

牛盡

歲豐占牧畜國富數牛羊九十牯應是三千群
未量起升隨自在牝牡喜相將更是春原外泉

甘草正香

送衛正夫掌科冊封伊藩

制宣節使命錦耀故鄉旌嘉慶欣重拜僊蹤
去程曙圖嵩華靚秋練澗渾清勝覽填水臆
歸傳滿玉京

送張子陽太史使靖江藩府二首

天傳冊使命雲載故鄉舟綵戲承嘉慶烏絲紀
勝迨曙圖開楚嶂秋練淨湘沅遙憶旋京日春
妍桂葉稠

中川遺藁

卷六

十一

清白堂

其二

五雲輟載筆八桂耀僊舟綵戲堂萱曙黃焚瓏
樹秋天恩榮里宅畫錦羨瀛州瞻極心應切旋
京逐凍流

謁陵

雲山天造設風脉地收藏鬱鬱峯嵐合冥冥溪
澗長龍蟠真有象牛伏勢何強萬億無窮極靈
鍾發壽昌

題巖洞僊侶

最是洞天樂冊青入畫傳果然風景別絕與世
情懸倚杖逢僊侶開軒講道玄塵緣真謝却高
興欲翩然

題秋林讀書

鴈辭橫塞後秋到遠山初霜葉丹如染雲林墮
欲疎菊莊誰大隱草閣稱幽居謝客門雙掩長
年苦著書

題僊人對局

雲山僊子樂洞府四時春玉蕊常不老瓊崖晚
更新步虛隨去住等世若逡巡對局觀成敗樵
柯爛已塵

送侍御劉汝勉謫餘干二首

餘干何處是千里送君行白日孤舟靜清風兩
棹輕沿江逢候吏逆水問官程去後春多少陽
回道自亨

其二

季冬風獵獵念子出神京最是來時路猶榮去
日情此生惟造物吾道任將行柱下他年石應

鍾百歲名

贈王師先兼和來韻

九人外下華髮鏡中嗟旅食猶京國高樓憶
山迷兩晉霄漢阻三衙幸對瓊瑤樹相

遊賓賞雪不至信筆偶成四首

長方肇慶應候雪巡簷勸酒寧須妓豐年預
司山思鄉常寄目共子欲掀髯何處山陰棹令
人仰且瞻

其二

萬里冰屑灑重樓酒力覺輕脆詩魔恣
迢迢賞心誰與共知已願相投望斷飛鴻信嚴
更報晚籌

其三

愛君如玉樹照我似兼葭久客同千里相看共
六花寒聲催鼓角晚興逼烟霞坐對青簪盡推
窓轉自嗟

其四

山霧迷蒼翠林風送惻淒垂青驚電目奪錦愧
霜蹄嚴瀨思歸久燕臺與碩道益替期雅集不
腆備蒸藜

曉行

曉行百善路天作九秋陰霧染征袍濕風穿客
懷深度險淩清澗迎寒怯遠林解鞍問何處黃
酒豁吟襟

九日

途次逢重九客邊驚暮秋霜於晴野重花爲曉
山留驛吏供村釀僕夫學楚謳偶乘清興發登
賞漫山頭

歸鳥

何處知還鳥飛飛送落暉行人猶在道念爾欲
思歸綠野黃茅屋青谿白石磯樵漁隨去住鷗
鳥伴忘機

渡江

驪駒秋登道龍江曉問津倚洲蘆穗老隔岸桂
新霜氣垂紅樹煙光見紫宸萬年基業厚一

代 帝圖真

初至留都

從古帝王州龍光遶鳳樓石頭橫地出江水接
天流形勝開圖畫風華足宴遊有僊成伴侶無
日不瀛洲

謁 孝陵二首

神嶽吐寒雲雲深松徑分履疑行豹尾石上躡
龍紋王氣盤空出潮音隔水聞遙遙明殿外香
霧靄氤氲

其二

聖帝超千古神謀出萬全壽原龍脉永天府鳳
圖懸負嶽迎江水築宮接斗璇承桃開有後洪
業創無前

遊覆舟山

龍卧覆舟山頭旋鍾嶽間乾坤萃奇氣形勢洪
靈寰一水沫涎綠萬松鱗甲斑我行龍背上分
徑入賢關

送郭雨山京北轉

愛子瓊為樹凌空玉作僊儒宗一世重書符
經全人日江南別文風海上船懸情繫紫氣回
首隔蒼煙

翫月

初月自西天生明漸上圓啓軒遙望見傾影却
欣然兔魄何相近蟾光淨若懸三人隨去住萬
里共嬋娟

月下懷

寒雲晚開霽江月夜生明月下聞啼鳥城頭已
換更霜於瑤樹重風到玉亭清對景拂焦尾思
君彈未成

登樓

新春常作雨晴日此登樓鍾阜蒼煙潤宮城紫
氣浮江存六代去境勝萬年留縱目看難極開
襟欲盡收

雪中見梅

雪霏正人日梅放滿寒枝太素含冰玉嬌紅露
粉脂撲人香細細隔樹到遲遲佇立欲攀折思

東園宴集

桂館雪池二梅軒雪月中筵開水玉境人在水晶宮寶篆八簾細燭籠統砌紅欲歸還問夜遠寺已鳴鍾

挽王輿浦夫人

良玉孕荆陽脩蘭茁帝鄉玉光埋夜月蘭萼隕晨霜琴斷僊緣調詩留女士芳地卿悲鳳友天寵煥龍章

中州遺集

卷之八

八

清旦堂

寄王世昌推府

夢子似髯僊持官見古賢望中迷萬樹別後越三年報政今無遠擢喬已兆先鸞臺應指日鳳譽喜彌天

渡江

入賀赴神京江津第一程練橫十里淨鏡以萬年明盡裏看帆影雲邊落鴈聲乘風渡浦口寒月已東生

宴江亭留別諸公

江亭隨處宴不盡故人情乃信難爲別憑誰欲寄聲夜深池館靜雲霽月華生對酒空高興臨裝復戒行

滁陽道中

地形增勝槩山色繞滁州畿輔推雄郡琅琊憶舊遊詩曾石上刻人已帙中收幾欲重登陟行輒不可留

雪中同費鍾石少宰登千佛閣

風雪阻行輒閒登大覺樓諸天隨睇盼半日此

中州遺集

卷之八

五

清旦堂

優游塔有瑤光發門無玉帶留開筵逢地主雅奏問清謳

泛柳湖宴子由亭維時風恬月皎湖光

如鏡情境可樂莫踰於是因爲近體

三首

郝子代中英分符淮北城漢修汲黯政唐慕饒山名邀我看湖水乘舟泛月明湖光秋更好無限盡圖清

其二

穎濱無覓處湖上有遺亭屋矮仍虛白名高照
汗青登臨重宴集彷彿見英靈不盡懷思遠城
頭已報更

其三

柳湖清見底荷菱綠芊芊隨處香不斷開時紅
欲然塵纓忻洗濯煩抱頓幽玄鼓棹乘秋興魚
龍驚畫眠

除日次大宗伯張陽峯韻二首

乾坤成泰道百卉發精神 聖王應歡宴冬

中川遺集

卷之八

十一

清自堂

除對早春瑤花復獻瑞杯酒共嘗新會後詩相
贈祝先君若親

其二

歲深何太速春至若相催四序斗邊盡三陽地
底回起看江口雪却憶隴頭梅餞臘收寒去迎
歲送燠來

得書

客自梁園至朱函持素書意多不道處情在夫
月初計日秋將暮瞻雲望雨行加餐吾亦念隨

飲寄雙魚

與友人着棋

喜見降旗豎還慙雲陣低孔明知爲漢樂毅未
平齊正欲樵柯爛難祛竹葉迷洞僊如有興早
晚過幽棲

中川遺集

卷之八

十一

清自堂

中川遺集卷之八

中川遺藁卷之九目錄

七言律詩五十六首

恭和 御製敬一亭成三首

恭和 御製敬一亭喜作三首

重九應 制二首

和毛東塘侍御登明遠樓韻三首

塗山遠望

新秋夜坐有懷

沈元林有和復答

中川遺藁 卷之九目錄 一 清白堂

答謝金在衡竹林之會

詠廬師陳西千草堂次韻二首

紀生贈行

寄馮山陽

七夕有懷次友人韻

送余進士還嚴州

杜子材命題宜野卷

題呂進士愛萱圖

雙節祠

送扈伯誠

贈王進之時同寓鷄鳴寺

送客還吳中以沈元林邀賦

謝李敬夫送綿被至

春遊

野眺

燕山椿桂

喜晴二首

送侍御王克敬二首

中川遺藁 卷之九目錄 二 清白堂

和邃菴楊閣老韻兼奉贈四首

贈郡伯吳宗海同年

贈張侍御

挽詩

送謝汝湖奉母還鄉

譙楊閣老宅次康鳴吾太史韻

與在兒家書因附此述懷

題山人醉卧

內書堂宴集

奉寄陳石亭先生四首

楊次山惠詩用韻酬之兼以留別

謁茂陵祀 孝惠太后

壽理菴段翁

題漁舟釣叟

飲姚明山太史宅時因新會

中川遺集

卷之九

三

清江堂

中川遺集卷之九目錄

中川遺集卷之九

大梁王教庸之著

七言律詩五十六首

恭和 御製敬一亭成三首

道闡幽微出廟堂迷開今古振綱常六經並用

恢元化群策兼收正否臧心自敬中生妙覺文

從上起鋪張構亭斷玉昭 皇訓膺藻天葩

是 帝光

其二

中川遺集

卷之九

一

清江堂

玉亭清對翰垣堂禹命堯章樹典常日月代明

聖昭末地天文泰應時臧化極孝理開全盛治

具同文煥畢張法從庶臣歡盛際矢音喜起拜

輝光

其三

宸翰聯珠萃玉堂統傳三聖示天常克艱后儆

先無怠爲德臣愚願有戒敬勝賴惟新治化一

純能自重更張洪鈞易簡通堯聖大知神明啓

舜光

恭和 御製敬一亭喜作三首

敬一箴頒典訓章清宇文思煥虞唐天垂星漢
昭三重日顯光華麗五常吾道大明關氣運元
臣佐理重 朝堂落成何幸陪樽俎願効華封
祝 聖皇

其二

龍圖象範耀奎章月露風煙鄙盛唐一代寵規
參化育萬方承式叙彝常築亭幸接瀛洲地見
道今升洙泗堂豈是斯文隆聖作歟膺神契在
吾 皇

其三

廣運成功發睿章欽明光被並陶唐乾坤貞觀
開皇極禮樂協中啓性常亭石永刊國史院盤
銘如見至人堂仁天遍覆期神運敬日惟新仰
哲皇

重九應 制二首

歲筴翠葆煥天章紫電紅雲捧玉皇南極壽辰
垂帝照中秋華月耀神光六宮侍御陪龍象三

島神僊列鴈行願享當年偕億萬前星聯綿祚
遐昌

其二

天開佳節應重陽宴設慈宮樂壽昌禮重孝誠
新奉侍樂從懽慶發清揚萬年此日同稱賀百
祿維時自永長極順至和蒸上下慶雲并露獻
禎祥

和毛東塘侍御登明遠樓韻三首

夜來罷却三場試爲上凌空百尺樓灼爍陽光
纔鄉午湛清天氣正中秋須知目睫還增爽不
礙人才得廣求他日稟庭看論德時時應慰
聖明憂

其二

三試 竣來醒目一時高興共登樓望中嶽色
淩清曉雲外濤聲送早秋感戴 皇恩思重報
搜羅人物爲深求應知續食皆英俊後樂能先
天下憂

其三

天開文運逢今日不爲閑登八月樓
題甲乙誰言皮裏漫春秋金聲玉色應垂盼鳳
翥麟軒正所求可是進賢能爲國舜庭今爲禹
皐憂

奎山遠望

荆塗第一高頭處俯瞰長淮東北流天下奇觀
拍神祠殿閣浮懷古轉添登陟興臺荒碑斷思
悠悠

中川遺集

奎元

四

清由掌

新秋夜坐有懷

一片思鄉望北心陡驚物候共侵尋井梧墜處
秋新至山蠻鳴時夜未深蟾影故來明皓鴈
書何事杳沉沉碣聲爲逐西風急歸興翩翩坐
不禁

沈元林有和復答

新秋忽動故園心夢隔龍江何處尋聽罷玉笙
人更遠燒殘銀燭恨逾深輕風帶露蕭蕭下淺
漢隨天漸漸沉斜倚疎欄對明月滿樓情思獨

難禁

答謝金在衡竹林之會

寺古山幽竹木深謝君相召共登臨初來漸覺
風偏靜坐久不知日已沉炙燭照殘花月影橫
琴彈破水山心江南盛集應多少此會堪成一
嗣音

詠廬師陳西干草堂次韻二首

西下千上避喧囂良構新成佳趣饒俗士不來
門外駕漁翁常泛浪中桡山呈秀色遙堪望鳥
解忘機近可招濯龍塵纓弄明月扁舟隨意繫
東橋

中川遺集

奎元

五

清由掌

其二

卜築湖傍遠市囂湖光入戶自清饒塵氛不見
來僊界煙雨還看去客棹盡入輞川應寄愛人
通剡水未難招登樓夜夜月先到數盡東風十
五橋

紀生贈行

五月山蛭正沸聲共君相會鳳凰城賈誼志大

還芳歲李賀才高已著名江上買舟歸省去雲
闕落魄待潮生懸知絲戲親庭下嘉慶團圓喜
氣盈

寄馮山陽

淮上君應思故閭江南吾亦念山居不堪對月
常拚醉每欲因風遠寄書雉化桑田聞有象驤
騰雲閣定無虛丁寧莫更鄉愁切九萬天達任
所如

七夕有懷次友人韻

故鄉何處阻津關身在三吳夢亦還却恨泛槎
游遠漢不如巢木向空山自從落葉新秋至誰
與看花盡日閑牛女何來尋舊約添人愁淚灑
雲間

送余進士還嚴州

彩鳳昔從海上來朱鸞今向關中回擔頭明月
劒三尺囊裏清風書一堆鷁旣放時秋氣爽錦
帆飛處晚晴開懸知夜泊錢塘渡卧聽江潮響
似雷

杜子材命題宜野卷

野外山光照眼明山中猿鶴自雙清可知俗子
故相棄不是隱人誰動情巢父徑還箕顓去嚴
陵偏愛富春耕謾誇五曜聯奎璧宜野猶能應
客星

題呂進士愛萱圖

無柰椿齡折早秋幸看萱色映高樓靈根願歷
年華盛芳萼還沾雨露稠棠正累朝膺大典王
祥一劒佐嘉猷從來至愛真難說浴日擎天第
一籌

雙節祠

雙節祠前木鬱森偶停征騎借繁陰入瞻像設
重懷古慨嘆精靈祗到今日月有明英士傳乾
坤不朽大忠心羯胡何事能胎禍展轉籌思恨
不禁

送扈伯誠

蒙荆歷過下江淮對解征鞍日幾回行樂已登
春嶂遠詩筒還共曉帆開吳中遊陝原相約白

下風流喜見陪何事歸歸太匆匆牽留不覺爲
傷

贈王進之時同寓鷄鳴寺

君住江干我汴州春風同作帝城遊棲雲買得
山常秀避俗尋來景最幽芹藻有香多味趣整
鹽無肉更清脩先憂已信情悰合後樂應知次
第收

送客還吳中以沈元林邀賦

艤棹金陵未幾時沈郎邀賦送行詩說君慣在

中川遺集

卷之九

八

清自堂

他鄉住久客却生故國思可愛舟從江浦去不
妨人到洞庭遲向來廬橋應相待茅屋青山晚
興滋

謝李敬夫送綿被至

卧病山齋祗自知病中無奈有寒欺惠來衣被
交情重禦去風寒凍骨怕義氣難忘天下士高
名應使世間識謾云骨肉能相似眼底於今更
見誰

春遊

暮春吟日出城郭訪勝不嫌路遠遙微雨新晴
天更好煖風忽至興偏饒山光翠遠雲邊障水
色清浮畫裏橋遙指東原最高處倒樽池館聽
吹簫

野眺

暇日偶來成眺望野橋行過更山庄煙橫樹杪
輕如畫花繞亭欄靚似粧鳥愛池塘常戀戀
歸村落故忙忙不妨四序尋清景却喜一官列

玉堂

中川遺集

卷之九

九

清自堂

燕山椿桂

百歲靈椿倚薊川五枝丹桂茂幽燕慶餘瑞見
一門盛德厚名貽萬古傳可信義方惟太上自
然食報有開先簾符賽禱渾閑事祥降殃生揆
在元

喜晴二首

兩番霖雨慰幽懷更喜明朝霽色開爲訪鄭鄉
招故舊欲尋少室共徘徊溪毛照眼青堪摘
桂擗元翠若堆獨樂未爲築圃待採山釣水期

來

其二

雨過塔苔漸漸生
曉纏不借傍塔行
丈分隙地開三徑
斗結孤亭誦六經
松菊主人期未愧
蓮花君子欲同盟
窺園未必心無在
問圃應知世所輕

送侍御王克敬二首

觀風使者豸冠臣
鍊面凝霜下紫宸
一路嶽山重撼動
三秦雷雨舊風神
濁河遲見澄清日
繡

中川遺集

卷九

十一

清白堂

斧今勞冰玉身
豪俊自來思濟世
雲從物覩更

昌辰

其二

淡陰微雨淨飛埃
送子情深復一杯
柱下殿班聯鳳翅
斗南臺望重龍媒
行天萬里青雲滿
攬轡三川錦畫回
紫氣遙遙看不盡
夜壘光采動階台

和邃菴楊閣老韻兼奉贈四首

班籓免勞趨拜謁
起居良爲適暄寒
天恩渥洽

今滋重 帝德昭明古亦難
期報奮馳雙屐素
調元惟効一忱丹
阿衡正作商霖出
謾說東山比謝安

其二

聖主溫綸隆舊德
師臣申謝諉新寒
誠摯向日辭欽命
論欲回天責所難
帝信龜蓍開象兆
國隨盧扁試靈丹
老成閱歷通神鑒
炳燭幾先特舉安

其三

元老榮欽膺 帝眷殊恩不獨冒
冬寒分逾師尚尊
崇意道慶明良感
會難圖政見曾成
白首答忠知欲罄
心丹中興調燮扶
昌運上策從容收
治安

其四

恩流藻翰學優典
年值松貞保歲寒
舊學已觀商道重
嘉逢重備路公難
達尊髯稱疑霜皓
柱國裏懸敕日丹
好德自應天祐吉
福星常爲照平安

贈郡伯吳宗海同年

耳目舊膺臺憲重股肱新領郡符專懸知五馬
南湖上遙戀六龍北斗邊聖主念惟弘治化
使君職在勉旬宣棠陰憩處看垂愛麥秀歌時
聽遠傳

贈張侍御

西臺振紀凌秋色南圃開軒向曉陽後樂不妨
供對育先春猶自示徜徉和風蕩去冰霜烈生
意挽回天地長王賀最能諳此意汗青垂譽有

芬芳

挽詩

女士于歸得俊豪蚤緣榮貴着冠袍百年闢行
輝龍誥三錫恩波溢鳳翹蘭序尚留春馥潤玉
埋猶有夜光高玄堂德耀惟貞石素節家傳見
雅操

送謝汝湖奉母還鄉

輟講經闌辭鳳宸明光詔許送慈親春馳驛
候承恩重夜宿江亭望斗嶽獻納見曾留鎮草

歸寧兼喜拜靈椿堂開書錦昭嘉慶萊子櫺欄
舞袖新

燕楊閣老宅次廖鳴吾太史韻

凍雲寒鎖沈寥天蓬島欣從海上僊寶璽辛觀
天子詔昂彝新荷相公筵蜀英不數三蘇宅
國老真爲百世傳譽衍無窮逢聖代孰知有非
是新年

與在兒家書因附此述懷

憂國難禁日日心天涯誰遣夢侵尋不井下咽
羞春餅又被牽懷入夏禽泓穎付書思浩渺月
華曾伴夜蕭森兒能解得尊翁意便託鱗鴻嗣
好音

題山人醉卧

古木陰森日上時草茵鋪煖遍芳堤幽人醉卧
渾無事樂意相關若有思雲物往還成幻化世
情旋轉任推移賞心不用傷今古水遠山長夢
自怡

內書堂宴集

書堂宴列春晨靜史館客來晝日長水陸味珍
從大內澗溪毛物會殊方隔簾透入群芳細蒲
座渾如百和香不是中官能勸酒果然上醞自
堪嘗

奉寄陳石亭先生四首

繡象碑傳滿 帝都朗瑩清潤憶冰壺士林能
自推夔契舜治今先重轉輸齊魯勝遊連海岱
蓬瀛清境在輿圖遙知良日登危閣雅會群僊
認舊居

中川遺藁

卷之九

四

清白堂

其二

西江舊已留僊跡東海新曾有浩吟聞上岱宗
閱檢錄遂登日觀見升沉俯看天下數千里獨
立峰頭幾萬尋太史果成文思助先生隨處清
襟

其三

使節當年赴紫微病餘還欲拜干旂青雲滿載
追難及白日中天願與遺棠愛久欽留誦詠松
姿如見在幃幃何當台陟旋 京闕斗正山喬

遂所依

其四

已闕三霜憶史師海天隨處見雲儀書來恨不
風朝便望去空懸月夜思門下最叨知遇晚斗
南今訝對瞻遲鴻遵未必終無所鳳浴重還舊
有池

楊次山惠詩用韻酬之兼以留別

玉立謝曾承惠顧金聲何幸聆高吟南舟此去
逢三伏北極遙瞻感寸心皓魄可堪成對景朱
絃誰是舊知音鄭鄉別後雲山遠念到髯僊夢
欲尋

謁茂陵祀 孝惠太后

侵封南極自當年養葉 東朝還碧天嶺樹萬
章籠象衛谿流一帶遶龍眠玄堂寶氣挺鍾鼎
廣殿靈風拜几筵明月滿空山寂寂夜深燈火
照岡阡

壽理菴段翁

鳳靈御詔頒皇域鶴壽承恩拜散官粉社幾人

誰共在僊郎一鶚更高搏無懷最是清平樂有
道偏能禮數寬水竹洞梅隨去住雲冠霜鬢盡
中有

題漁舟釣叟

一葉輕舟萬頃波舟中風物興如何綸竿掛處
清閑在書卷開時感慨多帶酒橫簫吹雨霽披
襟濯足弄風和逍遙最是漁翁樂醉裏情懷醒
後歌

飲姚明山太史宅時因新會

明山開宴邀僊侶共說瀛洲別後時鴻便欲傳
心事遠魚肥却爲故人思知君對月應相憶老
我看雲自賦詩散地此逢良夜飲壺天不負去
年期

中川遺藁卷之十目錄

七言律詩五十三首

齋居和宮允廖鳴吾韻三首

寄李子元同年

送孟體元黃門念憲

壽保定侯毋太夫人

軒轅臺

易水

題東湖手卷

登鏡光閣

贈張主政還京

早春西望

送官提舉

壽姚五泉司馬

送寇體乾之廣平

壽楊毋太淑人

城東河上

帝京和浚川韻二首

慶成宴有述次張補之太史韻

題莊子觀泉

崔氏莊竹院

登樓曉望

題玉兔

寄劉東阜

送浚川司馬南行二首

題雲山僊子和倫北山修撰韻

贈龔都閩入福州

中川遺集

卷之十

二

清江堂

送嚴介谿陞南宗伯

聞李空同計至

送林方齋大司成

送陳光祿任蘄陽節判

壽宮詹張玉溪母氏

寄劉東阜中丞

寄張東岡都諫

翰苑土山新成登以寄望

黃氏宅看山

登城樓寄王浚川

風霾自三月二十六日始越日方解

孫毅齋太史別墅在近郊承索遙賦者

久矣乃今得請告南還作以奉贈

送高子業陞山西大叅

得家書憶在兒暨諸親友

登樓見月寄浚川東岡

贈大司寇周白川致政

送地卿曾子修同年兩浙監兌

中川遺集

卷之十

三

清江堂

送屠文升太史省親

寄馬抑之二守

寄胡宗韓廣文

寄王紹先僉憲

登朝天宮萬歲山

荷亭

登高

中川遺集卷之十目錄

中川遺藁卷之十

大梁王教庸之著

七言律詩五十三首

齋居和宮允康鳴吾韻三首

金水潺湲繞禁河玉堂弘赫倚鸞坡九重日月
瞻黃道兩掖風雲擁翠珂香案侍臣聯步武虞
庭韶樂奏安和齋裡已荷傳新制頌 聖還思
賡載歌 右早朝

其二

中川遺藁

卷之十

一

清由堂

齋向蓬萊傍玉河十洲三島對金坡朝回散步
陪僊侶望遠憑虛曳佩珂冰泮水禽爭煖浴雪
晴風物轉陽和春深道長忻昌際晝永堂閑和
郢歌 右朝回登山

其三

玉署遙看斗映河金蓮歸院憶東坡燭殘問夜
今央未坐待黎明整弁珂文運幸逢開泰朗德
元重荷建中和叨居獻納論思地願聽明良起
舊歌 右齋居夜坐

寄李子元同年

思來欲見又三年夢去嵩陽知幾還記子萬竿
池上竹刻予十首醉中篇鳳雛豈戀琅玕實騏
驎還加絡玉鞭鳴盛喜今逢舜世空群如古正
幽燕

送孟體元黃門僉憲

大行舊日承 皇命邀賦新詩別 帝京嘗恨
至今還未就轉因懷後動初情雲邊侍從聯班
蓬海內年家復弟兄睽隔不緣良便會川南湖
北有愁生

中川遺藁

卷之十

二

清由堂

壽保定侯母太夫人

玉山儲秀將封侯瑤海鍾靈孕好逑壹正秋嚴
冰月爭慈闈春暖瑞雲浮僊寰壽域開全福帝
里恩光享世脩蘭桂滿前呈五色萊菔光映玳
筵幽

軒轅臺

軒轅德冒無窮極天地功同並久長舉世到今
服器用斯人何幸有冠裳九區開井生麟鳳八

陣防胡禦犬羊龍去鼎湖遺事在臺花不老萬年香

易水

易水東流客赴秦燕南車馬望郊塵可憐壯士無長策不遇清時賤此身劍術自來難用世商歌此去太悲人西山落日雲垂地疑是荆卿却未真

題東湖手卷

角里先生家太湖遺來村寨重勾吳君今占斷

中川遺集

卷之十

三

清印堂

湖東秀我亦傳聞海內無流水高山隨去住清風明月任招呼橘橙正熟霜如練不到商山也自娛

登鏡光閣

鏡光閣上春常早二月新和望未遲一自繫官蓬島籍閑常駐馬洞天祠境清偏覺風光好坐久不妨畫影移僊侶欲來香細細鸞笙鳳輦載雲霓

贈張主政還京

訊獄南來領使輅軍中淑問似臯陶麟經一部資褒貶馬陳千群借畧韜白旆幕牙看畫建紫薇行省駐秋曹于今寇盡還京闕攬轡遙瞻冰玉操

早春西望

二月陽和試早春九衢花木散香塵朝回載酒携僊侶閑去尋詩傍水濱望裏岫雲何自在眼前風日太清新得乘野興適山性不覺浮名絆此身

中川遺集

卷之十

四

清印堂

送官提舉

滇南才望舊知名一別京華歲屢更長向函關瞻紫氣愧無薛價薦青萍雲程託入金牛道驪政重勞駟馬行簡授想緣國計重擢喬應族奏功成

薛姚五泉司馬

濟時才望衆推賢冠世文章獨茂先奎采夜輝同萬丈壽星春永定千年芳傳庭桂聯天上蔚比靈椿接斗邊會起臯夔應紫詔叨收方召

滿青編

送寇體乾之廣平

傳臚已賀登黃甲宰縣今看下紫霄豈爲借材
長社去定應移潤上京遙三年星駕勤風教萬
里天樞望斗杓忠愛有成來報政恩光無既荷
清朝

壽楊母太淑人

夏卿元配久稱賢瑤海鍾靈兆有先壽域自天
開九奏慈闈從此慶千年敬羨慈幃昭清德文
中川遺集 卷之十一 清自掌

伯詩書賴訓傳食報正且綏永祐子榮祿貴受
恩綿

城東河上

爲尋何處無驚雜偶作東城河上遊日月到今
惟此水乾坤終古一虛舟會歡浪浩尋常見花
避風吹次第收不是洗心求至樂驗來適興自
銷憂

帝京和王浚川韻二首

帝京不俟按圖論位正離明體勢尊龍氣鬱蔥

連海岱虎山綿亘接崑崙天開形勝符 皇域
地險分明壯 禁垣星宿自然朝北極乾坤貞
觀俯中原

其二

馭輕端合身居重守固應知國永存基業萬年
隆丕緒 皇畿千里萃侯藩金臺不毀招賢跡
玉水常清發慶源世德仰承膺寶曆民心同爲
仰仁恩

慶成宴有述次張補之太史韻

郊回親賜慶成筵中左門高接玉僊龍表近瞻
紅日上鳳韶遙聽紫雲前承 恩慶越尋常宴
侍醉分明尺五天朝集使臣同拜舞平平王道
荷無偏

題莊子觀泉

漱玉芳泉落遠山晴空瀑布紫雲間乾坤一脉
從開闢日月重光任往還流徹古今人代謝匯
成湖海浪潺湲莊生悟却源頭意引睇遙觀心
自閑

崔氏莊竹院

主人情重拚留急我亦難辭歸去遲竹院陰陰
渾不暑草亭矮矮更堪怡曲流送酒泉通檻怪
石堆雲山傍池醒醉徧尋畦上藥苗芽茗試
清漪

登樓眺望

十二朱樓閑一上倚欄凝睇立多時城頭紫氣
浮龍影谷口青雲接鳳池散地最宜行樂處木
天常記去年詩山長水遠春無限柳暗花明興
未涯

題玉兔

由來淪謫自星精玄關今看養性成僊桂倚叢
拾玉粟靈芝隨處飽金英登蟾定已忘三窟揭
藥應思濟萬生欲借霜毫歸御府備供宸翰
灑通明

寄劉東阜

樓上新涼初試時倚窓終日有深思花前舊醉
春城酒月下曾吟晚興詩兩地遠惟蟾影共一

秋嘗恨鴈聲遲何年九子山前會笑拂雲巖倒
玉卮

送浚川司馬南行二首

浚川司馬應新命贊理戎機赴舊京人物兩朝
推上品文章一代擅高名丹心久爲蒼生計白
首今看宦業成召虎經營渡江漢畢公釐保重
留京

其二

明朝見說開征棹良夜扳留列戩筵折簡玉堂
夾案吏佐觴金闕大乘僊王祥一劍看仍佩楊
震三鱣兆有先彩鷁弄風隨浪去青雲何日載
君還

題雲山僊子和倫白山脩撰韻

欲上危巖倚瘦筇巖中僊子玉爲容餐霞代脯
嘗留客抱月凌虛舁御風洞府故知惟酒會壺
天清勝滿詩筒向來坐與談玄處迷却雲材第
幾叢

贈龔都闕入福州

八閩闔使辭金闕五月樓船出王津彩鷁順凌
江上路青雲滿載盡中人將門韶畧推鷹舉禁
衛勲勞重虎臣北極好恩酬 聖主南州行部
繼尊親

送嚴介谿陞南宗伯

聖主右賢弘道化南曹邦禮重春卿登遶荐荷
溫綸下資望僉惟少宰行城迭鳳凰迎繡轡嶽
蟠龍虎護干旌從今武烈文謨地政舉人存見
老成

中川遺集

卷十

九

清甲堂

聞李空同計至

憶昔初逢我布袍賓親友愛荷情勞華泉道意
稱推重大復因書許俊豪知已不忘終見報半
家何幸世通交計來冰涕霑胸臆三日東風始
漸消

送林方齋大司成

宮贊已儲國子教成均今重講筵臣門牆桃李
春相待沼沚菁莪日茂新敷五敬承陶俊父生
三隨在等君親秋雲莫歎江程遠時雨看收物

化醇

送陳光祿任蘄陽節判

光祿從來禁近臣典司龍膳侍楓宸何緣左駕
湖湘外爲買南舟潞水濱佐郡可堪馳萬里過
家應喜覲雙親久知藏器需時價今可脫囊與
世珍

壽宮詹張玉溪母氏

宮端學士大方家堂背萱生百歲花寵渥近承
新雨露天香常佩瑞雲霞海苑齊笑看無極歲
桂馳恩未有涯玄女紫姑來閨苑金函玉錄壽
僊葩

中川遺集

卷十

十一

清甲堂

寄劉東阜中丞

已聞 御批天中出詫聽高吟山右來詩聖果
然先有識事奇難信內無媒莘田桂月明秋阜
渭水松風起暮涯龍卧暫辭翔鳳闕熊飛終謝
釣魚臺

寄張東岡都諫

雨霽霞生爽未收思君隨處興悠悠琴彈桂圃

三更月詩紀梧岡九日秋尺素欲憑征鴈寄斗
光知是卧龍浮兆當羽翼行天闕茂建勛庸蒞
帝州

翰苑土山新成登以寄望

蓬萊說在滄瀛上咫尺移來翰苑中三島影隨
鑾庫月十洲清繞王河風雨晴浪起池塘綠畫
永香生菡萏紅玄瑞定知樓彩鳳高岡葱蔚有
青桐

黃氏宅看山

主人爲愛碧峯好邀賞新開白玉尊當戶清宵
留月住傍池長日有雲屯蕭森萬竹依巖壑盤
鬱雙松夾洞門老我玉堂供奉客看山却憶倚
天閣

登城樓寄王浚川

一年今上鳳城樓二月條風煖更柔西北萬峯
屏障繞東南千里畫圖收蒼烟不動雲中塞紫
霧遙連海上洲指點玉僊何處是鸞鶴欲共水
天遊

風霾自三月二十六日始越日方解

何事黃霾忽變作故令白日墮精明三朝不解
濛濛意千里遙垂黯黯形雨土已迷春欲灑狂
飈復颺晝昏冥因思曰聖時風若定是維天得
一清

孫毅齋太史別墅在近郊承索遙賦者
久矣乃今得請告南還作以奉贈

學士築亭傍汾湖蒲園清勝擅勾吳煙霞彷彿
真蓬島泉石生成比畫圖世隔塵凡一水外書
藏樓閣半山隅客來見說評無價獨樂今看興
有餘

送高子業陞山西太叅

蘇門居士鳳鸞儔五色文成茂炳虎鳴盛舊從
霄漢翥應禎今爲帝京留九秋卿月儲清望
一路福星擬壯遊知是他年慰離思甘棠隨處
有民謳

得家書憶在兒暨諸親友

客來說自河濱外到日已經春暮時千里信音

拚未見幾人骨肉會偏遲瀛洲不隔僊凡路瑤
水常縣宴會期何處僊郎樣泛泛靈崖應戀種
靈芝

登樓見月寄浚川東岡

坐來月上海天末憶遠雲遮山樹重此夜故人
應望望向時別我若匆匆一冬未得鴻音使千
里相看兔魄同直到酒醒渾不寐瑤琴空自對
松風

贈大司寇周白川致政

清操冰玉重朝紳晚節松篁動紫宸邇見封
章乞謝政賜承褒獎荷溫綸重瞻顯識銓
衡舊耆德階增保傳新寵溫自天霽雨露履聲
特地上星辰

送地鄉曾子脩同年兩浙監兌

東南民力近何如西北邊方議歲儲使者慮應
勞問訊璽書兼以治侵漁看爲國計百方出
定見胸藏萬卷餘水次集留遺愛遠漕艘不盡
頌聲舒

送屠文升太史省親

斗南人物舊名家太保天卿衆所誇麟嗣喜看
登禁署鳳池重爲振聲華心懸慈壽陳情切詔
許榮歸荷寵嘉知道吳興正初夏北堂畫錦賀
萱花

寄馬抑之二守

馬君遺有南州愛鴻便不聞北使過斗望已期
終大拜雲儀清養近如何鏡中華髮生還未囊
裡玄詮妙更多何日壺天慶良會松風竹月聽
僊歌

寄胡宗韓廣文

望中不盡雲千里別後多應見二毛使至始知
承寄念書回何以慰煩勞龍修正得師儒濟鳳
隱難藏譽聞高士仰于三重君父教成敷五升
華草

寄王紹先僉憲

汴中回首看如見別後驚心歲屢更豈意黃淮
雲路遠相思空對月華明龍蟠定愛淵潛好鳳

隱難藏國瑞名有數可知惟造物無人不爲歎
平生

登朝天宮萬歲山

朝天宮後擁乾山殿閣無風晝日閑龍氣鬱葱
蟠壽址聳音昕暮啓天關林陰漸覺春纔老禽
變忽驚夏復寒日月代明垂照永年年高興此
躋攀

荷亭

尋得荷亭避暑時荷花恰放數千枝鷓鴣認毋
歸飛急乳燕思群轉去遲池引涼颿香細細竹
留斜日影垂垂誰能有酒無高興情境關心自
可怡

登高

一年到處登高閣九日來時復今辰祗爲有山
尋地主未緣無酒問鄉人乾坤縱目成奇覽去
住隨心得任真不信菊花猶未放強將蓓蕾插
綸巾

中川遺藁卷之十

中川遺藁卷之十一目錄

七言律詩五十七首

永城道中

九日大店驛阻雨

初至留院讀玉亭石刻

瀛洲雅會次韻二首

贈大司馬劉紫巖赴召

送唐西洲戶侍赴京

玉亭即事

寄崔伯疇

題扇贈崔伯時昆玉

題司馬潘我峯三錫卷

送司徒王公考績

贈魏國徐東原二首

壽歐陽南野尊翁二首

送司空蔣石菴考績

元日和大宗伯介谿嚴公韻十首

送江瑞石考績

送潘我峯北轉

送朱給事考績

寄壽羅峯閣老

送司寇聞石塘考績

壽趙雪巖侍御

送太宰嚴介谿考績

譙徐氏東園二首

送張體周入覲

送呂涇野司成

登報恩寺長干塔

答魏文瑞同年惠雪梨

和秦鳳山元旦恭謁孝陵

和鳳山元旦試筆二首

和顧東橋壽六十韻十二首

送繆僉憲之廣西

贈少司空王南阜考績

中川遺藁卷之十一目錄

中川遺藁卷之十一

大梁王教庸之著

七言律詩五十七首

永城道中

十年來案侍天 皇三度蒙恩拜寵光許往復

京承詔命辭來留院綰符章行中漸覺南音異

客裏忽驚北路長回首鄉關何處是隋堤烟柳

望微茫

九日大店驛阻雨

玉皇僊吏侍綸音辭向留都掌禁林節到重陽

賜宴盛聯班諸老拜恩深黃封勸飲醺心醉紫

菊携歸滿鬢簪亭館對時增感慨彌天風雨動

吟襟

初至留院讀玉亭石刻

玉亭高倚玉堂開亭外脩篁繞翠臺斜日影綠

清砌上輕風時送好音來貞城一片留僊跡翰

苑群公總俊才三代遺良鍾海嶽百年接武陵

衛台

瀛洲雅會次韻二首

金陵佳會續瀛洲玉闕僊官感勝遊班進舊聯
龍馭近 恩波今憶鳳池頭文光聚見生奎璧
壯志期當徹斗牛葵藿向陽圖報稱竹梅凌雪
勵清脩

其二

留院開筵秋正高霓旌羽葆盡僊曹看如玉樹
相輝映宴比瑤池更雅騷蓬島煙雲垂五色海
天霞日接三茅烏絲染妙詩乘興白戰爭雄酒

中川遺集

卷之十一

二

清由堂

放豪

贈大司馬劉紫巖赴召

紫山丰采玉嶙峋 經幄三朝進講臣 聖主
念惟耄舊重溫綸特示 寵恩新師儒原自兼
華省啓沃今看有對陳風送僊舟上雲漢文光
留見滿江津

送唐西洲戶侍赴京

華省推賢第一流鎬京儲計再三籌光廷已重
聲名久舜命今看寵召優滿路夜光疑劍氣隔

江春影認僊舟帆移西浦雲霞外棹艤北天霄
漢頭

玉亭即事

曉亭脩竹玉爲竿鳳尾紛披影自寒無事不妨
成獨坐有時斜倚遍周欄瀛洲此地真堪畫鍾
嶽如屏更可觀一點飛塵難近入最宜僊境駐
僊官

寄扈伯疇

獨有江南散地官一年春色得先看竹萌出土

中川遺集

卷之十一

三

清由堂

迎新雨梅萼當風奈早寒鍾阜翠懸圖畫遠玉
堂清勝館池閑思君何處潛朱鳳對景興歌倚
翠欄

題扇贈扈伯時昆玉

金昆玉季揔青春明月清風屬散人築舍愛能
樂野趣買田今爲構芳鄰高情念汝惟知已遠
地看誰是至親柳外隋堤煙浩渺望中梁野思
紛綸

題司馬潘我峯三錫卷

一官隨在効宣藩三錫重逢感 聖恩亨晉兆
符蕃庶吉對揚光慶寵綸溫明良會應貞元合
答報知惟忠孝存 龍誥所期傳世守鳳雛今
喜懋騰騫

送司徒王公考績

一代南州偉丈夫三年東省大司徒堯階奏最
瞻龍袞舜弼推賢比鳳圖滿載青雲僊棹穩凌
空紫氣劒光敷程功定是膺 皇眷留相今看
駐 帝都

贈魏國徐東原二首

金陵第一賢公子玉闕無雙舊散僊亭館親懸
圖畫遠笙歌常醉水雲邊逢人愛問長生訣好
客名於遠地傳弭節留都繞數月道書却喜論
三天

其二

汝家最是清門客我亦官爲散地僊東墅竹梅
宜萬箇南都風月賦三千賞春定過花朝節載
酒還尋雨霽天洛社景尤無限好梁園圖畫有

人傳

壽歐陽南野尊翁二首

耆德蛟潛歲古稀司成麟嗣孝無違記當夾案
官青史已荷 貽恩下紫微情重採山隨鶴覽
心輕釣水兆熊飛從今海福嵩齡遠待換金章
玉綬衣

其二

鴻信因風到罕稀鳳鵠瞻岵恨睽遠雲霞境勝
祝長壽霄漢光垂仰少微人在羲皇誰信是道
臻從化自知非多年喜荷 皇恩錫錦畫榮看
禮制衣

送司空蔣石菴考績

汴省當年遺愛滿司空何事轉官遲即看奏績
朝 明主定喜承 恩拜御墀耆德正宜宮
保任前星遙見瑞光垂丹心白髮逢嘉際素節
清風副遠期

元日和大宗伯介谿嚴公韻十首

一年此日三朝正五臘梅風百和芬歲宴海尊

放綠蟻春客潮濤帶紅醺條颺應候亨陽德淑
氣蟠空結瑞雲更喜貞元成會合兆應台揆茂
崇勲

其二

三元霞日開春霽九陌風花送曉芬賞節正宜
情會景樂賓拚欲醉還醺爆聲忽聽驚山鬼竇
氣遙看接海雲道以陽生今盛長天爲吉相晉
階勲

其三

元朝薦祉朋簪盍栢酒盈尊氣味芬對酌喜看
情浩浩拔留還欲醉醺醺昇平共此樂堯日爛
熳期當紀舜雲老我素心成嚮慕古人青史照
芳勲

其四

庭竹萬竿持素節欄花半已露紅芬偏宜對客
開嘉釀索耍當筵有醉醺時序易看惟斗宿世
情難定類春雲東風彩勝脩遺事上日笙簫歌
帝勲

其五

青梅有約常相對白晝無風亦自芬况是元朝
供喜慶何妨美酒到沉醺地靈於世生和氣大
意因春降煖雲撫景尚能驚老髯効忠何以是
微勲

其六

桃梗應時祝大吉椒花隨在薦清芬三千風月
乘高興五六盃盤見少醺千載鳳麟鍾氣候諸
公龍虎慶風雲自便首荷盤中味不數觸體馬
上勲

其七

三陽次第生元旦百卉精神發翠芬金爵想應
酬歲事玉亭清賞稱微醺江光耀暖迎青帝鍾
阜開祥見紫雲天地以交成泰道明良應喜濟
洪勲

其八

玉燭春臺逢盛世雪花梅萼競幽芬陽回景色
覺全盛煖發酖顏似半醺椒酒自板供上日本

天與頌卿雲通知正會群龍集奏計 明堂
歌放勳

其九

四始氣含春意思五辛盤煖畫芳芬迎祥有客
來携酒對飲無多已覺醺黃道喜開新正日青
山遙望故鄉雲祗驚遽緩行年至那向君平問
祿勳

其十

新正朔日無陰翳舊醖開時有茲芬賓從定來
相勸飲朋尊欲罄始成醺坐中起爲三陽賀日
下看生五色雲身際太平圖報答文恬武謐樹
功勳

送江瑞石考績

歷官久已茂時名報政今當赴 帝城銓省望
惟京兆至都民猶戀次公行百年棠愛瀾江濟
四月蘭舟發水程人比鳳儀昭上瑞 誥盤龍
錦定欽承

送潘巖峯北轉

節帥家聲傳武惠夏卿僚佐起文資日遒喜見
徵書至天上今爲 聖主知冒暑不辭行太急
瞻辰猶慮到還遲羔羊素節無虛美葵藿丹心
有盛期

送朱給事考績

崖雲作雨潤枯荑繡譽如虹接上苔瑣闥舊推
資望重玉宸今喜俊英才懸知奏績朝龍袞定
是承 恩入鳳臺春色滿船桃浪煖晴帆千里
棟風催

寄壽羅峯閣老

斗南聲望重臯夔天下烝黎仰傳師德業懋兼
膺 聖眷明良交慶際昌時天開壽域光無限
嶽降精靈信有期文鳳正爲虞舜見袞龍今致
帝堯知

送司寇聞石塘考績

髯僊溫似玉生成雅製清如金奏鳴水鑑用時
持晚節冰壺人以誦秋卿三年績最兼資望一
見行看動 聖明鳳輦彌天應自慰龍江此日

不勝情

壽趙雪巖侍御

軒中松雪畫圖明堂上琴鶴冰玉清
豸史十年蜚繡譽麟經一疏振金聲
天爲吉相增遐算人以歸閒誦老彭
可喜帝城開壽宴好看洛社盡耆英

送太宰嚴介谿考績

天官冢宰士林英玉色金聲翰苑名
北斗久知宜上相南曹今喜試持衡
三年奏績龍江別千

中道業

本卷上

一

清田堂

里揚舲鷁棹輕講帷舊僚應帝眷台垣新

命拜神京

譙徐氏東園二首

公子約登池上亭亭邊臺榭倚蒼冥
望中江氣連天白郭外山光入苑青
龍馬渡來空有跡鳳凰飛去渺無形
當年李白愁多少棹艤煙波倒玉瓶

其二

沉醉歸來倚玉亭北天高處望辰星
思君上應

宜台宿高世南飛比鳳靈愧我自知迷徑路
虛舟常欲泛滄溟山青水綠逢佳麗坎止流行分此生

送張體周入覲

念汝衝寒入覲時定於殘臘進京師
星朝紫極旋天軌雲集丹霄步月輝
鳬舄已先文蓋至鳳儀應動聖聰知
行看寵擢承金誥喜見霑恩下玉墀

送呂涇野司成

恒齋情興霽中明涇野襟期抱上清
何幸喜逢僊界遠相將同步泰階平
尋盟嗣見瀛洲會晤語傾惟海嶽情
天下有終欽令德斗南無朽重英名

登報恩寺長干塔

九級浮圖最上頭倚窓環望豁吟眸
龍形曜日蟠鍾阜虎踞臨江見石頭
玉宇曉來明勝境金陵王氣繞神州
文謨武烈超千古地久天長幾萬秋

答魏文瑞同年惠雪梨

聞苑雪梨承惠寄壺方雲樹阻江臯望中不盡
空千里別後多應見二毛豈意暫淹天路遠相
思清對海蟾遙蛟潛定愛蒼巖煖鳳隱難藏彩
譽高

和秦鳳山元旦恭謁 孝陵

鍾峯雪霽露瓊尖寢殿陰寒未解嚴馬鬣封長
悲鳳馭烏號弓在想 龍髯漢陵原自基業厚
周鼎今看歷數添樓外旂幢夾象衛雲邊翁仲
中川遺藁 卷十一 十一 清自堂

和鳳山元旦試筆二首

戲軒援筆試霜尖坐見春寒舒曉嚴望極感
恩遙拜首履端知慶爲掀髯地天交泰貞元會
雲日重光景象添長頭鳳鸞鳴盛治不妨梧桂
守貞廉

其二

冰筋低垂萬玉尖鼉音忽報五更嚴起臨晨鏡
欲窺影却訝霜鉛已到髻世事烟雲仍故態吟

囊風月喜新添三朝宴賀年光盛九陌歡騰酒
價廉

和顧東橋壽六十韻十二首

麟垂蒼綬映朱弧孔釋當年送鉅儒才大自來
能用世身閑今喜遂歸湖尋山着屐扶瓊杖邀
月開尊載玉壺客以衛生求素問僊傳不老載
丹爐

其二

未生蟠髮已功成却愛青山薄宦情遺世欲乘
雲鶴去忘機還締海鷗盟杖挑江月難評價飄
掛松風恨作聲能化舊從知有命不矜今喜世
無爭

其三

中丞不赴世云何天馬行空足未跼豈爲貞元
難徹尾却防流溢保盈科斑斕愛舞椿庭日錦
纓急旋桂海波醕酒吹笙乘月夜傳花擊鼓奏
雲和

其四

相國胸懷道士巾鑑湖風月未全貧少陵詞翰
雄當代安石風流逼古人感興有時歌化日賞
心隨處得陽春山齋隔世如千里水閣臨江絕
占塵

其五

高名久已重龍門太守昔曾賦兔園慚愧和音
成土正却勞開宴酌金尊一簾風雨拚沉醉半
幅龍蛇墨尚存正氣願當膺顯陟幽芳垂見發
靈根

其六

宋京遺愛舊幾麾嚴瀨清風今一絲幾嘆萍池
多聚散每尋松塢話睽離人情世態難籌筭覆
去翻來似奕棋高士洞觀稱曠達大人忘却豈
真癡

其七

燕客池亭備四難蒲盤山藪倍三餐雅歌解作
黃鍾調醉舞常扶緇布冠看盡萬山渾有趣難
教一日可無歡雪聯暮景瓊瑤句花賞春園錦

繡園

其八

浙省當時轄紫薇吳山絕頂嘆雲飛梁公望裏
悲親舍萊子忠中戲綵衣白杜風鴻信迢遞林
陵雲樹夢依稀陳情拜仰天垂照烏鳥私情與
願違

其九

大權不緣幾見瓜榮歸猶未鬢成華凌雲翼倦
回翔鳳反哺歡成效乳鴉橋梓繼榮登壽域桂

蘭芳秀滿僊家更便玄豹山中霧那問赤城海

上霞

其十

巖花谿鳥太多情若候有興爲奉迎一路美觀
隨到處四時佳賞嘆浮生靈呈地有山川秀景
會天開圖畫清望裏壽星年自永不緣鑪鼎解
燒烹

其十一

海底眠龍抱玉珠醒看充棟帝王書數回訂釋

無盡一枕閑拋樂有餘易象未分奇耦後經
生誰識混元初金昆玉李庵談麈得意忘言興
起予

其十二

風恬晝永樂苑年宦業書香啓後傳可愛八分
揮鳥篆閑開雙匣看龍泉松篁保節常平歲詩
酒隨緣已半僊芝草故生元有兆天心福善本
無偏

送繆僉憲之廣西

舊從東省司民社新起西曹擢憲臺簡誼敬
承天子命提刑今見重臣才冰壺澄澈難
評價水鑑空明未有涯江上風帆看鷁鳥廣中
雲路試龍媒

贈少司空王南星考績

海嶽英華儲北土虞周人物產南星乘軒到處
垂山舉特憲旋京帶水標論德計宜兼保傅程
功今喜見賢勞騎箕上應星宿瑞翔鳳和鳴天
宇高

卷之十一

中川遺集卷之十二目錄

七言律詩五十七首

和秦鳳山先生喜雪韻四首

和湛甘泉先生三疊秦鳳山前韻兼贈

鳳山四首

送司馬鳳山秦公致政

贊治堂二首

寄馬輝尹二首

送李敬夫同年之任永年

邵氏園池

送戴汝成之任海豐

贈司訓安仁夫

和序菴閣蓮呈瑞六首序翁以一品兩

考考之日閣前盆池雙蓮呈瑞翁有

詩乃諸公卿和贈焉余亦用其韻

送殿讀華子潛歸省

飲郭氏園亭和韻

九日邵氏園登高和序菴閣老韻四首

姚氏園燕集

宮寮燕集和太宰許松臯韻八首

萬家莊芍藥盡開偶來嘉賞

贈少參曾懋遠同年有序

暇日登 玉音樓二首

除日雪中庭樹有三花欲放其一者獨

嬌紅可愛余其異之命酒賦詩書以

自紀

元日雪薄暮小晴啓軒北望

壽王浚川六十

元日次大宗伯張陽峯韻

再次陽峯喜雪韻

贈諸子興陞夏卿

贈馬西玄陞少宗伯北上二首

寄贈少保秦鳳山老先生二首

贈中丞劉范東五首有序

中川遺藁卷之十二目錄

中川遺藁卷之十二

大梁王教庸之著

七言律詩五十七首

和秦鳳山先生喜雪韻四首

凍雲接地晝初昏和意彌天氣轉溫作雪與時

回早曠効靈隨處徧周原足占豐歲應無極更

喜遺蝗未有存孽壤見魯歌 帝力致祥還欲

頌 君恩

其二

瑤花水蕊散黃昏氣藹雲蒸鬱若溫瑞兆嘉禾

竟海宇秀凝宿麥滄川原淇園翠玉增清潤

水寒香入記存神草精誠日監在爲教民物揔

霑恩

其三

雲雪綏綏夜已昏茶煙冷欲重溫睢陽玉樹

論無價雲夢瓊田事有原擬絮乍忘風景異封

條還爲太平存郢歌自古渾難和周雅于今見

感恩

其四

四野陰連海霧昏九天雲統鳳城溫知緣釀雪
生麴麥喜見隨風舞隰原序以玄冥司令在謾
言河伯事猶存六花競巧含生意五穀垂精荷
帝恩汎勝之昔云雪者五穀之精也

和湛甘泉先生三疊秦鳳山前韻兼贈

鳳山四首

冰花零亂海天昏寒令驅回曠氣溫元老精禪
格泰時三農懽慰聚周原致中宜有時和應憫

中書

卷之三

十一

清自掌

下難無天意存豐稔自今皆 帝德德光效古

頌 皇恩

其二

二氣交合曉復昏雲凝風靜覺微溫醞成冰雪
連三日逼却蟲蟲到九原景象似回元素世玉
瑤疑是畫圖存入春更喜來麴秀指日均靈化
育恩

其三

時暘時雨揔天恩感召專惟敬一存 聖主

極功臻位育老臣行禱禱山原六璣細灑風前
陣三百重封地底溫可信致虛如響應持齊申
謝共朝昏

其四

清時今荷 聖明恩報德知惟忠愛存神鑒
此心通上帝故垂靈雪瑞中原續紛競舞朔雲
凍優渥潛培春脉溫萬里堪興增皓色五更刻
漏到黃昏

送司馬鳳山秦公致政

中書

卷之三

三

清自掌

宥府戎機參贊重 紫宸溫旨眷留真引年再
疏申王制貞節一生見老臣龍卧遂歸湖海靜
鳳巖重賞畫圖新山中宰相勞經濟天下安危
備訪詢

贊治堂二首

虞臣最重秩宗命協帝期垂輔世名禮典藉惟
弘道化宋察相與懋寅清乾坤貞觀扶 皇極
日月同光普大明替治喜登於變盛滿堂燕語
是怡情

其二

起家舊負調元望報國新開贊治堂德養應龍
行化雨瑞昭鳴鳳喜朝陽同文架上竹爲素薦
士籍中桂作香三接畫榮承帝寵九重肅眷
煥奎章

寄馬輝尹二首

蚤聞涇野稱賢父從到共城遣候遲農雨定隨
車適處士風應變政成時祗應詩酒客相對坐
聽弦歌心自怡春晚散衙庭草綠澹臺深受子
游知

中川遺集

卷之十一

四

清江集

其二

平生癖在佳山水聞道蘇門秀更奇卜築念來
惟此地解官歸去知何時清蒼竹院巾車過寒
碧池亭盡舫移直盡境深絕勝處按圖空自幾
搢願

送李敬夫同年之任永年

都門春樹弄春晴送子南輶下廣平一劍倚天
橫義氣九苞迎日耀文名秣陵舊德逢人誦潞

水新愁對酒生報政有期書上最望雲無盡繫
中情

邵氏園池

花明柳暗春濃麗有客邀登園上池晃日水搖
簾幙動堆雲山遶畫屏奇鶯鶯對轉聲猶澁燕
子雙飛心自怡懷抱放開情外景年華供送酒
邊詩

送戴汝成之任海豐

聖主登明廣四途榮除今見駕雙鳧青雲器重

中川遺集

卷之十一

五

清江集

循良吏花雨香薰勸課車山送遠清官舍滿興
歌新政宦成初他年奏績朝丹闕晝日承
恩拜璽書

贈司訓安仁夫

華名久已翫鸞聲卒業今看入虎關聖主教
先崇敬讓掄材欲爲作依歸彤庭召試承恩命
玉殿辭行持羽旗桃李一門圖報稱鵬鵬萬里
遲高飛

和序菴閣蓮呈瑞六首序翁以一品兩

考考之日閣前盆池雙蓮呈瑞翁有

詩乃諸公卿和贈焉余亦用其韻

沼蓮香動禁林風並蒂雙開上色紅華萼為何

呈瑞應師卿續奏代天工溫綸獎稿來黃閣醴

幣駟蒼下紫宮傳說喜酬彌賚夢高宗嘉重

濟川功

其二

盆池碧浪捲清風君子靈根發異紅水上洛神

爭獻賦閣中文體獨宗工神女有意開先兆

中川遺集

卷五上

六

清白堂

帝眷無疆出內宮二倖褒崇人僅見六年調燮

報全功

其三

元臣績最感靈風吹到閣蓮花再紅土德効祥

詩紀盛水僊粧靚畫難工即看題品入花譜轉

覺馨香滿玉宮相業有開從論道太平無象見

收功

其四

三年榮考佐皇風六月新荷吐絳紅知是坤靈

發秀脉故教色相顯神工瑞徵紫閣調元化績

獻彤墀達帝宮玉井謾誇希世盛天池今見

濟時功

其五

五月蓮開香裊風紫雲閣下水煙紅飛來鳳羽

直神異幻出僊娥亦劇工柱國方書中今考靈

花思放蕊珠宮太平有象遷今日仰荷天人燮

理功

其六

中川遺集

卷五上

七

清白堂

錦袍傳賜下天風着傍池蓮相映紅水面雲霞

接禁署畫中神采出鈞工會逢麟閣千年盛寵

溢龍章萬歲宮德望更兼協士論朝紳忻

羨奏膚功

送殿讀華子潛歸省

椿花萱草蔚朱芳海福山齡滿畫堂鳳鳥瑞呈

文苑盛蟻橋功藉慶源長貤封並見承恩

渥聖詔聯褒稱顯揚省觀喜酬雲在望錦還

榮賀畫生光

飲郭氏園亭和韻

東人爲惜紅英墜邀賞新開白玉尊
入戶正穿山樹過傍池真似海雲屯
看回絕頂清風洞坐倚迎梅錦畫軒
我欲揮毫乘醉後少陵吟興已翩翩

九日邵氏園登高和序菴閣老韻四首

鳳城十里憇東園鸞閣三公倒上尊
景象到時忻水竹畫圖遙處見煙村
綺禽對浴芙蓉沼霜萼重圍薜荔軒
半日清閑誰地主重陽休沐感

中書遺藁

卷之三

八

清和堂

天恩

其二

潞涯北去五侯園蒲老中開九日尊
朝罷奉陪公輔駕相將行過野人村
詩成斜日雙松塢興適清風一草軒
天意留賓開霽景牆頭擊壤謠堯恩

其三

九月寒香蔚滿園群僊清賞玉盈尊
登高已作石樓賦覓句還過水竹村
野老溪童樂歲事漁

歌山唱遶晴軒和平有自忻逢盛感荷無邊期報恩

其四

紫禁東來獨樂園蒼崖南畔共携尊
喜看籬菊明朝錦忽已城鴉下晚村
烏兔轉流驚過客古今情興逐行軒
恰聞報賽鳴簫鼓知爲豐成享帝恩

姚氏園燕集

名園此亦城東秀有客來簪海內英
丰度見如周柱史衣冠不數漢康成
催花水閣鳴鼃鼓待月山亭憶鳳笙
雅會選幽還再續斯文從古重同盟

宮寮燕集和太宰許松臯韻八首

畫省碧欄玉蘚蒼省臺開燕泛瑤觴
宮端佐酒情偏洽太宰題詩紀會良
清倡遠追風雅後文光高映斗牛傍
累朝盛舉今重見五百維期喜應昌

其二

中書遺藁

卷之三

九

清和堂

綺筵雲日麗穹蒼影落當筵照引觴仰誦 帝
德同大造求端國本重元良中朝選自天宮下
東府弘開極宿傍龍命拜欽何以報麟祥期衍
祚隆昌

其三

府迎山色送遙蒼燕列文星倒玉觴竟日四筵
肅至讓滿堂三代見遺良祥煙繞護青朝外佳
氣氤氲少海傍引望共懽逢盛際摘詞同賀兆
亨昌

其四

靄瑞暉祥古木蒼盈庭嘉趣侑傳觴宴存古意
回淳朴客帶清銜稱俊良日月仰瞻金闕近蓬
瀛夾對玉河傍儒紳原以清朝重文運今隨泰
道昌

其五

青宮太保玉璫蒼紫府益簪薦羽觴坐上禮嚴
周典制斗南人邁漢賢良笑談響接天池外圖
畫清連禁署傍燕翼已歌豐芑盛鴻休還詠本

支昌

其六

苑樹陰森鬱晚蒼宮寮懽對飲霞觴瀛洲望似
雲僊集瑤海何如公會良奎彩見生華宴上德
星占聚紫微傍道借陽長忻逢盛治以文明頌
克昌

其七

層嵐巖嶂獻青蒼似向筵前勸舉觴儲輔牀成
文聚會高風交拜行溫良彙征喜並天衢上報
德還期月殿傍終譽好看垂世講賓恭不負際
時昌

其八

氣復一陽荷彼蒼詹坊寮宋燕壺觴孤卿望屬
三朝重才識均推八座良鸞鳳瑞呈霄漢外兼
葭蕕倚玉林傍陳夔九德忻從後軌召一忠贊
治昌

萬家庄芍藥盡開偶來嘉賞

暮春到處風和潤野圃來時花盡開可愛萬家

芍藥樹相兼一路海棠栽雨晴還覺臙脂濕畫
未遑憐綺繡堆情境動人看未了不妨隨意去
重來

贈少叅曾懋遠同年 有序

先生爲人敦朴雅重有古君子之風然其
中則直節勁氣屹然獨立利不可誘禍不
能屈又古君子之行矣今自浙少叅改福
省詩以贈行

懋遠蜚聲滿士林守中持正湛虛襟養成器識
中川遺集 卷之十一 十一 清白堂

超羣寓著有書文貫古今越外改叅方嶽政召
南應慰士民心福星一路看垂照棠蔭八閩仰
惠陰

暇日登 玉音樓二首

薰沐登樓誦 玉音禹湯堯舜見傳心 君師
任重開基業日月光尊普照臨武烈文謨王道
大皇天后土 聖恩深岐豐地古足文獻方策
人存易舉尋

其二

致齋重上 玉音樓 霽藻天葩謹貯收四海
風聲均漸被萬方儀式此徵求軒義爲世先民
用文武同心許 聖謀夷夏臣民忻有戴親賢
樂利保無休

除日雪中庭樹有三梅欲放其一者獨
嬌紅可愛予甚異之命酒賦詩書以
自紀

在春明日即開正風灑瓊瑤蒲鳳城歲以大豐
占上瑞花舒小圃應來生琴書陡覺還清潤詩
酒閑將自和慶萬象轉新忻布德三陽回泰輦
中川遺集 卷之十一 十一 清白堂

元亨

元日雪薄暮小晴啓軒北望

周南元日倚庭軒
北春雲望斗垣紫氣繞中
極宿正寶光明處泰階
等邊塵露布傳滌盪海
寇飛書報勦吞天佑
聖皇登至治人迎新歲
享洪恩

壽王浚川六十

海嶽精靈毓俊英
皐夔人物自天生
中朝獨立

清如玉南極同光遠更明元老地宜公相貴
諸日見治功成文隨道重看傳世壽以德綿享
盛名

元日次大宗伯張陽峯韻

一年元日麗春城九陌東風試曉聲作瑞未宜
雪候晚司寒應待歲功成冰花淨失江光白玉
樹遙連山色明酒泛椒花朋舊在盤傳生菜歲
時情

再次陽峯喜雪韻

祈靈連日徧登祠雨雪迎春喜未遲宿麥飽霏
皆帝德瑞華遙憶滿天池萬竿溪竹飾寒玉
一夜亭梅發凍枝省禁想應同燕賞閭闔亦許
共傳盃

贈諸子興陞夏卿

高明謫去數千里曹監移來復幾年邸報昨傳
擢駕部斯文今喜共官聯春回陽長應歡慶望
重資深賀轉遷莫歎周南暫留滯見推吳下汝
英賢

贈馬西玄陞少宗伯北上二首

六館經師領俊髦兩京條教荷薰陶鴻遵星渚
歸春省鳳到天池認故巢紫極正崇周禮樂
青雲瞻送漢旌旄僊槎喜逐三陽泰文宿光生
五夜高

其二

翰苑詞章數巨家留曹聲望重京華詩囊賸有
千機錦筆夢應生五色花頌聖黃虞追大雅采
風周召和于嗟逢人見說宗山斗照眼驚有絢
海霞

寄贈少保秦鳳山老先生二首

兩棹清風萬卷書買山東去近何如鳳鄉別業
應無恙龍壑幽棲樂有餘雲散雨收歸政後花
香酒滿杜門初斗南聲價彌珍重吳下僊蹤入
畫圖

其二

毘陵村社認粉榆錫野陂塘訪故居猿鶴喜來
隨上下鷗鳬忘去乍驚呼謝安隱遂東山麓司

馬園開西洛隅但恐 詔還臺閣後嘉謨應豫

宰衡初

贈中丞劉范東五首

有序

辛丑秋七月既望乃中丞范東邀余於新
築池館開尊宴賞諸歡備具至午夜且泛
舟焉維時風清雨霽天空月皎清興逼人
恍然不知夫有塵世也因賦以識兼以奉
贈蓋中丞之詢美餘光於人有耀淳雅高
致希世鮮儔敬而愛之不能不繼以贈言
也

中川遺集

卷之十二

末

清自掌

君舟解纜纔三日我喜停驂共一乘棹破月光
玉散漫撥開雲影鏡分明天開圖畫新秋靚浪
湧紅香午夜清坐久頓忘塵世界不知何處泛
槎行

其二

君開陂水綠荒渚堂上丘原藉轉乘傑構倚天
傳世遠雄蟠迎日照人明境如嶽麓還增勝地
以城隅倍覺清一段有同雲外趣四時無碍苑

東行

其三

范東藻翰追前籍都下推尊比上乘池館荷君
同宴賞水壺照我太晶明臨流並濯塵纓舊倚
棹雙揮羽扇清情重欲拚留信宿禮嚴先已戒
征行

其四

塵海彌空何浩渺輶車終日苦驅乘幸逢佳會
瞻風景仍放僊舟泛月明池水歎如秋練白藕
花摘遍晚香清步虛忽聽雲中樂倒影翻疑天
上行

其五

青雲過雨開秋霽彩鷁凌風恰晚乘水調數歌
隨棹起火城千炬映波明見連星斗光芒動驚
醒魚龍睡夢清酒醉欲眠解觴政詩成相對統
楷行

中川遺集卷之十二

中川遺集卷之十三目錄

五言排律十二首

送介谿嚴公奉使安陸

洛水

過魯望闕里

過鄒蕭謁孟廟

挽陳古道

贈壽官張萬里

贈春卿陸肯堂尊堂雙壽

中川遺集 卷之十三 壽詩

壽張國華尊翁

送魏正夫陟雲南大叅

挽詩

送熊雲夢關西巡按

元日有作

七言排律三首

壽許松臯太老夫人

壽夏寧湖同年廼尊八袞

賞蓮

五言絕句十七首

齋居有懷十七首

七言絕句三十八首

鷄鳴寺雜興十四首

寫懷寄劉東阜四首

畫牛

題商山四皓

題竹

題畫馬二首

秋夜

贈童司訓之任豐城

龍潭十詠十首 有序

題秦鳳山甘菊叢卷三首

中川遺集卷之十三目錄

中川遺藁卷之十三

大梁王教庸之舊

五言排律十二首

送介谿嚴公奉使安陸

奉使辭金闕乘槎發玉津青萍光滿載紫氣灝
無垠斗極迴瞻迥風雲感會辰戒卿膺顯陟三
接荷溫綸念昔木天舊何斯藻翰新虎關聯日
馭鵷遙識台鈞禮重眠龍宅欽遊起鳳臣明裡
專付託儀典賴修均不負平生學惟勤報國身

中川遺藁

卷之十三

十一

清自掌

洛水

洛水何縈紆中州第一觀諸賢鍾秀氣千里發
驚湍禹跡留終古巡遊蒞百官道途均遠近形
勢借嶺岼會朝猶歷歷講武憶桓桓感慨東都
賦徬徨六師篇道脉龜呈瑞靈符龍見田河潤
還及物濯纓得大觀涵渟知量閣校楔覺春寬
陣鳥排深港風鳶集暝煙倦舟傳共濟神女詠

追歎晚霞添繡綺春浦助波瀾日煖千家爽風

清五月寒竹閑知鳳去雲竊託龍眠鴈度瀟瀟

浦魚跳細細灣順流萍葉小夾岸柳陰繁墨客

招同侶遊人發浩歎清樽臨別渚白戰立詩壇

兩岸堅如鐵三門靜似磐天光接野渡螺髻擁

晴巒橋跨白虹影山圍碧玉欄轉還漚泛泛小

大浪盤盤上世形仍舊前朝碑未殘雨晴鳴晚

籟風急起秋荏有驗霜威早無邊楓葉丹溪槎

從古去洛雅至今完神鬼日相護年華老自拚

中川遺藁

卷之十三

十二

清自掌

聲如雷隱隱流盡月團團老子重迴世錢鏐幾
蓋棺祭魚聞野獺飲渴見山權湛碧馴飛鶴滌
清浴老龜地靈接後漢呂鈞憶西礪河伯能神
意 皇朝賴保安顯功同五嶽作頌欲重刊

過魯望闕里

魯道寄征輿登登度野墟山青望不盡境勝嘆
無虛見說靈蟠處猶存聖蹟圖二儀發間氣六
藝授生徒道妙折衷內經存保治餘秋豪皆教
化世紀報師儒公岫春雲潤尼山夕照孤停輶

遙睇望憑軾整襟裾

過鄒肅謁孟廟

斯文誰正統王道見真儒
薰沐瞻新廟徘徊訪故居
泰山猶氣象時雨憶霑濡
五百年常過三千士已殊
果然群聖後獨此七篇書
世賴師模久功收義利餘
有來忻慶覲欲去復躊躇

挽陳古道

爲變今人俗常存古道
心矩方裁衆論繩直繫孤
泮苦節堅清操冲懷發浩
吟梅松冬鬱鬱桃李遺榮
李畫陰陰裕後葩經筵開
先藻翰音誥龍盤內錦書
靈遂初襟秋曉蘭香滅春
江桂月沉遺珠傷瀚海埋
玉慟丘林道繼伏龍志清
馳鸞鳳馨幽光賁泉壤阡
表耀江渚

贈壽官張萬里

燕樂軒乘鶴龍鍾杖倚鳩
買山修羽服欲計結僊儔
幸值天恩降恭聞詔語獨
許如欽定例得共品官流
皂蓋明青服烏紗映白頭
願天酬帝關瑞靄護居樓
指點識新進存亡憶舊遊
百

平書世味一德行孫謀
野史應書記耆英須計
求敢期洛下事移與汴中收

贈春卿陸肯堂尊堂雙壽

壽垣拱南極雙與福耀
明天心佑耦善福壽壘
雙精三吳敬輿後雙壽
膺大亨朱顏醉滋渥素
履凝端貞松梅蔚蒼翠
山海綿高深不凋共寒
歲末世同平成崢嶸見
麟嗣膺仕敷鵬程馳恩
荷明聖璽誥欽褒榮騰
茲海福匯借此山壽
并庭開椿益茂堂永萱
自生壺天聚僊侶月旦
馨鄉評森森見蘭桂玉
立呈葱晶

壽張國華尊翁

有人南海上曾見壽星
明燦燦光連水疊紫珠
映衡氣分塵世內化作
老年精碧眼稜層展白
眉次第生一筇扶起坐
百歲閱昇平况是森燕
桂何妨遠帝城豈無山
澗樂足勝宦途情凍
鶴朝方霽華筵酒已行
筵前祝阿老不直比錢
鏗

送魏正夫陟雲南大叅

吾鄉才俊士之子最知名補衮稱都諫撫忠効
國頑周宜崇牧伯召虎任經營彩鶴臨風發育
雲耀日明遐方勞聖念特地借君行水鑑徹南
海霜臺陟上京耳崇有遺愛風雅俟新聲

挽詩

愛見陳明府終天報德心不緣耀桂後易此泣
莪深鳳翥歸春沼烏啼感夜林親恩同罔極子
道懋惟欽錦詔光馳贈玄堂慰昔今顯揚酬怙
恃節孝嗣追尋重祠思季路羊棗憶曾參爲次
中川遺集 卷之三 五十一 清印堂

送熊雲夢關西巡按

史臣分柱下按治出關西萬里持冰雪三秦慰
兩霓綸音承面遣斧仗奮親提正氣搖山嶽餘
聲振月氏法冠明獬豸典憲正鯨鯢畫一霜威
重維行風力齊方張搜從助隅向軫孤啼上善
宜稱最群克無緩擠青旻開憫覆赤子仰歡悞
行矣花驄騎懸思若玉蹄迎春陟隴坂計日度

泚谿諸凡天下事一就古先稽務得伸成志無
令歎噬臍

元日有作

旅况凉如水流光歲復春履端知慶慰致賀卻
比鄰椒酒猶從俗桃符亦換新夜來曾命僕晚
上欲延賓煮酒須交熱開樽莫厭頻願言樂歲
事何更訝身貧許世惟清淡逢人任喜真况當
風漸煖酒遣志微伸已構蓬茅舍不妨竹素親
四時從此日一得仰高人氣候誰均適寒暄自
轉輸先憂見小范上壽祝 明君道長興賢哲
陽舒發難屯多方平盜竊六合反忠絕砌草甲
將折庭梅白未勻可應乘歲月隨任獲吾真

七言排律三首

壽許松臯太老夫人

冢卿善慶昭垂裕元配康僖賀誕辰節序喜逢
伏着畫簪收初試晝凉新盈庭奕葉森丹桂遂
壽長茂綠筠霞炫誥章宮錦爛風傳書種世
壽長茂綠筠霞炫誥章宮錦爛風傳書種世

起家希傳說司徒施政比君陳墳笮倡和難昆
季堂構勲名冠薦紳文苑舊推才俊士虞庭今
重凱元臣家聲丕振欽逾盛和氣明徵見累仁
嶽孕正惟德感召坤成重荷秀根因穆姜誨欲
官先事陳毋思令道濟人食報貴膺身佩玉履
亨安享髣鋪銀紫姑東下乘雲馭玄女西來駕
月輪寶籙金函祝上壽冰桃碧藕宴長春筭過
耄耄齊山紀福匯汪洋盪海垠膝下昂台看接
武光馳恩寵拜溫綸

中川遺集

卷之三

七

清江堂

壽夏寧湖同年廼尊八泰

居易先生蚤掛冠堂開嶽麓對江干爲看鳳嗣
翔霄漢鳴盛鸞坡拂羽翰却嘆折腰空繫戀爭
如適意任清寒囊資恰稱謀三徑村圃歸來種
萬竿得句每從勒馬處弄舟常回釣魚灘身求
康濟無丹竈譜按軒岐有藥欄八泰喜今登上
壽此生真是飽餘歡聲華歲與心旌定懷抱日
隨色餐寬五福自天鍾簪慶百年食報享貞安
靈椿比筭人遙祝南極垂精世所難 紫詰遲

膺沐雨露黃金橫帶撫芝蘭僊乘海鶴持瑤籙
贈爾蟠桃下玉壇

賞蓮

水府僊鬟絕代稀翩然佳麗下雲闈紫霞深鎖
黃瓊佩絳霄輕籠翠羽衣拂砌暗香紛細細倚
欄寒影故依依粧來祗覺半儀靚睡去多惟魂
夢歸餘韻滿庭看未盡真容隔浦面常希盤擎
雨意恩波重鑑引冰輪寶氣輝潔淨不聞隨沃
柴清高常似挺嚴威孤根秀拔虛還白洵美何
嫌瘠與肥池上水神人利見花中君子世無譏
當遙愧比六郎俊出井休誇十丈頰濂渚岸過
說甚是輞川莊外認疑非生成紅玉堆滋潤捧
藉綠雲亂迭闌荷葉似因留素轡葛陽若爲建
靈旂並肩彷彿雙巫女對舞分明二洛妃國色
有名獨峭正天香同體異芳菲事從卜筮求徵
驗詞假著龜顯妙微重擢兆宜還鳳沼連科祥
應占鄉關知緣慶澤承源委豫此嘉楨共發揮
寫入畫圖開玉軸求傳光彩映金紉

中川遺集

卷之三

八

清江堂

五言絕句十七首

其七 有懷十七首

德皇廢帝聚化日漸舒長玉宇明三界金陵慶

陽

其二

陽回暖律萬里助明裡淑氣占亨泰園花露

早春

其三

春水自東流春陽慨西轉倚檻驚二毛對書自

中川遺集

本卷五

九

清自堂

萬卷

其四

萬卷自羲軒一中見天地滄海匯百門望洋渺

何既

其五

海上紫瓊洲赤霞白日浮有僊視塵世無在不

虛舟

其六

舟從惟巨浸車便喜康莊水陸難齊一誰能自

短長

其七

鶴頸長如許鳬生短自愉短知惟造化長亦此

江湖

其八

江湖望渺茫岐路嘆脩長回首亂山暮馳情三

徑荒

其九

三徑饒花竹孤襟寄海山想來寰宇內一幅畫

中川遺集

本卷五

十一

清自堂

圖間

其十

海嶽畫圖長乾坤歲序忙閑看蟾兔逝却憶鳳

鸞翔

其十一

瑤海鸞王瑞梧岡鳳作球德音鳴盛世文煥滿

神州

其十二

鳴盛發天心靈昭紀事林粵以黃虞世相傳古

至今

其十三

今古應殊觀高明自逆觀從今三萬日回視今亦古

其十四

古即古之今今亦後之古往來無定期明哲自逆睹

其十五

睹記實難量作述可自強一從逢契畏三代見

遺良

其十六

遺良席上珍評價斗南人玉立超塵表金聲奏

其十七

鈞天閣紫虛仰麗見朱明眷德歆嚴祀前星耀

帝京

七言絕句三十八首

鷄鳴寺雜興十四首

山桃無主自高低隔葉開花照眼迷豈是黃鸝愛相見朝朝飛向樹邊啼

其二

一曲僧房竹萬竿無風無雨自清寒尋常携得琴書至坐到黃昏興不闌

其三

湖光清處見山光中有高城接渺茫禽變已知春候盡人閑偏稱夏天長

其四

欲回筍根尋雉子却從花下見鶯鶯一聲啼破春山曉萬綠千紅盡可需

其五

縷縷輕煙隔暮花傍山知是有僧家近前却更聞清磬一曲商音月未斜

其六

古木參天幾萬章鳴鳩乳燕自家忙看來不似山僧靜一枕方床傍晚涼

其七

怪石清泉自幾時可應天造故幽奇坐中還有花香過不是風來那得知

其八

傍山祠宇故參差占盡山前一段奇半夜枕邊鍾磬發英靈如在使人思

其九

煙雨霏霏晚度過山中微覺夜涼多曉看庭下雙松樹已有清光上碧蘿

其十

山鳥看花花欲然故來相語向花邊春風不作閑吹去留待花枝結果鮮

其十一

尋得山樓最可怡山中却有愛心時逢人欲話真難說明月清風想自知

其十二

樹靜有風還軋軋林深無處不陰陰尋常獨向山邊去貪看白雲到日沉

其十三

山鳥引鵲來復去野藤遺蔓曲還伸幽閑不是塵踪到惟有停雲作主人

其十四

雲松鬱鬱遠逾秀水竹蒼蒼近却清豈是俗塵飛不到由來佳趣自生成

寫懷寄劉東阜四首

泰山爲硯海爲池后土作床天作紙欲寫遠懷懷更長筆椽禿盡搔雙耳

其二

排雲何處叫天聞遠地忽來思故人踏遍小庭隨月影不知沿砌有苔痕

其三

南越越中孤鳳去西湖湖外衆山奇吹簫對月寧無意鳳遠山高空寄思

其四

短亭曾記賦勞勞拚得銷愁愁未銷宿酒纔醒欲更醉流蟾西下又東招

盡牛

寒風寒響鳴林西野犢鳴晚樹陰牛背牧童
歸去穩浮名虛利總無心

題商山四皓

聞道商巖起四公山雲層疊樹蒼葱一從漢闕
歸來後總入人間圖畫中

題竹

枝枝節節無心好子子孫孫有蔭多寒歲世傳
君子操淇陽人唱武公歌

題畫馬二首

天駟垂精孕渥洼霜蹄馳入漢皇家鑾輿不駕
東封輅紫陌春閑步煖沙

其二

驪驪雲錦耀天閑驥德誰稱汗血斑信是龍媒
自神物世人看按圖間

秋夜

旅懷岑寂更高秋月過湘簾送與愁索酒欲憑
消散去阿郎來會問何由

贈章司訓之任豐城

一榻青氍授五經鄭康名譽重西京廣文謾說
官階冷學士爭傳道氣清

龍潭十詠十首有序

歲甲午季秋教以赴留院過滁而愛環滁
之皆山也乃罔伯劉良所先生邀遊琅琊
遂與之登醉翁亭拜二賢祠經過梅堂而
酌以別焉良所舊翰長以太史宮坊出領
方岳罔伯則新除也因留十詠以爲識

環滁山水盡圖長傍水人家草樹香行到龍潭
最深處望中澄澈見天光

其二

豐樂亭前翠玉碑碑中蛇蚓自天池坡翁去日
留真墨太守當年有去思

其三

醉翁情興出天真傍水綠崖到處春留得虛亭
對白日至今遺翰照青旻

其四

六一先生喜釀泉啓亭延客喚烹鮮獨醒未是

人難識一醉誰教世共傳右醴泉亭

其五

十里嶙峋半水聲一泉澄澈照人明
崖南爲有陽水篆泉上今傳庶子名右庶子泉

其六

花魁迎雪弄寒香珍果調羹入廟廊
地主爲憐清似玉故教亭與共垂光右梅花亭

其七

一入山亭百慮消洗心應自有天瓢
澄波萬頃

中川遺集

不卷之三

王

清田堂

流不到最是雲崖頂上高右洗心亭

其八

野菊香生九月秋荒村行過半山頭
雲邊認是招提境馬上看如畫裏遊右琅琊寺

其九

上徹重山萬級高望中了了見天腰
何緣買得雲窩宿吸露餐霞弄斗杓右了了堂

其十

殿學遷官自玉堂守臣遺愛滿滁陽
簷楹色映

松篁綠俎豆光生蕉荔黃右二賢堂

題秦鳳山甘菊叢卷三首

靈根原自有幽芳神品今看占夕陽
金紫映霜宜歲晚丹青傳世與天長

其二

僊圃花神蔚晚芳海天霜霽倚秋陽
凌寒倍覺精神茂絕代誰如滋味長

其三

晚節貞玄出衆芳秋巖黃白滿重陽
功垂圖譜

中川遺集

不卷之三

大

清田堂

耳無盡味引僊靈壽自長

六言絕句五首

睡起四首

硯洗池塘雨後詩成冰玉堂中幾欲揮毫乘興
萬竿疎竹搖風

其二

堂成燕雀來賓簾捲煙雲到門可喜田中禾稼
均霑雨後天恩

其三

其三

兩砌百花濃
一室萬木清
深睡醒堂口
逸老起彈花下瑤琴

其四

溪水環清戶
外萬山疊翠雲
邊欲買山居何處
旋栽水竹今年

訪宋元周不遇

矮屋人家古意高
樓花木餘清何處遊
人宋子不來林外秋聲

中川遺集

卷五

六

清幽堂

中川遺集卷之十四目錄

樂章六首 俱內閣分撰

賀聖朝二首

御鑾歌

清江引三首

詩餘二十一首

望江南二首

一 和答浚川

二 同前

無俗念二首

一 再和浚川

二 同前

千秋歲引 壽杜郡伯

春從天上來 賀封君別霜筠

滿江紅二首

一 壽楊淑人八袞

二 上隱

風入松 秋思

浪淘沙 夜雨

臨江僊 二首

一 聞琴

二 西坡別墅

小重山 春閨

浣溪沙

長相思 春閨

踏莎行

謁金門 聞鶯

中川遺集

卷之十四

二

清江引

桃源憶故人 春暮

重疊金 懷人

漁家傲 閨情

阮郎歸 愁

中川遺集卷之十四目錄

中川遺集卷之十四

大梁王教肅之著

樂章六首 內閣分撰

賀聖朝二首

一 統山河萬國來同獻方物時朝貢慕皇風兆
民允懷聖德神功帝享克誠天錫智勇瑞應駢
臻麟鳳龜龍

一人元良百姓昭明受帝祉承天慶樂昇平克
享天心大報欽成申錫無疆純嘏有永四方咸

中川遺集

卷之十四

十一

清江引

賓海晏河清

御鑾歌

昊天眷聖皇德隆盛福熾昌繼天立極綏萬方
修和有夏集千祥神祇右享明德馨香黎庶樂
耕桑歌舞康莊

清江引三

受天百祿日方升以莫不興盛錫宴鼓瑟琴遐
福祝明聖御六龍萬壽無疆永

聖皇天保壽無疆遐福申昭降以莫不興增川

至難測量御六龍落成錫燕饗

受天百禄亨升平遐福天申命萬壽永無疆以
莫不興盛御六龍賜宴落豐成

詩餘二十一首

望江南二首

一 和答浚川

江南調讀罷轉愁生子晉抱笙吹夜月王祥看
劍對朱明鴻傳到日情 詩筒欲寄訊阻滄溟
夢裡和鳴聆鶯鶯曲中文采見鷓鴣懷長今未
盈

二 同前

江南望雪霽暮蟾生冰彩冷搖池館靜金波清
狀海天明難禁此夜情 憑誰遲候問向東溟
蓬島元君揮玉塵蕊宮僊伯駕鶴鳴思來恨欲
盈

無俗念二首

一 再和浚川

不愛商巖四嶂叟不數漢庭三傑守貞隨處

閑情紛擾淨如磨滅渥性難長冰材易碎看
都消歇底用蝸角爭馳牛涔競涉 縱然疾足
先登終能幾許笑殺雲和月出岫無心行天空
與一任陰晴圓缺太上忘言至人無我此論非
空說樂在其中勝似僊袞道關

二 同前

求將覓封心役役未便稱名雄傑人生惟有付
天然機焰自能灰滅暑盡寒生烏來兔往一一
成休歇想甚挾山超海憑河徑涉 請看傀儡
當場黃梁夢幻撈取波中月枉費精營終成泡
影空使形神虧缺君子達觀哲夫遠覽此道無
難說素位行來何阻天關玉闕

千秋歲引 壽杜郡伯

極宿輝煌福星灼燦垂照南山邦伯勇退急流
京洛道歸尋舊隱睢陽宅江風清岫雲綠海蟾
白 時與共之偕四樂時與共之成三益願養
天和耄而耄壽俊圖中人第一耆英會裏年將
百願從今長不老如松栢

春從天上來 賀封君劉霜筠

鶴髮星星稱皓馬青童白豸朱纓黃金橫帶
王垂珩紫袍耀日鮮明荷 天恩優渥萬萬歲
謝答神京 綺羅筵有龍涎裊裊吹琤琤
前已多樂事更鮮愜薰風照眼紅英粉杜卿香
瑤池僊侶願君松栢遐齡北極星懸照無冬夏
夜夜晶熒布芳聲梓橋常映椿桂同榮

滿江紅二首

一壽楊淑人入表

中川藏集

卷之四

四一

清印堂

王母西來瑤水上雲駟輶輶報道有紫姑傳送
上皇符籙發女好膺南嶽壽霞冠備享東溟福
共年年明月照中秋傾醺醑 蟠飛艷紅堆簇
酒味嫩香清馥列僊娃羽舞鳳凰興伏蘭桂撐
天堂似錦斑欄什地人如玉問誰家壽域對天
開能追逐

二十隱

最是深山更深處十分幽獨對一溪流水數叢
喬木結箇小亭如斗大遮簷栽遍脩脩竹看春

來稚子自生成相追逐 茶蘼院香清馥馥桃
花洞紅堆簇簇笑朱簾十二還霑塵俗一醉不
知吾是我醒來却愛山如玉問古今真隱屬何
人難爲屬

風入松秋思

兩將涼意下西樓情思轉悠悠當年弄瑟人何
在沅湘深處芳洲借問曾煩青鳥相逢須共白
頭 紫厓蒼霧路通幽幾度夢中求歸來猶記
纖纖手携人欲放還留數盡飛鴻萬點彈琴聊
解隱憂

中川藏集

卷之四

五一

清印堂

浪淘沙

風雨冷瀟瀟何處相招羨人家住楚山腰更是
無情山下水隔斷漁樵 心事寂無聊去路迢
遙桐音空撥小僊謠轉恨夜來曾對月不解吹
簫

臨江僊二首

月下聞琴

何處五弦彈夜月聽來不似人間想應玉指故
悠然傳情託妙曲離恨憶當年 却怪浮槎從

柳髻鬢絲知爲誰秋春陰漠漠鎖層樓斜陽如
弱水只管向西流

其二 西坡別墅

倚枕清宵愁不寐紙窗亂撲春蟲尖寒偏易涼
輕容空堂群響寂人在雨聲中 五夜連籌下
頻盡料應花睡方濃可憐零落綺香叢留魂悽
欲斷相對泣殘紅

小重山 春閨

遲日圓亭禊事收那時侯扶病上蘭舟千絲萬
緒在心頭方寸地看得許多愁 風雨幾曾休
怪來人意今似新秋晚天莫倚最高樓樓下水
一曲斷腸流

浣溪沙 春閨

柳暖花寒雨似酥流鶯和夢覺來無東風料峭
捲蝦蟇 欲覓瀟湘屏上路楚山如黛少雙魚
口脂慊點鏡中朱

長相思 春閨

花飛飛絮飛飛綠上眉山紅上衣粧樓月又西

桃花香李花香蝶翅翩翩燕翅忙思來淚幾
行

踏莎行

律轉寒消雪晴霜霽江梅初放清香細美人猶
自怯東風珠簾半捲重門閉 鳳聲晨粧羅袖
新製錦囊情自填芳蕙倚窓無語成嬌癡窓南
斜日雙鴻唳

謁金門 閨鶯

鶯乍語喚出愁懷如許歌枕欲眠無意緒倚樓
成獨佇 記得同歌白苧有箇人人容與別後
不知何處去相思揮玉塵

桃源憶故人 春暮

柳條夜拂黃金縷報道春來如許誰把春
往且謾飛紅雨 春光不信人心苦低
樓去好倩東君作主護我梅花樹

重疊金 懷人

東風纔過石崇谷西風又到盧仝屋不
還相思夜似年 美人雙鬢綠去去

在鳳凰城憑誰爲寄聲

漁家傲

閨情

水定風柔吹不皺新篁池閣涼生透閣上美人
濃睡後簾垂綉冷泉浸碧翻塔溜塔下芳蘭
葉葉秀簾閑花落宜清晝情思無端忘復又琴
欲奏起燒四和移金獸

阮郎歸

愁

橫風狂雨暗山城孤身千里程鄰鷄啼盡楚江
聲燈殘夜未明心緒求夢魂驚思來病欲成
此回惟有醉如盲酒醒還動情

中川遺藁

卷十四

八

清白堂

中川遺藁卷之十四

中川遺藁卷之十五目錄

策一首

廷試策

中川遺藁

卷十五目錄

一

清白堂

中川遺藁卷之十五目錄

中川遺藁卷之十五

大梁王教庸之著

策一首

廷試策

臣王教

臣對臣聞帝王致天下之治者其大有三大法也大本也大幾也夫規制畫一條約詳明凡所以予奪而爲榮辱黜陟而爲勸懲皆法也然惟關天下是非之同繫人心可否之當上不失先

中川遺藁

卷之十五

十一

清自漢

王之成憲下可爲後世之末式循之則治隆而俗美違之則教弛而風漓斯則謂之大法感而遂通觸焉即應凡所以主張乎庶物綱維乎衆事皆本也然惟至公足以絕天下之私至正足以杜天下之邪取之不窮用之不竭百慮一致而即此以生一日萬幾而胥此以應斯則謂之大本理之將窮損益以出數之將終因革以異凡所以可趨而謂之時可乘而謂之勢皆幾也然惟中其會則逸而有成失其便則勞而無功

來不可禦於倏忽之間去不可追於猶豫之際繫國家之安危關天下之理亂斯則謂之大幾夫法者治之具也本者法之源也幾者事之會也非大本之立固無以致大法之行若大幾有不能決則必先其所後後其所先因其所革革其所因所謂機會一失噬臍無及將併其大法而掣肘難行矣臣嘗稽諸往牒惟二帝三王爲能全盡於此故其功德兼隆巍乎與天地同符兩漢唐宋諸君率皆偏駁而不全故不能一一以致其盛欽惟 皇帝陛下秉天地之全德撫盈成之景運懋修新政率由舊章一予一奪一黜一陟罔不協于至公合乎物議是天下有休寧之基而宗社有靈長之慶可謂大法行矣然又從善如轉丸決策如應響損益必中其會因革必就其便是轉危而足以就安易亂而足以爲治可謂大幾決矣行是法也決是幾也皆膚見之炳於先物 乾剛之執於獨斷浮議有不能惑群邪有不能誘純王之心布而爲純王

之政大本有弗立耶既聖而不自聖已安而若未安乃於萬幾之暇進臣等於庭而策問之伏念愚臣草茅賤士章句腐儒當龍飛取士之首科濫鴻漸于達之末選自知迂踈之論不足少裨於萬一然而際遇若此豈敢隱默而不言哉臣惟天下之患嘗坐於委靡不振而奮發有爲者獨能收致治之成功何哉爲其振綱紀於上美風俗於下也綱紀不振則政必玩玩則弛弛則至於不可收拾而天下風俗隨之矣

中書總纂 卷之五 三 清自修

故綱紀之振者必有致風俗之美風俗之美未嘗不本於綱紀之振自古帝王之順時揆事創制立法一皆由斯道也帝之聖者莫如堯舜王之聖者莫如禹湯文武其在當時黎民敏德萬國咸寧人人有君子之行比屋有可封之俗五刑措而不用兵革橐而不試山川鬼神無乎不寧鳥獸魚鼈罔不咸若其致雍熙泰和之盛卓然爲萬世之法程信如聖制之所諭也要其大法之立有禮以別上下而冠婚喪祭朝覲

命以至射飲食饗之有節有樂以和神人而大章大韶大夏大濩以至大武諸音之克和則禮樂定矣有律以求聲氣而權衡輕重斗斛多寡丈尺長短以分有曆以紀歲時而日月出沒寒暑往來人事興作以具則律曆明矣體國經野畫土分域有以疆理宇內而爲九州十二州千里百里七十五里之制經邦弘化率屬分職有以設立庶官而爲百揆四嶽維百維倍三百六十之員分田以給野人而制賦以養君子有貢也助也徹也以至圭田五十畝餘夫二十五畝其綜理之何其周興學以明教而養士以儲材有校也庠也庠也以至左學右學虞庠國學其制度亦無不至自里選鄉舉而至於王國則自造士進士由宗伯司馬以達於王焉自翕受敷施而官於王朝則有三載考績三考黜陟幽明焉因井制兵而寓兵於農無事則執耒耜有有事則荷戈之卒也何有於不掉之患乎刑故宥過而刑於無刑五刑之爲若嚴五用之法

中書總纂 卷之五 四 清自修

則恕也何有於禁網之密乎是即臣所謂大法之立而爲綱紀之振如此其致雍熙泰和之盛而爲風俗之美也宜哉雖然此特其致治之具耳原其建立之本堯則克明峻德也舜則允迪厥德也禹則祗台德先也湯則懋昭大德建中於民也文武則緝熙敬止建其有極也孰有外於此身此心者乎邇其推行之序則自身以及於家爲敦叙九族克諧以孝時庸展親刑於寡妻也自家以及於國爲平章百姓庶民勵德降國人化行江漢也自國以及於天下爲協和萬邦教訖四海克綏厥猷四海永清也孰有外於徒法徒善者乎篤近以爲舉遠之資由內以爲著外之地鼓舞作興之機未嘗不寓於操宰物之中幹旋轉移之妙未嘗不始於躬行心得之餘然又因時以致其宜隨變而異其處是以事與時合情隨勢順則其所以致雍熙泰和之盛而爲萬世之法程豈非大幾之能決有如愚臣所迂論者乎降及後世於漢則稱七制

中川遺藁

卷之五

五

詩古堂

唐則稱三宗於宋則稱四聖固皆創守之賢者也然而致治之效不渝於雜伯則墮於雜夷不困於西人則擾於北虜小康粗治雖時時若有可稱而比迹帝王則邈邈乎天壤異域矣所以然者蓋由其徂治功於馬上而詩書有所不事消清淨於黃老而制度有所未遑勵精圖治似矣而多褊察其何以有成躬行仁義美矣而不克終其何以責効仁厚有餘者不足於劉武議論繁多者未聞其雄斷任其資以爲治隨其世以就功於聖制所謂建立之本推行之叙繫乎其有未能若前所謂綱紀之振而奮發以致治者何有哉宋儒朱熹有曰善爲治者必先有綱紀以持之於上而後有風俗以驅之於下綱紀者何辨賢否以定上下之分核功罪以公賞罰之施是也風俗者何使人皆知善之可爲而必爲皆知不善之可羞而必去也然綱紀之所以振則以宰執秉持而不敢失臺諫補察而無所私人主又以大公至正之心恭已於上而照

中川遺藁

卷之五

六

詩古堂

隋之賞則爲予爲陟爲三錫而總之爲命有功
罰則爲奪爲黜爲五刑而總之爲討有罪人君
勵世磨鈍以奔走乎天下之人不越此二事而
已曰綱則其大者紀則衆目之小焉綱則貴於
常張紀則貴於常理詩云勉勉我王綱紀四方
惟勉勉則所以爲綱紀者至矣世惟賢者弗任
而任之或不專否者弗去而去之或弗決則上
下之分不能定有功者不錄而所錄或非其功
有罪者不刑而所刑或非其罪則賞罰之施有
中川遺業

卷五

七

清白堂

弗公夫用一人焉賞一人焉而天下以爲慶則
天下之善有所勸舍一人焉罰一人焉而天下
以爲威則天下之惡有所懲天下之善者勸則
天下皆知善之當爲而人人有向善之風薰陶
之久漸摩之至雖不厚祿高爵以賞之自無一
人不歸於善天下之惡者懲則天下皆知惡之
不當爲而人人有耻惡之意假以旬時運以德
樞雖不嚴刑峻法以處之自無一人不改其惡
大如是則風俗何有不醇天下何有不治三代

商上正以能此故爾言漢之綱紀委任大臣掃
除煩苛約法減租綜覈名實律令則命蕭何禮
儀則命叔孫通章程軍法則定於張敖韓信若
曰少振之矣然多仍秦之舊而衆目猶有未舉
言唐之綱紀職事任官世業任民租庸調任賦
府衛藩騎任兵三訊五覆奏任行禮制於房玄
齡樂制於祖孝孫律令編於長孫無忌若曰亦
既張矣然皆襲隋之餘而大綱猶有未正言宋
則刑不加於士夫事不委於戚畹兵有三衙四

中川遺業

卷五

八

清白堂

廂之制刑有折杖覆訊之法禮制於劉溫叟樂
制於和峴封樁則有庫審官則有院比之漢唐
雖若不同然而六官無分治之典三考無黜陟
之嚴亦惟因五代之陋習也故其風俗之成止
於海內殷富黎民醇厚而禮義則有未興斗米
三錢外戶不閉而道揆則有未立忠厚廉耻聲
名文物雖盛而國勢常削弱不振邊事常警報
未寧也是豈帝王之治真不可復蓋以賢否倒
置賞罰任情致治之道既失法制之美奚補無

怪乎風俗之美不如二帝三王也仰惟我

太祖高皇帝肇造區夏創建宏規用夏變夷復網常於淪歟之後除殘去暴拯生民於塗炭之餘

太宗文皇帝中靖家邦纂述大統振兵威於四夷而神武之布昭明理學於萬方而

聖化之覃被其所立之綱紀一皆取法於帝王求端於天地各德於履載之公並明於日月之

照據今聖政記及聖製諸書可以莊誦而

考知也故一時之賢者必上否者必下有功者

中川遺集

卷之五

九

清日堂

必賞有罪者必罰以股肱任宰執而政柄有歸

以耳目任臺諫而公議有在所以治隆俗美醇

而不雜比之二帝三王而致雍熙泰和之盛蓋

有異世而同歸者矣列聖相承監於成憲益

隆不替歷年百五十餘其道即所以為治其治

即所以為道其教即所以為政其政即所以為

教如古人所謂合一者是也故能綱紀有張而

不弛風俗一定而不移視之

祖宗之朝則

亦無甚相遠

陛下之心即我

祖宗列

聖之心即堯舜禹湯文武之心也撫臨億兆風

夜祇懼圖惟治理不越以是心布之綱紀而已

然猶惓惓焉以績效未臻和氣未應為憂而策

問臣等使陳其故臣知

陛下此意蓋欲遠

追帝王之蹤近光

祖宗之烈不安於漢唐

宋之粗治小康明矣

臣昔在巖穴時嘗念有懷

而不得申今者接咫尺之威立方寸之地不

為披肝瀝膽以陳於前可乎夫綱紀者其先在

於辨賢否今之孰賢孰否

陛下豈不灼知

中川遺集

卷之五

十

清日堂

其要在於公賞罰今之或賞或罰

陛下豈

有私見宰執則屬秉持

陛下肯使之不行

其志乎臺諫則屬補察

陛下肯使之不盡

其言乎所以績效未臻和氣未應者厥咎何由

臣竊以為新政美矣或未能慎於終以承於始

乎舊臣用矣或未能知之深而任之重乎民瘼

除矣有司之剝剋者或未改乎事弊革矣小人

之窺伺者或未去乎姦惡誅矣在桺之虎其志

猶有思騁者乎巧佞逐矣亂苗之莠其根猶有

尚存者乎四目明矣觀聽左右者或授夫皆好
之機乎四聰達矣浮薄競進者或亂夫清穆之
道乎文教所以綏太平學校之政雖修而道德
之本實未至或者不免於粉飾乎武備所以戡
禍亂行伍之法雖具而折衝之精采未聞或者
不免於單弱乎凡此皆大法之所當急而大幾
之決正此時焉夫天下之幾莫大於維新之日
何則君子洗心以改德小人傾耳以聽命也於
今之日益又不同原其時勢則亂之後易以治
危之後易以安此一幾之可爲所當速決者也
昔殷高宗承外叛內亂之餘其時勢正類於此
惟高宗識其幾而決之故能脩德正事以成嘉
靖之休原其理數則否之極而泰來剝之盡而
復生此一幾之先見所當逆決者也昔周宣王
承人離天變之後其理數正合於是惟宣王因
其幾而乘之故能內修外攘以致中興之盛
陛下以嘉靖紀元中興勵志失今不爲當於何
時爲耶夫事必稽諸古而後有以驗夫因革之

中川遺集

卷之五

上

清自堂

宜治必端其本而後可以不紊夫先後之序誠
如 陛下之所諭也古人之行臣既畧陳之
矣臣於此又有端本之說獻焉端本無過於修
身講學身者天下之本而心者又一身之本身
之修與不修在心之正與不正心之正與不正
在學之講與不講講學之道又在乎專於內而
無雜於外惟正心則可以修此身惟講學則可
以正此心惟親君子遠小人則可以專此學學
既專則理自明理既明則事自不眩由是而振
綱紀以美風俗賢否自合乎上下之宜功罪自
得夫賞罰之當勸懲所在遠近從風榮辱所激
朝夕易俗勵精有爲而期於化行俗美舍此其
焉圖之臣願 陛下始終此心而不移緝熙
此學而無間持之以悠久戒之以荒嬉弗溺於
宴安罔奪於玩好精擇善利勇決取舍超然遠
覽深惟至計信遠拂之爲忠思儆戒之可樂畏
天之命悉下之情審時之宜定國之是去其不
如帝王者以勉夫堯舜禹湯文武之行檢其不

中川遺集

卷之五

上

清自堂

變成法者以就夫 祖宗 列聖之訓將
見推無不準動無不化績效未有不臻和氣未
有不應凡所憂於天下者不治而自治矣惟
陛下俯賜採納而見諸施行天下幸甚萬世幸
甚豈特愚臣之幸哉 臣冒干 天威不勝戰
懼隕越之至 臣謹對

中川遺藁

卷之十五

三

清白堂

中川遺藁卷之十五

中川遺藁卷之十六目錄

奏疏二首

議郊祀疏

條陳十二事疏

中川遺藁

卷之十六

一

清白堂

中川遺藁卷之十六目錄

奏疏二首

議郊祀疏

翰林院編修臣王教謹奏爲應詔陳言以備采
察事伏蒙 聖諭以郊祀大典徧賜垂問且令
臣等親述所知以對謙虛之光洋溢乎 綸音

誠懇之詞究極乎至理堯仁清問于群言舜智
取中于衆論臣敢不齋宿薰沐謹頓首上獻臣

中川遺集

卷之十六

清言堂

聞郊之禮古禮也其行事於丘蓋以其高出于
地而上近于天也古者祭必有尸昊天非人之
可尸故於郊則親見之矣孔子曰於郊故謂之
郊焉其爲事也甚重其從來也甚遠飲血茹毛
醴酪未備汙尊杯飲疊爵未作巢居穴處宮室
未制此祭之所以掃地禮之所以極簡也聖人
之心無窮豈故爲是簡畧哉觀之神農始教稼
穡公劉猶用匏酌大禹初嘗旨酒則知陶匏玄
酒采盛不斲亦因其時則然雖聖人豈可能而

不爲乎至黃帝則宮室既成遂作合宮以祀上
帝矣若其義則仁孝誠敬大報本而反始也于
今之時禮儀大備文物具昭非復古風朴畧矣
必欲簡畧是從掃地以祭臣恐仁孝之誠不能
合郊廟以如一敬恭之儀未免分古今而爲二
揆之事則未安稽之理猶未當蓋古今之理非
有意於簡繁文質乃自然之因時損益時各不
同故曰五帝異樂三王不同禮議禮制度王者
所自爲酌古準今聖人之常道至矣大哉我

中川遺集

卷之十六

清言堂

太祖高皇帝之妙達天人洞識物理每以古今
異宜勢所難行隨時處中法斯可守所以制爲
典禮示惟後法雖微妙而難測皆易簡而可行
故於建國之初依倣漢制立南郊北郊分祀天
地又於冬至合祀於殿庭今見於告廟合祀之
祝文可考也可謂制備三王儀參歷代矣至洪
武十一年太壇既完乃定以合祀春秋永爲定
禮今見於大祀文可考也臣嘗伏念我 聖祖
之分郊異祀已歷數年乃一旦則革分以合必

有其故臣惟冬至隆寒風雪不時夏至盛暑大雨時行郊丘之上既無屋祠行禮之時止惟幃幔風雪雷雨偶爾遽作震電霧霾萬一時至必亂乎如在之誠難終乎親見之禮此古帝王所以有因時之損益也 天子者天地百神之主昭格惟萃乎精禋嚴事備申乎仁孝誠心皆寓乎儀文大報具徹乎終始臣愚以爲不獨分祀之爲禮即合祀亦所以爲敬也分祀者國初之舊儀合祀者重定之新式皆 聖祖之成法也

中川遺藁 卷五十一 清田堂

昊天曰明日鑒在茲一惟以敬德保命爲親依不專以南北分合爲聚散也 皇上則理求惟至制必法古道思順乎陰陽祭各本於上下事天以惟精惟一法祖以善繼善述斟酌二者之間斷從分祀之禮乃聖智之大觀非臣下所能窺皆當將順之不遑豈敢自欺曰此非古禮哉緣臣竊見夫祭天祭地禮記有文圜丘方澤周禮足證上下奠瘞周宣以行郊社禘嘗聖門有訓臣敢曰此非古禮而上欺君父也哉但惜

夫三王之制今皆不全歷代之法率多妄意於郊祀未有成法甚至三十年間而祠凡五徙始終一代而分合數次皆非承天意以從事孰有如 皇上之卓識獨炳精義入神備見於聖諭者爲明且正哉雖然臣又有過慮不敢不盡吐露方丘之制事有前聞北郊之儀古不經見非漢儒之鑒則義起之說也其義起有二一拘於地爲純陰之象一本於乾南坤北之文故以北方爲陰位而祀地以之位與道不同孔子答郊問曰北丘於南所以就陽位也蓋陽位則國之所貴者尊者向望而仰承之者今於北郊非陰位乎凡言陰者卑也賤也國之所背後而回視者也豈有皇祇之總配乾元而可祭之於背陰卑賤之位乎周法塚墓北域多於滅北至今成周之北邙猶其遺事也我 國家之操軍演武場皆在北戈甲砲銃日振兵威鼓吹金鉦常騰殺氣地道主靜坤德維寧豈可於是以築方丘安皇祇哉臣惟東南乾之陽道也西南坤

中川遺藁 卷五十一 清田堂

之陰道也從陰以祀當從其道而陰位非所貴也南郊在丙從其陽道矣今宜仍祀上帝於南郊太壇如欲分祀皇祇以順陰陽可於國之西南以從陰道道既各順位亦咸宜義無所拂象有所取不必勞民費財違時動衆創作丘澤於北郊且當因時致宜示儉就功移置皇祇於西壇理以配乾法是應坤無不可者且此二壇東西並峙臣聞之自有此壇以來凡京都天下之人皆目其東者曰天壇目其西者曰地壇至今中川遺藁 卷之六 五 清自堂

百數十年人皆一詞豈天意所在而民自爲言又視聽在民則天意不違矣 皇上之合德天地聿新制作豈不以天意是度人情爲順哉臣請言此壇之宜於皇祇者數事以左右言天道尚左爲陽地道尚右爲陰今上帝在左皇祇則在右爲宜以辰分言自子至巳爲陽自午至亥爲陰今天壇則居陽巳地壇則居陰申爲宜西南得朋坤道安吉土氣長生申維其位易卦後天之坤實爲西南周禮函鍾之亦西南之未

也東南陽位天以當陽西南陰方地以主陰南爲生長之域西南爲收成之府乾知大始坤作成物天道以生生爲德地道無成而代有終也此於經義又無不宜者陰陽雖異並位國南乃臣民之所仰瞻而向望 皇上之南向離明又得夫奉天承地之義不止省修築之人工減億萬之緡錢旱蝗之後帝念民窮倉庫之中日聞財匱惟量時以酌舉則政成而禮序矣二壇既定兩儀自安凡日月星辰風雲雷雨皆以隨天而從祭於天壇五嶽四瀆名山大川皆以附地而從祭於地壇若夫王宮夜明之壇亦皆隨天而置於南天門外之東西蓋日明於晝月明於夜升沉代明以成歲時皆聽於天爲轉運也專祀之則此位爲得其宜先農先蠶之壇亦皆附地而列於方丘垣外之左右蓋農以治田田以植桑雖則耕蠶異時外內殊事皆本於地以生成也並舉之則於是爲至當此臣言思必盡不敢隱忍含默者矣又聞廼立冢土司人遂

中川遺藁 卷之六 六 清自堂

以爲太社孟春祈穀成康世以爲家法蓋太社乃五土所築郊祀則禮宜冬至周人則社冢土而不移郊孟春以弗易者非其時之制與其禮之宜以太王武王之爲之也古人之法重先王其道如此可見 祖法之不可輕議也事在得已禮時爲大 陛下如重違 祖訓則當合祀以如前而盡夫仁孝誠敬之實力復古制則當原始以要終而計乎勞民傷財之慮有見壇而別爲祭壇必勞役乎民力無見材而廣爲求材

中川遺書

卷之六

七

清田堂

勢當取支乎國賦愚民難悟而易惑孰能家喻以戶曉惟念夫天心以好生爲德地道以養人爲至因事就功以奠夫兩儀之位免工停役以安夫百姓之心則和氣薰蒸百靈效順矣狂瞽之言上瀆 聖聽乞惟俯賜采察不勝至望爲此具本親齋謹具奏 聞伏候 勅旨

條陳十二事疏

翰林院編修 臣王教謹奏爲應詔陳言以均時政以定中興以弭災變事伏蒙 皇上慮天

下之災變頻仍民財困竭所有救患卹民急切事宜 勅諭百官使皆痛加修省着實舉行併今以各處地方緊關利病嚴限具陳不許夾帶私情浮泛塞白堯勤清問禹好善言上下以通於和地天取交於泰由是而感祥致和裕民足國自天佑之有弗難致者矣 臣叨官侍從職在獻納天語丁寧益知警勵敢不備述愚見拜首獻言 臣惟變不虛生天惟實應故救災必始於卹民修德宜先於正事蓋以夫立司牧所以爲民王者所天民惟邦本民心安則天意悅天意悅則災變弭古無不災之世患無消弭之術九年水患堯知警以時雍七載旱乾湯引躬而彰信上智攸資於啓聖中興允賴於經邦是以遇災憂民周宣以振因妖思道高宗以昌故曰天心仁愛人君災變無非至教古聖人之事天如嚴父保民如赤子其道正以此也夫天下安危繫守令之賢否守令賢否係民生之休戚民生休戚係財食之豐歉財食豐歉係政教之得失

中川遺書

卷之六

八

清田堂

此王道所以爲大事理必有然者臣見今之臨政願治每恨夫守令未得其人財食未足於用邊儲告竭民饑待哺至煩明詔戒飭者屢屢然此猶四方無虞一歲有荒尚且作難如此試爲長慮却顧思變而預防不有大可寒心者乎臣嘗聞之天生一世之人財自足一世之供用古不惜材於異代今何乏用於當時顧所以處置之未以其道藝養之未盡其方儲蓄之未有其素用度之未得其宜實失於循名舉難於偏重

中川遺稿 卷之十 九 清由堂

制壞於因循弊生於積習貪暴者倚法以肆侵漁狡猾者巧文以避禁例魚肉烝黎視若固有蠶食部下計爲當得習以成風互相誇耀法令以出愈立其赤幟禁網雖密終漏夫吞舟民窮財盡坐此之由災起變生曷維其已依時不爲之處民病其何以瘳爲今之計反本於資極求幹於既蠱當思夫待以安靜示以寧一少取則易供衆輕斯易舉易供則上下俱利易舉則儲蓄自充復古法之中正變後世之貪殘解天下

倒懸之苦息斯民負重之肩於凡爲守令者授成法以責其效隨器使以取其長使知裕民乃足國之謀損下非益上之道蠹文弊法一切刪除擾害煩苛再三滌洗事求資於小補法取義於大均三年可以裕民一歲亦能足國臣不敢爲聖明欺也蓋天下之政均斯公公斯溥溥斯一一斯定定則各安其分安其分則變亂不生於妄圖流離不起於逐迫秦階以平而無敢作厲法守以寧而有道斯長故周禮之地守地職均人以掌力政地政均人以平均之義大矣哉天道以均而四時序地道以均而四海平人道以均而上下和大均惟正三代相沿均斯無貧聖門有訓其見於經徹田可證是知至均者帝王之仁政徹法者至均之成規考其制度雖一時之難行求其意義歷萬世而可舉臣嘗恨唐宋諸賢不惟其意焉是求一惟其法制焉是議勢殊時異豈能率復此是彼非終無定擬夫善俗美政道豈難知足國裕民此惟切要是以

中川遺稿 卷之十 十一 清由堂

年饑用不足有若則對以盡徹孟子示仁政亦
惟以徹法爲至論徹則均不均則非徹是法也
非聖人莫能致然亦非聖人莫能行臣又喜幸
夫聖明在上必能推行其意以均平其政也
人情好均而惡偏王政太公而無私推之歷代
罔不皆然揆之此時正維其會臣愚以爲不善
變於今無以圖善治於後不一勞於暫無以享
永佚於久務使普天率土家家霑浩蕩之休澤
陋巷窮簷人人受更生之實惠其爲道至善其

中川遺藁

卷之六

十一

清白堂

爲法至良皆無踰此均之一言臣敢均推此意
以爲恤民之實凡十二事一曰計田均政以厚
民生二曰計畝均植以裕民用三曰計地均糧
以順民心四曰計糧均價以便民情五曰計業
均賦以寬民力六曰計丁均差以紓民勞七曰
計差均處以卹民瘼八曰計歲均儲以備民饑
九曰計官均職以重民牧十曰計馬均養以蘇
民困十一曰計訟均式以息民姦十二曰計倉
均畜以賑民乏凡此皆臣所見於本處地方緊

關利病然也政本王道治繫中興臣不敢不爲
陛下陳之誠恐天下各省或亦有此除爲民情
土俗勢不可強易成憲定法例不可故違者一
體照舊外通乞 勅下該部再加詳議上請定
奪可斟酌者隨時斟酌應優免者照常優免本
之民情專之守今上不失先王之遺意下可爲
後世之永式以垂盛代之宏規以著中興之令
典天下臣民不勝至望然此法一行至公無私
至平無陂官可執法民可守分王道大同遠近

中川遺藁

卷之六

十一

清白堂

如一帝衡持平低昂無二愚夫愚婦皆易知而
易行寡女孤兒亦難而難罔貪暴者無憑操
縱以殃民豪強者靡所依乘而害衆徹法之良
利正如此伏惟 皇上上承天意下念民窮
俯賜采納 詔示海內使知乎平明之治一視
同仁子愛之恩輕徭薄賦與天地相安於無事
俟成乎無象之太平軫念元元至意直與天地
同流矣臣無任犬馬愚衷惓惓瞻企之至爲此
具本開坐親齋謹具奏 聞伏候 勅旨

一曰計田均政以厚民生臣惟民資於食食資於農農資於田即田可以課農即農可以計食人無遺力則田無遺利矣故治之也不可不均古黃帝成周之時有井田有徹田其制雖不能以卒復其意則不可以併廢臣願賦稅差科一準於是使無偏重以不均可焉漢董仲舒師丹之議有限田有名田其法雖不能以遽行其制則不可以弗講臣願立法定例一酌於是使民易避而難犯可焉南陽之召信臣杜詩嘗蓄陂以開水田矣臣願今之守令凡境內有水田當興者限以期會許各陳便益以上請遂因之而授以成法任其開治水旱之虞不有備乎漢之趙充國杜茂嘗屯田以備羌胡矣臣願今之邊腹凡要害有屯田可興者責付監司許各具利害以上陳遂因之而置其卒徒以爲耕收轉輸之費不有省乎趙過有代田之法求其制而筆之於書使不善爲田者皆可視以爲法北齊有求田之名酌其事而著以爲令使能開荒田者

中川遺集

卷七十六

七

清田掌

即許求以爲業硤确之田今多曠之願皆隨土異宜而種以果實樹木果木根深田皆可種十年之利豈在目前若禁其曠田則人皆趨種之矣斥鹵之地今多廢之願皆隨物適性而種以鹹穀蕒稗鹹穀宜鹵蕒稗可食五穀之餘此亦佳味若禁其廢地則人皆肯播之矣凡此之慮皆爲夫廣田者荒也若夫極貧下戶有田數畝既不能置牛又不能備器臣愚有聞不敢不盡按之傳記所載者有伊尹井田圖隨地幾畝週之以垣垣下種桑中穿一井溝渠四達桔槔具備美穀嘉蔬種植中滿雖遇凶荒足給數口但使不饑不寒愈於流亡轉死昔有太守嘗教民行之而獲效矣又按汜勝之書載伊尹區田法畝作三千六百區區方六寸美糞一升穀麥任種旱則水澆荒則鋤治不用耕牛不備田器不專良田不必壯夫丘城傾阪皆可爲區丁男長女治可十畝收成之多比常數倍又皆糞種有法隨穀異制旱亦可耐蟲以不生昔兗州刺史

中川遺集

卷七十六

西

清田掌

劉仁之云嘗試之而不虛矣為此說者未必皆出乎伊尹不獨可宜於貧民願為詳求其法普示於下官以為教民以為法也臣又聞漢有力田之科宋有義田之記助農桑之不小關教化之匪輕願為風示其義優獎其人使力本務農者得復其身睦親厚族者得復其家則薄俗可敦名教有補矣乞惟普天地好生之心察芻蕘淺近之言俯賜采察天下幸甚

二曰計畝均植以裕民用臣惟帛成於絲絲出

中川遺業

卷之六

五

清自堂

於蠶蠶育於桑桑之種不一今名於世者曰魯曰荆曰白魯桑少根荆桑多根白桑無根根多則葉尖以薄得繭薄而絲少少根則葉圓以厚得繭厚而絲多國初定制凡天下之大小州縣設有官桑園一區畦種桑子給民移栽今皆廢弛莫有舉者臣願申明前例查復舊規令其栽種魯桑以時分給則蠶絲有資民用有賴矣臣謹按會典所載我太祖高皇帝令天下農民凡有田五畝至十畝者栽桑麻木綿各半畝

十畝已上者倍之田多者以是為差有司督視惰者有罰不種桑者使出絹一疋不種桑者使出麻布一疋不種木綿者使出綿布一疋至洪武二十五年又令廬鳳滁和之民每戶種桑二百株棗二百株柿二百株此聖祖所以為民遠慮之深且厚矣臣願推行此例普示農民酌以時宜定為新式除學麻木綿照畝均種外若桑及棗柿於田則計畝於人則計戶督令栽種務及其時然此三物蝗不可食旱則可耐晒亦可乾蓄亦可久豐年可供乎禮用凶歲可代乎糧食臣乞通行天下守令各以其法督勸於民見田一畝栽種桑棗柿各二株務要八步一行一株四步計之一畝正當六株若使萬頃之邑畝皆依種可得六百萬株五萬頃之邑可得三千萬株三五年後棋生果成桑一株可出蠶絲一两棗柿一株可得果實數斤每畝計值銀可得三錢田如萬頃即一歲獲利則值銀百餘萬兩然此特萬頃之田五年之間耳而況數

中川遺業

卷之六

六

清自堂

年之後五萬頃之多乎臣又按汜勝之書種桑
取效尤大而速蓋以椹熟淘子暨黍和種芽以
均生長以均齊黍熟去穗楷留護桑待至臘時
則燒以火來歲條生必多而茂摘葉飼蠶畝可
三箔葉既條取童稚亦能三箔所獲之絲少可
得絹二疋誠使萬家之邑家種十畝畝絹二疋
則萬家所獲可得絹二十萬疋矣然此特二年
之間萬家之邑耳而况三年之後數萬家之多
乎何用不足何賦不充富藏在民國亦有利臣
中書 卷之六 七十一 清白堂

頃十畝萬頃之邑可得千頃多者倍之以是爲
差少則有罰多亦任種若使蓄根備荒每畝可
得五石姑計千頃可得五十萬石五石能活一
人即可活人十萬春苗則旋採旋生濟饑一人
一畝每畝能活一人所活亦十萬衆若使田皆
漫種家有蓄留縱遇凶年不知有餓接糧濟荒
此最爲大臣嘗見之而知其然也既不有妨於
秋禾亦可無悞於春田比之賑饑無方束手待
斃以至剝樹株之皮嚼草木之根其美惡何如
中書 卷之六 七十一 清白堂
折以充糧不止數萬非止可備凶荒豐年亦可
任用制以維均仁政之一也惟 聖明加惠窮
民采納幸甚
三曰計地均糧以順民心臣見各處之民有棄
其田土與其室廬流徙拋棄遂成荒廢者矣邑
或數十百家田至數千百頃鄉人不敢承種樵
牧不敢擅入一被執拘類追糧差則是土田本
以養人今反視爲陷罪如此而欲勸課農桑其
何能舉臣又按會典所載之天下額田洪武年

間凡八百四十二萬六千五百二十三頃至弘治十五年止開有四百二十二萬八千五十八頃其在國初人既稀少田復污萊量田起科祇憑見在至後則無處非田無田不熟宜乎倍多於昔時豈應頗減於今日所以然者蓋以各處田糧原不均一或同鄉都而此重彼輕或隔疆場而甲無乙有緣是未均遂生奸隙巧偽豪猾明知故作下賂里書上通官府乘時詭寄隨年飛灑易有作無便輕推重那坵換段愚弱被欺已納重包貧難靠損追陪不勝於勾攝比較何捱夫拷掠所以民不堪命棄田爲荒擄家就熟他境逃避矣身且族寄焉事農桑不有大均屬董斯弊臣聞洪武二十年我太祖皇帝令戶部覈實天下田土畫圖編號悉書主名爲魚鱗圖冊以備查考正統六年英宗皇帝又令山東河南并北直隸順天等府但有無額田土俱各從輕起科可見祖宗之時正欲田必有統稅皆從輕冊有那移糧斯偏重臣又考之周禮

地事地貢土均以平地政地職均人以掌以至鄉遂都鄙之田皆惟什一而稅莫非計其田畝以均稅法人欲爲奸其何可得此法至公民心久望爲今之計惟有計田均糧斯順民心均之之法甚易無難近雖舉行類失其道所以豪勢藉田於紛更奸猾騰謗於煩擾以臣愚見旬日可定然亦不必履畝緣坵委官動衆按其志書與其界石括其幅員筭其里數里數之中田數自存臣欲爲守令者除黃冊照舊不動外另置青冊一扇先開境內幅員若干里路後開數內田土若干頃畝中間之鄉社里都皆準於是如計方路十里其中爲田則一萬三千五百頃計方各一百里其中爲田則五萬四千頃以是爲里數之增縮自然知田數之多寡除有城郭道路山澗湖陂不堪耕種徵科若干外餘則剩有應科田地若干頃畝查照黃冊原額糧草若干石束綿絨絹布若干斤疋及有無皇莊王莊勳戚田土牧馬草場等項子粒錢糧該銀若干因

田扣銀計畝均派重則均重輕則同輕盡境如一通融無二果有上下厚薄量分無過三等三等之中又各自均務在平一定爲永久便益本乎民情裁處專於守令明爲榜示細出帖單使知家無不稅之田稅無不均之等不限於寄莊土戶主客軍民但據管業之名即爲承納之主然後區分其田實在某鄉地方本鄉之排甲里老即爲催徵典賣隨時告給契帳消除增收各易主名此法一定均以服人易則易知簡則易從屈指能數揭簿俱見不止盡除乎諸弊兼亦備具乎六美五便四省何謂美有無既均輕重亦等見在者樂於供納而無愁怨之聲逃亡者喜於平一而有復業之願善良者安於易守而無意外之虞強暴者苦於難移而無詭寄之念豪霸則力無所施而白地之訟息狡猾則智有所局而飛灑之計泯凡此六者於官爲美政於民爲美俗何謂便均斗爲升均升爲合則輸納必易而有徵收起解之便田有多寡戶以上下

中川遺集

卷之六

王

清白堂

則審差據實而有均徭平役之便計田之出爲廬之入則貧富可知而有考驗差使之便因地知戶因戶知丁約總歸除而有主客冊帳之便地畝所在糧稅以隨輕重惟一而有稽察考計之便地有實數賦有定規告訐以息而省往來文移之煩四至相換各家自知執契坐驗而省綠坵履畝之擾彼賣此買彼注此銷戶色名顯而省鈎鉅研審之勞抑且近無損於成法遠有合於經義足國裕民莫此爲至勸農課桑依數可稽太平之基生民之福也伏惟 陛下憫十室九望之心垂一視同仁之念留神采察天下幸甚

四曰計糧均徵以便民情 臣嘗考之周禮均田之法不但計一井以均裁則亦合八家而如一爲今之計糧既均攤於田畝價宜均定於徵收 臣見今之稅糧同一起運也則有京垣邊腹之分同一存留也則有祿米縣學之等同一京垣邊腹也則又有時價重輕上納難易程途近遠

中川遺集

卷之六

王

清白堂

期限緩急賠償多少利害有無之異事既不同
法難齊一及至徵收必僉大戶大戶非金富室
則亦半是貧民往往典兒鬻女租田賣舍官驗
盤纏私備陪補所以未僉未派之前則買通里
書賂求官吏惟欲那重作輕避急就緩舍難圖
易推多任少蓄心積慮求便已私潛易顯更不
卹人苦是皆勢可力爲所以情必僥倖畢竟則
強悍狡猾利遂奸欺柔弱善良害入坑陷貧富
憂惶上下騷擾至有棄其室家甘爲流離苟救

中川遺藁

卷之六

主

清田堂

目前不卹身後農業且棄何念桑蠶猶或不免
拘繫終遭笞楚怨嘆盈途若曰明知其難而故
使之行也臣願自今以始糧既均輕濟以權宜
定爲則例行令布政司管糧等官先算起運糧
價某處某倉每石該銀若干存留糧價某項某
倉每石該銀若干絲草絨布該銀若干連輕括
重一例通融總算作數該每斗每升價銀若干
並不分倉異價疑亂民心法出弊生不如省約
預出告示曉諭軍民使知田有均糧糧有均價

數從田畝價無增縮富豪者不得推重以買輕
貧弱者不至宜輕而反重臣又欲徵收之時責
令見年里甲當官收貯待及收完之日應起運
某處某倉照數依價扣銀起解應存留某倉某
項依價照數扣銀存留除江南等處僉照糧長
收解本色係 祖宗舊制照舊難動外其餘

解送銀價之人不必另僉大戶重害農民止令
部糧委官該房吏典帶領護送人等類解府司
倒批驗貯以俟司府委官及巡捕都司量起護

中川遺藁

卷之六

主

清田堂

送軍人同各官吏類解戶部依例招商隨倉上
納待其完有通關當官秤與銀價如此則小民
樂於均平大戶免於追陪在官無重徵之擾在
途無盜劫之虞起運足則京倉遠儲均以有賴
存留足則宗室官吏俸可無闕雖則權宜之術
可爲經久之驗其官吏盤纏俱出於本縣有無
幫價量處於總督所有遠倉糧銀本部差官類
解待至督糧官處隨便招商上納民情之便莫
甚於此惟 聖明俯賜采察臣民至望

五曰計業均賦以恤民困臣見各處之地畝徵銀隨在異等即輕數分重或幾錢未免苦於不均偏於負累若不通示均減無以合於中正由是而審役編差益又不均往往富豪之家賄通里書田連阡陌冊顯者惟百十餘畝屋溢市廛報官者止數十餘間駿馬大車牛羊百計亦不過如常開報十止二三至於極貧下戶豈皆露宿有田一區實維數畝臨文報官不能全隱亦止曰草屋幾間糧田數畝而已以偽亂真隱多報寡委官編審疑亂迷惑信其文移則按冊循簿未免通受其欺拘人驗定則厚貌深情難以盡得其實上中下戶本欲均分輕重免差率多倒混卒之富而豪者所欲即通貧以弱者甘當重役含冤無訴被苦難鳴所以有焚其室廬乘其車牛去其鄉村棄其墳墓而流移轉徙於他鄉者矣臣嘗考之稅間架稅豚犬皆自秦始後世因之至今未易又考之周禮均人均牛馬車犂之力政故雖歲視乎豐凶要惟均出於田畝

六曰計丁均差以紓民勞臣惟州縣之歲編均徭隨省各異丁銀門銀所在不同名以取均實

皆偏重見丁不止幾錢分門或踰數兩一身重
徵鬻子賣妻經歲應當破業蕩產官府拘催督
辱併臨苟救目前勢惟逃避佃賃舍於隣近
城邑依親赴熟於隔別省郡年日既久貧累益
多各畏追徵遂忘復業生見子孫殘成丘壠拘
之弗應招之弗來驅還本鄉則勢成激變收登
黃冊則千條版籍往往族寓土民至相中半間
有甚者十或六七陪銀充役止是土民地利均
收差徭偏累差增戶減民益難支不有通融曷
資國用如是而欲勸農課桑何能齊一蓋以編
差出銀既不均平土居寄莊不相管顧則是不
均之中又不均也均則一視同仁焉有此輕彼
重重累一人均通衆志與其偏重以難支不若
衆輕而易舉臣聞上中下戶三等分差其源蓋
始於北齊其弊則流而滋廣原其初則抑富以
恤貧至於後則差貧而放富所以然者由於家
富之人有力以挾制里書有貨以賂通上下交
結投託無往不爲詭計奸謀百方任用豈獨

中川遺藁

卷之六

七

清口堂

遂一家兼且害貽群室不均之弊隨法旋生文
法之殊據冊苟免若三代之力政大均似有不
如此者臣又考之古者役民歲或一二三日漢
法口錢歲止六十三文我朝大明律內其追
崔工錢數亦止每日六十詩云民亦勞止汙可
小休臣願暫爲權宜之術普示均輕之意參取
於周漢之法折衷以皇朝之制不分主客軍
民寄莊族寓但在某處家居即出本處差銀務
要人不遺一戶戶不遺一丁見丁一歲止役一
日折以雇工止銀一錢納完給票執照爲憑見
居坊鄉里甲催辦使其人露曉世之洪恩戶享
如天之惠以差計費似若不足以丁計銀又
若有餘請自一縣言之設使方百里之地五萬
頃之邑其治田在野之人計應二十餘萬餘若
城邑坊廂鄉都里社集場鎮店道口馬頭凡有
膏粱閑散食鮮衣美之徒技藝百工商賈牙會
之輩與夫遊手閑民雇工贅婿計總歸餘約應
數萬其餘地方如五六十固應遞減而少幅員

中川遺藁

卷之六

七

清口堂

若二三百法當加倍以多民數多寡銀數以隨
丁計一錢總亦巨萬公私兩便上下咸宜行之
無難在惟有序臣欲爲守令者除黃冊照舊難
動外置爲青冊二扇一載本管土民一載流寓
軍民因田計戶因戶計丁但成丁壯照名登冊
去與消除來卽添註告給執照還鄉不許潛逃
私往納銀之後各安生業非奉上司明文緊急
備禦不許重派出銀再拘應役銀完庫貯名曰
丁差何用不充何役不足審差之勞擾俱息往

中川遺藁

卷之十六

吏

清白堂

來之文移可省官不政拙於催科民得盡力於
畝畝惟 陛下矜念民窮留神采察

七曰計差均處以便民情臣見小民之差繁役
重失業病農愈當力校縣貼銀驢馬牛頭數
年一替動取費銀不下百兩王府校尉見面索
銀驛站館夫支陪累損解糧大户陪價監追山
廠河夫輸銀告苦富室猶病於支持貧戶決成
乎負累重偏一户何以應當輕出衆人斯爲易
舉然又有官吏催迫里書漁害愁怨百端至求

一死農桑廢棄他豈遑恤臣乞定爲則例通行
天下除解糧大户暫且不食其餘力匠厨校王
府校尉如或緊急缺人例該僉解各省者所僉
州縣不必解人俱比照京班皂隸事例於臣所
謂丁差銀內解銀一十二兩應用以充一名之
數蓋 祖宗之時本爲填實京師所以動湏

中川遺藁

卷之十六

手

清白堂

厨校王府校尉於見在儀衛等司軍匠校內許
各第姪子孫補缺應當衛所官吏連名保勘以
前所解差銀量作月糧給散蓋糧米一石必須
三石有餘方至京倉及當軍人關出大約止可
八斗有害於下無利於上此臣所以謬欲解銀
而不解人者蓋爲上下之兩便也餘若驛遞頭
夫支應置買亦不僉解乎富民使皆蕩糴乎常
業俱比照北直隸驛遞事例一體解銀募人應
役其銀數若干或定於合干上司或通照乎保

定六府驛傳事宜務使驛不有悞民得休息此外之大小差役解用銀兩係該差人應役者悉於臣所謂丁差銀內支取係該買馬買物及進貢等項悉於臣所謂力差銀內支取如此則一年之內止一催徵官無臨時之擾民無生業之廢上下安恬室家相保農桑勸課民以樂爲如有重負今得息肩矣 皇上留神省察斯民幸甚

八曰計歲均儲以備民饑 臣讀王制曰國無九年之蓄曰不足無六年之蓄曰急無三年之蓄

中州遺集

卷五

十一

清和堂

曰國非其國也又曰三年耕必有一年之食九年耕必有三年之食以三十年之通雖有凶旱水溢民無菜色方今天下之倉廩空虛賑卹無策百姓嗷嗷其何以濟臣欲自今以始定爲儲穀常例凡天下之大小州縣以臣前所謂丁差力差銀兩除穀用差役外計其贏餘少當數百多即千餘臣欲除三分之一貯留在庫以備朝廷之緊急調用餘當盡行依照時價糴買穀

豆上倉以備荒年糴賑其爲糴買之法不許派戶散銀止應增價招商蓋派戶使糴則上納必至於多陪增價招商則農夫歲需夫餘惠勸農興利默寓其中酌古準今其便無外公私俱足官民無擾此法一行凡守令任內之設法措置積穀望陞巧立名色奪取富人者不嚴而自革矣蓋居官在任不親農田捐俸以買穀將何方而措置不爲科罰必爲勸借剛而忍者假酷以濟貪狡而蓄者獵衆以肥已本欲利民先已害衆此法一革誰敢藉口况夫備賑有儲民志自寧由是而保家任業自重農桑矣乞惟先事豫防未幾思賑 勅議施行天下幸甚

中州遺集

卷五

十一

清和堂

九曰計官均職以重民牧 臣惟守令之官民之司牧上宣 君德下達民情六曹並領百責攸萃其臨民也最親福澤之及民也最近且易欲收治安之效當優守令之官 臣謹按會典所載自 祖宗以來勸課農桑興修水利各有專設官員佐理郡縣事各領平分職摠則專於守

令連坐所關互宜警慎今則守令無以舉其職
監司有以奪其權所以求能吏之匹並古人者
已難若循良之超邁等倫者尤鮮古不借材於
異代今豈希世以無人在朝廷之崇重作新
何如耳臣見宣宗章皇帝優崇憲臣制爲
憲綱一書上下有制內外有統統制各有其職
接見各有其禮所以至今遵行據爲執守臣欲
今之守令未授則慎擇其選已授則少假之權
乞要比照憲綱事例定爲守令專職一書自夫
中川遺案 卷之六 清中堂

有常可守然後繼以稱呼迎送之儀體國奉公
之道上司不可以任情笞辱下民不得以騷越
訴訟其事關政教勸及農田行過事蹟日爲錄
記造成文冊歲備稽查賢能考語據以爲憑罪
責非公許得執辯如此則考無虛詞政有實跡
民身受惠國用足供中人以上固可優爲凡下
之才亦能企勉此聖道所以因人而取長
明主所以不嚴而成化也如古人所謂上知所
求而下不知所以應則庶乎其可免哉惟
皇上重民思牧別僞還真不棄謫言留神省察
十日計馬均養以蘇民困臣見各處小民之困
於養馬也極矣計馬十匹是爲一群每群有頭
十群有長官吏科索於群長群長分派於馬頭
馬頭件取於馬戶所費不齊難以悉論臣請自
一馬一群言之置買則計丁集價餼食則計日
輪流買價則二十餘兩餼用則日銀四分凡天
下之兒騾種馬今爲一十二萬餘匹以二十
兩計則費銀已二百四十萬餘兩馬以群計今

爲一萬二千餘群計四錢則一日之費已該銀四千八百餘兩總計歲費則又該一百七十餘萬兩矣然此特以一時之置一歲之養然耳若夫瘦病則隨時醫治倒失則集價買補一歲之費又當幾何餒之有益何惜於費費而無益不如善處臣今所以不敢言處者蓋以祖宗以來之設置此馬寓有深意非爲徒設一以爲生長繁息以備乎鮮俵征操之用一以爲緩急調取以濟乎近京鄰省之急然此二者今皆不得其一焉種馬之駒不堪起俵又皆二年兩頭集價買駒官驗齒色合式鮮俵則是一群之馬既費銀以餒養又料銀以買俵駒馬重分兩爲累害此所謂生養繁息者未得也 祖宗之時乘馬有禁京師既無民間亦少養馬用民不得不然方今則京師駿騎充溢街衢乘牝鄉邑擴斥弗齒加之沿邊入賣益又增多遼東陝西日馳於道計一歲喂馬之費則又可買壯馬十萬匹矣此外又有俵馬之費歲復數萬

中川遺集

卷六

臺

清白堂

取於養馬之人是可爲極困之甚也養之之法今又不均其始也以丁其中也以地其在於今則以冊矣丁亡地去徒存冊籍名存紙上人在他方地已賣出誰當承認若今之寄牧馬匹尤甚於此至有田止數畝而自領三四匹者人止一丁而頂餒二三戶者既無厩廄難免被盜倒失生且未聊何緣買補責令追賠銀止數兩不思夫此馬一匹至京費當百金以上國用所資民膏是出來之何難視之何易臣欲兒驪種馬及寄牧馬匹勿拘文冊通爲均派如臣前所陳之地十驪數皆已均一然後隨見地之項

中川遺集

卷六

臺

清白堂

養一匹馬數有餘
養之費亦不京
客色人

馬事例如多見錢有人中曾有所倒失易至於賠償應壯不失於盡損而審息民可以蘇矣惟
聖明念惟焉政重繫軍國留神省察
天下至幸
十一曰計訟均式以息民效臣惟書責祥刑聖
貴無訟弼教所設禮法攸兼所以明主重於欽
恤君子示夫哀矜健訟刁風豈可使長下既洗
漓上亦招徠往往俗壞於鄉政蠹於國甚至父
子胡越兄弟仇讐妻妾乘其夫奴婢害家長究
厥源流多惟訟起所係在上之人明或失於照
奸誠不忍於逆詐以致刁民之巧投間隙大肆

誣罔或為邪謀而故傾良民或以善訟而致起
家業即諺所謂打清水網拾落地挑羅織平人
而兩下取財受賂來京而代人奏訴官被欺瞞
反遭挾制民入註誤橫受荼毒假乞兒之屍以
告人命指瞞昧之事以誣房闈其原皆始於奸
譏教唆起滅端倪主文弄法捏寫詞狀不止許
連數事動輒牽至百人加之以貪暴官府豪猾
吏胥執此出入以故作威福假是憑陵而大索
貨賂一不遂意輒肆淫刑人非木石豈不承認
然又供招多付於吏人法例追求於深引粘成
卷宗收付牢獄如此含冤投鳴何訴此皆王政
所不容聖人所深惡者也若不禁革曷興德化
臣願自今以後凡一應告投詞狀定以格式著
為令甲頒行天下除事干謀叛逆謀殺人及強
竊盜人命是實等項重情任其詳陳始末不限
牽連指證其餘一切常事所告正事外不許牽
扯別事所告正犯外不許註誤平人全幅大書
勿越三四五行證佐里隣勿過四五六輩以至

多爲硃語暗比律條代寫附名或非本里之書
手摹越州縣徑赴合干之上司甚至不由撫按
歸結輒赴 闕廷奏訴此皆頑惡之民鳴梟鬼
蜮遣近年之事例恃一已之刁潑皆當懲一以
戒百家喻而戶曉使凡違此格式勸奸頑者訴
詞立案不與准行本犯繫官論以遠制其或致
蒙准行事無實驗不止反坐所剩務求主使之
人定爲發遣以息奸風諺云察事不過於鄰德
乎無踰於鄉所以代寫必經平里書投告必先
於守令守令親民定知始末雖不悉中料亦不
遠所以部民獄訟自可分決脫有出入事即連
累保節完名孰不平理 臣願 命下之日刊謄
聖諭懸示普天使各遵依勿得違犯如此則人
知警畏各保廉耻非有迫切至情不輒赴官陳
告司府難奪夫州縣之權撫按不專夫司府之
柄 朝廷之體勢自尊奸惡之薄風自息矣伏
乞 聖明留神省察天下幸甚

十二日計倉均畜以賑民乏 臣觀前史見所謂

常平倉社倉義倉者然皆州縣之設旱荒之備
當今則社倉近有施行義倉未蒙振舉豫備之
名常平以寓但事同而義則懸殊名存而實則
有間夫常平所以爲豫備而設豫備不可無常
平之處穀賤則增價收糴以利農夫穀貴則減
值糴賣以省民財如或歲甚凶荒民極貧窘則
發而賑給以濟權變俟其年穀豐登民有餘積
照數徵還以充糴本於上則無損於官於下則
有益於民酌豐凶之宜存顧恤之道君臣父子
一體相須函散豐還有無公共法之善者此亦
可行 臣乞於豫備之倉舉常平之法著爲守令
之職以定備賑之典務存實惠不事彌文然此
專在官所掌者耳 臣又欲州縣之各鄉里社併
建社倉考依古法濟以時宜一社之中義立社
長二人令其典管倉政時爲聚散大豐則口輸
一石中豐五斗稍豐三斗 臣計三稔之輸可足
一歲之支食九年之積足備三荒之賑用其輸
其散皆須報知於官告有印信明文所散惟準

其所輸多少悉憑其量薄量爲均平私費有罪
如此則豐成不失於暴殄凶荒不至於流離有
無相共彼此保全民足則國用自饒食足則兵
守可固既先事而有儲蓄臨時之無措雖然此
特各社然耳臣之愚昧又欲家有儲蓄官爲條
教取義田之彷彿敦義門之均一隨豐量檢計
口出穀遇旱值荒酌時均散潔祠祭告於祖先
具簿請約於官府族立公正之人主其出納之
數事以義成無相告誣法緣禮定各爲永圖如
此則室家相保情無間於疎族骨肉同心恩有
洽於生死守令之政莫善乎斯太平之風無待
於外和氣薰蒸災變可弭矣惟 聖明曲賜
采察漸次舉行天下幸甚

中川遺藁

卷之十六

聖

清自堂

中川遺藁卷之十六

中川遺藁卷之十七目錄

奏疏九首

進靈雪三賦疏

進白鵲賦疏

進瑞兔賦疏

進瑞鹿頌疏

考察自陳疏

謝賜銀幣疏

議薛文清從祀孔廟疏

中川遺藁

卷之十七目錄

一

清自堂

災變自陳疏

宗廟火災自陳疏

中川遺藁卷之十七目錄

中川遺藁卷之十七

奏疏九首

大梁王教庸之著

進靈雪三賦疏

翰林院編修臣王教謹奏為紀聖德以昭天

貺事臣聞惟天眷德惟德動天皇上之敬

天恤民帝眷明德蓋已九年於茲矣邇以雪澤

愆期民食是念又為躬禱於南郊以及山川社

稷乃即是日則帝顯赫靈雪呈祥瑞續紛盡畫

中川遺藁

卷之十七

一

清白堂

彌亘千里神哉異乎信不偶然也臣惟天應既

速聖衷斯豫聖衷既豫臣下同歡情見乎詞若

出一口是以詩歌頌賦已編講臣紀載稱述僭

惟史職臣思夫雲漢篇章雖詳於憂旱之詞而

靈應報答未聞有樂歌之製無如我皇上

之誠敬懇篤儀文備具感天垂貺曾不逾時然

又親製樂章以隆報謝前後一誠大成終始臣

觀茲盛美曷罄宣揚逐事獻忱謹作靈雪三賦

上塵 睿覽其一曰祈靈賦其二曰靈應賦其

三曰報靈賦因文鋪叙後先惟據夫臣聞因事

推原想像敬悉夫宸慮臣本一介腐儒三長未

足詠乾坤之覆載難盡高深贊日月之光華曷

能名狀効忠葵藿圖報涓埃尤願體上天之心

以大乎恤民之仁昭靈雪之應以時平育物之

愛將見天既親於克敬民益懷於有仁和氣薰

蒸諸福畢至祚胤永昌神人胥慶矣臣不勝瞻

望企仰之至為此具本併賦三首親齋謹具奏

聞伏候 勅旨

中川遺藁

卷之十七

二

清白堂

進白鵲賦疏

翰林院編修臣王教謹奏為紀靈瑞以昭聖

化事嘉靖十年七月二十九日河南鄭府以所

獲白鵲一雙上進闕下天生玉質純潔無雜

來若自天聲如報喜真希世之靈禽明時之嘉

瑞也空群文囿比鳳虞庭瑞不虛生天實有意

茲蓋皇上之至誠無息感格神祇仁孝

有徵通乎天地所以諸福之物可致之祥間見

層出不一而是也實國家太平之體聖子

神品萬世無窮之兆也鳴徹日表喜動天
顏謹爲卜吉具儀薦之 九廟獻之 兩宮用
昭靈貺之集以答天心之愛已乃召進群臣入
觀大內又爲特命光祿通賜酒饌大小臣工歡
呼踊躍皆以爲幸親嘉禎復蒙宴賜雖 皇
上一念敬天之餘亦臣下萬世奇逢之慶侍從
微臣叨官史局不爲紀盛何以輸忠敬作雅賦
以揚 聖化 臣無任惓惓感激之至爲此具本
開坐并以所作白鵲賦一首隨本上進親齋謹

中川遺藁

卷之七

三

精白堂

具奏 聞伏候 勅旨

進瑞兔賦疏

翰林院編修 臣王教謹奏爲紀瑞應以昭 聖
德事 臣惟國有禎祥不無感召出於天意者非
輕關乎政治者不小是以臣子効忠必申贊頌
匪但古昔皆然伏自 祖宗以來凡白雉白
鳥白鹿白鸚鵡之瑞詞翰之臣輔弼之彥靡不
稱揚 聖德作爲歌詩紀一時之盛爲百世之
傳猗歟休哉仰惟 皇上紹承天位統御萬

方至仁之德涵煦無間至和之氣薰育有徵是
以嘉祥疊至靈物畢臻邇者四川撫臣進獻白
兔得之雖自於人錫之實本於天豈曰星精良
維瑞應世不多見古亦罕聞視 皇祖之

聖德格天以獲夫諸福之物可致之祥同一盛
備而無間也古帝王之修德致和感天獲瑞有
如是之 驟而疊至者邪 臣叨列侍從備員講讀
親茲盛美歡忭弗勝不可不敬有述作以頌

聖化以贊嘉禎以昭示於後以承休於前也爲
此齋沐頌首作爲瑞兔賦一首隨本上進親齋

中川遺藁

卷之七

四

精白堂

謹具奏 聞伏候 勅旨

進瑞鹿頌疏

翰林院侍讀 臣王教謹奏爲紀瑞應以昭靈貺
事嘉靖十二年正月河南撫臣進獻白鹿至
闕庭者天生異質若無孕以自形瑞不虛呈乃
效靈之有象在今日而疊見闕往牒以希聞茲
蓋 皇上之聖德精純合乎上下 皇仁溥
博洽於臣民天歆不二之誠世享敬一之治彌

文歸於朴素白賁返於不華宜萬壽以無疆總
百祿而是荷所以無求之端以類畢臻有道之
徵應期聿至騰歡聲於中外極慶幸以稱揚臣
忝詞垣與執史筆不可無述作於紀載以圖効
補報於涓埃歌舜難名頌元稟鑒中切鳴盛上
瀆宸聰臣不勝欣忭踴躍之至為此具本并以
所作瑞鹿頌四章連序繕寫親齎謹具奏 聞
伏候 勅旨

考察自陳疏

中川遺集

卷五

五

清自堂

國子監祭酒兼右春坊右諭德臣王教謹奏為
自陳不職乞賜罷黜以嚴考察事臣草茅賤士
樗櫟庸材幸際 聖明獲登仕籍歷官編修
侍讀濫叨史職者三考供事 經筵者六年蒙
欽依為春坊諭德仍兼侍讀署掌南京翰林院
事華銜美職榮逾分涯尸素曠懷愧無寸補感
激 聖恩列首難報揣宜黜罰之先加詎意恩
渥之遠被蒙由南翰擢臣祭酒邇者恭遇選置
宮僚後蒙以臣原職祭酒兼官諭德望外之幸

熱中靡寧私自循省莫知措躬夫師儒之任風
化攸關宮坊之職所繫甚重非有聖賢之學古
人之行者無以當是職而稱是任也如臣者學
本荒疎行不足取故雖報稱勉圖以竭犬馬之
力然而奉職無狀祇覺駑駘之鈍俊良之路豈
可久塞正宜退避俟廣登榮若復冒昧居之臣
恐於太學賢關無以表儀夫多士青宮聖德不
能仰裨於萬分瘳曠之罪日深一日也矧當考
察之期用昭黜陟之典伏望 皇上將臣特

中川遺集

卷五

六

清自堂

賜罷黜俾歸田里別選賢能以充斯任則文明
之治可興宮儲之寮可稱矣臣無任戰兢惶懼
祈懇俟命之至為此具本親齎謹具奏 聞

謝賜銀幣疏

國子監祭酒兼右春坊右諭德臣王教謹奏為
謝 恩事嘉靖十八年八月初七日恭遇
皇上尊奉 皇妣慈孝獻皇后神主祔享太
廟臣妻宜人扈氏叨蒙進入陪拜盡倫隆典曠
世奇逢備制大儀有生創觀臣等已無任慶幸

本月十有三日復蒙 聖恩頒賜花銀一十兩
紵絲一表裏 恩命自天踴躍無地揣逾分望
澤荷洪深 臣舉家不勝感戴 天恩稽首對揚
之至為此具本親齋謹具奏 謝以聞

議薛文清從祀孔廟疏

國子監祭酒兼右春坊右諭德王敦謹題為
乞 恩從祀真儒以光 聖治事准禮部祠祭
清史司手本節該巡按直隸監察御史楊瞻樊
得仁題禮部覆俱為已故禮部左侍郎兼翰林

中川遺集

卷之七

七

詩白堂

院學士贈尚書謚文清薛瑄乞要從祀孔子廟
庭一節奉 聖旨是着翰林院詹事府左右春
坊司經局國子監堂上官人各上議欽此欽遵
備行到 臣謹為連日繹思考其行實訪其鄉故
及給事中張九功等之諸臣奏疏似皆出於議
論之公開見之實君子之口秉發好德之心也
因知薛瑄之為人貞白自持端方有守書之非
聖者不讀文之戾經者弗取其學以明道為事
復性為本敬慎為入門踐履為實地即其所述

大理卿以至禮侍翰學忠存體國

儒執法律而利害不可轉移守官箴而權

能撓沮中遭讒譖幾陷大辟內安義命莫肯

屈其節操之堅剛行誼之清介誠如諸臣之

舉奏該部之所覆題無容議者以生於百家大

明之時六經既出之後雖欲著書立言嗣續經

籍亦難乎其為說之詳也無害於其材品之高

風譽之著百年未泯人到于今稱之今據本官

著述所存固雖少讓於前賢然而德馨之美亦

足感發後學是以考德者足徵聞風者起敬

否則不報之施誰以陳列有同之心自難泯滅

可信為理學之正士儒之真也以之從祀孔庭

未為不可夫道得於已謂之德由是而淑及於

人皆功也求之薛瑄正有於是揆之祭法亦無

不合伏惟 聖明俯賜采納則士風以之而

端所趨向人心以之而知所歸一補於 聖政

者不小也緣係乞 恩從祀真儒以光 聖治

事及奉有 聖旨是着翰林院詹事府左右春坊司經局國子監堂上官人各上議事理未敢擅便為此具本親齋謹題請 旨

災變自陳疏

南京兵部右侍郎臣王教謹奏為自陳不職乞賜罷黜以弭災事本年九月十九日准吏部咨該朔國公郭勛奏奉 聖旨卿說的是災變策免大臣係 祖宗舊典着九卿堂上官各衙門四品以上官都自陳來仍着科道官拾遺

中川遺集

卷十七

九

清印堂

糾劾欽此 臣聞命自天隕躬無地恭惟 皇上之繼天體道克明峻德盡制蓋倫卓冠帝王

之盛建中建極契乎天地之心流通感召當自有百祥成臻四靈畢至矣變不虛生致由臣子庸劣如臣者所宜省裏量已亟為辭避也伏念臣章句腐儒遭逢盛世荷蒙 聖明賜臣以進士及第授官翰林院編脩歷任侍讀諭德署

掌南院國子祭酒兼官官僚生成造就豈荷隆恩曠職鰥官恒慙尸素大馬雖切於圖報驚駭

策勵而不前幸獲苟免夫加誅又蒙轉遷乎今職榮實逾分才不侔官祿食久饜於過享得災宜受夫黜罰伏乞 聖慈將臣准賜罷休放歸田里別選賢能俾充斯任則天意庶乎其可回災變以之而可消矣 臣無任瞻望懇祈之至為此具本專差辦事官 齋捧謹具奏 開伏候 勅旨

宗廟火災自陳疏

南京兵部右侍郎臣王教謹奏為自陳不職乞賜罷黜以答天戒事本年四月初五日天垂仁

中川遺集

卷十七

十一

清印堂

愛 宗廟火災該河南道監察御史党承賜等奏節奉 聖旨宗廟災變朕心震驚所宜痛

加修省以實事天兩京文武大臣都着自陳時政缺失着各該衙門條奏務切民瘼國體不許虛應故事泛濫彌文欽此准南京禮部咨准禮部咨 臣讀之不覺戰兢失措無地隕躬 皇上之法祖敬天至德純孝豈宜有此無妄之災非常之變誠臣下之不能仰體 聖心勉修

又變忽生上勞衣履自擗臣愚尤其
本行無所取才不足觀尸祿曠職備員
所宜速賜罷黜也伏望 聖慈將臣故
里以畢餘生別選屬翼伴充任使則 聖
恩可裨於萬一天心可回於至和也為此具本
呈差辦事官某親齎啟表 謹伏候 勅旨

中書省

奏

上

清聖堂

中川遺藁卷之十七

中川遺藁卷之十八目錄

經筵講章三首

尚書講章

中庸講章

詩經講章

表箋五首

冊立 中宮命婦賀箋 內閣分撰

皇太子誕生賀表 代南禮部作

昭聖皇太后賀表

中書省

奏

上

清聖堂

章聖皇太后賀表

中宮皇后賀箋

議一首

從祀議

中川遺藁卷之十八目錄

中川遺藁卷之十八

大梁王教庸之著

經筵講章三首

尚書講章

惟文王尚克修和我有夏亦惟有若號叔有若
閔天有若散宜生有若泰顛有若南宮括

這是周書君奭篇周公留召公的說話修和是
修治變和我有夏是指文王所有諸夏者如所
謂九州之六爲三分天下之二者皆是也號叔

中川遺藁

卷之十八

一

清由堂

是文王之弟閔天散宜生泰顛南宮括是四臣
名皆文王之賢臣也上文周公既述有殷六臣
輔君致治之詳至此又舉文王之資於臣者告
之以見有興治之君必有輔治之臣欲召公感
動而留之也說道惟我文王肇造區夏凡諸夏
爲其所有者尚能以君師之道父母之恩明德
慎罰修治之以去其污懷保惠鮮變和之以遂
其願使我有夏之衆遷善敏德無一人不興乎
行親賢樂利無一物不得其所用致夫友邦以

修萬民咸和固本於文王之發政施仁亦惟得

人以輔助之爾于時有若五臣之賢曰號叔者

曰閔天者曰散宜生者曰泰顛者曰南宮括者

明良胥慶賢聖會合元首股肱一體相濟親賢

內外各司其職所賴贊襄左右以弼成修和之

治者五臣之宣力効勞也召公位在親賢尤宜

勉留以輔政治可翻然而決於去乎臣嘗因是

而信賢臣有益於人國也大矣粵自極古以來

靡不皆然不獨文之五臣湯以下之六臣而已

中川遺藁

卷之十八

二

清由堂

虞舜猶賴夫五臣黃帝亦資夫六相蓋不如是
無以共成夫光明正大之業是以漢王褒曰聖
主必待賢臣而弘功業雖然以人事君又大臣
効忠之道也周公詎忍於召公之去乎其後召
公汲汲以壽考福祿之盛指爲得賢自輔之益
與夫致賢之由待賢之具無不曉告夫成王卒
致其基命宥密爲周令主未必無感於周公之
言也仰惟 皇上聖德日新淵衷天啓勵精
以圖治效屢詔以舉賢才旌別淑慝訪求隱逸

無非欲野無遺賢朝無倖位以得夫臯夔伊傅之儔爲萬世治安之計也臣何幸身親見之伏願惜人才之難得無一人以求備量才任使考功黜陟獎老成恬靜之人抑浮薄華競之輩賢者必用用者必賢使君子有彙征之美小人無倖進之階則庶明勵翼百工咸熙修和之風復見於今日矣臣愚不勝惓惓

中庸講章

天命之謂性率性之謂道修道之謂教

中道遺藁

卷之六

三

清白堂

這是中庸第一章子思述所傳於往聖者以立言先爲發明性道教之名義以著此書之大旨說道天地之性人爲貴人性之大目五常是已何以有是五常天子人以陰陽五行之理人得之斯爲健順五常之德矣與形俱賦非天命而何人道之大目五倫是已何以能是五倫各循其仁義禮智信之本然自成夫親義序別信之當然矣不學而能非率性而何性道雖同氣稟或異必有聖人之教以抑其過引其不及而

之使歸於中也然豈外道以強爲哉一惟因其固有者而品節之爾故雖禮樂之設刑政之具孰非脩此道以爲之夫然則教也道也性也皆由於命皆出於天也合一之學不二之理也由教而入者可反身循道以復其性以合其德於天乎臣嘗論之是道也即劉康公所謂天地之中堯舜禹湯文武周公孔子之所謂道也性其本體教其功用也脩之伊何不失其中而已矣聖聖傳心率惟此義孔子雖不得位而子思能傳其學於是作爲中庸以詔後世發此性道教之三言以見三十三章之所以爲教者無非民之道也性之德也天之命也異端者流可得而亂之歟然又示之以存省中之以敬信實之以大本達道克之以位育而天下平要之終以上天之載無聲無臭之詩夫上天之載即孔子所謂太極也無聲無臭即周子所謂無極也非至聖莫能知然亦非至誠莫能爲仰惟 皇上誠無不明聖而能化道遠宗於二帝德兼備

中道遺藁

卷之六

中一

清白堂

乎三王以孔門之敬一爲聖學以虞庭之精一爲心法於凡執中建中之傳用中時中之妙皆已貫始終於三言合內外而一道矣芹曝之誠尤願密存省以致中和大敬信以妙篤恭盡性以全太極之緼至命以契無極之真道成於上而皇極以建教明於下而人極以立以收位育之效以極天下之平則群聖之道統以續千載之絕學復傳矣臣愚不勝至望

詩經講章

中川遺藁

卷之六

五

清田堂

七月流火八月萑葦蠶月條桑取彼斧斨以伐遠揚猗彼女桑七月鳴鵲八月載績載玄載黃我朱孔陽爲公子裳

這是豳風七月詩周公以成王未知稼穡之艱難故陳后稷公劉風化之所由使瞽瞍朝夕諷誦以教之此則第三章專言蠶績以終首章前段無衣之意七月是斗柄建申夏正之七月火是大火心星八月是斗柄建酉夏正之八月萑葦是萑葦蠶月是來歲治蠶之月條桑是枝落

之以采其葉隋盞曰斧方盞曰斨皆伐桑之器遠揚曰桑之遠枝揚起者猗是取桑存條女桑是小桑鵲是鵲鳥伯勞也績是績麻玄黃是天地的正色朱是南方之正色孔陽是甚明公子是豳公之子裳是衣裳言七月孟秋大火心星下而西流于時天地始肅暑退將寒豳人於是歲之力於女工備以禦寒者亦庶幾其成矣其心又以來歲治蠶之用不可不預擬也故於八月仲秋萑葦既成收蓄其材備爲曲薄蓋以曲薄之上飼蠶之所備之不豫則倉卒難致矣至於來歲治蠶之月采桑供蠶之食桑可條取者則枝落以取之然又執斧斨以伐其遠揚之枝執懿筐以採其女桑之葉大小畢取而一力不遺可見蠶生之盛人力之齊非其出於憂勤周於備豫而能不失其時以趨其事如此乎於斯之時蠶事甫畢若可少休豳人則又感七月之鵲鳴知麻熟而可治於八月則績治其麻織以爲布不曰蠶桑既修績麻可廢也凡此蠶績之

中川遺藁

卷之六

六

清田堂

所成率皆染之以正色或以玄或以黃或以朱其色雖皆可美而朱者尤爲鮮明親執其勞不敢自愛於是奉乎幽公之子以爲衣裳之用蓋以授衣禦寒幽公之念我無衣也我蠶既成我績亦就我可服用而不爲公子之慮乎意必如是庶以表其忠愛也至誠慘怛之意上下施報之情藹然具見於授衣之後服事之餘其風俗之厚何如哉臣按昔之說此詩者曰豫而已矣豫則憂勤艱難固無不該若詩人之意在言外

中川遺藁

卷之六

七

清白堂

者猶爲未盡也以今考之男服事於農女服事于桑上以誠愛下下以忠利上是家齊而國治矣家齊乃身修之致國治有平天下之基平平之道已著而爲皞皞之習無爲之化亦幾乎帝力何有之盛后稷公劉之一德相傳異世同符積累也厚發舒也遠行而爲八百年有道之長其端皆本於此也信乎爲帝王所傳心法之要元后所爲民父母之大務但世變風漓民心非古教戒之作自不容已故載之周禮曰宅不毛

者有里布孟子論王政必始於五畝之宅樹之以桑我太祖高皇帝之今天下農民有不種桑者使出絹一疋不種麻者使出布一疋之冒餘若漢文之詔示親耕亦曰皇后親蠶以供祭臣嘗之而視稼穡之教田功之即雖其時實同此心也恭惟皇上繼往哲之道傳法

聖祖之洪規親耕親蠶以先天下勸農勸桑以諭臣工中外皆以爲真大聖人之有作雖古帝王而無過臣愚尤願擴上天生物之心體帝命

中川遺藁

卷之六

八

清白堂

率育之道復白賁以尚質抑末作而崇本用人行政第一首重乎農桑定制立法凡百舉先乎耕織務使百姓既足國儲自裕鰥寡孤獨者有養則無一夫不被其澤是赤子所望於乳哺之情聖明所任以父母天下之道也臣不勝惓惓

表箋五首

冊立中宮命婦賀箋內閣分撰

伏以博厚承乾坤道有終於無取物安貞配

聖母儀正始乎皇風化基人倫祚延廟社臣民
胥慶中外騰惟敬惟 中宮殿下德合無疆行
能有敬票地靈而端一倪天妹以徽柔君子好
述 帝心簡在符采求於廟卜已協人神應祈
禱於郊禰望屬宗嗣矧夙開夫內訓宜正位於
中闈允懷 淵衷篤膺天眷媲美宸極合健順
於萬年顯受冊封共祗承夫 九廟昭兩儀而
並運偕二曜以同明光被八紘祥開億世妾等
叨逢盛事莫罄稱揚謹秉虔恭肅班行而拜賀
至

皇太子誕生賀表

代南京禮部作

南京禮部等衙門尚書等官 臣某等伏讀嘉靖
十五年十月某日詔書恭聞 皇上元嗣繼
生者綸音大告於普天惠澤均霑夫率土華夷
誦德臣庶蒙恩 等誠懼誠忭稽首頓首上言

中書

卷之六

九

清白堂

伏以天佑 皇朝主鬯篤生夫震長祥開景運
重明麗照於乾元怡 宸慮於九重衍洪基於
億載國貞大本應瑞前星海嶽禎符熊羆兆協
茲蓋伏遇 皇帝陛下仁能饗帝敬以格先
善繼善承列聖感孚於達孝以 郊以廟百神
集祉於精禋是以受祿于天克昌厥後 皇圖
永固主器得人 慈顏并豫於 兩宮黔首載
歌夫百福粵鴻休其似續信麟趾之明徵 臣等
叨職留都馳誠魏闕何幸躬逢夫隆盛竊惟頌
祝於微衷伏願 聖德龍光孫謀燕翼慶錫咸
宜之大祚延有道之長眉壽萬年螽斯以昌而
以富本支百世駿業彌久而彌增如日恒而月
升同天長而地久懽呼舞蹈倍萬下情無任瞻
天仰聖踊躍忭忻之至謹奉表稱賀以 聞

昭聖皇太后賀表

伏以天心眷德皇嗣應禎慶延堯帝之多男兆
啓文王之十子寰區同忭覆載交欣恭惟
昭聖康惠慈壽皇太后陛下秉德靜專淑徽順

中書

卷之六

十

清白堂

事夫慈闈敬以贊襄乎治理是以風化行於四海儀範正夫六宮福履駢臻祚胤永錫也臣等析述盛事共沐洪休則百斯男肅班行而拜祝不圓其德願壽考之維祺無任瞻仰懽愉喜躍之至謹奉箋稱賀以聞

議一首

從祀議

臣謹按祭法聖王之制祭祀也法施於民則祀之以勉勤事則祀之以勞定國則祀之能禦大

中川遺藁

卷之八

主一

清自堂

菑捍大患則祀之要皆有功烈於民者也夫功固可嘉臣重功與德爲體用猶名與寔爲賓主析則二端合則一致士可相有而不可相無也如車兩輪難以缺一兼收晉錄於道斯備合生與沒宜並崇報否則莫酬於往哲何勵夫來學非所以正祀典光聖治也夫報者天下之利臣無封靡維王其崇之不直生前追及身後矣是以聖王之興泐有祠廟置爲典禮秩祠夫天下之道隆德盛功崇業廣足以統繼聖賢

勲在國家師範百世惠及四民者使得以血食無窮世享莫既不泯其功德之在可優崇禮典之所宜報祀也匪獨於王公大人則然故雖遠出異代賤爲士儒苟得其人罔不秩及一以褒揚於既往一以啓勵於將來是以崇德報功祭法之大名斯稱情禮各有義矣非此不祀所祀惟此事重受職儀嘉殷享今典之垂名教之益也但存乎其人功德不能以無異故秩之於祀儀制未免夫有殊其異伊何臣嘗聞之太上立德其次立功其次立言是三者弗同也不但如此而已在人之立德於身有曰一鄉之善士有曰一國之善士有曰天下之善士者其立功於時有爲十世之利有爲百世之利有爲千萬世之利者立言之殊大畧類此參差不齊難比而一公論所在祀典隨之矣人稱其祀實受可榮祀非其人饗享爲愧帝王權通乎萬世義能進退乎古今豈惟當時遠及遠初所當考求真僞綜覈名實不可便之事枉其真名浮於實以亂

中川遺藁

卷之八

主一

清自堂

夫性公之道歸一之論也非有畫一之法難定
歸一之論合功與德歸於一矣臣願即此二
事定爲三科不暇遠即夫難能之事以極其選
祗於見列乎從祀之人以取其長著書如周程
張朱蔡胡真呂諸賢其人則固已純德其書之
行又皆人可誦習世以尊信功烈如彼其大也
爲第一科其次如釋經之二十二經師雖若行
或未純言多有疵然能於秦火之後漢禁之餘
衆言淆亂之中經傳未定之前乃能篤守累世
之訓以成一家之言而使六經之緒賴以弗墜
以得至今爲全書者其功則未可泯也爲一科
其次則學宗孔氏道傳聖法節完而行潔體具
而用周雖未能著有成書以追古大儒之精義
入神亦足以發明王道補正經疑動可觀法事
有章程以至施設於治建白於朝有定識有定
力興利除害青史足書成仁取義白刃以蹈爲
之取重於時感化於後萬夫之良一代之英者
爲一科此三科者皆爲翼經衛道有功聖門立

言而後儒立解大約推尋義理則易考釋名物
則難惟後漢大儒鄭康成盧植二人得師說于
不傳也餘深文奧解迴紀攀躋誠經學之大師
聖門之宗子也有唐貞觀十四年增定孔廟從
祀者凡二十二人而植與康成實在其列當時
敕撰五經正義羣儒論語何止百家諸臣考定
同異至詳且晰從祀之典獨取此二十二人亦
可謂是非之公矣逮我聖祖仁皇帝推崇經學
特復鄭康成之從祀而盧植大儒迄今未有議
者夫植之解禮記雖無傳善據鄭志答吳棟云
注記時執就盧君則鄭康成注禮亦嘗就問于
植矣孔穎達唐世大儒其撰正義自蕭望之許
慎賀循而外南北諸儒若庾蔚賀瑒皇甫侃熊
安生諸人莫不挾其疵謬疏其結轡而禮記疏
中所根據于植者凡二十九條皆與鄭氏顯然
爲異而不敢少加評駁則植之于禮純矣粹矣
焉得以學未顯著少之也夫康成隱修經業杜
門不出其大節在逃何進之辟此非服膺聖教

可以爲堯舜也是以古之聖賢得志與民由之
不得志則獨行其道著書立言豈其得已私淑
之益世以仰賴臣愚之妄議從祀所以必及於
是而不敢自殊於經道之外也仰惟皇上以
聖人之純德在天子之大位皇建有極道傳聖
統凡所制度議禮上可通乎千百世之既往下
可俟夫千百世之未來所當褒錄罷黜之者皆
得以盡制而如法以進而以退也乞將見在從
祀之諸子與夫未獲從祀之後賢惟其人不惟
其時惟其功德不惟其爵職通例以臣愚所擬
之科等以第夫其所備之德業孰當逐祀於
本鄉孰當升進於從祀該部詳議奏請裁定世
數人數兩不相拘如此則極公無私大中至正
不勞夫人持臆見各相異同曲爲援引旁取證
譬然後始定其人之可否也權衡具而輕重自
平繩墨存而屈直莫掩果有其人之孰甲與乙
可祀與否自莫逃於幽光之普照大明之當天
也臣稽首頓首昧死謹議 遺藁卷之十八

中川遺藁卷之十九目錄

序十首

贈傅起巖先生之任藁城序

送牛西塘先生擢任南京奉常序

贈大方岳首山王公之滇南任序

贈考功副郎張子魚陞湖廣叅伯序

贈大中丞東塘毛老先生巡撫寧夏序

都門送別序

奉賀參政張子行母氏 恩壽序

贈戶部尚書鳳山秦老先生壽六表序

壽封君霜筠劉老先生八表序

序壽椿萱

中川遺藁卷之十九目錄

大梁王教庸之著

序十首

贈傅起巖先生之任黨城序

嘉靖癸未秋八月既望銓部率待用人詣闕請命以除官其後除八士罔非素所遴選之俊英而進士諸君于又皇上親策選拔者也若識與力節與氣知皆根於天挺茂於師學感於運化興於風聲充拓於古典變通於時務卓乎為一世之偉丈夫云維時湯陰傅子膺除得黨城縣令及領除書後乃遂治裝於庭肅駕於門為啓行計因枉過來辭求有言贈王教曰錢而贈之禮也夫天下理亂固均繫守令之何如令以視守亦自有蒞民之途級且令與民最近福惠所及為最速人亦有云有禹稷畢變之志者惟於令而可施子其勉乎哉子之事業不止於令朝廷自進士煩子外補姑試子以令也子其勉乎哉夫天下事嘗患於不識不識則無以

蚤見於前識矣患其不力不力則無以要成於後辨其取舍審其重輕神視其機芽之萌默測其形跡之露其存其亡如燭以照此之謂識回於既倒扶於將傾顯絕其弊蠹之源堅貞其裁割之道務為對處乎時宜而歸一於平治此之謂力由是二者而操之以節運之以氣舉其大不遺其小銳於始不輟於終故雖天下事之紛錯萬出一惟舉此以措之耳矧作令於百里乎哉吾知子有定識又矣茲行望子有定力焉若氣與節子素多者乃今於蒞政臨民肯齷齪以負之耶今上慕德於高宗故為紀元以嘉靖吾子既姓傅氏復以夢弼取名起嚴表德蓋嘗學傳說所學而仰其德業者也君臣相合古今無間昔說版築於巖下高宗猶物色以訪求今子作令於近畿三年為常期以報政皇上有望京師蒙福實今日河潤之無涯也吾子其勉乎哉

送牛西塘先生擢任南京奉常序

士有知名於昔而足徵於今顯也不替於其幽
父也不墮於其近終也不殊於其初行也不易
於其止嘗聞白齋有之至見西塘若亦未歟始
西塘未第時已繫鄉重望遠矣迨入天官考功
懋陞伯問士林交稱雅望彌大不止曰一鄉之
士焉爾乃今以資聞廷推簡推南都奉常政司
郊廟祀典親賢君子曰嚴正而莊脩也斯人其
稱斯乎哉既 陛辭爲啓行都門供送幾半朝
中遺藁 卷之九 三一 清白堂
紳若鄉士大夫則酒餽三爵不能留亦不能別
于時司諫衛正夫柱史張子行引爵於余請叙
其故教惟天下之同者則情聯者則親裁者則
義情知於契親締於合義正於規契斯一合斯
信規斯貞一則靡間信則樂從貞則可法靡間
故情滋深樂從故親滋厚可法故義滋明情以
深則固而全交親以厚則感而惡雜義以明則
繁而求思是故朋友情也伯仲親也察案義也
今茲西塘之行而吾儕爲贈送焉者同鄉則情

在朋友同官則親在伯仲同朝則義在察案三
者備矣是宜送之逾長逾不能別然西塘亦瞻
言不即去其不在茲乎哉教請終以申語夫崇
雅率真體懷亮志者至情善期並榮過防胥悞
者至親道誼交箴名節互礪者至義凡西塘所
以遨遊二京矜式群志固已罔一之弗悉矧於
同鄉焉者又何如其用志也哉夫斯人也斯行
也忍於去而遽能別乎固於交矣感於離矣繫
於思矣別斯人於斯行孰能不有言耶雖然此
中遺藁 卷之九 四 清白堂
猶以言贈焉爾若茲行之履安蹈和體順持貞
繡譽蜚聲益重同鄉之望裕乎足之範型蓋
欲日見而未竟諸篇者西塘豈願聞之乎乃西
塘則遜謝以行曰今而後益知諸君之望於我
者重矣

贈大方岳首山王公之滇南任序

首山素長者履坦抱慤任真崇雅不爲矯飾以
取孚人亦多自感信引託辟言棄榮如徒介石
不移者殆五稔乃今天定始白得荷 簡命躋

高審睇負重思難若將求度鄉大夫士者司寇
許公過史教爲徵言教曰謙哉慎乎撫之其吉
乎夫君子之出以行義在達其道道所在即厥
職幼學壯行舉此措之焉爾是故京國非近綏
荒非遠帷幄非親藩牧非踈要惟厥職焉盡瘁
斯不離道夫天下之言道者惑矣對器則分於
上下偶事則分於精粗脫然以玄洪奧妙爲道
之要幽虛邃古爲道之府吁亦誣矣道豈遠乎
哉言有物即嘉言行有則即善行無遠近大小
中川遺藁 卷之九 五一 清白堂
高卑而道罔弗在也聖賢欲明道於行義當靡
所擇於委乘抱擊矧夫位高責重如方岳牧伯
其於道不易行耶甚矣方岳牧伯足以達其道
也百揆四岳虞庭對舉中書行臺雖胡元亦重
之重者何以民惟國本故耳體國以愛民因民
以馭官因官以課事因事以殊考以殿以最爲
勸爲激焉受成於上者舉責成於已被 命於
官者悉布命於民精自守一披赤勿二如是道
有弗行孰肯信之方今 聖天子勵精求理

同仁一視以昔之間遠通三昧觀經道以故
屏憲重臣必出簡擢下至郡邑長貳吏亦罔不
妙選時髦若曰矯重於輕斯均以一文物變而
向明德教可醇而用備我衛捍食充則餽給
弗匱荒習日就以旋淳夷俗漸移而變化則道
有外乎真亂甫平正須岳牧道以爲治實結其
幾首山茲載道往矣道在必行則前日之止不
能止今此之行爲時行方高之職以盡簡任之
重以舉矣司寇公曰善哉此首山所優爲吾鄉
中川遺藁 卷之九 六一 清白堂
之日望也
贈考功副郎張子魚陞湖廣叅伯序
泰嶽泰和山綿曠約千數百里歸峻嶒險林鬱
蒼蔚視荆襄巴蜀秦漢韓梁實維其樞世號通
逃淵藪民悍以褻國家自 祖宗以來即其
所祠祀北天玄帝儀典其盛曆筭紆長神識微
秘要有不可窺者且命方岳重臣提督厥務責
備人神職兼撫備乃今 簡任有在勅遣張子
魚使行既 陞辭遂爲祖道驪駕以夙朋簪不

後冠蓋填溢歌樂騰沸酒旣行而贈者有言矣
何以贈子魚以天官考功士林俊望忽膺簡
命出領方岳榮者美其行惜者不忍其去群僚
異感言以求緒然各有意義存不爲徒贈焉而
已贈者爲誰同鄉齒叙同榜科叙同朝官叙桑
梓連庇則愛以真兄弟世講則親以厚墳寃倡
應則貞以和是皆所爲言贈而子魚受之以行
也調當序其事者史教教且兼子魚之三同弗
可辭爲之叙曰士君子幼而既壯學以爲行每
中川遺集 卷之九 七 清白堂

子以省方觀民設教又曰雷電噬嗑先王以明
罰勅法夫省方設教勸也明罰勅法懲也二者
相次而觀先噬嗑則先後緩急著矣時可以苟
違乎哉雖然時也非事也道者時之所爲事者
道之所寓觀而言風偏以速也噬嗑而言雷電
明以斷也窮閭委巷近無不詢廣山大谷遠無
不至斯民隱有弗壅而條教周以詳下覽如電
情僞莫逃上震如雷威富咸訖斯民罪可日遠
而嚴畏重以大如是則政立於善民綏於懷
中川遺集 卷之九 八 清白堂

天子之簡任以副方岳之撫備以宣岷山石
刻之涯往以事神罔斯怨矣道盡於此夫
在昔召伯所蒞正此遺土子魚有見於昔不
乎或曰子魚馳聲考功者有年所以勸善懲
惡黜幽陟明必能時行乎道術乃若在彼之政
譽宦跡又已秬而集長折焉取中自資自審之
餘特舉焉以措諸人耳茲何俟於言哉雖然豈
曰諛之云乎余於子魚之有望也如此

贈大中丞東塘毛老先生巡撫寧夏序

寧夏古并州城也於西北之鎮爲重且大重大
伊何控禦羗胡最關險要兵馬悍強金湯深固
芻糧灌輸工費輻輳唐用以復關河宋不能用
則資隣敵故撫治大臣亦往往惟厥艱何以艱
審事幾先晦於料敵遺於善後威惠或守夫一
局興革各信乎已志君子曰艱矣哉方今

聖神御極明照遐邇因地以擇人因人以圖任
因任以責成乃以我東塘先生佩符勅出撫蓋
自廷尉左丞擢拜御史中丞云朝議僉同爲忤

中川遺集

卷之九

九

清白堂

爲慰曰得其人勝其大矣是行其有濟乎出祖
既期類申言贈維時門下如史教納言柙御史
爵叅伯鯤輩贈出忤情詞意疊疊亦曰得若人
勝若大矣是行其有濟乎濟何以逆知夫行有
攸微地無常易深蓄繼以時出器大亦焉往不
載據昔爲今明徵以信東塘巡按河南實監臨
鄉試公秉孤貞明協庶見較惟醇雅取先器識
故所校爲特異而教輩嘗慶以爲知己遇父居
之乃欽亮先生之嚴以濟慈德以平威信以布

廉介以審惠恕以求情道以馭法文飾吏事貞
持憲體謂之不知先生可乎夫敬勝有嚴和衷
斯毓德孚以信卓緣介著恕通彼我道準經疑
文煥章成貞裁幹固人而如此有弗勝其大耶
情決於恕推法酌於道揆俚化於文明垂弭於
貞蹈夫嚴以律身德以守位信以開誠介以限
物慈嚴則順而祥威德則畏而懷廉以信茲不
矯惠以介茲不濫情惟恕則達法惟道則正文
備則美斯傳貞立則肅以振審如是而有弗濟
厥行者耶詩云天子命我簡用之出於上也戎
有良翰咸喜之動於下也用以簡斯專翰以良
斯濟故於是行曰得其人勝其大矣然所謂勝
舉此以措彼焉耳先生其考亮乎哉教不敢爲
佞也誣也

中川遺集

卷之九

十一

清白堂

都門送別序

都門送別送我友王希夏也希夏舊判穎今領
除判高郵州驪駒在駕騶駘僕嚴都門朝路潞
水東注君子行而不可留矣故追而送之水潞

焉何以詩言念君子緒求情結不有歌言曷宣
別意此詩所以作云何以圖衣冠萃止充溢郊
衢居者顒顒然望行者悵悵然願觀者嘖嘖然
贊以嗟景暢物熙可繪可傳遂假丹青而爲之
圖夫詩以摯情圖以寓事情以明心事以著遐
心有所主故詩各人人殊詩人人殊而旨則不
殊自持欲有端也臨蒞欲有敬也接上欲有恭
也施下欲有惠也百政欲有公也五聽欲有明
也用謀欲有斷也濟變欲有幾也履常欲有順
也預遠欲有儲也教化欲有本也更張欲有漸
也徵科欲有期也號令欲有信也有弗禁禁欲
止也有弗創創欲無流弊也夫如是將隨所至
而大行而況於理離與盜乎高郵於東南爲要
衝離盜於高郵爲必出之道天曹則銓授以大
除希夏當勉承以圖報矣顒顒之望者不以是
乎凡人居而別則思思則欲見欲見而不能則
思益深爲展圖一玩心迹宛然見矣都門之送
不如如于于復在目耶思矣見矣由是而三復

中川遺藁

卷之九

十一

清自堂

其詞以尋厥旨曰獎者其誠言於余乎箴者其
忠言於余乎詠他物者其借言於余乎明識事
者其指言於余乎不虛其詞而動索諸實不資
爲在身之助者幾何聞希夏知名士負奇才大
節欲一試之而未竟今日之行維其時也希夏
其勉乎哉

奉賀參史張子行母氏 恩壽序

子行以丹陽治行旌賢能擢內臺柱史政務餘
閑緝緝念其母弗數居無何荷 覃恩詔得馳
贈厥考如已官母氏封太孺人其心始怡然少
舒也復茲仲冬五日爲太孺人壽辰蓋自是歲
將古稀在禮俗均有賀矧亦自右族歸名家旁
達禮則間通文典凡丹陽之宦成治理毗籍良
多先是子行自蔡河買舟又已迎養於京師官
邸矣于時令兄貢士乃已赴南宮試薦至歡與
會合福緣善具賀以恩成筵隨壽啓察采畢集
鄉縉紳咸萃觀者以爲盛事云當繪圖而世厥
傳焉君子曰事不以盛而繪傳不以圖而求維

中川遺藁

卷之九

十一

清自堂

德與誼永傳奕世夫是之謂盛且喜今此賀筵
足彰令德者四臣道可以覩忠子道可以明孝
毋道可以表慈友道可以宣義夫忠覩於褒錫
孝明於顯揚慈表於教成義宣於言贈傳以是
斯大賀以是斯名天下之壽亦維以是爲上顧
不茂且遐哉大行邊國龍氏爲忻忻然進曰臚
哉昌乎是余所以重斯舉也乃引爵於堂酌以
爲壽太孺人則遜且謝曰書香之遺積善之祥
是彼先君子之慶餘然爾吾何功又爲別爵於
柱史乃子行亦遜且謝曰先人義方母氏慈訓
維舉足無忘焉耳今而後敢不益効忠貞報
主上之恩寵遵庭闈之訓言以不負鄉情之雅
望同志之重期乎哉史教之至也後大行爲備
述其事而併及其詞且再拜請曰史氏之書宜
信願叙之以書于冊可乎教曰忠備五常孝綜
百行慈以廣至仁義以正大戒四者盡矣慈於
世可訓訓以道昭文不在茲乎遂書以畀之

贈戶部尚書鳳山秦老先生壽六表序

嘉靖丙戌季秋月既上弦離於姬訾次之
爲吾鳳山先生之嶽降初度云業以德崇福隨
歲末蓋至是始壽開六表矣先是月未晦時銓
部以先生考最奏上用嘉獎遣中使就第賚
以猪羊上尊文幣寶鏤昭旆淑示優異也未幾
復 聖詔褒揚貤贈三代爲尚書官特恩殊眷
國以龍光不止一人一家之慶而已僚案傾企
士林聳慕君子曰美哉其忠以宣乎榮哉其孝
以 平適符壽域天啓良賀門墻晚學義不可
無言僉謂史教宜書之教惟先生之係於天下
國家也大矣係斯有屬屬斯有望望斯有祈祈
莫大於有父父莫大於無疆而壽之表始盡以
開夫猗鶴龜鹿松篁杉檜動歷數百年皆足取
繪以爲壽君子弗壽焉者謂無補於天下國家
也先生之嶽降鍾靈既有明徵故茲祈先生之
壽也亦宜如嶽之壽云先生無預於嶽而人望
先生者如嶽矣興雲致雨焦枯以蘇寶藏奇殖
生蓄以具容納不間於谿壑具瞻永存於峻極

凡若是者壽斯爲上天下仰其神儲國家利其財用斯君子以爲壽而惟德備嶽尊職專斗樞惠澤足溉乎民生而功績有光於昴爨者始當之先生不其人乎教竊受知於門下見先生之據經吐詞言足不朽依德制行動可求法近民以立政而民以綏懷酌古以濟時宜而法守以裨於用世蓋自宦轍所至靡不皆然其崇之遺愛也深周翰之爲功也大矣茲其壽則所係於天下國家何如非嶽而有是乎哉故曰人之望

中川遺集

卷之九

五

清自堂

先生者如嶽矣敷歷中外事可稱述擢俟台衡正屬資望嶽靈之庇護者必長君子之祈望者始信矣方今明良胥慶志道交申天下之拭目於先生者有在先生所以副天下之望慮當不止於此也敢因奉壽而併以預賀

壽封君霜筠劉老先生八奏序

霜筠先生劉翁自解綬來歸杜門掃軌爲築見一堂於考陽舊業心休休然樂也乃其後以東阜君貴荷覃恩勅封監察御史晉金紫素履

徵祥耆德享報芳薰鄭鄉結英洛社士皆以全福頌之曰至哉樂乎樂哉壽乎天下無得而踰焉端陽令節實維嶽辰教以編纂史局未緣來賀爲之裝縑致詞遣兒在郎賁赴客有問道者適在坐曰茲惟誰氏者大椿之齡今爲幾何教曰人也壽錄之開其已八奏乎道吾師尊情托眷末已及門而受業當終世以莫忘矣客乃則爲駭且異曰壽乎其太上也哉世不能多見焉繼而曰是何脩以致此者曰吾自髫時即從遊敬之至知之深也若鄉評則知與不知莫不詞以美同旨各攸異其不知者曰官成於地散祿裕於積豐形不役役於箋牘氣嘗依依於吐納坡老不殺莊生悟放爲能致此壽也知翁者曰節固於中持情嚴於外肆嗜機罔縱於物移恬靜日安於境順大人不違乎天君子惟俟其命此所以壽而昌乎乃先生則大朴諷於不鑒元素含乎至采隨所入而自安無無行而罔豫懷德以寧行法以貞尊光貴於撫謙幹固權於

中川遺集

卷之九

六

清自堂

巽夫仁以懷德義以行法禮始於據情智終於達順由是而之焉皆道也大道與俱則貞元本固矣故皆入罔弗利動值元吉吉斯善善斯傳傳斯父父斯不磨不磨斯大大斯為譽也亦大焉是先生之所以為壽而歲齡不可以獨專天下有踰於此乎先生之振鐸士林隨在道慶餘所鍾已見東阜中丞之顯揚而壽泰之開又將與道為無既矣來者之賀寧有窮邪客曰有是哉吾昔以上壽焉即惟至今而後乃知壽以道俱者又惟其大也徵諸古其益信歟

中川遺集

卷之九

十一

清白堂

序喜壽椿萱

戶侯楊汝正郡人也父武德將軍篤諒弘廣練開戎技恤下有恩待士得禮勞著於國孝傳厥家母宋宜人並美婉德克遵壹道德徵遐壽俱將八袞汝正每臨蒞之餘為之上堂奉甘旨入室候起居天然之樂隨在以真不自知其有喜也乃為之圖繪椿萱詩申絃誦張陳壽筵榮昭天寵冀成綵戲斑斕之一助云先是汝正以綱

運到都既竣事乃持和大齡親家書來請余以大齡端人其取友必端矣因見汝正之氣昌而體茂言遜而禮恭聰警而變通雅循而敏飭曰可與意而說之忠也汝正避席謝為出其王父諸吟稿求選之余雖以選辭然又知其為武弁而文事者焉父之復出其喜壽椿萱狀求序余復大駭異之曰孝哉若人不獨能文而已夫忠臣孝子實惟一道以孝移忠亮無二理是以求忠臣者必於孝子之門余方期汝正以忠而彼乃素嘉稱以孝何之易入也哉按汝正少業儒以困場屋不得遂有懷耿耿獨抱利器於是憂之又欲讀萬卷書為世名士襲王父之世官繼王父之賁志也然既膺珪組則日親戎務將借此以脩習亦惟日而不足於憂愛之以是二者不少釋然喜椿萱之壽出愛日之誠於爾釋志不復知有憂矣憂以儲夫喜喜以藏夫憂諸公鉅作互有攸指余僭序以弁之

中川遺集

卷之九

十一

清白堂

中川遺集卷之九

中川遺藁卷之二十目錄

序十首

壽太子少保都察院左都御史姚公七

表序

臺章交獎序

贈艾生南歸序

賀朱素軒八十榮壽序

送大叅伯高子業先生榮行序

序夷門贈言

中川遺藁

不卷之十目錄

一

清自堂

送冬官大夫范朝著權守蕪州序

海鶴蟠桃壽劉母太孺人序

贈大都憲輿浦王公榮赴留臺任序

送驛宰扈伯相南行序

中川遺藁卷之二十目錄

中川遺藁卷之二十

序十首

大梁王教庸之著

壽太子少保都察院左都御史姚公七

表序

宮保姚老先生以春王二月哉生魄爲麟紱初
度靈本嶽綿福延歲永蓋至是則壽開七袞云
賢即大宮諭明山情隨喜溢祈惟天佑計得歸
賀焉未能乃中執惓惓若有求而弗遂者愛日

中川遺藁

不卷之十

一

清自堂

無疆停雲繫望矣揮倖具設官邸遙賀維時司
諫周君暨侍御傅君裝縑繪圖問序史教年家
契誼兄弟雅情也名德全祐親在龍門不覺以
明山之故胥樂偕歡歎斯有慶乃教則舉舉素
履用原壽徵匪直以古稀足稱姑託意於龜鶴
松檉焉而已夫壽者久也久存於世弗可得而
朽也維德爲上功業次之文學又次之歲云難
老特維其一嗟乎非難老固無以致三者之全
三者全具稱名達尊達尊則壽莫大焉老先生

彭憲享全膺鮮壽寡匹教自家食蓋已側聞夫
由鄉建國悉以善名登仕立朝恒無過舉君子
曰崇脩之至也崇脩德乃令矣以是而懋業清
時敬歷皇路凡所以剔蠹建利正物育才屏異
端植名教臨戎督衆定亂除危所宜勤若旂常
銘諸鼎彝方盛未已也且暇及於纂述事類貫
達今昔著作詞章鏗鏘炳蔚卓乎其宗工哲匠
於士林則擅場而雄伯焉是不文歟夫德宣於
華文以鳴道既美可愛又當爾傳孰得而朽之

中川遺集

卷之十

二

清印堂

夫如是則壽其何極人以共仰然又和從仁毓
氣本道充鳳翥麟軒馳譽朝野蓋已閱歷甲子
殆四百有二十多矣非達尊而上壽者耶奚啻
古希宜申大慶慶以是斯不誣乃二君以余爲
知言因難夫取義於壽期願耄耋者非所專嘯
吸吐納者罔足貴大壽達尊斯可傳矣爲避席
謝曰請遂書之以爲先生壽繼而曰龍見於田
鶴書赴隴先生其濟時以出授世爲用也行將
爲已壽者壽乎劉惠澤所及同登壽域遲見夫

功成志畢則慶夫今日者乃他日則爲國
余曰然是又不獨爲年家之義云爾請當執簡
從事矣

臺章交獎序

御史臺以激揚惟所務故於按屬吏之奮振有
爲精勤無廢以至行立而職宣廉脩而能著者
率有獎勞以褒揚蓋已旌異之限於例拘權庸
之須於待次也維時則良鄉賈掌教連荷臺章
交承獎勞其一則畿輔大巡朱君其一則東關

中川遺集

卷之十

三

清印堂

大巡余君士林馳譽於叢談宦業明徵於筮仕
乃於是則邑侯謝鳴鳳甫鄭重其儀舉爲榮賀
走使京師問序於史教教聞之則嘖嘖嘆曰時
乎其難逢也知已者或間一遇也賈子何心侈
逢並遇夫師嚴於訓則士正於習上不違仁則
下斯好義中道能立後覺胥效是故君子求端
夫範模歸化乃同於愚智師道之有益於人國
也大矣自夫上達者鮮儔半途者群感易移者
遂物滿則盈順道之不行其孰能知之吾見

賈氏子之有激於彼克舉於此也於乎乃其人
正余所謂奮振而精勤職宜而能著者歟臺章
交獎靡約自同宴賀榮申謝侯斯不後矣雖然
亦可見侯之不隱賢二大巡之能知賢夫賢在
賈子誦在生徒欲隱者莫能隱欲知者自能知
譽髦之士賴藉無窮梁棟之材栽培有用矣吾
於賈氏子則日望焉賈子名希顏謝侯名朝陽
皆於吾爲同郡云乃今則同官於良鄉者也

贈艾生南歸序

中川遺集

卷五

四

清和堂

鄉士夫過余者往往數其鄉髦士間亦有稱曰
艾生艾生意必知爲善有足徵故君子不沒其
善如此矣後以卒業太學至乃亦請余爲請益
卑卑其恭循循其執禮也余曰斯所聞之艾生
也哉問所與遊歷舉則汴名士所與贈行曰左
河濱序之余知其必可與進汴多士斯與之進
云乃今試政畢送謁天曹登仕版待用鄉進士
會集於京者又餞贈爲圖詠序并諸首食以遜
夫史教余時未覩諸贈詞止即夫所欲與言者

以君子之於天下也其容威者存乎器
其別者存乎識其傳述者存乎文器以廣則
識斯深未見不足於識而能有美於文者誰乎
艾生今南歸將尋舊遊益大肆力於學文矣幸
以此言爲所知者告且商確之曰器欲廣矣何
以闢厥隘識欲深矣何以通厥明文欲美矣何
以正厥習夫廣滋有容深滋有鑒美滋有愛容
以多則厚鑒以遠則精愛以傳則久譬之洞庭
彭蠡其所受於衆流者不一風靜波恬何所不
照故雖日夜無聲而所以爲百折不回萬級疊
見皆文也脫有所激則湍驚浪湧洄漩澎湃一
日而千態萬狀委濶發奇甚至有良工不能繪
其奇騷客不能詠其妙果然道體無窮於斯逝
殊源歸會於統宗浩浩乎爲天下之至文古今
之大觀臨流者增歎望洋者疑神在川之感不
於聖言而有徵乎君其勉之哉當自今而待用
官守三者是求皆所宜深造焉者勿諉曰如之
何如之何

中川遺集

卷五

五

清和堂

賀朱素軒八十榮壽序

素軒先生朱翁乃今已解紱懸車杜門掃軌築見一堂於蒲陽以居矣佇將壽開八泰茲新正二十日實維壽辰令器尚書民部郎中端甫君張廷宜郎廷仲賀朴客有舉爵而致詞者曰至哉樂乎樂哉壽乎天下無得而踰焉史教至也後爲之叙曰凡爾陳樂於翁之壽者余知其樂之必有在張幣之陳樂音之奏特以將此焉而若翁之致乃壽者亦必有所以爲壽而彌傳彌信末世不磨雖甲庚之週迴春秋之閱歷特以偕此焉而已斯其爲壽而可樂乎哉夫翁壽矣壽通天下而皆同翁之壽若有所不同不同則異矣翁不立異以爲高其不知翁者曰官成於地散祿裕於積豐形不役役於箋牘氣嘗依依於吐納坡老不殺莊生悟放此其能壽也其知翁者曰節固於中持情嚴於外肆嗜慾罔縱於物移而恬靜每安於境順大人不違乎天君子惟俟其命此所以壽而昌乎乃先生之大朴韜

中川遺集

卷之十

木

清由堂

於不鑒元素含乎至采理所入而自如無無行而罔豫懷德以寧行法以貞尊光貴於爲謙幹固權於體異夫仁以懷德義以行法禮始於謙光智終於異順由是而之焉皆道也大道與俱則本固而貞完體信而達順矣故雖言行政事動罔弗吉吉斯壽壽斯傳傳斯久久斯不磨不磨斯可大則爲可壽也亦大焉此則君子之所樂而先生之所以爲壽者也天下有踰此哉先生之振鐸士林待詔詞垣輔相以歷二藩終始惟此一道殆若不俟於家乘之有徵鄉評之無間而輿論之所攸歸時彥之所景慕大人君子之所以樂其道行而惜其未竟者意自有在也慶餘所鍾已見端甫之顯揚而壽泰之開又將與道而俱長矣來者之賀寧有窮耶客曰是吾所樂於翁之壽也是吾所樂於翁之壽也

送大參伯高子業先生榮行序

天官正郎高子業甫以受命領方岳戒裝啓行值惟仲夏風炎氣燠蘊隆如蒸僚友留之而

中川遺集

卷之十

七

清由堂

不可得雖子業亦不能以自留綸綽有嚴庭闈
繫念將遺孝以爲忠欲兼程而便省矣鄉士大
夫張爲祖饒爰有祈祝斯彰契証乃子業則虛
襟請書而大司徒松舉許公暨李南墩奉常咸
謂史教宜援筆也教詢諸賓故或曰子業之在
銓曹也以執聞其知者曰惟執法其不知者曰
惟執古乃君子之亮若心志者曰無乃執此道
焉爾已乎夫一於法則弊一於古則迂法當以
人而推恕於情古則有時而隨宜於今皆道之
所寓也惟此道則跬步焉不容違雖若所謂今
之法古之禮無平弗該載者子業之信有厥執
諒推此道夫考實者因言據跡者證實通嘗閱
老子集解而見子業之序諸首曰剛而能柔天
之道也又曰聖人之道內之以脩其身則壽而
康外之以理乎物則順而治讀以再歎不已噫
嘻美哉言之善乎穆哉旨之遠乎能舉此而措
之將何往而非道耶君子由是而邇其心亦可
信夫所執之惟道矣道有外於是焉乎哉群賓

中道集

卷之三

上

清自堂

胥悅如鬱獲釋喟然興嗟者曰今而後乃知子
業之執在是而天下不可無執也相以引爵示
懇請被諸音叶以申贈歌余曰諾爲之賦曰事
以蕩析匪執曷集物以縱散匪執曷翕搖搖心
旌惟執克定執之無疑志斯有應君子何執吾
道之原一原所推靡在弗存過與不及求終亦
敝自有者中酌之則是道以中準中以時宜守
衡無權持平者誰權有重輕紆以下上隨時處
中執此以往子業忻然爲避席起謝乃亦和而
歌之歌既闕曰請載以行佩比蕭弦也

中道集

卷之三

九

清自堂

序夷門贈言

夷門大梁之東門也昔有侯嬴者監於是至今
傳其舊曰夷門云贈者贈之誰乎季弟覺之也
贈者爲誰梓符陸汝清李川甫田深甫尉氏左
舜齋太康陳國仁長葛車氏兄弟皆於梁爲名
士夫而余與之有交誼焉伊何以贈之乎爲覺
之自汴歸儀封也或隱或出未定其計故贈者
則隨所見而各異其辭要皆有意義也請得序

其說於前夷門言遠行也遠行必有所爲以故指其事而言之若爲譽實以爲戒矣鬱鬱證諸古也古之贈者必以言言而不切是爲泛交道成肯泛泛哉世路驚心美見幾也子能去之豈謂見幾然不有孝友之樂爲一家之政乎所以桑梓荆花疊疊寓言矣擾擾風塵知子羞索牘也歸賢自高或不能及豈欲托興於山居而養高自克也歟北風捲地因子行而美及二兄也二兄爲誰長正之次即余教教雖不似於蘇長

中道

不孝

十一

清白堂

故爲序之

送冬官大夫范朝著權守夔州序

尚書繕部郎范朝著自第仕贊司冠政改贊邦事陟大夫階爲通籍長參閱一紀餘矣資以歲深望緣譽重乃今癸巳仲夏始拜命守夔州秩優加乎五駿城專制於千畧鄉紳咸榮之而忘其待次若久焉詒史教請贈言於時翰林胡吉士爲拜手曰此守中幼學之外傳也乃昔受學於喬大卿卿於守中爲舅氏嘗以語曰此大器當晚成可從學受益也於是守中始從之遊驗之今果信然夫姑德自亮平莫忘見善難泯於樂道嗟吾師之善以衆而德乃一矣親炙德光先入惟王乃今復見其善而觸此秉彜之好莫遏焉持勤而練以幹守樸而華以通樽約自安不苟涎指微勞動著戒持滿盈善有踰於是者乎夫積深者發厚器備者用周挾數善以濟一守將無餘勞而利有攸往矣矧夫覲前足邇乃後擬始可要厥終昔能有裨於贊畫

中川

卷之十

十一

清白堂

茲亦何艱於撫字特舉此以措之焉爾且其辭
行鄉故意懇情真記嘗白許以爲天下之民天
民也天不能以自治付之天子天子不能以獨
治付之牧守牧守歸民如受人之牛羊者宜善
爲之牧矣使又不能同其好惡美其政教疾痛
困苦若不相干民必有罹其殃咎者是不拂天
之心負天子之命耶幸今備天子之命吏敢不
夙夜孜孜勉副此行也哉余曰審如是則太守
之賢可贈矣贈復何言惟不忘其自有之善與
能述

海鶴蟠桃壽劉母太孺人序

太孺人姓駱氏爲承事郎槐庵翁之元配江都
令劉君一第之壽母也出本右族故能少馴姆
訓閭範夙成是以自歸於劉益敬益戒動有禮
法則舉無過事翁崇令德賢相是資子陟甲科

義方稚賴今一夔之擢喬在郎台擢難量元宗
已覩顯揚懋著矣乃明春二月之十一日實維
誕辰時一夔方奏績天曹得考上最而馳恩
命下適會其期翁得贈文林郎母得封太孺人
矣於乎福善之徵食報之享果如符契而來求
有未爽者乃一夔則愛日之誠根維喜懼爲繪
蟠桃海鶴寓情祝願欲五福之兼先百壽之求
也俾余有言遠昭來裔蓋以余同鄉薦通家舊
誼必同此情余雖未覽斯圖彷彿可想若所寓
之意蓋以宛然在目矣喜動衷私不覺出聲爲
之歌曰瑤水西邊偃木樹吐花結子三千年知
是我來自王母金函捧至從壺天紫文青色世
希有獻入北堂供壽筵又曰海鶴兮超塵吐故
兮納新同群兮鸞鳳形定兮千春飲瑤池兮玉
液翔紫蓋兮凝神鶴鳴陰兮子和齊大壽兮靈
椿值有客在席亦一夔之契執也請爲歌以卒
章反之者再曰人子之情之祝願其祈亦惟如
是焉爾願書之以爲太孺人壽

贈大都憲興浦王公榮赴留臺任序

聖天子以留都重地臺憲要官創業所在鴻圖根本執法之任綱紀之司也以根本斯重諸凡功烈謨訓彛制典章足以維持鞏固奠萬世丕不基者胥此焉出以執法斯要貞度肅僚繩愆糾繆爲激揚舉察而使群工百執事率皆循軌奉職弗敢廢越者乃其大職任也淵衷澄徹明見萬里每每因地擇官因官擇人因人以授其政因政以考其誠清穆回風雖咭應響者以用此道而上下同心焉爾矣乃今南臺缺右都御史詔當九卿十二合議廷推僉曰度德程能惟艱其人哉矧爲古之中執法哉夫采華者忘實著今之宦績者必古之遺良也安得其人之出領方岳入爲京尹以能承流宣化柔遠能通者乎然又以中丞出撫而熟於弭安調度咸復歷北曹總糧餉出納會計勾稽灌輸以受四方之漕集而能興革有紀儲峙無虛者乎何哉民隱以悉政體以練憲度不嚴而肅國計則動有成

中川遺藁

卷之十

七

清白堂

筭內外遠近大小罔不燭照數計毛摘縷析不止曰銖稱丈量而已由是以之貞肅繩糾激察振揚其庶乎士望以協明詔以稱綱修而目罔弗張道盡而法無不舉矣于時天卿冢宰乃亦先生斯議而正欲所獲之有是也不圖鯁之言適與符契爲忻忻然曰得其人矣得其人矣蓋是數者皆公之敝歷有年聲譽素著者矣所以工書吏侍屢被薦推而臺端重任公論攸歸矣遂疏公名以上而荷俞旨之報焉如是則擢匪輕受斯任也不可謂弗榮故縉紳士咸曰得人而秉公持明知留都所以日望至也孟春始和公卜南行省卿佐會爲餞送意者暫辭闕庭或不能無戀恩之私而遠涉江淮慮有瞻辰之想大司徒松臯先生爲之具圖徵言慰茲永懷且冀有規於末以申容衆之義余曰曷敢言哉克盡其道而已盡其道則所謂秉公持明焉者在是矣大職任有待於外乎

送驛宰臧伯相南行序

中川遺藁

卷之十

七

清白堂

伯相甫於吾外家爲兄行吾諸子皆稱舅氏也。以春三月來謁天曹選旅食。鬱鬱至夏六月始得除比領除書。復秋七月乃獲辭於朝爲戢行計。因念吾舅家食時伯相除陝之黃花驛。吾爲賀之。餞之。遂托於諸相知使得展布焉。今吾官京師。又爲賀之。餞之。乃若堅持固執弗敢爲相知托者。反思之。不能得。豈肯以相知而托人。人或知之。而見信。今以自知而審已慮。或人不知。而見疑乎。吾是以不可也。伯相甫亦亮悉曰。

中川遺藁

卷三

十一

清自堂

其然其然行之日。驪駒在門。騶整徒戒。同鄉親知趙世和張西之輩。請言爲贈。夫吾又將何所言哉。姑卽此行以爲告。周禮委人氏以稍聚待賓客。以甸聚待羈旅。凡軍旅之賓客館焉。今委人氏不復有矣。驛之設無乃其遺職乎。立將迎以備遺差。給符驗以防詐僞。節程限以考稽遲速。衝僻以均勞逸。時載運以轉軍需。重飛報以速戎務。括田糧以制資儲。連中外以通夷夏。炳然井然。天下之縱橫脈絡也。自秦作馳道。頗亦

交互於中國。漢通四夷。始大徧列於邊。關微塞矣。然皆有其職而未定其名稱焉。歷至今則職與官名均已畧備。名是官而任是職。當思所以設官分職之意矣。不爲勉承而圖報可乎。伯相丞黃花時其監巡使者。嘗爲吾言曰。斯人也。戴星往來。昕夕無倦。肩艱履險。不計別局其勤矣。乎卑卑以收謙謙。以撝接上。做嚴蒞事。精敏其慎矣。乎畏者畏其能不畏其威。畏其辦不畏其敢。是不幹矣。乎服者以昭察而不能欺也。越久

中川遺藁

卷三

十一

清自堂

弗能忘也。擾劇弗能亂也。執定弗能移也。是不明矣。乎夫勤矣。慎矣。幹矣。明矣。將無入而無弗宜矣。矧於一丞乎哉。先正有云。一命之士。苟存心於濟物於物。必有所濟。丞雖驛職。亦沾一命。丞奏最適多。擢理民事。驛政責異。道同其以吾所聞於監巡者。益自省諸益。自懋諸吾目望之矣。

中川遺藁卷之二十一

中川遺藁卷之二十一目錄

序十首

天恩獨眷卷序

贈清卿呂涇野先生擢任大司成序

瑞桃圖序

送南京工部尚書石湖老先生何公致

政序

送侍御宋仰山先生擢守真定序

太子太保南京兵部尚書鳳山蔡老先

中川遺藁

卷之二十一

十一

清江先生

生七旬榮壽序

皇華忠愛卷序

送職方大夫段東川先生考績序

送陳南橋先生擢守岳州府序

送地官大夫錢君公甫擢守九江序

中川遺藁卷之二十一目錄

中川遺藁卷之二十一

大梁王教庸之著

序十首

天恩獨眷卷序

大司馬紫巖先生之被召啓行入當輔德史館故僚約相餞送維時涇野奉常取意於天恩獨眷人書卷額因趣在座宜有諷詠先生則又以瀛洲之會新續舊雅義難久稽情迫于不盡遂以荷戴恩眷者俾余序之夫詞垣耆德文會宗

中川遺藁

卷之二十一

十一

清江先生

盟赴 命中競僊舟北上未可無贈言也爲引

筆曰自先生輟 講筵任留曹創業垂統之規

武烈文謨之盛蓋樂得身親具見焉爲大宗伯

爲大家宰三禮順治百容協恭台揆徵賢縉紳

日望乃廟堂則地重本兵職隆留務參贊是託

機鑰簡任至是則敬歷奏最凡再考云勞以賢

著業與德崇鳳喜瑞周鴻宜導渚矣 聖天

子勵新厥政念及故臣偶激於言詔取旋闕登

用有期賢宮階殆無幾也行矣莫留計惟信處

茲將何所申祝夫時非偶逢會鮮常遊是以明
良慶聚難於一朝賢聖奇逢曠或千載幸而得
之則恩眷必隆熙載有賴矣夫臣子視君父猶
天也天於兆物無在非恩匪直登用故雖貧賤
憂戚而玉汝於成者亦其恩矧夫火成於養以
能發身甲科起家翰苑徧歷清華屢膺卿輔完
名保節歸覲 帝庭恩寵優渥曷可云喻此先
生所以蒙眷於天自成獨厚也天之厚物奚限
於獨天下群材共享其均先生一身自覺獨厚
意蓋存萃畢臻視世人皆罔踰故爾夫感之惟
深忭之若獨情也亦理也嘗考先生之筮仕以
來早受 主知承 恩累朝觀今憶昔佩感益
深感之深必報之重報之斯盡夫感因有以見
明良嘉謫古非空言乎契果真物莫有間也雖
然天恩非微致格於積誠先生之請恭體國隨
事効忠不獨留曹諸務備舉則然師儒勸講啓
沃良多翰學春卿始終一道皆此誠之積也乃
茲拜恩于天實快諸人內省於心亦快諸已誠

非格天而恩以卒至方抱愧未暇孰以爲快哉
此會在瀛洲者知先生之非以卒致理獲其常
推讓未能圖報焉而已爾胡以報亦惟素積焉
者推用於時使功在天下福在生民士望之懸
渴斯慰矣

贈清卿呂涇野先生擢任大司成序

余昔家食時蓋已聞關中呂涇野云藻翰絕人
行誼高世故雖披禍未耀而璞玉盈懷一出之
即環價難評足當國瑞矣其諸鳳于岐麟在野
乎乃後以進士對策掄魁海內驗之前聞果名
下無虛士也然猶未觀若道範焉迨余備員史
館實從公後始見夫喬岳端凝介石操致殆有
獨立雲表濯纓星漢之意一毫惟恐其沾汚於
足上章自劾獲遂出補莞爾登途人莫能測止
皆噴噴同聲歎惟鮮及至今已十稔餘矣茲復
再見於南都清卿典禮局宇恭粹雖不事夫立
異絕物而貞安自如得意忘言幾將包涵世態
擺脫聲華厚藏若虛質任渾成也蓋公德與業

崇器以大就如此回視疇昔不探之彌深索之
彌遠乎於是敬服其所養故能譽以日彰望極
時重著美京朝馳聲縉紳師尊胥期台揆待次
以故連歲金諧淵衷簡注借重賢關顯擢司成
士林交慶儒宗在茲矣維時朝邑王君寧州周
君皆公鄉彥之宦集留都者相爲問序於余書
以昭贈余惟受知者圖報成已者成物先覺覺
後覺先知覺後知伊尹所以爲天民今遊胃監
不皆後知後覺者耶愚思明室求通想人同此

中川遺藁

卷之十一

甲

附錄

心也公推所養而均以覺之孰不樂蒙甄陶智
增疏達向上有階隨材無棄矣雖然此猶俟於
科條之設啓迪之後然爾安知不睹德中服飲
醇白醉至如物感春陽化綠時雨不覺而神速
也乎夫然則桃李滿門棟梁直幹焉哲匠賞識
明堂選用計効論資歸德培植矣何以歸即今
之諸生其異時之庶官臨政也使皆如公之
宅心制行何入不宜風教所持黎民尚亦有利
哉矧夫國步一脉藉此靈長善人孔多天下仰

治信乎千三之義攸繫匪輕數五之功于今爲
烈此涇野所宜自任師道所能自立鄉士夫之
賀且贈在是也夫情真者望切道符者規深納
貞出於氣投契善欲成其美他人有心予忖度
之故爲王君所請而序言如右

瑞桃圖序

桃者五木之精實維珍果古人或以之辟邪薦
壽藝傳可稽乃敬軒先生之歸尋舊隱掄材手
植既茂且榮秋實足瑞人士至今稱之侍御麟

中川遺藁

卷之十一

五

清白堂

嗣謹爲倩工命意繪贈圖寫一蒂二桃繁衍盈
枝纍纍之盛雖未良觀按圖則奇發異逞瑞姿
宛然知幾何時猶美觀也鄉縉紳士賦以成聲
溢帙彌卷意人人殊各有取爾珠綴璣聯照耀
霞錦有開自先無隱厥後矣於庠蒸蒸孝思奕
世弗忘固侍御之善述以繼然而敬軒瑞慶綿
延源長流遠亦自有不能泯者公字敬之敬軒
則別號云進士倅郡以求情於恕聞賢能被徵
以不阿時宰聞按察湖湘以民無冤抑聞夫如

是則衆美齊備仁恕而公明矣語在呂太史墓表故雖周歷卿佐守試台輔知必隨資効忠以能召瑞於天下何乃厥施未竟聽乃旋車不可也卒使孝友之政止瑞於君陳之家及物之恩僅見於一草一木之細惜哉雖然瑞無小大亦無彼此孰謂沈園之瑞獨非天下之瑞耶嘉氣薰蒸和德感召通古今皆一也兆先之幾無乎弗應乃公與太夫人同福并壽考終偕吉識者當自蚤見矣至待御之顯揚庭訓繩武甲科

中川遺集

卷之七

六

清白堂

既凡之宗益高且著不已蓋在夫公門乎譽馳文繡靡羽而蜚匪直膾炙於鄉評且當馨香於譜牒遺榮之蚤反得乎享榮之大公何容心哉果然桃李不言下自成蹊矣侍御名禮自今而累晉穹階以補老先生之宜有而竟無者寧可量乎稽此瑞可逆知也

送南京工部尚書石湖老先生何公致

政序

大司空石湖先生以宦陟階穹業隨壽膺戒勅

滿盈知競止足乃爲抗疏辭榮引齒祈休脫行道以康時爲急流而勇退也 聖天子念惟

貞賢用由簡任然又重違陳請俾遂本懷爲之優詔賜允并許給驛著德足崇恩典特異矣公卿士大夫之從政留都者靡不嘉若志行高并古人曰兩疏賢哉召公其辭老去哉相與供張都門叙別江濟賦以寓言言以昭贈史教之至也晚授簡請書庸彰德馨教茲從大夫後弗能謝乃亦引爵於石湖曰士君子之行義以申道

中川遺集

卷之七

七

清白堂

其大維二出與處而已出則進以事君處斯退而謝政進不苟徇而壯行其學則進當有爲其出也曰濟時義也亦道也退引年及而求得其仁則退欲有據其處也非忘世道也亦義也道以存義義以盡道違道與義君子弗由也其居一人之身進以出者其始退以處者其終始所以基乃終終所以成厥始有其終者固不出於無始有其始者或常隨於失終吾見夫人之克慎厥初矣未及厥中而初美并失者半迨若終

期而不繼勛美者亦嘗至十六七自始迄終完
歸善保今屈指未多見也石湖此行其殆未多
中之一乎公昔之出際昌時聯登甲科以能省
著嘉績而留遺愛敢屢折權奸兩平叛亂故
雖青蠅似逮白金受賞殊不以累乎欣戚曰鑒
吾職焉而已爾由是方岳推賢中丞大拜擢掌
邦禁繼掌邦土敷歷中外垂四十年是爲推行
所學而於時有濟出不徒出也功成名遂退處
斯榮棄榮弗居榮滋與隨上幾違節豈惟善保
哉其鴻高舉儀鳳回翔海航岳樓臨明鶴侶人
見公之返初服尋舊隱於於焉樂似有得乎所
欲者而不知公之所樂弗繫於是宦以道成身
以義退道以處申義以止決此身之終始一節
出處兩全譽昭於仕版績樹於朝家福被乎
烝黎福延於嗣續終無靡克克承乎權輿矣雖
然處以憂國尤義之大古人謝政家居有爲著
諫林言利害者其心正以此也石湖行矣優游
吟咏之餘不將有感於斯歟敬以是爲申祝何

如

送侍御宋仰山先生擢守真定序

真定古冀州治也銓曹以今爲畿輔鉅郡南北
要衝所部吏之領除於朝者凡三百七十有奇
而戎衛焉弗與其繁劇可知矣抑且祀專方岳
最當洪河險直乎關隘戶雜夫孽胡天下之星
輅拱極者罔不寄軫於斯塗不但諸司治臨百
工輻奏而已如古良二千石而風力更茂者守
茲土斯濟意在於烏臺柱史云爾僉謀既諧遂
以侍御宋君疏名上請于是 膺旨報允而人
士咸信其爲簡任蓋侍御之建白舉劾應用輸
忠以致貴貶二親知名已久用之不疑上意蓋
有在也侍御則歐陽自視若罔克勝揭譙之光
溢燁士林秋卿胡文明甫暨皆同曹子陵臺俞
子相爲問序於余求爲書贈且道若當官者美
者四曰獄無留滯其明也斷乎不避危艱其勇
也決乎嫉惡敢論其真也諒乎求情推理其詳
也慎乎故自勅專督按以至兼掌教道監臨糾

試每每則見其然昔雖逮繫詔獄弗易也余聞之則興嘆者再曰盛名無虛士棟直則哲匠賞識此所以第一畿輔而首先推賢也歟夫持疑者眩明猶豫者沮勇右奸無補於植良任情有難於服衆然惟明也斷斯仁勇也決斯義直諫斯公詳慎斯恕仁義王道之術公恕聖人之政合是四者仁義體公恕用體立而後用行歧以二則仁立而後義行心公而後恕可得顧所推及何如耳侍御則諸美既著執此以往往往無弗利非俟外求未有不獲夫上也必將宦業益增繡轡日廣嶽靈効順河潤歸翕烝黎誦功而京師蒙福以能超跡大宋遠耀宗強比德魏公求爲伯仲矣孰得而禦之三子則避席以謝并問夫畢致者奚由余曰蹈之以信守之以忠堅之以持久不忘之以參前倚衡則上下交孚感無弗應故雖自近以遠而達諸九州四海也尚有餘裕矧茲一部有弗康治者哉

太子太保南京兵部尚書鳳山秦老先

生七旬榮壽序

鄉省之官集留京者殆數人余舊爲先生門下士今復瞻依道範焉各領清誨奉以周旋不曰遠憲節又改易初行也堅持自立旁資互用如古人之撫弦知緩閱常思急絃口鑒於金人體中視於歌器者皆是也時以念及罔不鏤感凡數人齒序則教少長然復叨祿詞垣之末也茲於老先生之百歲初辰七旬榮壽誦岳祝申詠箕美傳又以教當序言焉雖知僭弗敢辭揆之義亦弗可辭計自爲諸生得賀文宗之壽於汴泉時松齡纔幾五十爾後備員史館又賀大司徒之壽於京師時蓋歲六袞云今視事留院又賀大司馬之壽於南曹則已晉登宮保參掌留機階以績崇祿緣位重矣凡三賀者有文喜見老先生之德望歲隆宦業日茂遨遊兩京歷尚書上卿凡五部中丞貳卿焉弗與赫乎其與壽進等德異榮者大哉美矣慶以尚矣乃教則擲詞之撫猶夫疇昔發揚壽善歟多未能但爲願

模之具道義之存大人君子之行燁燁在人爲
難掩者教亦不得掩之也 聖天子知名於

昔歷試諸今眷注之勤有增弗替老先生則人
春以來拜疏引年求爲謝政故雖事循令甲無
殊夫人勇退急流獨真於已乃致有綸音之獎
備兄溫醇留鑰之司老成倚任不止規治行於
留曹可以知懋德於平生也以故縉紳咸喜士
民以慶曰 明良之遭際契孚有如此鳳翁當
勉思圖報也乎夫抱謙光者每戒盈而慮滿安
中川遺書 卷之十一 清節堂
節之亨惟大臣承之宜老先生則保貞完名職
思其常累奏乞休罔以中變凡爲節以制中大
而居正足徵於移讓士林貽芳翰者不獨於
壽筭焉則然言行政事不朽足垂文章論說來
裔仰式彌久彌傳爲壽何多猥嘗私頌於昔今
獲快觀於茲焉夫朝有著蔡大疑以決三壽之
朋國資憲言將自今以始屬望於老先生者未
有涯也乃東轂孫子南墩李子亦欣欣然曰保
釐之出將實亮焉入焉執謂西京留鑰非中朝

人望乎

皇華忠愛卷序

卷以皇華題額者何題贈柱史秦公之衣繡握
符出按八閩也何言乎皇華蓋取諸小雅樂歌
歌以遣使臣者云爾使臣則心兢靡及務重諮
訪其在昔猶在今焉乃公之每懷惟忠欲求闢
効故贈者則取義於詩如此矣夫霜風外振冰
藥中存以能大宣 皇澤洞察民隱佑善植良
剗奸剔蠹其微在憲典爲激濁爲揚清爲藉華
中川遺書 卷之十一 清節堂
貪以迫滿員群僚備舉六察皆其効職之目獻
忠之至者非存諸已曷望諸人此西臺法從知
乃優爲又信夫忠以明義愛以廣孝胥可奉贈
矣夫忠資於愛斯深愛移於忠斯大天下之同
然道若二而本則一也是故於君則以忠顯於
親則以愛著愛非孝子不能傳曰孝者所以事
君也自公之起家臺端委身言責無方之養事
與願違有懷不寐情長而道遠以讀帖記之詩
未嘗不歎夫實獲我心曷月予還歸哉乃今以

良便過門登堂省觀平時欲盡未能暨有望而
莫致者咸於此乎攸遂萊舞歡成欣情樂暢愛
親本懷自與俱新顯揚為孝者恩恩圖報也辭
闕登塗揚舲南下所懷於大美者不庶且多歟
匪但畫繡足榮家慶可悅而已君子曰噫哉其
是行乎為引爵者曰人倫首於君親士行大於
忠孝宦業先於家國孝於親者必忠於君家齊
而國有弗治者鮮矣公則備舉於茲焉是故國
論所與存此忠勤家人是儀統惟孝愛君親行
中川遺集 卷之三 壽節堂
原有補於學臣子常職無歉厥衷矧夫人倫士
行風化以開宦業官箴正莫踰此宜乎贈詞之
齊疊弗倦也是故諷以義者風以見情規以正
者雅以昭志稱以善者頌以紀實調人人殊一
惟忠若愛是許焉爾史教以疾而序言未竟蓋
嘉靖之癸未歲云乃公亦自此行而連擢憲藩
大拜中丞命駕青齊來撫荆楚屈指殆十稔餘
矣簡任之出烈在賢能望書之顯事與兵政可
以覩公之忠愛有素縉紳以慶壽昔之贈果皆

非諛也偶驛使至書以歸之

送職方太夫殿東川先生考績序

東川之在職方也以克舉職掌聞然又調發不
遠夫時可摘補有切於事要利興蠹剔錄才而
絀不肖以故上若下交譽將士則日練時訓月
異而歲以弗同程勞計勩績滿戎牒考膺上最
大拜有期矣而或者乃曰是繇何能斯致蓋能
移孝為忠先君後親一意以從王事不敢懈弛
然爾曰本職是効 聖天子覃恩徧及 璽
中川遺集 卷之三 壽節堂
詰褒崇則以人臣所後者首先酬之曠典奇逢
為寵光何大哉驪駒風駕北轅征即知當便途
省觀遠慰慈帟矣存歿均榮顯揚為孝不徒鄉
歡畫錦筵開家慶而已乃察案贈送介於武選
陳君詣徵余言夫年家契誼情豈可辭因感乎
士君子之登名仕版出服官政或有達於京朝
者反弊於郡邑茂於通顯者乃墜於謫補驚寵
辱於得失役欣戚於外內行失步措駕迷軌轍
凡此皆器也本之若無故滯於一隅也剛昌之

氣鮮足勁懿之節未至也較之東川尚當左辟
哉東川舊柱史凜凜風節臺端推重余見其慷慨
立朝明張論事故雖以言被譴要亦言責之
宜由是而宰邑邑治佐郡郡理旌薦文章晉擢
走檄乃今則留都兵政簡任職方尤能備舉司
存撫績論最殆若靡局於器動罔弗利焉者有
本故也剛昌之足勁懿之至也以此而履亨持
要隨用胥長卿佐丞弼躡級可致譽之喬松巨
栢千雲摩漢不以雨露沾濡而榮亦不以霜駭

中川遺集

卷五

七

清自堂

挫摧而奔遠揚直立材取悉具梁木榱桷百任
皆充是以宗工哲匠顧即嘉賞莫不曰幹耶楨
耶以扶傾耶棟世柱國當晚成也雖然是亦有
本故也厥氣與節類以似同培養弗失實維切
要能由此而舉得其養不失其本則儲構明堂
待需廊廟將評價愈高輪材益重矣東川以爲
何如敢以申祝用明夫所日望者如此

送陳南橋先生擢守岳州府序

嘉靖乙未春武選陳君以尚書正郎擢守岳州

察案同聲喜岳陽之有人也維時秋官姜子廷
評董子相與裝潢素練詣請言贈余亦知陳君
最久雅慎名德圭璋重器以宰繁劇則惠政在
民心以司營繕則裨益在國事以遷本兵則公
明在選曹人士之贊稱者疊疊乃茲大郡榮擢
知非徒爾蓋新政之重惟守牧簡任賢能故雖
事若常調所任則專城千里也匪直千里而已
號令擊斷有君道焉撫愛護養有父道焉訓諭
誨導有師道焉兼是三者天下莫大也常調有
如此者乎夫任大者憂深永功者計遠太守以
氓安爲樂政平斯豫豈惟六條實萃百責故嘗
耻一夫之未獲其所而恒恐四境生虞九重軫
念也於心獨無憂乎憂非戚戚之云責任是圖
罔敢逸豫焉爾所憂者遂所樂自深放縱笑謔
者非樂詩云之屏之翰言所受任者大矣又云
不戢不難言敬慎而不敢自逸矣此今所謂憂
也古人獨見於此而異情難齊由是有先後之
說孟則推及於民范則自分於己蓋希文之出

中川遺集

卷五

七

清自堂

守在岳臨文見志貞珉大刻炳如也夫繼德者思齊紹芳者繩武升其堂必能想見若人聞其風未有不興起焉者况武選之志存廊廟學先尚友胸中甲兵不獨於本兵之地得之回視希文同此岳守尚友之志又喜夫得朋之益世雖有隔於今昔道則同行於斯土九京可作五駿聯鑣矣必將事其所先憂成其所後樂使政聲在天下者昭史牒耀士林至與小范老子比事程功後之誦太守亦猶今之誦文正也湖山如故磨崖足紀

中川遺集

卷之三

六

清江堂

送地官大夫錢君公甫權守九江序

公甫號樾橋世家廣之東莞莞推宗門盛強者必先錢君焉以春秋傳家學自其伯父叔父蓋已科甲聯芳俱登膺仕有餘不盡之美樾橋則復享其全焉乃由明進士官大行視篆留司深蓄靜養充然其有得也夫德清者望重內蘊者外聞韜晦於前固宜大揚於後不可小知者必宜大用於時矣用是連拜地官遂擢太守蓋銓

部之乂知其賢欲試諸用如此以故疏名上請遂蒙 俞允鄉評士論靡人弗忻時樾橋以已貴勉恩誥封其親如已官得告省觀畫錦南還也僚友之同邑鍾子末年高子以行者之贈維其常矧茲榮擢矧此嘉際相與問序於余用申寄贈余惟太守 天子之命吏城專千里秩異五駿國資屏翰民之父母然後事兼六曹身萃百責職尊任重如此若皇澤之隨在有沾流行無滯以致夫政化之成郡邑之治者皆望於太守也其小民則寒欲衣饑欲食困苦者於逸倒懸者欲解疾痛疴癢顛連無告與弱而強吞愚而狡弄抱冤負抑欲訴無鳴者亦皆望於太守也乃茲九江實號難理水陸都會荆楚要衝民聚地闊賦繁徑重屹乎為江西劇郡必得才足理劇者一麾出守斯惟其宜銓曹之為人擇官為官擇才為才擇長靡不有定此樾橋所以榮膺奏除拜荷顯命也夫何俟於余言雖然行周官之法度固始於關雎麟趾之意使非令行

中川遺集

卷之三

九

清江堂

而禁止恐亦法意之難行故曰仁立而後義行
威克厥愛允濟天下之不可偏廢也惟存乎緩
急先後輕重大小之殊爲吾審勢量力因時致
宜之用爾如是則上不負國下不負民中不負
所養凡上下之責望於吾皆有以遂其望而副
其心無難處者樞橋此行必能優裕於是焉二
子曰然亦嘗以是而覘其大用於時大揚於後
矣一塵奚足以盡之哉

中川遺藁

卷之二十一

序

清印堂

中川遺藁卷之二十一

中川遺藁卷之二十二目錄

序十首

海山并壽序

送地官尚書郎楊君知馬湖府序

張氏世義錄序

送大郡伯許兩山先生之任興化序

送侍御喬南莊擢任陝藩叅伯序

壽靜菴汪翁序

送職方大夫張仲理榮轉序

中川遺藁

卷之二十二

一

清印堂

送一江王子之南安今序

送侍御李燕崖擢憲四川序

送四川按察司僉事李君序

中川遺藁卷之二十二目錄

中川遺藁卷之

大梁王教庸之著

序十首

海山并壽序

秋官尚書郎黃岡曹子臨獄讞訊水鑑空明情以恕求法緣禮定不任伺察爲神鑒也以故譽隨賢著績與歲積考歷臺省書最叅協皆爲之器重卿輔美並珪璋赴闕在即擢喬可躋足俟也且曹子則計從筮仕殆見十稔停雲引望有

中川遺藁

卷之三

一

清由堂

懷二人每讀岵岵之詩未嘗不歎夫實獲我心曷曰子還歸哉蓋其不忘舉足實出由衷如此然今得便道過家登堂省覲焉萊舞歡成狄懷樂遂天下大可悅也乃念嚴慈之壽域同登福澤并永歲開八袞履順百祥肫肫愛日之誠籲天爲長年祝祈然又寓情圖繪取况海山若曰山性堅貞海姿翕潤合德陰陽兆永福壽矣父母其順矣乎維時鄉士夫之官集留都者榮羨梓橋約相贈送詣余徵言用彰雅厚而秋官朗

子廷評王子乃備道封君及太孺人之善行懿德自天有佑福以壽先維人其願之且封君宇

別號青丘山人發身賢科就祿外翰樂善弗已疾惡如仇仇者則巧爲中傷不知益已之藥石也于是棄官於渠邑浩爾長往生徒挽留弗以顧惜也如山之性堅貞不移君子擬以青丘而封君亦取之自號焉太孺人則順以承志柔而佐剛用能節義名家詩書誨子以致諸郎之鳳翥麟軒顯揚成孝慶源大啓垂裕莫窮矣

中川遺藁

卷之三

二

清由堂

故今貤恩二親至獲夫 璽誥褒獎金紫輝映知名於朝享沐渥寵食報慶餘是以姻戚族黨贊頌維一靡不曰斯人也斯行也海山同德也宜致夫海山之壽也壽之而以海若山也宜哉矧其賢範足徵爲壽益大既壽而貴受寵難涯又惟封君宜哉

送地官尚書郎楊君知馬湖府序

聖天子愛周八極政先邊氓故於州府城鎮恒爲擇人蓋以其地接蠻荒事兼威懷應而得策

則叩關納款處或失宜又依險拒命矣是故思患豫防斯用寧此惟捍外郡爾然且俗尚維夷人多昧學風教之未盡純王禮典之罔全振舉隨在若殊大較常然也乃今馬湖則封域盡川蜀西南亦邊郡之一也維時太守缺員按無疏請上以詢之冢卿而冢卿暨屬爲郡求材僉以戶部郎中楊君攸宜於是仰承俞旨遂膺顯陟士林共榮蜀人胥慶矣同僚大夫之南海鍾子北平高子相與詣徵余言歸以書贈爲再拜曰楊君昔以受誥命得以貤恩於親荷蒙褒獎知名於上亮由於此是故簡注不疑應聲如響然君亦喜獲自奮報効是圖懼有弗勝規箴思助焉余曰諾爲作平一夫反側頗僻者害道二三其德者疑民政以道成化以德先必然之理也水鑑惟平斯明鳴鳩君子以均一正平非膠滯之云一不可以安排能久也不視之衡乎權以往來輕重斯平雖高下在心孰能舍此惟一則源泉與同有本者如是爾心如固

結本斯立矣傳曰本立而道生雖天道亦有然者天之道純一無二也以故節候序代寒暑往還晝夜長短靡不極均而至平由是言之則二者相資又相爲用爲天子民可造其道耶楊君之得於此道者亦多矣宰邑則治績彰門貳郡則聲譽懋著及擢地官益信天道故能政尚坦夷考推平允以致馬湖之擢者司銓衡者之明也余惟臨政願治道無踰此故即楊君之長而申以告之

張氏世義錄序

張氏者杞之雲莊翁廷恩翁有賢嗣二伯希仁天元仲希義宗秩梓橋相望胥以義旌故稱世義也人致義聞爲難義以世稱爲尤難乃張氏則世濟厥美惟義是尚可以觀德矣宜錄其事以昭家乘云錄成而宗秩之友問序於余閱之則俞旨旌嘉部使者疏請名公縉紳士贈言焉曰不可弗序夫義者利之反可封之俗不還也久凡民則率已任情嚮往惟利知義而好義

者鮮幹旋臂伏乎皇風故曰上好仁則下好義
方今 聖天子同仁一視重惟烝黎荒採軫
憂戎作用戒惓惓焉欲家務耕桑戶興禮讓倡
義使赴國需表義以申邦典敷錫天下甚厚也
然而張氏之義無乃感發於此乎在洪範則遵
王之義歸皇之極也爲善行莫大焉惟皇好德
宜有福錫故於張氏則樹之坊以表宅里即其
官以晉階級 玉音自天金紫盈庭俾雲莊階
萬戶宗秩服三品孰非邦典之殊報義之重耶
中書集 卷之五 清節堂
夫貨凶者役智銅臭者忘身私室用營公家罔
計淫朋也所賴部使者與守土大夫以道以齊
以沮以勸庶民德可歸於厚張氏之捐貲助國
輸粟濟衆動至千金萬斛計甚爲義舉義而弗
彰烏以勸善如理財正辭何哉故爲之上體敷
言下還古俗累檄連章奏揚褒獎吁可以觀政
矣由是贈言日集不符若合要出於秉彝同好
愛助恒情是故欲其樂從者溢美欲其志定者
厚褒證今以援古哲引伸以盡類推各有取爾

也意人人殊旨則一致弗錄之不駸駸就泯耶
矧夫化成道寓磨礪幾存百禩可傳三益具足
是故風天下以正趨一也啓來裔以世守二也
俾強爲善者不中沮三也益者既三可以明教
六雖壽諸梓罔不宜於是大光祿卿東阜邊公
爲集其贈言而倩工刻之
送大郡伯許兩山先生之任興化序
官尚書郎兩山許君始由進士宰劇邑兩地
去思百年遺愛也未幾以徵賢能擢東省國計
司能聲益茂乃今乙未春例當百辟述職太
宗兩山則首被薦列擢守興化蓋以宰旌
德 部積勞勩矣命始下莆人士則喜郡得才
仲福照也而省署僚英又惜兩山之南征
瑞於交城解子定遠張子乃爲過請贈言用
中 意余以兩山素雋邁慮有欲言而中宿外
不可不慰其心也乃即二子探之且爲盡
言 相告曰兩山薄郡守乎曰否遠莆海乎曰
以太守行道難乎曰否然則兩山何如曰既

無喜色亦魚愠容拳拳以勉脩圖報懼或弗勝
也余曰兩山僞邁宜無此但有所告則傾企而
知赴矣夫太守 天子之命吏職重體尊承
流宣化在漢晉則察廉能始拜授往往封侯輔
政者爲之至宋則使相以行禁近以補府州牧
守之庭宰執回翔之地何其榮也興化去京不
啻數百置誠遠矣然爲文獻之區人材藪澤諸
生之嗜學業儒殆半於郡士大夫則敦禮義尚
忠節後先相望倍以爲榮官崇卑反弗論也若
能表揚尊顯以光存歿則美在彼人者太守與
撫其全然又引拔後進作新啓發使皆接階步
武成美乎俊又則彼靈鍾山川者太守與全其
功夫如是則君子願聞哲人欲親見焉夫何遠
之有凡監司則道候庭叅禮絕鈎敵掣肘之餘
實難行道雖然貞不絕俗事惟善處存乎其人
焉耳古以有皋夔稷契之志者必於守令焉見
之何哉臨民最親福澤之被及於民甚易矧夫
丞疑輔弼職已條具道不在是乎仕以行學何

中川遺集

卷之三

七

清自堂

件非道孰曰難行若乃繭絲調度征役催科條
佐司存督郵從事也太守豈能以獨勞龔黃之
化成俗美正不專此乃二子則以余爲然曰兩
山之志存乎是必能樂聞乎是也請遂書之以
贈其行

送侍御喬南庄擢任陝藩叅伯序

天官冢宰以陝藩少叅員缺疏請簡任 上

命以南臺喬侍御充其任蓋自大明黜陟之餘
至此則再疏請用也縉紳士以待御之累膺薦

中川遺集

卷之三

八

清自堂

刻德譽足徵兼貴彰金紫地重方岳榮曷有極
乃今同舉進士之宦茲留都者又以關陝既千
里之行而蒞浪復三秦之外慰若求懷宜有言
贈謂余當序諸首余以蒞浪則西連羌胡界分
夷夏所賴斷匈奴右臂而朝廷無西顧之慮者
此也駐於此不有兵政乎兵非食則士有饑色
食惟餉臺是司然侍御所職亦古餉臺也激頑
勵惰孰能無法法惟平允則人士勸服遠邇咸
懷矣此行其重任也夫伊何以勝之曰兵武事

食民事刑司民命約兵而齊衆也得於此有道
足乎彼則得於此焉何耶文事武備相爲表裏
達於政而不得乎民者未之有也矧惟執法惟
刑之恤哉余知侍御之勞以致黜無弗勝侍御
刊珉繡棗傳世述作見志懣情登高咏賦爲有
所徵見也自余掌留院以來每服武備之資淵
乎深矣由是而發爲章奏屢有建白罔不曲中
事宜大協輿論舉皆鑿鑿乎可行措諸是食特
一端之細焉者爾夫奚難有恤刑之念者必有
公明之心公明之存強恕之推也侍御蓋互全
於是固雖勿辟豈直勿宥厥中之美行可著聞
任之重不舉此以克勝耶余今臨文叙別爲侍
御喜他日之宦成職舉功樹名立上下不負邊
腹以寧兵若民皆謹羌與胡胥畏用能報政於
朝以膺 褒寵寧不以之而自慰也侍御字
伯藏南庄其別號云乃於臨行而叩問其要余
曰善推其所爲而已矣

壽靜菴汪翁序

地官許君伯和與余舉進士爲同年甚相情契
也今以擢守興化信宿欲行乃以壽其姻家汪
翁者欲有言余以君既同里閭又復連姻素行
稔知經詞斯信壽文自宜染翰也君則以濱行
治裝裏曲匆擾往來贖襍乃爲親具行能勤懇
至再且語余曰此汴之僑居久矣今不寄莊於
祥符籍乎翁雖不自至然其人則猶子也乃吾
欽中言僦儻者每翁稱歲中則或居城府或寓
田廬故人或目之爲市井之儒則不爲慍或美
其耕讀之樂則亦不爲喜充然自視人不能知
也故凡鄉士大夫乃亦時與之遊而愛其有儀
嘉其能好禮焉由是而守士大夫則亦重若者
年召赴鄉燕衆賓矣達人則樂問道玄留神內
養鶴息禽戲故今雖古稀無老態度履吉抱和
顏成渥丹也間亦客遊於外蓋爲嗜在山水境
樂洞福以故逃名於商取便登途冀得頓足名
嶽依栖奇勝僊侶倘逢道風足挹矣然卒未緣
而望猶拳拳焉乃今自游岱青齊問津江淮旋

棹於歟爲終者計矣壽辰在即極星有耀諸姻
黨宗親爲愛翁之深忭翁之至者繪圖舉賀而
圖以海屋添籌義有取爾也夫天道佑吉鬼神
福謙壽以益增壽當與並永康維祺江湖散僊
也自今其可量乎余曰審如是則君之道翁者
自足壽翁矣余於此復奚言遂錄以畀之翁名
貴壽字天錫別號靜菴乃今八月念八日實維
初誕云

送職方大夫張仲理榮轉序

中川遺藁

卷之二十一

七

清白堂

仲理舊所取士當時雖文辭焉是校亦知夫典
贍之發必其貞雅之存也乃後則果如所取焉
碩長玉立闔閭秀士愛良朋鄉推長者於曾
其君子哉未幾以名進士宰華容錦畫之還元
方值逝隱痛悲割殆無宦情可以覘其友于矣
華容之繡譽日聞監司剡薦 詔徵賢能邑政
可知乃後則左守延平轉經督府知仲理者岡
不重厥才美嘉茲政治等德議位又惜其擢喬
焉者猶常調也豈天曹之既知其才徧歷諸試

欲厚其增益熟練靜定老成以俟夫撫民重任
臨戎要選耶于今則若有徵矣故茲本兵之遷
職方惟重東陟左階榮膺實授大晉有期躋膺
未涯也向之惜者又相聚而慶焉於是僚友王
岵峰諸君子相與問序於余書以申贈且曰自
吾儕與仲理處者將兩閱寒燠矣惟其雅篤情
直安和氣正衷靡難測求以易投也然復撫謙
而蹈信抱虛而持慤坦懷布誠罔飾城府不覺
日相愛焉且能直不說隨惟義是視無遂流於
同無矯立於異雖不暴揚夫人過亦多諷諭而
規資也是爲君子之行三益之交又不覺日相
敬焉愛也敬也親之至服之深者也想自初筮
至今率由於是不然何人士以去思臺察爲旌
舉乎乃今而後之沿情體物攄衷應世知此道
亦裕如何哉人皆此心感無弗應也夏卿司馬
暨四部大夫將亦愛且敬如吾儕之愛之敬之
也乎矧由是而望以德聲位緣資陟往焉何執
諒不踰此余曰然自知仲理亦信其有此者久

中川遺藁

卷之二十一

七

清白堂

矣得子之論益證余言所患或未之恒也由是道而無移將奚入而不可

送一江王子之南安令序

一江翰林之孔目官初余視篆來南過家省視乃一江則遣隸來迓賫有尺牘披閱蓋其手筆詞藻爛如謙光足挹由是而逆知其養且歎銓部能官人也既至留院則又見若循循儒雅勤禮度其奇愛之乃彼間亦聽余論促席裹服至每每曰未之前聞未之前聞夫豈鄙論可美

中山遺藁

卷之三

三

清自堂

如此殆君向上之志篤好賢之氣盛故不覺迂談如余者過以爲佳論也遂以屬吏而求師事於余焉故雖脩儀峻卻而樂與彌甚日自相親情莫有間矣考績入京期當內轉未幾得邸報已推擢行赴于南貽余遐望也於是過辭請益書牧愛五章歸之穆穆九重念彼八閩閩之南安孰康彼民惟今之賢惟吏之循其在于今惟乃儒臣儒談六經理妙畢臻矧茲翰苑密邇臣鄰已德之明民德之新牧愛可期流瀉可淳以

牧思愛以愛思仁匪人之施非牧之真乃晉江社稷民人出宰百里祀主群神宰兼庶職道守一純勿曰術智事可彌綸矧受旌擢知名紳臺諫丞弼維汝之倫前功既懋後美是因上達有階中處惟寅臯夔之志今亦足申惠澤易及民物先春

送侍御李燕厓擢憲四川序

昔余同考禮闈士記嘗聯批燕厓卷而奇其爲典而麗敷暢閎朗度應佳士但未即晤其人也既放榜例以刺投始慶良覲玉瑩水清謙光履素溫然之養者深也曰美哉文乎其得於所養乎然猶未知其當官臨政也後以御史言事械繫詔獄不沮不撓形神自若余見而又服其節槩然猶未究其由衷也迨余來視留院事燕厓則裁獨持旁攝數道因得晤言而探若談藪器識真論議平雅據古而證今達變而不離夫正天下事若皆當爲研窮探討志存兆行也故有累疏建白舉切時弊利澤攸被者廣矣不

中山遺藁

卷之三

三

清自堂

覺噴噴歎賞曰厚藏者果大施抱負深者取用弗遺視宇宙皆分內民物胡能外之學海大觀士林其翹楚哉當是時聞已三年政成望以德馨譽馳繡重官箴考最臺省推賢焉未幾以入奏北上朝紳胥美知非內留定膺顯陟也乃辭還未久果爾擢憲於蜀蓋銓部疏請淵衷簡任云都門之餞例有言贈于是臺彥諸僚過余問序如約資集情諸意一觀者固歎夫鄭重是舉然非燕厓之行崇有積人以樂契孰能同心

中川遺集 卷五十五 五 清白堂

若此君子以之觀德矣夫扛大鼎者力罔弗勝舉烏獲之任者百鈞不以爲重是以大受者無擇於所置已備諸難不但優爲者斯易易爾夫御史言官掌兼六察只度肅僚揚清激濁抑且伸冤而理滯剔弊而除奸重矣大矣備衆職擬宰衡矣燕厓以之而著聲舉稱懋建嘉績考之仕版焉足徵也矧蜀臬爲一道云乎或曰安綿石泉舊稱難治今帶有保寧利州動以千里加之璽書戒嚴監司關白繁劇何如余曰然此

不有悉心殫智善應而不舉者乎紆謀遠覽法立而制定者乎才勝氣折爲強有力筭無遺者乎書曰有備無患言豫也矧燕厓胸中豫此數萬繁劇烏足以擾之哉夫金湯固矣守在人而訓其卒伍而已荏苒刈矣患在滋蔓絕其本根而已戎政脩矣計在館穀峙其糗糧而已三者之具猶未也然又勸農桑於野興禮俗於鄉示勸懲於誅賞程能守宰責成管轄近安而遠懷矣豈惟編氓漸被溪洞皆將不善足耻樂生自

中川遺集 卷五十五 五 清白堂

圖仍復猖狂而嘯聚者誰耶侍御沈南湖諸君曰是燕厓所優爲者矣亦所喜聞而樂聽者矣其斯以爲贈乎

送四川按察司僉事李君序

安綿石泉以及保寧利州延亘幾二千里於蜀則歌包三隅橫帶一面若劒閣則盡屬管內焉西控龍陽北接漢沔迤邐以下東望夔達也自劒以來林木陰深山石峻拔人以棧行進如魚貫舟則苦於湍流陸亦不能方軌蹊蹻焉無坦

途也夫僻險弗治草竊思張寶藏叢興遁逃淵
藪矣矧夫裔土維夷軍州互處匪得人以制之
與制之未獲其宜皆足以誨盜而長奸容惡而
庇宄難乎境宇之帖然靖也乃舊設兵憲一人
按巡提調庶幾事體有摠歸綱紀無渙散故嘗
選才遊能考名於實既得之則宸聰簡授專勅
特遣云於是永興李燕厓侍御爰自南臺擢憲
西蜀榮膺斯遣兵備此道然且刑獄屯政同
兼理獎廉去墨惟其神察甚重任也成命於
中川遺藁

卷之三

十一

清白堂

都人士相顧曰所望於侍御者欲其久任也然
贊翊經國俾凡天下之利病休否得以建白
爲興除非但虎豹在山藜藿不食而已抑何
遂行乎君子曰不然雖僉憲亦臺察也臺有外
內體則胥同於今爲執此以往舉而措之於蜀
人蜀人皆吾人向所含章而未盡者茲可布
施設也其在彼猶在此行之一道猶之四方
燕厓之美不大歟於是湖中士夫亦同此情
其握之榮念其行之遠也於是請欲贈之

其心之慰焉余曰自知侍御爲知其見者大也
見大則小物不移小物不移則決擇何有胡爲
而不慰哉人之言曰事有善處物惟順應以能
佑良而去暴上孚而下感李子之才其長乎忠
佞以分疑似以辨以知害存於所利終敝於伊
始李子之識其遠乎廣包而衆蓄兼收而並采
弗知已之有餘人之不足異辭爲卑簡亢爲高
也李子之量大而克容乎夫才也識也量也事
之幹德之用也侍御則三者俱足奚入不可使
中川遺藁

卷之三

六

清白堂

自今而位與德侔學以行盡將三事可登九棘
讓賢矣憲僉之擢特茲發軔焉耳遲見夫利澤
及民物德光照簡冊孰以爲不慰耶雖然余惟
於其官政焉卜之後之視今猶今視前也懋官
懋賞此可預知又敢爲他日賀焉維時秋卿胡
君廷評張君皆引頤微哂若欲致詞焉者因避
席以余爲知言曰望厚者言深道孚者誼重忠
告嘗生于契授孔子之有所譽者有所試矣請
遂書之何如
遺藁卷之二十二

中川遺藁卷之二十三目錄

序十首

送吳鰲江先生擢守嚴州序

送兵部右侍郎戡峯潘老先生北上序

送少司馬戡峯潘公榮行序

贈地官尚書郎李民俊甫擢守潯州序

送侍御陳五山先生僉憲河南序

送文選大夫沈雙槐擢守延平序

送秋卿劉范東先生擢守永平序

中川遺藁

卷之二十三目錄

一

清白堂

送地卿持齋張君榮擢都轉運序

送憲伯須南野先生之任陝臬序

賀王母常太淑人八十榮壽序

中川遺藁卷之二十三目錄

中川遺藁卷之二十三

大梁王教庸之著

序十首

送吳鰲江先生擢守嚴州序

天官尚書郎吳君司封 帝命守浙之嚴蓋銓

曹推賢維新顯陟士林榮之文選大夫沈子暨

諸同年進士之官於留都者相爲問序以贈用

彰今德謂教當有言也余則曰司封之秀朗何

其輝輝逼人故雖溫村外見陽秋自存當鑒內

中川遺藁

卷之二十三

一

清白堂

融妍媸不素宜膺銓寄也今茲出守豈 君相

之重惟民牧借乃才賢歟既明黜陟之餘不爲

無此意也沈子則應以其然而來速贈言者再

余曰諾作道濟夫天下之道治爲大所以致治

者二政與教而已矣其能濟此以行動無齟齬

者亦二嚴與寬而已矣然是二者夫人能言之

亦夫人能行之至若臨政願治乃或得於此失

厥彼舉其偏者墮若全亦往往不少其故伊何

任情而罔任道也道者何中焉而已執於寬嚴

者非中用以相濟者斯中中行而道存矣見於
經傳舜與孔蓋言及之曰敬敷五教在寬敬敷
嚴矣濟之在寬斯教成曰居敬而行簡以臨其
民居敬嚴矣濟之行簡也斯政舉然是二者其
本則一其用則殊施行有先後而輕重無本末
所能適治而爲時宜之道也道之大原出於天
今夫天高卑以陳貴賤以位日月星辰不違其
次寒暑晝夜不爽其期雷霆以震霜雪以威以
至陽生陰殺之各以其則播善禍淫之不昧其
中用道義 卷之三 清自堂

以成夫嚴爾司封寧無所擇乎

送兵部右侍郎崇峯潘老先生北上序

聖天子以本兵之任重繫軍國所求於卿佐得
人樞密可托者不但計惟年勞叙兼資級往往
僉同於廷議程功於任使必其奉勅有虔歸戎
無怠以能茂績於邊陲有補於建白澤被於烝
黎愛道於瓜士足徵於 聖書褒獎金幣蕃錫
斯疏名上請仰俟 睿裁也于是南曹兵侍我
峯潘公始膺 簡注之榮特拜喬遷之 命矣
爲丙申之夏四月望前乃裁奪則戒彼僕夫嚴
裝治具將爲兼行就道趨赴 闕庭瞻宸是棘
暑雨徑冒雖舍人之固要南轅還省于家弗顧
也縉紳士服以難及曰直道之行忠悃之著乎
卽此足亮其餘焉維時微人士之遊南雍者如
程霖孫仲虛輩乃亦師事於余余莫能止爲之
狀公宦蹟求言申贈蓋以余視事留院知我峯
必負矣初余至止未幾公即欵延開出三錫大
冊索留鄙作始知公之于遼于齊魯于閩海道

率皆惠存可久功在不磨遺事足徵其棠可詠
且信乎鄉評實錄固不阿私於所好而明廷
所以擢授匪輕登崇慎重要皆采先秋實視綏
春華考名于德證譽于才一賢之舉百寮之賀
也乃今我峯之行所以賀者在堂聲聲焉不已
矣雖然余又重感夫世之論人若有似於論者
論之伊何必曰德望也才能也學識也非德無
以爲望非才無以爲能非學無以爲識學識所
以養夫德望德望所以主夫才能才能所以運
夫學識故曰德立則望著才具則能周學博則
識廣然是三者始相爲體終相爲用如鼎三足
缺一不可一不可缺况其二者三者具全斯稱
大器以証古賢之茂樹勲庸稱情輔佐其道無
由率惟此爾自余之胥晤我峯古人如在目見
其有此三等符合於夫人之論也故曰若有似
於論公者今行矣柄用在即陟寧階無幾矣子
既鄉故郊設餞筵引爵作別必有詞致鄉情不
淺詞曷厭深凡余所見於公者可遂援之爲詞

敬以告公乎豈徒告焉亦以明子之賦以見志
云爾諸士曰唯唯

送少司馬我峯潘公榮行序

嘉靖丙申四月維夏留曹少司馬我峯潘公榮
膺 寵命驛書 召還聞者稱羨曰不器之才
試用也久譽以德馨資與望俱重矣其廷議愈
諸 淵衷簡注乎維時同官留都者諸部院司
寺之長其僚友曰寅清有協靖恭無斁所獲於
微詞之諷寓意之箴恒多矧復大義規貪名家
法守弗忍別也於是有所贈諸郎署之大夫主政
其屬職曰馭下則貞而裕體物則惠以公事惟
洪綱之持不毛縷爲苛察然亦弗能欺也伊孰
不誦若美乃茲行胡可留之於是有贈其鄉士
大會集都下者胄監之英縉紳之彥亦莫不曰
盈浦無自恃貴盛不以驕人謙尊而光鬼神其
佑矣故雖宗門之亢至有諸郎胥顯三卿同朝
飲爾自居溫乎罔改夫道履可望而不可及也
亦相與以爲贈諸部下之撫軍將軍武弁而儒

行者率皆好德向上本出由中固知夫南北雖異惠澤則一贈以効誠情其庶幾矣乃造撥船廠把摠指揮使劉遠李果介於武庫楊子請請叙言楊子余所舉士今為我峯司屬也不得謝二使進以拜曰受知者圖報感愛者思酬行者弗能攀意者其有贈乎贈不若以言言出於太史焉斯重乃復頓首為請余曰公大人也惟汝日侍於庭必有覲記可得盡言之歟曰莫能盡也念惟身所親承者口可能枚舉也其使人如借其惜人之力也如不足其有所誨諭也諄諄然如子弟人孰無過至不能掩覆然後治之又于于如父毋何其仁以所知而被委不疑以督役之速成苦難繼也故恒優其期以人之冤抑莫伸困窮罔告故嘗推情以置若腹又何怨登高能賦述作可式所見於章奏啓札檄牘教令劇乎其文也明以斷政簡而肅臨機愈奮伐謀千里公自視則儒素人視之如沉武也取證於撫巡遼海完築邊壙皆人所難為公惟尋常易

事也然亦故疏
能盡述焉夫仁立則知行有文事也
甫其興周武惠其宋之
縻括其狀界以待贈云

贈地官尚書郎李君後甫守潯州府

字

地官大夫李君民俊以令潯之民隸守潯陽宸命始下朝紳胥其不知者曰勞勩足酬其知者曰惟資望亦故宜乃李君則治績有徵於

中川遺集

卷之三

七

清江先生

宦牒行能無徵於宣歲日著清譽於茲緒纒是以德稱長民銓部推賢覽名上請 歸裏簡注爾夫政理斯化宣遠懷則通寧綏柔是資屏翰以賴其惟良二千石乎故為之五駟里等十里專城雖從古亦然任之重禮之優也於是李君則喜與懼并慮隨榮至乃過辭僚友李南墩輩曰維茲行方面大寄也矧夫夷夏雜居兵民胥仰豈惟六曹賢萃百責伊何以不負幼學仰副膚首哉蓋欲送者之惠贈有言也其謙虛為受

益乎乃南墩則詣以問序裝練請書義不可辭
亦莫知何以相告焉因思人之言曰爲官擇才
毋寧爲才擇官君子用才之道也以身試于難
毋寧避難以逸其身臣子持身之節也凡天下
有異地無異人有異人無異心有異心無異性
何也心也性也皆具於人皆出於天也性同則
道同道同則教同教同則政無外矣政以弼教
匪教爲行教以明道匪道曷立以道覺人雖夢
亦寤心感故也而況於政教既敷風行草偃耶
中川遺業 卷之三 清白堂
太守則事兼君師職專政教即其入之道以治
其入之身即其入之身以化其地之俗所感在
此所應在彼孰爲異地孰爲異人通天下皆然
也奚疑於潯州之遠哉文獻日彰禮俗家前潯
爲名郡於貴陽有年矣得君以臨治之地緣人
重教以政成乃今而後將百廢俱興一變至道
直屈指可計其成尚有阻於難乎他日榮擢去
郡棠愛在民將如向者之宰房無幾去思有碑
也人心之同逆可豫知惟君其諒之

送侍御陳五山先生僉憲河南序

聖天子同仁一視溥惠八極求寧觀成爲官擇
賢然尤地重本根備先戎務於是江以江淮之北
河濟之南凡屯營關渡畿輔郡邑所有之訟牒
奏牘廉察聽斷以至摧擊嘯聚練用卒伍不可
無專職也因置憲臣一人爲節按錫之璽書以
示執掌兼之兵食以防調發限之疆域以明控
制本之憲綱以重威權使壤接三道者政有歸
一城專千里者事得稟命賢能往蒞之斯可也
中川遺業 卷之三 清白堂
是以天曹擬請 淵震簡注朝命初下士論同
歡曰五山之賢宜有此行矣時與劉愛山爲同
官留臺並馳繡轡茲復代李石疊叅伯之舊任
皆才望也故人以一官而會集三賢焉爲香美
足徵天下多才矣維時侍御沈南湖氏朱
氏問序於余庸申遙贈且曰五山其賢矣乎賢
宜有贈贈宜有言言出於史氏斯信信斯傳傳
斯不泯余爲辭謝之未能蓋是時五山以考最
覲京過省親舍既得命即赴治所雖後會莫遲

也乃因二侍御之論爲思其美弗置夫冰蘖見
節操金石見貞慤惠愛見臨民端嚴見持已建
白見論奏激揚見舉劾以至器重於臺省稱善
於縉紳自余視留院以來胥有微也不賢而能
之乎先是余官史氏時嘗見五山以言事逮繫
勁氣弗沮形神自若如履坦亨即已偉其局度
矣矧今復閱歷之久耶東爨之好士願思齊臺
議惟清善自莫泯于今之贈知非循例而已也
雖然亦不容無一詞以嗣諸未夫訂謀者繁長
中道集 卷之三 十一 清白堂

大觀者畧細正則幹物而不易中嘗隨用而咸
宜是以君子守而無數大人以之有終賢如五
山信其必能此矣乃今而後益以公輔重期台
鼎厚望也豈直此行乎哉陳君字道源始以名
進士官大行自大行擢南臺御史五山其別號
云

送文選大夫沈雙槐擢守延平序

余家古東昏城去東明未遠也南北相視止隔
一水姻黨耆舊互相往還時而晤談則競道雙

槐之遺愛者盈座於是有去思在口碑蓋雙槐
嘗宰東明惠政之感民如是爾固難屈指枚數
若郡守葉公之署其考者有一私不立百度爲
貞之語以一識百足證其餘也部使者交章累
薦遂晉秋官諫訊推賢嗣擢選曹繡斧日蜚賢
勞彌著臺諫讓能公輔望重矣于今則復膺顯
陟出守延平不知者或以城專千里車增五駿
榮之其知者又以爲道可資世澤足被民是曰
得行乃雙槐則兢兢以 聖天子民牧是重
中道集 卷之三 十一 清白堂

簡用匪輕圖報惟忠効職爲悅必至垂芳百年
而後已於是秋官舊寅之姚江吳子暨平定白
子黃岡胡子問序於余欲申言贈余又聞沈氏
之在崑山科第顯名代不乏絕詩禮家傳人相
競爽自宋沈侯以來奕葉相承將幾百祀迨入
皇朝顯者彌衆始證之郡與邑即可知初雙槐
之在東明去城武無二舍今赴延平又將出建
昌望壽寧必由之道也蓋城武乃其先大父麟
臺君所宰治建昌郡城又其曾祖爲綱菴憲副

者兵司以能親勦巨寇開設縣治甘棠之詠隨
在猶存報德生祠血祀未毀也所喜瞻拜像設
諮詢遺老用見夫祖孫濟美德業襲芳後以紹
先宗門強盛維馨之政兩地相聞濟物一心累
世胥美無愧乎擅於東吳載於邑乘歷數代爲
文獻世家也雖然此得於家塾者書香施於國
政者宦績成夫顯揚者孝思報夫 朝廷者忠
蓋負重之有流澤之慶咸於雙槐焉是任必能
益懋嗣先之功以綿裕後之福沈侯清風不惟
弗墮於今又將加盛於昔焉請書之以俟

中川遺藁

卷之三

三

清自堂

送秋卿劉范東先生擢守永平序

初余童丱遊鄉校猶能一見黃石先生而被賞
識焉先生蓋范東之尊公時以文選大夫叅行
省政於河南云頌長玉立朗秀氷疑宛如雲霄
中人僊風可挹不見者殆三紀有畸維時於范
東尚未識也後幸同第始慶良覲儼然黃石先
生之氷玉爲形局度重出然范東纔妙齡清雅
益茂大器足占一會之一見黃石也夫璞以瑩

輝淵綠珠潤外之著者其中之存歟是父是子
庭訓有傳文藻經學當并名世故范東爲御史
則又奉 璽書督學政南畿多士至今懷德而
君子之論價重益珍曰有大蘊蓄有大布置一
長無足以盡四科可指其三也故雖欲訥之詞
若不出口然而直任敢當度德尚義以能常格
罔拘素履是視者疑若能言之士或未敢先也
是故敝歷所至隨在著稱無間於爲臺憲爲州
府爲秋官大夫是何也所存者有其具也有其
具則往無弗宜矣乃茲銓部推賢擢永平太守
夫太守古賢將永平復畿輔重地邊關鎮城夫
豈不榮然而時望范東者若不但此也豈廟堂
以南曹之簡父淹利器故借盤錯使得自見乎
抑永平遺愛詠滿甘棠人士倦勤欲重得召父
乎不然東海蕭郎之試守平原也其斯以爲卿
佐之資歟乃同寅之江山姜子南通馬子過余
問序曰年家之誼不可無贈余曰范東之往無
弗宜則余亦已知之矣茲復奚言夫情深者望

中川遺藁

卷之三

三

清自堂

重誼厚者規切都門之別何以執手無已則有三焉求平不遠以古盧龍塞或有目爲遠者今其勿遠之哉太守不輕以事涉司存或有視爲輕者今其勿輕之哉民事不易以惟高下在心操縱由已或有處以易者今其勿易之哉所能勿易之必有道也得其道則政以禮成俗以化正所謂不輕之職任者斯舉能舉之則上安而下順近悅而遠懷口碑有傳置郵無礙輦轂之下風蜚日聞矣遠者果真遠耶矧夫臨民最近膏澤易施他日虞庭之佐皆今者畿郡之起也而又磨崖之刻照耀山海夫然則宦業益懋登晉未涯將增光黃石濟美元宗者大矣又不預可賀耶

送地卿持齋張君榮擢都轉運序

初余遊南雍過鍾離已聞定遠張氏之昆季競奕云科傳桂籍業紹書香鳳止荆巖鵬宿海窟鄉評以爲大器有成聯璧無玷矣歲癸未玉季抑齋與余同第持齋猶暫淹南還奮欲倫魁海

內未已也居無何以母命出就選中部元領欽除贊治天卿大協人望於是四部以服諸廢用修選集者改觀大夫士稱能也嗣擢兵曹戎政以賴不但佳聲今聞靡損於前課功程能益崇於後君子喜其出而美其克有爲也乃未逾年以擢地官正郎於留都其不知者曰解繁就簡自內以出外若所弗堪茲不有愠乎其知之者則又曰階以級崇祿緣官重綰章司鑰大夫其榮矣爲喜當何如乃持齋則既無喜色亦無愠容曰賦命在天受命在我欽命在朝廷人何與於我哉勉惟職業是修名節是保以順吾命而已矣敢擇官於此耶蓋是時抑齋則南謫未徙太夫人之情況可知故茲便道省覲奉慰慈襟兼之得迎養有期承歡無既庶乎已之誠可竭第之念可紓也夫資父者望重勞績者譽揚金紫所以彰德擢拜自不能無漸于是而有同知都運之轉專推典司乎離政矣人之視之若惜其行而持齋之處猶夫前日之心也然抑

齋亦內遷於青齊焉豈其孝友之篤有以感於
天而應於人如此由是僚友諸彥榮且異之乃
地官大夫蕭君過請序言欲申贈情且曰隄政
國之大計也外供軍需內實帑藏飛輓藉之以
省其勞工作取之以利其用矧長蘆所司則上
供官府下給百司兵民以資畿甸以仰無容一
日缺也于今則法壞於滯過行阻於難售引亂
於夾襍商苦於窩占不得人以理之益將敝窳
蠹隳日見夫不可爲矣此持齋所以銓部推賢
俞旨報允而運司之凡百執忻忻相語孜孜望
至焉余曰人固惜持齋之才且賢矣即今以驗
諸後果信其才且賢不虛隆也暫此一行真有
餘裕哉雖然才大者難屈於小賢有德終當大
就宦階之穹升必以自理離一事可盡持齋之
蘊乎遲見其從此升矣蕭君曰然吾亦能忖度
之

送憲伯須南野先生之任陝臬序

侍御涇君之奉 命按督承委巡視者不一蓋

督即事報績建白以從爲 國興除舉劾不避
矣由是而知名於 上待擢已久值天曹冢
宰以陝西憲僉列名請用得蒙 俞旨陝人士
胥慶乃侍御則誼重年雅過辭且謝爲道其職
兼邊陲恐負委託意甚惓懇問之則又曰天下
諸司皆不易惟憲司爲尤難職專提刑民之司
命也伸冤理枉重繫民命死者無辜傷和召異
肅察貞度紀綱百司矣可不謂難歟乃今則戴
此諸難然復政兼兵食治統邊腹獨當一面控
制千里欲使外寧而內謐民嬉而士勸撫綏不
害於持法振威以存乎立愛難中至尤者也伊
何以剴繁治劇者爲提綱撮要之資乎于時南
庄喬子南湖沈子皆與教爲同年進士涇君又
侍御同寅也請請贈言書見別意教曰涇君其
賢已乎體量弘雅風裁茂著是能持重履貞務
大而畧細也言司所宜經國仰贊于今則職按
方隅察姦屯戍固雖勞以妨思獄隨訟聚然而
迎刃之解望風有畏以致徵賢之詔計日可承

若特舉所有以措之耳奚慮其難哉雖然物
墜於所玩事每眩於不自知恐其難者謀必周
詳忽於所易者敬慎必不至若乃繁難之務而
靡敬慎之處其不眩而廢者幾何頃君於此蓋
能有所見矣觀其初開有命即惕於難中切之
懷上曝之誠也矧夫既當其任已食其祿知惟
報績是圖輸忠自効亦如今此之懋德南道也
敢易易乎哉所謂舉所有者以措之知須君之
平生存主者在是矣不然孰不自負而示人以
何難之有哉二子則以教爲知言請書之

中川遺集

卷之三

六

清中堂

賀王母常太淑人八十榮壽序

冬十一月哉生魄後爲王母太淑人之誕辰
辰先是南臯以勲恩累封晉拜今命迎致官邸
榮享祿養也海福莫涯星姿難老壽錄之增喜
開八袞云南臯公則報政在即啓行無幾留臺
侍御諸君以行有贈者維其常乃若事匪易遙
衆以歡慶如太淑人之養備鬻牲壽增遐筭者
義不可無賀也於是約集留院徵余序言且道

及淑人姓常氏人皆曰艾而蒼耆而耄足裕乃
後以爲福先者淑人壽矣既壽且榮以膺夫帔
鳳珠翟 綸章璽誥封階如彼其高矣順以敬
恒貞緣靜求以能動見柔嘉形完陰秀視明聽
聰無改於初肅乎其家政有閑壺範足法也是
不備五福耶用致南臯之自御史丞京府自中
丞貳邦事爰自初筮殆三十年有奇宦跡半天
下膏澤之施在在霑惠也固雖匹德封君積垂
善慶致有如此然而慈訓義方以如穆姜之於

中川遺集

卷之三

九

清中堂

文伯者文伯賴之以成今名也豈曰靡所自哉
其移美封君用終其刑于之道休有烈光是能
承家也自今以始又將奕世彌芳宗門愈盛爲
家世之功德何如天豈無知正宜遐壽余曰然
誠如高明之論余亦信其若是也夫謂天蓋高
所祐則吉不顯惟德必食厥報竊嘗粵古以驗
今因來以察往未見其至有爽期感無弗應理
之必然故也吉非在他存乎女則則貞也順也
婦之道母之儀也絲素無染玉純靡瑕也其謂

所稱於太淑人之德乎伊孰以報報出於天其
諸所錫於太淑人者之五福畢完百齡無既乎
天如容心故人斯謂之報矣矧夫公卿屈貴拜
賀登堂其爲榮壽也莫大求之載籍亦不數聞
時一僅有必其子之德業位望真爲太過人者
重其子及其親也敬其親其子悅也以之而即
事考德詞豈貴多南臯之懷於是益慰天下之
觀德南臯者此惟其一亦其大者爾丹青可傳
繪圖以俟

中道集

不卷五

序

清白堂

中川遺集卷之二十三

中川遺集卷之二十四目錄

序十三首

賀楊母王太宜人榮壽序

送少司空南臯先生王公考績序

送地卿大夫陳君擢守臨洮序

勅封太安人繆母顧君壽序

贈明府希北張君臺章交獎序

贈南京通政司叅議春岡劉君序

送劉澄甫令安化序

中道集

不卷五

一

清白堂

詔徵風憲贈希北張侯榮行序

贈貴池汪南畝賢侯壽七表序

萱堂榮壽慶鄭母太夫人序

贈西渠楊道長擢僉廣東按察事序

贈太師保桂洲夏老先生榮壽六表序

序史學答問

中川遺集卷之二十四目錄

中川遺集卷之二十四

大梁王教廨之署

序十三首

賀楊母王太宜人榮壽序

太宜人之壽錄綿延喜開七帙抱享履倍動循
女則不以耆而見渝長筭與福兼隆胥盛是果
何能致然內言不出人或未之知爾蓋自結悅
有行完璧無玷至於今殆四百有二十甲子松
持晚翠於貞堅竹不改容於勁節山以靜而后
安水本源源弗匱也然而女士之行食報宜閑
自天佑吉未錫純嘏乃今麟嗣以道之贊政督
府 帝命褒嘉贈其父如已官母氏封太宜
人矣 璽誥頒及神若默相正婺誕之屆期適
承 恩而拜受榮以服彰壽與貴并君子曰美
哉陳母之子貴貤封也異哉蘇母之慈教被
命也蘭桂滿前賓客宴集于時武選陳子屯田
樊子皆以道之鄉契厚且年家焉相約以禮重
黃者詩詠眉壽在昔先民之已行也矧茲鄉誼

中川遺集

卷之二十四

一

清白堂

中川遺集

卷之二十四

二

清白堂

矧復年雅矧爾蒙恩而大受寵命賀一而宜者
三焉弗可以無文乃爲問序史教教亦年末不
文是愧既舉其槩如左再侑觴而申以詞曰母
之德貞且亮兮重關悅順以爲養兮敬共壺職
承以亢兮夫陟巍科藉惟賢相兮德貞於一專
靜而久兮和熊飼兒義方是守兮仲以麟軒季
成鳳偶兮并瑞于周歸德慈母兮乃二子則遜
席起謝過以余爲知言擇在座之髦士遂使變
徵以歌而歌工之解音者又能被之絲竹諧之
金奏喧闐盈庭和樂洋洋篆江姜子之來至也
後入其堂聆其歌幡然以起若有感於中者曰
有是哉太宜人之懿德著聞也邇嘗莊誦制詞
所云亦惟順以相夫慈以成子而首先及之無
乃渥典旌賢其斯以爲大乎於是復再拜以賀
送少司空南臯先生王公考績序

初余偕計至都下鄉士夫枉過者每以南臯公
爲人才首稱時已御史在臺端玉壺瑩澈冰操
清嚴擊彈不避忌剖斷無滯留不止知雜者是

賴端公大夫亦就質疑罔不事如其言曰侍御之閱歷幾何熟諸典憲如此年齡雖富其臺中著蔡乎未幾以薦賢擢京兆都人士以慶余尚未面識也嗣蒙傳臚濫及叨受 恩賜南臯則奉 欽依爲迎宴爲送歸第登堂納拜遂慶良覲談鋒有決道矩弗紊整然其著之外裕乎其根諸中也乃信舊聞之真果名下無虛士旋即擢中丞載 璽書撫兼齊魯統接淮海矣夫資深者望重德蘊者譽彰於是內臺超遷特承

中州遺藁

卷之五

三

清自堂

簡命蓋 淵宸之知名已久遂出常調然爾矧廷議僉同天官疏請可以拜受乃南臯則堅辭弗拜足徵所存匪直縉紳稱服聞高風者齊爲誦歎曰古之人其儔匹歟爲之興起乎善思齊於賢移美夫士林多矣自是而撫巡操江者復將十年民之安之可以情見齊魯則戀如乳哺焉浙越則畏如神明焉秦雍悍直始至喜終去悲焉可以規撫政矣及今陟司空貳邦事又惟國需是重民力是惜謀竭肝衷動至白首也事

積於實人孰不感以故諸江師暨諸公徒又皆戀之畏之喜之悲之亦如向之在三省者弗止於兵民用嬉將校政觀而已君子嘉其政之善願其當入輔也乃茲報政朝京必膺留眷大司空石菴蔣公與其四部尚書郎問序於余用申言贈余惟古人之出以用世義以行道未必歲膺顯陟月食厚祿以能威福由已高下任心然後謂之道行亦盡諸在我焉爾何以盡上不負國下不負民中不負所學官箴罔愧省已有怡

中州遺藁

卷之五

四

清自堂

也自南臯之筮仕迨今奄及三紀視公務如家政視小民如嬰兒視材賢遺逸亟欲同升視巨猾宿蠹大奸惟恐力靡能去去莫能速至爲累章薦達百計察黜若曰是利害之大者故今更服民懷被薦者或至卿佐政隨官理績以歲茂於所謂三不負者有一負耶此爲道行南臯所以有怡若夫穹階高級未即超登任之道付之命也豈其累於中者哉可與知南臯者道焉石菴謝曰吾亦受南臯之知久矣然亦深知其人

誠哉其有是也

送地卿大夫陳君擢守臨洮序

臨洮古雍州右境於今爲邊徼重鎮秦蜀要衝遠控胡虜近接羗戎城專地險勢雄天限以視汧隴肅涼實相唇齒屹乎爲金固湯深名區鉅郡據河上游作屏西土故雖繭絲不甲於膏腴而保障實藉夫巖阻是以司銓曹者往往爲地擇官爲官擇人爲人取才爲才取長不徒徇人焉以私其官而已乃茲地卿大夫濟南陳君榮

中川遺藁

卷之五

五

清白堂

膺顯陟出守臨洮

命下于

朝關右以賀

僚友楊

董亦喜夫良翰有人鎮城無慮欲

申言贈以昭忠告爲請留院問序中川子曰逃爾山程復此塵鞅輪蹄登登踰陝越函陳君不憚於遐征乎曰否聞其有四方之志也亦喜得行其學焉厥土瘠以燥厥尚儉厥氓悍而尚氣力厥賦恒縮以蓄厥需恒告匱陳君不苦於難治乎曰否其才則敏以瞻其令則簡以肅頃於總巡諸吏焉見之知不以苦難也曰然則必大

中川遺藁

卷之五

六

清白堂

有施爲歟於是相視而噴噴歎服夫無弗容者大受不器者君子惟逢盤錯利器斯別此陳君所以遐征弗憚難治罔恤施設可占其必大也夫太守古賢將匪直長民亦以長兵匪直司養亦以司教匪直右文亦以閱武匪直治內亦以禦外招揀必先於撫綏足食必防於農政積儲以供夫調發素定以俟夫應變非獨臨洮則然通天下之守一道也矧洮郡爲用武之區邊城之重乎此銓曹所以資望胥擇不敢輕授陳君所以圖報惟忠不以勞辭且能持謙受益欲獲贈者之有言也予聞其歷試郡邑俱稱賢能舉而措之茲復何言雖然惟不可以小試之夫環慶洮河皆韓范所舊治邠岐靈夏不能無周人之遺澤君行而觀禮於都問俗於野以道爲從遠以時爲增損斟酌無爽裨益良多布之施爲者有以今日之法制萃古人之經緯如是則得丈於尺隨機足用他日推良二千石副九五望者陳君必治最之首也可曰臨洮邊郡而小

視乎哉

勅封太安人繆母顧君榮壽序

初余任史氏時已聞滇陽繆子之賢聲藉藉云
玉評價重冰徹材清中蘊者守力互定以故外
施者則酌量異宜縉紳士胥重之尋以抗章干
廷論列時事雖獲出補而聲聞益賢有用之才
無適不可也乃今余視留院事繆子亦晉爲秋
宮大夫凡所聞於京師者又於南曹焉足證縉
紳器重亦猶夫昔適季冬望前爲其北堂之婺
誕初朝吉膺天相壽籙彌增於是故所臨治者
夷陵泰和之鄉士如符卿歐南野暨太學生楊
卿輩相與問序於余庸申昭贈知皆感桑梓之
餘愛繫棠蔭之末懷云爾夫沐乃子之惠政移
敬必於其親表母氏之壽善則萃美之源有自
故今啓狀載讀具見諸美蓋自名族茂德歸事
恕翁佩服蕭命克閑婦職致翁之發身賢科敷
歷宦途保節完名遺愛去思者其內助之功居
多翁嘗喜曰室得良友家賴賢相矣所以麟嗣

中川遺集

卷之七

七

清自堂

繆子之家學有自既壯欲行又能登進士官臬
省 勅命寵嘉得貤封母氏太安人焉緣流沂
源固恕翁之善慶嘉集有餘不盡如此然而斷
機勉學嘗瞻示戒亦太安人慈訓有方壹言足
範也乃今玉季宗堯倫魁鄉薦亦本於慈誨然
爾他日之累 誥重封寧可量耶夫厚積者發
長種德者食報存仁者惠後信道者腹中之數
者皆足以裕身綿福感天獲佑於宗門則亢於
世家則宜太安人所以榮偕鳳配貴鍾麟祥膺
全禧於未艾獲大壽於莫涯者豈曰靡所自哉
戚姻族黨咸喜其壽有爲致頌者曰惟太安人
克敬自持婦德以順母道以慈女士之行陰教
之師宜茂松齡食報無期金瞻子貴玉抱孫枝
琴瑟在堂援申頌詞余聞之爲嘖嘖歎賞曰有
是哉足徵太安人之賢淑著稱矣惟賢且淑斯
享榮壽惟壽且榮斯稱全禧禧以全爲難全而
有徵頌斯作矣家乘垂光鄉評其并美因併書
之以足贈言

中川遺集

卷之八

八

清自堂

贈明府浹北張君臺章交獎序

余自甲午歲視南翰事乃未暮月即知浹北已出宰儀封矣蓋聞諸燕厓李柱史云曰順長玉立清澈水疑其能刺繁不匱以逢於博識之原應務有餘者又定守之弗移主之也感時乘會遂領欽除屈大於晚成之器急急欲壯行其學焉絃歌治聲南翔有寄乎余曰有之嗣晤胡文明秋官王望之廷評皆浹北之鄉郡故知所爲叙述其平素雖殊大較與燕厓所云無頗異要惟許可之詞旨兼企仰不一而足也迨余入京闕會浚翁翁家儀封以余亦同巷僑寓曰子知吾邑之有賢侯否既謁選來過辭因取邑數事謀更張彼但應以此無難此無難不談及施爲次第也始亦甚疑其何易言及下車施設有章謀爲無素以次而改易剗剗振作興修咸中條理不啻如吾之所云者耳然且多雋美焉非賢而能之乎余曰然亦嘗聞其人於昔矣必其材長志遠明徹辯析有以力勝厥重氣吞諸難故

雖未蒞任則已民情物態如在目中一蒞之不覺亟成易舉順治而優爲也未幾還南始慶良觀日見其諸所行政足號神君果皆質之前聞無弗符者嗟夫驥德何止於百里牛刀暫淹於一試孰靳乎譽繡日蜚製錦傳誦哉是以督河大中丞暨臺憲監司交章獎勞徵賢有期擢喬無幾矣邑廣文暨諸生茂材問序於余庸申贈賀余不能謝亦莫知所以致詞念當自今以始必腐剗薦爲述其所得於鄉評士論告夫邑人士之未知者以見浹北之旌異故宜雖交獎或未盡諸生輩咸以爲然且避席謝曰今喜有聞矣繼而曰儀小邑也侯筮仕之初也百里則甚近也天下之事侯則視爲分內也請於交獎之餘復有所申言可乎余嘉其美不忘規忠告之益也爲申告曰保大何有於小慎終斯全其初務遠則近者焉往任天下則邑政罔不該是以君子必大者遠者是期有終是勵天下事自任也甚徑而不迂孔易而匪艱視以迂且艱者感

也惟滹北可以語此則亦惟滹北可以望此敏
練者其人負載者其器哉余將俟觀其成矣諸
生又欣然喜曰請遂書之

贈南京通政司叅議春岡劉君序

余初不知春岡爲誰氏蓋惑於稱號者之相襲
弗一也往年以入賀往回得馳置郵日見有木
扁刻高屏素壁所大書之浩歌長吟雄篇鉅
作虹光劍氣照耀室庭至紀歲月之餘在在題
曰春岡停輶誦讀嘉賞再四登高能賦必作器

中道集

卷之四

七

清會堂

能銘師族能誓矣其諸大夫之文乎乃後始知
爲劉君侍御別號春岡也客曰然此奚足以禦
其平生不見夫凡百職掌克舉必張威與惠兼
春融秋霽也然復繪文以飭諸政據經以斷夫
獄三代遺良柱下史倚匹矣四方問禮者其有
待乎維茲仲春乃春岡以銓部推賢 聖天

子簡注爰自西臺擢南京通叅應宿執法遷古
納言也於是松臯許公浚川王公既同鄉諸大
夫士相爲醪金開宴飲饌都門酒既行爲執卷

岡之手而慰之曰吾子之文藻有徵氣節無忝
中朝才俊也夫報者天下之利欲人之食報者
必爲稱其功能品其祿秩然後視之者勸當之
者榮吾子今榮矣朝紳之望子顯陟亦久矣備
洪猷之黼黻者文士所攸宜丞弼法從之臣固
知非老成節義者不可惟吾子其人今此之
行其勿以爲遠哉夫養之洪深有發必大閱歷
之熟聞見之真後將無施而不當矧南京爲
皇業肇基根本重地紀綱法度所由立武烈文

中道集

卷之四

七

清會堂

謨之具在 神規聖制一一猶存出納駁復獨
通政司可畢考此行也其得審求詳錄兼蓄而
胥采之哉舉而措之爲助於黼黻丞弼也益大
子可視爲遠耶於是春岡則喜若有獲而諸公
之欲識弗忘者屬爵於中川王子爲序其事王
子曰諾引筆叙言俾以書贈

送劉澄甫令安化序

修武劉君澄甫脩髯而玉立溫謹而秀朗湛心
群籍游情六藝故雖字法焉亦動端楷鄉人士

及守土大夫咸器重曰倫勉鄉闈寄階仕版此
余昔過其邑飲其饌登樓作賦遂以留別乃澄
甫則累困場屋竟以勸駕貢於京余時叨館職
領太史乃再會及今謁選入覲余亦以南翰擢
成均蓋至此凡三會焉道軌作節惟上是向雅
飭悔悔不異於初也夫人恐弗向上爾能知之
則必亮直而惡譏諂高爽而戒卑汚方嚴而羞
苟賤端裕而遠陂邪然是四者皆道也物則之
本然事理之至當也執之則德可求成擴充之
則功可崇業則廣無攸往無弗利焉是故臨民
必愛而公事上必忠而敬律已必介而有恒應
物必周而無滯政令必簡肅而衆悅興革必通
變而適時刑不濫及德化是躬俗不苟易禮教
是興未有不由中達外自邇至遠用前聞其學
行義以立人之朝者也乃澄甫則榮頌 欽除
得陝西之安化是其初雖垂翅於鄉閭終能奮
翼於皇路也戒行在即過余謝辭余嘉其向上
之心軌道之行果爾不負其平生行見擢喬於

中道集

卷五

七

清江堂

大僚也筮仕之始此特一躡級漸晉爾矧夫民
人司治社稷司奉職臨於下而惠澤易施圖報
於上而臯夔稷契之志可行自分寧可量耶維
時鄉縉紳之送君行者裝練請言以申殷意謂
余當有言於首余因書夫向之雅晤於彼作賦
爲別之由以見乎情不爲輕猶夫人之器重之
也又推夫其所優爲理而可必造者以俟效成
於此行且曰其慎之哉方今 聖天子愛惜
人才三途並用安化何能拘之其益勉諸
詔徵風憲贈浯北張侯榮行序
嘉靖庚子夏五月幾望浯北張侯以部檄徵取
試補風憲蓋欽承俞旨也少尹董君乃介以蠶
岡進士求爲長短曲三疊歌以郊送余方治裝
南征辭謝未暇又念夫浯北之雅義不可無一
言乃進少尹而語之曰麀裘之詠自昔有聞儀
之人士不有所詠於浯北者乎顧君未之采爾
歌以送侯何以踰此請爲君述之初余掌南翰
寓留都侯入儀則始視篆也儀封人之至止者

中道集

卷五

七

清江堂

能道彼興隸之歌詞曰惠以政敷政以簡肅
哉爾僞以昌辰告錫彼稂莠植我嘉穀維國之
良賴此民牧余曰惠以無僞仁也肅以劬奸義
也仁立義行威與惠兼民感而且畏矣其斯以
爲牧乎此蓋初政維新民以安之故以歌之也
不然其不怨譴者幾何及應觀風使者之累疏
薦用彰厥賢余時晉司成揔太學又聞儀封
人之至止者亦道彼四民之歌詞曰維我氓之
獲其所兮各寧其業維公之有爲兮政以無
忒乃繡譽則曰蜚兮自邑而國行將去我兮躋
顯京闕余曰實具者名昭信於民斯獲乎上
非民之信孰以歌爲在下而獲乎上不被奏
徵者寡矣其孰能舍諸及余轉今職過鄉邑值
侯徵書之果下也民恐其躬行伊邇弗可攀留
歌於塗巷者則曰柳堤盤盤禦彼驚鴻兮我田
以孰我室以安兮被徵以行爲公有權兮行而
不來我心悲酸兮願當惠我白彼羣鴈兮凡若
此者皆民之所歌於昔今余之所得於聞見也

君有弗知者歟夫歌一也摘章繪句固不若山
謳野唱之淳朴託物比興視坦懷任情者之真
率何如撰出於獨信也或阿私言符諸喙斯
同聲而足信矣茲考梓於浹北焉殊不異於吾
之所聞即以贈之聆者必映山是而布諸笙瑟
垂諸邑乘後之視今亦猶今之視昔也移美於
彼孰大於是少尹曰誠然乃再拜請書而三疊
歌之

贈貴池汪南峯賢侯壽七泰序

嘉靖庚子冬十有二月哉生魄後是爲貴池汪
南峯壽辰蓋其星精始誕懸弧初朝挈長山辭
雖未可量濠海屋數已彌增計自初朝以至
於今實已閱歷甲子爲四百有奇矣太學生徐
子昆季於南峯則鄉同井閭姻連葭玉欲爲問
序於余庸申贈言乃托重於秋浦地卿豫致懇
款余始知南峯爲浦翁之伯氏舊宰河洛之末
寧者汪侯焉求寧山邑去洛城密邇地雜確沃
人兼悍慝繭絲維艱催科恒苦桂符之聚弊始

流氓坑冶所存患貽樂壤視宜掌運處則心
侯能處之有餘應之無滯縷析條分迎刃即解
不見有阻於難者以故政稱平恕人以咸宜至
今思之而不能忘可以見侯之治邑矣夫治邑
有同於治身理民無異於理氣中間之開闢操
縱作用施爲固雖高下大小遠近彼此之莫齊
然而其道一其心一斟酌損益調攝劑量約之
俾歸於中持之以成乎不廢亦舉此以措之焉
耳夫奚殊由是言之則賢侯一身昔能治邑惠
澤已壽於去思推以治身松齡必壽於不老耄
而耄耄而百年日進無疆當備享永裕矣二子
聞之則欣然有懌乃退而咨諸秋浦翁翁亦以
余言爲然也先是浦翁嘗以語諸余曰自吾之
翱翔兩京撫巡諸道以見夫人之克壽率若非
偶爾焉者屈指而歷驗之必其有致壽之由一
也有可壽之基二也有享壽之具三也三者俱
全而壽考弗忘者衆矣未聞夫非此三者而幸
獲祺者爲誰吾見吾兄而豫知其必永齡遐年

先五福而具享之矣何哉其爲人也好禮而不
倦勤好儉而不豐殖好靜與素而不役役於物
之末擾擾於華靡之費者可裕諸已而乎諸人
於前所云之三者義以獨至矣其斯以爲壽乎
余因感夫言然遂併書之以見其乃兄南峯之
大壽者可贈也

萱堂榮壽慶鄭母太夫人序

嘉靖辛丑夏四月某日爲鄭母歐陽氏之榮筭
增長綺筵肇慶之佳辰蓋自成化辛卯以迫于
今計已閱歷甲子凡四百有二十矣然是辰則
婺女降精江靈呈秀應兆始徵於玄感風儀新
育夫坤柔爲母之懸悅吉朝誕祥初度云乃今
之足慶者壽籙已登夫七袞福先昭受夫五全
龍鍾未見鳳嗣承懽蘭桂蒲前金紫交映天下
之至樂而難臻願覲而鮮遊焉者鄭母則備膺
之是不可稱慶耶于時僊姬良晤於壺天羽葆
有來於瑤海宴重蟠桃函陳玉軸諸可爲壽意
而祝宜者罔不胥以其類至於是海山繪圖松

室作誦龜鶴蟠盈庭也可謂壽而榮也乎哉
自母之作合名閨配德於封君也蓋已五旬有
畸一貞無玷內政整修外言莫入其爲率軌於
陰教助理於封君者靡不各應夫事幾動符乎
矩裁是以鄉評以美封君以譽莫不曰家獲賢
相室慶良友矣乃能擇取一經付誨諸郎蓋欲
成廼翁之志世厥家之謀以自盡乎慈母之善
道愛子之義方云爾雖則出就夫外傳每亦日
課於內孰申之以能苦俾嘗鳩毒是戒然復諄
示之以機織詳啓之以堂構凡古昔貞淑之勤
於誨諭底夫成立垂裕於後足繩於今者統爲
各用其情詞以故石村憲伯迨彼難第至皆擅
場文藝登名賢書聯芳於京闈觀光於帝里石
村則先陟甲科蚤遂顯揚用致乎貤 恩重命
以及封君與太夫人者水源木本之餘皆經訓
文修之力也若是則母之功德於鄭爲大擬成
夫仁基享夫壽豈止於足亢鄭宗而已哉遐齡
是膺純禧用致者匪曰無自於德有徵矣以之

中川遺集

卷之四

九

清自堂

而增崇倍昔於今寧可量耶教及新齋諸君皆
與石村爲同舉進士情洽年雅義同伯仲幸皆
宦集留曹密邇鄭鄉登堂之拜禮不可缺榮壽
之祝誠弗容已乃新齋則過余爲微言而石村
亦忻忻然曰古之人有行之者蓋以豫悅母心
兄弟之同慶祝慈齡人子之孝矧夫愛日之誠
宜有加於桑榆末年之祈當不止夫松栢也石
村則度大於斯絜長維至堂開畫錦之新喜溢
春暉之麗萊班薦舞列鼎調珍賓從之同爲致
慶者競欲揮筆以書雅歌以贈矣爲之歌曰維
德且壽維壽而康自今以始壽延以長海福汪
洋溢桂敷揚貴同麟嗣褒荷龍章晉封宰階食
報北堂乃工歌則被之絲竹鳴之金奏而諸賓
則懽然燕笑滿堂也於是爲之繪萱廣福而併
書余言於左

中川遺集

卷之四

十

清自堂

贈西渠楊道長擢僉廣東按察事序

本朝按察之職即唐宋以來之觀察廉訪使之
職事云夫提刑萬民之司命廉察一道之監臨

之綱畧監臨其大繩聯屬者之綱乎綱常非而不紊則紀常理而不弛以故井井有條秩秩無外詩所謂之綱之紀者義蓋如此 朝廷以綱紀之地 簡任惟艱遴選之故常重畀付之故常靡輕必得斯人乃宜斯任此西渠侍御所以薦荷 廷推擢蒙 簡注也夫實大者聲必宏形端者影必正故曰名下無虛士有諸中而不著諸外者未之聞也乃余於西渠之擢僉廉憲益信其然昔余之濫分校文於禮閣以得竊覽夫西渠之作之藻麗而彪炳雅醇而閎暢光采耀目至爲主司之稱賞者不一亦自稱以爲有用之才非常之器也持是而布諸政治飭厥官守徃無弗利自能振炫於一世也夫乃後則領除崑山出宰百里果爾以若文貴若政用悞夫臯夔稷契之心以宣夫育養化成之惠民悅且來士安以順繡轡以之日蜚部使者爲之交章旌保矣又信夫所許於昔者皆一一可證於今也名下有虛士耶此西渠之選登柱史司存

法從率以其文行之美政理之善登明選公之朝自不漏網於麟鳳也所以既著風裁於留臺復晉按察於南紀身繡不改其服廉憲益行其志矣自是而以激以揚以舉以劾以移憲度於臺端以昭憲綱於行部推而廣之雷厲風行所謂振炫於一世者先爲嘗試於百粵也其道無殊特舉此以措之焉耳證於昔者又不大有可觀以足取證於今而後耶乃留臺侍御爲之喜其擢喬惜其遠別謂夫有雅之情莫逆之交也

行矣不可無贈贈矣不可無言言出之史氏家也斯信於是道長胡君以偕夫二三同寅過余問序余不敏謝之弗獲遂述夫聞見之實與其歷履之槩皆大方之所共知邑乘之所載在樂取於人之善必欲傳布於人人不可自泯沒焉者不可以不書也庸爲登諸裝練以申贈言乃諸君則避席謝曰是所願焉

贈大師保桂洲夏老先生榮壽六表序

嘉靖辛丑夏六月晦前是爲桂翁老先生之堂

啓華筵天開壽域賀盡九卿誦盈四座矣蓋是日則勝角始見夫垂核鳳兆新呈夫文瑞懸弧吉朝誕祥初度云計自成化壬寅以至於斯榮歷甲子已逾三百有六十週矣其靈根深而末茂慶源濬而流長也乎是故松栢不以歲寒而易顏江河不以世遠而斷流人或擬之以壽翁翁亦自信夫有是理也雖然此豈人謀之與能一真自如而爲天之所生者如此也天豈無意於其間乎以之生人也亦然于古則傳說騎箕蕭何應鼎申伯之生也以維嶽降神山甫之生也以保茲天子數子皆能而况不止數子以如翁之降生鍾靈謂非天之有意也可乎夫翁今之出也有爲必其生之也有自求之古人一也是以信乎其同也古人何以有是也哉觀其自天佑之吉無不利爲國宰衡行無不得由是而德澤彌世膏澤及民天下被服而不能忘古今享受而莫能盡人誦世稱于今不替况之於閱歷之久之外以爲壽筭之求長者寧有大之

於此而列夫上壽焉者爲可祝望也哉猶諸載籍固難枚舉即如三代之伊傅周召實維其人而舉可指之也乃茲桂翁老先生者之度絜斯人三維壽匹故雖逢時有爲而知深任重也則同致身事主而爲得位行道也則同臨事蒞政而爲善謀善斷也則同今而後自夫年長未暮之外以爲德澤譽望孰逾其大而不保其爲至上也哉夫翁以所相元老職司代言皇眷優隆近世鮮倫宰衡左右於古爲烈凡所爲補衮之缺回天之力仁言之利廣博轉移旋於一字之間片詞之進者動至於澤滿天下功在生靈如暘如雨之時人皆安其常而罔覺其利也以况數年於茲一德無間用致群生之陰受多福均霑厚惠優優乎殆千萬計也以視伊傅周召之存而爲德澤祿而爲治具傳而爲舉望者其在三代猶夫在於今日也傳世爲壽等壽於前如有大而無上也有弗同耶是以爲六表之慶者皆先美之以此大壽也祝之以此上壽也

亦皆申之以古大壽在斯也古上壽在斯也凡
縉紳士大夫之同此情者不異此詞也以教之
舊秦門下何以見情緣寓留曹有詞莫致矣北
瞻台斗南望嶽山倦勤之此慶此祝猶見夫伊
傳周召也敬爲摘詞奉壽願使馳上然猶歉乎
若未盡焉者復繼以壽山高三疊僭欲托之工
歌諸諸金奏以侑老先生之壽觴三行庸擬寸
忱不敢計夫工若拙也爲載拜曰壽山高高以
喬遠接明漢摩丹霄蒸雲作雨潤枯焦際天海
寓霑腴膏喜見山靈協帝堯顏青貌古無衰凋
壽山高高千重以發間氣資洪濛懿文蓄德藏
天風竅生靈籟響旁通蒙泉養正世師模貞石
勒文銘帝工壽山高高而長上摘星斗下鎮洪
荒銷群陰兮敷諸陽順五序兮齊三光謂天蓋
高不可量天顏咫尺日對揚山蟲蟲兮天蒼蒼
天兮山兮同壽昌

序史學答問

余自起家翰林拜官太史嘗讀古史而見前代

之秉史筆者弗違其任往往違其道而失其職
不明夫天地之綱常君臣之名分華夷之內外
禮義之尊卑以爲古今之名器百王之典章千
聖之彛訓一代之法制謂爲萬世之大防有不
可以輕踰焉者春秋無將是也所以未能持正
布公嫉惡如讎所有亂賊鮮爲直書其必討之
罪不宥夫莫贖之誅賞善以實而不徇乎名罰
惡據跡而不泥夫意事昭告戒詞寓勸懲用使
大防以名將焉者是慎以今讀之者爲臣思忠
爲子思孝君上由之而守其大寶享乎至尊國
家寧謐天下乂安皆不敢孽作篡逆禍起蕭牆
由有此防之具存載於太史氏之書冊炳如也
不寧維是甚至慮竭泓穎文強工致義例縱情
取舍任意始末迷真考閱未竟至有人非其事
事非其時時以重見見以複生者不少也甚或
爲之違大義失正經背公論向邪說依阿惶惑
不能直筆斷然書罪以實如董狐之於趙盾於
平絕無僅有此孔子所以專美董狐也此特其

畧焉爾及又駕浮言以爲之地即細故以原其
情假卜筮以序其偶然托鬼神以收其姦僞如
書常談末故薄惡小譴忘其大而不棄其瑣屑
陵夷大防而不顧也其流之弊萌奸雄之智滋
陰詭之謀導虎翼於小人長虺毒於惡少啓蠻
夷之稔惡流穢習於來裔諸史之班班可驗也
非孔筆之著有麟經宋儒之分爲綱目其所壞
亂之是非支蔓之篇章至於今孰能正之雖然
其中之疑義尚有所未定於一者屢屢又皆不
考其時不度其人不計其事不審其可否槩以
命名通謂之書曰書者承虞夏殷周之舊也可
乎哉皆不可以寘而弗論也爲作史學答問

中川遺藁卷之二十四

中川遺藁卷之二十五目錄
記十首

三文公祠記

琴川記

重脩祥符縣廟學記

定襄縣三國記

重脩獨樂園記

重脩宋樞密副使包孝肅公祠堂記

雙慶堂記

遊百泉書院記

遊安樂窩記

遊嘯臺記

中川遺藁卷之二十五目錄

中川遺藁卷之二十五

大梁王教庸之著

記十首

三文公祠記

三文公祠祀唐韓文公宋朱文公元許文正公也先是河南巡撫都憲內江李公暨督學憲副濟南邊公移文治屬訪有先賢祠墓令脩復之所以重古道崇正學敦薄俗而啓來裔也時冷君宰脩武亦以追崇往哲爲念因考韓文公上

中川遺藁

卷之二十五

一

清白堂

世居縣北南陽城公實脩武人也而學官西舊祀朱許二公祠歲久就圯而公且未與乃上請於當道增肖韓公像於中并撤其祠而新之祠三楹左右有室啓閉有門皆君自規畫未嘗賦於民焉祠成君具牲醴率邑之官士享之而以狀屬王教爲記教曰文者道之顯也自圖書之出而聖人始有八卦九疇之作繼是而群聖迭興有因卦疇以建中者有演卦爻而繫以辭者有序疇爲洪範傳易之十翼者一脉相傳之緒

皆道也文也後世聖人不作以假亂真道喪文敝至五湖六朝極矣韓公崛起於李唐含英咀華原道詆佛屹然一代山斗蘓子曰文起八代之衰道濟天下之溺不其信乎由唐迨宋諸儒彬彬至精有周至大有邵至正有程維朱文公集諸子而一貫之所以折衷群言同歸而一致者如執左券然厥功偉矣許公不辰生逢胡元先得朱子之書而深信之持其說以事世祖而斯道賴以不墜微許公人類幾何而不胥淪於

中川遺藁

卷之二十五

二

清白堂

夷哉嗚呼三文公者世異而心同爵異而謚同其裨補聖道羽翼聖經之功千載不可泯滅崇德報功天下固宜祀之豈但脩武而已哉雖然脩之人士春秋祭祀登降堂所肅然若覲其容愜然若聞其音聲寧不有感而興起於斯文也邪此又冷君增祀建祠以望後學之深意也君名宗元字體仁蜀榮昌世儒家云

琴川記

若厥川類琴而名以琴者在在絕少東南維帝

孰有琴川乃川以七而橫貫邑治流水則浪浪有聲絕類於琴也川之上源爲浦亦七浦各以名稱其七之一舊名奚浦蓋分派於大江衍而下爲七川之一矣錢惟明氏居近奚川乃今則取以自號或曰吾知茲川也江鯉躍金水禽如綺臨川一睇情歡無已錢子其取於是乎曰否坐觀鵲艇卧聽漁歌掃磯垂綸其樂何如錢子其取於是乎曰否乃錢子則以家世於是厥浦既分於江厥流亦朝宗於海源遠而流長也川

中川遺業
卷五
三十一
清白堂

重脩祥符縣廟學記

學所以明人倫在古必祀先師聖人人倫之至故建廟於學以祀先師聖人聞之鄉黃奇縣附郭舊未有學今其地維縉囊者主之乃後則廬其居爲學宮云地甲諸公署弘秀閣朗象著宛然先是嘗卜諸易大人則納龜歛策肅以進曰元吉元吉厥地協厥占自西土街南至學興賢街凡爲橫疊者三象乾乾體健易曰君子以自強不息興賢街以南數武爲學泮宮街再以南則巨匯汪淼石橋中跨分界如二互於北至興賢街象兌兌澤相麗易曰君子以朋友講習橋南復浚儀街橫斷再互於北至泮宮街象離離主文明用維繼照重離於乾是爲大有易曰君子以遏惡揚善順天休命宜於學元吉厥辭復協厥事矣當時守土大夫識符力任亦曰惟築學宜哉宮牆廠赫肇初於是續則增脩靡常若規制伸縮屋宇廢置人氏歲月備見當時記中語茲丙戌歲重脩訖工適史教以冊封大禮制

中川遺業
卷五
四十一
清白堂

伊洛諸君公請記其事公歎可問
城人能以政善民安又欲化成俗美故刻石
於學以警山謹不然則墜重新邦記之教亦不
獲備所刻辭中曰有才子則賢家所以建學
卜築相宜賴維守牧守其職諸是則矣夫聖
言焉耳象以地殊或多牽傳紹紳者弗論存若
翼贊有辭實出三聖要當惟辭焉是顧其餘不
足計也已教善此學之得象於地得辭於象漸
次相湏如出天構有不可弗思焉者百十年餘
中川遺集 卷之五 五 清自堂
何鮮道及夫自強不息學所以盡諸已也然必
朋友講習通殊貫一貫一斯智周智周斯神應
文明繼照焉往弗燭由是而遏惡揚善則措諸
事業者大矣順天休命已得容一私邪是爲聖
人之學吾學乃取諸是孰不聖學焉歸之將奚
歸辨於昔者其賢矣乎夫學求如是而已地非
此象焉是形無以宜學士非此辭焉是效無以
成學君子曰其斯以爲學乎由是而知術數難
謀揣測易妄觀象玩辭惟其常哉學之才賢暨

後之髦俊遊斯業斯必興感惕潛懋龍德出普
文明不崇象以尚誣一惟顧謐乎聖言則昔賢
相宜之本心今茲重脩之盛舉兼成胥副之矣
得於學者寧有窮邪工昉於乙酉歲春逮今巡
撫大中丞歸安蔣公始以併完其移牒請事則
督學憲副山陰蕭公暨定齋王公縣提調則蒲
圻魏頌司訓則交河孟玄生員則董彥宗劉永
祿輩云餘若檄材捐值畢智程工若撫巡藩臬
諸公者其官里姓氏統刻碑陰今不再紀也
中川遺集 卷之五 六 清自堂
定襄縣三園記
三園者何教民園養濟園漏澤園也在縣城右
約二百五十丈許舊惟閱武隙地不名三園合
三於一蓋張侯爲初置云侯政循治體尚事神
恤民崇教善俗故自視篆來精台一心俱舉百
廢以廟學壇院暨縣治諸署漸已落成乃移材
力之餘推我起此事若微則大開繁功若微則
大經綸利若微則大秘用惟智者是語則亦
惟仁者能行之智者察物察物而通以仁者

愛人愛人斯惠以公侯於此初未計也夫民知
教斯戎戎成則國賴以守恃養爲濟有濟則可
驅以教濟而及於漏澤養道備矣茲開繫故大
園地以醵鹵廢棄侯則易荒就熟俾疆俾理且
引澤水入渠互使滋灌滌醵資饒已見二稔於
乎若前人能爲之邑氓當食利久矣今而後醵
鹵荒廢治用此道地有遺利者乎茲經綸豈小
補哉先是侯於縣儀門右構有行義倉一區豫
儲園穀以湏發賑定惟幼而學者而茂德乃或
不能婚葬則量以賙給若妄自侵費及予非其
人皆準以監守自盜官物如是則用以義者不
大與夫三園固不可以盡侯之政可以見侯之
心矣比之飾僞眩俗厲民裕已者相去爲何如
侯名榮字仁卿河南祥符人鄉進士之有道者
也爲能酌裁古人以潤澤今法廉幹貞雅動可
式從所置教民園牆計二百七十五堵俱五山
埽口演武廳一將臺一門樓一養濟園三百一
十一堵八蜡廟一神厨二門樓二漏澤園二百

中川遺集

卷之五

上

清白堂

一十一堵后土祠一耳房二門樓一園四餘各
伐石識其界計周圍共一千二百二十九步後
之繼侯而增脩者尚當邇求此心以徵於斯言
重脩獨樂園記

此宋司馬文正公之獨樂園故址云公昔此園
在洛中洛人士以爲名勝乃夏之涑水里復有
此其築茲別墅自家食時已有之潛以龍脩故
土人相傳猶能指點其處也園以樂名必有取
爾矣古言樂在其中自仲尼始至稱回賢則曰
不改其樂公之友賢師聖宜無如孔顏氏者樂
之取義其諸本乎在中不改之云乎或曰獨樂
不若與人逃人絕世樂矣以獨無乃投竿執杜
決渠操斧人將病且勞而公獨嗜以樂也曰是
不然夫孔顏惟貧賤斯言樂公在家食正維其
時殆亦能樂其獨俗諸中非人所得與知亦不
以此舉告人也若其天真至趣隨寓皆得託物
寄形入無不可園可得而樂獨乎哉樂園之獨
蓋養夫用世之同推以及物公不獨樂而逃人

中川遺集

卷之五

八

清白堂

也夷考其樂以天下相業足徵否則婦人孺子
焉知君實相公之來都人何慶天乎人乎竟不
能獲畢見此樂於世者何哉終宋末猶無恙屋
金迨元屢遭兵燹遺址雖存中則蕩沒如髮矣
邑侯鍾君素馳景慕乃今宰公鄉邑拜瞻闕里
調求園所覆以祠屋維厥時蓋已具舉百廢復
此義起焉爾卽以覩侯樂善何既他日宦業所
就不有大可樂如公者耶工始於嘉靖庚寅秋
明年春和遂以落成體公儉素弗爲泰侈焉累
中川遺藁 卷之十五 九 清白堂

同鄉舉

重脩宋樞密副使包孝肅公祠堂記

廬之景賢書院舊祀包公院鄰郡學洪武初拓
學制因以并入公遂附祀學宮云嘉靖癸巳復
卽其址爲啓聖祠乃於祠右隙地卜築祀之諸
謀畫猶未定也嗣是則侍御永興李君南海何
君安鄉陳君皆以巡歷治屬相續至廬謀新公
祠不爽前後檄太守高汝行甫曰非表章鄉先

正無以風勵鄉後學矧惟守土大夫之責汝行
則亟爲經營幾就以去乃太守王君汝節奉

命代理秉夷夙好相投同心於是週垣重門齋
舍廡序階庭庖湑器用胥備比之舊則規制益
弘用聖有煥祠額大書士民改觀矣明年丙申
侍御沈君文瀾亦以巡歷謁祠詢知易置嘖嘖
歎曰匪勒貞珉曷垂來裔蓋君之自度肅僚揚
清樂善有美於三侍御之倡始二太守之成終
且見孝肅之懿行足彰觀德於斯者或興感激
中川遺藁 卷之十五 十一 清白堂

潘家傳云：神汝維九，驅孺子舉識包家治。司馬之家矣。此惟中夏六爾，養酋俞龍河之。易漢姓爲自，亦曰平主間包中丞朝廷忠。臣乞賜姓包是外夷亦知名也。然猶公存之時，乃今世遠功惠及人，鏤感弗渝。正誦誦凡官，府之神明正直率擬包家使非。曷以能致人或本之則無如之何。公本性則至孝，用能移以爲忠。畢志顯揚，抑且敦大濟嚴介諒而厚視士之純於。寡恩者不侔，未嘗假顏面於人。見其笑者，比黃河清。又曰：關節不到有龍圖。包老本傳奏議暨大小說詳，且今不盡述焉。是固遭逢仁哲，容今守法造就作興大成其大如此。然而棟山鉅幹節秉堅鋼，清心直道之根於天成，培以正氣有自來也。功德有大於是乎。景賢範者胡不遺思表祀弗時，曷申崇報祠屋有恤足妥靈魄。雲落既畢，神亦怡懌矣。於是前守之撤舊易新，悉見完美垂遠之功。王君弗居曰：按歷侍御之賢，暨前守與僚佐焉爲成之非。

松所能致也。松王君名固，安人字汝節，生平慕孝肅之高風。故今守廬治行，善繼其遺芳，所以于公之祠欣然爲樂成也。

雙慶堂記

雙慶云何慶嚴慈之具慶也。有懷二人既榮且壽，堂未時成。嘉慶曷展乃地官尚書郎滇南陳子揮俸卜築娛親，願養誠竭愛日祐喜自天。於是鉛山張憲伯氏取名於實，揭扁大書遂稱雙慶。云蓋是時質庵陳公暨配太安人李君皆已壽幾耆年，以其子貴，勉恩晉膺寵命。聖誥褒崇，玉音嘉獎，來章之慶與日維新，食報無疆。純祺有末矣。登降堂只至樂何如。宜曰：雙慶而表以頌，若堂堂中之人顧惟撫蘭悅秀，摩桂稱奇。于子然脩脩然以怡夫宜稼之田藝芝之圃而已。不自知其榮壽也。夫榮極金紫而薤露常敷，夫易晞矣。足榮期頤耄耋者乃或在塗不免。夫負戴壽焉宜如是乎。孰若翁之鳳與鳳諧，暨隨椿茂壽以同締榮全，婉貴共享夫麟嗣昭。

祥龍光萃美爲受福何多耶福非偶集祥不暴至由是而知翁之承慶也遠弗墮前脩儲慶之長足垂來裔不獨顯慶於茲取慶於鄉評焉爾夫啓源者肇慶衍慶者泝流故曰有開必先式艾爾後君子以質庵之享者先慶之餘所及諸後生者又有餘之弗盡也以致陳子之既亢厥宗亦世厥家雙慶有傳未應無自雖然此特其一事焉而已矣遲見其移孝爲忠宣力屏翰効忠於國躋膺卿弼又將重荷馳封蕃盛難量矧復蔭裕之及貽澤未已子子孫孫克似弗渝用爲求此慶者繹繹乎昔猶視今也移美斯堂不益大歟堂成於某年某月某日乃茲丙申之夏陳子當奏最於朝便道過省欲開此堂以壽二親且致夫五鼎之養百歲之祝僚案李南墩輩嘉有斯堂詣余問記備狀質庵之清馨素履大樸不斷君子以之貴其質且美李之淑行足徵克匹醇德故今陳子之顯揚爲孝圖報惟忠若出天性然者德澤之存善慶之鍾也嗟夫是

中川遺集

卷之五

七

清白堂

父宜有是子是子宜有是父知當具載家乘不再殫述姑即所以名堂之義書以記之

遊百泉書院記

余嘗欲登太行凌絕頂振衣雲霄覽徹寰海然後訪古蘇門濯纓泉源旋車書院以謁先師孔子升堂入室憇息優游天下之樂一也猥以叨史職兼經筵嗣擢宮坊復掌南翰念則切身未暇焉乃茲入賀辭還遂道共城城右蓋百泉書院也行輶西轍可以暇及維時共大尹太原方侯肅請命駕余嘉侯之器度若非常政成而有餘裕禮恭而無僞爲出與遊饋夙願矣侯曰不可弗記因併及夫院以書名俾究厥寶書者何凡典籍皆是自昔挾書禁解購求梓興古遺書斯輩出間亦多屬非具目莫辨析也迨後則蘭臺太史編摩百代稗官小說各就一家加之楮筆利作刻繡梓行書益類集至難枚數是故授徒育材業以書專賓賢舉能義以書取君子之用世行道亦惟書籍焉是資所以學宮既

中川遺集

卷之五

七

清白堂

儲徧頒于山長諸院也雖然此猶待中人淑晚
進姑以是爲造端焉爾若夫聖賢之學博而有
要千帙萬軸匪所思存今考尚書乃古帝王之
言行政事易有辭自文王周公始刪定贊脩又
孔子暮年絕筆也前哲往聖所讀何書卒之懋
德齊天立言垂世民到于今戴之乃若經笥書
囊錦心繡口豈曰無文聖域執造書之不貴於
多也明矣孔門以一言蔽詩亦以一言爲終身
可行書紳靡越於數語請事亦止夫四勿斯善
讀書也否則誦詩三百亦奚以爲多岐之惑亡
羊彌甚是誰之咎歟申公云爲政不在多言余
謂讀書亦然顧所以求諸心措諸身不遺乎吾
性之仁爾仁體事而不遺猶天體物而無不在
書之道胥具此矣有子首著其本孟子繼推其
實止皆並舉夫孝弟至論堯舜之道天下之平
亦惟此二言盡之可見道不遠人爲仁在我書
以記載士足傳習也善讀者當自得焉

遊安樂窩記

方侯以余過共城甚歡慶且曰君子至於斯者
未嘗不訪夫蘇門余曰諾侯乃率賓從具樽俎
備禮設樂爲百泉嘉會感今憶昔邈爾興懷非
徒曰賞心樂事而已酒既行出遊山於是鄉貢
士郭君瑞甫王君澄甫乃亦從余度泉源循山
麓聯鑣履屨凌高眺遠幡然欲御長風出塵表
遐想大觀未能即遂也相爲依沿雲崖迤邐北
下約轉折纔里許以得邵子之安樂窩以入其
室以瞻拜其遺像焉故雖疑其此新祠非故址
然而窩之取名寓意寔大則又三致稱歎云舊
聞此窩之在當時亦維繩樞甕牖環堵蕭然不
如今之祠屋煥然足稱華居也堯夫則安之樂
之可以覘其中蘊矣天下之安土者樂天厚望
於世必多怨尤是故安則不求於樂而自樂未
有樂焉不本於安者顏淵不改其樂孔子樂在
其中皆先隨寓而罔不安以故浮雲視富貴用
則行舍則藏無一日非樂堯夫之安樂名窩知
非外徇精蘊在中蓋有取爾也九京孔厚往哲

難作孔顏所樂遺書足證仰而邇求亦曰安仁而已矣樂天而已矣求之無遠安土即是世人之忘其所樂滔滔皆是者不知安之爲安故也君子則何以爲安素位而行居易俟命焉爾能由是則聖域可企孔顏在我希邵者宜先於此義圖之

遊嘯臺記

由安樂窩東北行以陟以降以歷東崖之絕頂綠崖冒雨清興逼人回視二子則亦吟襟欲放

中川遺集

卷五

七

清自堂

不以倦辭凡古蹟皆訪求也乃復轉而南轅約不百武以得嘯臺焉登之見石刻爲空同記文者已與仆碑俱折爲三數段矣纔幾何時頽至於此而況自今以往孰保其物各有主鬼神呵護哉載考蘇子序言則知登之居若土窟于今所謂三僊洞者或其遺窟也決非此山之峻絕崎嶇四曠不毛無田園水泉足資日用之未可居者升其堂視其遺像即其人論其世設處其地代其對不能不歎乎處世弗易人生之有不

辰也夫士行如登豈不宜縉紳京朝力藩屏以獲試用夫幼學乃亦隱耀沉輝竟止於善嘯焉貽名君子可以觀世變矣夫嘯雖一藝猶從容自肆也昔人之結木巢棲塞戶竄伏資身賣卜傭工灌園甚至爲卒市門毀形易面欲一嘯亦鮮能何哉未得從容肆體也是豈不幾炳先物蚤見豫待以追往哲之遺風惜皆一介一隅焉而已索諸聖軌皆未有循皆不可以訓徒過爲自全計爾嘯若否何有哉詩云其嘯也歌舒忿懣也登之嘯無乃有所舒邪釋其語言祇欲避世道無古今世焉可避逃繁身亂倫士非獲已馭世者至使賢者避世嘯傲甘心結綬彈冠誰以相慶故曰可以觀世變矣

中川遺集

卷五

六

清自堂

中川遺集卷之二十五

中川遺藁卷之二十六目錄

論十八首

論井田廢置

論詩

論易

論冠禮

論婚禮

論河圖

論洛書

中川遺藁

卷之二十六目錄

一一

清白堂

論義文八卦圖

論聲音

論陣圖

論兵法

論文

論長城沿革

論山水

論禮

論冠婚喪祭皆人情

處功論

寒暑論

中川遺藁

卷之二十六目錄

二一

清白堂

中川遺藁卷之二十六目錄

中川遺集卷之二十六

大梁王教庸之著

論十八首

論井田廢置

井田之利民也大矣其置制自黃帝始然其制不但可以利民而亦可以守國何哉兵賦之均其出也營陳之定其位也君子小人之安其分也車騎卒徒之不便於馳突也是故守之善者可以世世而治其爲國之險也何大哉是故堯

中川遺集

卷二十六

一

清和堂

舜禹湯文武之有天下皆相因之而不易所謂繼治世者其道同然其廢也自魯始是以魯始書曰初稅畝惟稅畝則易於歛民之財故自私而好財利者皆相效而尤之其制遂大壞也不然蓋徹之對有若豈誣於哀公耶孟子子而祇述其大畧則孟子子不惟未嘗見其制而亦不能盡知其制焉故其所言貢助徹之異於三代今亦不敢盡信也審可信則禹繼堯舜之後固一易也湯繼禹之後文武繼湯之後又各一易

之也不知堯舜繼黃帝之後亦有所易否邦一易之則溝塗封植之城山川都邑之勢必將一以紛更爲之意者聖人在上苟可以利民守國而已不應如是之紛更也夫三代之信史固在其爲此非細故信史寧不書乎故曰今於孟子之言不敢盡信也夫孟子號命世亞聖然猶不知其詳如此而况秦之君臣又戰國之下流遠甚豈特不如孟子而已哉井田之制不曰不知然亦無從而考知不曰不能行然亦無自而施以其制之廢而咎之秦於乎過矣其亦不思而已矣

中川遺集

卷二十六

二

清和堂

論詩

說者謂詩之篇章富矣孔子刪定爲三百十一篇故今風雅頌之篇什次第皆聖筆之攸存也余竊不以爲然何哉詩之風固諸侯采之以貢於天子天子受之而列於樂官其雅頌亦朝廷郊廟燕享會同之樂章諸侯不得而竊用之

也顧陪臣如孔子者遽敢刪定耶孔子之孫亦曰非天子不議禮制度考文雖孔子亦曰吾從周夫既曰從周則凡周制皆從之也豈以禮樂之大者及有所不從耶是知大聖人之作為必不忍以己意而刪定彼也昔者季札入魯廟觀樂魯太史之奏季札皆一一能知之然其所嘆蓋誇美之詞皆今風雅頌之篇什次第孔子於此固未嘗刪定也何其篇什次第而皆如今之篇什次第乎由是言之非孔子之刪定也明矣

中道集

卷之三

三

清白堂

既非孔子之刪定則詩固周之詩也豈孔子適周有得故以之而教其門人歟

論易

天地有自然之理斯有自然之數惟聖人能知之故爲因理以著數易之卦所由作也衆人或不能知庶可因數以究理此聖人教人以學易焉易自伏羲時已具有六十四卦矣而謂至文王始演之者妄焉文王特因卦以繫詞耳觀古聖之制器處物各有所取於卦象者豈誣我哉

昔者有夏易有商易今之易爲周易逆考之堯舜以上又寧知不有易耶易各有數數各有理要之非聖人不能作也何周易而專主卜筮爲哉聖人與鬼神合其吉凶故其所言無非欲人之趨吉而避凶故以之卜筮亦無不驗焉然不專爲卜筮作也觀孔子之繫易與程子之傳易皆論事理而不主於卜筮其意爲何如哉由是觀之其不傳者往矣其所傳者周易也世之以卦爻而配方向別生尅爲氣運節候月日歲時

中道集

卷之三

四

清白堂

定吉凶禍福者其不誣四聖耶夫六十四卦三百八十四爻卦足以盡一世之事爻足以盡一事之變皆自然之理數也故聖人於此卦之事則求以處此事之道於此爻之變則求以處此變之方疊疊然其丁寧矣人能因卦爻之辭以待事變之至蓋有不假卜筮而自無難處者也豈必乞靈於蓍與龜哉揲蓍灼龜而吉凶以應者亦此理數之自然也故孔子曰加我數年五十以學易亦可以無太過矣或曰如是則易何

以上筮言乎曰聖人慮事至精後世謀甚遠欲其必人謀而後謀斯臧焉易言卜筮聖人所以爲人之神謀謀也

論冠禮

古之幼者始垂兩髦既成童總角既長而冠冠者成人之道也故聖人不苟簡以視之爲之因其情而制其儀必差其穀重厥事也故辭曰吉月令辰冠必以賓從事尚吉也何以吉凡賓有爵者爲之也古者四十而仕其爵者孰不壽仕者或具三德六德九德孰非大人或受一命再命三命孰非命服以是而臨於始加元服之時所以吉也三加冠即其所有之冠而加之也凡加必有祝欲其冠此冠而受福也且使顧斯義而進厥德焉冠必以冢非代父也從主人之位也不如是何以承賓用擯价所以通主賓之情也否則無人乎賓之側賓奚以安字之所以代名也名以父命尊臨卑也然不可以或易也故賓又爲之訓以代名一以表德一以重成人也

使冠者由是而思之則德日就而成人之道盡矣故又以拜厥賓終焉既而拜廟拜其所尊所親義也始加元服以爲成人故不可以不見且告寧無拜乎

論婚禮

有夫婦然後有父子有父子然後有兄弟君臣朋友是夫婦人道之始禮之至大者焉其爲禮也雖具乎六而不爲繁其從事也雖下攝上而不爲僭必以媒妁遠別也古者男女有別不相授受故以媒妁代之言焉然亦可見非私求也必問名避嫌也古者不娶同姓同姓之子多不育故必罔其上世而問其名且知其爲某之孟仲季子也可無後虞亦可以告廟焉然不可不慎擇蓋以上繼祖祧下衍宗支不慎厥始必貽害厥終故其所納之禮必曰采夫采擇也擇必以德惟主之擇既定斯可徵徵以幣幣必厚一如國君之徵聘賢哲以爲國相也婦亦夫之相諒亦事異而理同焉若不厚幣則處人以薄自

處以賤其輕爲相者也欲貞女之有行乎故君子所以不爲亦有爲之者凶荒殺禮之說也豈聖人制禮之本意哉夫徵之禮既納斯可請有行之期矣然又不可暴且促故期以冰泮而必請之於冰未泮也必奠鴈攝盛也何以曰攝凡鴈庶人執鵷士執雉大夫執鴈親迎則壻與翁始相見也然又於廟焉故於此時雖士亦可以服大夫之服而執大夫之鴈是不當用其盛而權取其盛故曰攝盛焉

論河圖

天下之言至孔子而止孔子云古者庖犧氏之王天下也於是始作八卦之畫是知八卦之畫非由於河圖也明矣世儒以河出圖伏羲以之而畫卦者何歟河之圖今猶存也其數亦備在也奚取於六十四卦之相符夫易本乎數數者天地自然之理其一以至於十自有開闢時自有也豈俟於河圖之出而後具哉或曰河之圖胡有此數曰數旣天地自然之理物得天地之

中川遺集

卷之六

七

清自堂

理以爲物物之生因有負戴此數以生之者如蟲鳥之鱗介羽毛各有數是也天於是圖而負之於河之馬哉傳曰鳳鳥不至河不出圖則亦以爲伏羲之瑞也曾以是爲畫卦之因耶或又曰何世儒以圖之數爲五行相生者乎曰妄矣圖之數奇耦而已矣奇可爲陰耦可爲陽奇耦有相錯之理故陰陽有相勝之機以是爲卦之象猶近也五行之相生何有哉傳曰天生水云云蓋言河圖之數以五生統五成其理有如此者豈實後世承訛而謂五行之真相生哉是以傳言八卦則亦以天地雷風水火山澤言之夫謂是爲五行可乎

論洛書

傳曰河出圖洛出書聖人則之夫則之者則其道也何爲道圖出書出天地之文出矣故聖人則之而爲卦爲疇以開萬世之人文非曰則書之數以序疇也考之書證之疇其相符者惟數在九若夫疇中叙說之詞則亦漫不相屬於書

中川遺集

卷之六

八

清自堂

也何世儒溺固之深耶夫卦雖具於伏羲尚未有繫之辭者故大禹之疇一一以係之辭人文日盛風教日漓勢益有所必至矣豈伏羲不能爲辭而大禹獨能爲之哉夫自後而爲辭者益多有夏易之辭有商易之辭周易則卦爻象象無一辭而不備焉無非爲天地立心爲生民立命爲萬世開太平也合而觀之厥理有不同乎或曰世儒以洛書之數爲五行相尅而行者何如哉曰不知之甚也使疇不以書而序之可矣

中川遺集

卷之六

九

清由堂

論義文八卦圖

夫圖者一定之法聖人不作也自後世以義之卦圖爲先天文之卦圖爲後天然後作圖者始衆矣圖果聖人作耶圖非自聖人而作蓋亦自聖人之言而承訛者爲聖人作耶夫伏羲聖人也文王聖人也孔子聖人也孔子於說卦曰天

地定位山川通氣雷風相薄水火不相射故後世依是言而爲圖曰先天八卦圖矣孔子於大傳曰帝出乎震齊乎巽相見乎離致役乎坤說言乎兌戰乎乾勞乎坎成言乎艮故後世依是言而爲圖曰後天八卦圖矣言先天者必曰易之體如是也言後天者必曰易之用如是也夫天下豈有無用之體亦豈有無體之用而況於易之爲道隨時而變易也何溺於言體用之如此哉

中川遺集

卷之六

十

清由堂

論聲音

天下之言有定聲無定音樂也者亦以人之言而被之聲音者也譬之有一言焉以和音而加之人人將悅而慕矣悅而慕者必歸以厲音而加之人人將威而伏矣威而伏者必避以惡音而加之人人將惡而怒矣惡而怒者必復是三

矣人之一一以字而分五音與夫溺五音於
定而不知有通變之道者皆不足以言聲音也
可足與議樂乎再譬之南歌北曲其調不同也
以南曲之語而竄入北調歌之則亦北曲也以
北曲之語而改入南調歌之則亦南曲也曲之
字語何嘗移易哉音有所移易也以是求之聞
人之樂而知人之興亡其不在茲乎

論陣圖

八陣圖黃帝合井田而為之也其為統御之法
也甚善戰國以來兵尚詭譎故此法不講於世
孔明以正而自居故其用兵也能求此法而用
之焉謂此法始作於孔明者非也李靖之十二
陣亦此法也何亦此法八陣則四正四奇為八
也十二陣則奇正之餘而又益之以騎軍四焉
故十二陣也其置卒均其應敵便其救援可以
互資其首尾可以互舉其聚散可以不亂其衆
寡可以同力止則為營行則為陣諸陣之善莫
善於此也餘若紛紛之陣法或相地以為或因

人而用長於此而短於彼得其一或遺其二固
可詭遇以獲皆非堂堂之勢雖然陣亦不可恃
也然惟存乎其人而已矣使或人非其人則亦
陣徒為陣故曰齊晉之節制不足以當湯武之
仁義

論兵法

兵有法亦無法何謂有法始孫吳諸家所論與
大司馬法是也何謂無法因地象形隨機應變
以進以退為強為弱是也故善用兵者用法而
不用其法不善用兵者用法而必泥其法故樂
枝以曳柴而致勝趙奢以讀父之書而亡身又
若前左水澤法也背水而勝何法之拘問嘗譬
之於良醫用劑以療人則兵法可思過半矣夫
氣病理氣血病理血痰病理痰法也然或久而
鬱焉鬱而火生焉法可徒恃乎則又依其法有
量為增減之道也不特此焉耳人有南北氣有
壯弱色有白黑養有苦樂病之受者有久與近
往之傳者有速與遲則又增減之外而又有增

滅之道也治兵之法何以踰此故曰可思過半焉雖然此以法言也然亦存乎其人故曰君不知將以國予敵也將不知兵以卒與敵也所謂知其該者廣矣法亦所當知之一事焉

論文

文自戰國以至秦紛紛然縱橫智謀相雄矣計功而忘耻赴利而背義聖賢之風掃地一盡故漢儒能稍稍改易其舊習業於家者率以經術陳於王公者無非治道子夏篤信之遺習也故

中川遺集

卷之六

三

清自筆

其文樸而厚東漢以節行取人才其文亦崇節行然未免執古以訕今黨下而排上矯而激訐而抗焉然自不可以久行故魏晉以來懲其禍而變其風競綺靡瓌麗以求工託此以諷彼借物而寓言謂可得詩人之道也然而逾趨逾下詩之道亦自此失焉唐踵其習以進朝士故其文益不足觀史謂唐文三變其真變也豈逾變而逾奇哉其氣不振其體婉而輕採春華而棄秋實君子有弗與也宋鑒於漢唐而兩用之故

應舉者每每以經術詞賦並進談經則過精於漢詞賦則不及於唐如是而已矣就中道學諸儒彬彬輩出翽經而衛聖講道以樹言固不無承訛襲誤之差然而雖漢唐名家者弗及也君子胡不取之取者伊何曰惟其正

論長城沿革

自天保采薇不作後世爲中國患者莫甚於胡胡之所恃惟騎其防胡騎使不得踰者惟墾與壕歷代所謂長城是也內脩庶政四夷自賓長

中川遺集

卷之六

十四

清自筆

城固在所不必築矣苟政治不失於內長城益樹於外其爲防胡計豈不益周且悉哉何曰長城蓋以延袤萬里之遠也夫地里之計既以萬防此則將入彼守東則必破西戰者既苦於擊殺餉者亦勞於轉輸外胡未滅中國先瘁長城可容於不作乎考之戰國時燕有燕之長城趙有趙之長城不獨秦之封自築長城也其載諸史冊者甚著世儒以長城之築獨罪之秦人何哉夫秦既一統乎燕趙其合一而脩葺之勢有

所不得不然耳此秦之所以爲秦計者如此若曰天保以上治內采薇以下治外秦之君臣信有所不能及此也

論山水

地勢惟西北最高故崑崙在西方獨爲諸山之最高也其分而之西之南與北者不能詳其東而之中國一脉入於蜀自蜀而楚而齊而吳而越而廣而閩皆其脉之所至焉一脉入於隴自隴而秦而晉而韓而趙而燕而盡於海以達於中川遺業 卷之十六 五 清印堂

胡皆其脉之所至焉夫地之勢既高山之勢必高山之勢既高水之勢必下故天下之水皆東流亦勢有所必至焉耳譬夫高屋上建甕水孰能挽之使不自上而下耶靈樞經以水自西而東流謂爲金生水者何其繆哉

論禮

禮非有離於人情離人情而言禮則人自人禮自禮非聖人所謂禮焉故雖行之但如偶人之在戲場一聽贅者之爲線索也匪但孔子不欲

觀故雖世人亦不之信矣此所以病夫行禮之難而異端得以乘其間夫如是正賴夫解禮者爲反覺耳何世儒之解不過之與則過之文夫過之與則人苦於不能知過於文則人苦於不能行此世人愈病夫難而愈不信抑且視禮爲希世奇怪之事物矣夫禮者聖人因人情而爲之節文者也不爲之節則未免有過不及之差未意固如此也豈能外於人情而故作此禮哉以今言之而朝覲會同人情也冠婚喪祭人情也與夫士相見及曲禮之文何者非通天下之人情乎聖人但由是以節文之耳然由此義而求之故雖格於鬼神感乎天地和氣融而瑞靈應國是一而民風同此情皆有以該之也故能定其情使安於中正而又出之以遜成之以文約其情使合於規矩雖曰不知禮吾必謂之禮矣

論冠婚喪祭皆人情

吾病夫世之行禮者以禮爲禮似與人若不相干不知禮緣人情而作豈能自爲禮哉人皆以情而求禮斯能知禮之味而悅禮之深進之自不已也禮始於冠其情必欲其吉故卜吉必備其所服故三加冠必祝必字故皆請賓以託之行使父子而自行之非人情也冠而後斯婚其情不以媒妁則兩姓不可以自言不問名則不知爲第幾子也寧保無後虞乎既問名斯納采蓋以此采之物爲定也既納采斯納徵蓋以此徵之物爲徵聘使門也徵既行斯請期不可以我之情而暴爲之也期既許斯奠鴈親迎奠鴈盛其贊也親迎重其舉也不奠鴈則情處於薄不親迎則女子情不可往親迎而至門及堂必三揖敬之以賓也合卺同牢欲其情之和也其後餘則男與女僕女與男僕情斯和而交焉明日必饋於舅姑婦見舅姑之贊也婦人之贊惟脯果故以饋也凡行必告於廟以承宗祧故不可不告也若居喪之情人子不可忍其親之死

中川遺集

卷之五

七

清田掌

故升屋而招其魂以復之復之猶望其生也既不生則死之焉爲之沐浴襲歛欲其整潔而不使厭於人也且以便遠行焉故古之贈死必有棺槨必以乾脯即其所有者也蓋未死不可以預爲奠儀既死則主人主婦以下咸盡哀無暇以爲奠儀然又不可以不奠故且用乾脯焉棺槨之厚惡其土親膚也必幾月而葬度其具之可以辦也必以計告於人天崩地折不敢不告也賵賻所以助喪主之不給也

中川遺集

卷之五

十八

清田掌

處功論贈江西龍君

始余過東塘先生毛公公以王希大請言狀示且語之曰寧識我吉龍君之冲虛乎平生秉義而尚節丞大足縣赫赫有聲後以親老故遂謝事家居寧藩作叛至煩武廟之親討君奮髯曰皇上且冒險如此吾可以安處乎哉又曰吾雖不事事臣子也主憂而臣辱且死此其時也吾可以坐觀成敗乎哉又曰犯天下之大戒者天下當共除之而况民有義起者吾不

可以獎率乎哉乃分部男烏等行收義勇兵得一族凡藹粟供頓車馬器械皆自出家帑辦之其佐陽明公一軍內預密謀外爲疑間往往阻撓賊權共相掎角於王家渡整船伺焚燒也於時罪人之得而君實與其有功陽明則奏白於朝於是君陞判滁州而男烏亦受恩典也或者教以自論奏乃君亦治裝來京師久之復內自訟曰角巾歸第口不言功宜也胡爲而至於此方今皇風妙清穆之機至德有不彰

中川遺集

卷之六

九

清自掌

之化凡所以幹旋鼓舞者必有道也又何容於論奏遂買舟爲歸去計其僕不知其友知之不有言贈曷信於時友人王先明爲之乞言余曰諾爲作處功論曰所貴於丈夫者貴其有功德於天地天以上履地以下載中則參上下而稱爲人自不沾寸祿以至一命之上者靡人不可爲則亦靡人不可至故曰太上立德其次立功是以詩有勸懲禮申崇報夫論德不惟其大論功不惟其小禦災而捍患竭忠而宣赤國家

攸賴其力生民陰受其庇厥功斯大焉古人之建功者不少矣夫功名之下其實難居間有以功而顯者亦有以功而敗者厥咎何由善處與不善處之間耳夫功成萬全德重一世苟能體之以謙虛任之爲有無知否不必於時好而得失祇聽於造物故雖所酬不滿於目前而大獲難逃於公論今日之未報安知不爲他日之重報耶斯之謂善處若乃銖銖以較重輕寸寸以量短長忿欲以鳴於人往來以求其顧幾何不矜以致天下之爭伐以失在己之能將併其所謂功者反不得以食其報斯之謂不善處龍君之功固大矣將爲善處之耶抑將不善處之耶於余言有所擇矣

中川遺集

卷之六

十

清自掌

寒暑論

天地之爲氣也一而已矣其氣既一則其時而寒時而暑必有所爲者以主之天地固不得而專也其曰一寒一暑互爲往來者豈其然乎惟驗之於四時矣夫夏則晝長而夜短冬則晝短

而夜長春與秋則晝夜均停而不短不長夏則日北行而至冬則日南行而至春與秋則日行南北陸之兩間夏之風多南冬之風多北春與秋之風則各從其東西是皆其大數然也凡日之來赫赫陽光下麗之則甚側照之則微夏之日既下麗矣然而行於天者自寅至戌入於地者纔自亥至丑耳炎蒸以鬱於晝者既多而清涼以解於夜者復少厥風自南則飄然吹至者皆南方濕熱之氣也日積一日夏焉得而不暑

中川遺集

卷之十六

主一

清自掌

地之一氣流行也明矣嗚呼世之論寒暑者妄耶鑒耶若必如世之論則天地所以而知也爲天地必有一氣曰寒氣矣必有一氣曰暑氣矣是豈真知寒暑者哉

中川遺集

卷之十六

主一

清自掌

中川遺集卷之二十六

中川遺藁卷之二十七目

箴銘十一首

率性堂箴

脩道堂箴

誠心堂箴

正義堂箴

崇志堂箴

廣業堂箴

繩愆廳箴

中川遺藁

卷之二十七目録

一

清白堂

博士廳箴

典簿廳箴

東講堂銘

西講堂銘

策問十首

國學試士策問六首

擬武舉策問

擬會試策問三首

中川遺藁卷之二十七目録

中川遺藁卷之二十七

大梁王教庸之著

箴銘十一首

率性堂箴

凡此兆民皆有恒性帝之降衷天之明命士以希賢賢以作聖性靈是循曰惟主敬敬則寡欲人泯天定鑑空衡平冰清玉瑩內境昭融本原凝靜萬化以出百體從今天民者流大儒之行不敬則雜爲厥心病心之邪郭孰司其柄淵泉

中川遺藁

卷之二十七

一

清白堂

弗澄其昌取映雲掩大虛茅塞山徑道義之門爲坎爲穽處何以中居何以正儒之穿窬人之鷄窺我言維服非敢爲佞維二三子洗耳敬聽訓誥典謨欽恭可證率性而行勿俾怠勝性之存存道隆德盛隱則善俗仕則美政盡性知天斯名乃稱

脩道堂箴

人之有道不可弗脩逸居無教聖人有憂乃命司徒咨度籌謀教以人倫終身使由親義是思

序別是求信以成之使殊馬牛道之大原本於
天成隨形以賦與生俱生匪從外得此性此情
其不行者其咎未明人倫之察舜以智稱凡百
君子遵道以征積德之基維道是凝道存五常
體具六經循而脩之三德一誠統緒相傳賢聖
相承羲軒堯禹湯文孔曾以思以孟以周以程
豈無定論亦有明徵所貴吾人是訓是行人人
之脩天下之平比屋可封非道曷名矧維物則
民斃與併得深誘小內重外輕墨卿司戒敢告
同盟

中川遺藁

卷之五

二

清白堂

誠心堂箴

誠者天道二五之真無物不有以況於人人心
之靈聚精會神是曰天君以主此身天君之泰
廣大無垠精一執中誠所根因存誠有要無妄
是循功能勿欺效乃斯臻戒爾變詐崇此真純
天下大經以經以綸洗心滌慮日新又新因此
識彼觸類引伸斐斐是守翼翼是遵無怠無荒
畏縮逡巡勝已者輔惟仁是親出門之敬如見

大賓靈局不昧大虛無塵黷浮墮偽返朴還淳
克念乃聖爲儒則醇庶追往哲以冠群倫同仁
一視與物皆春稊米之微合德洪鈞是惟活物
顧所陶甄誠於孝友政見君陳爾思憧憧誨爾
諄諄

正義堂箴

制事之宜是謂之義五行則金四德維利方作
矩裁斷以剛致其在於人不爲物累道通古今
心主羞愧強足有執正之維是弗正則邪靡所
不至悍猛柔回頗僻畏端胡以自立難乎尚志
欲爲大人反成暴棄所願吾徒敦崇行誼惟義
是由以正爲位在家從兄於國登仕臣道則忠
君親無二用廓大倫無干清議善小必爲名立
罔冀辭受讓推酌中取譬一介萬鍾處之無異
義斯可集正乃攸遂質幹所存勿忘有事反無
不脩居有餘地求諸孟門可以爲士

崇志堂箴

氣之將帥於人爲志主張百體綱維庶事心有

中川遺藁

卷之五

三

清白堂

所之氣無不萃本自浩然充乎天地其未充者
動即恐懼德以罔脩道何以致胡能自立反爲
心累功豈可崇氣失其治崇志有階功循次第
非聖與仁孰知其自蘊奧之存明以開示要其
成功著其集義身體力行使求其志義以集成
中斯直遂道心充盈人心退避惟志之適誠能
無二聖軌在茲行完而粹俯焉何忤仰亦無愧
學斯繼絕用可不器奧入孔室尊居孟位君子
之儒盛德之士靜言思之無往不易存乎其人
中川遺集 卷之五 清自堂

欲之即是

廣業堂箴

進德脩業欲及其時業焉弗脩是謂棄之宇宙
內事皆吾所爲遠而天地近而藩籬孰主張是
非吾而誰所以脩業廣大維期廣之伊何若切
所司萬慮必周片善勿遺世味備嘗時務精思
用之則行因時致宜事君以忠使衆而慈維民
之休與世作師舉無棄物動有成規篤近及遠
上恬下熙不負所學以昌厥施進脩匪難積慎

乃基業廣維勤行墮於嬉勿耽淫樂以快已私
勤勵不息戰兢自持性分職分念茲在茲廣業
之功無踰於斯惟爾諸生敬聽勿欺

繩愆廳箴

繩德惟直以約群枉散示整肅正爲依倣譬彼
繩墨隨材取象哲匠運斤執此以往爲棟爲榱
或下或上不緣拙工改斯素養又如大綱繩以
屬網綱舉目張一一可想比類繩愆均切拂仿
是曰司直衆所景仰道兼情法義存師長處之
有方政乃無爽孰能鮮失各於其黨觀可知仁
科分勸賞違戾則罰恪遵者獎面命耳提周爰
諮訪命以進脩學湏勉強功尚縝密戒先鹵莽
罔念作狂日就曠蕩莊敬自持原良莫放令儀
令色可威可象植德務崇積業惟廣守以謙虛
勿事標榜人心之靈豈不懲愴省愆從繩應聲
若響茅塞芟除塵污滌盪敷五之賢千三之享
衆頌無踈繩尺有仗桃李敷榮鳳麟趨蹌國賴
英才士尊函丈計功程能胥歸職掌

博士廳箴

學欲其博文以載道博學於文聖門戒告百聖之傳五經之教脩齊治平用罔弗効訓發經疑辭何瀚浩會萬於一理斯精到君子務博將以反約經道之餘在識其妙明善復初德以彌邵儒可魯思相追周召知德者誰反鏡索照不有先覺孰開蘊奧 皇朝育賢仁如履幃分經置師挈綱舉要漸磨提撕董陶啓導以匡以直以來以勞成人有德小子有造爲臣盡忠爲子盡孝往聖先賢是則是倣禮從時宜樂遵雅調守正依中至德攸好立命知天踐形惟肖得士如斯孰不欣躍以人事君人胡以誚勉勿作輟期惟允蹈譽永無疆功食顯報

典簿廳箴

養士之具廩餼膳蔬吏俸本折國課畜儲暨彼祠廟庫藏門厨廡廳堂宇井甃塔渠裁脩易置葺理增祛勾稽期會紀載簿書歲積有蠹日至無拘已稱繁劇况接士儒纔失檢察便致他虞

中川遺業

卷之七

六

清自堂

東講堂銘

匪輕斯任繫重何如司存出納對券合符裁新散陳比同驗殊量入爲支易墨以朱乃瀆區畫用弭侵漁持廉馭吏秉公服胥咸以廉生明與公俱求情推恕寧密勿疎留神經費役志羨餘執我一實禦彼百虛防微杜漸慎末如初物來順應事以審圖勉斯汲汲勵若徐徐勤補冗務儉助叢需守之既定久益弗渝著美官箴永終善譽勿曰孰知省躬自娛考課維明榮膺顯除

中川遺業

卷之七

七

清自堂

學非講明不雜則僞面牆奚益歸文如甯孔曰吾憂孟曰自棄物且未格知何以致行有不得往無攸利上達之學講求其義天人斯合聖賢可至勿阻於難實順而易典謨惟中易時爲貴推頌無邪春秋紀事禮敬而嚴樂和而治塗經殊分歸宿同地貫萬於一極誠無二堯仁如天舜其大知學斯大成功必有自聖聖相傳法亦寢備厥法所先在充其類此舍此惡孰非孰是視以從違認爲道器不爽厥允優以從仕仕不

廖學講益崇志求諸載籍三代之士存乎其人
古今何異

西講堂銘

朋友講習大易垂示麗見兩澤講通百氏大德
不孤圭璋必二道合志同良朋類至會斯以文
交惟正誼日講習如兄如弟勿自訑訑無然
泄泄問難質疑啓發志意徑去茅塞天開雲翳
雖柔必強變愚而智無思不通有求必遂講習
之功其大如是講孰爲先習何最易藝倫綱常
道德仁義因時達宜處身易地文具五經事該
六藝勿安故常用圖優異賢以士希聖思同位
以復厥初不忘有事聖域埏埴道統可繼匪從
外得皆由內致推我由衷告爾多士

策問十首

國學試士策問六首

問孔子之教顏子之學博文約禮而已然博文
知也而或以爲舉而措之事或以爲經歷險
艱皆是也不幾於行耶約禮行也而或以爲反

說約或以爲知要不幾於知耶博先約後而二
者之中又自有先後然學文居力行之餘志道
爲游藝之首又何說之不同也豈文不主於圖
籍而禮不專於器數徒涉者不可以言博而徑
截者不可以言約耶至於病多記之喪志而誦
史乃不遺一字譏高談之近禪而晚年之論若
有契焉抑又何耶紫陽門人會粹師說衍爲六
條曰循序漸進曰熟讀精思曰虛心涵咏曰切
己體察曰著緊用力曰居敬持志且謂足以盡
博約之道可得悉其說耶其於孔顏授受之旨
亦有同乎否耶夫教與學成均之事也二三子
居業久矣願因是而聞起予之益
問五常者人性之全德也然孔子於論語專言
仁於易并言仁義而畧其三孟子兼言仁義禮
智又推其端而畧其一何耶諸儒之論有以仁
義配二氣四德配四時五常配五行又謂仁足
以統四德信足以貫五常者其理何如也程子
謂仁道難名又謂惟信無端朱子亦謂仁義禮

智各有界限而其性情體用各有分別然則又何以見其仁信之統貫耶五常之論交互反覆如北溪陳氏者幾備矣其所謂堅觀者橫而觀之者錯而言之者可舉其說否也至於大學言格致誠正中庸言誠敬忠恕若紛然不一者其果出於五性之外耶抑亦有始終精粗流通貫徹而無間者耶夫窮理盡性大學明明德之道也願研究之以驗脩己之學

中川遺稿

卷之三

十一

清白堂

問立德立功立言古之所謂三不朽也帝王之際莫尚於此矣乃若孔子孟子皆有至聖大賢之德者而周流歷聘不能成當時之功然謂孔子賢于堯舜孟子功在禹下者何耶六經之刪七篇之述萬世典刑于是乎在然孔子又欲無言孟子又謂其不好辨何耶夫言以載道也而曰有言者不必有德功以濟世也而曰明其道不計其功故孔子歸功管仲而孟子卑之孔子不取子賜之多言而孟子稱焉何其旨之不同耶且言期於用而係之人功期於成而係之天

非若德之求在我者也而又何以能取足耶抑亦有崇本之道合一之學可以兼修而并立者耶子諸生服教成均有日矣不朽之志果何如也其具陳之毋讓

問漢儒對策於君者立太學以教於其國又曰養士之大莫大乎太學太學者養士之所關其所謂士即孔門所稱儒者是也孔子謂子夏曰女爲君子儒無爲小人儒夫儒一也何以有君子小人之分君子固可曰儒小人亦可謂儒耶

中川遺稿

卷之三

十一

清白堂

儒行則又舉其能自立者二能特立者二以告哀公夫立一也何以有是差等自何殊於特特何異於自耶聖神繼天立極道統相傳皆儒者事孔子魯國之儒至今爲萬世帝王之師如是則儒者之道大矣遊學而業儒者可以自安於小耶儒學莫勝於東都時有卒業太學爲萬世大儒者果能自立特立無愧於其道之大歟先正之品藻人物諒當有據何稱張子房董仲舒皆曰有儒者氣象耶所謂氣象者伊何據其行

實可以同謂之儒行否耶傳曰孟軻沒千載其
真儒知孟子真儒也今其人雖未見其道則猶
未泯焉諸士之尚友乎古體道於身必欲從事
乎立以求至乎其大不知當自何道始請著于
篇觀爾文所以爲儒者何如

問食與兵八政之始終於民則所賴以生所持
以衛於天下國家則禮教所由興文治所由成
也是以子貢問政夫子則以足食足兵告之其
曰足者非待哺而後謀食臨戰而後議兵也故
曰有備無患不豫則廢時務急切莫重於此于
今則郡國以饑荒告賑邊鎮禦虜告敗不備而
豫矣果如其言則內帑之出後何以繼外寇之
入漸不可長於是而求其生財裕用之策久安
長治之計以能家給人足戰勝而守固揆諸
先王之法今時之宜有以合一於衆論不二於
經久意必有道也不知當何如而後可

問學術有醇駁治道有隆污二者蓋相須也三
代以還治道之隆莫如漢然無得於精一之傳

學術之醇莫如宋然無逮於雍熙之化其故何
耶抑又有可疑者規模宏遠何以言治多雜伯
中興赫然何以云未盡其美同致富庶何以或
失之謙何以或失之刻皆崇經術何以一過於
剛一過於柔才畧雄大而何病其耗國家之元
氣名實綜覈而何咎其兆西京之亡凡此皆漢
之英主也果皆隆乎否耶規方矩圓何以謂不
及明道精思力踐何以謂不及孟子內聖外王
之學與聖門不同者何說冰壺秋月之賢與伊
尹少不相似者何事見處卓然而何云失之太
高博學多識而何云弊在於巧尊德性者何
以爲近禪道問學者何以爲未定之論凡此皆
宋之鴻儒也果皆醇乎否耶夫道不行則無善
治學不博則無真儒若欲得真儒以圖善治者
其道何由二三子卒業於此久矣其所以嘗折
諸聖賢者陳之于篇毋讓

擬會試策問三首

問士志於道而所業則文故今重聖取於多士

者道德潤身文章華國而已請姑即是商確何如傳曰文所以載道又曰道之顯者謂之文如是則道也文也一而二而一者也何後世則藝文道學各立傳志文章道德各自名家無乃文自文道自道乎道之大原出於天斯文之未喪亦天天不變道與文宜無變也論道者曰行帝道而帝行王道而王則亦行伯道而伯矣道果有是三等耶論文者有治世之文有衰世之文則亦有亂世之文矣文果有是三變耶道統之傳非文奚信君子之以道自任者何於文藝焉弗屑文運之嘉非道奚啓君子之以文自負者何於道學焉弗講間有講之者矣往往以玄虛奧妙之詞以飭陰陽性命之理至於所作亦往往以左氏國語史記戰國策爲模範道與文果如是乎哉諸士子之所志所業諒必有擇於是矣請言其所以致此之由與轉而合一之漸務所近不可離於源更文必足潤身經久後孔氏之法以刻諸石

問國朝以明經取士士所學則惟六經孔子晚年之刪定贊修六經始出其曰吾十有五而志於學不知所學者何經抑他有所師授歟何以至乎聖人之盛耶不獨孔子聖帝明王如羲軒堯舜禹湯文武亦必有學始有今六經矣當時所學抑何以誦習耶今考其言行政事儀式典章或曰帝王之學與儒生異儒生章句之學也帝王之學何學歟乃至於吐詞爲經動可爲法如此不獨帝王應運之名臣碩輔卿士大夫孰不待學今固不能考究其書名若夫育才取士亦有可指者歟歷漢迨宋學政日修經書之列在學官備若誦習者至汗牛充棟夫學之有資宜才之輩出也何乃去聖益遠及不窺其堂奧終於治不古若士反以賤其道何居歟今欲治經之餘求古人之所謂學者以學法古人之所以育才取士以造士求復乎帝王之世聖賢之學知當何如而後可願言之以轉聞於上問人君之於天下其位君師其道父母故曰天

降下民作之君作之師又曰維王萬民父母夫君師有治教之責父母兼生養之任此堯舜所以志切憂民文武則憂勤惕厲矣降及後世上下情安無恠乎治不古若小康而已洪惟我太祖高皇帝膺運撫世統天御極所當正此責任矣爲能汲汲以堯舜爲心文武敷政故凡立法定制以爲治教之具生養之資者無一不極其至然而百數十年賴以治安皆此佑啓之功也夫何邇歲以來不能不時與事異勢以代殊法或久於弊生禮多存於文具缺於前者不可無補於後宜於昔者乃多不便於今琴瑟欲鼓於更張而法令有難於變亂廟堂之計不能不預爲求圖也今欲本人情以求夫酌時之宜據祖法而濟以變通之處君師之治教以全父母之生養以遂必有關時事之重大爲急切之要務者不少也正主上之勵精圖治所欲聞側席求賢之至意也有懷不吐其孰能知碩言之爲轉聞於上

按武舉策問

問兵法本於王制古之人有是言也王者之制本以爲民而謂兵法則本於是者何所指而言歟自古言兵法者莫先於八陣黃帝氏之所作也今其制果王制乎諸葛孔明之八陣有圖蓋亦推行乎此爾非其能自創始也言八陣者必歸於孔明何歟八陣圖有曰天地風雲龍虎鳥蛇意有取爾也抑黃帝之始作已具亦後世之所假名者歟自今言之似非聖人意也豈以兵爲詭道故相沿而不易歟厥後名知兵法者有六花五行四獸十二將之名率然之勢偃月之形要皆堂堂之陣也其自我者作不知抑本於八陣以爲之乎八陣之善其妙無窮可得而言其所以善歟且其妙者果如太宗李衛公之所問對者歟抑或此得彼失而猶有未盡者歟說者又謂陣而後戰兵家之常用之在人妙之在心背水而陣固已犯天官之書兵法謂之喪紀乃韓信用之而勝於氐漢王用之而敗於睢果

用之在人而心爲妙用歟何陣之同而勝敗則異也是必有道以爲之要知當何如而後可

中川遺藁卷之二十八目錄

雜文十三首

孝子田懋學廬墓傳

梅窓傳

陸毋王孺人傳

衍言贈吳道深

心求贈郡伯王綱之

讀許忠烈集

雜說上

中川遺藁

卷之三

一

清白堂

雜說下

祀典釋義

寄徐巡撫書四首

龍馬負圖

神龜啓範

封人請見孔子

孟子見梁惠王

中川遺藁卷之二十八目錄

中川遺集卷之二十八

大梁王教庸之著

雜文十三首

孝子田懋學廬墓傳

田密者字懋學儀之九溝村其世家也王父王
大父俱以明進士興厥宗二兄宥及宏接踵遊
太學宥今已筮仕出爲郎官矣子極高容神秀
朗足衍書香故密得以餘力而學文但不好尋
章摘句惟求領畧要旨而已連丁內外艱哀毀

中川遺集

卷之二十八

清白堂

如彼屠割曰我罪伊何不自殞滅乃延及我考
與妣也迨竣塋事留塋墓側不忍還朝夕挽土
壤爲馬鬣封蓋於孔子之塋其父母者從焉凡
閱月二十有七生明在禮宜有禪之祭可舉密
猶不忍還也曰我何以受妻子之養乃去我考
與妣塋哉諸姻戚朋舊高其志不堪其苦景其
行不泯其名爲白於邑長咸嘖嘖賞之曰賢哉
賢哉今不可以歸來乎哉遂往造於密父母塋
次進密於前而語之曰有嚴聖制厥道惟中傷

生斯戒毀性難從爾可以違之乎情靳裏私理
循至公往無不宜是謂大同爾可以矯之乎爾
親爾故爲翁爲童芝蘭契結骨肉義崇爾可以
絕之乎歲功以九月而成天道以三月而變積
三爲九於今凡三有成矣報德明心卒難自快
終天飲恨曷罄厥極向不歸爾室以奚待乎謂
爾以不來歸爲宜必有足援而可證者在也往
牒並存莫由斯道可不歸來之乎雖然吾當筆
爾孝思於爾邑之乘表爾宅閭於爾邑之東矣
執事者取其所席之苦破其所枕之塊撤其所
居之廬哉于是密乃伏於墓道哭哭盡哀脫經
及衰始服黔黑巾以黜焉然猶三回首以顧戀
之也中川子爲之贊曰天下有近名而實厚者
廬墓是也故觀過知仁顧名思義是以子貢不
忍於其師而爲築室於場者三年君子至今題
之夫民生有三事之如一以是心而盡於所教
之師者既可題之矧夫盡於所生之父母者獨
不可題也耶

中川遺集

卷之二十八

清白堂

梅窓傳

梅之先其來遠矣自入載籍未有梅幹者浮江而下大禹命之作宮室廟與廊大利其用有梅實者與海濱鹽氏子善殷高宗廉知之命主烹調爲和羹最後有梅英者玄宜帝以先代名閥喬木世家故特加恩遇以議賢許以不死且皆從其便益最後則唐人多重之孟浩然嘗物色訪求雖跨溪澗歷風雪未敢辭勞奕世清白相尚彌遠彌芳也然亦散處乎四方迨宋惟孤山

中川遺集

卷之三

三

清白堂

族爲盛和靖處世至棄家與妻子相從時有願見而不可得者每每繪圖傳神繼以聲詩戶傳而人人誦焉桐城張翁乃亦聞之渴慕介以其友松大夫與竹君子者躬造其廬始見顏色於是拜友那玉意甚勤懇梅氏乃許身以從翁喜得締交論心爲築室堂以居梅氏弗願也曰家本村居性便山野惟水石則嗜之堂高室遠慮損真元矣雅操不可奪爲之移傍假山環以盆沼取玄鶴解舞者婆娑於下以樂其意視去翁

南窓爲步武近時啓時闇曰廷良覲乃翁伯窓曰梅示性鄭重而邑人士號翁者亦曰梅窓云雖然梅無求於翁翁自不能無取於梅也倚窓緬想其所得梅氏之助者寧有窮耶贊曰梅之清可資以怡情梅之白可資以受益梅之聲可資以解醒梅之操可資以寄傲夫怡情則性可靜受益則德可崇也解醒則逃於皆醉寄傲則不墮於頹風也吁嗟乎翁其真翁也

陸母王孺人傳

中川遺集

卷之三

四

清白堂

孺人姓王氏父家餘杭故宮保鄒宗伯之外孫女有至性溫靜閑雅雖語笑亦不苟先是龍臯子詹學陸公暨嫡姚宜人聞其賢曰此秀昧也譬諸龍媒他日有所育必汗血駒盡娶以貳吾室遂備禮遣使於是王氏始歸於陸矣克循女則宜人愛重故終始如無間言凡龍臯得以盡心乃職雖宜人多靈助王之功亦不可遺矣成化癸卯龍臯丁卽中府君憂哀毀踰節病幾不起者再王曰是所望以終身何遽乃爾爲之齋

沐祝天願以身代且慮人或闕知曰此自愚衷
非皦皦市私求媚也公病間始知之語宜人曰
不亦難乎哉使爲臣事君而勵若此心者有辜
恩負義者歟生子男二俱茂文名奎章由國子
生膺鄉薦其所就未可量已著香奩四友傳足
傳煥章尤工篆隸筮仕鑄印局令所著已有鵷
峯子及鷗峯雜著諸集弘治甲寅年宜人及龍
舉相繼歿王以侍湯藥勞瘁兼之憂惶悲慟乃
亦遂搆疾不起實丁巳歲之春二月也煥章以

中川遺集

卷三十八

五十一

清節堂

衍言贈吳道深

初余與道深同鄉薦時見朋簪之譽彼者曰士
元士元受以密藏不顯諸有乃厥中則養求蒙
正非蘊花魁若爲樂泉以好梅者因號其所曰
梅泉言近而指則遠即與凡之常物託玄思於
太素矣問之則曰端伯十友其清友也者非梅
氏矣乎尚友之餘正欲締情膠漆切誼箴規不
徒爲寓真於假見大於微如古人之佩取韋弦
象德瑤玉蓋亦有意焉爾乃今則自名進士宰
蒲圻過辭請益併携梅泉卷問義又將知梅氏
之世譜華族本支奕葉果真爲可與則當情申
久敬契合同心豈惟清友而從政以之不林隱
則與居貴遊則絕交也故爲避席者再曰太史
氏宜多識嘗爲立梅氏子小傳否余曰有之今
不能詳焉姑舉其槩可乎梅得姓最遠自炎黃
時即知名有梅英者家漢川世以清白相傳安
士敦仁流芳彌世其大節不可奪故雖北風雨
雪無物不消彼則守貞競秀挺立不群未嘗一

中川遺集

卷三十八

六十一

清節堂

逐時好至爲失色於人無何則更名實炎帝
知之官諸朝試醫師輒稱任使遂皆紀其功於
圖經民到于今稱之有梅幹者禹治洪水時乃
獨浮江東下事禹爲柱石臣領於將作建宮室
以賴其後幹之裔曰微實之裔曰大至商高宗
時有應和鼎羹之命者視庶官則相職云世濟
厥美鼎賴均調道深其善之交以藉其調和之
美乎古稱賢相者曰禹稷伊尹比諸出宰百里
事固懸殊夫宰兼衆職相道已寓吳幼清以爲
禹稷伊尹之志苟得一縣亦可小試蓋以宰近
於民福惠易施宣上達下力可畢致得其職則
相道舉矣相有踰於是耶若夫五善之全譬厥
五味梅之大用茲亦有微子能勵若清白堅若
節操隨土思安志仁無惡任棟梁則如其柱能
司鼎鼐則如其和能將見梅氏之衆美吾子爲
備兼矣益者三友孰大於是沒齒完交善亦莫
大焉行矣與俱夫又奚疑道深則恍然若有失
復忻然如有獲乃爲幡然起鞠然謝曰今而後

乃知梅氏子之世德無數益我寔多不獨如端
伯所稱者之清焉而已微史氏其何知分惟守
俸以如泉茲又當守官以如梅矣取至所治以
顏吾齋

心求贈郡伯王綱之

綱之以進士高第領 欽除知無爲州自念無
爲亦畿輔要郡守萃百責政兼六事 帝命
有嚴不遑寧處爲之買舟趣裝過辭請益史教
則嘉其撝謙受益有容必濟也乃爲作心求之
說贈之求者何求以遂民之願盡已之職而已
求何以心非俟於外夫人同此心心同此情求
罔不得感無弗應已所不欲人必所惡者也所
嗜嗜之其孰不好夫作新變化之有其機從違
向背之有其原顧吾有所不求而求焉或僞之
爾此惟越人視秦人然而謂視民如子者爲之
乎夫民吾同胞天所生也天不能以自治立之
君君不能以獨治任之守若令立之君天心蓋
屬望於君任之守若令帝心又責成於臣矣乃

若斯民之望治託生一惟聽命於上待哺於下
於以求全脫苦焉耳此之外夫何求是故爲人
上者君當奉天心以保民臣當體君心以愛民
喘息呼吸直若相通鞠育撫摩無殊已出然後
可以爲民父母心誠求之父母之心也赤子尚
可以諭而況民之有知求之有道與聚勿施民
求以獲隨在惟寧既庶既富斯無凍餒由是教
可明道可一需可克兵可固風俗可醇政治可
成君焉孰與不足夫然則君心之責望者有以
仰成於上天心之屬望者亦以畢遂於終矣忠
焉有大於是乎自我求之自我得之欲之即至
果決之無難焉吾知綱之優爲於是矣世有忽
焉不視諉以迂談乃惟嚴法制以重其勢肆形
威以劫其服任喜怒以爲操縱恣予奪以樹勳
懲曰吾天子之命吏其能致愚氓之帖服有期
寧一無犯道正在是也事集孰不曰能且幹耶
本之則無如之何或者其常遺愛無乃異於此
乎吾恐亦不若是之捷且速成徑可易致也綱

中川遺集

卷五

九

清和堂

也
避席謝曰乃今而後知所以爲民父母之道

讀許忠烈集

嗟呼我讀許忠烈集幾爲掩袂以泣悲其志欲
有爲思其人不可作矣夫履霜堅冰漸非一日
其形若曲其影難秘是以獫狴犴角防潰未幾
曲突徙薪慮必先事致仕猶沐浴而朝出匣者
是誰之過與乃君子有欲爲未遂之志每至殺
身焉始見之而成與敗匪所論者爾夫臨難死
節重繫綱常取義成仁道全臣子百世完名一
代正氣也若忠烈者厥功豈小補哉故曰成與
敗匪所論焉者爾

雜說上

美色之在人物亦天地之秀氣所鍾也是以盛
於此者必衰於彼美於外者必惡於內觀夫草
木之華則驗其然花宜香惟其美色而盛肥也
乃多不香雖香乃亦不清花宜實維其美色而
盛肥也乃多不實雖實乃亦不繁梅以白蕊而

中川遺集

卷五

十

清和堂

清香穀以微華而美實無所分於秀氣故生生有以繼之也若美色而盛肥則有以分秀氣於外矣既盛美以分於外必衰惡以主於內何能清香而美實也哉惟人也亦然故女之美色者乃不貞貞也乃亦不純乃多不育育也乃亦不肖必淫必諂必悍必妬靈秀之氣既有以分於外則其情欲之感曷能有以正於內哉則其精血之孕曷能有以粹於內哉是蓋天地之常理古今之定論也故后夔娶有仍氏而子嗣不昌

中川遺稿

不孝美

十一

清自堂

叔向娶巫臣氏而羊舌以喪往昔之禍於美色者多矣于今宜鑒而蹈轍不息者何哉吁悲夫

雜說下

龍之爲物水蟲也惟大風大雨水則出而從之是以上頡頏人或一見於風雨之中龍豈真能行雨者哉人惟見龍於風雨之中是以曰龍能在天而行雨也使吾曰龍水蟲也不能行雨亦惟乘風雨以頡頏之耳人豈有信之者耶見其然而不知其所以然則其不信也奚怪哉嗚

吁天下之本有不能而冒其所能本非乃事而冒其所事紛紛然如龍者亦多矣豈但多而已哉抑且致人之勤懇拜舞笙竿鼓吹以求之如大旱之求龍矣抑且致人之祠祠新宇隆封徽號以尊祀之如大旱之祀龍矣若彼人者寧不靜言自嘆而駭在人之見亦如龍之不能行雨而駭人之求已也哉

祀典釋義

中川遺稿

奎子人

十一

清自堂

天之祀何始曰當自三皇氏始既稱皇以治天下則爲天子而居天位矣何以不祀天此之前不可知此之時則決有祀矣

曰何所考以證曰自人皇氏後數世始爲太乙氏按十紀論太乙氏則正神明之位神之太者莫如天神明益羣神也羣神之位正天之神不已正於先乎是可以證此矣

祀之何爲孔子曰大報本而反始也本始者何禮曰萬物本乎天易曰大哉乾元萬物資始非有祀則無以展其敬而將其誠竭仁心以明孝

道故曰大報本而反始也

何以歲惟一舉曰天道歲斯一周故惟歲一行之至後世則父天母地有事必告祭以行於是始有曰類曰雩曰祈曰禱曰柴望曰登封曰旅曰告曰饗曰禘曰大有事者焉其一則於冬至日行之是曰郊後世沿其禮而不敢易也

何以曰郊孔子曰於郊故謂之郊焉有事於天而行禮於郊則上古郊祭之始也後世以郊之爲言交者鑿矣

中川遺集

卷之八

七

清自堂

何以于郊易曰上古之時穴居而野處自穴處而有巢氏始教民爲巢矣於是有爲編廬緝扉者焉棟宇未制堂室未備也故不得不祀于郊後世以爲于國中則以褻於野則以疏於郊則節之矣鑿也

郊何以爲敬禮曰于郊則就見之矣是爲敬若廟之人鬼則有屈致之義焉此郊之所以不可廢而上古則未之知也

郊何以于冬至日孔子曰迎長日之至也又曰

祭主日而配以月

何爲主日而配以月曰冬至之日日纏在斗或牛是爲星紀之次至子時則次轉於北日正子位祭天者必北面以行禮所祭則天而正主則日焉然是月亦建在子故曰主日而配以月人雖不見若實理有必然者又其時則星宿各還其本舍乾度始應夫天開一陽始動於來復大明始增乎長慶斗位始正於玄枵極辰始端於正中天象各復其原體禽方各歸其辰次故一

中川遺集

卷之八

七

清自堂

歲則惟此日一日則惟此時過此則天移星轉日月以隨又復離次矣古人之祭以長至時必子丑蓋取於是焉爾矣故曰冬至子之半天心無改移而堯紀曆元亦是月此日於斯時起焉後世則鑿於一陽之生而爲取是日之義未思焉爾

何以于丘曰禮云因天祭天丘則高出於地而上近於天也祭于丘是爲因天以祭天若祭地於方澤則又因地以祭矣

何以園曰聖人因地形之自然或以園或不以園必園以象天後世之鑿也然亦弗順於道焉祭天之神而履天之象可謂順乎古聖人不爲也

郊丘何以兆於南曰兆於南則周始也周公始兆於洛邑之南焉王者建國或無自然之丘則於郊澤吉土以兆壇位孔子曰兆於南所以就陽位也就國之陽位所以尊之也曰帝出乎震東方非陽位乎曰必於南不敢以所居背所尊也若東西則猶左右之故於南後世則惑於天純陽而東南就陽位者鑿矣

何以掃地而祭曰掃地以祭郊天之始制也蓋自上古朴畧禮文未備其必掃地爲兆而遂行其禮歟故禮曰祭天掃地而祭者於其質而已矣傳曰築壇謂之兆掃地亦謂之兆後世以爲祭於平地柴燎於園丘鑿矣又不察夫質之云爾

何以器用陶匏曰維其時而已矣上古則汙尊

杯飲未有琖爵犧象之器鴟夷黃目之觴龍頭蔬蒲之勺時則器重陶匏故以用之非爲其質也自黃帝時始命甯封爲陶正公劉猶酌之用匏蓋必視之以爲美而自今以爲質朴云爾若曰象天地之性者鑿也

何以用明水曰于時則然非有所貴於明水也上古之時未有酒醴故祭奠用明水焉後世遂以爲玄酒至夏后氏猶尚明水禮曰祭齊加明水也明水貴新是後世猶存古道矣或曰取月之氣以報陰者或曰貴五味之本也皆鑿也

何以用太羹自上古之始爲火食遂取煮肉之汁以供祭然猶不知其太羹也後世存古因加以是名而釋曰太古之羹焉蓋是時未有醯醢安知調和非不貴於和也未能也豈曰能爲和羹故即是以爲質哉

何以棗盛不鑿蓋自上古之始知稼穡未有杵臼安得爲鑿易曰斷木爲杵掘地爲臼杵臼之利萬民以濟蓋取諸小過此則義農之後始有

其制非古聖人故爲不鑿以存朴也詩云或春或揄至后稷時乃備矣粢盛之鑿或極於此而肇於爲杵臼之後乎

何席以橐稽曰古者席地而坐故降天神而妥以饗之也亦以席蓋其時則累未制鞞革未能文席華簣未作橐稽則地之所生時皆用之故不能不用之矣非有所擇於是而曰此可以昭質利焉

寄徐巡撫書四首

中川遺集

卷之五

七

清自堂

龍馬負圖

古者馬負圖出於河河今豫方之黃河伏羲所都又今開封之陳也圖之數自具於馬與形俱生實天有意原非別爲一圖特假此馬以負出之爾考之圖具於馬者爲旋毛之點一白六黑在背近尾七白二黑在背近鬣三白八黑在背近左脇九白四黑在背近右脇五白十黑在背中央圖非人爲數皆天道具於天則人莫能測顯於龍馬而伏羲則之於是大易始作大道以

明故凡天下事理之千變萬化妙用莫窮君子小人取各有應中正純粹易簡兼該進退存亡消息惟時說外之則爲邪說道舍之則爲他道聖人由之則爲聖人故曰德合天地明合日月吉凶合鬼神道統之源文字之祖聖聖相傳萬世永荷者伏羲之功龍馬之圖也然其聖跡所存皆在河南故今河南省城宜廟祀伏羲而并繪刻其負圖之龍馬懸書其畫演之卦象不知於禮可乎

中川遺集

卷之五

八

清自堂

神龜啓範

古者龜負書出於洛洛今河南之洛禹治洪水又惟豫方之功爲大書之文自具於龜九宮異色實天所爲亦非別有書文特假此龜以負出之爾考之書具於龜者爲拆文之形一白近尾九紫近頭四碧在肩左二黑在肩右六白在近足之右八白在近足之左三綠在脇之左七赤在脇之右五黃在背之中書本天錫數存王道天不錫則人不能知顯於神龜而伯禹則之於

是洪範始作大道以行故凡天下政治之自始至終施爲有序王公臣庶用各不同緩急後先極建維中理亂汚隆變倫攸繫紊之則非仁政違之則爲伯術帝王由之則爲帝王故曰皇建有極惟皇作極惟皇之極治世之大法生民之會歸聖聖相傳萬世永賴者伯禹之功神龜之書也然而啟範之源亦在河南故今省城宜祀伯禹并繪刻其負書之神龜懸書其洪範之九疇不知於禮可乎

中川遺集

卷之八

九

清中堂

封人請見孔子

昔者孔子之去衛適陳道經於儀儀蓋今之祥符在春秋衛爲儀封人請見實惟此邑乃其地則戰國始曰大梁秦郡縣宇內復仍舊曰浚儀縣治陳留歷漢晉猶然今城內有浚儀街爲遺址隋唐以來始曰汴州梁宋爲京都坊府曰開封縣曰祥符仍其舊金元因東有儀封故儀之稱遂泯封人之美弗彰矣竊知此地爲儀者有五證此去衛都僅百數十里自衛適陳道必經

由一證也水經浚水實出邑下衛詩云子子于旄在浚之郊浚之於儀實維一所二証也秦漢以來去遠縣名浚儀必有所據三証也儀自入論語來名遂著聞他有儀邑孰忍泯之此獨爲儀而尤加以浚者見浚爲衛水此實衛地四証也儀封在漢爲東昏縣後易東明宋元始易爲儀封今縣治又國初所遷築也去衛適陳必不由此封人官名何取儀封此不足信五證也緣是則敢信爲儀水鐸存響欲改大梁書知於禮可乎

中川遺集

卷之八

十

清中堂

孟子見梁惠王

昔者魏侯瑩之徙都大梁實併儀邑然其地則南接曹東接宋西南接鄭東北接曹魏在汾澗未越覃懷越境徙都肆惟兼併故今日大梁曰魏土者魏侯始之也當時孟子之去齊至梁實

寓此地即其寓懷其人嚴嚴氣象萬仞壁立成
重太山光生汴水矣况復王政始終之陳仁義
功利之辨真足以爲百王永鑑萬代著龜循之
則治違之則亂也今若禹王之祀移入新祠吹
臺之盛不可無主欲即禹廟屋宇仍其規制改
爲書院一區置孟子之木主於中以崇後學之
矜式書惠王之間對於壁以存存魏之言議昔
人有曰孟子之功不在禹下去禹入孟功亦相
符續孟接孔道實相繼然此四祀皆當時之聖
中川遺藁

卷之二十八

五

清白堂

中川遺藁卷之二十八

中川遺藁卷之二十九目錄

行狀二首

贈太子少保兵部尚書李公行狀

故孔君朝孚行狀

中川遺藁

卷之二十九

一

清白堂

中川遺藁卷之二十九目錄

行狀二首

贈太子少保兵部尚書李公行狀

公諱鉞字慶甫別號毅齋其先宛平人五世祖庭吉避元季兵燹携子順成南渡河走於汴遂占籍祥符因家焉於是順成生仲斌仲斌生大用大用生公父景隆厥世巧偽自顏其庵曰拙生四子伯錦仲鎧叔即公季銘誕於成化乙酉

中川遺集

卷之二十九

一

清自

十月一日聰警不凡試讀書輒通曉大義文藻器識與日並進屢爲督學使者環賞辟赴省試遂領壬子鄉薦癸丑遊太學倫魁多士閉望彌彰續登丙辰進士第觀政棘寺選試監察御史實授山西道巡視中城多權貴居驕縱不法素稱難治公一以法裁之乃皆自歛飭弗取犯都憲戴公深用獎重京師目爲真御史竣事命理鹺政於河東除革蠹獎不墮寧處時益弛爲水潦所害年課以縮公爲置格築防延袤數

至今求賴課益倍於前商無苦於後公私俱足官與民胥便然此行又多異政旱禱雨輒雨雨淫乞晴應以晴疑獄不決者累年公一訊即得其情僞曰某當置重典某平允宜釋也衆以咸服指爲神鑒舉奏鎮守官官舊貴幸席寵毒民乃公悉案以法併剽其尊法用罔廢而毒民者亦盡除民歆初祠公固止之乃寢及去皆遮道流涕如失怙恃至今有去思碑在公署考績最得荷聖書褒揚賜封拙庵翁如其官妻

中川遺集

卷之二十九

二

清自

皆孺人出按福建實鹽臨鄉試斟酌時宜剔革宿弊開公布明以新條約比卒事無異議時榜中得人最多入閩以爲美談閩既多暑又臺政浩繁感疾甚劇乃得告回籍就醫痊日起復以浙江道刷京畿文卷吏聞命皆股栗公亦不事苛刻恕以求情期不誣人而已值群豎亂政問恤國紀公集議於臺曰此可容於清朝乎哉遂具入黨之刻乞盡除去乃值丁內艱去職接丁外艱日夜號泣幾絕復獲祥暨陰惡劾已誣

以他罪俾贖粟五百餘石於邊城服闋蒙改山東道尋出守鞏昌政務寬平期在弗擾民不畏吏吏不舞文有循治聲踰年陞四川按察司副使時方四等劫畧郡縣騷動全蜀久莫能滅巡撫見素林公知公才幹可任檄委勦捕公所至皆捷大岷之戰斬獲不下萬餘級渠首餘從一時併盡先是公居憂時嘗夢身爲水官領天兵數千出戰莫知所云比臨敵恍若夢境計得捷復下元節日豈前水官之應歟捷聞復蒙 聖

中川遺集

卷之九

三

請旨

書金幣之賜仍陞俸一級甲戌陞陝西按察使臺綱振肅憲度貞脩獄無久繫民罔冤抑以廷議僉詣陞公右僉都御史巡撫山西兼提督三關公奉勅即啓行自陝入晉必道出河東民咸喜躍羅拜曰我公復來今有怙恃矣昔公未至時鎮守多侵漁邊糧軍餉告乏公廉知之痛懲力除即莫敢逞又以藩臬隱弊歷久未清奏黜布政之不職者闔境稱快餘若慎徵科稽倉儲均從役時轉輸省費出公舉刺刑賞脩明政令

簡肅靡不可傳可式其備邊之法亦惟準此以故官軍畏懷兵勢振耀丙子秋虜衆突入宣府越白羊口南下朝野震警 上命提督大臣悉力備禦公以京邊重兵統駐宣大虜不利於東必移怒於西萬一乘虛岢嵐鎮西等處所決當其害具疏 奏允虜果犯鎮西岢嵐如箐公分布將士協謀共勦接戰乃大獲克捷我軍無遺一鏃計斬虜首至百五十餘得戰馬幾千匹咸謂數十年無此捷 上嘉奇功獎勞以金帛書再陞一俸時監督內臣愧不與妬之故改捷奏於大同公亦恬不與辯然僉議亦自公給事中潘墳即駁以爲言士論韙之時賊首武庭章等搶掠公賈餘威不旬日即斬平 上

中川遺集

卷之九

四

請旨

又賜勞陞俸如前具疏辭併乞休蒙示溫旨慰留備至會操江推及僉議以虜報甫靖邊腹重繫雖一日不可令去也乃仍舊任至丁丑歲秋欽取回院又明年畿內饑復奉 命出賑兢業靡寧如拯焚溺發倉均給民以攸賴所活幾萬

數時存旱乾公露禱獲雨三日 上聞之

喜乃趣召來赴銓部亦以公最奏 璽諾再褒

獎貶贈公祖暨父皆都御史姚皆恭人 大駕

北還復有詔南巡諫留者自部院以下伏闕待

命公子患已登進士官大行亦率同僚伏諫以

被責歿家人號泣彌日公寬譬曰父子之情孰

能忽然君臣之義於是為大惠兒死諫諍於家

為孝於國為忠此真吾兒何過慟乃爾然祥兇

構煽不已顧望者至側足立公亦剛勝正色無

少回抗以不合再乞休不報 今上御極布

明新政迨言官論奏雖一詞不能及可以見公

為人矣然亦請去職務荷 溫旨勉留尋陞兵

侍再轉左無何復推戶書公以為不世遇益淬

礪圖報聿新兵政會裁革傳奉武臣公為喜動

顏色曰生民之福 聖天子明見乃奏革冗

員千數授募者萬餘武選頗清公亦自以前陞

俸三級具辭蒙嘉廉退特賜俞允明年壬午春

西虜入寇號數十萬邊報告急下 廷議以公

樹勛邊陲備諸虜情遂獲 簡命以本兵兼念

都御史行邊迨 陞辭 賜以麒麟服路費寶

鈔仍給內藏銀四十萬充軍需至固原虜勢方

張進薄城櫓時援兵未集孤營屯守公始至今

大開諸門晝夜不扃虜疑畏不敢迫公間用火

砲打傷甚衆虜遂引去 詔復以公揔制三邊

軍務大振戎律必罰信賞增墩築堡遠慮預防

謹烽火嚴斥堠置窩弓設兵車申號令廣儲蓄

選智勇利器械節井苦均役使厚餉饋明出納

裁荒費去不急皆甚切時宜由是內治脩舉虜

多遁避然將士亦自鼓勇財費亦省於昔者數

十萬餘虜後復悉衆深入度涼涉涇人甚危懼

公曰在吾目中矣乃命遊擊時臣周尚文等分

伏要害斷其歸路虜果敗斬首甚衆獲牛羊

萬計諸將進賀公曰虜既失利必憤而復來延

緩新興石勞勢必經由為急調副叅某遊擊某

輩設伏邀擊鎮巡不敢從奏俟內批公力持不

易竟調伏如前未幾虜果寇延綏經前地侵入

伏發塵戰勝大敗北遁斬首亦不下數百餘或
勸以捷聞公曰不能致虜衆畏而不來來而偶
勝防禦之常也何貪功捷報爲哉乃向不敢從
者反以其報 上亦資以金帛璽書褒獎其
畧曰鎮巡官奏稱爾分布副叅遊擊等官於三
山等地方設伏防勦果建奇功又曰以數千之
兵當五萬之虜三戰皆勝一捷尤奇皆爾明於
用人善於料敵之所致時邊氓亦歌之曰肅肅
我戎矯矯我公赫赫天討以懋奇功先是西行
中川遺藁 卷之九 七 清白堂
時恐負委託累乞辭未允且荷 優諭至是虜
靖乃 詔還及奏績又蒙賜贈淑人君歲餘再
擢右都御史督漕時盛暑南行脾胃失調復季
子愆喪折甚聰敏善屬文公雖知付於命然亦
不能忘情也歆再疏乞休以 簡命罔敢違乃
強就行事少愈遂經畧漕務興革利弊饑民賴
以不忘運艘樂以時集矣有 詔俾還摠內臺
編疾懇辭 上以風紀重地委任方隆弗許

乃入京拜 命振立綱紀脩明法度毅然以天
下爲己任蓋自承平日久法壞於因循吏安於
故習雷同調佞風尚客悅公於是有明職掌抑
奔兢勤巡歷禁迎送之疏又以小民沮於權勢
復爲伸理冤抑之疏 上悉納之即頒布
天下方大注望乃尋陞兵書侍經筵班兼提督
十二團營皆荷 特命公惟本兵重地慮切餽
曠乞休未允遂勉力脩明兵政大舉邊報至必
爲審度事勢指示方畧要於必勝萬全然後啓
中川遺藁 卷之九 八 清白堂
上摠副將員缺布公選求惟其人不惟其官債
帥之風頓息無聞公既以官多擾民因於
上裁之會例推選軍政往時請託恣橫事多掣
肘或歷旬月弗就績公顯塞顛顛考案名實無
數日即奏允甚合輿論大要用者非奔競雖華
者亦無間言奉一無私置利害有弗顧 上
亦深知所建白多嘉納未期月即法守以貞獎
源以杜請託以沮廢襲以明裁制以當馬政以
蕃驛傳以清召募訓育士人咸則百度維新六

軍有耀凡司屬之一切劄移動出親補驅刑役志殊不自勞曰不如此何以報主知日復一日漸致瘠瘁公亦弗覺其勤於職務類如是終恐弗克乃抗疏乞骸骨 詔留逾款公乞愈篤矣冀得俞允治裝疾轉危劇 上遣中士賁牲酒賜資兼致存問公實骨立不可支後旬日乃得 旨准致仕且賜勅給驛以還歲撥役夫月給食米縉紳胥什以爲君臣交孚始終保全一時盛事 勅詞若曰卿操履清慎才識明敏任事不徇夫請託運籌動合乎事宜方本兵之是託忽引疾而乞休朕圖任老成勉留再四所請益堅特賜允俞又曰更宜善自調攝以保天和茂膺胡考永享升平之福不亦大有譽哉公感激至恩稽首垂涕以謝比啟行則病益危篤卒於官邸之正寢時九月二十七日也爲享年六十有二 上爲輟視朝一日追贈太子少保遣官護送還葬道出趙衛其人士則往往館奠泣下雖達於汴猶然嗚呼生榮死哀不有徵於

中川遺集

卷之九

九

清自堂

斯乎公德性既純於賦受問學又裨於充養是以寬厚果毅同行並出德愛威刑因物異感嚴而怨異而不伐坦坦夷夷不立奇異即之煦然可親而胸中涇渭凜不可犯敷歷中外殆三十年繡轡起於積實顯擢推於績最公亦未嘗有預圖焉才力勝繁劇紛紛藉藉他人若不能措手者公臨之即剖決如流斯湏以盡視政畢猶嗜學經書子史坐不停披見忠良爲時厄輒掩卷歎息奸回便切齒唾罵故其施諸有政雖多愛民如子亦未嘗不疾惡如仇是其所稟蓋然也平生孝友備至撫兄弟子如已子見鄉後進之才彥心甚好愛然惟交情澹如不見詞色忠信所積人自感服亦不俟言而終不能諉也不喜侈靡崇階厚祿用應饒裕乃亦依省蹈約事遵矩度室無姬姜堂鮮絲竹故屬吏僕童下逮輿皂憚其嚴而悅其恕敬其醇潔廉儉而安其檢束鑒罰亦有服勤終役竟不見其喜怒者尤惡矯情取悅諂已求媚居兵部時有人私謁痛

中川遺集

卷之九

十一

清自堂

拒之其人資恨去迨選用乃可用猶用之不疑
嘗曰某所學只得一平心待物耳立 朝正直
急在補闕拾遺及天下利害若察案陰私絕口
不議其蒞戎方嚴威重犯者即軍法從事至士
卒好惡又各推心體悉以故攻堅守險往往得
其死力蓋自做秀才時慷慨大節已能備具故
今歷事 三朝始末一道 人主信其心臺諫
服其行士林高其識君子信其斷天下亮其貞
毅古所大丈夫不其匹儔耶配林氏累封淑人
中川遺集 卷之九 十一 清白堂

厚兩集俱忘公真古之人之心矣教亦不能考
悉行實含毫爲歉伏惟據畧而逆其詳因一而
溯其百曲爲采暴幸甚幸甚謹狀
故孔君朝孚行狀
公諱彥信字朝孚姓孔氏宣聖五十九代孫其
先三十三代祖德倫唐封褒聖侯食邑寧陵後
卒遂葬食邑之楮垌村三十四代祖崇基襲爵
附葬子孫因家以守墳奉祀胡元末季兵水相
侵仍避徙流寓儀封我 皇朝乃復錄先聖賢
之裔五十七代祖立敬因蒙 恩典以迨於朝
平公云公自先世以來相傳者惟篤乎孝弟勤
儉忠敬惠愛之風迨公則少罹多憂襁褓中即
失怙若二兄亦未冠世業從以覆墜也公長能
克勵奮發以光前業紹祖德爲己任質直嚴毅
端重謹慤自持身正家以至率物應事始終惟
盡乎一誠以故上下咸宜卒無間言邑大夫來
者往往躬造其廬曰忠誠君子無忝祖德也就
亦贊之於鄉射飲云孝友出於天性嘗自痛未

及事其府君敬事妣孺人遂竭力無餘其存者
復有二兄亦敬事之恭讓備至憂喜憂樂皆樂
焉二兄卒撫其兄之遺子如已子嘗恐凍餒而
先割其所有以爲資其有疾苦愛護之無不至
也故雖臨終而猶爲彼後之謀乃即買田一區
以畀之使得據此以爲長生之業其惠念親族
每多如此至於鄉里姻戚乃亦推是心以相與
其貧不能衣食長不能婚死不能葬者必皆量
爲等差以賙恤之不以感德與未而易其心成

中川遺藁

卷五

十一

清自堂

化間歲大歉穀價騰踊杆柚皆空鄉人欲流徙
以就溝壑公嘗罄所積帛穀而貸借家人有憂
色不少靳也若曰所貴有財貴其能濟人耳不
然其不守財虜耶終不求償以邀厚利焉家人
及里人或語之者予之使得祭享至穫時必諄
諄告曰當謹此心勿至無食而號伯助予也
居家甚方
軌蒞之未
賞不恕真有家人嚴
君之遺範云嘗
學曰汝兄治

田亦甚苦汝宜敬慎勤學勿積私藏吾見人家
之兄弟悖戾者每每以此汝宜戒之然承宋之
勤慎廉平著稱遠近雖云至性所鍾實公教訓
之所致也平生不出惡言人有犯者呵責而已
亦不至置威重之形人自畏服其諸子與婦嘗
曰夫人治家有嚴範溫然之表莊厲自存每進
之見不覺悚懼族以浸大漫無統紀遂推公以
爲家長主家務公正廉明嘗遠念先德以林廟
間所處爲第一義順於群情裁以古道雖一財

中川遺藁

卷五

古

清自堂

一力務至悉合其宜所以終公之身族人不以
怨惡又嘗戒之曰吾孔氏後與他族殊幸蒙
恩典咸蠲賦役正當直已守法宜家保族庶不
負 朝廷甄錄之恩愧祖宗詩禮之訓其不然
者非我所知乃族人亦肯遵約束百餘年來無
以非禮聞者以孔氏故甚惡浮屠惡者惡其道
耳然於其人之耆年可憐恤者則亦未嘗不憐
恤焉不飭惡物以罔市利所畜有老而斃必命
家人曰坎土以瘞斯可矣公雖惠愛衆人而亦

能敬禮君子鄉大夫如少卿白公少參傳公大
參翟公方伯李公少司馬楊公刺史吳公與公
交游皆甚欵後楊公墓公之德聘公之孫為公
孫婦焉上下咸宜與物皆春所以卧病將革鄉
人與族人皆為祝告神明請益其筭至有蓬首
垢足匍匐往來願為覓醫藥招師巫冀得奇技
妙術以少延公命於頃頃焉然不能起也其
誰不號泣思慕曰難學哉是翁難忘焉是翁曾
祖曰希先祖曰立敬老曰公義潛德秉靈俱不
中川遺藁 卷之十九 清白堂

而役使之纖維饋獻無失厥時教有成規少有
定候不拂其長而用其短不沒其善而強其所
不能孜孜無倦井井有條也僕婢咸樂其役使
厨無廢粟室無敗絮截彼就此率歸於成最惡
人之惰者輒曰一年為三百有六旬俱夙興而
宴卧則何事有所未濟而况於衣食乎哉酷嗜
節儉未嘗侈然又必豫節於始有之時其意以
為至於將無時始節儉則儉之終亦無補矣不
喜過富貴有言孔氏無官者曰既無差役又欲
作官天道神明其孰肯爾每獲田有遺利必召
貧乏者使來取之其或彼人有疾病則亦未嘗
不饋之食曰彼既貧且病無所得也其嫂嘗病
自外歸恐其貧乏無以生遂延於室朝夕事之
由是賴以全活歲時伏臘務使諸姑畢至因以
延賓客鄉黨同室為燕曰年迫日索恐自今不
及娛也必當啖諸子無不至及有過則必告之
於公公必怒則答之則亦不之救之也人或問
故曰兒之不成正坐於母氏之掩過匿非耳蓋

吾豈敢效尤殆六秩猶晏寢公嘗寬慰之曰若
自安則下皆視倣以安則一人安而百人廢其
失孰有大於是吾悅汝之能宴寢也嘗夜坐視
諸孫弘仁弘伸誦讀則必分光紡績以伴之欲
使其久而不困以多誦且讀語之云吾家產業
凡一田一廬皆汝祖考陰德氣力中積來非如
人之妄得者若等既耕且讀不廢其職庶可家
聲有賴此業不至於墜墮也又嘗語公曰使凡
吾之後爲子者孝爲婦者順爲兄弟者愛敬念
祖宗創業之艱難而不敢更廢則庶幾其能長
久矣乎公曰信然信然與公偕老公生於洪熙
元年十二月二十一日卒於成化二十年九月
十六日享年六十鐵生於永樂壬寅十月三日
卒於弘治辛酉十二月二十日享年八十時未
克葬於新橋祖塋橋塋沙河之西之原子二承
寄承宋女一適史臣孫男三弘化弘仁弘伸孫
文四思敬適李松思賢適張大韶思容適楊承
恩德適田洪曾孫十聞過聞逸聞庭聞遷聞

中川遺藁

卷之十九

十七

清白堂

遠聞迎聞逮聞遲聞選聞遜會孫女三晚節晚
明晚粹弘仁慟父歿之既遠慮祖德之久湮爰
悉父懷用表祖行乃爲奉其遺事求狀於余余
實不敏十不能道其一二也惟君子其有類推
於是謹狀

中川遺藁

卷之十九

十六

清白堂

中川遺藁卷之二十九

中川遺藁卷之三十目錄

墓記表四首

明故工部營繕司郎中邊公墓記

誥封恭人施氏墓表

丁酉溪墓表

明進士淳安令亦雲先生姚公墓表

中川遺藁

卷之三十目錄

清白堂

中川遺藁卷之三十目錄

中川遺藁卷之三十

墓記表四首

大梁王教庸之著

明故工部營繕司郎中邊公墓記

歸乎其崇於祀之東此尚書郎東舉邊子墓也
夜堂不局德光有耀載諸乘則垂聲恩其人不
可作矣事定於蓋棺舉成夫文繡君子哉若人
未竟厥施賁志以沒墓道豐碑宜存記述乃雲
驚則徒跣至京問記史教泣出狀且拜教亦歔
欷焉不能收於乎同年雅厚者也乃今則勤勞
國政採木晉趙感太行之風寒過中山遂不起
矣蓋辛卯之暮春云公名彥駱字國龍別號東
峯世傳為邊孝先裔廣口豐髯背偃如也魯大
父和大父通封監察御史考宥以公貴貤贈如
公秩嫡母王氏生母王氏封俱孺人。性嚴歷
公亦承訓惟勤故能德器蚤就溫然可即雅飭
循循巽虛坦默人士或以為不能言至當評古
昔論時務談鋒雲湧曲引旁譬又若不專默而

能言者或不能過與人交無秘情見善弗忘汲汲援引賢讀經籍雖卧病猶不釋故凡小家稗說亦罔弗及所以吐詞爲文博洽溫恬以治詩膺正德癸酉鄉薦至嘉靖癸未遂登進士第觀政戶部領宣府軍餉監收太倉人士籍籍咸誦平允乙酉授官行人遣諭祭封丘僖順王並護葬事還陞司副值汝府災復奉命往慰問凡兩使藩封一饋不受遂再遷司正論者惜其不與臺諫亦弗介懷曰罔非官政顧自處何如耳

中川遺藁 卷之十 清卣堂

脩殘舉墜滌弊除污間取故使儀散帙重加訂正以惠僚佐題曰使職昭監捐俸梓行其書則選古之使不辱命者增入復定爲要務三十八法守二十三語核義盡貞簡可守已丑議定郊祀有詔延問廷臣公亦與之擬禮進奏其疏統付史館續又應詔疏救災恤民十二事曰清族禁誦備邊禁貪平獄積粟抑末節用均稅蠲租祀死理弊指切時宜 上多採行未行者禁誦備邊祀死而已其祀死有曰嘉靖三年時臣

係有建言忤旨蒙譴遣戍者其心本無他也望於生者放自便死者傳骸歸葬則鬼亦有歸矣超署冬卿郎中以簡命往採大木吁有用之學無窮之惠天下國家尚亦有利哉惜也壽不侔德竟止於五十有一短局長筭屈抑良多假之以年大就寧可量耶所著有太極圖註皇極經世演義濟美傳鄉賢記詩文雜說配楚氏封孺人生子男三長雲驚次雲疊雲翼女三吳一中李誨卿許蘭其婿也孫男二師契師夔孫女一於乎仁者之後天恒佑之其心有嗣宦業以享夫有餘不盡者無窮也

中川遺藁 卷之十 清卣堂

誥封恭人施氏墓表

戚里錦衣衛指揮僉事沈君侍之妻封恭人施氏 武宗皇帝賢妃之母也家本戎籍世寓南京以功歷陞羽林指揮同知父名忠母李氏皆嗜善率履善慶之餘是生恭人處室服內惟勤女工不廢組紉沈君之父母聞知之固求納聘爲君沈婦既歸沈氏奉舅姑孝蒞僕衆慈處

妯娌睦訓子姓嚴舅歿遂冢家政禮重祀嘗分
嚴外內堂堂事不相及後賢妃冊納內宮實
足以承侍先是範模女御推厥攸自益徵恭人
之賢也沈君晉今官恭人已累蒙誥封矣中
間之賜第京城給田畿郡與凡特恩頒賚輒
增惶懼曰薄劣敢當此哉每入宮例有賜屢屢
固辭不敢受其不怙恩類如此君念諸姪之在
南原者欲挾以北上使其治祿食恭人力贊之
爲多子男二嫡鍾娶某都督女庶銳娶忻城伯
女然亦愛之如已出生於成化己丑五月十有
九日卒於嘉靖壬午十有一月一日享年僅五
十有四君入告計賢妃哀痛踰禮昭聖慈
壽皇太后憫之賻賜稠疊殊優常典皇上
又爲賜塋地於東郊皆渥恩也葬以明年閏
四月九日越甲申乙酉歲墓道猶未有碑沈君
乃具狀來謁求爲墓表余惟恭人之衆德並美
是宜勒諸貞石以垂休聲况其夫既同德子亦
克肖詎肯泯沒之耶爲之據文傳信撮要提綱

以著其德源肇啓之由君子視其一諒可述其
百也

丁酉溪墓表

歲癸巳春廖進士敬之持其所親丁酉溪行狀
求表墓始知爲舊契奉新丁黃門伯考弗可辭
爲之述曰翁諱尚珍字汝聘以晚年卜築郭西
盤桓自娛故又號西溪相傳漢御史丁明裔有
明帝所賜五馬圖書暨世德存譜牒國朝來
即家彭澤高祖祥甫公生求一傳至惠遠祖生
義庵即翁父翁有至性中穎外朴孝友夙閑義
庵甚奇愛乃命以冢嗣理家政其次曰玉曰龍
曰琥皆翁弟原惟中產僅足嗣歲乃與配時氏
竭智綜畫用頗豐饒凡義庵之朝脯所供其旨
弗賈養志承顏足逾牲醴先是成化間早彭人
饑且病至相此離時翁家俟哺者殆千指賴皆
安作飽食罔知凶歲義庵每歸功慰勞曰微汝
吾何取給矧茲家口翁惟遜避不自居然已洲
田數頃潤屋倍常又有翁弗吝私產不敢私貨

之致文事並修動率家禮間集玉季輩曰顯揚斯孝詩書惟寶不學其面墻哉今而後務俾子弟樂有賢父兄可也遂以子淵及王子湛龍子某曾玄孫時相與可啓家塾爲麗澤轉相教習互有滋益一宗四世庠彥胥推邑大姓恒歎服曰富而能教教而不失其人丁西溪之克家如是厥後泮以勸駕入太學候選吏部湛登己丑進士拜黃門給事中龍與諸孫遲膺後舉皆翁之材成獎進躬耕給食乃至有此開以維先亢

中川遺集 卷之六 清自堂

宗實賴焉夫天斯相吉功宜食報乃其後則福以壽遐官承恩賜雖未獲受祿天朝然已預鄉宴盛典矣邑讓耆德杜隆壽俊永惟睦鄰範俗後生取正造物難知遽捐賓館爲享年八十有一蓋嘉靖壬辰歲臘云配某賢淑邑大姓時憲女先翁卒二十有四年繼其氏亦先卒子男二長淵次源女五孫男五時譽時望時表時穆時相孫女四曾孫男五與可與言與與學與遂曾孫女俱納其所配之姓氏夫男邑理責有

刻識在碑茲不詳言善慶綿延仁者必有後宜乎其子姓繁衍孫枝榮茂也哉奕葉輝映遠當彌光以似以續尚惟祖德焉考求之

明進士淳安令亦雲先生姚公墓表

公諱鳴鸞景睦字亦雲其別號也厥先爲光州姚氏云家學傳經代有聞人義宣南諫議大夫思廉唐樞密直學士昂湖南御史誠及第刺史俊傑俱登第時稱三龍始遷於福韶溪甫沁園文彬及第以樞學兼史職經義詞賦爲莆開先右丞都副使空山崇再徙涵江鑒朝殷又徙瀨洋塘之慮陂詳見譜牒中語曾大父紹秩大父資德父封太常博士尚世藝書種潛德不耀然而餘慶所鍾則在亦雲公暨鳴鳳及虞也憂也奕世難量賢且貴天果無意乎哉公生不凡聰毅朴直甫髫髻氣岸如成人試以讀書過目輒熟誦揔角即能綴文十歲後則旁通經史矣正德庚午舉于鄉辛巳及季父正同登進士適

皇上繼統求新初政公遂疏七事上曰

崇政學以端治本明典禮以抑驕縱立紀綱以肅朝政清言路以審取舍保聖躬以固國本敬大臣以隆國祚汰僧道以闢異端援古證今舉切時宜奏稿具家乘讀者趨其有臯夔之志也公思有以試諸行矣居無何出宰淳安剡竄剔蠹與民更始諸利於下者以興害者除豪勢莫敢沮奪六事用成百廢悉張察廉幹乃臺章交至備膺旌獎焉時有丞李才以無辜死邑三月早喪當道者莫敢辨公曰一婦冤且早三載矧丞亦命吏竟直其冤具衣冠葬且祀之天乃大雨六日屬歲饑散穀賑給全活以賴遠近歡仰至以青天呼祝淳嫁資競侈厚故育女十九不舉然復好淫祀罔惜公申諭嚴禁牲物敝俗始革於是舉女者恒名曰姚知悔徼福之破產也封內有礦出銀上產毒草盜者弗遂往往嚙草求死死即訟訟輒累年至靡虛日公塞礦刈毒訟息徒散如是者不勝枚數匪直復清泉業理桐坑田民以懷服而已嘉績美政遠慕

中川遺集

卷三

八

清白堂

通緝鄉士夫邵遠輩刻石誦德用詔後人公弗能止也先是下車未數月謗者曰深則厲淺則揭其吾窮勿吾惕蓋畏威也迨後化行人乎乃向之謗公者易而歌曰驅我虎逐我狼願我侯永勿忘君子擬之以鄭歌子產云當報政去臺察以淳人之乞留奏上銓部重遣遂引復職公於是愈感激既辭謝為買舟速還中暑於德之泊頭鎮醫禱弗應賁志以歿於舟哲夫云亡百身奚贖其治一邑尚爾使用世行道復獲長年治効又當何如壽不侔德天耶人耶極過桐江淳耆稚來哭奠歸告於省得入祀名宦祠夫死也孰求可見人心矣既卜葬莆人士亦以宜祀于鄉賢乃得請至今列祀於學宮夫鄉賢名宦俱享血食士行官箴足規粹美顧不難歟所著有不家食賦淳安志朝天還淳二卷亦雲雋生成化丁未十一月望後歿嘉靖丙戌四月朔日歲纔四十焉爾嗚呼痛哉配董孺人貞慧素婉克循婦道公之自學而仕內助孔多室慶良友

中川遺集

卷三

九

清白堂

家賴賢相待公歿舟中哀毀幾絕然復水陸萬里艱苦一身毒暑弱軀愁鬱莫支遂亦撫公柩而歿於吳江乃公蓋棺未兩月也爲長公一年貞純素節固自難掩然而公之儀刑此亦可見生子男三長即虞壬辰進士筮倅鎮江治稱神明於公克肖向用有期足成公志矣娶秋官林喬遷女次即夏生員娶冬官黃杭女次殷娶節判黃桂華女女二長許方伯周進隆孫哭父殞命葬于丹陽之石羊村次許僉事黃華孫亦蚤歿男孫女某以其年月日葬於某原弟鳴鳳太常狀求表墓且自叙於公爲親同手足義兼師友先公登進士已數年俟公仕乃始就選由裏之念不敢先公因與之同升如此非公友于又何克致若虞復予校文時所舉士焉公之宰淳予已預聞於宿人梅二尹處茲紀其槩附勒貞珉他日之良史大筆當自有采錄也

中川遺藁卷之三十一目錄

墓誌銘八首

明故散官八十四翁扈公墓誌銘

明故處士孔公墓誌銘

前文林郎滿城縣令扈公墓誌銘

伯兄子玉嫂鹿氏合葬墓誌銘

明故文林郎汾西知縣張公墓誌銘

贈承德郎戶部主事杜公暨配封太安

人劉氏合葬墓誌銘

中川遺藁

卷之三十一

一

清由堂

明贈湖廣道監察御史陳公配太孺人

呂氏合葬墓誌銘

戶部主政楊君配陳安人墓誌銘

中川遺集卷之三十一

大梁王教庸之著

墓誌銘八首

明故散官八十四翁扈公墓誌銘

公諱佐字元凱世爲儀封之麟游里人父諱安福建按察照憲弟仁滿城縣尹女弟佑配外翰劉愷以子大謨貴封太孺人子男五廷弼國子生廷相廷幹業儒廷言典膳廷諫藩司掾屬女四一配傅氏一配劉氏一許配劉氏其季者廷

中川遺集

卷三十一

清白堂

俊教娶配之維公則外舅云自宣德壬子歲生歿於今正德乙亥實享壽八十有四也廷弼以葬期屆邇來速余銘悲夫余鉅忍銘之耶公少聰警懷冲履佶始照憲公與縣尹弟相繼業儒於營舍家務則盡託於公然亦甚窘乏焉公爲之營辦給供不遺餘力身獨事衆秋毫無爽家亦日就饒裕也先君子嘗慕其孝友備至每語余曰他日必壽而多福者歟乃聘公女而配於余焉省照憲公於南閩閩之士夫甚愛且重臨

辭去不能別爲之灑翰賦詩今有春江別意卷云以入金爲散官當弘治初河決黃陵朝命文武大臣董衆塞之時使者旁午州縣瀕河者莫可支儀封遂缺長貳吏公嘗奉檄視篆兩署於縣之正衙雖則小爲整治而縣政亦無不舉焉屬歲歉請於上官得賑給之公爲之量其戶口等其多寡務使上德不壅於下流下人實霑其上惠不敢以假令故怠緩也視兄弟之子猶已子廷賢長姪廷臣次姪爲之自出私帑使廷賢入金爲國子生廷臣由奏差入金爲聽選吏部故雖捨已之子罄已之財初不見有吝色者夫如是顧不難歟視夫世之細民惟私貨是崇惟妻子是計一膜之外便爲胡越往往視同氣若行路人視親族若未嘗面識其相去爲何如哉天耶人耶有才而未竟其施有德而未用夫世徒能晚試陶朱之謀而不能早際種蠡之會也雖然猶幸有八十四壽爲可慶焉教因繪圖徵辭以慶之終未幾則二豎來崇公以捐館焉

中川遺集

卷三十一

二

清白堂

呼痛哉是其人命有終教獨預覺其然歟無乃
天監在下必使有文以垂後歟胡爲慶之年即
死之歲耶十月戊寅葬於蠶岡西原之祖塋先
室二劉氏鄒氏柩李氏在堂銘曰

是惟扈氏之兆有德以耀有垣以燎有嗣以肖
有牲以肫有玄其堂有幽其突有萬其年不毀
以漣

明故處士孔公墓誌銘

公諱承寄字永忠宣聖六十代孫先是三十三

中川遺藁

卷之三

三

清白堂

代祖德倫唐貞觀時封褒聖侯食邑寧陵院後
葬邑之楮垌村子孫襲爵者附塋因留以家守
奉祀典云胡元末季兵燹交仍先王父欲避地
因儀封爲家軌所至封人嘗請見也遂自寧陵
而徙居之已乃生公於縣北沙溝云公性敏慧
幼知嗜學以承宋第既補茂才廢舉子業製隱
士服躬耕事親爲終老計所以孝友著稱潛德
日盛又念夫世德相傳無自我墮故所行動遵
夫聖祖一薄物細行亦不敢忘嘗遣子弘伸從

教進教惟見公忠敬儉讓若出天然雖自奉甚

菲薄供賓祭則益加豐裕家雖不饒於資財給

人之婚娶則未嘗吝惜臨財不蓄以自私凡所

處不放於利有請飭惡物以罔市價者輒怒目

以拒其所畜有老而斃或病以傷生每每坎

地以瘞見儒生必質以書史嘗論數畧不入滯

池曰無乃害生之多獲用之少乎其徃徃暗合

經意如此父彥信母鐵氏歿皆與承宋弟同以

喪禮自閑閱三年未嘗入私室敬承宋亦如賓

中川遺藁

卷之三

四

清白堂

史都府曰家庭之間何事乃爾詞若有憾意實

喜之嗚呼若斯人者可謂不愧祖先有光闕里

矣何大夫不以薦 天子不得聞耶惜哉惜

哉配張氏鄉進士昇女子二長弘化次弘伸三

氏學生孫男聞逸聞進聞退孫女晚明明粹晚

桂昔公之生爲正統戊辰冬十月四日今公之

歿爲正德戊寅春正月十有四日享年七十有

一將以四月二日附塋沙溝河西祖塋昭次弘

伸來請余銘爲之銘曰

是惟孔氏之塋馬鬣之封牛眠之形玄堂其明鬱鬱焉佳城君子之居萬年永寧以保爾後生

前文林郎蒲城縣令扈公墓誌銘

扈氏家乘之散亡也久矣世傳爲保定蠡縣人自蠡而徙者凡三派一於儀封一於汝寧一於睢陽然皆莫究其時與代焉儀封自照憲君諱安者族益著聞君有二子長諱佐散官次諱仁即公也公字元善孝友備至貞信彌篤自邑庠貢於朝卒業國子學乃登仕籍乃受欽除

中川遺集

卷之三

五

清自堂

知蒲城縣事縣素凋弊土地亦磽瘠始公被命以行有甥曰劉東阜憲副者時方爲夏官勸公以廉勤撫字鋤蠹佑賢公悉如其詞故蒲城亦頗稱治居者日富來者日庶也將報政以膺大擢偶權閹爲中害下之井復授之石惟德有吉惟古有相惟公道卒不可泯乃公得蒙宥以歸掃軌杜門爲終老計蒲城之耆父兄甚思也於乎皇路傾險古人有言什車踣馬一至是耶公已歿而害公者始正典刑然卒賁恨負屈以

歿矣伊孰能辨之哉歿於正德辛巳歲爲享年

七十有五配龍氏先卒子廷賢國子生廷臣驛丞公嘗進而語之曰吾家之福汝祖照憲公之善慶也其厚積而多藏豐食而潤屋汝伯父散官之力居多汝其念之吾本不瘝官而反以官獲罪吾後世必有興者汝其念之公諸侄廷弼爲國子生廷相茂才廷言典膳廷諫廷幹祿屬循循雅勝皆公教誨之力也女廷秀適岳廷幹孫男六離蘭芷俱廷賢出蕙芝萱俱廷臣出孫女五源潔適岳禹貢常女適張澍與岳廷幹俱邑庠生餘尚幼以明年仲冬合塋於慈岡祖塋銘曰

中川遺集

卷之三

六

清自堂

維實著名是曰其常其常以覆其實以彰君子之樂名實俱忘有嶢者丘壘碑載揚碑以勸實陳實並芳萬禩千秋于丘有光

伯兄子玉嫂鹿氏合塋墓誌銘

兄諱瑄字子玉乃我伯父處士長子次玳兄次珮兄也我伯父與我祖考光祿公爲季子配我

伯母劉氏至景泰壬申實生我兄嗟嗟我兄平生善信人也勞謙持身勤儉裕家敬畏神祇神嘗眷佑我兄如見之也好施與貧不能娶及不克舉葬事者輒皆有所助賻之然亦不望其報謝焉事我先考府君亦如事我伯父處士嘗請曰處家何事為樂我先考必告之以為善最樂故即佩服如常弦又大書此四字於堂曰叔父之教不敢忘也見我先考之蹈道履德據中守正自少至白首未嘗與物有競所以未嘗有一言入公庭辨之乃亦時時自檢敕故至白首亦能與物無競亦無有一言入公庭人於是服其德量云娶康氏開淑柔婉克相內治潤屋之積所賴良多生女二長適劉大恩次德毓適郭維寧俱名族子男一汝保娶郭氏孫男三印卯卯先是我兄厭城市喧囂乃偕嫂氏為村居計躬履南畝以勸佃徒寒與暑有弗息因以秋夏之交濕熱遘疾時正德辛巳年也嫂氏事之者備至慮及危篤不勝戰悸用是感傷於明年

正月乃先我兄以歿為享年六十有八我兄之氣益不平也即於次月己丑亦歿於正寢為享年七十有一於乎痛哉汝保以十月丁酉將合葬於祖塋少左之新兆泣血抒詞求為誌銘於乎痛哉遽忍銘之邪雖然知兄者莫如弟乃既誌之復揮淚為之銘銘曰

德以主善善以名德既隱弗彰善茲耦善德配厥德惜焉厚藏松耶栢耶以樹其芳

明故文林郎汾西知縣張公墓誌銘

公諱大威字本義其先杞縣人曾祖九老生儒儒生泰即公父配苗氏生公外樸內頥不喜華侈平生惟肆力於學以治詩舉弘治辛酉鄉進士偕計入京卒業太學乃後以銓部考上第遂受除知獻縣事視篆未幾流寇忽大至時城垣久頹倚內見戶不盈千餘寇至以數千萬計恃衆憑凌城遂不守公奮髀曰是吾報國之秋也糾合散亡激以義氣人皆賣勇罔不一當百即逐寇以出公料其必復來急為築城濬濠儲穀

募士營辦甫就緒寇來轉掠一如公料徐覘其無能爲縱兵逆戰乃獲大捷凡斬首四百餘獲馬及輜重倍之寇始奪氣不敢犯公由是得自獻政知完縣事及大議公罪主者弗一祗得以後功贖前愆蓋前愆實非力之能支也又自完左遷爲絳縣丞益自砥礪用圖後効清謹守職威惠蒞民監司廉知之曰枉其才矣枉其才矣繼續移檄使往署翼城及曲沃及平陸及蒲縣事所置皆歷歷有異政民愛且畏煦煦不忍捨去曰此盍不遂宰吾邑爲吾父母諸監司爲禮幣旌獎旁午於道值汾西苦凋弊尤望公來而恨其暮也復自絳擢知汾西政與教並舉墜以修廢以興鋤強植弱民大感服甫朞月縣以富庶觀學宮日漸圯壞而山氓率詣事於淫祠公曰非祛邪無以裨正矧彼祠屋咸故所斂集於吾徒者乎盍毀之哉乃下令投其諸像設於淵勒其僧尼女冠而人之掄選其材以構堂廡曰凡此材雖不足以汚染學宮聊可紓民之財力

中道集

卷之三

九

清自堂

也不踰旬時畢功告成然又親爲講說以啓俊髦俊髦士皆化而敏於學前後願薦者相望人士胥悅刻碑以頌他如發廩以賑饑儲藥以療疫民得不虐溝壑而賴以全濟者傍及隣州弗止屬境率多先行後不以觸罪計也 武宗皇帝西巡已革矣欲勸留筮得艮九三爻遂弗果上以盡瘁百責迫發於面屢瀕殆危有間曰吾無負於人也吾不得以生還耶請於監司而哀懇之至上計畢始獲致仕蓋嘉靖癸未歲春汾人攀遶垂泣道左公亦泣不能釋至儀封僑寓喜曰首丘之願遂矣乃日捐餘俸時時與故舊歡飲然日以積而疽病益甚廷言自京師歸省適至公起而索衣曰豈天意落爾之衷耶何知而遽至於此居無何以是歲八月一日卒於正寢爲享年六十配李氏賢淑安惠生子男四長廷言國子生次即廷訓奏差次廷諮廷訪業儒女二一適岳咨庠彥士一適劉卓孫男女弟人廷言卜以明年拾壹月陸日祔塋於邑南

中道集

卷之三

十一

清自堂

夫八村祖兆廼奉鄉進士戴汝成狀來徵銘且曰先君子之既歿復蘇執手囑孤者數四必得王太史銘而刻諸石嗚呼銘之義稱美而不稱惡公美矣余未見其有惡焉銘曰

維德維政是程是經聲之政立政以德聲以聲斯壽以德斯靈肇啓慶源既長且寧琢珉勒辭永光幽局

贈承德郎戶部主事杜公暨配封太安

人劉氏合葬墓誌銘

中川遺集

卷之三

十一

清白堂

戶部主事杜君紹與教同鄉薦甚厚自揚州聞憂還以繳勅復至都下既竣事衰服詣教遂含泣稽顙曰先考雪崖公於正德丁丑歲九月一日卒時紹方家食恒以顯揚未遂祿養未及爲恨先妣亦時時憐慰之曰已焉哉俟汝後耳及紹登進士除戶部皇上御極覃恩臣下贈先考如紹官封先妣太安人紹以母氏獲榮益愴先考然冀得竭力北堂爲少釋也乃嘉靖癸未歲以棄養嗚呼紹之不幸何至此極耶五

內分崩兩明泣欲喪將以今甲申歲十一月十二日啓先考窆而合葬焉敢乞誌且銘之言與涕復潛然下也先是教閱雪崖公諸遺書業既許爲傳矣復畧志曰公諱璿字良玉別號雪崖其先大名滑人避兵燹渡河遂家扶溝祖二公生成成生義春義從戎於瞿塘春生經歷公清即公父也娶趙氏生公及弟璵璵繼娶婁氏生琨公有至性端重溫雅始授學即強記過人平生手不釋卷嘗侍經歷公於大同以孝聞暇日或與諸名士遊遊必有作又酷嗜晉帖殆逼真跡爲是作必自書間有刊之石者人購求如競凡積卷得二十題曰雪崖吟稿值經歷公報政當遷官公力勸請謝政歸歸未幾即歿於家鄉間以爲美談其不然者官既貧自雲中扶柩還山河深險其何能至以耆德重鄉閭嚴憲副諸公約爲壽德八老會會有圖圖有贊惟公則自贊云厥貌頗陋厥性頗舒碌碌庸庸坦坦如如詞雖卑諫可以見其爲人也所著又有扶溝縣

中川遺集

卷之三

十一

清白堂

志聞見集以正統戊午九月九日生距卒爲壽
八十配劉氏即太安人刑部主事劉公孫浩女
也通詩書大義遵婦則事舅姑舅姑即安其動
慎愛敬嘗曰賢哉冢婦與吾家者其在茲乎與
公處如賓待奴僕如借初公未有子太安人以
納妾勸公曰是人情所甚妬者汝何欲之汝賢
乎哉於後必當有顯嗣乃遂獲雙生主事君今
顯矣自主事權臨清舟迎養太安人於臨清後
復命來京太安人亦南旋尋復奉勅監齋
中川遺集 卷之十一 十一 清自
南畿糧餉便道得過省然太安人已在病因大
喜少愈無何以君命不宿家勸主事君使行
行未月餘即十二月三日太安人卒矣先是未
卒之數日召子姓親姻至前曰兒官於朝吾
甚思一見之非此行得過家吾何以見今吾欲
歸盡焉乃取所餘衣服量爲分與曰此俗所謂
遺念也他年持此其一念老身又囑諸子曰語
汝兄勿過哀保完名節用盡厥家以正統庚申
正月一日生距卒爲壽八十四生子男四人長

耶紹辛巳進士歷今官次綬業儒次緼次綱俱
義官女三人長適趙弼國子生次適張玠教批
通之子次適高璋壽官霄之子孫男八人長孟
乾亦業儒次孟曦銳志力書以疾卒次孟曉孟
照孟芳孟詩孟曙俱幼頗知學孫女九人長適
丁勁生員次適劉縉義官鎮之子次適張鐸典
膳義官憲之子次適李時習典膳璠之子次適
許瀛省祭訥之子次適劉綬次許舒氏次許嗣
氏國子生宋之子次許李氏壽官儒之孫俱仕
中川遺集 卷之十一 十一 清自
室曾孫男二人曰漸曰郊曾孫女一人許羅氏
前監察御史玠孫也銘曰
國器淵潛獨行弗偶壺順承剛夫夫婦婦徵茲
同德並此遐壽不忘者存益裕爾後鳳翥麟軒
子貴孫蕃澤流永長以綿慶源玄堂冥冥佳城
蟠蟠萬禩幽光貞珉考言
明贈湖廣道監察御史陳公配太儒人
呂氏合葬墓誌銘
前監察御史陳君輔教之鄉年望也出丞鉅野

上計來不兩閱月忽其母太孺人訃音至君輔
爲稽顙泣曰相生十三年即孤賴母氏誨育斯
有成雖鹽粥費皆所紡績者易之也及相登丁
丑進士崇德令遷御史荷蒙推恩始贈先考
如相官封母太孺人記嘗有訓於相御史言官
關天下休戚生民利害不一汝父欲爲而未得
餘慶所鍾今遺汝得爲矣乃若復顧忌畏縮豈
曰非善繼亦何顏立朝見天下士夫耶後相
以言事謫母亦忻然從就祿養天乎天乎乃令
不自殞滅而禍及母氏於庫慟哉茲將歸殯邱
山啓先考窆而合葬敢狀行蹟求爲志銘教知
厥考爲洛中陳司訓公學與行孚譽隨實著人
到于今稱之者矣不可弗志曰公諱文英字文
華其先淮南鳳陽人避兵燹入洛遂家焉曾大
父倫始筮仕爲晉州判娶同郡兵部右侍郎李
郁女生鏞鍾鍾配唐縣李御史女生公暨弟雄
公早失怙辛苦力學動以古賢人自期待善講
說經旨文詞蔚然每臺試輒倫魁郡守劉君深

加器重選髦士五十餘俾受學曰汝之經師又
人師也由是從游者日接履至弘治戊午膺勸
駕貢於京冀當發解京闈爲世要用乃就試授
山東泰安州學訓導公無喜容亦無愠色曰使
吾盡心厥職所裨於風教者亦大矣條約詳明
誨誘不倦務敦行誼以端士習諸生復人人自
喜乃亦曰吾得經師又得人師矣再越明年庚
申臘卒於官以貧不能營葬迨數稔乃得邛山
之陽始襄事先是從泰安扶柩回至上宅兆皆
配太孺人自主辦婉順嚴整淑德令儀女秀於
閨婦勞於家壺助効於嚴君義方顯於慈訓矣
不謂女中之君子者乎宜其夫茂師儒子躋顯
要也哉公生於景泰二年三月念二日爲享年
五十太孺人姓呂氏生於景泰壬申三月十七
日爲享年七十有七子男一即君輔名相女二
長適處士胡守信次適庠彥解纓孫男二長善
次道女孫三人尚幼合葬之年月日蓋嘉靖己
丑某月某日也銘曰

乾剛正中君子希賢婦道坤貞順以承乾剛貞之合始終之全德光延延慶源綿綿玄堂有幽百禩永傳

戶部主政楊君配陳安人墓誌銘

戶部主政楊銳配陳安人以嘉靖庚寅五月二十九日卒先是主政奉命寓昌平力至以陳病危告弗獲已馳來醫視陳曰祗意汝不可南旋負此永訣也今何幸今何幸相顧皆泣下然猶道家政井井主政自以斷無慮不似夫力至

中川遺藁

卷三十一

七

清白堂

之所云雖勿藥可端喜於是議復昌平不虞忽中變弗能救主政哭甚慟猶恐情觸老親遂輟哀理喪具既而語吊客曰吾不至將異世莫逢矣豈天啓其衷故使相待耶吾卜協五夢罔吉果然賢淑云亡喪我良耦誼絕朋歡家失內助松以蘿悲琴隨瑟怨矣非斯人之爲慟而誰爲上六月哉生魄後葬於韓山麓祖兆念惟德馨宜勒貞石非志奚徵非銘曷明徵以求傳明昭來裔乃爲狀其間行詣史教請采集教以年家

不得辭爲按狀而志其畧曰陳之父都人士梟號遜翁少異其質又日者亦識其配應貴翁爲相攸甫加笄即歸楊氏慧以爽決柔婉而肅長少咸宜室家齊賀曰此賢淑豈易得有婦如此非宗門光乎凡使主政之得專功於學以掇高科取甲第皆其輔相之力事舅姑孝姑病值盛暑躬調藥餌昕夕侍左右弗怠病彌留乃亦哀毀踰節一一中喪禮程度茹泣投淚以適舅所奉甘旨盡所食即自慰有不加餐輒命孫輩勸進之始終此道至今病欲革之前數日猶依是初主政官西安節推臨行當携與俱之陳辭曰舅今其耄以耄矣君迫於朝命難留待吾不得留主中饋代君侍養乎主政謝曰是吾意也乃獨携二僕以往比陞戶部計已三歷寒暄舅安於孝子成於慈綜理規畫家政日裕宗親姻黨上順下睦媼婢僕僮中嚴外整凡主政得以乃心郡務不垂垂爲內顧之憂以有陳爲主託也婦道之賢於是爲大傷喉阻於往昔幸今之

中川遺藁

卷三十一

八

清白堂

未幾乃今而後則存歿殊途幽明永隔懷人感
德伊胡不悲此主政所以有慟也乎距生爲成
化丙午十月五日惜哉長筭屈於短局暮程阻
乎折坂壽不侔德纔享年四十有五爾子男二
宗傳宗仲俱業儒女三長適庠彥徐應奇次未
許聘俱先逝季在室陳之男兄七人銘曰
是維韓山之陽谿流洋洋有玄者堂瘞玉埋香
德音不忘傳以彌光况彼壽昌益綿而長青琬
以良素紀以彰奕世無疆永貴幽藏

中川遺集

卷之二十一

十九

清白堂

中川遺集卷之三十一

中川遺集卷之三十二目錄

墓誌銘六首

明威將軍左公暨配胡恭人墓誌銘

明故武德將軍楊侯暨配宋宜人合葬

墓誌銘

明徵仕郎詹事府主簿侯君墓誌銘

明贈南京湖廣道監察御史喬翁暨配

封太孺人李氏合葬墓誌銘

勅封監察御史加四品服霜筠劉老先

中川遺集

卷之三十二

一

清白堂

生墓誌銘

明昌平州太守孟公子應昌墓誌銘

中川遺集卷之三十二目錄

中川遺藁卷之三十一

大梁王教庸之著

墓誌銘六首

明威將軍左公暨配胡恭人墓誌銘

錦衣衛指揮僉事署都指揮使左公以嗣戶侯
榮啓其母 誥封胡恭人窆爲合葬乃介吾友
周君仲儀併持君所述狀再詣求誌銘仲儀素
敦信嘗以名進士宰儀封邑人至今思之所述
必真見弗獲辭爲按其文曰公諱信字中孚字
以攀如故人又號曰存誠乃贈明威將軍錦衣
衛指揮僉事文之子文父政政父貴貴父福六
世家江陰皆以侍衛故居京師初文隨叔都知
太監敬守天城累功晉錦衣衛百戶公承襲益
自懋值太監卒於軍 孝廟乃錄其歷侍三
朝策勛邊圉再晉公副千戶酬厥勞奮感圖報
期以功名表見從征陽和冒刃斬獲致陞今職
馳贈父文如已官母太恭人公既諳屬情復開
將畧誠斯効忠智以役勇 武廟初復勅以

署都指揮使守鴈門戎務修張兵律簡肅舊凡
廢革者不一斟酌釐正次第舉鎮衝要曰白
羊溝墩卒不報虜入公疑當闖入之先期戒嚴
發兵預守士皆詫異曰胡爲乎徒行哉已而虜
果竊入遂大克捷其先詫異者乃欽服曰是有
神以覺之耶胡爲其能逆覩哉否則其機先炳
照也今而後將惟命是從也夫乃公不見德色
坦履惟常大帥方獎勞且爲張大若事公亦謝
弗敏弗敢居也後愠索賂者無厭嘆曰集事則
藉夫衆剝衆則失其心失其心而用其人古亦
鮮濟盍去諸由是解兵符馳歸雅志林壑杜門
謝客然其譽則逾茂柄本兵者兩薦守涿俱辭
弗應居閑迨一紀以親若友固促之出乃語其
子曰吾四方之志倦矣汝應嗣努力斯職用光
世業拘時例祗襲錦衣衛百戶司前所政時正
德庚辰歲也迨今復將一紀病以時作醫弗奏
効乃六月晦前一日終於正寢距生於天順壬
午享年六十有九平生坦夷志尚質素書史通

大義樂談星命以自安慰釋兵後時多與客
某彼雖不言人知其默練行陣也其不忘所事
如此自配胡恭人所得於內助者尤多不但祀
宴之需女紅之任云爾凡公勤相夫學業課子
懿行蜚聞內則守固蓋有婦德婦言者已生天
順辛巳至正德己卯卒嗟乎纔享年五十有九
爾子男一即登孫男一大林孫女二伯適鄧戶
侯長子瑞仲聘郭戶侯長子偉墓在平坡庄之
原銘曰

中川道集

卷之三

三

清白堂

是惟左氏之塋馬鬣崢嶸牛眠坦宏閭帥之英
智摧敵勅閫範以刑責崇布荆德馨有貞德光
瑩瑩玄堂以明幽扃以清百撰承承貴茲佳城
明故武德將軍楊侯暨配宋宜人合葬

墓誌銘

嘉靖甲申秋楊千戶政以領運寓京師聞其母
宋宜人訃哀毀奔還余親見而憐之乃今壬辰
歲秋領運復至又聞其父楊侯訃計爲之茹哀持
狀請誌銘且曰不肖孤以兩在綱運喪二親病

不得侍養不得親含歛罪逆彌天殞身莫
贖歸時始以先宜人爲合葬矣乞得信史足垂
來世德幽光庶籍不泯知家君所俟以瞑目
者此爾夫竟而涕泣隨之余於往年嘗檢視其
祖父塋墓必能奉其庭訓也可以誌按狀侯諱
份以先將軍諱英之嫡嗣爲歸德衛左所副千
戶引年代仕晉正千戶武德將軍初儒業既嗣
父官即能奮勵戎務遂得軍政領操歷三十年
餘不以易曰此善撫下事上揚威振武者也所
部士亦感畏可以見其戎政矣事親孝以嘗役
操備隔越二千里遣問勤渠月以相繼每獲異
品物及親所嘗食者必潔以附寄如親奉敬焉
致仕後子政嗣其官因訓之曰家世以來本以
委身殉國致此官貴今代受榮寵矣汝可思
上報國恩下酬祖德勿自隕墜爲譜牒羞也故
政服膺拳拳推軍政領運今已數年人以侯之
軍政領操擬之不可謂無勞勤於國也平生善
行多見在喜壽椿萱諸作茲不再及生於景泰

中川道集

卷之三

四

清白堂

庚午正月十六日至今嘉靖十一年八月十六日卒享年八十有三歲所配宋宜人生於正統戊辰五月二十七日先卒於嘉靖三年九月十八日亦享年七十有七歲宜人鄉賢醫官宋公長女素知禮教勉脩婦職所相於侯者不一宜家之風宜播閭閻未嘗以貴自驕後事繼姑能盡禮初侯之婦氏適指揮劉銘不幸而寡大歸乃亦供奉不少替遂以終其身焉不曰彼雖無子而自有家也著稱賢孝外內不殊生子男二

中川遺集 卷五十一 清自堂

長即政千戶娶殷氏次孜娶耿氏劉氏許氏次一適千戶呂塘孫男二長清廕襲娶張氏次湛幼外孫男一呂夾鐘娶楊氏曾孫男一鳴鳳廕襲幼曾孫女二幼銘曰

高原田田紆溪綿綿有隆者丘維侯之阡阡以表著廕以德傳世嗣其官維千有年

明徵仕郎詹事府主簿侯君墓誌銘

君名謚字仲德別號樂亭居士山東諸城人永樂初以填實畿輔徙家保定雄縣曾大父林贈

資政大夫南京兵部尚書大父璿號拙庵榮祿大夫南京工部尚書父觀號二山 太子太保資政大夫戶部尚書母何氏封太夫人君天賦秀穎二山公及太夫人甚鍾愛口授孝經或韻語不數遍輒成誦遂自童丱時即求耆德俾以師事養端於蒙德器允賴芝蘭之化薰被良多乃後則文思日克出就於太史後渠崔公門為請正崔常雅重而鄉人士僉許其能嗣先休也雖場屋累困聞譽彌彰未幾二山公以戶侍考

中川遺集 卷五十一 清自堂

最得受廕為國子生卒業冒監自後則孝友益備先是 武廟大行幸及禦虜討逆二山則督餉以從比錄功又當廕君為錦衣戶侯乃遜于仲氏誥曰吾志在資科國子生亦其途第亦受新廕母有辭二山公則悅夫能讓重違本懷因授仲氏二山疾躬親醫藥至忘寢食凡所以服勤求代者罔不遵棄養則哀毀骨立若將終身焉者君子曰先王制禮屬意節制然且

遺之河猶不替於厥德

臣業美進

於是始謁大曹選 欽除 川主簿宮僚地
董詞苑職清故雖所主之殊而 亦簡界之異夫
內盈者或任情外徇者每喪志怠常起於宦成
驕易生於履盛乃君則動尚撝謙功勤匪懈保
玉不妄履冰恐陷以積久則宮端咸愛孚孿如
以慈孝績最聞 勅命褒獎進徵仕郎階封元
配李為孺人時母何已膺前此之 恩詔貤封
太夫人矣念欲終養焉弗置疏陳情切荷蒙俞
旨由是得專供子職養志承顏不止夫滑甘滫
澹以適口體而已太夫人大安也平生制行類
若此夫天相惟吉壽先諸福何造物難謀而君
以無妄末病不能勿藥享年僅四十有五壽不
俾德可悲也夫蓋嘉靖癸巳歲二月晦前之五
日云所配李孺人汾守原肅之女生子男一曰
承乾女四長許延安守范縉卿子漢英次許春
卿傳主政子訓餘尚幼將以某月某日祔葬於
先尚書新兆蓋君穆卜之佳城 上命遣官

為修築也視故塋域則益大從第國子生說介
以秋官副郎費君汝進來請余銘余濫史館亦
識主簿之為人也因書使壽諸石銘曰

上卿宮保有開慶源仲德承之無忝是敦恬潔
不煩倜儻而溫以官京朝以貴宗門人之視之
鳳舉麟軒惟則懿良命何慳屯末壽弗獲滯此
騰鶯幽幽玄堂田田清原德光有耀不泯者存

明贈南京湖廣道監察御史喬翁登配

封太孺人李氏合葬墓誌銘

中州遺集

卷之三

八

清自堂

太孺人以嘉靖甲午冬十一月哉生明卒於南
京官舍蓋仲子監察御史佑迎就祿養也先是
李初至佑則躬其旨候顏色每公餘即歸侍或
道其日了斷案以慰慈襟母子相視煦煦然樂
適伯子佐亦省覲來又晤語盡歡偶一夕疾作
醫若禱弗奏功遂爾不起於床悲以歡增伯號
仲踊終天之恨曷有止極旋於洛啓贈君窆
為合葬御史則茹哀詣余拜請誌銘按狀翁諱
賢世居洛之平樂里里人因號曰洛涯父弘母

趙氏行五夙稟淳慧耻尚華飭見賢思齊德器蚤就故賓友又字之孟希事二親四兄恭勤曲至各得其悅以故百口敬服諸姻感激廣愛容衆人有犯輒引咎不屑屑較量識者以爲此厚德宜食報乃惟淵潛谷隱距之者其後之人乎時佑已讀書遊鄉校善慶所鍾偉材自別鄉評蓋有在也雖洛涯亦自信私惟讓美於太孺人曰懿德之秀非此其誰喬之宗復有亢乎太孺人亦洛產父家李德河洛右族初喬之擇配在李而德亦喜洛涯爲佳婿自歸于喬視諸姆則最少奉事舅姑以逮處妯娌蓄卑幼婦道是執兢業靡忘不但中饋獨勞襄理內政而已洛涯甚怡豫曰能體吾之性行者也得友何良稱茲賢相矣乃其姑至呼不以名愛如已出曰吾幼婦孝吾幼婦孝太孺人益慎守有暇則督婢紡績繼晷以膏或底達旦姑嘗以過勞戕和慰撫之恒再四值姑病痿爲負以出入不俟僕婢其後姑與舅相續歿則能若時相祀器滌必親哀

感至即悲哭殆終身有慕如此壺化之行不沒而肅匪直子婦是儀雖踈族亦惟命室賴賢淑家資女士食報於天宜偕百壽乃洛涯之卒於丙戌孟秋爲享年七十有一語見孫黃門誌銘太孺人生於成化戊子距今卒年六十有七而已哀哉子男二長即佐娶王氏繼吳氏次即佑娶徐氏繼劉氏登羅洪先榜進士由大行陞南京湖廣道監察御史荷 覃恩詔得贈洛涯如已官李封太孺人女三婿范祥張威魏杲孫男四長寵聘庠彥士陸英文次官聘典膳李濤女孫女四長許嫁梁柱男次許嫁陸知府男餘尚幼既底於洛贈君葬洛南古涼樓之先兆今卜以嘉靖乙未秋九月初三日奉遷合葬於北邙新兆平樂故里之原銘曰

宗門之盛有開必先有美洛涯有配賢豈惟式後亦昭于前御史承家顯慶于天德光延延善澤綿綿永存不泯貞珉在阡

勅封監察御史加四品服霜筠劉老先

生墓誌銘

先生余師也又於外氏家爲姑丈余少也愚蒙養正隨在仰資於是遂從遊門下動有觀法增益之悅日私紀錄故凡先生之裁事揆物曲酬互應得諸心而適夫用者視人人爲備知以故中丞君以先生之墓左誌銘託爲撰述嗚呼余將何從言之先生受勅命矣享大壽矣攸好德考終命矣備膺全福今名與俱乃今蓋木事定保節完身鄉失儀刑士悲道範余又敢爲之隱耶矧按復泉大光祿之行譜爲實敬惟識其大焉者爾曰先生諱愷字邦傑行三霜筠其別號云幼有至性篤信嗜學耻尚嬉戲弱冠娶扈氏靜菴照憲之季息也同德相契內助居多先生自喜夫塾得經師室獲良友學可以致於道矣遂以家政盡付之不使諸計筭亂文藝奈何伊川之學終困場屋卒膺乎勸駕之典歲貢京師荷廷試領欽除筮仕爲汾州司訓司訓今外翰在昔皆稱廣文先生則慕清即榮養

名爲利冀當造就人材爲事功忻忻往就之乃後果以造就功擢掌黎城教篆事獲專行文教益振故令成材之盛黎人士猶念及蓋是時中丞君已登甲科改御史得拜勅命勉恩二親矣先生遂致仕歸受封監察御史配扈亦封孺人錦畫之還鄉間榮侈曰有封君之德宜有以配孺人之賢有孺人之賢宜有以致中丞君之貴乃孺人歿後今已十二禩先生則痛惟名德義不再繼日惟策杖林泉飲醇誦雅紆懷取樂不知世間之有榮貴也鄉評推重鮮見儔匹曰鳳隱梧岡芝生玄圃天下之靈瑞也其孰能及之由是而主鄉飲爲正賓者二十有六年亨衢之履日見勿藥乃余即春過家得奉瞻對見先生之語頗澁滯痰亦時作然而先生亦自知其老及也忽一夕語中丞君曰吾平生無過人事惟纖微惡念弗萌於中亦庶幾乎仰不愧俯不作者幸汝在側死復何憾念汝不負朝廷乃中止於此是有命焉安之無悶吾酷愛楊王孫

裸葬之說諒汝弗能從但以時衣歛手足足矣
勿過厚爲累味斯言也殆若未訣豈非見道者
弗惑知命者弗憂歟果未踰旬而先生以卒時
爲嘉靖丁酉四月念日距生於景泰辛未五月
五日爲享年八十七歲譜牒以來世積純厚祖
海父澄官止於清平苑園長率皆務非廣田志
存種德留之餘不盡者俾後人取食其利所以
先生歸後始葺屋廬置家塾課田飭農學問稼
圃凡所貽安身後奕世足享者靡不心切百慮
中道棄
卷之三
主
清自
備歷諸勞曰子孫其勿再勞即此業可以體於
是矣粥於是矣子男一即中丞君名大謨僉都
御史巡撫山西配岳氏封孺人女五俱適人長
張語次霍漢臣次趙國泰次侯度次程昌胤生
員孫男五爰與象生員彖與占監生初尚幼孫
女四一適監生李紹統一適指揮凌輔二未笄
會孫男二若恣若恣曾孫女四長適監生解經
餘俱幼中丞君因營兆苦被河患乃壘土丈餘
穿穴於上以是年十一月九日啓孺人窆移柩

而合葬焉銘曰

佳城研研靈阡平平幽堂玄玄羽葆翩翩哲人
之僊大老椿年以持造物以還于天碩德專專
未譽延延不朽之存奕世綿綿麟嗣祥聯蘭馨
秀傳福成五備美鑿百全善澤淵淵如泉如川
考履于前以泝以沿宰樹芊芊夜光然然貞珉
孔堅蘚蝕不穿

明昌平州太守孟公子應昌墓誌銘

孟太守者字■世家開封之永城玉立而脩

中道棄

卷之三

南一

清自

髯積陰功以務廣德美譽蘭馨晚節松勁倫其
儔足續夫洛下耆英睢陽諸老之後也少嗜學
以明經發解累官昌平太守則 祖宗之陵
寢所在也歲時拜祭非 聖駕親詣則府部大
臣代行也供頓之饒候迎之遠最稱繁劇乃孟
公則體恤靡不備至凡所以寬衆力省民財堅
持行之雖獲罪監司弗恤也識者以爲有陰佑
於百姓焉夫有陰德者必有陽報昭昭不爽也
咸曰其有後之徵乎是時公尚未生子矣乃後

則山河毓奇果生賢嗣公遂致政來歸懸車杜
門也賢嗣果奇童名應昌云初余以罷經幄
轉桂坊視南翰事永城必由之道也乃公則見
其子所謂奇童者時方數歲蓋嘉靖之甲午焉
詞能口占文如夙構經子之大義節要問之言
其畧也余甚奇之惜未錄其所云也及嘉靖辛
丑再過其邑問之則歿已數期竟爲三嘆嗚呼
何蟠桃結子之遲卿雲收瑞之速耶天下之事
有如此者其如孟公之愛慕何哉嗚呼必有後
者造物必不失其有後也今而後又將有奇如
此童者孔釋來送寧可知耶遂爲應昌者銘銘
曰
芝蘭之清瑤玉之英人皆信爲愛民之徵陰德
之呈矣豈期天奪之速而玉瘞其彩蘭摧其馨
有存不亡以光佳城

中川遺藁卷之三十二

中川遺藁卷之三十三目錄

祭文二十三首

祭大叅伯李老親家文

祭齋師李老先生文

祭三河縣主簿岳周翰文

祭侯烈婦文

代作

祭王都閫文

代作

祭汪公濟文

祭杜宜野老先生文

祭太常張先生文

祭勅封孺人徐室沈氏文

祭王淑人張氏文

謁堊告文

祭封君張練江文

脩孝陵告神文

代南工部作

祭大司徒許函谷文

祭大中丞杜研岡文

祭贈太保華蓋殿大學士謚文康序卷

李公文

祭李老親家尚氏文

焚黃告祠堂文

祭翰林院侍講學士姚明山文

祭徐母顧太宜人文

祭封君歐老先生文

祭毛東堂夫人文

祭太僕卿石亭陳老先生文

中川遺集

卷之二十三

二

清白堂

中川遺集卷之二十三目錄

中川遺集卷之二十三

大梁王教庸之著

祭文二十三首

祭大叅伯李老親家文

惟公嵩行秀氣河洛精英奪錦 龍墀筮官鳳

城乃綰銅章出宰花縣巫馬戴星循行周遍乃

報爾政定賞于朝魯恭惟最擢登部僚乃被

勅遣往司水利疏浚宣洩伯禹之智乃晉藩垣

督餉于邊馬躍士嬉劉晏之賢乃移川蜀方岳

叅政召伯既來甘棠益詠乃尋舊隱山水自娛

魏公還鄴畫錦高廬乃宴諸賓洛社之耆進階

蒙 恩壽考維祺乃誨諸子荀氏之龍長機巍

科司運河東乃夢不吉玉樓作賦八十之年一

朝物故乃卜西原伏道金牛佳城之域樹彼松

楸教姻聯葭莩義同薦蘿念昔先人感嘸彌多

謹奉牲帛粢盛醴齊月白堂空望雲酌祭尚饗

祭齋師李老先生文

惟公德存疑厚質任元樸劍鋒歛銳玉潤藏璞

行與言孚中緣外曝事簡惟明無嚴自肅室露
蘭馨馨清梅馥老以彌光溫然可掬文膺勸駕
教任淑育鳴鐸芹宮士林感服晚尋舊隱歸買
溪谷爲亭爲堂以上以築採山釣水馭鶴乘鹿
壽宜符德嶽齡川福胡爾南極霧掩雲伏人師
云已不思者孰聞茲啓壙附葬賢淑遺奠遥將
陳詞祭牘尚饗

祭三河縣主簿岳周翰文

惟靈秀鍾高嶽筮仕神州廉深簡快溫明惠柔
已馴桑雉胡刈蘭疇華滅馨藏名垂問留穆穆
長筭恢恢遠猷日短路促其何能酬志惜仇香
政美言游百身以贖計得安投龜述吉辰駿發
靈輶奠以陳詞月白風幽尚饗

祭侯烈婦文代作

鴻妻蘭歿萊婦玉沉之子之賢誰嗣其音事有
難易時無古今緬彼往跡輸爾素心爾心伊何
百煉精金以塗以炭不毀不侵昔侍夫疾抱憂
欽欽浣脂脫粉布履蒿簪計靡救藥慮殫抽尋

死以殉之乃共棺衾收淚引決瞋目晦沉用全
一醜以遂孤襟茲况古事其難莫任正氣高節
激汚勵淫義比烈士道合女箴不有青史孰諒
丹忱蔡姬博雅聆音辨琴文君藻思白首浩吟
夫豈不善終負藁砧留穢談叢遺羞士林天監
爾志靈風晝陰人痛爾苦涕淚浪淋周君明廷
特牲吊臨眷爾令德重如寶琛我同鄭鄉好德
彌深逾當眷重爲世遵謀世之有爾爲砥爲箴
其化于天爲葵爲參 皇宣有及貞珉是鏤草
賁木光山麓水潯誰能相杵爾亦含喑敬陳慰
詞冀爾昭歆尚饗

祭王都閫文代作

一勝一敗兵家之常孰能必勝變弱爲強自古
所難戰死敵場公喪沈丘于今有光嗚呼公之
壯勇時維膺揚公之智略聞於四方豈彼賊徒
能爲公殃殆天不佑抑數之當興言至此胡不
慘傷公其血食與世同芳謹具牲醴蓬豆大房
臨柩祭公涕泣徬徨尚饗

祭杜宜野老先生文

惟公價珍國器學擅家傳嶽比德尊河如智圓
起鳳賢科騰驤明府化以政成仕因功膺入署
天曹懿端清湛繼掌銓衡論推藻鑑疏批龍鱗
誦垂鵬翼雲霽日開台陞斗陟 帝曰維欽試
官常伯方晉孤卿胡捐賔客天殲良人路屈遠
圖薦紳聞計於堂踊呼弟悲棠華子痛蓼莪鳥
聞魚見避荇辭柯龜述令辰騶祭靈輶壽原來
歸清都往遊誅從物議傳俟名筆跼以陳辭禮
簡情質尚饗

祭杜宜野老先生文

斗舉夙聞雲姿未覩有美二鵷鸞儀鳳矩仲氏

中川遺集

卷之三

四

清白堂

子陽伯子才甫余與之交如珠在組義同骨肉
情關肺腑子才視余猶兄余不得視翁猶父也
父欲南轅登堂拜舞願與時違事隨心阻猥後
史職知翁倅府冀當朝集用接談塵望比懸渴
思深慕乳豈期計來遂成終古嗚呼疾不得侍
於床吊不得拜於宇葬不得引乎紼祭不得奔
走乎主是余所負於子才而猶幸哭於子陽之
下廡也徒望雲以一奠聊伸哀於萬縷尚饗

祭太常張先生文

維公價珍國器學擅家傳嶽比德尊河如智圓
起鳳賢科騰驤明府化以政成仕因功膺入署
天曹懿端清湛繼掌銓衡論推藻鑑疏批龍鱗
誦垂鵬翼雲霽日開台陞斗陟 帝曰維欽試
官常伯方晉孤卿胡捐賔客天殲良人路屈遠
圖薦紳聞計於堂踊呼弟悲棠華子痛蓼莪鳥
聞魚見避荇辭柯龜述令辰騶祭靈輶壽原來
歸清都往遊誅從物議傳俟名筆跼以陳辭禮
簡情質尚饗

中川遺集

卷之三

五

清白堂

祭勅封孺人徐室沈氏文

姆誨夙閑內則維軌荆布清持組紃素履德配
國英少湖太史太史昔稱婦中君子燕樂弗泯
鷄鳴而起事見微勞慮勝深倚匹遂歸吉朋歡
女士家以政託官緣務理考最貤封並承俞旨
壽宜符德報應食美造物云何遽焉止此華歆
蘭戒容傷玉毀大史悲思曷惟其已尚饗

祭王淑人張氏文

惟靈毓祥江潤配德山貞柔爲剛濟莊以順承

借是期維善之行夫觀家相嗣衍國祚貴輕
萬姓訓止一經庭桂競爽科甲聯名王季金昆
麟軒鳳鳴爲少叅伯爲大司成貤恩封拜重誥
褒楊僊萱大椿齊壽並榮食報無疆於行有徵
胡茲長逝還化青溟玉瘞光存蘭隕芳凝母儀
足範婦道以成是曰不忘雖歿猶生尚饗

謁塋告文

維嘉靖十三年歲在甲午七月丙寅朔越十五
日庚辰孫男教敢昭告於 祖考府君祖妣孺

中人

卷之三

六

清白堂

人 伯考府君伯 妣孺人顯考府君顯妣太
孺人暨諸兄季弟曰教仰賴慶餘荷蒙陰佑已
於辛卯歲冬十二月錄翰林院編脩陞本院侍
讀乃今歲春三月復承先佑推陞左春坊左諭
德仍兼侍讀署掌南京翰林院事懷切恩慈感
惟訓育晝夜靡忘音容如見不勝愴悵之至所
幸道經家鄉便得拜省月朔之晨先已祭告茲
謁塋城復此踧陳於乎天地之德罔極難酬顯
楊爲孝戰兢恐陞伏祈保護使能職業以備忠

誠以盡以完臣子之節以爲家世之光宗門之
亢官斯有榮身可無玷矣謹告

祭封君張練江文

於康公之生止於是乎造物者誰有意與無德
徵鶴鳳鳴盛天衢華國名家以昌翼謨借云無
意善慶何俱福裔備五貴斬登孤待膺封誥復
爾僊徂云有意者亦厚斯誣美茲長筭伊阻中
途悲哉短局不申永圖食德未竟享報成殂謂
天蓋高以額以呼天曰何知有帝司符帝曰何
心有命難渝孰綱維是理極氣殊不忘者存遺
德之模不朽者堅守道之腴此道此德爲考爲
胡謨逾昂僊服邁緋朱世傳弗泯人天乃孚尚
饗

修 孝陵告神文

代南工部作

聖神在上有昭于天妥體綏靈惟茲 陵宇邇
者守臣奏以正殿明樓金門等處年深木蠹日
漸瓦脫甚切惶懼亟令擇吉於是月十日歲利
方嘉興工肇役易朽以新圖惟末寧基崇萬禩

望紓兆民伏惟鑒知謹告

祭大司徒許函谷文

惟靈因文求道以道爲學學優則仕道明有樂志遠而貞體潔如濯履道坦坦行表卓卓持專清亮抱永忠懋著書立言佑正黜駁師尊胃監講侍 經輟啓沃 上心陶成後覺天官少宰地卿連摧世珍騏驥人比驚驚深藏若虛大璞不斲鄉邦範模士林卓犖鍾潤于河萃靈于嶽宜膺耆壽以昌述作胡此僊遊遽還冥漠令德有徵清譽難磨不忘永存繼美濂洛尚饗

祭大中丞杜研岡文

命由天賦厥稟宜均胡研岡子薤露先椿玉毀瑤櫝蘭城京塵孰奪此良遂殞厥身豈造物者忌才君子之生有不辰耶抑數窮理盡司其錄非鬼神耶壽不侔德纔止五旬嗚呼哀哉何究斯因惟公國器希世絕珍文垂不朽襟抱長春儀周軌物惠足裕民用無弗宜効有必臻氣以直壯志緣道伸爲儒士 名紹紳不滯之材

濟時之臣冀北駃騠穎上麒麟仕不廢學恕以求仁進焉靡已見之獨真廣業難量厚養方申未竟之志賁以湮淪教等舊同鄉舉仰德維新契在莫逆情逾至親感今憶昔加痛增辛天不可問命所艱詢雲儀異世斗譽畢存靈輒既駕吉月今辰陳牲祖奠灑泣霑巾尚饗

祭贈太保華蓋殿大學士諡文康序菴

李公文

曰在昔嶽山降神生甫及申公之生雖後其時乃今佐政 皇朝百度維新考德論業亦實維其人也公之德崇胞乎其仁大公無我與物同春海涵衆瀆山蘊奇珍殆幾夫犯而不校樂以忘嗔以能黜機墮智返朴還淳是以狡僞者化傲慢者親進而見之退如飲醇由是而措諸事業廣大莫倫詞垣製作講幄敷陳功深啓沃世仰陶甄爰登黃閣翊贊 紫宸職司代言體重絲綸譽彌寰宇澤被生民三台上相一代師臣宰階異秩疊至駢臻貴而不驕質任天真宜膺

古栢靈椿山頽海竭胡此昌辰嗚呼此命
數之所難知造物者之莫可與詢也天儲文瑞
龜龍鳳麟經道以具政治以因度靈比瑞公其
匹鄰豈云雍露溘殞厥身不朽者存傳世無垠
足徵夫流芳於信史銘功於貞珉也教生也晚
承誨獨諄感今憶昔倍痛增辛跪以陳詞涕下
霑巾尚饗

祭李老親家尚氏文

維靈坤質柔從內行婉粹配德賢明宜家惠懿
教子惟經相夫以義夫享耆德子遷 胡貴比
善淑姬并名女士婦道毋儀兼備胥備埃見地
封榮膺霞帔胡此僊遊遽成長逝泉傷玉埋曉
悲蘭瘁不朽之存貞珉之誌尚饗

焚黃告祠堂文

維嘉靖十九年歲在庚子夏六月辛酉朔越二
十八日戊子南京兵部右侍郎孝孫男教謹以
剛鬣柔毛淦盛庶品昭告於 曾祖考府君曾
祖妣孺人 祖考府君祖妣孺人 贈左春坊

左諭德兼翰林院侍讀顯考府君贈宜人顯妣
孟氏曰計辭尊慈茲將三禋仰念音儀不勝痛
慕伏從南翰轉陞祭酒謹奉遺訓不與心違供
職惟勤體國無倦乃荷 廷推再陞今職此皆
朝廷造就之恩 祖考庇佑之福也自惟菲薄
曷以克致罔極之報國重顯揚惠澤之長家資
德善世以敬不敢忘源本益慎於初享食餘慶
期無棄墜用光訓詞仰惟裕後之靈益垂慈憫
之愛俾屢享吉末終榮庇茲以原頒誥命膝黃
焚告對揚皇休用昭 聖恩長孫貞明二十宜
冠即茲今辰爰命加冠併以拜見惟神顯佑之
謹告

祭翰林院侍講學士姚明山文

昔自家食已聞今譽久矣乃何幸則接榮鳳翅
隨行龍首同舉禮闈於公之後焉惟公慈湖秀
靈儒林茂異玉立頎長金聲洪遠經學蘊藉家
有真傳藻繪煥章 國推重器以能倫魁甲科
狀元及第殿撰蒙恩史局稱最喬擢 宮僚超

學士其知公者曰望以資蔭寵緣才致待補
重台遲登三事其不知公者曰霄漢兢馳通顯
爲貴寄籍聖賢取榮祿位乃公則驥備諸良龜
抱群藝擅場詞垣專門詩義用陟夫翰苑清華
桂坊重地也宜膺五福以享百歲累躋旁階徧
歷騰仕乃前月則計音南來邸報北至以知乎
卹典之加宸章之祀矣於乎痛哉公何爲遽
有此哉豈筭長局短數應惟是耶抑一身裴美
造物者恒忌耶故雖行路之人聞亦歎噫乃託
中川遺集 卷五十五 十一 清江堂

夫朝露易晞春蘭蚤瘁近川其回隕星何易也
嗚呼玄泉玉沉佳城寶瘞未竟厥施歿傷實志
教遙睇雲輻馳情海際有慟彌襟無邊灑淚尚
饗

祭徐母顧太宜人文

惟靈鍾秀江澄萃奇海潤坤直以方巽柔而順
方斯厚持順能婉遜內政整脩中壺嚴振動有
咸宜體無不信女則素閑婦道克盡誥彭母儀
身與德殉莊正而溫靜定以鎮若子慈安穆姜

敬慎由是而福基增崇慶源弘濬匹善夫君
祥嗣胤能使之起家翰學成名才俊荷衢于天
升階于晉陸張佐唐藥龍輔舜運登乎樞位之
尊台揆之峻也嗚呼貽恩之封既已夙承如阜
之壽亦宜永膺胡茲長逝遽爾遺榮嗚呼珠墜
重淵玉埋九京載德之考阡砥之貞是爲不朽
之存不墮之聲素絲瑩潔白璧晶明尚饗

祭封君歐老先生文

公昔之至止留都彌歲欵留幸獲瞻對啓候貞
幽乃奉別之幾易星霜而道履之遽此僊遊也
計音初至審諦未由豈何能崇療何弗瘳宜仁
者之必壽何甲寅之未週爲灑泣於東江誄高
士於南州准公少微之應大隱之傳湛襟星渚
棲志雲丘近樂夷邵上慕巢由知足不辱有憂
無憂嗣業家塾遠跡王侯人稱高尚比德名流
乃公則撫勤鶴鳳杖倚靈鳩計老爲終易行以
休鳳鳴舜治公荷天庥 璽誥褒封金紫優游
錦堂增耀海屋添籌邁齡鶴彭等世蟬蛻胡拍

賓客遁形島洲嗚呼冥鴻易去歸鶴難留不忘
者存素節清修貞石之垂玄堂之休顯贈祥加
邑乘刊孚徵賢考祥備采旁收尚饗

祭毛東塘夫人文

惟靈之秀孕坤貞合以天作翊德之行履順而
恪是以東塘老先生則室慶良友家資賢相學
陟高明宦登清望爲之狀列里姓貽荷 國恩
璽誥褒封受祉駢蕃蚤鍾鳳嗣瑞比麟祥足光
前烈克紹東塘教惟老先生之門下士焉領誨
無涯聞知有素詞曷畢述行難殫布宜壽而昌
以求終枯胡此僊遊還精星婺雖則相我老先
生之德建政成職尊位重功懋鼎彝朝資梁棟
乃不待夫 宸眷並優渥恩同享與 國咸休
奕世共仰止獲夫 諭祭之榮大葬之命抱一
令終不二之正也於乎痛哉尚饗

祭太僕卿石亭陳老先生文

先生於教則爲場屋座主教也驚足之鈍實叨
門下之所舉士焉夫主司掄材士難知已實價

莫酬劔光空倚乃教則感遇高明重增倍徙起
家自茲入官伊始以獲濫等甲科備員太史徧
歷清華荐膺金紫匪賴登收奚緣階址何以報
德祝先壽祉鏤在寸裏條將二紀胡捐賓客遽
辭闕里瑤島僊遊海天棹艤途恨幽殊悲增數
否瞻對靡從涕而橫瀾於乎不忘者存清風素
履髦俊依歸耆英輒執著見述作例精條理考
賴著龜師資肯綮以故史局三長詞垣專美價
重錦囊體傳繡梓於乎寓內之醇德洽聞江東
之博雅君子也未竟厥施庸傷齋志食報龍脩
宜鍾鳳嗣書香永襲宦業昭似公歿猶生我思
弗寘尚饗

中川遺稿三十三卷

浙江巡撫
採進本

明王教撰教字庸之祥符人嘉靖癸未進士官至
南京兵部右侍郎是集乃其子在阡所編凡賦二
卷古今體詩十三卷樂章及詩餘一卷雜文十九
卷前有李廉序稱其學窺本原志在康濟居嘗語
人曰吾賦性蹇拙詞翰誠非所長是教平日本不
以詩文自命故所作卷帙雖富大抵縱筆所之不
甚翦裁結構也